

聖年廣益

上海土山灣印書館印行

No 38

2000 7-32

J. F. Moyra de Maillac, s.j. (1666-1748) 馮秉正

VITAE SANCTORUM

totius anni

5^a editio

~~~~~

南  
京  
主  
教  
惠  
重  
准

一  
千  
九  
百  
三  
十  
二  
年

第  
五  
版

序

粵稽上世。道載人心。率降衷之知能。觀物察理。瞻宇宙之蕃賾。卽象窮神。莫不共信共徵。欽崇主宰。淵微莫測。浩蕩難名。厥後惟因物欲相徇。遂致秉自彝昧。加以空門禪釋。雜以黃老僊巫。儒者尙文。侈談理氣。愚夫易惑。罔識本原。爰有儀型。聿昭西土。無方外旁門之躋駁。垂大中至正之綱常。事兼常變。經權旨極。顯明深奧。今約言之。造化萬彙之主宰。無聲無臭而一三。奉行庶職之靈明。無數無形而九品。因傲神被黜。用士成人。廼鬼蜮滋奸。餘殃終古。儆以溺焚。勿悔。誠以敬愛勿違。蓋濟變

必用權宜。惟從權而後經正。時當西漢哀平之際。降於  
皇王達未之裔。胎潔女貞。主性與人靈結合。神謳豎詠。  
上天共下地賡颺。三君覘景宿以來朝。二老捧聖嬰而  
共慶。幼登講席。壯歷名邦。聾者聽。瞽者視。癩卽淨。跛卽  
趨。喑啞能言。枯骸能活。言行紀於四史。體血享於離筵。  
假負賣之逆徒。赴山園而授命。官衙茨擊。碎首剝膚。十  
架釘鎗。肢穿脅潰。血山旁午。猝然天晦地崩。荼酷告終。  
慟矣香膏白布。歷三日。石塚再生。閱四旬。天衢上達。在  
庭陟降。寵恩施火舌之光。以信爲經。聖事定闡揚之跡。  
守十誠以承八福。勤七克以避三仇。瞻禮有期。誦經有

課。齋嚴大小。愛別神形。身終之四末常虞。世盡之大公必至。人皆謂以上所言。西土經書爲證。吾則云。可離非道。中華文獻尤明。請熟思之。鳳鳥河圖。誰堪此望。蒺藜株木。誰犯此刑。何自而知化育之全能。何據而定乾坤之幾息。且也何德何功。使迄今庶無罪悔。如此之言。不遑縷述。今而後。當豁然而信乾坤之道。常以制變。變以行常。豈有四時百物以養其身。而不立表垂恩以全其性耶。是故兩間最大之事。未有大於救世者之降生。今而後。又恍然而悟古來先知先覺者。爲此言而必微。爲此費而必隱。爲此聞不可得。爲此民不使知。變化錯綜。

借詞屬意。倘能掃除陳見。好學深思。俾引喻微文。俱有着落。然後知兩間最急之務。亦未有急於救世者之降生。後世只知已然。不知所以然。於是微言晦而正義乖。文未詳而事亦闕。隱疑爲怪。費入於歧。無論西土所傳。肆行詆毀。卽古來良弼九齡之夢。桑林禱雨之誠。尙生疑議。何有於海外遐方之掌故。中庸論至誠之功用。旣稱其肫肫。浩浩淵淵。尙云其孰能知之。前人蚤已決辭明斷矣。值前明之末造。嗟大道之難容。粵島三洲。梯航首至。而僅存虛隴。名邦逆旅。經像來王。而自嘆畸人。雖理學名卿。多留心卒業。在互鄉庸俗。仍大惑以終。欽惟


我世祖章皇帝。一戎底定。百度維新。冊號加封。建堂勒石。仰見凡爾疇人。永斯矜式之旨。昭然如日月經天。我聖祖仁皇帝。恩逾怙冒。政重懷柔。通都之輪奐綿連。禁掖之堂廉鼎峙。令甲行於閣部。匾聯出自御題。主宰真元。龍章赫赫。權衡拯濟。誕誥煌煌。及此昌期。共欣際可。福音四達。多士盈庭。泰西端友馮師。來自拂郎。濟亞蚤年矢志。棄俗精修。跋跣長途。承恩中秘。時而扈從玉邸。時而測驗方輿。賢勞三十餘年。不辭况瘁。爲盡生平之願。力疾兼營。翻譯規條。同仁合愛。擴充聖所。敬業樂羣。分列四經。俾人行有餘力。同求主保。各人月領一單。其

於教育之方。似亦至矣。而馮師猶重慮焉。奉命聖而不  
悉其芳踪。奚由效法。求當務而不示以準繩。難以景從。  
自忘衰邁。蒐譯成編。名曰聖年廣益。編分十二。計三百  
六十五章。聖哉此年也。欲知每日主保之聖。卽有聖傳  
可徵。廣哉此益也。欲行每日當務之工。則有聖思可倣。  
吾知是書出。凡隸仁愛之籍者。固當好學以敏求。卽不  
在仁愛之籍者。亦必嚮風而興起。其有功於世教。豈淺  
鮮哉。適余聞先太恭人之訃。治喪歸里。正值棗梨工竣。  
苦田中。再三展讀。字字莫非鍼砭。言言盡屬鞭箠。古今  
來。所稱善教得人心者。蔑以加矣。奈余碌碌仕途。不獲

與馮師朝夕晤言。助其作述。猶幸家學淵源。得盡悉名  
教中顛末。故因是書之成。而序其梗概。俾天下後世。咸  
知吾中國之欽崇天主。今雖傳自泰西。實非泰西之教  
也。吾良知中共徵共信之至道統也。聖賢以之安人修  
己。朝野以之治國齊家。蓋可忽乎哉。

戊午仲秋之望。賜進士出身御前三等侍衛誥封中憲  
大夫懷遠將軍湖廣湖北湘襄陽鎮前營遊擊加一級  
前署九溪協協鎮控制峒苗副總兵官從教後學古檀  
洲趙克禮子敬氏薰沐拜題

聖年廣益... 趙序



辨

聖年廣益首編

小引

仰惟吾主耶穌。曾訓宗徒云。爾如世光。山嶺之城。不能隱。燈  
燭不能籠。必置諸高臺。照在爾室內。眾人。爾光宜明人前。得  
見爾美功。讚美在天爾父。大哉主訓。當時現在之宗徒。俱見  
而知之。今欲爲繼起之宗徒。豈可不聞而知之。况仁愛規條  
內所行之本分。盡係宗徒之美功。聖經嘗言。無愛不爲仁。無  
仁不成愛。果然有仁有愛。必能有高有謙。人我俱受其益。如  
大光高照。有炎有熱。似此訓語。諄諄。應當小心契合。倘或無  
熱無光。斷不能盡仁盡愛。何以完聖業規條之本分。今名登

聖籍者。未必皆如當日之宗徒。本身尙無熱氣。身外安有餘光。離了善全之法。則長負神恩。於心何忍。再四思維。惟有聖教警言。聖人行事。始足以動人效法。與其熱愛之心。若將現在最大最多之美利。棄之如泥沙。並無一毫顧惜。請問從前進教時。所說敬天主救靈魂的主見。作何着落。弗思甚矣。吾爲此懼。將所傳眾聖人。一日用一位。多依本聖人棄世之期。挨日編次。亦間有別故。那移前後者。統滿一年之數。每日首列聖人之名位。繼以訓誨之警言。使人觸目儆心。反求自己之行事。語言相合否。合則感謝不遑。不合。則改遷靡懈。又欲增其明悟。廣其見聞。將本聖人生平之美功。序其大畧。以爲

效法之資。至於宜行之德。當務之求。卽吾主所望我輩之大光。最爲緊要。惟此美功。有內有外。但在內之美功。雖多。默想竟操其總。在外之美功。不一。誦祝亦居其先。故每日俱有聖思三則。使知宜行之德。應如是也。末附祝文一則。使知當務之求。又應如是也。初或不能默想。只先按日看書。亦沾其益。迨至日復一日。年復一年。將後開簡易要法。留心學習。必然而心悅神怡。自能默想。卽外功之誦祝。亦與內美相聯。到此地位。始知仁愛大功。全包涵於此書內。而無所不足矣。成己卽可以成人。誰非繼起之宗徒。倘能專心向主。發憤有爲。從未見求而不得者。幸毋自廢於半途焉。

時

天主降生後一千七百三十八年

耶穌聖體瞻禮日泰西耶穌會士馮秉正端友氏敬

題於

皇城西安門內之仁愛聖所



默想神工簡易要法

聖教默想之工。並非空幻虛無。是真真實實。思想天主全能全智全善之本體。無所不在。無所不能。無所不知之聖性。生我。養我。救我。贖我之大恩。吾主耶穌傳留之訓誨。歷來諸聖所建之美功。雖人有智愚雅俗之不同。而領此神恩者。並無高下尊卑。但自知本來愚魯。一時未能通悟。當先將聖教之警言。聖人之行事。看而又看。溫故必能知新。不可因不能而即止。故凡興工之始。須先向天主臺前。求主開恩。極其肫切。如子求父。如奴求主。則所想之神工。不難遷善避惡。增明悟於靈魂。發心中之熱愛。今論其簡明容易之要法。約有四端。一曰預備。一曰形像。一

日默存。一日祈求。得此四法。思過半矣。

預備

預備之法。無他。謂預備何時欲興默想之工也。猶如做官的人。今早有上朝啟奏之事。昨晚必先端正。臨時還要檢點。纔有仰合君心之望。默想亦然。一要遠備。一要近備。所謂遠備者。昨晚預先想定題目。將此題旨。融會明白。打算興工之時。從何義理發出所想的緣故。謹存於心。此念一起。就該離開外務。誠心做此神工。專爲恭敬天主。使靈魂得沾神益。所謂近備者。本日早起。卽當凝神定志。恭請聖號。雖俗務未來。毫不敢分心。算計別事。單單只求天主。仰受寵恩。求畢。卽點聖

水於額。灑聖水於身。合掌對心。興工默想。但恐初學之人。無從下手。畧提四樣。以作興工之綱領。或想天主明明在上。眾天神眾聖人。兢兢業業。環扈趨承。我係罪大惡極之人。何敢同跪叩於聖座之下。惟求天主。看吾主耶穌救贖之功勞。容我罪人。痛悔改遷。得蒙默想之益。併求聖母仁慈憐憫。再求護守天神。本名聖人。主保聖人。及眾聖人。轉求主佑。助我輔我。導引我。使我能勉力以成此工。或想我身。現在天主無所不在之內。神形俱蒙嘯拂。如大海中之鱗介。內外俱受恩波。今蒙主豁我明悟。鑒我至誠。定我心志。安置我於恩榮全福之中。明知呼吸相通。我所以不敢不純心翕合主旨。卽

當伏叩求憐。以獻我之懇切。或想吾主耶穌。寬大仁慈。容納我默想之微忱。必然從天看我。我當如何上陳。如何對越。纔能不負大主之鑒觀。言念及此。應該惶懼俯身。斂容稽首。以表我之仰瞻。或想吾主耶穌基利斯督。必然在我默想中。疼我。愛我。喜我有此神工。但我係當棄當罰之罪人。惟倚靠吾主功勞。聖母保佑。諸天神聖人引導。寬我。容我。至有今日。敢不踴躍樂從。惟有虔心跪拜。以謝此莫大之恩。

### 形像

形像有二。俱從題目上分別。假如題目。要想耶穌降誕之時。生於馬棚。臥於馬槽。聖母與若瑟同在其旁。左右上下。圍繞

許多天神。必恭必敬。或要想耶穌在加爾瓦畧山。釘死於十字架上。聖母與聖若望同在兩旁。山前山後。圍繞許多惡黨。如此之類。皆係有形有像的題目。用此題目興工。就該把我一點熱愛之心。勇往直前。神遊所想之地。竟與親眼看見。親身同在的人一樣。有此光景。日進日深。自然漸臻於至善之地。而欲罷不能矣。假如題目要從天主大恩大道。發出默想的緣故。或本身之罪醜。或世俗之虛浮。或德行仁恩之正樂。如此之類。皆係無形無像的題目。用此題目興工。就該從那所想的主見。認清一路。轉展尋思。自己問明自己。人能周詳慎重。如此分別有形無形的題目。每日所開聖思一則。就容

易取用。併那一層深一層的想法。亦可了然明白矣。

### 默存

默存之工。專屬明悟之事。係收斂或有形或無形之義理。存注於神明引悟之中。盡我之力。多方推究。以悉本題之深意。使我靈魂。得沾耶穌寵蔭之利益也。比方題目。係耶穌受苦受難。該想誰來受苦。就是天地神人萬物之大主。就是天主三位一體。第二位聖子。又該想受的是什麼苦。鞭笞釘鎗。無刑不及。剖心破脇。無血不流。該再想爲誰受這個苦。就因我背恩大罪。更該想爲什麼緣故。受這樣的苦。單單爲贖我免下地獄。救我得升天堂。似此有像的題目。先要看此像內所

有之事。又該反問自己。是誰蒙此救贖。今日爲何做此神工。將這等意思。專心追究。總歸於己。默存於心。必然靈魂有益。若係沒有形像的題目。該細察一句一字已發之深意。還該推求本句內未發之深意。果然知道明白。須回問自己之心。這句經上的話。你向來信不信。這條罪惡。你從前犯過沒有。這樣德行。你平時肯做不肯做。看見有德行的人。心中愛慕不愛慕。如此查問一查問。算計一算計。以後如何可能不犯罪惡。如何可能做此德行。一一牢記不忘。亦與靈魂有益。

### 祈求

既知預備之法。又能分別形像。注意默存。必竟奮然感發。情

動於中。如火之熱。由下而炎上。由內而達外。當此動心之時。將見敬愛天主。悔恨罪根。望天堂。怕地獄。想天主降恩降福。憂自己無德無功。賴主仁慈。承行聖意。憐我痛悔。得免罪刑。於此數者之中。定有一二端祈求之事。或求合主命。或求改前非。或求免永殃。或求賜真福。種種合理之事。各隨所欲而求。但求之之法。全要仰仗吾主耶穌苦難之功。聖母聖人。護守天神等。轉達之力。故求之之時。必用天主仁慈。感激天主耶穌。許我懇求之恩命。若論我自己。形衰神弱。甚困甚窮。甚愚甚懦。軟懈苦煩。不堪之極。離了天主的寵佑。斷不能免。須臾之誘惑。斷不能成。涓滴之微功。默想工完。必誦天主經。聖

母經各一遍。以謝今日得蒙神益之恩。隨將所想始末。筆之於紙。過了數日。可知每日工夫的深淺。容易較量。熱心好處。益加奮勉。冷淡不好處。定心斷絕。則工夫必能日勝一日矣。

### 事例六則

一。論地方。該離世俗之外務。以防擾亂。不當在嘈雜之所。

一。論時候。該在早晨初起時。因此時。俗務未來。心思未亂。如早晨設有事故。不能興工。卽於或午或晚。俱可補行。勿使間斷。

一。論禮節。該當跪叩。若不跪叩。或緩步沉思。或斂容拱立。到了聖寵動心之時。合掌匍匐於天主臺前。亦可聽各人擇定。

何樣禮節。可動我熱愛之心。可獻我尊崇之意者。行之  
一。定了題目。與工默想時。或有一句一字之意。更覺動念熱  
心。就要隨此動念之恩。愈加我之熱心。卽此一句一字。必於  
靈魂有益。若默想此題之時。另有動心的好念起來。雖與題  
不合。並無妨害。當知合理之念。忽然而起。不但不是雜亂。恐  
係天主之恩。成全我所行熱愛之事。  
一。默想時。自覺無味。亦無妨害。但不可因無味而卽停止。該  
回想自己卑污至極。如貧賤人。在富貴人座下。乞賜救憐之  
狀。故必求天主垂憐幫助。方得此工之益。又該回想此等冷  
淡。從何而來。或因俗事牽連。心志不專。必與天主之神恩。不

能相合。速宜斷絕牽連之事。庶可望主垂憐。或因初起未諳。不知仰受神恩。故覺得冷淡。日久自然熱愛。或因念頭言語行事之間。必有得罪天主之處。應痛悔之。方能免受冷淡之罰。若省察不明。當因冷淡之故。發憤用工。以補前愆。

一。論雜念。不要亂心。此雜念有兩樣。或俗念。或聖念。論聖念之來。動心加熱。算不得雜念。雖不合題目。並無相妨之處。若此念雖來。不覺得動心。亦不能加熱。當歸於雜念之內。至於俗念。必定要小心退去。退而復來。卽向天主臺前。求憐求佑。自忖如此卑賤罪惡。所以有這雜念起來。更該苦懇哀求。望主加力以退之。



# 聖年廣益 目錄

| 日期   | 內容                       | 頁  |
|------|--------------------------|----|
| 正月一日 | 聖婦默辣尼亞苦修 聖思小心靈魂          | 一  |
| 二日   | 聖格辣祿隱修 聖思盡心              | 八  |
| 三日   | 聖女日諾物瓦童身 聖思防死            | 十二 |
| 四日   | 聖西默盎瑟弟利大隱修 聖思想審判         | 十八 |
| 五日   | 聖赫都哇國王 聖思想天堂真福           | 二三 |
| 六日   | 聖盧先主教聖瑪暹鐸聖儒連副祭致命 聖思想謝聖洗恩 | 二八 |
| 七日   | 聖路濟亞諾致命 聖思想地獄之苦          | 三二 |
| 八日   | 聖老楞佐儒斯弟尼亞諾主教 聖思守十誠       | 三七 |
| 九日   | 聖儒理亞諾致命聖女巴西利撒童身 聖思小心救靈魂  | 四一 |
| 十日   | 聖味肋爾莫主教 聖思謹遵主訓           | 四七 |
| 十一日  | 聖特阿多爵顯修 聖思小心時候           | 五一 |
| 十二日  | 聖若望加拉必大顯修 聖思克己           | 五六 |
| 十三日  | 聖拂理斯鐸德致命 聖思輕財            | 六一 |

|     |            |          |     |
|-----|------------|----------|-----|
| 十四日 | 聖貌祿隱修      | 聖思善用暫生   | 六四  |
| 十五日 | 聖保祿隱修      | 聖思輕世     | 七〇  |
| 十六日 | 聖何那辣多主教    | 聖思棄絕虛幻   | 七四  |
| 十七日 | 聖安當隱修      | 聖思愛靜德    | 七七  |
| 十八日 | 聖女俾理斯加致命   | 聖思善惡之畏   | 八四  |
| 十九日 | 聖加努德國王致命   | 聖思始終堅固   | 八七  |
| 二十日 | 聖巴斯弟央致命    | 聖思隨聖人之表  | 九〇  |
| 廿一日 | 聖女依孺斯致命    | 聖思淨心     | 九四  |
| 廿二日 | 聖味增德致命     | 聖思愛克苦    | 九八  |
| 廿三日 | 濟貧聖人若望主教   | 聖思愛德     | 一〇二 |
| 廿四日 | 聖弟莫得阿主教致命  | 聖思化人     | 一〇八 |
| 廿五日 | 聖保祿宗徒歸化    | 聖思隨主默導   | 一一一 |
| 廿六日 | 聖玻利加爾玻主教致命 | 聖婦保辣苦修守節 | 一一四 |
| 廿七日 | 金口聖人若望主教聖師 | 聖思以善勸人   | 一二三 |
| 廿八日 | 聖儒理亞諾主教    | 聖思盡意     | 一二七 |

|      |             |        |     |
|------|-------------|--------|-----|
| 廿九日  | 聖方濟各撒肋爵主教   | 聖思良善   | 一三〇 |
| 三十日  | 聖女瑪爾弟納童身致命  | 聖思情願克苦 | 一三六 |
| 卅一日  | 聖婦瑪爾則辣孀居靖難  | 聖思輕世俗  | 一四〇 |
| 二月一日 | 聖依納爵主教致命    | 聖思愛主   | 一四五 |
| 二日   | 聖瑪爾谷隱修      | 聖思毋妄証  | 一五一 |
| 三日   | 聖伯辣爵主教致命    | 聖思補贖己罪 | 一五五 |
| 四日   | 聖得阿斐祿痛悔之表   | 聖思恭敬聖母 | 一六一 |
| 五日   | 聖保祿彌吉       | 聖若望邊多  | 一六六 |
|      | 聖雅各伯稽賽      | 日本國致命  | 一七〇 |
|      | 聖思勸化外教人     |        | 一七四 |
| 六日   | 聖女篤羅德亞童身致命  | 聖思恃主   | 一七八 |
| 七日   | 聖女亞加大童身致命   | 聖思潔淨   | 一八三 |
| 八日   | 聖斯德望隱修      | 聖思謙遜   | 一八七 |
| 九日   | 聖女亞波羅尼亞童身致命 | 聖思用心求主 | 一九三 |
| 十日   | 聖偉列爾莫隱修     | 聖思加敬聖體 |     |
| 十一日  | 聖瑟物令顯修      | 聖思欣勤神工 |     |

|     |            |            |     |
|-----|------------|------------|-----|
| 十二日 | 聖女歐辣烈童身致命  | 聖思守志       | 一九七 |
| 十三日 | 聖瑪弟尼亞諾隱修   | 聖思慎防邪誘     | 二〇〇 |
| 十四日 | 聖瓦郎定鐸德致命   | 聖思為主甘受艱難   | 二〇五 |
| 十五日 | 聖法斯定       | 聖若未達致命     | 二〇九 |
| 十六日 | 聖女儒理亞納童身致命 | 聖思想主造物恩    | 二一三 |
| 十七日 | 聖西爾文主教     | 聖思慎救靈魂     | 二一七 |
| 十八日 | 聖西默翁主教致命   | 聖思愛十字聖架    | 二二〇 |
| 十九日 | 聖阿施彼阿主教    | 聖思聖信       | 二二三 |
| 二十日 | 聖恭辣多苦修     | 聖思輕世俗      | 二二七 |
| 廿一日 | 聖特阿多羅致命    | 聖思求明智      | 二三〇 |
| 廿二日 | 聖婦瑪爾加理大苦修  | 聖思自新       | 二三四 |
| 廿三日 | 聖辣匝祿顯修     | 聖思感謝吾人爲天主像 | 二三八 |
| 廿四日 | 聖瑪弟亞宗徒     | 聖思謹隨默佑     | 二四一 |
| 廿五日 | 聖薄爾斐畧主教    | 聖思誠心與彌撒    | 二四三 |
| 廿六日 | 聖味多爾隱修     | 聖思真謙       | 二四七 |

|        |            |               |     |
|--------|------------|---------------|-----|
| 廿七日    | 聖良德祿主教     | 聖思愛天主         | 二五〇 |
| 廿八日    | 聖羅瑪諾       | 聖路彼西諾苦修       | 二五三 |
| 三月一日   | 聖良主教       | 聖熱爾瓦削聖斐理伯弟兄致命 | 二五七 |
| 聖思愛人如己 |            |               |     |
| 二日     | 聖西未亞爾顯修    | 聖思盡力神工        | 二六〇 |
| 三日     | 聖婦古尼公德國后   | 聖思潔淨          | 二六三 |
| 四日     | 聖加西彌祿顯修    | 聖思謹防罪過        | 二六六 |
| 五日     | 聖福加斯致命     | 聖思修治靈園        | 二七〇 |
| 六日     | 聖女各肋達童身    | 聖思加敬聖體        | 二七三 |
| 七日     | 聖多瑪斯顯修聖師   | 聖思效法聖人行實      | 二七六 |
| 八日     | 聖若望德德阿顯修   | 聖思良善          | 二八一 |
| 九日     | 聖婦方濟加苦節    | 聖思順命          | 二八七 |
| 十日     | 聖西里榮等四十位致命 | 聖思隨主聖意        | 二九〇 |
| 十一日    | 聖女加大利納童身   | 聖思忍耐          | 二九五 |
| 十二日    | 聖額我畧聖師教宗   | 聖思謙遜          | 二九九 |
| 十三日    | 聖女歐弗辣西亞童身  | 聖思守齋          | 三〇四 |

|     |                   |              |     |
|-----|-------------------|--------------|-----|
| 十四日 | 聖留斌主教             | 聖思祈求         | 三〇九 |
| 十五日 | 聖隆仁致命             | 聖思恭敬五傷       | 三一二 |
| 十六日 | 聖亞巴郎隱修            | 聖思尊貴靈魂       | 三一五 |
| 十七日 | 聖巴弟利爵主教           | 聖思事主之樂       | 三一九 |
| 十八日 | 聖歐落日鐸德聖女祿格肋濟亞童身致命 | 聖思慈憫         | 三二三 |
| 十九日 | 聖若瑟聖母淨配           | 聖思恭敬聖若瑟為中國主保 | 三二六 |
| 二十日 | 聖若亞敬聖母之父          | 聖思勉為天主繼子     | 三三二 |
| 廿一日 | 聖本篤隱修             | 聖思避靜         | 三三五 |
| 廿二日 | 聖婦加大利納童身          | 聖思默想耶穌苦難     | 三四二 |
| 廿三日 | 聖未爾多連等致命          | 聖思尅苦         | 三四六 |
| 廿四日 | 聖保祿主教             | 聖思篤信         | 三四九 |
| 廿五日 | 聖離沙爾幼童致命          | 聖思效法耶穌       | 三五二 |
| 廿六日 | 聖物弗蘭主教            | 聖思善求         | 三五五 |
| 廿七日 | 聖斐肋蒙等致命           | 聖思慎言         | 三六〇 |
| 廿八日 | 聖婦伯而伯都亞聖婦斐里西大等致命  | 聖思努力神工       | 三六四 |

|      |            |          |     |
|------|------------|----------|-----|
| 廿九日  | 聖德樂心主教     | 聖思謹防死候   | 三六七 |
| 三十日  | 聖禮爾主教      | 聖思情願學聖   | 三七〇 |
| 卅一日  | 聖達尼爾客商致命   | 聖思小心克己   | 三七四 |
| 四月一日 | 聖女投爾多辣童身致命 | 聖思守目     | 三七八 |
| 二日   | 聖方濟各保辣苦修   | 聖思仁愛克己真謙 | 三八二 |
| 三日   | 聖離沙爾主教     | 聖思神貧     | 三九一 |
| 四日   | 聖依西多羅主教    | 聖思預備死期   | 三九五 |
| 五日   | 聖味增爵顯修     | 聖思默想審判   | 三九八 |
| 六日   | 聖阿帖爾顯修     | 聖思小心省察   | 四〇四 |
| 七日   | 聖艾伯爾顯修     | 聖思恭敬聖母   | 四〇七 |
| 八日   | 聖巴德末致命     | 聖思篤行所信   | 四一〇 |
| 九日   | 聖婦沃德肋達守節   | 聖思愛仇     | 四一三 |
| 十日   | 聖瑪加畧主教     | 聖思泣涕痛悔   | 四一七 |
| 十一日  | 聖瑟諾主教      | 聖思謹言     | 四二一 |
| 十二日  | 聖撒巴致命      | 聖思渡世如海   | 四二四 |

|     |                |        |     |
|-----|----------------|--------|-----|
| 十三日 | 聖赫默搦日儲君致命      | 聖思讀聖教書 | 四二九 |
| 十四日 | 聖女理都委納童身       | 聖思病中忍耐 | 四三二 |
| 十五日 | 聖儒斯定致命         | 聖思常思復活 | 四三七 |
| 十六日 | 聖多羅哦隱修         | 聖思效法水源 | 四四二 |
| 十七日 | 聖瑪是彌諾聖臥林俾亞斯致命  | 聖思敬禮聖人 | 四四五 |
| 十八日 | 聖厄留德畧主教同母安弟亞致命 | 聖思服事天主 | 四四八 |
| 十九日 | 聖良教宗           | 聖思勸人改過 | 四五二 |
| 二十日 | 聖西默盎主教致命       | 聖思恒心愛主 | 四五五 |
| 廿一日 | 聖安瑟而莫主教        | 聖思常懷永苦 | 四五八 |
| 廿二日 | 聖女恩格辣弟斯同十八位致命  | 聖思神貧   | 四六三 |
| 廿三日 | 聖若而日致命         | 聖思小心敬主 | 四六六 |
| 廿四日 | 聖亞達伯主教致命       | 聖思遠離惡友 | 四六九 |
| 廿五日 | 聖瑪爾谷聖史         | 聖思欽遵聖典 | 四七二 |
| 廿六日 | 聖理吉顯修          | 聖思不恃自己 | 四七六 |
| 廿七日 | 聖安弟默主教致命       | 聖思斷絕虛言 | 四七九 |

|      |             |          |     |
|------|-------------|----------|-----|
| 廿八日  | 聖女投多辣聖弟弟瑪致命 | 聖思友愛     | 四八二 |
| 廿九日  | 聖白多祿致命      | 聖思輕世     | 四八五 |
| 三十日  | 聖女加大利納瑟納童身  | 聖思效法聖女仁愛 | 四九一 |
| 五月一日 | 聖斐理伯雅各伯二位宗徒 | 聖思效聖     | 四九六 |
| 二日   | 聖亞大納削主教聖師   | 聖思忍耐感恩   | 五〇一 |
| 三日   | 尋獲十字聖架      | 聖思敬愛十字聖架 | 五〇六 |
| 四日   | 聖婦莫尼加聖師奧斯定母 | 聖思心中平和   | 五一〇 |
| 五日   | 聖依西多羅農夫     | 聖思神樂     | 五一四 |
| 六日   | 聖若翰達瑪瑟諾顯修   | 聖思愛辛苦    | 五一九 |
| 七日   | 聖斯大尼老主教致命   | 聖思謹防在世之險 | 五二四 |
| 八日   | 聖彌額爾大天神發現   | 聖思恭敬天神   | 五二八 |
| 九日   | 聖額我畧納西央聖師   | 聖思立善表    | 五三二 |
| 十日   | 聖安多尼諾主教     | 聖思施財     | 五三六 |
| 十一日  | 聖厄彼法諾主教     | 聖思不聽人毀譽  | 五四〇 |
| 十二日  | 聖岳婁         | 聖雅基婁     |     |
|      | 聖女多彌弟辣      | 聖童班加魯致命  |     |

聖思力退三仇

|     |                |           |     |
|-----|----------------|-----------|-----|
| 十三日 | 聖若望希言主教        | 聖思隨天主命    | 五四三 |
| 十四日 | 聖波尼法爵致命        | 聖思專務天國    | 五四七 |
| 十五日 | 聖女特尼西亞致命       | 聖思求潔淨     | 五五一 |
| 十六日 | 聖女肋斯弟都亞致命      | 聖思以世為旅    | 五五九 |
| 十七日 | 聖斐理斯剛大里顯修      | 聖思專務聖生    | 五六三 |
| 十八日 | 聖文南爵致命         | 聖思盡心敬主    | 五六七 |
| 十九日 | 聖女巴西辣致命        | 聖思誠心守誠    | 五七一 |
| 二十日 | 聖伯納弟諾顯修        | 聖思恭敬耶穌聖母  | 五七五 |
| 廿一日 | 聖合彼削隱修         | 聖思勿判人罪    | 五七九 |
| 廿二日 | 聖女儒里亞致命        | 聖思聰明誠實    | 五八三 |
| 廿三日 | 聖多納前聖樂加前弟兄致命   | 聖思常想靈魂不滅  | 五八六 |
| 廿四日 | 聖若望方濟各類日斯耶穌會顯修 | 聖思盡忠孝以事天主 | 五九〇 |
| 廿五日 | 聖女瑪利亞瑪大肋納巴西童身  | 聖思敬主      | 六〇六 |
| 廿六日 | 聖斐理伯訥理顯修       | 聖思愛主克己    | 六一三 |

|      |                         |     |
|------|-------------------------|-----|
| 廿七日  | 聖博弟畧致命 聖思不隨肉慾           | 六一九 |
| 廿八日  | 聖熱爾瑪諾主教 聖思仁愛            | 六二三 |
| 廿九日  | 聖瑟諾伯主教 聖思想世俗之苦          | 六二八 |
| 三十日  | 聖甘羨聖甘濟亞諾聖女甘際亞納致命 聖思以苦爲樂 | 六三一 |
| 卅一日  | 聖女伯多祿你拉童身 聖思喜受艱難        | 六三五 |
| 六月一日 | 聖邦斐畧鐸德致命 聖思默想神工         | 六三八 |
| 二日   | 聖瑪爾瑟里諾聖伯多祿致命 聖思勇於苦難     | 六四一 |
| 三日   | 聖婦格羅弟德國后 聖思化人信主         | 六四七 |
| 四日   | 聖基林主教祭命 聖思默存主恩          | 六五一 |
| 五日   | 聖斐理伯副德 聖思愛天主於萬有之上       | 六五五 |
| 六日   | 聖諾伯爾多主教 聖思預備小心領聖體       | 六五九 |
| 七日   | 聖窩爾弗約苦修 聖思熱心事主          | 六六四 |
| 八日   | 聖默達爾多聖臥達爾多昆仲主教 聖思避輕慢    | 六六九 |
| 九日   | 聖彼穆聖斐理濟亞諾昆仲致命 聖思聖畏      | 六七三 |
| 十日   | 聖嬌瑪加利大國后 聖思靈魂平和         | 六七六 |

|     |                      |     |
|-----|----------------------|-----|
| 十一日 | 聖伯辣多致命 聖思敬德          | 八二四 |
| 十二日 | 聖若望掛白爾顯修 聖思愛仇        | 八三〇 |
| 十三日 | 聖亞納格勁多教宗致命 聖思樂想耶穌苦難  | 八三四 |
| 十四日 | 聖文多辣主教聖師 聖思切想耶穌苦難    | 八三七 |
| 十五日 | 聖恩理格總王 聖思聖忍耐         | 八四二 |
| 十六日 | 聖女類搦爾達童身致命 聖思真心      | 八四七 |
| 十七日 | 聖亞肋叔隱修 聖思隨聖輕世        | 八四二 |
| 十八日 | 聖婦省福祿撒同七子致命 聖聖隨耶穌之苦難 | 八五六 |
| 十九日 | 聖亞爾瑟訥副祭隱修 聖聖全心事主     | 八六〇 |
| 十九日 | 聖味增爵傳教會首 聖思真謙實愛效法耶穌  | 八六六 |
| 二十日 | 聖女瑪加利大童貞致命 聖思謹防誘惑    | 八七五 |
| 廿一日 | 聖味多爾致命 聖思盡心敬主        | 八八一 |
| 廿二日 | 聖婦瑪利亞瑪達肋納 聖思悔過       | 八八六 |
| 廿三日 | 聖亞玻理納致命 聖思愛德         | 八九〇 |
| 廿四日 | 聖女基理斯弟納致命 聖思求永益      | 八九六 |

|      |                      |     |
|------|----------------------|-----|
| 廿六日  | 聖若望聖保祿昆仲致命 聖思潔淨      | 七五三 |
| 廿七日  | 聖辣弟斯老國王 聖思想天堂        | 七五七 |
| 廿八日  | 聖依肋奈主教致命 聖思隨致命表      | 七六〇 |
| 廿九日  | 聖伯多祿宗徒 聖思隨伯多祿宗徒聖表    | 七六三 |
| 三十日  | 聖保祿宗徒 聖思勸化異教人        | 七七一 |
| 七月一日 | 聖帖禮顯修 聖思效法天神         | 七七七 |
| 二日   | 聖伯樂瑟削聖瑪爾弟尼亞諾致命 聖思隨聖佑 | 七八二 |
| 三日   | 聖賴蒙多顯修 聖思讀善書         | 七八五 |
| 四日   | 聖婦依撒伯爾國后 聖思不賴世福      | 七八八 |
| 五日   | 聖厄瓦畧鐸德隱修 聖思信德        | 七九五 |
| 六日   | 聖婦我德列哇致命 聖思聖憂愁       | 八〇〇 |
| 七日   | 聖亞理肋主教 聖思先事籌畫        | 八〇七 |
| 八日   | 聖伯祿各伯致命 聖思想領洗之恩      | 八一〇 |
| 九日   | 聖女亞納多里亞致命 聖思慎交善友     | 八一八 |
| 十日   | 聖婦福禮濟大同七子致命 聖思忻受世苦   | 八二二 |

|     |                          |     |
|-----|--------------------------|-----|
| 十一日 | 聖巴爾納伯宗徒 聖思自聖其業           | 六八一 |
| 十二日 | 聖巴西理德聖濟理諾聖納博爾聖納撒答致命 聖思愛己 | 六八五 |
| 十三日 | 聖安多尼顯修 聖思聖舌              | 六八八 |
| 十四日 | 聖巴西略主教 聖思輕世              | 六九六 |
| 十五日 | 聖味多聖睦得斯多聖格增細亞致命 聖思小心告解   | 七〇二 |
| 十六日 | 聖西樂聖婦如里大致命 聖思滅罪          | 七〇九 |
| 十七日 | 聖女呂亞肋額童身 聖思求主            | 七一三 |
| 十八日 | 聖瑪爾谷聖瑪爾瑟連昆仲致命 聖思望德       | 七一七 |
| 十九日 | 聖熱爾瓦削聖波羅大削昆仲致命 聖思正己之願    | 七二二 |
| 二十日 | 聖味多顯修 聖思畏主               | 七二六 |
| 廿一日 | 聖類思公撒格耶穌會 聖思隨聖人之表        | 七三一 |
| 廿二日 | 聖保里諾主教 聖思愛人              | 七三八 |
| 廿三日 | 聖后厄都爾大童身 聖思克己            | 七四二 |
| 廿四日 | 聖瑪爾濟亞諾主教 聖思默想終期          | 七四五 |
| 廿五日 | 聖加里甘致命 聖思平和              | 七四九 |

|      |                        |         |     |
|------|------------------------|---------|-----|
| 廿五日  | 聖長雅各伯宗徒                | 聖思化導異端  | 九〇〇 |
| 廿六日  | 聖婦亞納聖母之母               | 聖思正其所求  | 九〇五 |
| 廿七日  | 聖龐大良致命                 | 聖思認己    | 九〇八 |
| 廿八日  | 聖納撒畧聖瑟爾瑟致命             | 聖思學聖    | 九一三 |
| 廿九日  | 聖女瑪爾大童身                | 聖思救己    | 九一六 |
| 三十日  | 聖亞伯東聖生能昆仲致命            | 聖思敬愛天主  | 九一九 |
| 卅一日  | 聖依納爵立耶穌會               | 聖思求天主光榮 | 九二三 |
| 八月一日 | 聖瑟彼勒主教                 | 聖思信德    | 九三〇 |
| 二日   | 聖斐理亞爾多苦修               | 聖思以身祭主  | 九三三 |
| 三日   | 聖儒斯弟諾孩童致命              | 聖思務救靈魂  | 九三八 |
| 四日   | 聖多明我顯修                 | 聖思勸化人   | 九四二 |
| 五日   | 建聖母雪地殿                 | 聖思恭敬聖母  | 九四九 |
| 六日   | 聖試斯篤教宗聖斐理西西未聖亞加比多二副祭致命 |         |     |
|      | 聖思善承聖佑                 |         | 九五二 |
| 七日   | 聖多納多主教致命               | 聖思神貧    | 九五五 |

|     |                  |          |      |
|-----|------------------|----------|------|
| 八日  | 聖西理亞歌聖辣爾阿聖瑟瑪辣多致命 | 聖思謹小慎微   | 九五九  |
| 九日  | 聖羅瑪諾致命           | 聖思成全基利斯當 | 九六四  |
| 十日  | 聖老楞佐致命           | 聖思愛主     | 九六七  |
| 十一日 | 聖女蘇撒納致命          | 聖思守貞     | 九七三  |
| 十二日 | 聖女嘉辣童身           | 聖思欽敬耶穌聖體 | 九七八  |
| 十三日 | 聖禧玻利多致命          | 聖思輕世     | 九八三  |
| 十四日 | 聖歐瑟伯鐸德致命         | 聖思盡心愛主   | 九八六  |
| 十五日 | 聖嘉西亞諾致命          | 聖思愛人     | 九八九  |
| 十六日 | 聖亞進多顯修           | 聖思忍耐世苦   | 九九二  |
| 十七日 | 聖忙默思致命           | 聖思忍耐世苦   | 九九七  |
| 十八日 | 聖亞加彼多幼童致命        | 聖思愛苦難    | 一〇〇一 |
| 十九日 | 聖類思主教            | 聖思端肅     | 一〇〇五 |
| 二十日 | 聖伯爾納篤隱修          | 聖思恭敬聖母   | 一〇〇九 |
| 廿一日 | 聖弗郎布爾顯修          | 聖思勇毅親愛智謀 | 一〇一六 |
| 廿二日 | 聖性福良孩童致命         | 聖思常思死候   | 一〇二一 |

|      |               |          |      |
|------|---------------|----------|------|
| 廿三日  | 聖斐理伯伯尼弟顯修     | 聖思認己     | 一〇二四 |
| 廿四日  | 聖巴爾多祿茂宗徒      | 聖思仁愛     | 一〇二九 |
| 廿五日  | 聖類斯國王         | 聖思熱心     | 一〇三四 |
| 廿六日  | 聖熱擲致命         | 聖思敬領聖體   | 一〇四一 |
| 廿七日  | 聖日訥斯致命        | 聖思好表樣    | 一〇四五 |
| 廿八日  | 聖奧斯定主教聖師      | 聖思盡心改過   | 一〇四九 |
| 廿九日  | 聖若翰保弟斯大致命     | 聖思潔淨     | 一〇五三 |
| 三十日  | 聖斐理斯聖雅道多致命    | 聖思輕財     | 一〇五九 |
| 卅一日  | 聖賴孟多顯修        | 聖思贖擄     | 一〇六二 |
| 九月一日 | 聖額日弟阿顯修       | 聖思謙德     | 一〇六九 |
| 二日   | 聖斯德望國王        | 聖思懷義     | 一〇七三 |
| 三日   | 聖女瑟辣斐亞聖婦撒俾納致命 | 聖思省察     | 一〇七八 |
| 四日   | 聖瑪瑟祿聖瓦肋利亞諾致命  | 聖思不靠自己   | 一〇八二 |
| 五日   | 聖良聖瑪利諾副祭精修    | 聖思守誠     | 一〇八六 |
| 六日   | 聖弘伯爾多顯修       | 聖思爲耶穌之弟子 | 一〇九一 |

|     |                  |            |      |
|-----|------------------|------------|------|
| 七日  | 聖女類納致命           | 聖思倚賴天主     | 一〇九四 |
| 八日  | 聖亞弟央致命           | 聖思受苦       | 一一〇〇 |
| 九日  | 聖多羅德阿聖阿爾恭致命      | 聖思默思永遠     | 一一〇三 |
| 十日  | 聖尼各老多郎定顯修        | 聖思隨天主旨各守本分 | 一一〇八 |
| 十一日 | 聖伯樂德聖夏新多聖女歐日尼亞致命 | 聖思痛告       | 一一一一 |
| 十二日 | 聖基佟貧人            | 聖思神熱心      | 一一一六 |
| 十三日 | 聖亞瑪多苦修           | 聖思離開微罪     | 一一一九 |
| 十四日 | 聖十字架之榮           | 聖思十字聖架之愛   | 一二二四 |
| 十五日 | 聖女額弟達童身          | 聖思盡心敬主     | 一二二八 |
| 十六日 | 聖女歐拂彌亞致命         | 聖思輕世       | 一二三二 |
| 十七日 | 聖拂老楞爵顯修          | 聖思心中神樂     | 一二三七 |
| 十八日 | 聖多瑪斯主教           | 聖思望主仁慈     | 一二四二 |
| 十九日 | 聖讓弩亞畧主教致命        | 聖思默存地獄之苦   | 一二四七 |
| 二十日 | 聖歐大覺致命           | 聖思神樂       | 一一五三 |
| 廿一日 | 聖瑪竇宗徒兼聖史         | 聖思順命       | 一一五九 |

|      |                  |           |      |
|------|------------------|-----------|------|
| 廿二日  | 聖貌理爾致命           | 聖思離開罪緣    | 一一六四 |
| 廿三日  | 聖女德加辣致命          | 聖思敵靈仇     | 一一六八 |
| 廿四日  | 聖安多實致命           | 聖思望天福之光榮  | 一一七二 |
| 廿五日  | 聖斐爾米諾主教致命        | 聖思化邪      | 一一七五 |
| 廿六日  | 聖西彼廉聖女如斯弟納致命     | 聖思痛告      | 一一七九 |
| 廿七日  | 聖葛斯默聖達彌盎昆仲致命     | 聖思奉事眞主    | 一一八二 |
| 廿八日  | 聖文思老國王致命         | 聖思盡心預備領聖體 | 一一八七 |
| 廿九日  | 聖爾瑟亞諸侯聖女德爾斐納童身   | 聖思盡心本分    | 一一九一 |
| 三十日  | 聖熱羅尼莫顯修聖師        | 聖思新心於審判   | 一一九九 |
| 十月一日 | 聖勒彌主教            | 聖思真心願做聖人  | 一二〇四 |
| 二日   | 聖巴翁苦修            | 聖思慎救靈魂    | 一二一一 |
| 三日   | 聖安多尼各聖婦亞大納濟亞夫婦苦修 | 聖思小心天路    | 一二一四 |
| 四日   | 聖方濟各五傷苦修         | 聖思克己      | 一二一九 |
| 五日   | 聖罷爾齊篤顯修致命        | 聖思無妄證     | 一二二七 |
| 六日   | 聖布路諾隱修           | 聖思愛居僻靜    | 一二三一 |

|     |              |        |      |
|-----|--------------|--------|------|
| 七日  | 聖瑟爾阿聖罷各致命    | 聖思輕財   | 一一三六 |
| 八日  | 聖婦彼理日大立會精修   | 聖思苦己   | 一一三九 |
| 九日  | 聖弟阿尼恤主教致命    | 聖思智德   | 一一四三 |
| 十日  | 聖方濟各玻爾日亞精修   | 聖思教訓兒女 | 一一四八 |
| 十一日 | 聖女儒斯弟納致命     | 聖思順命   | 一一五九 |
| 十二日 | 聖女木大致命       | 聖思不畏艱難 | 一一六二 |
| 十三日 | 聖日老多諸侯       | 聖思含容不怒 | 一一六五 |
| 十四日 | 聖婦俾辣日亞悔表     | 聖思報恩   | 一一六九 |
| 十五日 | 聖女德肋撒童身      | 聖思愛苦報主 | 一一七三 |
| 十六日 | 聖歐琅波聖女歐蘭俾亞致命 | 聖思自振冷淡 | 一一七八 |
| 十七日 | 聖婦厄度未日國后     | 聖思順主命  | 一一八二 |
| 十八日 | 聖路加聖史        | 聖思隨善表  | 一一八六 |
| 十九日 | 聖伯多祿古聖方濟各會顯修 | 聖思苦己愛人 | 一一八九 |
| 二十日 | 聖日阿而日約致命     | 聖思享主聖味 | 一一九三 |
| 廿一日 | 聖喜辣戀隱修       | 聖思默存   | 一一九五 |

|       |                    |          |      |
|-------|--------------------|----------|------|
| 廿二日   | 聖撒位你亞諾聖保登西亞諾致命     | 聖思覓主     | 一三〇三 |
| 廿三日   | 聖伯多祿巴斯掛爾主教致命       | 聖思預備臨終   | 一三〇六 |
| 廿四日   | 聖瑪肋哥顯修被擄           | 聖思克味     | 一三一〇 |
| 廿五日   | 聖基三多聖婦達里亞致命        | 聖思寶時     | 一三一三 |
| 廿六日   | 聖格肋斯賓聖格肋斯比年昆仲致命    | 聖思自謙     | 一三一七 |
| 廿七日   | 聖文生爵聖女撒俾納聖女計理斯德大致命 | 聖思次序愛人   | 一三二〇 |
| 廿八日   | 聖西滿聖達徒二位宗徒         | 聖思輕世     | 一三二二 |
| 廿九日   | 聖法隆主教              | 聖思愛主     | 一三二八 |
| 三十日   | 聖瑪瑟祿同十二子致命         | 聖思盡心救人靈魂 | 一三三一 |
| 卅一日   | 聖剛定致命              | 聖思遠離偽善   | 一三三四 |
| 十一月一日 | 聖伯尼諾致命             | 聖思法聖人表樣  | 一三三八 |
| 二日    | 聖厄嘿利儲君             | 聖思補贖煉靈   | 一三四一 |
| 三日    | 聖菲祿主教              | 聖思正心     | 一三四五 |
| 四日    | 聖嘉祿主教              | 聖思愛聖     | 一三四八 |
| 五日    | 聖加拉西榮聖女額彼得瑪夫妻致命    | 聖思緊隨聖佑   | 一三五四 |

|     |             |           |      |
|-----|-------------|-----------|------|
| 六日  | 聖留納多苦修      | 聖思輕世      | 一三五八 |
| 七日  | 聖瑪多林鐸德      | 聖思良善      | 一三六一 |
| 八日  | 聖格樂德五位致命    | 聖思不可爲人而行  | 一三六四 |
| 九日  | 聖特阿多羅致命     | 聖思謙愛以克嫉妬  | 一三六八 |
| 十日  | 聖德理豐聖肋斯彼削致命 | 聖思想審判     | 一三七一 |
| 十一日 | 聖瑪爾定主教      | 聖思學聖人敬主求主 | 一三七三 |
| 十二日 | 聖默納致命       | 聖思離開罪惡    | 一三八〇 |
| 十三日 | 聖達尼老各斯加耶穌會  | 聖思熱心      | 一三八四 |
| 十四日 | 聖和莫朋商人      | 聖思忍耐世苦    | 一三九三 |
| 十五日 | 聖沃畧聖撒貌訥致命   | 聖思防暇      | 一三九六 |
| 十六日 | 聖亞彼伯致命      | 聖思正其內志    | 一三九九 |
| 十七日 | 聖額我畧道瑪都主教   | 聖思想臨終     | 一四〇二 |
| 十八日 | 聖滿德國王       | 聖思小心言語    | 一四〇八 |
| 十九日 | 聖婦依撒伯爾國后    | 聖思求真福     | 一四一〇 |
| 二十日 | 聖雅各伯致命      | 聖思學習耶穌表樣  | 一四一四 |

|       |            |         |      |
|-------|------------|---------|------|
| 廿一日   | 聖歐西爵顯修     | 聖思幻世謹防  | 一四一七 |
| 廿二日   | 聖女則濟里亞致命   | 聖思謹依聖佑  | 一四二〇 |
| 廿三日   | 聖格肋孟多教宗致命  | 聖思退懶惰   | 一四二六 |
| 廿四日   | 聖吉所阿諾致命    | 聖思痛悔宿愆  | 一四三〇 |
| 廿五日   | 聖女加大利納童身致命 | 聖思謙讓    | 一四三三 |
| 廿六日   | 聖伯多祿主教致命   | 聖思倣效耶穌  | 一四三九 |
| 廿七日   | 聖若撒法國王苦修   | 聖思輕世    | 一四四二 |
| 廿八日   | 聖撒都寧聖西細諾致命 | 聖思忍耐時苦  | 一四五二 |
| 廿九日   | 聖瑟爾瑟諾主教致命  | 聖思智德    | 一四五五 |
| 三十日   | 聖安德肋宗徒     | 聖思聖十字之愛 | 一四五八 |
| 十二月一日 | 聖額里日約主教    | 聖思小心本分  | 一四六五 |
| 二日    | 聖女彼彼亞納致命   | 聖思輕世    | 一四六九 |
| 三日    | 聖方濟各沙勿略耶穌會 | 聖思真愛    | 一四七二 |
| 四日    | 聖女巴爾拔辣致命   | 聖思大孝    | 一四八二 |
| 五日    | 聖女亞瑟辣童身    | 聖思望德    | 一四八七 |

|     |              |          |      |
|-----|--------------|----------|------|
| 六日  | 聖尼各老主教       | 聖思畏主保潔   | 一四九〇 |
| 七日  | 聖盎博羅削主教      | 聖思良善     | 一四九五 |
| 八日  | 聖女法肋童身       | 聖思慎隨聖佑   | 一五〇一 |
| 九日  | 聖女留加弟亞致命     | 聖思愛耶穌    | 一五〇四 |
| 十日  | 聖女歐辣利亞致命     | 聖思忍耐     | 一五〇八 |
| 十一日 | 聖達瑪瑣教宗       | 聖思離開不好之念 | 一五一一 |
| 十二日 | 聖郭郎定主教       | 聖思默想天堂之樂 | 一五一四 |
| 十三日 | 聖女路濟亞致命      | 聖思潔淨     | 一五一七 |
| 十四日 | 聖孚先聖味多離聖在先致命 | 聖思小心誦經   | 一五二二 |
| 十五日 | 聖婦基利斯弟亞納虜婢   | 聖思改舊從新   | 一五二五 |
| 十六日 | 聖亞佟主教        | 聖思謹隨聖表   | 一五二九 |
| 十七日 | 聖辣匝祿致命       | 聖思托賴天主   | 一五三三 |
| 十八日 | 聖斐辣味鐸德苦修     | 聖思修靈魂    | 一五三六 |
| 十九日 | 聖訥默瑟致命       | 聖思忍耐     | 一五四〇 |
| 二十日 | 聖女米多利亞童貞致命   | 聖思離開罪過   | 一五四三 |

|     |             |        |      |
|-----|-------------|--------|------|
| 廿一日 | 聖多默宗徒       | 聖思自修   | 一五四六 |
| 廿二日 | 聖拂辣戀致命      | 聖思愛人   | 一五五二 |
| 廿三日 | 聖瑟而武祿貧病     | 聖思忍耐   | 一五五五 |
| 廿四日 | 聖女大西辣童身     | 聖思熱心迎主 | 一五五九 |
| 廿五日 | 聖婦亞納大西亞致命   | 聖思效法耶穌 | 一五六三 |
| 廿六日 | 聖斯德望首先致命    | 聖思愛仇   | 一五六八 |
| 廿七日 | 聖若望宗徒兼聖史    | 聖思學耶穌  | 一五七三 |
| 廿八日 | 聖女葛隆巴致命     | 聖思定改前非 | 一五七九 |
| 廿九日 | 聖撒平主教致命     | 聖思愛天主  | 一五八二 |
| 三十日 | 聖女歐福祿西訥童身隱修 | 聖思愛人   | 一五八五 |
| 卅一日 | 聖西爾物斯德肋教宗   | 聖思預想臨終 | 一五九一 |

# 聖年廣益

正月初一日 聖婦默辣尼亞 苦修

警言○美其形以悅人目。而醜神以碍主目。愚亦甚矣。聖經

聖傳○聖婦默辣尼亞。係吳爾巴諾之女。聖婦之祖母。亦名默辣尼亞。未登聖品。聖婦之母。名亞爾彼納。乃羅瑪殷實之家。因止生一女。欲早爲之擇壻。第聖婦素有守貞之願。因父母膝前無子。只得勉從所命。年十四。許配於羅瑪巨族。壻名彼年。係熱心愛主之人。成婚後。生有一男一女。俱幼年相繼而亡。未幾。聖婦偶得重病。無法可瘳。聖彼年深知聖婦心中。情願守貞。卽於天主臺前發願。誓爲兄妹。分房各寢。天主

鑒其真切。不數日。聖婦重病全瘳。從此二人。感激主恩。潔修卒世。聖婦之父棄世。二人欲離世俗之尊榮。遂移居鄉下。惟以默想誦經。嚴齋克己。哀矜貧困爲急務。自治同於傭眾。全無尊榮之態。且本來原係大富之人。今漸漸將家產變賣。大半爲哀矜之用。不獨本國之貧人。受其恩澤。卽他邦之困乏者。亦得沾其餘惠。越數年。二人定志過海。前往亞斐利加洲。達加斯都郡。見其人物繁盛。特建修院二所。一居修道之士。一居童貞之女。當時之人。聞風興起。入院修道者。八十餘人。而女院更甚。一時聚有一百三十餘人。此足徵夫婦二人。過化存神之德。超越尋常萬萬也。聖婦居此。其克己苦身。事愈精。功愈進。食惟乾糧。飲惟清水。從不容厚味沾唇。美肴入口也。日止一餐。繼而兩日一餐。漸至三日一餐。迨其後。竟延至八日一餐。雖如此嚴齋苦克。從未顯衰憊之形。觀其強

勇健壯。似乎愈克愈增也。寤多寐少。止睡一個時辰。以地爲褥。不用被褥。其餘晝夜。非契主默想。卽誦經看書。偶有小失。必嚴加重懲。惟恐不隨天主聖佑。每年必三復聖經。故學問愈加廣博。當時之聰明力學者。多有親詣聖婦前。考道析疑。恭聆教益焉。聖婦熱心愛主。所以無苦不受。素來言不虛發。開口必稱揚主之全能。因而勸化多人。隨其表樣以愛主也。聖婦所居小屋。止棲一身。太矮不能直立。太窄不能安眠。七年於茲。未改其樂。後同母及夫。前往日路撒稜。朝覲耶穌受難之地。聖婦之母。於加爾瓦畧山上。築小室三間。三人分室而居。照前苦修。聖婦擇一最小之屋。從不見人。一主日內。母與夫。面晤一次。又十四年於茲。克治日嚴。迨母謝世升天後。聖婦始出戶殮葬。葬畢。嫌屋太寬。另營一小洞。仍然立不能直。臥不能舒。上留一穴。以透日光。居此又一年。德輝愈

顯。聲名籍甚。遠方來學者。日勝一日。聖婦欲避而不能。只得建造修院。以居之。一時受業之童女八十餘人。亦有無數孀居者。聖婦擇定修規。勸諭眾人云。恭敬天主。不在嚴齋克己苦身之事。惟在於潔淨其心。熱愛天主。小心契合主命。足矣。比如人。有尊客至其家。身披破服。頭戴敝冠。而獨穿一新履。豈能得尊者之歡心乎。潔身愛主。順主之命。比如彰身之冠服也。齋克苦身。不過如足之新履耳。若不先自潔其身。愛主順命。而惟嚴齋克己。豈能得天主之歡心。又云。一年幼後生。往一年老苦修跟前。求其指示。苦修老人云。離此不遠。有一石人之像。你到他跟前。咒言詈罵。此後生遵命而行。回來復命。苦修老人問云。你罵他如此利害。難道他不還言麼。後生答云。他總不做聲。並不回言。苦修老人云。爾再去罵他。看他怎麼樣。後生又遵命而往。連至三次。苦修老人始告云。

爾若如此石人一樣。我收爾爲徒。如此引喻善教。不遺餘力。及聖彼年升天後四年。得自己叔翁窩而西亞諾之手書。欲請聖婦到京。但伊頑梗性成。不從勸戒。聖奧斯定亦嘗訓誨。執拗弗聽。聖婦請命於本神父。神父卽令其前往。時窩而西亞諾病勢已危。遂善言苦勸。竟大動其心。急願領洗。聖婦見其真切。卽請鐸德付洗。洗後卽歿。事畢。聖婦仍歸日路撒稜修院。天主預示終期。自己卽預備善終。及教中諸禮。平安而逝。領自己功勞之賞。生前歿後。靈跡甚多。未能殫述。

### 宜行之德

#### 小心靈魂

聖思 一。人人都情願講求身外之事。若說到身內本心之事。情願講求者甚少。殊不知關係之大。莫大於本來一點良知良能。卽世俗人所謂良心是也。此良心。皆隨天主之聖佑而發。能聽良心的話。能受良心

的教訓。必能仰承天主之聖佑。今多少人。因身外之事。擾亂不清。如何能聽良心的教訓。不聽良心。靈魂必然受傷。必然或污或死。皆由不小心之故。我若欲救靈魂。欲升天堂。還該講求身外麼。一。要明白良心的教訓。第一。該查自己。曾隨耶穌與聖人之行事否。第二。該查平日安心樂守自己所業之本分否。第三。須預問自己。如今要你死。你情願怎麼樣。汝聽良心的答應。必該隨着。但人只想活。不想死。如何能設預備好死。往往延挨到將死之時。纔要預備。纔要救靈魂。難矣。難矣。一。明知所行所言。與良心不對。便是過失。必該治之。但治法。須隨神父明師之訓。不可再隨己意。治後更該小心。不使再污。如此妥當而行。世上的平安。從此而來。身後的福樂。亦從此而來。今指望升天。指望享天主之樂。爲何不肯如此。

當務之求 爲孕婦

祝文 救吾者天主。聽受吾禱。吾樂爾聖婦默辣尼亞苦修瞻禮。望以誠心得受訓誨。爲爾子耶穌基利斯督。亞孟。

初二日 聖格辣祿 隱修

警言○心之純淨。在乎二事。求天主之榮。與人之益。是也。

聖伯爾納多

聖傳○聖格辣祿。係拂郎濟亞國人。孩時喪父。寡母甚賢。自幼教以事主救靈之熱行。謹慎撫懷。無時或懈。常言人生在世。惟恭敬天主。救己靈魂這一句。聖人本性純良。習聞此句。牢記於心。亦常出於口。此地原有男女兩修院。聖人至十六七歲。即定心事主救靈。特求母命。願歸修院。母聽其言。滿心歡喜云。生兒事主。我之願也。汝既決志修身。我亦定心要入女院。從此母子離開。各入院隱修。不多年。其母病故。聖人雖然年幼。語言動靜。無不謙順老成。光明正大。常操苦役。閣院尊爲表

率。本方主教。特命管攝院務。天主寵愛其德。不久。行無數之異能。今畧舉一二。頭一年。閤院俱遭疫病。不遺一人。閱數日。病勢沉重垂危。聖人大發愛主愛人之德。卽時甦醒。諸病悉痊。一日。有事下鄉。路遇貧人。遍體惡瘡。聖人大憐愛之。命同伴人。携至河邊沐浴。瘡皆隨洗而愈。又一。日。看人網魚。忽見一人墜水。聖人向水。畫十字以救之。墜水之人。即漂於岸上。平安無恙。邪魔妬其實德。變一利害人形。到聖人前。威嚇驅逐之。聖人毫無畏懼。問汝是誰。邪魔答云。我是魔鬼。特來逐你出院。聖人回云。吾主耶穌是此院之主。與汝無干。即畫聖號。邪魔遁去。隱入一人身內。聖人先覺其奸。速命遠離。魔卽如命。不敢害人。聖人照管眾人數年。常勸人惟恭敬天主。救己靈魂。足矣。後得一病。天主默示終期。三日後。收汝靈魂升天。命人擡至堂中。自己誦經求主。眾亦從旁籲禱。甫完。

第三日。瞑目而逝。升天後。顯揚聖跡甚多。不可枚舉。時天主降生後六  
百五十年。

宜行之德 盡心

聖思 一。吾人在世。只要真心欽敬天主。救己靈魂。但這句話。果然信  
不信。若信別的意思。都是無用。有險有惡。能害己身。能背天主。我今行  
事如何。若我萬行之內。只想敬主。只想愛主。只想救己靈魂。必然明明  
白白。知道萬物可以動我靈魂。不能滿我心願。 一。天主生這萬物。爲  
教我愛主敬主。只用以救靈魂。凡金銀體面快樂。俱不成真福。我們若  
不離他。不能享天主之福。今如此戀戀不捨。還望得享天主之福麼。  
一。以後該作何主意。若要享天主之福。必定當守天主之命。當順萬德  
之義。罪惡皆自作之凶孽。與敬愛天主。救我靈魂相反。該拿定主意。速

速離開。

當務之求

誠求聖佑

祝文 天主。以爾聖格辣祿每年瞻禮。樂我等。懇祈爾。吾既慶厥誕日。  
幸師厥功勩。為爾子耶穌基利斯督。亞孟。



聖年廣益... 正月初二日 聖格辣祿

III, 28, 1

# 初日三聖女日諾物瓦 童身

警言○爾當時寤勿寐。不知爾死何時臨格故也。聖瑪竇

聖傳○聖女日諾物瓦。生於拂郎濟亞國都城外之邨莊。幼提之時。即熱愛天主之至。人皆知後來必成作聖之功。年十四。有聖熱爾瑪諾主教。前往昂理亞國。在此路過。人多迎候。聖女亦在其中。天主即使聖熱爾瑪諾知此女聖德。向他父母說。汝得此善女。乃天主特恩。初生時。天堂諸天神。共慶賀後來。能受非常之聖寵。爲眾人表樣。彼時聖女亦在主教前。定志願守童身。此後愈加熱愛。常想正道之實德。常想聽彌撒。做神工。一日。母欲往堂。不肯帶女同行。求之再四。母惡之。手擊一掌。母即眼瞎。深知所責不是。悔過求主。命女向井上取水一盞。要女降

福。畫十字聖號。然後用水洗目。依舊復明。父母見此聖跡。以後凡遇神工。不復再阻。及父母去世後。聖女即離家進京。在代母家同住。纔到數日。即中風痰。三晝夜。不省人事。惟心胸隱隱跳動。面色微紅。但其靈魂。在天主臺前。見無數美妙。後來作聖之功。俱從此始。故病愈後。與先大不相同。如太陽之明。不但自己德行純實。亦能知他人之隱情善惡。引人恭敬天主於萬有之上。雖轉瞬之時。意念不離天主。時時涕泣淚流。至於飲食之事。竟如忘記一樣。七日之內。惟主日瞻禮五。少食些須。所食者。惟大麥餅。與豆一撮。白水煮熟而已。從十五歲至五十歲。一樣如此。人人所共知者。後因照管聖女之鐸德有命。乃少添牛乳魚味。若酒肉等物。一生並未沾唇。聖女明知不論何等大德。離了天主的聖光聖寵。斷不能久長。所以常避靜幾日。年年規矩。自三王來朝瞻禮。至建定

聖體大禮日。總不見人。增修自己之德。身苦神勞。熱愛聖寵。非言語可  
能傳述。出來之時。與別人大不相同。有一婦人。在門隙中。密窺聖女所  
做何事。此婦頃刻兩眼俱盲。明知天主之罰。俟聖女出房。跪叩求憐。聖  
女在彼眼上。畫一聖號。眼卽復明。有一東邊的國王。名亞弟辣。統兵六  
十萬。處處擄殺。傷害人民。拆毀城池。將至京都。滿城人民。欲避此難。聖  
女明知天主之旨。力勸眾人。不必躲避。只要痛悔罪過。求主保佑。必定  
惡王不來傷害。在此城內。還比逃避更穩當。果然亞弟辣不但不到此  
城。竟被相近之本國兵。大敗之。率兵遠遁。又過五六年。適遇饑荒。餓死  
之人甚多。聖女大發惻憫之心。親往別城借貸。得十一大船之糧。以濟  
京都。在路時行無數聖跡。啞者言。瞽者視。除病驅魔。不可勝數。其時之  
拂耶濟亞國王。雖不認真主。甚敬重之。故聖女有求必允。一日要殺幾

個惡人。適聖女不在城內。王命閉城正法。聖女明知王意。親自至城門。卽自開。直至王宮。懇求活此罪人之命。王仍准之。太子卽位。更加恭敬。所求之事。好像不敢不遵的。因此救了無數的性命。好了無數窮人。立了許多天主堂。王后聖格樂弟元達素奉真主。大有聖德。其恭敬聖女之禮。尤超越尋常。往往進宮同坐。講談身心性命之學。凡病人到聖女跟前求救者。無不立愈。有一孩童。耳聾眼瞎。音啞腿癱。身兼四種痼疾。如此廢人。一畫聖號。諸病悉除。又有一孩。墮井而死。聖女動心求主。畫聖號於小孩之身。卽時復活。似此聖跡。與日俱增。筆難盡載。魔鬼明說。甚畏此女。處處加我之苦。壽至八十。去世升天。雖不在世間。聖蹟至今未斷。時天主降生後四百九十九年。

### 宜行之德 防死

聖思 一。自己該常常對自己說。爾必定死。有天主之命。自開闢至今。無一人不死。爾信不信。爾想不想。將來之日。必有一日。係爾死日。死之時。必定離開親戚友朋。財物體面。死之後。必定身不能動。耳不能聞。眼不能看。舌不能言。肉必臭爛。爲腐爲蛆。骨必朽壞。爲土爲灰。既然如此。爲什麼還愛此肉身。併愛此身外之物。一。既知有死。但不知死於何時。死於何處。定不得只有一年。或只一日。或卽頃刻。眼見今日多少人死。誰能先想到這是他的死候。誰能保得死的時候。必能痛悔。既然如此。該當時刻預防。一。該想我死之時。怎麼死。可得聖寵。可得升天。怎麼死。必然有罪。必然下地獄。汝曾如此想過否。想一想。誰能不膽戰心驚。以後必該如此預防。庶可免遭大險。

當務之求

爲臨終者

祝文 救吾者天主。聽受吾禱。吾樂爾聖童女日諾物瓦瞻禮。望以誠心。得受訓誨。爲爾子耶穌基利斯督。亞孟。

# 初四日 聖西默盎瑟弟利大 隱修

警言○因伊異日。必將判汝。 聖經

聖傳○聖人之行事。似有不可信者。如聖西默盎瑟弟利大是已。當知天主。准此奇行。不但作人之表樣。還教誨吾人。雖柔雖弱。惟依靠天主的聖寵神恩。萬無一失。謹按聖人。本西里亞國鄉下貧民。能熱心事主。幼時以牧爲業。一日大雪。不能趕牲口。到天主堂。聽鐸德誦經。喜樂者。乃真福。泣涕者。乃真福。這兩句。狠動了聖人之心。卽向老年人求其解說。併問如何退得此禍。老者回云。離世俗。入山隱修。係第一法。時聖人在天主臺前。跪求開導。專切之極。忽然熟寐。夢已掘地最深。耳邊聞說。還要掘。又掘。又聞其聲。至四遍後。更聞說。如今可作基址。可砌高

牆。又說。要做聖工。必先克己。克而又克。再磋再磨。及醒。與先時心內。大不相同。卽刻入山。求隱修人收之。在此兩年。與心不合。遂別去。更覓深處。加意苦修。遇一八旬隱修之老。同處數年。纔習學此隱者之經詩。卽默想此經詩之奧妙。推想自己。諸凡不如他人之好。常喜服役於眾。但眾隱士。兩晝夜。食一次。聖人七日內。只食一次。老者見其太過。又恐別人看樣傷身。令往別處隱修。聖人去此不遠。見一枯井。入內祈主。閱五日。老者之心。紊亂不安。特請聖人回院。又過一年。聖人自行辭去。到一最大高山脚下。將亂石自砌一圈。三年於茲。如天神在天一樣。定志要守四十日嚴齋。如吾主耶穌。與每瑟聖人。阮里亞聖人之規。點水不沾。將此定志。告知本管之鐸德。竟許其所請。惟命圈內。預備小餅。不能忍受。就食無妨。聖人喜極。嚴齋四旬。並不飲食。年年如此。三年後。又往高

山頂上。圍以籬笆。用一條三丈長的鐵索。一頭鎖大石一塊。一頭鎖自己的脚脛。總不下山。本地主教聞知。親自到山禁飭云。你何故如此。斷不可也。卽命鐵匠開之。聖人如此行事。多眾聚觀。有病者。有罪者。有凶禍者。都來求救。無不如意而去。聖人見此光景。另生別意。將大石累成一臺。約高丈許。不久。又累一層。約高二丈。不久。又累一層。共高三丈八尺。露居頂上。並無遮蓋。可蔽風雨。可禦暑寒。四十日。方食一次。嗣後一年內。只食八次。八日。領聖體一次。人常見其非跪卽立。從來不坐不眠。晝夜如此。腿上忽發一瘡。狠臭狠兇。瘡內多生活蟲。聖人不但不肯治好。如有蟲出外。卽取入瘡內。一鐸德聞聖人不食不飲。不坐不眠。到臺下問云。果然你真是人。或係天神借形顯現。聖人回云。請上臺詳察。鐸德登高至頂。聖人開瘡請看。我是人否。時一蟲外走。落於臺上。有亞辣

密亞國王。慕名趨見。聖人取此活蟲。變一珍珠送之。王得此珠。奉爲至寶。什襲敬藏。從此聲名日盛。別院隱修之士。見這樣非常奇跡。疑非天主而來。恐係邪魔助害。特差二人。囑其前往臺下。傳命下臺。他若聽命卽行。速止之。知其所行。俱由於天主。他若有些推委。必要強其速下。全拆此臺。二人到了臺下。不覺口顛心驚。話竟不能出口。勉強說了吩咐之語。聖人聽畢。就要下臺。二人連忙止住。纔信所行俱是天主之恩。聖人在臺上。常訓誨臺下之人。改過敬主。因天主至公至義。審判難當。小過必罰。小善必賞。聞者無不痛悔。溯其聖蹟。最勝最多。又具先知之德。年至九十餘。無甚大病。跪誦聖經而終。畢生懿行。書不盡言。舉其大畧。亦足顯天主之聖寵神恩。非人之意見。所可幾及也。時天主降生後四百六十一年。

### 宜行之德 想審判

聖思 一定死之時。卽係天主臺前。定審定判之時。但反求自己之行事。好像不信此身定死。不信死後定有審判。若信。豈有不改過之理。天主無所不知。思言行爲。誰能隱藏毫末。審判之時。怎麼樣答應。一。天主至公。無一過不罰。無一善不賞。天主至能。無一人得逃天主之義。既知如此。還不該預備麼。一。天主判定之案。絲毫不得改移。無論泣悔不中用。卽耶穌寶血。聖母仁慈。聖人主保。都不可挽回。惟有此時。自己審自己。自己判自己。自己罰自己。係頭一等好法。爲何不做。

### 當務之求 爲罪人

祝文 天主。以爾聖西默盎瑟弟利大。每年瞻禮。樂我等。懇祈爾。吾旣慶厥誕日。幸師厥功勩。爲爾子耶穌基利斯督。亞孟。

初五日 聖赫都哇 國王

警言○爾願得真福常生。則必輕忽現世斯須之吉慶也。 聖經

聖傳○大位而能謙恭。快樂而能潔淨。富貴而能神貧。輕世。此最難得者。赫都哇聖人全有之。聖人本昂利亞國儲君。生時適遭大亂。父將母子寄居拂耶濟亞國。自己平定本國之事。聖人自幼比眾不同。小心謹慎。熱愛天主。雖微罪不容偶犯。年歲漸增。德才漸長。奈本國遭達尼亞國之殘害。殺傷搶奪。拆毀主堂。無所不爲。敬主之人。常哀求天主。免此重災。內有主教彼里都亞爾聖人。求主甚虔。天主默示云。汝去世後。有赫都哇平安此國。不久。父王病故。正當危亂之時。忽然戰敗敵兵。臣民樂業。赫都哇即位。朝野清平。四鄰慶賀。但此體面。毫不動心。常記

經言。處大位者。不許畜傲在心。愛民當如父子。果然治國。純善謙和。愛眾憐貧。無大無小。至義至公。人人悅服。一切制度。至今不敢變更。若論天主之事。凡心內所有之聖意。莫不舉行。溫厚和平之表。能令人起敬起畏。常奉耶穌聖號。教導臣民。人之是非。不形於口。己之喜怒。不現於容。惟有聽善言。法善行而已。年逾二十。婚禮置而不問。廷臣公勸之。因不娶之素懷。難以明示。數日避人。求主開解。突然定一最奇之主見。照依所勸。擇配大婚。係頭等大臣之女。名厄弟大。禮畢。王即密言守貞之志。此女樂甚。同向天主臺前。獻潔修之願。兄妹終身。嗣後王之聖跡甚多。一日出宮。詣堂瞻禮。眾大臣扈從隨行。路遇貧人。遍身瘡毒。股脛相連。癱廢於地。求王背負到堂。因聖伯多祿親諭此人。若得王來負汝。其病即痊。聖王不顧人言。即背負於聖伯多祿祭臺前。未及放下。病已全

愈。又一女孩。頸項爛瘡甚惡。王見之。畫一聖號。即時平復。又瞽目三人。得王洗手水。洗目即明。又預知未來。王之外父。行事不好。不肯訓誨其子。必致忽然受殺。王將此事勸戒云。汝若不肯改悔。數日內。還受天主之罰。外父不以爲然。至第六日。喫飯時。忽有一物。梗塞喉中而死。王奉聖若望宗徒爲主保。一生欽敬之。途間。遇一窮人。求哀矜。王無銀物在身。將所佩珍寶之戒指送之。數月後。有本國二人。往日路撒稜朝覲耶穌受難之地。歸時。遇一老者。囑云。我是若望宗徒。你將此戒指。賚回本國。陳送於王。我先在某處做窮人。求王哀矜之物。再有一語。過六個月。我親來引他升天。二人回國。將所見所言。併戒指。一一陳明。王即跪謝天主大恩。果然六個月後。患病不起。將廷臣俱傳赴榻前。明言王后童身之德。二十餘年。如同兄妹。王后哭泣甚哀。王慰云。爲何哭我。如今出

世後。就有常生的恩。更有無限的福樂。言畢。一心全向天主。領聖體。行終傅禮。默然而逝。在王位二十四載。係天主降生後一千六十六年。聖墓顯蹟更多。瞽目復明者六人。又一無珠之目。即刻完全光亮。立起身。身癱瘓之人。不計其數。閱三十六年。因遷葬開墳。本身與衣服。竟與生時無異。

### 宜行之德 想天堂真福

聖思 一。常生在享天主。享天主。即享萬福。世上人心。都不安穩。天堂方得全安。既是如此。爲甚麼不望。如望。爲何不想。爲甚麼要謀世樂。世俗的樂。比得天堂麼。 一。天堂的福樂。純而無雜。久而無窮。世俗的福樂。無福不空。無樂不苦。若在世時。爲行神工。受些微小苦。可得天堂無窮之大樂。如此利益。怎麼不做。 一。世俗爲何無福不空。因今日之福。

明日沒了。雖有何益。惟天堂的福。得了一次。明日亦得。明年亦得。故永遠無窮無盡。既知如此永遠。應該着意謀求。

### 當務之求 爲罪人改過

祝文 天主。以爾聖王赫都哇。不貴世之所貴。保全己之真貴於無窮世。懇求天主。使我等追隨聖表。弗顧世榮。惟務己之真貴。爲爾子耶穌基利斯督。亞孟。

初六日 聖慮先主教 聖瑪暹鐸德 聖儒連

副祭 致命

警言○善人領洗之時。幸受聖寵超性之德。如卒受器以敵其仇。

聖基所

聖傳○聖慮先係羅瑪望族。先隨聖伯多祿宗徒數年。能充辣弟諾通士。為辦理教務。大出其力。所以聖伯多祿升天後。接位之格肋孟德。即差聖人陪弟阿尼削。往拂耶濟亞國傳教。路經巴爾瑪府。甚信邪神。聖人暫留開導。即被拘拿監禁。內有幾位信主之人。將聖人乘夜釋放。行至巴未亞府。勸化多人。因非奉差之地。不敢久留。仍趨往拂耶濟亞國。迫隨弟阿尼削。旋升主教。差往別地。聖人盡心勸化此地之人。講

明汝等所敬者。原屬人類。盡皆虛妄。止有一個天主。三位一體。第二位降生。救我贖我。該當敬之信之。眾見聖人行事。與本地出家人。大不相同。常行聖蹟。救人靈魂。些微麪餅以解飢。凉水以解渴。克己苦身。不受人分文之利。因此外表之光榮。不多時。領洗者三萬餘人。昔日供奉邪魔之屋宇。皆變爲敬主之聖堂。內有瑪暹儒連二人。追隨修道。迨後學業有成。遂以瑪暹爲鐸德。以儒連爲副祭。未幾。有總王之差員弗生你約。見此地聖教廣揚。不勝怒甚。密差心腹三人。命拘害之。聖人蒙主默示。卽與瑪暹儒連等說明。隨同出城。至十里外。一山上。爲預備自己領受致命大恩。捕差到山。尋獲瑪暹儒連殺死。聖人眼見二徒致命。大聲感謝云。吾天主。吾大恩主。先收我兩義子升天。望主仁慈。亦賞我同他見主。三捕差叱爲怪談。聖人答云。我行的事。皆天主之光榮。爲國家之

大義。我傳的教。至真至正。無假無邪。爲何不情願以身証主。捕差無言可復。總不許說話。網縛背手。鞭責多時。斬首致命。斬後。身已倒地。從新起立。手捧自己之頭。往前行走。過河如履平地。約行五里。到一可葬之處而止。教友卽就地葬埋。因此靈奇。一時棄邪歸正者。五百餘人。時天主降生後一百二十年。

宜行之德 謝聖洗恩

聖思 一。領洗之時。曾許過離開世福。與邪魔之事。今從領洗後。算一算。許過的話。有謊。沒有謊。每日每日。自早至晚。果然不愛世福麼。果然不隨邪魔之事麼。回想邪魔。曾來救贖你。受了苦。受了難否。曾許你死後。有永遠天福否。隨邪魔之事。明係哄人。明係拉你下地獄。爲何不離開。一。領洗之時。天主免了原罪。又免了從前本罪。賞賜聖神之寵。結

合於靈魂。做天主之義子。死後享天主之永福。如此大恩。至今曾謝過否。至今還想念否。定不得受恩後。從新犯了重罪。失了聖寵。若果如此。惟有從新用痛悔之淚以洗之。只有此法。還不失升天之望。一。領洗時。曾許過天主守十誡。守聖規。守耶穌留下之訓。今汝怎麼守此本分。言語行事。可算得天主之人麼。可與外教不同麼。金口聖人曰。拜天主。不在於名。全在於行。汝爲耶穌之弟。曾隨耶穌之行麼。

### 當務之求 爲婦女

祝文 望主。爾聖慮先致命兼主教。聖瑪暹鐸。聖儒連副祭。瞻禮。護翼我等。因厥聖祈禱。蒙其轉達。爲爾子耶穌基利斯督。亞孟。

## 初七日 聖路濟亞諾 致命

警言○熱寒迭苦惡人。時入烈火。時溺凍湖。無時了也。古聖若伯

聖傳○聖若望號金口者。曾以大德。頌美聖路濟亞諾。今欲知其大德。應畧述生平之梗概。聖人本西里亞國人。年甫十二。父母俱亡。幸在大才學人坐前。讀聖教書。不數年。即貫通領畧。自定一苦工。飲食只用乾糧。生菜。冬不向火。點想離俗。凡平常言語。都從聖經出來。至二十七八歲。受鐸德權時。有翻譯聖經之人。夾入異端私意。聖人駁回改正。聖熱落尼摩。狠誇其改譯之聖經。盡善盡美。適遭聖教不獲平安。傳聞聖人多方勸勉。即被拘拿。發往尼閣木弟亞地方。路上遇一起叛教者。計四十人。聖人憐其愚懦。勸令改悔。眾即動心悔罪。後來大半。俱為主

致命。餘皆定志不移。到此地方。又遇數人。沾其化誨。國王深知才品非凡。欲用爲宰相。只要他背主事邪。因聖人堅執不從。先加鎖禁。隨用四孔枷。攣其手足。每日用祭過邪神之物與食。聖人始終拒絕。從不沾唇。牢內盡屬教中。至三王來朝瞻禮日。心內都願領聖體。奈此內並無鐸德。只有一副祭。聖人欲滿眾心。命副祭。將麪餅放於胸上。降福祝聖。給眾恭頌。行此神功之時。天主的大恩。並未遇一外教人。第二日。國王聞聖人未死。差人看驗。聖人大聲云。我是天主教。彼見氣壯語雄。問係何處人。照前回云。我是天主教。又問向來作何事業。亦云。我是天主教。復問聖人的本家。仍回云。我是天主教。問答纔完。即斷息而終。攣於板枷上。計十四日。時天主降生後三百十一年。金口若望曰。聖人不用別話答應。單單說我是天主教。因人的本主。只一天主。本處本家。即是天堂。

本事業。就是恭敬天主。親戚友朋。就是在天堂的聖人。這纔是本來真實的出身履歷。故不必另換別的說話。王聞聖人已歿。命縛大石於手。墜入海中。天主不准聖屍沉溺。浮水十四日。如枷禁之數。第十五日。聖魂親命門徒。到海邊某處。必得吾屍。其徒同眾友。遵命而往。見一大魚。將聖屍負送前來。徒眾敬收之。其魚即死。聖屍遍體俱全。惟無縛石之手。不久。從水面蕩漾而前。徒眾將手湊於屍上。立刻長好無痕。遂小心殮葬。迨後聖教大行。有國后赫肋納聖婦。在墓前建造主堂以恭敬之。聖墓所顯靈跡。如開瞽豁聾。起癱愈疾之類。有求必應。

宜行之德 想地獄之苦

聖思 一。地獄之苦。不是別的。乃天主義怒之刑。無窮無盡。世俗之苦。雖苦不算。因肉身有死。一死之外。萬苦不能加其毫末矣。地獄之人。明

知天主之福。在世倚賴天主聖佑。由得自己。只因生前失了永福之望。死後再無可得之法了。每見今人。失一好友。失一親戚。失一家私。心內狠疼狠苦。既知天主之福。係我等共該享受之永福。一失不能再得。其疼其苦。更當何如。一。或渴或飢。或冷或熱。或病或窮。或官刑私拷。種種艱難困苦。總比不得地獄些微之苦。我等在世。一句罪話受不得。一點牙疼當不得。一星之火燒不得。地獄的苦。倒可招惹麼。省察自己之行。早該受此永罰。非天主特恩。如何還有今日。倘只圖苟延性命。難道不怕那恩斷義絕的時候麼。一。此苦係無慰無望之苦也。此難係不減不滅之難也。常常痛心疾首。誰不戰兢。誰不畏懼。誰肯安享世福。誰肯怨尤世患。誰肯甘心犯罪。遭此永殃。除了素無信德。或係瘋狂人。決不能不如此預備。

當務之求 爲重罪回心

祝文 伏祈全能天主。吾敬憶爾聖濟路亞諾。致命者誕日。賴其轉達。  
加力於吾。愛慕爾名。爲爾子耶穌基利斯督。亞孟。

初八日 聖老楞佐儒斯弟尼亞諾 主教

警言○爾願入天國。而永享常生之真福。則路莫近於我十誠之守也。聖經

聖傳○聖老楞佐儒斯弟尼亞諾。係意大利亞國巨家之子。自幼語言動靜。儼如成人。其母最熱心敬主。恐兒爲世俗所害。聖人覺之。即對母云。不須過慮。我後來在天主臺前。必定熱心。年十九。將自己之富貴尊榮。與離俗修身之艱苦。忖度再三。眼前現有所供耶穌聖像。不覺痛切於心。即云。吾主耶穌。罪人之望。十字架上之艱難。實天堂正路。遂決志定離世俗。不久。往乃叔修院。全行修道之工。處已最嚴。飲食極其菲薄。耐渴而弗解。暑不乘涼。寒不向火。一日。眾修士同請避熱。回云。此

不能受。後來煉苦何如。又有長者勸他畧寬些。答曰。論我該順長者之命。但我情願受此。仰報主恩。重違尊命。伏乞見原。足見其謙之至也。不數年。即受鐸德。爲一院之主。至於服役眾人。如前一樣。所言所行。皆以耶穌聖母爲法。誦經時熱心翕合天主。恍如不在世間。舉行彌撒時。默想工夫甚久。輔彌撒者。每扯衣促之。始完。日以爲常。一友來謁。勸其出院。彼聞回復之言。亦動心修道矣。適物訥濟亞府主教缺出。即將聖人陞補。屢辭不獲。行事依然照舊。主教俸資。盡爲哀矜。或勸云。似乎太過。回云。你們錯了。窮人乃天主前近臣。我們是天主差來。管理窮人者。本來聖德最高。污辱之加。從無怒色。和藹之容。毫無強勉。惟望己心與主相合。故誦經時。難容雜意。且愈病驅魔。多顯靈蹟。更奇者。聖體瞻禮日。修女院因無鐸德。差人稟知。聖人答云。我知道了。及舉行彌撒。至成聖

體後。聖人肅然不動。豈知此刻。神體親臨修院。恭捧聖體。送與熱心之修女。眾修女皆見之。竟未知其爲神體也。口中常說正經教友。不但絕大罪。還該絕小過。不絕。恐斷聖寵。謙德如小溪。冬乾夏漲。富人如冬而少謙。貧人如夏而多謙。世間的潔淨。似乎火燃。加入俗務。不可滅矣。我們該有者。只一天堂。除了天堂。件件本無。倘或認無爲有。必然終歸於無。又言每日彌撒中。人人可以享天主。不享之故。明明主不在心也。年至七十四。值耶穌聖誕瞻禮日。熱心更甚於前。望享天主之福。彌撒時。身發大熱。旁人預備裯褥等。聖人云。吾主耶穌身死之日。不會用此。我何敢用。數日而逝。時天主降生後一千四百五十五年。

宜行之德 守十誠

聖思 一。奉教之本。在信主聖訓。十誠之守。正所以行我之信德也。自

然萬死不肯陷於重罪。豈有故意。敢行無限地獄之事。至失天堂無限之福耶。 一。人之言語。該與心合。正教之人。既有信德。猶當心口相符。今我言語如何。雖不害人之命。雖不動人之怒。到底虛而不實。何以稱正教之人。 一。正教人之行事。該與聖教之表相同。聖教之表。非他。即吾主耶穌。能效法耶穌耐苦之行者。方稱正教之人也。今看我之行事。不但<sub>不</sub>合。還像不信可畏之地獄。不信可望之天堂。這樣行爲。可使得麼。

當務之求 爲在教之人

祝文 懇祈全能天主。爾聖老楞佐儒斯弟尼亞諾精修主教。每年瞻禮。加吾心虔而體安。爲爾子耶穌基利斯督。亞孟。

初九日聖儒理亞諾 致命 聖女巴西利撒

童身

警言○靈魂之首痊。在乎避惡。聖盎博羅削

聖傳○聖儒理亞諾之父母。最熱心敬主。所以生此聖人。在孩童時。即盡心教之。至十八歲。欲爲其婚配。聖人聞之。心中很難。因先有不娶之願。既不敢明言。又不敢不遵父母之命。不勝憂悶。求少容八日。晝夜祈主開明。至第七日。耶穌親臨明示。命遵父母而行。必有同志之女。八日後陳明遵依之意。父母喜甚。隨聘女巴西利撒。娶之日。夫婦二人。俱聞奇香馥郁。巴西利撒即問云。此香從何而來。聖人云。不是別的香。係守童身之香。汝意何如。聖女答云。甚合我心。二人即向聖母臺前跪

禱。同定終身潔修之願。禱畢。恍若住房皆震。二人同見空中。耶穌聖母隨侍許多聖人聖女。到房。隨侍之中。有一老者。持書一本。送與二人閱誦。書上。因二人爲耶穌輕世俗之樂。故記名於童身之列。誦畢。俱不見。及父亡後。將家私變賣以濟貧。少留自贍。此時聖教不安。在教者常求天主開恩。巴西利撒求時。天主默啟。使知儒理亞諾不久。即能致命。自己不致命。隨向淨夫言之。果然不數日。聖女平安而逝。聖人知其童身盛德。必享天國之榮。故不甚悲苦。惟盡心勸勉教中。堅存信德。事聞。即同教眾。被拿鞠訊。勒令叩拜土神。聖人回云。論國法。不得不從。論敬土神。不必望吾。吾等恭敬天主。不能改也。上人怒甚。先將教中眾人。禁於一室。火焚致命。火滅。始將聖人棍擊無數。一棍誤擊法司之目。聖人云。請問汝土神能治否。不能。我求天主保佑。必愈。土神自言我乃邪魔。無

能愈目。惟彼求主。方有其能。聖人畫聖號於眼皮。不但愈其形目。又開其神目而信真主。如此靈蹟。同時上下之人。俱不動心。嚴行鎖鑰。示眾遊城。有堂官七歲之子。天主特恩。使其明見無數天神。圍繞聖人。戴以奇美之冠。不覺大聲歡呼。惟天主教所敬的。是真主。我如今必要欽崇。別的土神。都是假的。即奔至聖人前。求其教訓。乃父聞之。大怒。用各樣誘騙之法。俱不能動。將子與聖人。用兵看守。兵共十二名。聽聖人與幼孩所講。俱認真主。其時先有一鐸德。名安當。同七教友在監。見此幼孩。及眾兵信主之誠。俱付聖洗。幼孩名瑟而瑟。事聞於朝。堂官奉命一齊俱斬。出監至法場。路遇擡埋之柩。堂官向聖人戲言云。你敬者。果係真主。可命此復活。聖人求主開恩。死者即從柩而出。向眾人云。耶穌基利斯督。實係真天主。別的土神。都是虛假。今特恩活我。以後改過。必定信

主。堂官見死人復活。又羞又怕。但其心執迷不轉。將復活之人。一齊拿鎖。偶近鐸德安當之身。鐸德求水解渴。即與復活者付洗。名亞納斯大爵。官被嚇昏。仍命回監。併難捨棄其子。差妻到監。滿望母能勸子。豈知其母一聞正道。即信主而領聖水。堂官怒極。立斬守兵。火燒七教友。併安當等。留下聖人。與新復活者。及其妻其子。共四人。攜赴邪神廟內。傳喚在城僧人。會同辯駁。僧人理屈辭窮。堂官云。若你復活是真。可求爾主。將此廟神。立時自毀。聖人等默禱於主。頃刻之間。地即震裂。將一廟土神與僧眾。都下陷矣。至今此地。常常發火。以彰其罰。官見異變非常。心神昏亂。仍命監候。至夜。四聖人誦經時。明見斬決之守兵。與火焚之教友等。遍體大光。同無數聖人。又見聖女巴西利撒。同無數聖婦聖女。到儒理亞諾前。慰云。你們苦難之功就滿。一總不久。來享天主永遠大

福次日。官用火窖燒之。只焚其鎖鍊。身不受傷。又將四人。投入獸機。猛獸俱伏於足下。如親愛之狀。堂官恨極。即命斬首。聖人德備功全。天主欲酬其勞績。四人同時斬決。誠恐教中。收其遺屍。混入外教人屍內。天主不許聖屍埋沒。忽然暴雨迅雷。外教人盡散。教友同幾位鐸德。乘夜至積屍之處。四聖人靈魂。立在各人屍上。連血成一塊。教眾敬收葬之。時天主教降生後三百九年。

### 宜行之德 小心救靈魂

聖思 一。天主教生人。原爲終享天福。故要人救己靈魂。因此第二位聖子降生。教以天堂正路。明十誡。立聖跡。每日每日。特加無數聖恩。你也知道。而今爲什麼。竟不肯跟隨救世之恩。 一。天堂地獄。都在我手中。要救我靈魂。常生常樂。由得我。天主聖恩不少。爲何不行。爲何妄費主

恩。如今好跟隨的時候。不肯跟隨。誰知後來怎麼樣。一。如今不肯。該怕後來不能了。耶穌親訓。服事世俗。服事天主。乃相反者。今天主肯救我。自己不肯。後來自己肯救時。怎麼知道天主肯與不肯。倘或不肯。有何救法。

### 當務之求 爲安慰病人

祝文 天主。爾賜我等敬憶爾聖儒理亞諾。及巴西利撒誕日。望爾居榮福之域。使吾爲同侶欣樂。爲爾子耶穌基利斯督。亞孟。

初十日 聖味肋爾莫 主教

警言○凡聽吾言而實踐者。猶智士建宮室於石址也。 聖經

聖傳○聖味肋爾莫。係王侯之世胄。少時。在叔父處。讀書一二年。見世俗富貴尊榮。盡同虛幻。難救靈魂。身雖軟弱。必欲離棄俗情。隨行耶穌十字架之路。即往聖伯爾納多之修院。進會後不久。受鐸德權。此時更盡力。更熱心。更謙恭。舉行彌撒時。常流淚不乾。感激耶穌受苦於十字架之恩。心內惟望升天。自覺身命很難。往往食不下咽。適主教去世。眾人力薦其賢。固辭不免。但所行克己苦身之工。有增無減。寒暑不換苦衣。飲食最粗最少。常云。論理。既救別人的罪。自己更不該犯罪。又云。臨終之日。時記於心。乃救己靈魂之妙藥。所以常常去安慰病人。提

醒臨終之人。幫助善終。因此大德。聖蹟甚多。一孩童瘋病。四肢俱顛。聖人畫一聖號而愈。又有鐸德。一臂竟不能動。聖人諭令改過。比先熱心。隨畫一聖號。臂即伸轉自如。又一婦人。損過五胎。至第六胎。求聖人祈主保全。聖人先教其悔罪自新。然後降福於食物。令婦食之。竟產一佳兒。聖人年已及邁。天主默示終期。於三王來朝瞻禮日。到堂講道。勸人堅固信根。小心守十誡。明言天主將來收我靈魂於天國矣。回署第二日。請傅聖油。跪領聖體。臥地而。附身之服。惟有苦衣。主教衣而已。時天主降生後一千二百零九年。升天之時。顯一大星。照臨本署。光如太陽。以表其聖德。

宜行之德 謹遵主訓

聖恩 一。不納天主訓。必定有罪。其罪如何。係無可比之大害。爲甚麼

有罪而人皆不知。既得天主之生。不享天主之福。不用天主之佑。必永遠爲天主之仇。永遠受天主之罰。那犯罪時。可信此道理麼。邪魔之所。以爲邪魔。因有重罪故耳。我犯重罪。又許我悔改。非天主特恩耶。有恩而不肯用。後來必定何如。一。原祖之罪。貽害後人。不知多少。各樣之災。俱從此出。一菓之罰。其重如此。可知凡屬天主之訓。必定都如此。今我不納主訓。犯罪多端。當受何罰。一。我罪又多又重。尙留世以望我之悔。且容我以待後之補。明知天主不開此恩。如今必在地獄。受此罪之罰。難道還不該小心。不該害怕。不該真心痛悔。盡心補贖。以順天主之命麼。

**當務之求** 爲負重罪者祈主

**祝文** 懇祈全能天主。爾聖味肋爾莫精修主教。每年瞻禮。加我心虔

聖年廣益... 正月初十日 聖味肋爾莫

而體安。爲爾子耶穌基利斯督。亞孟。

十一日聖特阿多爵 顯修

警言○倘爾善度晝而致神益。則至暮必永樂也。輕世金書

聖傳○聖特阿多爵自幼讀書謹慎。以聖經奧旨爲先務。不多年。發明經旨。人人愛領教言。後想朝覲耶穌受難之地。適昂地阿加到西默盎瑟弟大臺下。西默盎即呼其名。汝係天上之人。來得狠好。聖人自忖我名。何以知之。遂上臺。跪求降福。指點迷途。說話之間。熱心如火。定志隱修。隨遇一老。聖名隆仁。深通聖學。同居數載。功行日新。此老歿後。修名大著。遠來求益者甚多。不合聖人謙卑之本意。另覓高山。獨居三十餘年。克苦勤修。所食者惟野蔬荳菽而已。後有數人聞之。求爲同侶。強至再三。始蒙允諾。聖人命造棺築墓。以爲寓目警心之用。墓成。同看

同說。我等何人先進墓中。內有一鐸德。名巴濟畧。跪應曰。我求神父。降福先進。聖人准其所請。巴濟畧自己入墓。眾人卽在墓前通功。如此四十日。念經不斷。甫滿四旬。巴濟畧平平安安。毫無疾病而歿。歿後。惟聖人看見巴濟畧靈魂。同眾通功。眾人只聞其聲。迨至四十日。有一位名厄爵者見之。疾趨而前。又只聞其言。以後你們總不能在此見我。你們記着。小心敬主。一日。係耶穌復活瞻禮之前夕。有隱修院內。不存祭餅。並無食物。眾多憂悶於懷。特向聖人陳其窘迫之狀。聖人云。眾兄弟放心。只管預備明日用的祭品。其餘都在天主。少頃。幾馱糧食。當晚卽至。足供五十餘日之用。聖人聲名日盛。求教者日繁。欲再隱跡以避之。但不敢擅行。求主開視。天主默示云。盡心救人靈魂。甚愈於避靜之好。從此不論何人。無不欸留。貧者。病者。下賤不堪者。更加親愛。然人固眾多。

從來不缺所用之需。就食者。有時竟至數百人。值歲大旱大荒。貧富之人。一齊俱至。司事者。閉門不納。聖人不令拒絕。人人俱給以糧食而去。給至數千人。糧仍滿足不少。且救其肉身。必救其靈魂。隨各人所業所居。施教訓。或貴或賤。無一人不兼受神形之益。又一日。偶至別修院。院長告云。每日不過些須豆飯。並無一粒餘糧。聖人忽見地上一粒小麥。即指示云。這不是一粒麼。如何竟說沒有。命持此麥入於倉廩。頃之。麥已滿倉。此皆顯而易見之靈蹟。畧舉一二。餘可類推。老年。因向有常疾。只存皮骨。猶強勉支持。如壯健時。自知終期。集同院諸人。勸其小心敬主。謹守院規。退邪魔之引誘。隨請三位主教至院。好像有大事商量之勢。及三主教一到。即棄世升天。年一百零五歲。時天主降生後五百三十六年。

### 宜行之德 小心時候

聖思 一。人不可悞時。過去的。不在了。從前年月。如今在那裡。從前行事有什麼。論快樂。不過瞬息全無。所有者罪耳。論德行。真耶。假耶。論年紀。或三十。或四十。或五十。不爲不多矣。悞耶。否耶。果在立功天主臺前。心內尙不敢歡然自足。若只顧眼前。驕奢淫逸。不管悞時犯罪。縱彼富貴終身。後來何在。離了地獄。並無別處。我要像他一樣麼。 一。爲今之計。不過只有頃刻之間。全在我手中。已經過去的。不得回來。以後未來的。不能定准。所以永遠大福。永遠大禍。都在這頃刻之間。天主要我好的。用此頃刻。以圖永福。以免永禍。特留此頃刻與我。難道倒該棄而不肯麼。 一。後來之時。誰能知道。或有或無。誰能知道。幾時活。幾時死。如今現有之時。用得不好。將來死之時。臨淵無穩地矣。關係如此之大。

怎麼不小心使用。

當務之求 求善終

祝文 懇祈全能天主。爾聖特阿多爵精修。每年瞻禮。加吾心虔而體安。爲爾子耶穌基利斯督。亞孟。

## 十二日 聖若望加拉必大 顯修

警言○肉身之衰弱。增靈魂之堅強。肉身之堅強。必致靈魂之衰弱。  
聖伯爾納多

聖傳○厄肋西亞國。有將軍第三子。曰若望加拉必大。聰明勝於他子。父母極珍惜之。孩提時。小心誦讀。至十二歲。了然明白。狠熱愛天主。每日到堂。有時乘夜而往。年十五。遇本郡一隱者。要赴如德亞國。朝覲耶穌受難之地。聖人細問隱修之規。彼畧言其大概。聖人訂於回時再晤。隱者別去。聖人即向父母。求信經一部。父母喜甚。特備上等裝潢之信經與之。待隱者回時。即密攜信經。隨之而去。至一修院。院長見係少年。又本富貴家嬌養之子。難守院規。不准收留。聖人跪求哀懇。至再

至三。院長見其熱心。遂容之。在院六年。習成善表。邪魔妬甚。百計陰謀。俱能退脫。惟誘其悲傷父母之憂勞。寤寐常存。然不形於色。未幾。面容漸瘦。院長疑其克己過嚴。聖人明言其故。求眾代祈。奈此念常來。不得已。離院回家。路遇窮人。換其衣服。抵家不遠。求主云。天主我等主。明知我心要愛主萬有之上。因此離去家中之富貴逸樂。今求主矜全。始終得免邪魔之誘。延至半夜。方到家門。臥於門側。早間開門。見此貧人。憐之。許於門旁之隙地。作小屋而留養焉。聖人初時。每日見親人出入。更覺切切難當。耐不住。就要說明。又轉念本心。原爲克己以事天主。後隱忍不言。如此數日。纔定志勿移。越一年。父見貧人甚好。常給自己所食之物。每因物多食少。轉散別人。但伊父母。自失子之後。杳無踪跡。悲苦異常。母親之啼哭。久而彌切。不知貧人是子。反生嫌憎。又越二年。聖人

蒙主默示。三日後。必收汝升天。心內非常神樂。惟求主保佑父母而已。至第三日。求家人請主母一面。母怪之。告知其父。父云。汝該出去。以慰病者之心。難道忘了耶穌的聖訓麼。母卽轉想此人。或知我兒之踪跡。亦未可定。遂至貧人屋前。家人招呼出見。聖人叩謝云。多承憐憫。免不得天主要賞你夫婦大哀矜。我如今差不多要死。求允我所請。我死後。裹我破衣。埋我於此。不用一毫別物。母卽允諾。聖人遂將信經送上云。我求天主。後來你二人升天。都靠這本經書。母見此經。驚訝不已。想此貧人。如何有此。好像當日做與我兒的經一樣。不覺泣下。攜回送與其父。父見之。卽認定是我當時特特做與我兒的經。如何到他手內。必然知道我兒的下落。二人同去訊問。逼迫再三。聖人大嘆一聲。回云。果然我是爾子。此經是父母親手賜我的。二人仔細認明。真是吾兒。悲喜交

集。正悔從前之悞。又傷認識之遲。聖人已斷息而終。靈魂上升天國矣。時天主降生後四百五十年。歿後。乃母竟忘前許之言。更換華服。母忽半身不遂。父知主罰。仍換貧衣。母病卽痊。乃悉如所請而葬之。後於墓上。建一主堂。發顯靈蹟甚多。

### 宜行之德 克己

聖思 一。不論何人。定該耐苦。或在生前。或在死後。耶穌嘗言。人該尅苦。方能上升。有罪人。必定要改。不改。不得聖寵。無聖寵。必獲罪於主。不痛悔。又不補贖。還想上升。難道不是妄想麼。 一。改過的罪人。雖得聖寵。還該受苦以補前失。還該留心躲罪。若不如此。天主全知。保不定果然赦不赦。故論一重罪。常常該痛該苦。 一。不犯重罪之人。必如聖保祿在世時。卽見天堂真福。若不如聖保祿。又不受苦難。其心則不潔矣。

凡愛耶穌者。當愛耶穌之苦。行耶穌之路。建耶穌之功。

當務之求 爲被仇者

祝文 天主。以爾聖若望加拉必大。每年瞻禮。樂我等。懇祈爾。吾旣慶  
厥誕日。幸師厥功勩。爲爾子吾主耶穌基利斯督。亞孟。

十三日 聖拂理斯 鐸德致命

警言○貪財之心。易陷於誘惑。聖保祿

聖傳○拂理斯聖人。生於諾辣府。父母俱亡。與兄分產各居。兄習武職。聖人獨矢志精修。惟少留自贍之資。餘產俱用以濟貧。隨往瑪是彌亞諾主教處。求增神益。主教知其熱心。留入會中。不久。善行日新。邪魔畏懼。負魔之人。遇之即退。隨付鐸德權。時值教中多難。諾辣府更嚴。主教老而且病。暫避山中。留聖人於城內。果然不久。即將聖人監禁。是夜。天神降示。照聖伯多祿在監同出之樣。初疑爲夢。天神促之。眼見鎖具盡開。監門大闢。竟隨天神。直至主教之山。見主教勢將不起。少進些須飲食。復有生氣。遂欲回城調養。但軟弱難行。聖人背負以歸。外難稍

平。仍照常董理教務。奈此平不久。又經官役查拿。聖人偶出。捕差見而弗認。阻避於空房。房間蛛網滿門。官差不覓而去。聖人避住空房。有三個月之久。一老嫗。進食以全生。事平始出。終其身以濟貧受苦爲務。一日。彌撒後。謝主之時。默然無疾而終。驗其所行。列入聖品。時天主降生後三百一十二年。

宜行之德 輕財

聖思 一。天主欲人人升天。是生人本意。故降生以救。無一人不得主恩。能隨主恩。必定日增月累。還得格外的大寵恩。自己不盡心。不隨聖佑。可望升天麼。做聖人不過要一個肯字。肯必容易。不肯就難。今果有肯做聖人之意否。若無此意。如何說得要救自己的靈魂。 一。不論何人。雖外貌不同。都做得聖人。若能照依各人的次序。各人的事業。各人

的本分。因其所有。乘時勉力。有誰做不得聖人。今將我自己的本分查一查。可能爲聖否。一。我本分內。聖佑不少。只看多少好念頭。常常起來。不是聖佑麼。既是聖佑。會有幾次跟隨否。請看聖人行事。常留心跟着聖佑。所以能做聖人。能升天堂。我自己不要哄自己。升天就是聖人。非聖不能升天。爲何不想。爲何不肯。

### 當務之求 爲貧人

祝文 伏祈全能天主。吾敬憶聖拂理斯致命者誕日。賴其轉達。加力於吾。愛慕爾名。爲爾子耶穌基利斯督。亞孟。

## 十四日 聖貌祿 隱修

警言○甘聞益言。以智。別所已聞。而順行所已明。其益爲愈美也。

聖伯爾納多

聖傳○凡人能自幼小心。欽敬天主者。乃爲善之美基。聖人貌祿。本意大里亞國貴族之裔。與本篤聖人同宗。年十二。欲就學焉。父母喜甚。本篤聖人喜之更甚。因有天主默啟。知此幼童。後來必爲本會聖人。果然進會後。就顯聖德。在諸隱修之中。如太陽之在眾星。伶俐老成。並無幼態。才能德行。超越尋常。聖本篤每言大家子弟。未見有如此端方莊重者。特向眾讚美之。不多日。卽顯一神行。愈表其德。有幼者。名伯辣西多。汲水而溺。順流甚遠。本篤在院知之。卽命聖人往救。聖人趨馳水

上。拉至岸邊。如行平地。不知爲河。抵岸後。始驚畏之。眾人目覩其奇。更加欽服。聖人謙退不遑。歸功於聖本篤。與己無干。此後不論何事。皆順命勇行。至於克己苦修。更有加靡已。身無冬夏。不去苦衣。夜臥地中。不用裊褥。常寤而少寐。常立而少坐。八日之中。只食二日。有要緊救人之意。口始出言。否則嘿然。本篤聖人深器重之。命爲院長。管理院務。一日。有數窮人。攜一又啞又癩之子。求救於本篤。適本篤連日未歸。即求聖人。聖人面赤心慌。回云。我如何做此聖蹟。同隱諸人。勸之甚力。聖人不得已。跪懇主憐。將副祭領帶。置之於首。畫聖號云。三位一體之名。因本篤聖功。命汝起來。言畢。應命而愈。本篤聖人回日。聞之。感天主之寵恩。更敬聖人之謙抑。數年後。有拂耶濟亞國主教。聞本篤聖人之名。差兩人延請本篤。攜帶數位隱修同往。聖本篤卽與聖人。及別位。共四人。同

兩位原差而去。行至中途。所差之人。內有一位。偶從樓欄墮下。諸醫無效。惟有割去一臂之法。或可保全其生。同差者。不忍其傷。求聖人救之。聖人將聖十字架原木。放於臂腕。畫一聖號。諸傷全愈。正在行路之時。又一從者。墮馬腿折。聖人即畫聖號以愈之。過一高山。至聖莫理爵堂中。有瞽目人在此。聖人開其瞽。又訓以事主救靈之道。其人即定志克修。後爲鐸德。又數日。係耶穌受難瞻禮。見聖瑪諾告知聖人。及同行隱者云。第三日耶穌復活瞻禮。本篤聖人升天。至期。果如所言。到了主教所請之地。主教已經去世。新主教惟以禮待之而已。差往二人。見事情不合。遂代爲籌畫。遇一富家。欣然樂就。將自己山場。建一修院。請聖人等居之。營造時。有匠頭。從高架上。墮亂石中。周身骨肉。盡被損傷。萬無生機。惟謀埋葬之事。聖人暫令停止。擡聖瑪爾定堂。畫十字。誦聖號經。

求主開恩。立時平復。依然上架做工。奈邪魔妬其神行。附入三匠人身。上向眾人云。此人所行。非正經聖跡。不過仗彼法術哄人。聖人漠然不問。似乎未聞其說。未幾。三匠中一匠被魔致死。聖人憐之。畫聖號以逐其魔。併命死者復生。大聲云。真是聖人之德。所靠者。天主無限之能也。三匠俱痛悔前非。改過自新。院既成。聖人在院。至三十八年。安寧無故。因憶本篤聖人去世時。曾云。汝居此國。至四十年。可升天矣。計其數。只餘二年。故預加神力。以備終期。至其時。自入小堂。領聖體。受終傅。禮畢。仰臥苦裊而逝。年七十有二。時天主降生後五百八十三年。

宜行之德 善用暫生

聖思 一人在世暫生爲何。聖雅各伯宗徒曰。不過是一口氣。頃有頃滅。如此之暫。人皆忘其爲暫。且沒有一日不苦。人皆忘其爲苦。還戀戀

不捨。明知死後歸天享福。還忌諱不言。爲甚麼如此。必定是信根未穩。  
一。天主賞此暫生。不過要人立功升天。故暫生者。常生之望。人能因暫而常。可謂善用其暫矣。由今以思。我能善用其暫否。不過爲名。爲利。爲爲榮華安樂。都是暫中之暫。何曾爲到暫中之常。怎麼能設有常生之望。一。我人暫生。不久就完。以後接連的。是無窮無盡之時。這無窮無盡時。或是苦。或是樂。好歹俱定於暫生。而暫生又如此之短。爲甚麼不上緊盡心以用之。從前雖不上緊。及今還可做得。何故又要遲至明日。何故又要再等後來。明日有我沒有我。後來等得等不得。恐怕由不得自己。

### 當務之求

爲勸人改過

祝文 天主。以爾聖貌祿每年瞻禮。樂我等。懇祈爾。吾旣慶厥誕日。幸

師厥功勩。爲爾子吾主耶穌基利斯督。亞孟。

聖年廣益... 正月十四日 聖貌祿

六十九

## 十五日聖保祿 隱修

警言○凡專務世事而不務己靈魂之痊者。最爲狂癡。聖經

聖傳○聖教有遜世隱修之聖。遡其先。自聖保祿始。聖人生於厄日多國。年十五。父母俱亡。依姐讀書。值教中外難迭興。自慮少年淺學。避居山庄親戚家。庄主利其財。陰圖之。聖人乘此。棄財絕世。遁入深山。覓得一洞。外狹內寬。土乾地淨。且有菓樹清泉。並無往來人跡。感謝主恩。定居於此。每日食菓數枚。飲水一勺。就地而眠。以石爲枕。無拘晝夜。不過假寐片時。以息其乏。冬夏之衣。盡皆樹葉。此克己之工。可以言語形容者。若追論終身默道。朝夕礪修。心不少閒。形無抗玩。自慚自策。常泣常嗟。不見後功。惟知前罪。種種操存之學力。九十餘年。如同一日。此

非筆舌可能道其萬一也。然當知聖不虛生。德非獨善。終期將至。上主特顯其名。因同時有安當大聖。亦係自幼藏修。已經九裘有餘。偶生一念。以前修自愧。求加精進之功。是夜聞有聲自天而降。明言先汝而成大聖。將爲後人取法者。現居曠野。汝見之。方信汝之不及。安當又驚又喜。急趨山野。目望心瞻。不顧力憊筋疲。不畏炎威酷暑。猛勇前行。行至三日。望見前山虎狼來往。四顧無人。只有最深一洞。循洞而入。驟見明光外射。遂向內飛奔。聖保祿聞聲緊閉。安當跪至日中。諸言不應。最後說到此來。並非己力。實由天主。始驚感出迎。先叙現在世情。隨問各人來歷。忽有烏啣一麪餅而至。聖保祿云。每日此時。蒙主大恩。命烏賜此半枚。已經六十餘年。今因賢友。特加倍之。兩人舉手相讓。餅卽自分爲二。領謝後。徹夜快談。不覺入妙入神。忘其厭倦。次早。聖保祿告以終期。

在卽。又云。尊處藏有聖亞大納削衣服一套。幸賜以殮我。安當明知此衣。無人知道。必由天主默喻。亟馳取而來。未曾到洞。仰見聖保祿神魂。光若太陽。許多神聖。導引升天。安當痛泣於地。嘆相見之晚。又苦不獲再聆教益。故後人論取衣之舉。爲免訣別妨工之意居多。及安當入洞。見聖保祿尙合掌跪祈。只得從旁同禱。旣而不聞微息。始顯遺軀之敬畏。猶如此凜凜焉。年一百十三。時天主降生後三百四十三年。安當殮以所取之衣。奈乏掘土之器。無計葬埋。忽有二獅趨至。伏泣聖屍前。以爪墾地。起土爲坑。起畢。聽命遠颺。安當即捧瘞之。謹收所着葉衣而歸。什襲珍藏。非大瞻禮。勿擅動也。

宜行之德 輕世

聖思 一。聖保祿怕人因我而犯罪。又怕我因人而犯罪。故決志以避

之。可見若要升天。必先避罪。不避罪。必不肯潔淨。必不肯固守天主所賜之良知。今該如何。一。聖保祿山穴之苦。在人不能勝其難。在聖人更覺其樂。熱鬧快活。富貴銀錢。一點不動其心。我們常蒙天主指示。亦知事主之樂。亦厭世俗之繁。爲何不從。請試一試。若肯回頭。決無難事。不過頃時之苦耳。一。聖保祿在山穴九十餘年。不見一人。到身終之時。纔見過安當一次。因起首服事天主之心。狠真狠切。故如此孤獨。如此深山。一點不慌。當知慌之爲害。能滅愛天主之熱心。惟想苦難。不過幾時。能得永福。善功必久。我該如何。

### 當務之求 爲隱修者

祝文 天主。以爾聖保祿每年瞻禮。樂我等懇祈爾。吾旣慶厥誕日。幸師厥功勩。爲爾子吾主耶穌基利斯督。亞孟。

## 十六日 聖何那辣多 主教

警言○真窮困之事。莫甚於偽樂妄忻也。聖伯爾納多

聖傳○聖何那辣多本拂耶濟亞國富家之子。家中未遵正教。聖人幼時。即喜敬天主。領洗後。兄亦受勸沾恩。有一隱者。一年數次。進城講勸。聖人甚愛慕之。同兄來往。父母去世後。聖人將所得家產。盡變賣以濟貧。遂渡海遠行。路間。聞兄病故。仍渡海而回。遇一大德盛名之主教。求賜靜修之地。主教給一野島。甚合聖人心願。島名肋林。向來蛇蟒最多極毒。聖人一到。毒蛇盡死。自當日至今。從無再生之患。居此不久。有許多被化真修者。且博學通明之人。從此振振不絕。越數年。亞肋辣德主教缺人。勒令聖人頂補。授事後。重費心神。整理教務。諸事俱獲安

寧。在任二年。病不離身。工無少懈。四日前。預知棄世之時。此四日內。更加做惕。常想致命聖人之苦難。常聽致命聖人之行爲。常說我的苦。如何算得。臨終之前。有本地方官長進謁。聖人云。你雖做官。這肉身是甚麼。在世難之中。死後必然變動。何必愛他。耶穌大恩。真真至仁至慈。在世肯受些微之苦。就預備無窮無盡之賞以報之。如此好事。還不該樂受世俗之苦麼。言畢。瞑目而終。時天主降生後四百二十九年。歿後靈跡甚多。

### 宜行之德

棄絕虛幻

聖思。一。世俗之事。驕耳。淫耳。財耳。惟驕傲無一不有。比別樣更強。語言動靜。年貌妻兒。衣食田園。房間器皿。生前的神功才學。死後的棺槨墳塋。皆藏驕傲。若果明白傲情。從邪神所出。必與耶穌相反。該當倚誰。

爲主。不從耶穌而從邪神。可望升天麼。一。世俗之淫。滿天下都有。推開最難。非魔網而何。絕之之法。該如聖人苦身克己。敵此大仇。全全斬斷。不然。必遭其害。一。財之害人。其端不少。請看世人。誰不眠思夢想。誰不費力勞心。甚至苦也不愁。命也不顧。何不回想耶穌在世三十三。年。並無一刻如此。我今如此。可做耶穌之弟子否。可望後來。得享耶穌之永富永樂否。明明不能。爲何如此癡迷。

當務之求 爲迷於世俗者

祝文 懇祈全能天主。爾聖何那辣多精修主教。每年瞻禮。加吾心虔而體安。爲爾子吾主耶穌基利斯督。亞孟。

十七日 聖安當 隱修

警言○爾當時時防己。振己。靜己。勿專務他物而棄己。輕世金書

聖傳○聖安當與聖保祿先後同時。跡其棄俗苦修之工。亦不相上下。今畧述其梗概。以廣見聞。聖人生於厄日多國。尊富之家。純孝性成。奈雙親早背。終鮮弟兄。年十八。殯葬俱完。志無定向。適詣聖堂瞻禮。聞聖經云。欲成器而入聖域者。當散產業於窮人。然後從我。可得天上無朽之財。此言入耳。心境豁然。如奉耶穌之面訓。即回家分產。一半養幼妹於親戚。一半散給貧窮。遂子身遠遁。結廬以居。茹木葉。飲流水。晝夜惟以讀書默道爲務。後來常說吾山中喜讀之書。即天地間之萬物耳。倦則藉地而眠。更於僻處。密訪眾隱修以取法焉。數年德盛名高。魔

仇盡計謀之。責其年幼體虛。學疎才拙。遽爾散財忘己。棄妹絕宗。難免半途而廢。不如及早改圖。聖人覺爲魔計。屏絕甚嚴。魔復內搖慾念。外設女容。又於深夜。詐爲猛獸。怒吼圍攻。聖人明知魔策。賴聖十字以退之。魔乃變一怪醜之形。身矮色烏。伏告云。修士入我之網者多矣。爾獨敗我之謀。挫我之強。今甘心服爾。蓋欲借譽言以壞謙德也。聖人問其來歷。魔以淫鬼自稱。且誇張連年。引誘多人之能力。聖人云。汝旣不能勝我無智之幼童。何足懼哉。轉向天主曰。吾主左右我。從此更加奮勉。移居幽穴。惟令一友知之。粗糲爲服。刻不離身。每日只食熟麪一撮。水與鹽。俱不多用。竟有三日不食之時。臥於草地。非憊極不眠也。克己愈深。魔仇愈猛。捶笞凌虐。竟至九死一生。所知之友見之。背出穴外。聖人仍令背還原處。併云。吾雖無德無功。托賴上主。豈畏而離此耶。魔欲逞

威洩恨。立時地震。聚集多魔。各爲怪獸。張牙露爪。肆其兇殘。聖人神色如常。且笑其虛張聲勢。言未畢。異光滿室。醜類全無。耶穌顯容撫慰。傷痛俱痊。更覺氣壯力強。時年三十有五。復往求深野。途中見一大銀器。嚴叱之。器卽如烟而散。又遇黃金一方。不顧而去。踰山陟嶺。見有破房。爲蛇蟲猛獸所居。聖人只擇一隅以棲。蟲獸盡奔。此地亦只令一人知之。每年投乾糧二次於穴。未曾覲面。如此二十年。天主命其廣接兆民。勿私聖業。一時慕名來學者。戴之如天神。幸獲一晤。受益無窮。旣因徒衆日多。不啻千萬。於是隨方設院。嚴立箴規以訓之。旋聞東都教務不安。聖人特往其地。多方勸勉。併望爲義而死。後知此意不諧。仍還舊處。自慮聲名過甚。避入遠方。行際聞空中大呼安當何往。對云。吾欲避煩於某野。空中又云。不若順途居於近野。聖人領命。連行三日。至高山下。

菓木清泉畢具。不勝感激之至。迨後門徒訪得其區。饋送頻頻。聖人欲免其勞。自耕自食。且積其餘。留待賓朋。遇有野獸踐踏。片言立去。並無再犯之時。邪魔復聚多獸。乘夜咆哮。聖人笑曰。汝由主命而來。卽當吞我。倘從魔引。速遁毋遲。獸皆遠退。一日見有眾天神。引升天上之勢。魔詆其重罪阻之。天神云。幼年之罪。以苦修贖盡矣。此係天主憐其痛悔之極。故示此以安其心。聖人反躬修省之力。嚴厲非常。仇此肉身。不獨避人之目。己亦惡見。以防其狎。如攝衣渡水。人所常行。因聖人恥其露體。天主亦善全之。相傳夜間。聖人聞呼出戶。見巨人首至雲端。升天之人。多被阻而墜。間有擺開直上者。當知巨人。魔像也。縱慾者被阻。克己者直升。命聖人以此訓眾耳。亞立山得里府。有異端之患。司教亞大納削。請往助之。內有私誚聖人。未攻書史。及聞辨論。無不服從。故遠西大

德之總王。且致書求教焉。有一傲慢之異端。侮讖聖人之嚴訓。當遭駟馬蹂齧而亡。生平馭眾甚寬。惟遠避異端。過於穢毒。天主忽示以驟馬突入聖堂。毀傷臺座。明係異端橫害之像。雖知亂時不久。隨復廣揚。究難免其痛切也。年至一百有五。預知終期已到。聚眾門徒。教以守規勤學。又叮嚀兩友。僻處藏屍。毋令人亂加分外之禮儀。言畢。和色正容。天神羣集。接引聖魂。上升而逝。時天主降生後三百五十八年。如命瘞埋。顏色如生。未幾。遷葬於亞立山得里府。又移奉聖骸於拂郎濟亞國。

### 宜行之德 愛靜德

聖思 一。聖安當聽了聖經之語。竟是天主呼喚我。雖在幼年。立刻離世。避於山穴。建永遠之工。人若肯隨聖佑。勇行超性之德。自然可做聖人。今我有的聖佑。不知多少。曾隨了幾次。若說隨了。爲何還戀世俗。若

說不戀。爲何滿心憂悶。心滿擾亂。如此之愛。怎麼救得靈魂。怎麼做得聖人。一。聖安當離了世俗。邪魔就用辭去的財帛。體面。受用。害他。悅他。哄他。打他。雖然如此。聖人卽用謙德默工。克苦。耶穌聖名以退之。所以奸謀用盡。無可如何。可見自己放鬆不得自己。又自己依靠不得自己。只要依着讓恭苦難。全全依靠耶穌之功。並無難事。我今如何。一。自己退去邪魔。又聽見邪魔坑害教中。聖人遂離所愛之靜地。出來扶助。我們也該如此。聽見邪魔要害別人。就離了自己的神工。往救之。如此之行。似乎離主。實係爲主。不但立功。且加無數之功。我們以後。爲何不肯如此。

當務之求 爲被魔誘惑者

祝文 天主。以爾聖安當每年瞻禮。樂我等。懇祈爾。吾旣慶厥誕日。幸

師厥功勳。爲爾子吾主耶穌基利斯督。亞孟。

聖年廣益... 正月十七日 聖安當

八十三

## 十八日聖女俾理斯加 致命

警言○善人惡人。皆爲苦難所試。然實不同。善者。因以定其位。惡者。因以喪其位。聖奧斯定

聖傳○凡人不論多少年紀。俱能成聖升天。如聖女俾理斯加。只十三歲。而平時之德行。臨難之操持。迥越尋常。今畧遡之。聖女本大貴大富之家。專爲恭敬天主。拘入內廷訊問。因見幼年美色。百計千方。變其心志。不能轉移。勒令往廟拜魔。聖女說。我只能跪敬造天地萬物之大主。與吾主耶穌而已。無法挽回。遂生怒忿。掌嘴披頰。繼以鞭笞。更圈禁暗中。數晝夜不與飲食。復行提問。愈執愈堅。乃用鐵爬。將聖女半身爬爛。血肉淋漓。又監數日。再行審問。堅執如前。放入獅牢。獅且馴伏於

足下。以火燬之。火竟不焚。因此聖跡。恐人動心信服。密斬於邪廟。致命上升。時天主降生後二百七十年。

### 宜行之德 善惡之畏

聖思 一。論理不該畏人。因他害得肉身。害不得靈魂。然何以看我們的行事。好像畏人。不畏天主。不合人的說話。在體面權勢人面前。不敢說半句。恐怕白白的得罪人。惹其責罰。惟每日白白的得罪天主。毫無畏懼。是明明畏人。不畏天主。請問心在那裏。還算有信德麼。 一。或窮。或病。或刑法。或愁煩。係世俗之苦難。但這苦難。怎麼能害我們。論正經道理。不但不害。還增我修德。還使我心離世俗。還可爲靈魂之鑑戒。能知道不該畏此暫苦。該畏後世永遠之苦。 一。怕我不體面。怕人妄証。怕威權欺壓。不敢得罪人。今天主臺前。怎麼樣。正經的大體面。不在德

行麼。得天主喜歡。倒不穀麼。難道只怕得罪別人。不怕得罪耶穌的教訓麼。

當務之求 爲傳教者

祝文 天主。爾德能靈異之中。不棄弱女輩。賜致命者榮勝。懇祈吾等。慶爾聖俾理斯加致命童女誕日。因其遺表。躋爾臺前。爲爾子吾主耶穌基利斯督。亞孟。

十九日聖加努德 國王致命

警言○設爾心不堅定於我。併爲我甘受諸苦。必不能詣真福之

處。聖經

聖傳○達尼亞國國王。聖名加努德。狠熱愛天主。卽位後。盡心料理本國人民。還差鐸德。往鄰邦傳教。至於自身之修省。更比眾不同。每日有一定默想之時。齋期苦服。種種克己之工。且親往養濟院。勸慰病人。照看藥食。通國善良之臣庶。神形均受其恩。奈其時。昂利亞國雜亂不平。求救甚切。不得不允其所請。特命親弟督兵往救。豈知素蓄奸貪之黨。恨王廉儉公明。難施巧詐。暗中原與弟密圖之。今弟乘此兵權。卽與惡輩合謀。倉卒之間。舉兵犯闕。王因祈主進堂。弟卽率兵擁入。王遂

求主寬宥親弟及眾人之罪。被弑而崩。國后請屍殮葬。數次不能動移。且發大光奪目。因悟其意。卽葬於堂中。墓前顯跡甚多。沾恩者更難勝紀。弟既篡立。卽於本歲大疫大荒。餓死者數萬人。瘟死者不計其數。竟至無法平安。只有向聖王墓上虔求者。百無一失。聖王之名。由是益顯。

### 宜行之德 始終堅固

聖思 一升天不在先善後惡。惟在善始善終。當知人之善心。如樹葉之生氣。氣存則動。氣斷則枯。人善亦然。善在則升。善滅則墮。如此升天。怎麼不難。但此難全在我手。我要常生。由得我要。何故不如此。在世既知不久。爲何不用這不久的工夫。得此永久常生之樂。一行善之意。不該慌張。不該冒撞。先該定而後發。明而後行。艱辛。愛欲。人言。自然不能搖動。致命的苦難。隱修顯修的善行。都得了天堂。難道我們不肯升

天麼。一看世俗之事。爲功名。爲財利。無苦不受。並無慌張。做天主的事。爲永遠的富貴。何故竟不如此。地獄的苦。天堂的樂。明知永遠。性命之終。有幾時。世上之生。有多久。明知頃刻。何故倒慌張。

### 當務之求 爲冷淡者

祝文 吾主天主。以爾聖王加努德所行之靈異。致命之奇功。誠哉聖教之光榮。懇求天主。俾我遵依聖範。願隨耶穌苦難之遺表。得獲無窮之永安。爲爾子耶穌基利斯督。亞孟。

## 二十日 聖巴斯弟央 致命

警言○凡人不能依其力。效受難之聖賢。亦必不能造於榮福之

域。聖奧斯定

聖傳○以身証主之聖。代不乏人。而巴斯弟央之勇毅果敢。歷來教宗多嘉獎之。今考其行事。實有足稱者。聖人本意大里亞國之世胄。父有令名。只生一子。文學既成。照例送至羅瑪京都。因其智勇出羣。總統宿衛。其時左道盛行。每每中傷聖教。聖人雖當重任。常以正言勸勉僚屬。被難者多方安慰。以成其功。適遇爲道將刑之兩弟兄。見父母妻兒痛泣之語。游移不決。聖人正色苦言。忽有異光下降。幾位天神環侍耶穌而至。先讚美聖人。復訓勵兩弟兄。豈知主人之妻。久患惡疾。啞不

能言。素聞聖人談論。今又見此異光之事。卽求領聖水。聖人向伊誦一聖號云。我靠耶穌真實之光。命爾病退瘳開。主人見妻立刻能言。感激之至。求入聖門。聖人命將所管之囚。同來聽講。一時歸正者。六十四人。既而上司。傳兩弟兄之父。令勸子改易。可免於刑。對曰。吾兒幸從正教。吾亦得荷大恩。死何足懼。官復究問再三。卽舉巴斯弟央以對。遂往晤詳求。豁然信服。親朋僕役。同沾大化者。一千四百餘人。邪黨欲斷絕教中之日用。命交易者。先拜神廟而後與之。由是教中。多入山隱跡。惟聖人與兩弟兄。仍在都中。勸人不必遷移。倍加勤敏。於是邪黨。竟以挾勢橫行。糾劾聖人。大廷面訊。回稱盡忠報國。惟有所求造物之主。若敬無知無覺之物。以爲靈。大非求福之原。王大怒。命左右擁至教場。繫於正中。四面射之。聖人欣然中立。遍體殘傷。少頃。偃仆於地。眾以射死復命。

至夜。教友潛往收屍。見有生氣。速負歸醫治。數日即痊。眾皆以暫避勸之。聖人云。事貴善終。豈可半途而廢。一日。俟駕出宮。挺身迎諫。極言正教久遭誣陷。君民俱受朦朧。請留神細察。古今四海。有國有家者。非得正道之士。禱祈上主。扶佑而保全之。斷不能久安長治也。王注目視明。心驚膽顫。久之。始問云。汝非巴斯弟央麼。已服死刑。猶敢如此狂肆。對曰。臣前受傷果死。上主仁慈。容留痊愈。王不勝怒甚。命鞭死勿止。聖人叩謝天主。樂受而終。時天主降生後二百八十六年。刑役棄聖屍於溝壑。聖人夢中。指引教中人收葬之。迨後正教大興。造堂敬禮。迄今瘟疫流行。常蒙庇佑。

宜行之德 隨聖人之表

聖思 一。請者多。簡者寡。此係吾主耶穌親口之語。我在此寡者之內。

豈不能知在此寡者之路麼。明知此路而可不行麼。蒙天主洪恩。至今感謝此恩否。眼前無數人。不沾此恩。以後還不該圖報麼。一。行走此路。不該差錯。若有差錯。何能在此寡者之內。須查自己的行事。查而又查。不計遍數。後來恐怕走差。恐怕不在此寡者之數。須日日求天主可憐。一。心內不想有甚大罪。還定不得竟在寡者之內。後來之時。未知何如。吾主耶穌受苦受難。惟爲人升天。今我不受苦。不受難。不隨天主聖佑。不領聖佑之特恩。如何能穀。若我心內有些微的不謹。就該怕不在此寡者之內。

### 當務之求

爲有過不悔者

祝文 伏祈全能天主。吾敬憶聖巴斯弟央致命者誕日。賴其轉達。加力於吾。愛慕爾名。爲爾子耶穌基利斯督。亞孟。

廿一日 聖女依搦斯 致命

警言○弗變爾爲若孩。天國靡入。 聖經

聖傳○聖女依搦斯。家居羅瑪。京都。自小不知兒戲。誓守童身。年十二。有權臣之子。深知德容並美。謀娶情殷。父母辭以年幼。彼仍強納聘儀。聖女正言叱退。伊父聞之。施情厚接。勸以好言。不能挽回。後知此女習學天主教。故潔身不嫁。遂以利害恐嚇。毫不動心。勃然大怒。將聖女從大市中。擁至姪院。入院後。姪童四集。遠見聖女所居之處。異光圍照。莫敢近房。惟權臣之子。不顧而入。天神卽於戶內殲之。一時闕傳。女子用咒殺人。伊父之恨詈。猶爲切齒。聖女云。同來之人。一到便退。皆無禍患。汝子太迫於邪。故遭此譴。與人何尤。父忽默然省悟。轉向聖女云。

既係小子。獲罪自招。幸祈轉求天主。寬其過犯。仍令復生。可知此死。由於自取。與汝無干。聖女允其所請。眾皆外退。聖女盡力祈求。天神降慰。令死者復生而出。不覺大呼。天上地下。並無他主。惟天主教中所事之主爲真。此外世俗鬼神。皆不足憑信。本家及民眾。咸大異之。惟有惡徒喪氣。誣以鬼魅欺人。權臣雖心感聖恩。又怕眾民鼓譟。復委官審理。坐聖女死罪。投於烈火中。火竟速分兩旁。飛燒左右刑役。聖女且感且求。猛火即時自滅。旁觀之人。莫不驚駭喧譁。官疑有變。令速斬之。行刑之人。身手戰慄。毛髮竦然。聖女伸頸受之。年只十三歲。時天主降生後三百四年。教眾送櫬出城。邪徒縱橫追殺。即時地震。雷轟電掣。眾皆驚潰。安葬於本莊。聖女之父母。晝夜哀哭。不離墓旁。一夜。聖女盛服美顏。異光奪目。同多聖女而前。慰曰。我親不慶我天福。而哀我如亡人耶。言畢。

不見。朝墓者多沾其澤。越數年。恭斯當濟亞。係本國公主。此名內。包含堅心持志之義。雖未從聖教。因染瘡莫治。詣墓伏求。恍見聖女從天而降。呼其名曰。爾毋忘本名妙義。果能堅心奉教。形神之病俱痊。公主如夢方醒。瘡已脫然無跡。即領洗入教。造大殿於墓。以垂不朽。

### 宜行之德 淨心

聖思 一。聖依搦斯十二歲。卽將自己心身。全獻於主。今我如此年紀。不但沒有愛主根基。還得罪於主。請將這十二歲童女比一比。豈不愧煞。一。惡官逼聖女改意。聖女不從。投入火內。此火加上愛主之熱。不論何苦。能保全自己之潔。這是童女的力量麼。只因其愛其信。大不同耳。一。不怕苦。不怕害。結實到底。你且如何。一點假光榮。一時假富貴。一。喜假快樂。把心身阻礙。天堂之福。地獄之苦。全不動心。傷哉。

當務之求 啟迪幼年

祝文 全能天主。爾特選聖依搦斯稚年弱女。以黜倨傲之輩。我今幸逢慶辰。懇切求主。以其在世之功勞。作我在天之主保。爲爾子耶穌基利斯督。亞孟。

## 廿二日聖味增德 致命

警言○爲吾主耶穌忍受艱難。必與耶穌同享福樂。聖盎博羅削

聖傳○聖味增德。係依西巴尼亞國人。幼承家學。長受教於名賢。才德絕倫。司教托以講經論道之職。時聖人同司教哇勒畧在撒拉峨那。有差員查禁聖教。將二人拿解省獄。網綁幽囚。手不能動。足不能行。飲食俱無。咒罵不絕。如此難堪。並不見屈服。官復公庭親鞫。哇勒畧口語不清。聖人代對。義正辭嚴。官不勝忿怒。哇勒畧只斷充發。將聖人交付刑役。盡力傷殘。役先綁於大木。以茨杖重笞。血流滿地。繼用鋒利鐵鉤。攢傷皮肉。置之火煨鐵牀之上。肢燬體裂。骨露筋枯。焦脆同於木炭。聖人如安臥然。且笑刑役何能。官見施刑無益。仍令監禁。地皆瓦礫。不

使少安。忽然香美光明。天神慶咏。役恐奪去聖人。聖人諭云。吾既願承苦難。豈肯脫離。但汝等親見天主。賜我大恩。可知聖教之真實。當以所見所聞。往報爾官。說我傷痕全愈。再欲加刑。甘心樂受。役卽往報。天神勸勵聖人曰。刑法已窮。汝志愈堅。毋足畏也。耶穌從天親鑒爾功。將與我輩同享天福。官聞役報。卽親提驗視。果強健無傷。猝然色變。轉誘以憐惜之情。吩咐刑役。速備牀褥衾裯。用心調養。聖人明知詐僞。默求上主。莫遂其奸。役正匆忙備辦。聖靈蒙召上升。時天主降生後三百三年。官恨陰謀未逞。棄屍野中。爲虎狼所食。豈知羣鳥圍護。雖有豺狼。鳥能攢額啄睛以逐之。見茲靈跡。不獨不肯悔心。且詛罵曰。重犯之徒。死後尙餘抗傲。非絕滅不止。命用牛革裹屍。沉入海中。勿使就岸爲墳。不料回舟抵岸。聖屍亦至。波濤擊岸成坑。聖屍隨波而入。沙卽擁覆之。眾人

目擊其奇。不敢再生別議。未幾。因聖人顯示。移葬於城外。久之。立殿於墓。

### 宜行之德 愛克苦

聖思 一。在世時。不能辭苦。因人有軀有靈。軀以氣血之故。不得安寧。靈亦被其朦亂。故人在世。免不得有此難處。此難有何受法。忍耐。就沒有了。仰全主旨。更沒有了。既然有此變難爲易之法。爲何不用。 一。我們都是罪人。人的苦。從天主公義而來。爲何不愛受。有罪不升。一定下降。惟此苦難。可滅地獄的永苦。爲何不肯受。聖奧斯定說。天主吾等主。罪人在世時。燒所皮。割我肉。損我身命。可得後來永遠之饒。我們不該當如此求主麼。 一。我受主恩。容在聖教內。應該依隨耶穌行事。况領洗時。已將願受艱難的話。許了天主。今當苦難時。倒想躲避麼。我的行

事。不對耶穌苦難。還想升天麼。從前知而不明。此後必當定改。

### 當務之求 爲溺於世俗者

祝文 伏祈全能天主。吾敬憶聖味增德致命者誕日。賴其轉達。加力於吾。愛慕爾名。爲爾子耶穌基利斯督。亞孟。

## 廿三日濟貧聖人若望 主教

警言○爾等時常相愛。因其聖愛。實覆庇眾罪也。 聖經

聖傳○濟貧之聖甚多。此若望聖人。獨以是名冠之。其義何居。蓋舉其所重也。聖人生於西彼里亞國。家號素封。芝蘭繞膝。未幾。妻喪子亡。世情看破。定心修道。以週濟貧窮爲首務。遠邇受恩。聲名大播。越數年。因亞肋山得里主教去世。眾共推之。固辭不獲。聖人任事之初。此地聖堂。只有七處。臨終之年。增至七十所。足見其加意小心。廣揚主德之明驗也。哀矜之行。最爲關切。各處窮人。造一名冊。約七千五百有餘。均蒙施贈。或阻此中有不當施濟者。聖人回云。此係吾主耶穌賜我之物。與汝何干。常呼窮人爲主子。人問其故。答曰。此輩能救我升天。倘此日

未做愛人之事。心必憂悶。且貧人屢求屢應。不厭其煩。有一人得惠而出。更衣復入。如此再三。闈人以告。聖人曰。定不得是吾主耶穌試我。何以吝爲。一商乏本。求贈而去。不久。又因被溺無存。再求憐救。聖人復大贈之。併諭云。汝當悔改前非。將我贈物。勿入汝財中。恐汝物不義不公。天主不佑。商隨痛改。置買小麥。欲往某方。被風送至昂利亞國。正值荒年。一半賣銀。卽得數十倍之利。一半兌換彼國土產之錫。及歸。抵還所贈。錫盡變爲白銀。此卽聖經所言濟貧者。百倍以報之也。一日。聖人起早進堂。路遇一無衣之貧人。卽記憶聖經言語。脫衣贈之。前行數十步。忽見一素常不識之長者。送聖人金錢一袋。故聖人濟貧之舉。至老不衰。根從此始。而去一得百之句。口中亦常言之。有時銀糧施盡。向富家挪借。尙未到手。別客小麥兩船。先送到矣。數十年之中。每於將乏時。不

期然而能接續。多如此類。當是時。與伯爾西亞國征戰之年。差員尼斯大聚餉。知聖人廣濟。入室強求。正欲盡所有而去。忽見數人。送到大箱兩擡。一寫上等蜂蜜。一寫無烟蜂蜜。聖人未及開箱。即送差員一擡。差員開看。見係黃金。轉想濟貧之物。取之不合。一概退還。更將自己黃金。轉奉百觔。求聖人恕其冒犯。似此感化者甚多。且能變貪吝而爲仁讓。聖人常述於人。一富翁。名伯多祿。因守財最緊。貧人呼爲吝伯多祿。聖人知之。命乞兒往求。以賣餅者隨後。乞兒牽衣苦告。伯多祿推脫再三。不能放手。怒擲一餅而散。不兩日。伯多祿患病昏迷。忽受天主審判。見無數鬼魔。將伊積惡。放入天平左盤。又見天神。將伊所擲一餅。放入天平右盤。不勝惶懼而醒。遂痛改前非。願將家資。爲主獻用。病愈後。果然如願而行。後遇一裸者。解衣衣之。去不遠。轉賣與人。伯多祿有不悅之

意。夜見耶穌著轉賣之衣以慰之。嗣後施濟之心更熱。家產施完。備身以濟貧。因舊時親友之憐贈。轉身躲避。一聾啞遇之。卽時能聽能言。口稱天主看此人之功德。愈我聾啞也。又有主教名德落衣肋。富於財。偶與聖人同至養病院。爲買一銀器。携銀數十兩。聖人戲言。今日該汝盡吾主耶穌弟兄之情。主教不得已。將銀施於病院。聖人聞其歸家不豫。明知病從吝起。卽携銀往補。要寫哀矜是若望所行之字。德落衣肋卽寫字收銀。當夜夢入大室。羅列奇珍。室上大書預備德落衣肋之居。忽來威嚴老叟。命從人剗去。換書永遠濟貧若望買住。醒後迴思。明知主訓。定心改過。後來累建大功。舉此一二端。可知聖人過化存神之梗概焉。利濟之心。旣終身如一日。純良之性。更至極而無加。有一窮人。得銀嫌少。遂生怨詈。旁人聞而責之。聖人曰。我六十餘年。無數語言。得罪天

主。人只一兩句傷我。有何妨害。此種盛德溫和。豈楮筆所能摹寫者耶。是年奉國王命。同尼斯大往理政務。途間。天主默示終期。預備神工。不  
一二日謝世上升。年六十有三。時天主降生後六百二十年。升天後。天主爲顯聖人之德。靈跡不可勝書。

### 宜行之德 愛德

聖思 一。吾主耶穌親口明言。杯水以飲渴。必獲重酬。但此酬報。不必專指肉身。因哀矜之德。不該望眼前之報也。然不救肉身窮困。難道不救靈魂窮困麼。今我救了誰。審判時。耶穌問我。我如何答應。 一。耶穌又云。哀矜窮人。就是哀矜我。故我等明知窮人求救。卽是吾主耶穌。我可不與麼。不與之故。必定心中沒有耶穌。若有聽得窮人開口。決不如此慢待。不但不慢。還愛之。敬之。盡力以救之。 一。吾主耶穌。將身後永

賞永罰。付吾人自主。我之審汝。猶如人審汝。亦如汝審人一樣。汝恕人。我恕爾。汝哀矜人。我哀矜爾。可知吾人身後之事。全在我手。如此。我將定何主意。

當務之求 救窮

祝文 懇祈全能天主。爾聖若望精修主教。每年瞻禮。加吾心虔而體安。爲爾子吾主耶穌基利斯督。亞孟。

## 廿四日 聖弟莫得阿 主教致命

警言○化人之職。眾中至貴。他職雖高。皆不及也。聖額我略

聖傳○聖弟莫得阿。本理高尼亞國人。生於理塞得里亞地方。父係外教。母名妙德亞。原信天主。幸有聖保祿聖巴爾納伯傳教至此。多行聖跡。羣然信從。聖人之家。不獨奉教。且獻子貞修。聖人熱心愛主。聰敏異常。聖保祿收於門下。漸摩未久。才德兼優。遂授以厄拂西亞地方主教。嘗因抑己自下。每日刻苦行工。雖胃弱身疲。只飲凉水。後遵聖保祿命。畧嘗酒味而已。聖保祿別去。聖若望宗徒繼至。聖人仍執門人禮事之。不肯以主教而忘師誼也。聖若望被謫後。聖人亦致命升天。致命之故。因此處異端。迎神賽會。裝扮鬼魔。手執鐵槌。亂打人物。習以爲常。

眾惡聖人勸阻。共擊之。遍體重傷而終。

### 宜行之德 化人

聖思 一。各教友。誰非耶穌之徒。沒有一個。不該不盡心救人。但既知別人錯處。要熱心勸之。救之。何故不救自己。竟不責。不勸。不說。豈別人錯犯。自己不能錯麼。 一。耶穌在世時。不論誰。孩童與大人。罪人與善人。富貴與貧人。一樣教訓。不看人面。今該說的好話。不論何等人。就該說。爲何不肯說一句。耶穌留下體血。爲救眾人。爾連一句好話。也不肯說。眼見人要下地獄。也不肯攔住。仁愛何在。 一。肯救人靈魂者。該先救自己做表樣。因有一個好表樣。勝於訓言千百句。若不做好表樣。別人犯的罪罰。豈能漠不相關。

### 當務之求 爲傳教者

聖年廣益... 正月廿四日 聖弟莫得阿

一百十

祝文 全能天主。垂盼吾劣。爲本行重任屈壓。賴爾聖弟莫得阿致命  
兼主教轉達。得厥護翼。爲爾子耶穌基利斯督。亞孟。

廿五日聖保祿宗徒 歸化

警言○凡奉主命。承行聖意者。身後皆永存不死也。聖熱羅尼莫

聖傳○耶穌升天後。新教方行。人多視爲異樣。固執舊規。凡聖徒及從教者。嘗遭恨害。聖保祿深通古教經書。未察古今之同異。請命移文。橫傷新教。行近大麻斯各府。倏有異光環射。保祿昏仆於地。頃聞光內。大聲呼其名。責之曰。何故圖害我。保祿聞聲顫慄。勉強問云。主爾爲誰。應聲曰。我是耶穌。汝所圖害者。保祿大驚。自悔從前之無道。哀告云。吾主命我何爲。答曰。且進城。自有人指引。從者亦聞其聲。此時保祿迷瞶。不知所在。併未能自立自行。扶入城中。三晝夜。不見天光。不食他味。惟靜想進修之功。時城內有大德之士亞納尼亞。耶穌示云。汝往保祿

處。與之入教。亞納尼亞回稱。此人多害聖門。現在尙執公文。在城查緝。耶穌復諭云。我先已化導。將來用爲寶器。傳我名於萬方。亞納尼亞領命。往至其家。呼名直告曰。爾途中幸見之耶穌。今遣我來看爾。引爾入聖教。併領斯彼利多三多之神恩。言畢。保祿神清目亮。躍然而起。遂受聖水。未幾。融通大道。辯晰精微。與諸聖徒同傳新教。故幸入宗徒之列。此聖人歸化之始末也。其生平懿行。具詳本傳。

宜行之德 隨主默導

聖思 一。聖保祿聞耶穌一言。世情盡棄。陳見悉除。何其勇也。今你爲何不肯自化自己。爲何不肯傾心聽受主言。即使失去友朋。失去親戚。失去身家性命。失去財利子孫。總不該失去天主之言。且主多遍在我心中說。爲什麼害我。若說不會害我。豈不知你是我救贖之人麼。你今

獄還說不曾害我麼。一。聖保祿聞耶穌呼喚。卽問曰。主爲誰。此問包含許多妙義。毋兩主。毋錯認。毋亂行。今我何如。且聖保祿聞係耶穌。卽遵命而行。一概不疑。我們知之甚久。爲何所命之事。有行有不行。或行於一時。不能時時常行。係何道理。一。吾主耶穌命聖保祿受教於亞納尼亞。聖保祿即奉命惟謹。盡隨其言。我們定志改過。該隨天主之旨。不該隨自己的私意。若說行之已久。不覺得便宜。此話從何而來。必定是自生主見。未曾聽命耳聞而不行。何便宜之有。

### 當務之求 爲聖教廣揚

祝文 天主。視爾宗徒聖保祿歸化。使今日爲聖日。懇祈爾。教會旣因彼始興。幸於凡事。遵守厥誠諭。爲爾子耶穌基利斯督。亞孟。

## 廿六日 聖玻利加爾玻 主教致命

警言○吉與凶。禍與福。甘與苦。樂與憂。皆當以一心受之於天主之手。輕世金書

聖傳○聖玻利加爾玻。係聖若望宗徒之門人。學問優長。貫通今古。誠心愛主。最熱最純。聖若望宗徒。命爲斯彌爾納府主教。蒞任後。料理教中諸務。無不妥協。嗣因教眾。各持己見。不能畫一。復親往羅瑪。聖亞尼色多教宗前請命。事竣卽回。此時聖教不安。各處被難之人。爲主致命者。不可數計。惟斯彌爾納府。初尙平安。不久。亦奉文查禁。聖人遇此艱難。畧無畏懼。惟有勤勤勸慰。堅固眾心而已。弱者勉勵之。愚者開導之。貧與病者。憐憫之。官見教中之人。無不毅勇果敢。細查其故。知因

聖人勸化所致。官即指名捕緝。恐漏網存留。難禁一府之人。若首先拿鎖。則眾皆驚嚇。聖人聞此大變。滿心歡喜。情愿爲主致命。奈教中諸人。苦求暫避。聖人勉順輿情。隱於城外鄉莊。地方官差人處處緝拿。未獲之前三日。聖人於夜寐時。所用之枕。忽如火燒。猝然驚醒。即知窘難將至。向同友云。感謝耶穌大恩。不數日。我在火中致命。眾人一聞此言。驚惶無措。又強勉聖人。避於別處。官差查至聖人所居之莊。拿一幼童。巧言盤問。幼童不肯直言。以威勢嚇之。重鞭責之。幼童難以支持。指明聖人所居之處。官即差兵圍之。聖人一聞此信。親自出迎。邀眾到家。嘉穀款待。官兵見係耆年老叟。如此厚情。僉云。盛德高年。何必多人圍捕。即取一驢。令聖人騎之。押送進城。交官審問。官即問曰。汝就是玻利加爾玻麼。聖人答云。我就是。官云。汝當背你所敬之耶穌基利斯督。欽遵總

王之命。聖人云。我奉事耶穌基利斯督。已八十餘年。常受無數重大奇恩。未會有絲毫之害。爾等叫我反背。有是理乎。我真正是天主教之人。爾等欲明此真正道理。不妨定期辨論。孰正孰邪。自然明白。官云。汝此時何不講於眾人之前。聖人云。這些人恐未能聽吾正教之奧理。不免反生毀謗。莫若離開眾人。爾我對面講談。凡不背天主之命。我教中人無不順從。官卽怒從心起。威嚇云。汝若不知改悔。吾拋汝於野獸圈中。爲眾獸所嚙。聖人云。任爾拋我於何處。我總不懼。官云。汝不怕野獸。用烈火燒之。看汝怕不怕。聖人云。吾懼死後無窮無盡之火。不懼此世上柴薪之火。因世上之火。頃刻就完。盡汝兇謀。不能動我之心。官大怒。命人預備柴薪。併助火之物。中豎一直木。欲將聖人綁於木上。聖人云。我情願爲主致命。豈怕死耶。任爾等大火焚燒。毋庸綁縛。眾置聖人於柴

薪中間。放火燒之。奇哉。火之烈燄直升。將聖人圈於其中。毫髮不傷。如此異事。不獨不能轉回惡官。奸黨之心。愈增其怒。一惡役持刀直刺聖人之胸膺。聖人功全德備。致命升天。時天主教降生後一百六十九年。

## 聖婦保辣苦修守節傳

聖婦保辣係高士篤叔爵之配。履厚席豐。生有一男四女。夫君早世。遂矢志苦修。廣施博濟。貧病者。舍而療之。死亡無靠者。葬之。負逋困逼者。代償之。擄者贖之。遠來修士。館之。饋之。領其教益。他人不能一面。親戚有訾其哀矜無節。或議其減子女。益外人。聖婦覆云。財本天主所賜。天主所存。今爲主用。實情理之正。倘予來日。困乏求人。生無立錫。死無葬地。皆予至願。斷不敢自私自利。學世俗罪人之行。聞如德亞國。尙存耶穌降生受難之蹟。決志往朝。將家事安頓。攜一幼女而行。乘風渡海。直至其地。此間素聞聖婦貴家大德。設館遠迎。聖婦固辭別寓。朝夕往拜耶穌聖母聖徒躬行之跡。感泣歡欣。又聞厄日多國。隱修者衆。往求神

訓。仍歸吾主降生之邦。獨居卑室。專務神工。三年後。歷建三區。安居數百潔修之女。別營大館。暫寓來朝聖蹟之人。忘其尊貴高年。惟知謙下。人恒以婢目之。日只一歿。極其菲薄。魚肉乳酒之類。皆不與焉。夜無多寐。褥用麤椶。雖病不改其常。醫或勸其微飲。以防腹脹。勿聽。默道時。每涕泣不止。有諫者。回云。少年膏沐之奉。寧無痛乎。然因一生篤於治己。廣於愛人。故妬謗難辭。惟聖婦且以爲喜。常云。至聖耶穌。尙不免人怒誹。况我罪人耶。終世之期。蒙主預示。雖增多病。深慰素懷。及期。訓辭甫畢。昂首升天。形軀端好如生。年五十有七。苦修於白冷。計二十餘載。訃聞。男女趨叩悲號者。不可數計。雖隱修之士。多奔赴焉。葬於耶穌降生處相近之聖堂。時天主降生後四百四年。聖師熱羅尼莫云。遍身皆口。難盡述其懿徽也。

### 宜行之德 恃主

聖思 一。而婦保辣。因敬主而避俗。因修德以離家。可見真真敬主。真真修德者。必定該當遠世情之惡毒。愛孤子。愛靜修。愛讀聖經。愛察己過。我今不然。欲待何時。世上萬物。閱歷已多。說不得我心未滿。後來盡屬荒唐。不知還有幾年。幾月。幾日。或幾時。亦未可定。如此光景。不該專爲天主麼。 一。不論些微小罪。聖婦終身。狠哭狠苦。我犯了如許大罪。應該重重的痛哭。爲何拋在腦後。從前犯罪之樂。過去了。單剩下犯罪之罰。惟有痛哭痛悔。還有指望。免此罰刑。作何主意。宜速不宜遲。 一。要得天堂的萬福。除了依靠天主。隨聖婦之表。棄富就貧。棄榮就苦。並無別法。若不能離家避俗。當守聖保祿宗徒之訓言。在世與不在世一樣。

當務之求 爲孀居者

祝文 向聖玻利加爾玻誦

全能天主。垂盼吾劣。爲本行重任屈壓。賴爾聖玻利加爾玻致命兼主  
教轉達。得厥護翼。爲爾子耶穌基利斯督。亞孟。

祝文 向聖婦保辣誦

救吾者天主。聽受吾禱。吾樂爾聖婦保辣瞻禮。望以誠心。受其訓誨。爲  
爾子耶穌基利斯督。亞孟。

## 廿七日 金口聖人若望 主教聖師

警言○不自居知與善。而以推他人者。最爲真知真善。輕世金書

聖傳○金口聖人若望。乃西里亞國人。本昂弟郝計亞郡中貴族。遺腹而生。母方二十歲。熱心事主。守志撫孤。以二名師教之。未及聖人之聰敏。送至亞德納府之大學。人皆譽之敬之。一日。院長讌集老成名宿。亦馳請聖人。既至。讓居首座。內有昂德默深責院長。以幼童而藐吾輩。又係耶穌教。大不近人情。院長云。年雖少。人皆知爲貴族。且才德不同。聖人接口謙言。世俗虛榮。奚堪齒及。因耶穌教一語。不得不冒瀆辨明。我敬的大主。就是基利斯督。與聖父聖神。爲一天主。造化天地萬物。掌管保存。爲吾人日用者。昂德默云。天地萬物之主。奇妙無形。從日月

五星活動中來。故敬爲大神。非汝教之基利斯督。話未說完。昂德默魔中其心。卽於眾人前。瘋亂顛狂。禡衣裂肉。聖人求主。逐魔活命。醒卽悔悟。同院長等數人。俱進教守規。居無何。聖人明知所學虛浮。回家學道。明年。定志離家。往西里亞國山院精修。即在此著述聖教書兩部。後有聖人。評定此書之妙。純美如金。故有金口聖人之稱。閱五六年。德光四布。用耶穌聖號。療病甚多。昂弟亞主教默肋斯。命充副祭神品。歷五年。主教謝世。聖人仍還舊居之山。新主教接位。天神傳命。以鐸德權付之。聖人領受時。有金翅白鴿。顯明於首。眾皆踴躍。誦美主恩。又十二年。神工愈顯。適公斯當定諾伯里都大主教謝世。通國人民。俱願聖人接任。恐別主教不依。公懇國王。延至都城。聖人將至。滿城士庶。郊迎強請。不得已。勉從之。次日。入見國王。直言王位雖高。天主還在上。向聞此處無

數人不守本分。今我重任在身。必然明說。王甚敬悅。出朝。遇一負魔人。畫十字即退。聖人細心勸勉。滅罪除污。不多時。人情世態。大不相同。更差多人。傳訓所屬之各方。無不妥協。足徵善教之效。最神且速也。更於百忙時。註釋保祿聖經。闡晰精微。發所未發。後人言此解。必由聖保祿默喻而來。果然座前一鐸德。名伯羅格慮。係後來接位者。常稱述金口聖人寫字時。見有一位威儀老者。耳旁囁語。明知同室無人。必上天之聖也。嗣後邪魔妬害。鼓弄風波。不勝顛沛流離之極。聖人安心出署。苦己克身。幾四五年。行至加巴多西亞國。郭瑪諾地方。就宿一聖堂內。前聖巴濟里斯墓上。晚間。各處勸人。開誠敬主者甚多。及睡時。親見聖巴濟里斯相告云。明日。吾引爾同享真福。當夜。即向一鐸德說明。預備葬地。至第二日。換白衣。領聖體。畫聖號。念至亞孟。聲與氣同絕。年五十九。

時天主降生後四百七年。

宜行之德 以善勸人

聖思 一。請看金口聖人勸人之言。與行同熱。可見要勸人動心。必要己心先熱。纔是好表樣。這好表樣。有三善處。一引人愛德。二引人隨德。三引人不怕難。既是如此。人果肯立功天主前。不該小心做好表樣麼。一。做好表樣。別人既受益。自己亦有功。甚得天主之歡心。金口聖人常說。善人如天。人都知天主有光榮。有大能。有仁愛。豈知人的好表樣亦然。有德行的光榮。有救人的能力。有化人的仁愛。還不是大造化麼。但不願隨吾主耶穌受苦者。恐未能到此地位。一。雖如此。該見機而行。如他人犯罪。我竟冒昧責之。可救得人麼。必然自察己心。自查己表。自求平日之行爲。定不得沒有救人。還害了人。

當務之求 求主啟迪惡行

祝文 天主。爾使聖金口若望。爲民永福之司。懇祈爾。伊在世。旣爲吾  
教師。在天。幸爲吾主保。爲爾子耶穌基利斯督。亞孟

廿八日 聖儒理亞諾 主教

警言 ○意正。則善真而得善報。意不正。善則爲惡矣。聖伯爾納多

聖傳 ○依西巴尼國。傳有聖寵之子。卽聖儒理亞諾也。父母多年不育。求主再三而得孕。甫生。手能畫十字。降福於衆。是日。卽付洗。將洗。空中有聲曰。此孩天主所親愛者。應名儒理亞諾。由此以觀。非聖寵之子耶。孩提時。每主日。守三大齋。自定誦經工課。語言行事。與衆不同。讀書未久。成大博學。父母俱終。棄產濟貧。在聖奧斯定堂之旁。構一小室。學習修規。由鐸德以至主教。至老未離此室。每日所爲者。默想誦經。彌撒。勸人等工。勞而盡力。雖登高品。更加謙約。只用一人爲侍。少留奉資。自贍。餘散窮人。每早備膳食貧。一日。就食之中。一人迴異。食畢。聖人向

前問之。彼身大光射目。回云。因汝愛我窮人。特來謝汝。賞汝常生榮福。言訖。不見。年至八旬。偶然一病。加功熱愛。臥地枕石而終。時天主降生。後一千二百七年。啞聾癩病。叩墓必痊。

### 宜行之德 盡意

聖思 一。德行要真。不真。卽非德行。今我行事之本意是何。大半竟沒有正經主見。恐怕妄費工夫。若加上爲天主而行的真意。平常事。都變爲德行了。何故不如此。 一。行自己的神工。並非免人議論。要人知道。若如此。必包藏驕傲。不但不爲神工。還是加罪。因邀人贊譽。主所惡也。 一。成己之行。先該誠意。第一。不要人明白知道。第二。遇有不能隱藏。或不可隱藏者。更小心而行。恐遭驕傲之害。故每日早晨。諸事未接之先。該預定今日所行各樣。俱有爲天主的真心。

當務之求 爲驕傲人

祝文 懇祈全能天主。爾聖儒理亞諾精修主教。每年瞻禮。加吾心虔而體安。爲爾子吾主耶穌基利斯督。亞孟。

## 廿九日 聖方濟各撒肋爵 主教

警言○良善者乃真福。爲其將得安土也。 聖經

聖傳○聖方濟各撒肋爵係拂耶濟亞國閩閱之家。懷胎七月而生。故自幼至長。質弱氣虛。父母加意撫育之。能言之初。頭一句。先說天主與母親疼愛我。童冠時。讀書數年。至拂耶濟亞都城。賴耶穌會神父瑪爾多納。引導靈魂之事。每主日各瞻禮。告解領聖體。常勸人勤領大恩。一日。在聖母堂誦經。自覺比常更熱。向日。原有童身之志。從此定愿。守潔以終。加功克己。默慎五官。齋戒苦衣。事事熱心。邪魔乘此引誘。每起不得升天。必然受罰之念。如此月餘。向聖母求佑云。若果永遠不能愛敬天主。在世時。一定更要盡心加愛。忽覺前疑盡釋。胸境泰然。自知

主恩加佑。魔障遠離。童身之守。其志愈堅。日加聖母經一串。表其感切。肫誠。尋以父命。往意大里亞國。把多瓦郡讀書。有神父波斯穩。亦耶穌會者。見聖人神工太過。恐其受傷。遂阻抑之。更易其苦工。既而重病。蒙主恩佑。調治獲痊。不久。成進士。將歸里波斯穩。贊曰。天主特簡爾爲主教。宜預備之。至家。父母欲爲婚娶。後知其愿。喜而中止。不久。本地熱納物主教。命爲副祭數月。強付鐸德權。心內惟想耶穌光榮。及救人靈魂之事。舉行彌撒時。無絲毫雜念。明悟中。竟不存萬物之迹。彌撒後。謝恩畢。即往告解處。料理教友之自訟。人皆反求已過而歸正訓。此工畢。即與眾教友解經講學。勤行不斷。其時沙白肋省。惑於異端。省主求救於主教。即命聖人前往。欣然入省。向主跪求本省護守之神。爲主保。助其神力。易俗移風。到多爾農郡。正教只有七人。及舉行第一臺彌撒。就化

者八百餘人。別郡皆同此效。主教聞知。恐一人未充其任。又遣一鐸德  
往助。到時。已勸回六萬餘人矣。不久。全省盡歸正教。如此勳勞。主教卽  
以後來接位告之。聖人再四固辭。允寬數日。求主開示。得默喻允命之  
恩。主教卽令往羅瑪。將勸回全省。併接位等事上陳。俱蒙嘉納。回至主  
教前。又令往拂郎濟亞都中。國王屢次賓迎。樂聞精奧。都城處處。莫不  
仰其過化存神。無計扳留。速歸本處。途中卽聞主教訃音。遂預備形神  
接位典儀。先到本家。在耶穌會鐸德福爾聶前。總告解。於聖母始孕母  
胎日。卽主教位。首先董率本家。日日早晚。同眾通功。月月送聖體。所以  
閭族多人。無言不順。無事不和。及按臨所屬。亦無地不遵規守正。巡至  
一山邨。聖人明知魔藪。加意撫綏。晝誦逐魔經。夜求主佑。不久遂平。聖  
人生平。無疾言。無怒色。因人以施教。諒勢以挽回。接以和顏。動以慈善。

或議其當兼用威嚴。不該過於寬仁。答云。非吾主耶穌良善心謙之聖訓。偶遇大罪者。告解如談故事。不顯痛悔心。聖人離位哀號。罪人異而問之。答云。我之悲哭。悲汝之不痛。哭汝之不悔。罪人受此良言。蒙此善教。不覺情動於中。淚盈於目。實心痛悔。求恕求饒。從來看病不嫌污穢。併攜貲以助。眼中見不得窮人。無貲必解衣贈之。就是聖臺前之物。亦用以濟貧。常語家人云。這些物件。原不是我的。給與窮人。纔算是我的物件。適有亞物搗府之行。迨至路都農地方。係耶穌聖誕瞻禮。舉行彌撒。講道勸人。延至聖若望瞻禮。少覺違和。還行彌撒。至晚。即不能言。一夜後。開言述達味聖王語。以後我永遠讚美天主。我的心。我的身。安歇於天主了。當知靈性離了世俗的樂。記着天主。心必歡欣。說完。於諸聖嬰孩瞻禮日。去世升天。年五十有五。時天主降生後一千六百二十二

年生。前歿後。約其聖跡。復活死者數人。開瞽數十。起癱瘓病。有不可數計之多。

宜行之德 良善

聖思 一。耶穌曰。予良善而心謙。今吾人誰肯甘心隨之。自忖在世之人。未有不受教訓而能成德者。然美訓無過於良善心謙。耶穌故舉此以爲萬德之本。真福八端內教訓宗徒。先說神貧者乃真福。良善者乃真福。吾人信得自己如此麼。若不如此。可望升天麼。一。無數遍聖經。耶穌以良善爲訓。以愛仇爲訓。祭享天主者。且存。俟和仇後。方獻天主樂享也。不遵此德。如何說得愛天主。如何望得天主的賞。一。聖方濟各撒肋爵。救了六萬多人之靈魂。只靠良善心謙的聖訓。別人不痛哭己罪。聖人痛哭之。我會效此勸人否。

當務之求 爲傳教者

祝文 天主。爾欲救人靈魂。特簡聖方濟各撒肋爵和協眾人。無不相親相愛。我今求主之仁慈。俾我遵守聖訓。托賴聖人之功勳。可得天上永福之賞。爲爾子耶穌基利斯督。亞孟。

### 三十日 聖女瑪而弟納 童身致命

警言○凡爲吾主耶穌之眞實弟子。必將其肉身。與諸情諸慾。盡釘之於十字架焉。 聖經

聖傳○聖女瑪而弟納。生於羅瑪之貴族。二親早背。遺產最豐。因幼承庭訓。熱心愛主。年方十四五。正教不安。就有致命之想。盡將家產。施濟貧人。天主果允其志。在聖母堂誦經時。適有朝內官員。進堂。命隨至邪神廟。聖女欣然答應曰。情愿隨去。官悅其順意。端容聞於王。王命入見。聖女云。我敬萬物大主。此外槩不我與。王命帶往邪神廟。看他何如。聖女入廟。畫一聖號。求耶穌救之。方完。地卽震裂。廟傾像毀。傷死多人。事聞。命四人一齊動手。盡力鞭笞。忽顯四位天神在上。回打用刑之

人。四人束手不前。復命八人。將聖女懸空高掛。四面重鞭。驟見大光下。單將八人驚倒於地。卽言邪神是假。隨認真主。後來亦爲主致命。次日。另至一廟。強其必拜。聖女明見一羣邪魔。呼號而出。隨發大雷火。焚其廟與像。被災而死之人又多。王亦驚懼。遣國戚厚末搦。同大臣儒斯弟。諾治之。官命酷責。聖女昏悶如死。少頃復甦。官又問肯拜國神麼。聖女答曰。我不畏汝利害。越凶越樂。王命拋入獅棧。獅即馴伏足前。厚末搦遠望之。獅就跳於其身。立遭嚙死。王又命往拜別廟。聖女云。此行無用。我乃拜天主之人。萬死不從。聞此回言。用烈火焚之。頓發疾風大雨。飛火以傷旁人。滅火以保聖女。議其幼年如此。必藏邪術。疑其髮中。命割髮囚禁。絕食三晝夜。仍堅志不移。終以斬首致命。暴屍示衆。二大鷹守之。不許損傷。主教利多略。殮死埋葬。時天主降生後二百二十八年。

### 宜行之德 情愿克苦

聖思 一。明知地獄最苦。有罪人不論受何世苦。難比地獄。在地獄人。若天主許其出世。決不想世樂。今因在世。不會知道地獄之苦。或不想地獄之苦。只覺世俗。難道不想罪人雖在世。不該與地獄人一樣受苦麼。分別只在一間耳。 一。我們所受之苦。比得吾主耶穌受苦受難麼。耶穌苦難時。無一點憎嫌之意。甘受以救吾人。吾人原該報恩。不當受一點苦麼。且有罪更當補贖。今不想補贖。還要怨尤。有此理否。耶穌受苦無數。人受之苦。比得麼。各人本心難昧。請說真話。罪人算得苦麼。 一。天主之福。乃無窮者。非容易可得。世間苦難。乃有盡者。難道值不得換那永遠大福麼。聖女瑪而弟納。年紀雖小。明此福樂多大。不論何苦。情愿樂受。吾人比得否。欲望升天。必走此路。主意在爾定奪。

當務之求 爲受苦者

祝文 天主爾德能靈異中。不棄弱女輩。賜致命者榮勝。懇祈我等愛爾聖瑪而弟納致命童女誕日。因其遺表。躋爾臺前。爲爾子吾主耶穌基利斯督。亞孟。

卅一日 聖婦瑪爾則辣 孀居靖難

警言 ○汝若暫薄。汝報永厚也。 聖保祿

聖傳 ○聖婦瑪爾則辣。係羅馬世家之女也。早年喪父。成婚甫七月而寡。謀娶者甚多。有一名宦。因邁年無子。家業甚豐。求之更切。母亦多方勸勉。極言守節之難。此人終身可賴。聖婦力辭之。略言守節淨心。必爲天主所居。魔仇何懼其難。若賴富勢。不如賴天主之全能。從此另婚之議。不復再言。小室獨居。避囂煉性。人非至親。或非有德之君子。必難一面。事非切要。或非天主之神工。不出戶庭。舉步必端。出言必慎。雖顧盼之間。時時嚴謹。道衣蔽體。以醜爲榮。人皆化之。薄食度生。不嘗肉味。所有寶玩貲財。俱爲救濟貧窮之用。每日誦經之暇。或行哀矜。或習

女紅。或教訓家人。或勞心誦讀。不使片刻少閒。聖師熱羅尼莫在羅瑪時。聖婦師事之。故學問日加精進。雖博學名家。多不及焉。聖師出都後。遇經典疑難處。人嘗就正於聖婦。然發明之言。必歸之於師。或前賢往聖。從不自居也。晚年隱跡鄉莊。從來都會之區。往往妄生褒貶。獨於聖婦。惟聞頌美。不敢有一字之謗言。真聖教中寡居之善表也。事母至孝。莫不先意順承。如隨嫁之產。本欲週濟貧窮。母以聖婦無人。欲仍歸其侄。聖婦卽全與之。不肯以微物而逆母心。卽此一舉。孝友兩全。何善如之。日路撒稜府。有異端路費納。捏造經書。暗藏邪毒。假稱聖師熱羅尼莫。准行之經。攜至羅瑪。羣然信從。獨聖婦辨其隱怪。不令蔓延。又致告於聖師。以發其奸。僞書始絕。豈非聖教之功臣哉。若論其義勇以終。更難幾及。峨弟亞國。縱兵切掠都城。有卒入聖婦室中。追搜財寶。聖婦泰

然不亂。只示以修道之衣。卒不信。加以鞭朴。聖婦默思耶穌受難之苦。反憐憫之。受打不知疼痛。旁有童女賓濟比亞。恐亂兵凌辱。大聲哀哭。求與聖婦同死。不可相離。兵卒聽其哀聲。不忍加害。同聖婦擄入聖保祿殿中。擄中之苦。不可言盡。惟視此爲磨煉之工。故不憂而自樂。併大慰童女。雖饑餓切身。勿覺其難。且云。予生時。赤身而出母胎。予死時。赤身而入土內。惟主之命。被擄不久。體不傷。力不憊。自覺靈魂將出。童女知之。大痛。居無何。聖婦恬然若寐。終於童女之手。時天主降生後四百年。

宜行之德 輕世俗

聖思 一。不輕世俗虛榮。並非明白人。因不輕世俗。便有輕耶穌之害。吾人既奉耶穌教。還該貪愛否。耶穌教訓的表樣。總在輕世俗頹風。哀

矜時。左手與右手不知。方爲神工。此中輕重之分。良心就是天平。何不兌一兌。一。聖婦瑪爾則辣。辭世離家。因受耶穌與宗徒之遺訓。明知輕重之分也。耶穌云。世上眾人內。在上者。爲大爲尊。若我們教中人之尊大。諸凡不如人。自己居下。天主始高之。又云。世俗尊物。天主臺前。乃棄擲者。所以不但該輕。還該惡之。汝不信。是不信主言。若信。汝曾愛世樂世福否。信此而愛彼。還算得是耶穌的人麼。還升得耶穌所升的天堂麼。一。吾主耶穌。不但以言語。教我們輕世。立的表。都如此。降生時。在貧窮馬槽內。立聖名時。受割如罪人。三十年服事匠人。後來受難。如罪大惡極之犯。明示於人前。如此輕世。非教吾人天堂之路。卽在於此麼。

聖年廣益... 正月卅一日 聖婦瑪爾則辣

一百四十四

當務之求

爲迷於世俗者

祝文 救吾者天主。聽受吾禱。吾樂爾聖婦瑪爾則辣。瞻禮。望以誠心。  
受其訓誨。爲爾子耶穌基利斯督。亞孟。

# 聖年廣益

## 二月初一日 聖依納爵 主教致命

警言○惟一聖愛。遠勝諸物。無聖愛。則諸物莫濟。聖奧斯定

聖傳○昔天主耶穌在世時。曾攜一孩。向眾徒云。予確語爾。弗變而爲若孩。天國靡入。後有聖人相傳。所攜之孩。卽聖依納爵也。雖或是或非。未能一定。然與諸宗徒接踵是真。且隨侍聖若望甚久。故聖伯多祿命爲昂弟約加府主教。時極西總王。聞知聖人崇正闢邪。傳來引見。面訊云。汝名依納爵。不敬我國家所尊之神。就是汝麼。回云。果然是我。又問云。何故不敬吾神。回云。因此非正神。天地萬物之內。只有一大主。

這天地神人萬物。皆係大主造化。爲人君者。肯信之敬之。國家必得平安。人民俱蒙大福。王曰。此說不合。汝要我心悅服。必敬我所尊之神。此時上下交孚。神人允協。不獨汝有體面。還賜汝高官厚祿。聖人云。官位。係國家恩典。以此賜人。自然榮耀非常。但我不論榮辱。若害我靈魂之事。雖極人世之榮。斷不敢受。我爲天主基利斯督之主祭。每日祭祀。情願祭自己於天主。纔是真正爲主的光榮。稍可以報十字架救我之大恩。似此反覆辯論。爲時良久。奈因語言不順。彼且挾勢而行。難免艱然暴怒。遂命押赴羅瑪都城。拋入獅圈中。罰此瀆神之大逆。聖人遇此機會。不勝樂甚。自鎖其足。以表甘心。教眾變法救援。欲呈訴狀於羅瑪之有司。聖人途中寫書與羅瑪教友。命速止其謀。書中都是熱心至極之語。畧云。天主洪恩。心中滿我此行之歡樂。望到羅瑪。即可還性命於吾。

主基利斯督。我所以再四盡心。只求吾主。許此野獸。嚼我身軀。得爲天主之愛子。我身未必潔淨。經彼齒牙磨嚙。變成淨餅。以獻耶穌。纔算是真真基利斯督之門人。汝等所謀。不是愛我。實係害我。萬萬不可如此。聖伯多祿聖保祿。皆耶穌宗徒。我不過一小僕耳。何可阻我之志。今我時時禱祝而求。甘心情願。喜歡樂受者。惟望野獸極餓之時。將我落入口中。此我畢生無比之大樂。倘或野獸馴伏。我必擊之。使其傷戕。汝等勿以此言爲怪。因明明知道小損必受大益。故現在我心所想者。惟有此耳。並無別意。如火。如獅。如毒。如魔。如獄火。全聚我軀。我俱獻於吾主耶穌。只能加我之歡。不能加我之怕等語。一種熾然難遏之勢。至今猶覺其炎炎不熄也。到羅瑪官署。暫收監內。先將野獸。斷其飲食。至邪教羣集之期。聖人出監就噬。途中喜形於色。見有多人簇擁。高聲對眾云。

汝輩不思我犯何罪。因我熱愛天主。不肯背棄。如火燒等酷刑。我心更樂。更滿我之願。行至獅圈。聞吼聲甚猛。大喜曰。我一生得意之時。惟此片刻。報主大恩於萬一。亦惟此片刻。語未畢。身已拋入獅圈。全體受殘。忽見胸膛自己裂開。明顯心上。深刻耶穌聖號。又聞致命後。昂弟約加。府地忽大震。宮室傾倒者。十之四五。總王所住之宮。亦皆倒壞。見此異變。不勝驚惶。遂命從此以後。不許傷害天主教人。永著爲例。時天主降生後一百十年。

宜行之德 愛主

聖思 一 誰不該愛主如聖依納爵者。天主之恩。無窮無盡。能領。能受。能享。若只能知道。算不得。聖奧斯定曰。大聲講。該當愛天主。我只做不聽見。獨不想吾主耶穌在世。刻刻時時。無非爲我。耶穌之明悟愛欲。無

非救我。我之一身。雖一秒之頃。無非天主之恩。如此一想。聖依納爵所行。不該當麼。如此一想。我自己不該當麼。一。天主之恩。不但無數。還無尊可比。因天主至尊至大。吾人至卑至賤。且係無可再卑之卑。無可再賤之賤。又還是有罪之無。怎敢望天主之恩。然人雖不敢望。而天主必不肯斷人之恩。則此恩雖小。亦屬無比之尊。况天主聖子降生。爲救贖此有罪之無。甘受無窮苦難。用自己全能。立聖體大禮。結合此無可再卑再賤之卑賤。拉他直至天堂。享至尊至大之福。如此重恩。我的心。當得起麼。既知道當不起。還不該做效聖依納爵之熱心麼。一。想天主無比之恩。怎麼報法。雖有天地萬物諸美好。獻於天主。亦報不盡。况天地萬物。連我自己。不是天主的麼。所以獻主報主者。只有我的心。只有我的愛。係天主喜歡接受的。爲何倒不肯獻納。但天主我等主。明知

道自己沒天主聖佑。不能報天主所喜的愛。不能獻天主所愛的心。惟有求主加恩。心內卽樂。不必再圖別樣。

當務之求 爲冷淡教中人

祝文 全能天主。垂盼吾劣。爲本行重任屈壓。賴爾聖依納爵致命兼主教轉達。得厥護翼。爲爾子耶穌基利斯督。亞孟。

初二日聖瑪爾谷 隱修

警言○爾不害彼。彼不害爾。金口聖人

聖傳○聖愛在於聽命。人所共知。惟瑪爾谷聖人之順命。超越尋常。所以一入隱修院內。管院之長者。甚愛之。但眾修士中。竟有幾位不能悅服之人。面向長者。直言其私愛。長者答云。恐係汝等之錯見。難辭妄証之端。今欲汝等明知瑪爾谷順命之純。果然當愛不當愛。汝等隨我來。一試便知。長者卽同此數人。到各人房門口。令其出房商事之狀。眾隱者。因未完自己所做之事。耳雖聞命。身尙未曾出戶。惟聖人聞係長者聲音。卽刻出房。遂命其令做別事。同行之數人。進房一看。始見案頭。寫字未完一筆。爲順長命。故爾尅下。眾皆嘆服曰。如此隱修。如此順

命。自然不得不愛。從前我們大錯了。實係妄言之過。卽此一節。餘可類推。况順命之外。克己最嚴。愛主最熱。曾有數次。天神親捧聖體。送於聖人口中。眾隱修。親眼看見。天神一手腕。並非偶然。常常如此。非熱愛至極。安能得此頻頻之特寵耶。忽有鄰近山島中。羣聚之野人。沿途搶擄。將到此間。眾隱修欲遠避之。聖人特向管院之長者。求俟三日。助我善終。果然第三日。聖人平安謝世。時天主降生後三百年有奇。

宜行之德 無妄証

聖思 一。不該証人之行事。天主所禁。爲何敢証別人。聖保祿曰。爾有何權。別人犯罪。天主罰他。與汝何干。然每每肯說別人。豈因本意沒有壞心。事情亦無罪惡之故麼。且不必說別人之事。難知明白。就是你本心之事。亦未必全知道。若能明知自己之惡。怕人知道自己之過。斷

不敢去証別人。一。因難明別人所行之善惡。故天主禁之。當回想別人証我的話。我亦說他是妄言。或明知別人。因我外面之事。錯說我不好。就該知道我說別人。獨不如此麼。凡人行事。外面雖不好。定不得內中大有好意。如何就証他不好。所以見不好的行事。該轉想他心內的好意。況別人常常擔待你。你亦該時時擔待別人。一。旁人信此見証。必將此人。輕之惡之。雖然不顯。長存於心。所以多少人。因是非閒話。既害人名聲。且引人結仇尋鬧。不仁不愛諸罪。俱從此出。獨不想後來之事。誰能知道。你妄証之人。或係大聖。如聖婦瑪大肋納。又如此傳所載。聖瑪爾谷。俱未可定。你就敢斷他不得升天麼。

**當務之求** 爲受誣者

祝文 天主。以爾聖瑪爾谷。每年瞻禮。樂我等。懇祈爾。吾既慶厥誕日。

聖年廣益...二月初二日 聖瑪爾谷

幸師厥功勳。爲爾子耶穌基利斯督。亞孟。

一百五十四

初三日聖伯辣爵 主教致命

警言○我爲我原告。開列己罪以認之。以贖之。聖伯爾納多

聖傳○聖伯辣爵自幼習醫。幸從正教。敬主愛人。潔身修德。莫不盡心。無時少懈。是以人多企仰之。親炙之。瑟巴斯得郡中主教棄世。衆共推尊。固辭不聽。越數旬。先受鐸德。後陞主教。謹慎周詳。惟恐有負主恩。正值大勢式微之日。天主默牖。忽想離塵絕俗。將形身置之度外。惟求此心。靜合主旨。遂別瑟巴斯得地方。竟一深山巖穴中。苦修數載。向來此山。最多獅豹虎狼食人之獸。聖人居此。衆獸俱聽命服從。獸中有病者。聖人向獸畫一聖號。即愈。以致每日羣集洞外。若遇聖人默想誦經時。靜候不離。俟聖人降福後。始遵命而去。日以爲常。時總王差員。至

瑟巴斯得郡。捕拿無數教中人。傷殘監候。吩咐獵戶。多設機械。取獅入圈。以備吞噬之刑。獵戶入山。遠見眾獸。羣聚洞前。且不畏凶器。讓開容入。聖人告知其故。卽回郡陳明。官想此人。必係教中。差兵往捕。見聖人誦經拜主。大聲曰。我本官叫汝。聖人歡容回覆云。我在此拱候多時。起身就走。至城。收監過夜。次日。提至公堂。官先問云。我知道你是好人。必定恭敬我們之神。聖人答曰。此言差矣。你們恭敬之神。彼尙救不得自己。如何救得別人。惟該敬萬物之主。言未畢。官輒大怒。命役以棍重責。至一個時辰。杖畢。押禁監中。隨有多人。到監瞻仰。病者亦求之。內一幼童。喉被魚骨。梗刺已久。奄奄待斃。聖人俱畫一聖號。諸患悉除。數日後。官復提問。仍如前堅執。卽將聖人。綁於直木上。全身遍撻。竟無完膚。刑後。又發監收禁。途中。遇教中婦女七人。見聖人手上。流血甚多。向前敬

收之。衙役覺其同教。拿送於官。官命叩拜土神。七女人回云。你們恭敬的神像。請看如此塵土。狠不潔淨。可許我們帶至大湖內。洗一洗麼。官聽其言。認是好意。准其所請。七女人同擡至湖邊。以船載之。至水深處。將諸土神。盡拋入水中。官聞之。大怒。命舉大火。將七女人。燒於火內。七女人得此致命大恩。莫不欣然樂就。惟此女人之內。有二人。各隨一子。甚幼。見母致命。二孩齊聲喊叫云。母既生我於世上。爲何不生我於天堂。官聽之。切齒厲聲曰。此教不獨婦女。連小孩。都要辱沒我們。命一併拋入火中。豈知火竟不焚。官更怒甚。欲一齊斫死。兩孩不住口說。母親不怕。不久。即升天。享天主之福。官見此景像。把二子離開。同監於聖人處。後將七女人斬首處決。復用各法。引誘聖人改易。毫不動心。勒令投湖溺死。聖人行至湖邊。卽舉手畫一聖號。直趨水面。如行平地。到湖中。

心。坐於水上。就是七女人沉沒土神處。坐定。婉容呼喚。恭敬土神之人。請來試試。看你土神靈不靈。內有邪術六十八人。官吏素信其能。命往試之。都被溺而死。遂有聲出自空中。向聖人云。升天之期已至。汝可速回。聖人聞聲起立。由水面。步行至岸。官命拿赴法場。與二孩一同處斬。時天主降生後三百一十六年。至今凡遇骨梗之患。求此聖人。多蒙其佑。

宜行之德 被贖已罪

聖思 一痛悔補贖。乃升天之正路。但貴在得一正經補贖。該如聖伯辣爵離開世俗。離開犯罪處。庶幾無事亂心。可領受事主之樂。蓋因補贖之工。明知俗世難行。故聖熱羅尼莫說。城市乃吾人之牢獄。避靜之處。卽是天堂。一若此世俗。身或離不開。心可離開。但如何行法。心中

看此俗務。好像行雲流水。去而不存。不存則不想。不想則不愛。件件如此。有何難離之事。若一年不能。可定幾日。避靜離之。日日不能。可定一二刻。避靜離之。以一日之中。而定一二刻之離開。必無難處。以一二刻之工。日積月累。自然時時有獻主之想。自然也做得自己的補贖。一。每日晚間。世事完畢後。若係世俗的人。必定將所做緊要之事。復行省察。我們教中人。爲後來的大關係。不該將一日所做之神工。省察省察麼。或因俗事貽誤神工。或工雖不悞。未必妥當。或當行之工。推故不行。懶惰未行。倘不小心省察。或竟置之不問。還算是信天主麼。還算救自己的靈魂麼。

### 當務之求 求開世迷

祝文 全能天主。垂盼吾劣。爲本行重任屈壓。賴爾聖伯辣爵致命兼

聖年廣益... 二月初三日 聖伯辣爵

主教轉達。得厥護翼。爲爾子耶穌基利斯督。亞孟。

一百六十

初四日聖得阿斐祿 痛悔之表

警言○申爾福。童貞瑪利亞。由爾而永死見驅。由爾而常生見入。

聖達瑪則諾

聖傳○看此得阿斐祿聖人之傳。明顯聖母爲罪人之仁慈。有降伏地獄邪魔之大能全力。時天主降生後五百三十八年。得阿斐祿在其利其亞亞大納郡內。管理教中公眾之財。小心謹慎。人人悅服。且人人俱加禮敬重之。值此地主教缺人。本郡教中。欲公舉之。得阿斐祿固辭云。教中世上之事。尙管不來。如何能管靈性無形之事。遂另立別位。奈平日原有幾人。意見不合。在新主教前。造言妄証。主教悞信爲實。革其所掌之事。得阿斐祿忘其忍德。心甚不平。邪魔乘此加功。設計報讐。

尋覓巫人。求一善法。初疑其僞。後見求之甚切。攜赴寬廠之地。見有多人。向魔跪禮。如朝叩國王之儀。魔因其新到。問曰。爲何來此。巫人明言其故。魔要背耶穌教。背聖母瑪利亞。刺血。寫定文書存據。所求卽允。此時得阿斐祿。昏亂已極。俱依命而歸。果然次日。主教深知從前。錯聽讒言。明告於眾。仍命照前管事。見此靈應。未免感悅非常。數日後。天主仁慈。開其明悟。深悔所行之非。心中難過無比。又怕又苦。雖克己嚴齋。求憐求救。然明明自己知道反背耶穌。又背聖母。親用本身之血。寫字爲憑。情愿做魔鬼之奴。如此大罪。實係自己害自己。實係自己推自己下地獄。還向誰求救。還有誰肯憐憫代求。左思右想。並無一線可生之路。正當無計可施之時。忽蒙聖佑。轉意迴心。還該求聖母的仁慈。卽隨此念。到聖母堂門外。不敢直入。晝夜伏於門旁。常求常哭。少食少眠。果蒙

聖母格外矜憐。至四十日後。親見聖母怒容。呵叱云。怎麼有你如此大膽的人。你在讐惡之前。背了耶穌的救贖。我是仁慈之母。既背了耶穌。又背了我。怎麼與你祈求。得阿斐祿自忖。雖然罪大惡極。不可失望。況聖母親來面責。卽係生機。心中愈加懇切。難以形容。惟泣訴云。明知大逆。法不能寬。但吾主耶穌受了苦。受了難。專爲如此之人。只用吾主些微之勞績。就能補贖萬民之罪。倚靠這樣大功勞。故敢求聖母可憐。聖母轉容垂諭云。既望允爾之求。先該認耶穌是天主聖子。是萬民之大家。是審判生死之上君。諭畢不見。遂伏地淚流。狠苦狠痛。次日。聖母復現。曰。耶穌基利斯督。饒恕爾罪。爾必盡心補贖。一聞此諭。喜極而歸。復想血書。尙留魔手。還求聖母追回實據。越三日。夜夢聖母。與以血書。醒後。字存被上。是早。正值主日。進堂告解。念經時。在主教前。伏地訴明。併

求主教將所還的血書。高聲念與眾人聽見。使眾人共知我的叛逆。我的大罪。惡重情真。又知聖母的仁慈。聖母的大能。主教卽准其所請而行。主教行畢。得阿斐祿詣聖臺前。求先燒血字。後領聖體。神工事竣。復往聖母堂誦經感謝。歸後。就覺遍身壯熱如燒。歷三晝夜。卽棄世升天。

### 宜行之德 恭敬聖母

聖思 一。恭敬聖母之意。至聖至靈。所以無一人不望其恩。無一日敢懈其求。聖教會。一年之中。守許多恭敬聖母的瞻禮。大地之上。建若干恭敬聖母的聖堂。天主的神恩特寵。爲聖母的功勞。時時顯揚聖跡。不可數計。今你恭敬聖母的心如何。 一。當知恭敬之意。勿托空言。該隨聖母的德行。今教中人都知道要升天。必隨耶穌之訓。但何法能隨。只有頭等妙法。在隨聖母之德行。纔是眞眞實實恭敬聖母。今我之恭敬

如此否。一。聖母乃諸德之囿。所專喜者有三。一潔淨。一謙遜。一愛主。因其潔淨。故無污不憐。因其謙遜。方能爲聖子之母。故凡有謙之罪人。必佑啟之。若存驕之善人。則深惡之。因其愛主。故諸愛俱在其下。惟此愛德。至高而無上。至永而無窮。卽現在保佑世人。無非動我愛主之心而已。所以恭敬第一法。首當愛主。今我心之意如何。

當務之求 爲失望者

祝文 皇皇聖母。轉祈聖子耶穌。俾我等陷穽之人。能知痛悔。改過自新。一如聖得阿斐祿之克自振拔。轉禍爲福。迄於無窮。亞孟。

初五日 聖保祿彌吉 聖若望遏多 聖雅各伯

稽賽 耶穌會日本國致命

警言 ○欲勸人爲善。言從冷心出。何足以勸。聖額我略

聖傳 ○聖方濟各沙勿畧至日本國。大開聖教。沾恩者不可勝數。此內有保祿。名彌吉。若望。名遏多。雅各伯。名稽賽。三人分外熱心。俱願絕俗離塵。潔身修道。求進耶穌會。此時日本聖教。大不平安。三聖俱遭拘捕。彌吉本係巨家。學問優長。年方三十三歲。不久。將授鐸德。所有著述。崇正闢邪。極其精深。遏多年只一十九歲。每於教訓孩童之外。惟務讀書學道。預備後來司教之神工。稽賽年已六十有四。善能講道勸人。兼理堂中事務。三聖被拿。因堅持不背。俱割去左耳。身纏鐵索。鎖於車

上車前一人。執一標旗。寫明此三人。因傳天主教。要在十字架上死。俾通國皆知。行至長奇島。計二千餘里。途中不獨無人驚懼。且多受聖人勸講。官吏兵民。進教者無數。邪黨僧人。聞其過化存神。反悔從前。不該議此遠罰。助其傳教。既到長奇島。見山頂上。預備十字架三座。三聖下車跪敬。登山喜形於色。過多之父在旁。見兒爲主致命。悅樂非常。稽賽雖係老年。因熱愛情深。上山如履平地。遂將三聖。綁於十字架上。彌吉乘此轉瞬之頃。賴主寵恩。發揮教理。滿山羣集之人。莫不驚服。雖筆墨不能盡其雄談。而大意總言世間。只有耶穌一教。是真是正。別樣門頭。俱假俱邪。今天主准我們致命。係以身證主。乃我們的造化。且我三十歲。死於十字架。正合吾主耶穌受難之年。此又是特特的大恩等語。餘聲未斷。刑役三人。各執長鎗二桿。俱從此股之旁。斜穿腸腹。上衝心

肺貫通彼手之肩而死。同致命者共二十六人。內係聖方濟各會者六人。係耶穌會者三人。時天主教降生後一千五百九十七年。死之日。聖屍尚存山頂。至晚忽顯大光圍護。徹夜長明。次早本地主教及同教人收葬之。

宜行之德 勸化外教人

聖思 一。教中人無一人不該傳教勸人。或以表樣。或以言語。開導異端。立化人之德。但此德全在仁與智。併良善而成。只看三聖鎖鍊在途。尚救多人信主。官吏兵民不分貴賤。皆受主恩。非本至仁所發之極功耶。今我有此勸人之心否。一。化人之德。非智不行。惟欲善用其智。必先自化而後化人。自己若不熱心。何能引動他人之熱。故想救他人。先救自己。請看三聖。倘不能熱心爲主。焉能勸化多人。一。化人之德。不

離良善。因化人之德。必從良善而發。良善之心。必惡罪惡。良善之人。必愛人救人。三聖大難在身。死亡在卽。還不肯自昧其良。自掩其善。救人之聲。至氣絕而後止。可知不如此。非吾主耶穌教訓之德。

當務之求 爲傳教者

祝文 全能天主。日本信奉聖教之初。以聖保祿聖若望聖雅各伯。致命聖血。創立始基。懇求爲爾聖名之光榮。仰賴聖三之遺表。扶我。佑我。爲爾子吾主耶穌基利斯督。亞孟。

初六日 聖女篤羅德亞 童身致命

警言○吉與凶。福與禍。甘與苦。樂與憂。皆當以一心。受之於主手。

輕世金書

聖傳○聖女篤羅德亞。係責撒肋亞郡中巨族之女。幼習天主教。規嚴修克己。比眾不同。適當邪說橫行之時。拿禁極其凶酷。聞聖女名。拘送到官。多方勸誘。堅執不從。畧云。合義之事。豈敢故違。以偽爲真。終不能奉命。若使弱女爲義服刑。庶幾後人知非理非法之刑。不足畏懼。惟天主之正命。纔當畏懼。官見其倔強抗違。命繫於刑架。聖女樂甚。且云。幸速賜劇刑。使我早離苦世。登天上香花美菓之真鄉。官笑其狂。時有姐妹二人。因畏刑背主。官囑其引誘聖女。數日後復審。豈知二姐妹。

已受聖女誨責。復歸正道。官大怒。命拿姐妹二人。反繫網綁。投火焚之。二女惟求主寬免前罪。安心赴死。官又責勸聖女。終如金石。命役剝去其衣。縛於架上。裂肢碎體。肉爛血流。焚其肋。掌其頰。施刑已久。役吏困疲。遂令斬決。以完此案。行際。一吏向聖女云。汝說天上妙境。併諸香花美菓。今汝到後。可遺我花菓少許。以驗汝言。卽蒙允許。甫至法場。先伏地謝主。次勸旁人。棄邪歸正。忽有美貌嬰童。執一小筐。投獻聖女。令送與此吏。以踐其所許。遂引頸受刑。吏與同友。正笑其冬月嚴寒。妄許花菓。適嬰童授以小筐。啓視之。皆玫瑰鮮花。奇珍異菓。不覺驚悚無言。且轉盼不見嬰童。明係天神顯現。吏竟悔罪自新。竭誠拜主。事聞於官。亦命拿拘刑架。毀體裂肢。見其泰然自得。又用鐵爬。破開其肋。納火炬以焚之。毫不動心。且笑其罷軟。官亦無虐可加。着卽處斬。時天主降生後。

三百零四年。嗚呼。苦難之奇。能使背恩二女。外教吏人。立成大聖。可知其關係。實非淺鮮也。

宜行之德 恃主

聖思 一。天上所來之玫瑰。包含三意。玫瑰色紅。爲潔淨之本色。亦爲羞慚之本色。此第一意也。人要潔淨。必有羞慚。如不潔之地。不潔之言。不潔之行。須遠遠離開。害此面紅臉熱之羞慚。卽可以銷滅心中之穢惡。歸於潔淨。若遇此污事。外面不識羞慚。內心必不乾淨。一。玫瑰有茨。觸之受傷。此又一意也。人要潔淨。亦該有自己之茨。茨者何。尅苦是也。自己不苦。難保其常常潔淨。故當斷絕嗜慾之因。尅苦以勝之。一。玫瑰向上。此又一意也。潔淨之德。非可專仗己力。必由天主聖佑而來。所以自己雖能尅苦。若無聖佑。皆屬徒然。可知我輩的愛情。只該向天

主之事。不該在世務中。今我之所愛。果如此否。

當務之求 爲朋友

祝文 天主爾德能靈異中。不棄弱女輩。賜致命者榮勝。懇祈我等。慶爾聖篤羅德亞致命童女誕日。因其遺表。躋爾臺前。爲爾子吾主耶穌基利斯督。亞孟。

## 初七日 聖女亞加大 童身致命

警言○爾等自潔自淨。去爾之醜思。於我目之前。聖經

聖傳○聖女亞加大。係西濟里亞國宦家閨秀。貴而且富。因誠奉聖教。自幼立志守貞。此時邪術擅權。奸臣柄國。必不能於貴盛之家。姑容奉教之女。及到官一見。官因其色。密囑諸娼。攜歸引誘。計窮力竭。無法動搖。官復提問云。以汝尊族。爲何從此卑陋之教。回云。認識上君大父而敬奉之。係至尊之事。有何卑陋。官云。然則我輩不奉釘死之耶穌。反不足尊耶。回云。搏土泥。雕木石。求死人頑物。而望其降福禳災。何尊之有。官不能辨。且有愧色。命掌嘴以洩其忿。拘禁獄中。次日復誘之以榮華。懼之以刑法。聖女辭嚴義正。愈顯其堅。官竟老羞成怒。命用鐵鉗。

夾除兩乳。聖女忍痛婉言曰。汝之長大。不賴女人之乳乎。何酷傷若此。官更怒甚。囚之。斷其食。至夜。忽見童兒持燭。奉一老人。前來相慰云。爾乳受傷。吾在旁親見。特具良藥療爾。聖女見係男人。辭曰。吾向來未嘗用藥治病。惟望上主仁慈。老人曰。我乃耶穌宗徒伯多祿。蒙上主遣來顧汝。即不見。聖女乳亦無恙。隨有奇光明照。獄卒大驚。不暇鎖禁。四散奔馳。同犯勸聖女乘隙外走。聖女不從。越四日。復提審驗視。並無傷痕。不勝驚異。令發大火燒之。聖女入火。地即大震。屋多傾倒。官之二友。立時壓死。民皆惶恨。官恐變亂。又於火中提出聖女。仍囚禁之。聖女自見肢體已經殘燬。跪謝天主所賜一生之恩。泰然棄世。時天主降生後二百五十二年。歿後。顏色如生。異香滿室。葬時。有數天神下降。以小碑立柩前。文曰。潔淨神魂。甘心鉗烙。能享主榮。能清世濁。葬訖。官利其財。親

往本處抄沒。途中因渡河下馬。馬竟噬之。踢之。沒死於河內。有一發火之山。與聖墓相近。忽然泛溢橫燒。炎炎無措。得聖柩內覆身之紗。懸於流火處。火即斷滅。百年前。此火又發。將至一莊。莊主幸存聖紗少許。置之竿頭。豎於火前。其火即退。

宜行之德 潔淨

聖思 一。聖女亞加大。將世俗之高尊福樂。踏之脚下。滿心惟有天主。蓋不如是。不足以成聖人。故不論何聖。個個皆然。因世上一切。不但虛幻。還害人心。愛他何益。聖奧斯定曰。世俗雖苦。人俱愛之。汝可如此否。一人有身軀。不能隨靈魂之理。只想富貴快樂。難退難離。今看聖女。只知事主之尊榮。不念身家之體面。汝今如何。一。聖女之潔。如天神然。聖盎博羅削曰。比天神更甚。因天神無形。人能棄絕世娛。如聖女之

忘形事主。斯可矣。

當務之求 爲童身

祝父 天主。爾德能靈異中。不棄弱女輩。賜致命者榮勝。懇祈吾等慶  
爾聖亞加大致命童女誕日。因其遺表。躋爾臺前。爲爾子耶穌基利斯  
督亞孟。

# 初八日 聖斯德望 隱修

警言○法予。予性良善心謙。聖經

聖傳○聖斯德望係拂耶濟亞國公侯之世子。二親欽崇天主。夙有家規。只因乏嗣。立愿祈求。得子必獻。不久。卽產聖人。自幼言規行矩。至十餘歲。隨父往遊羅瑪。歸時。道經伯諾文都郡。適聖人患病難行。父即交與本地主教彌隆。原係同鄉。托其愈後。留此教訓之。主教欣然樂從。聖人性耽靜默。不喜世情。數載回家。二親棄世。離俗之心更切。年已三十。不辭親友。隱入高山。時家產已濟貧人。惟存一戒指。寫明我斯德望。愿永離邪魔與世俗之樂。全身全靈。全心全力。獻於天主聖父聖子聖神三位一體。寫畢。頂字而祝曰。戒指在手。發愿獻主。悉如此字。自今

以後。惟求默道靜思。以愛以順。死之日。仰望童貞聖母瑪利亞。轉祈天主。與耶穌基利斯督。不許邪魔害我身軀。亂我靈魂。立愿後。卽深居山穴。衣裳寒暑不更。苦服常常不輟。睡處如棺。睡少寤多。並無被褥。種種苦難律身。樂此不疲。誦祈無間。且默道之工最久。每至十餘日。忘食忘眠。雖在深山窮谷中。慕名謁見之人。愈久愈多。只因聖規嚴密。莫敢追隨。後有二人。懇賜同修。數年後。聲名更顯。願來修道者。日增月盛。聖人留居共業。友而不師。作事惟先。席地以食。食時。誦苦修聖人行實。與人言。良善溫和。人人受益。一日。有人聽講罪醜罪罰之重。內一人。當面回云。你雖如此講。我是不肯改的。你救別人罷了。於我不必。聖人聞此失望之語。情動於中。同眾修士。向天主臺前。求開此人愚昧。不越一二時。此人因心中狼亂。轉回山內。跪於聖人足下。定心改過。求救求憐。又數

日後有管事人。出外辦買物件。路遭二盜。擄劫不歸。眾皆憂悶。聖人云。不必焦心。只求聖母保佑。必定無事而歸。果然次早。二盜自覺週身綑綁。惶懼同回。聖人祈主釋放。訓誨改遷。降福而去。聖人潔德最純。絲毫無累。嘗云。此係天主大恩。更當兢兢業業。倘因潔而寓傲心。與不潔者同。又本來素性。最喜貧人。一日。爲來尊客。談至日暮。眼見許多窮人。久候多時。心甚難安。俟客去後。隨向窮人徹夜共談。不知厭倦。同友議其太過。聖人答曰。耶穌在此眾位中。我敢離開麼。白日既與世俗體面人共談。夜內應該對答窮人。年至八十。天主默示終期。卽向眾說明。覺有微病。至第五日。命擡赴恭敬天主之所。領聖體。傅聖油。滿心歡樂而終。計在山五十年。去世時。遠處一少年。重病已危。三日不語。忽然醒來。向母明言。我見一大梯。從天到某山。無數天神下來。同此山所住之斯德

望升天。既信天主。當信此天主真實之事。語訖而終。時天主降生後一千一百二十六年。

### 宜行之德 謙遜

聖思 一。謙遜之根。先要認識自己。天主未造你之先。你在何處。你做什麼。不過在無之內。自己亦不能從無而有。都是天主之恩。雖如此。還要驕傲。還要忙忙碌碌。奉承自己。爲天主事。爲靈魂事。爲救人事。都不上緊。爲何不把自己的始末根由。認識明白。 一。你是什麼。論肉身。有無數醜事。論靈魂。有無數不明白的惡處。天主賞此肉身之視聽言動。原爲幫助靈魂立德立功。天主賞此靈魂之明悟記含愛欲。原爲愛主愛人。仰承寵賜之恩。力行聖教之務。明此正理。還該驕傲麼。 一。後來或下地獄。或升天堂。誰能自己知道。存此一想。還該有驕傲之意麼。我

身死後。必然臭爛於地。但不知我的靈魂何如。定不得別人升天。我下地獄。爲何不該謙遜。

當務之求 爲驕傲人

祝文 天主。以爾聖斯德望。每年瞻禮。樂我等。懇祈爾。吾旣慶厥誕日。幸師厥功勳。爲爾子吾主耶穌基利斯督。亞孟。

初九日聖女亞波羅尼亞 童身致命

警言○我爲路。爲真。爲命。解曰。無路何由得行。無真何由得識。無

命何由得生。 聖經

聖傳○亞肋桑得里亞郡中。有一邪黨。因仇恨聖教。造言讒謗云。我們年歲凶荒。人民災疫。都從彼天主教。敗壞我神之故。遂致滿城惑亂。教中人家。或遭搶劫。或避他方。似此倉皇大變。叛教者。只有一人。惟聖女亞波羅尼亞。更能善於處變而不失其常。迹其堅勇甘心。有足述者。聖女一聞此亂。定志不肯出城。只求天主。不許人害我靈魂。若論世俗肉身。家財生命。盡獻於主。併立愿守貞。至老不改。嗣經邪黨。訪獲網拿。掌嘴裂唇。又盡拔其齒牙。後人患牙痛者。嘗求爲主保。邪黨復押至

城外。特發大火。向聖女云。汝若不背天主。必燒汝火中。聖女回云。稍俟須臾。求主定志。邪黨疑其肯改。暫將細綁放開。此時心內。卽蒙天主聖佑。不俟再言。竟赴火致命。時天主降生後二百四十九年。論者以放後投燒。似與別聖不同。然推其心。具有三善。一。因既不背主。雖暫時開放。終不能免此焚燒。與其以口証主。被人強拿入火。不如以身証主。表其情願樂從。一。致命之事。必以耶穌爲師表。聖女此行。可髣髴耶穌山園內。出迎大難之意。一。因童女之身。被人細縛捉拿。雖無妨礙。但既可免遭眾惡之手。何妨省其凌辱。如此舉動。倉猝之間。人力豈能辦理。必都從聖佑而來。故聖奧斯定解曰。聖女之稍俟須臾者。是待主聖佑。並非出自本心。輕生入火。誰敢誣以自殺之條。旨哉斯語。前聖之心。得後聖之尙論而益彰。

宜行之德 用心求主

聖思 一。每日該當求主幾次。早晚決不可缺。况刻刻領受天主大恩。不該刻刻祈求麼。有工夫說閒話。沒工夫求天主麼。自己悔一悔。自己察一察。可定後來日日求主之規。一。或言世情繁冗。不能求主。該論自己情愿之意。聖額我畧回云。世情愈多。愈當祈求。若非天主聖佑。這多多的事情。怎麼料理得妥當。怎麼免得罪過。一。若果然不得空閒。該遵吾主耶穌所諭。爾醒以求之聖訓。蓋少睡兩刻。不能害身。如此多人。未傷其健。常見爲世俗事。飲酒宴客。少睡甚多。爲求天主。反不能麼。

當務之求 爲懈怠於善者

祝文 天主。爾德能靈異中。不棄弱女輩。賜致命者榮勝。懇祈吾等慶爾聖亞波羅尼亞。致命童女誕日。因其遺表。躋爾臺前。爲爾子吾主耶

聖年廣益... 二月初九日 聖女亞波羅尼亞

一百八十六

蘇基利斯督。亞孟。

初十日聖偉列爾莫 隱修

警言○人誰能以本血牧其羊乎。況人之母。尙多有生子。而付於他人代乳之。吾主不然。乃以本身本血。養我等焉。金口聖人

聖傳○天主聖寵聖體之神能。天顯於偉列爾莫聖人之傳。因聖人在先。乃無所不爲之惡人。論其來歷。係拂郎濟亞國所屬之小王。幼即凶殘內蓄。不守教規。卽位後。身昂力強。一餐可盡七八人之食。強姦弟婦。屠戮無辜。積惡三年。諫卽處死。聖教會見無悛改之機。奉命革名。因此更加恨怒。肆害愈無底止。聖伯爾納多爲救此害。前來勸導。見其抗違不聽。卽往本會堂。暫居數日。候至回拜時。更和言霽色。叙談最久。約有三個半時辰。惟以世俗虛假不常。身榮不久。罪罰卽來之意。鼓動

其心。奈話不投機。終於無益。然既爲此而來。不肯失望。傳齊主教鐸德。相告云。此非人力可能挽回。我等該當公同求主。發顯全能。開彼之心。遂特與主教鐸德等定期。同在主堂。偉列爾莫遵照革規。存於堂門外。聖伯爾納多專爲此大事。舉行彌撒。至成聖體後。即捧聖體於聖盤。一片熱愛之衷心。粹然現於顏面。恭詣堂門外。手捧聖體。向偉列爾莫曰。我來救爾。爾若不聞。許多鐸德提醒爾。爾皆不聽。反與聖教會。爲仇爲害。今耶穌基利斯督。在爾面前。此係審判爾之大主。爾之靈魂。不久就到主前。我等看爾聽不聽。時偉列爾莫當不得聖體神威。卽倒仆在地。口吐白沫。不能出聲。隨侍之人。攙扶不住。起倒數遍。聖伯爾納多舉足一踢。命起卽起。問爾主意若何。此時偉列爾莫全全改變。俯身伏叩云。自今以後。一總聽從主教鐸德之訓。眾皆感激主恩。候完彌撒而散。及

回宮後。聖伯爾納多雖束裝就道。所說三個半時辰之話。盡注於心。常呼天主可憐。奈定改決於自己。而補贖無所適從。素聞近處有一隱修大德人。即就正之。隱者向其惡。閉門不納。後見痛悔是真。方閉門延接。偉列爾莫求示補贖之法。此大德人誠恐說錯。令其請命於別位。此位說明汝罪已極。若肯離去世俗尊榮。隨耶穌釘十字架之苦。天主仁慈。必肯寬宥。得此一言。卽回宮料理俗事畢。攜一包寶物。密至隱修處。此位修士將望恩罰罪等情。說明。今相傳云。爲補贖無數邪淫。至死該守大齋。爲補贖兵民大害。將所有的銀錢珍寶。全散窮人。不許留下些須。爲補贖殺死多人性命。當叫鐵匠。做一鐵盔甲。靠肉緊穿。外加薄衣一層。偉列爾莫因悔恨真切。莫不允從。就向鐵匠製辦。穿後。復命匠人滅其開放之處。又加鐵索十條。此位隱修。見係真心實意。命赴教皇前。

求救往罪。卽起程趨赴。教皇欲試其真僞。不准入覲。乃晝夜哭求於門外者數日。始發一憑據。命往協露撒稜府主教處。可得罪惡之赦。奉此憑據。深幸有路。可以再生。欣然奔往。主教洞識情由。准其告解。欸留同住。偉列爾莫告解後。另於城傍一小穴內棲身。九年如一日。所食者。惟黑麵餅與凉水而已。以地爲榻。以石爲枕。以鐵甲爲內衣。以苦衣爲外服。遍身破損。並無容髮之完膚。然常因糜爛而生神樂。又常因前罪而發哀號。往往誦經求主。徹夜不眠。有人異而問之。答云。總爲自己所犯之罪。從開闢至今。未有如我之惡。雖悔無及。惟求天主可憐。所以如此。九年後。附舟過海。到意大里亞國。覓一從無人跡之山林。再興補贖之工。邪魔假彼父王。來慰云。天主已赦汝罪過。該離此處。聖人就知是邪魔妬害。更加苦其身。忽有一次。兇魔闖門直入。將聖人毒打垂危。聖母

瑪利亞特顯大光。勝於皎日。來治其傷。併加心中堅固之勇力。居山日久。漸著德輝。不乏負笈從遊之侶。遂新立修規。玉成來學。嘗云。地獄內。豈無先在天主臺前。極熱心。極謹慎。巴不得爲主受苦。爲主立功。只因此念不行。遂致漸流於重罪。雖有從前的熱心好意。並無用處。後蒙天主聖神。默示終期。卽預告同人。雖病不醫。只請鐸德於是日。傳終油。送聖體。神工旣畢。少候片時。神魂離世而上升矣。時天主降生後一千一百三十六年。

### 宜行之德 加敬聖體

聖思 一。請看偉列爾莫聖人。從前無所不爲。邪淫忿恨。害人殺人。輕慢天主。如此罪惡。一經痛悔補贖。天主仁慈。俱蒙寬赦。汝若犯了幾樣的罪。不要失望。只像此聖人的悔改。無罪不赦。如不曾犯罪。當感謝天

主保護之恩。不可傲慢。倘非天主的聖佑。你的罪惡。定不得還更大更多。一。聖伯爾納多捧聖體時。所講的話。聲靈赫濯。偉列爾莫就跌倒在地。可見天主聖言。天主聖體。狠能動罪人之心。今汝嘗聽聖言。嘗領聖體。竟不動心改過。平時之信德何在。卽將此罪。與聖偉列爾莫較論重輕。豈不更大更多麼。一。聖偉列爾莫的罪惡。無人不知。所以補贖之時。亦無事不顯。今因爾的表樣不好。害了多少人的靈魂。竟不知你怎麼補贖。如此放心。當知天主仁慈。原無窮盡。但天主至公至義。不補贖。決不能倖免。

當務之求 爲冷淡者

祝文 天主。以爾聖偉列爾莫每年瞻禮。樂我等。懇祈爾。吾旣慶厥誕日。幸師厥功勩。爲爾子吾主耶穌基利斯督。亞孟。

十一日聖瑟物令 顯修

警言○爾齒衰邁。可勤聖工。聖伯多祿宗徒

聖傳○聖瑟物令在拂郎濟亞國居官之子。幼時父母小心撫育。教以經明行修之道。自己亦謹慎勤求。甫及壯年。天主佑啟。立志顯修。不多年。德聞廣播。院中立爲總攝。天主特錫神恩。能行聖跡。療病一事。呼應最靈。所以處處皆知。時國王格樂類斯。久患沉疴。諸藥不效。差員延請。聖人出門時。明知自己不久。天主要收靈魂。然承命即往。路聞一主教歐辣肋。現在病臥不起。口弗能言。耳弗能聽。聖人入見。跪求天主數刻。命其開言。主教就說。感謝天主無窮無盡的恩。命汝遠來救我。聖人攜主教手。告云。仰賴吾主耶穌聖名。請起來。今日我與主教一起舉

行彌撒。保佑爾百姓。主教安然就起。同進聖堂。彌撒禮畢。隨向眾人。宣講天主施恩浩蕩之意。次早。辭別前行。不數日進京。道旁遇一大麻瘋。奄奄待斃。聖人哀憐甚切。求主即痊。入朝。卽趨赴國王臥榻前。跪求天主。求畢。將自己所穿衣服。覆於王身。此時諸病立除。王命遠近各堂。處處誦經謝主。問聖人心中所願。無物不與。聖人回云。不用別的。只求赦放獄中罪犯。言訖。不肯少留。辭別出京。相離已遠。覓一最僻之地。小板房內居之。因自知升天之期在卽。領受聖教撒格辣孟多內。聖體聖油諸禮。棄世升天。時天主降生後五百零六年。

宜行之德 忻勤神工

聖思 一。避地以享天主之聖恩。如天神聖人在天堂一般。此是靈魂只想愛主的效驗。所以世俗之物。毫不動心。人若明此真理。遠離犯罪。

之處。心內必無世俗之憂悶。爲何不求此樂境。爲何不離此禍根。一。  
若遇我們境界。一切愛人之理。順命之德。阻撓不許。此時該當小心。該  
當怕邪魔之引誘。沒奈何。只同其人。不隨其惡。須盡力改圖。仰合天主  
之意。併要效法聖人。爲吾主救人之工。如此。不但不害自己。還立功於  
天主臺前。一。此惟內外相合者。易於有成。蓋內情真切。則外務雖多  
變故。皆可發我真切之心。以感化之。况天主既然用你。處於憂愁困苦  
之中。不能避此世情之雜亂。愈該真心實意。將所思所言所行。無不合  
於主心。何難應酬外來之事。吾主耶穌基利斯督。在世如此。爲何不效  
法而行。當知此不行之故。從何而來。因汝心全在於外。不在於內。未免  
隨地皆生荆棘。請自思之。然耶。否耶。

當務之求 爲窮人無告者

祝文 天主。以爾聖瑟物令。每年瞻禮。樂我等。懇祈爾。吾旣慶厥誕日。  
幸師厥功勩。爲爾子吾主耶穌基利斯督。亞孟。

十二日聖女歐辣烈 童身致命

警言○意正。善則真善。而得善報。意不正。善則爲惡。而得惡報矣。

聖額我略

聖傳○天主降生後三百年。聖教尙未大行。西國總王。各處差官禁捕。所有差往依西巴尼亞國中之官。名達先。最兇最酷。殘殺無數教中人。行至巴則祿納府。聖女歐辣烈。年方十四。特發勇往直前之主見。親向達先勸其莫害教中。大意謂拜主之人。並無一毫干犯國法。且更比別人奉法惟謹。何苦殘害無辜等語。在聖女亦明知無益。但因心中情願致命。故不肯不盡人力以挽回之。達先見此幼女。大膽直言。遂大聲喝問。這是誰家女子。敢來悖慢總王之旨。聖女答曰。我是天主耶穌

基利斯督教中之女子。不敬邪神。只認得上愛天地萬物之大主。達先怒甚。命役重責。施刑之時。聖女云。你們雖然重責。我竟不知痛苦。因有天主在心。苦死不畏。達先愈怒。命埋在石灰內。再傾入滾油。豈知天主全能保護。並無傷損。旁有一刑役。失足跌入灰中。全身化爲肉醬。如此聖跡。不但不息其怒。更增其惡。另改劇刑。命釘於十字架。刑役釘畢。將十字架豎立後。在面前的眾人。明見聖女靈魂。形如白鴿。冲霄直上。以顯升天之實據。

宜行之德 守志

聖思 一。天主無所不知。無所不明。外內之苦。俱荷鑒觀。外內之愆。毫髮無遺。我若一日之內。能將此意。細想幾遍。遇有苦難。能爲主而樂。不獨主嘗鑒我。我亦常常見主。倘世俗滿心。天主何能在我心內。 一。豈

特天主鑒我。不論何苦。皆從天主來者。既是如此。或病或災。或突然而至之險逆。明知係天主之命。不獨不該報怨。還該順受。還該喜歡。以盡聽命之德。一。天主或賞或罰。皆與我行相同。如聖女歐辣烈之致命。必得永賞。倘或作惡。必受永罰。今天主明知我心。係何志向。係何主見。內外瞭然。常常如此。爲何我之想天主。求天主。不常常如此。

### 當務之求 爲教中亡者

祝文 天主。爾德能靈異中。不棄弱女輩。賜致命者榮勝。懇祈。吾等慶爾聖歐辣烈致命童女誕日。因其遺表。躋爾臺前。爲爾子吾主耶穌基利斯督。亞孟。

## 十三日 聖瑪弟尼亞諾 隱修

警言○嗟。噫。魔時時誘我輩。其感無休。吾慎烏可少休乎。

聖伯爾納多

聖傳○人在世間。離不開邪魔之誘。請讀聖瑪弟尼亞諾之傳。卽可知其大概矣。聖人本係巴肋斯弟納省。瑟撒肋郡人。幼年服食起居。俱隨家勢而行。至十八歲。天主即默佑其心。自想畢生如此。難免永殃。因定志離家。去郡不遠野外隱修。不數年。多蒙主佑。愈病逐魔。有求必效。邪魔深惡之。或變龍形以肆其毒害。或擺屋脚以示其倒攤。聖人毫無畏懼。併云。汝想嚇我。吾主耶穌在此。怕什麼。魔答曰。一定我逐你出去。今雖不能。後來有法。聖人在此地方二十五年。邪魔不能施計。適有

妖容妓女。魔即蠱惑其心。向贊美者戲云。此係邨野人。不見婦女。因而潔淨。我到他面前。必不如此。眾人云。你去試一試。何如。倘受你誘騙。多謝你。妓女卽定議允行。俟大雨之日。破衣繩帶。持杖背包。薄暮到門。口稱遠路乞人。恐遭獸害。求憐救之。聖人聞此慘聲。開門一看。果係求乞之女。渾身皆濕。雖疑魔誘。人命是真。求天主相助。遂命進門。火食俱全。吩咐明早卽去。聖人另往別穴過夜。次日清晨。催其速去。忽見麗粧華服。與昨晚大不相同。且說多少親愛之語。挑引勾留。聖人轉慮外人見此。甚不雅觀。出門遠望。更求天主開心。該行何事。退其禍害。意見一來。急忙入內。發起一堆大火。赤身跳入火中。自問瑪弟尼亞諾你怎麼樣。在火不過頃刻。就受不得。後來地獄之火。怎麼受。燒身一半。復睡在火中。求天主饒恕我不小心之過。勿滅我從幼之功勞。此婦見聖人如

此仍換舊衣。將華服丟入火中。跪伏聖人足下。懇賜轉求天主。使我不回城內。情愿受苦至死。補贖從前之罪孽。聖人命至修女院。果然真心悔改。在院十二年。亦成聖婦。聖人被火燒傷。許久不愈。及愈後。求主相助。欲另覓僻地。卽畫聖號。離山至海。臨去時。邪魔向聖人曰。到底逐汝出去。但不論何地。必不離汝。定要害汝。聖人答云。我非畏汝而去。特因躡汝而去。不但你不能害我。還將你所用害我之婦人。我反奪而救之。及到海邊。遇一熱心天主之船家。卽告以本心要覓一地方。使婦女不能到者。船家云。海中有一石山。甚合汝心。路雖遙遠。不過小船可到。聖人喜極。卽求船家送至。嗣後每月。只託舟人送與乾糧而已。居此六年。享天主清淨之樂。突起颶風。將一大船。飄至石山而壞。人俱淹死。剩一年幼婦女。倚靠木板。浮至山岬。見聖人在上。大聲喊救。及相幫到岸。見

係婦人。又想是邪魔之誘引。遂云。我不能同住。你在此處。還有兩個月。乾糧。過後。船家必到。汝可求彼送汝城中。此時須忍。耐受之。言訖。向海。畫十字曰。天主我等主。靠爾全能赴海。避婦以保潔。頃之。兩大魚出浮。水面。共負聖人而去。抵岸後。定志以乞丐至死。閱二年。到亞地納府。已。近升天之期。天主默示此方主教。往某堂門口。果見聖人臥於凳上。卽。送聖體。傅聖油。併求升天後。在天主前。記得我主教某人。聖人神工一。完。自畫十字聖號。氣絕而逝。在石山之婦人。亦隨聖人表樣。居山六載。在此升天。年方三十一歲。

宜行之德 慎防邪誘

聖思 一。在世時。人不論貴賤。年不論老幼。皆免不得誘惑。因離得世俗。離不得肉身。離不得自己。若不十分小心。離開犯罪之地。難免不犯。

罪惡。今我可曾離開否。一。爲退誘感。該常想我身。時刻不離主前。天主無時不看。無事不知。還敢得罪麼。聖瑪弟尼亞諾寧受水火之苦。不敢一毫苟且因循。我們明知天主無數大恩。不肯受些微之苦。不肯離頃刻之樂。如何免得罪罰。一。聖保祿曰。自己壓自己之性。自己苦自己之軀。此卽退魔善法。故前聖多隨此意。勉強力行。無不效驗。我若不肯勉力。情願犯一個下地獄的罪。請將世上的凡火。先試試看。受得受不得。再定奪如何。

**當務之求** 爲魔誘者

**祝文** 天主。以爾聖瑪弟尼亞諾每年瞻禮。樂我等懇祈爾。吾旣慶厥誕日。幸師厥功勩。爲爾子吾主耶穌基利斯督。亞孟。

# 十四日聖瓦郎定 鐸德致命

警言○設主不棄我。不削我永生之籍。卽百艱難。曷能害我哉。

輕世金書

聖傳○聖瓦郎定。在羅瑪府做鐸德時。才德兼優。人多悅服。意大里亞總王聞知。拘捕入監。閱二日。廷訊云。久知汝長才大畧。爲何抗違上命。瀆亂國家恭敬之神。聖人對云。爲人君者。若能明知天主之恩。必得真福。不但自己一身。還連通國臣民。皆得真福。此時正道昌明。定該滅絕邪神僞像。而敬天地萬物之大主。及聖子耶穌基利斯督。旁有大臣云。你的意思。如某神某神何如。聖人回云。皆係吾人一類。且極惡極污。在世無能救己。死後何能救人。况吉凶禍福。俱由天主。原由不得我。

們人類。聽此回言。即怒叱云。這樣褻瀆神明。還留得麼。雖然如此。總王並無怒容。似有一點動心喜聽之狀。聖人覺之。委婉敷陳。當信耶穌救贖之功。宜償殺殘教中之罪。領洗入教。可救自己。可望天堂。崇正黜邪。可延國祚。可保太平等語。王向諸臣云。汝等聽得明白否。所講果然有理。內有宰臣。私語眾官云。此人之言。將壞我王之心。背叛祖宗留下之教。王聞其說。恐致亂階。將聖人交與伊等審理。宰臣即命屬員。名亞斯德畧。嚴審重罰。隨同聖人至家。聖人進門時。仰求天主之光。開示此輩之心。認得耶穌爲救世之真光。亞斯德畧親聞此語。問曰。我明知汝有學問。如何竟說耶穌爲世俗之真光。聖人答曰。不但爲世俗之光。除了耶穌。並無別的。亞斯德畧曰。若是如此。我有繼女。兩年前。眼目失明。汝若求開其瞽。我即信認耶穌爲普世之真光。爲天地之真主。遂命瞽女

至前。聖人卽向主求云。耶穌基利斯督我等主。乃人之真光。望開此女之目。求未畢。眼已復明如舊。亞斯德畧見此聖跡。伏叩聖人足下曰。我今明知耶穌乃吾人之真光。所有該行該止之事。惟求吩咐。聖人命其先該棄絕邪神。守齋三日。痛悔從前心中所犯害我教中及各樣之罪。後領聖洗入教。亞斯德畧滿心歡樂。不但一人認主。家中一同領洗者。共四十六人。王知其事。深懼臣民變亂。立拿亞斯德畧一家人。盡殺之。聖人入監許久。重責無數。仍斬首致命。時天主降生後二百七十年。

宜行之德 爲主甘受艱難

聖思 一。天主恩佑之光。無有不得者。因天主欲救萬民。故無一人不得。在正教者。更無一日不得。汝也得過多少。可能常常謹隨否。若能謹隨不失。亦是主恩。該感該謝。若還沒有。當悔改而謹隨之。 一聖奧斯

定曰。恩光如電。猝然過去。定不得與汝無益。該當養此電光。常想其恩。常覺其明。一。此光明。汝不動心。何益於汝。蓋聖恩之本。在明悟之明。在熱心之動。在艱難之平。三者必相連而至。汝有幾次覺得不同。就是明悟之明。覺得不同。卽加工勉力。就是熱心之動。汝肯隨此不同。隨此熱心。再不放手。憑他什麼艱難。無有不平。何苦不常常如此。人能自己不滅此恩之想。不滅此光之明。自然不變。

**當務之求** 爲罪人不知悔改者

**祝文** 伏祈全能天主。吾敬憶聖瓦郎定者誕日。賴其轉達。加力於吾。愛慕爾名。爲爾子吾主耶穌基利斯督。亞孟。

十五日聖法斯定 聖若未達 致命

警言○攸命乎爾。惟相愛耳。 聖經

聖傳○聖法斯定。聖若未達。係兄弟二人。生於意大里亞國所屬之伯肋沙郡。本家富而且貴。父母教訓慇懃。故自幼即有賢名。司教亞玻樂。因其同志精修。以法斯定爲主祭。以若未達爲副祭。二聖不能辭避。竭力經營。以財濟貧。以藥治病。以聖經主訓。啟誨愚蒙。不數年。悅服歸正者甚衆。邪黨妬恨。無計可攻。遇一倖臣。專權擅政。聽信邪言。請王嚴禁拘拿。王即准其往捕。二聖到官。將正邪之理。反覆辨明。衆多欽服。獨此倖臣不悅。適王巡至其地。面加勸責。命赴太陽殿瞻禮。二聖見太陽金像。默求天主。顯其虛僞。忽然像旁黑烟圍繞。金色盡如墨煤。正欲

拂去其烟。金像竟墮地爲灰。王即怒甚。綁縛二聖。投入獅圈。圈內四獅。伏地餽足。又命虎狼熊羆各猛獸噬之。併縱火迫之。各獸俱不敢近。反驅逐刑役。攙死倖臣。及邪黨數人。倖臣之妻。趨至王前。泣怨曰。國家所敬之神。求之弗應。苦難弗救。像成土灰。已且不保。有何好處。王惟勃然不語。後來此婦亦棄邪歸正。臣民被化者甚多。時二聖命諸獸勿可害人。獸俱聽命而去。如此多奇。不獨不能服王之心。更加王之怒。然投之於烈焰中。毫髮無傷。又絕其飲食。禁錮獄中。天神飭以天味。王雖怒甚。虐勢已窮。且從者日衆。乃盡殺奉教者。而遞解二聖。及一大臣。於米耶地方。王亦巡行至此。面令刑役。將黑鉛鎔化。灌入二聖口中。豈料鉛纔近口。反激逆流。飛傷多役。又換一法。綁二聖於大木。鍛紅鐵板。加之四體。圍燒大火。以硫黃松油等助其猛。豈知諸物俱失其本性。並不爲害。

觀者異口同聲。感服信從。獨王積迷不醒。提回羅瑪都城。多方苦虐。二聖仍叠顯主能。還使多人率服。王無別法。又押解納玻肋郡。刑官共議。投溺海中。天神復從浪內。安置於地。官亦無如之何。再遞回本籍。數日後。本府職官。遵依上命。將二聖斬於城外。二聖欣然叩謝主恩。笑言辭眾。俯首受刑。時天主降生後一百二十二年。同友爭先收葬。本城士民。至今常蒙其庇佑。

### 宜行之德 愛人

聖思 一愛人如己。其故有二。一因人係天主之像。一因吾主耶穌。不獨受苦愛人。且命汝怎麼愛眾人。怎麼愛貧人。怎麼愛下人。今汝細察自己。明知此心不但不愛。還有嫉妬忿怒。毒恨怨尤。恐審判時。吾主耶穌待汝亦然。將奈何。一在世之人。莫非兄弟。雖在外教。雖係罪人。後

來改過。比汝更好。都不可定。獨不想汝有罪之時。天主愛汝。能動汝心麼。自己既然如此。遇見別人。爲何不作此想。一。要知汝愛人之心。真與不真。淨與不淨。該當回問愛人如己否。爾在貧窮苦難疾病之時。心裏不望別人愛汝麼。今汝之愛人。不隨汝心所望別人之愛。該查明而遷改之。

當務之求 爲兄弟不和者

祝文 天主。爾賜我等。敬憶爾致命者。聖法斯定及若未達。誕日。望爾彼居永福之域。使偕樂。爲爾子吾主耶穌基利斯督。亞孟。

十六日聖女儒理亞納 童身致命

警言○主在爾心。物物皆飴。主不在爾心。物物皆苦。豈惟苦耶。抑惘然喪其樂生之心焉。輕世金書

聖傳○聖女儒理亞納。雖父母未遵正教。然幼時。卽信天主。及長。父母受聘於世家子厄未辣爵。豈知聖女早已定志守貞。聞此甚難。默祈主佑。一面密差人往告云。汝欲成親。得先做本城地方官。纔可商議。彼聞此說。百計營求。果居此職。到任後。使聖女知之。聖女無計可復。直言我乃正教之人。必隨我信奉降生天主。方能成此婚姻。厄未辣爵往告於岳父。父竟視爲易事。不料愈勸愈堅。總不能挽回其心志。遂將此女交與厄未辣爵聽其處治。因係地方官。竟拘拿面訊。初用好言憐慰。

後要加刑重處。聖女回云。我總不怕苦難。火燒獸嚙。可死我之身。斷不能改我之心。厄未辣爵怒甚。將聖女懸空吊起。重笞之。且云。此刑不算。若仍然倔強。還加酷刑。聖女答曰。倚靠真主功勞。憑你酷刑。一毫不懼。此時吊打之後。又復網責。更燒紅鐵條。穿通兩手。監禁獄中。邪魔假變天神。前來安慰云。彼雖預備許多惡刑。天主不肯叫汝受苦。汝出監時。心內信天主。外面順從。禮拜不妨。聖女明知魔計。祈主念經。忽聽空中有聲。汝勿怕。現將假天神拿住。交與汝。此聲未斷。聖女所受之傷全愈。起見脚下。縛一邪魔。聖女問其爲何在此。誰差汝來。魔曰。我乃路濟弗爾前第一等者。差我害人靈魂。害過多少。所以差我害汝。聖女怒責之。魔卽喊痛曰。我害了無數人。連此幼女不能。厄未辣爵見聖女舊傷全愈。命燒一窰焚之。聖女入窰。又無傷害。旁人見此大聖跡。羣聚大聲曰。

此女所敬者。實係真主。所奉者。實係正教。厄未辣爵怒其依附。查有五百人。一齊殺死。此五百人中之婦女。共一百三十餘人。同來喊叫。聖女所敬之主。俱情願信認。爲真主致命。厄未辣爵亦盡殺之。恐久則變生。命將聖女斬決。押至法場。魔催刑役。作速下手。以便放我之縛。聖女耳聞魔語。瞪目視之。魔卽顛慄遁形。聖女此時。獻性命於天主。甘心受斬。年十八歲。時天主降生後三百二十一年。

宜行之德 想主造物恩

聖思 一。天地萬物。如書一部。要人認主愛主。請看日月照我。百穀養我。萬象樂我。此非天主之恩乎。不該動吾人之心以報主乎。眼前形像。尙能悅樂吾心。天堂之樂更何如。一。萬物之內。亦有害人者。爲何天主生之。因禁人作惡。勉人爲善。補贖吾人罪罰。教訓吾人非常居之所。

若說此苦難受。怎麼不回心轉意。反情願去受地獄之苦。一。天地萬物。不過一世。現在活人。個個都有一死的時候。緊緊相隨。過了這一代。又去隨那一代。連這無靈的萬物。都要同歸於壞。所以盡天下快活之事。不過頃刻之間。今明明知道快也。速也。與其喜歡片時之快活。何不喜歡永遠之常活。

當務之求 爲溺於邪教者

祝文 天主。爾德能靈異中。不棄弱女輩。賜致命者榮勝。懇賜吾等慶爾聖儒理亞納致命童女誕日。因其遺表。躋爾臺前。爲爾子吾主耶穌基利斯督。亞孟。

十七日聖西爾文 主教

警言○人獨有一。必宜勤存勿失。 聖基所

聖傳○聖西爾文。係拂郎濟亞國多羅撒府人。幼承善教。雖門楣通顯。而無意世榮。早獻守貞之志。父母欲爲擇配。後聞其願。卽俯從之。由是離棄俗情。矢修力學。漸歷崇階。遂登主教。始則化行本處。後卽傳教他方。闢邪崇正。委曲周全。數年之間。人皆向主。此方之人。敬之愛之。恍若自天而降者。因貴賤貧富老病等。聖人莫不一體相待。故皆稱揚大德。而感謝主恩。晝則多方講勸。以慰衆心。夜則默想誦祈。以收己益。四十餘年。未嘗五穀。所食者。不過野菜草根而已。襖衣茨帶。不離於身。就地而臥。臥時甚少。如此克苦精修。猶以爲不足。欲每加苦以爲樂。晚

年。想往協路撒稜府。朝主受難之跡。後由羅瑪府。回至本地。卽不能舉行彌撒。特請別位舉行。忽一日。領聖體時。因見許多天神簇擁而至。聖人特高聲對眾云。天主天神來此。言畢。聖靈卽離世升天。時天主降生後七百三十年。

宜行之德 慎救靈魂

聖思 一。聖沙勿畧曰。人能想此聖經。救己靈魂。足矣。誠哉是言。蓋吾人大事。惟有救己靈魂。別者都不該存心。因爲此故。方生我於世。非爲富貴體面福樂而生也。然何以明知此生之來歷。而無人不貪富貴。無人不愛體面。無人不圖世樂。故耶穌會言。天路甚窄。升天者甚難。哀哉。一。救靈魂之聖念。時時來往於心中。並不缺少。汝不肯行。有何用處。想功名。想銀錢。想體面。想安逸。知有一線之路。必定就行。救靈魂爲何

不如此。汝到去世時。所想的功名富貴。體面安逸。件件用不着。只有靈魂一失。大事俱完。雖悔無及矣。一欲救靈魂。不該耽擱。悞了一時。無法補救。以後該如何料理。倘自己爲世俗本分事。原不害靈魂。惟該痛悔失悞之往時。定然小心未悞之來時。如此結實。始可爲耶穌之徒。

當務之求 爲傳教者

祝文 天主。以爾聖西爾文。每年瞻禮。樂我等。懇祈爾。吾旣慶厥誕日。幸師厥功勳。爲爾子吾主耶穌基利斯督。亞孟。

## 十八日 聖西默翁 主教致命

警言○耶穌之十字聖架。實爲匙鑰。以開天上國之門也。聖奧斯定

聖傳○西默翁聖人之父。與聖雅各伯聖若塞。皆弟兄也。耶穌在世時。簡選聖人居七十二位聖徒之列。聖神降臨時。亦居一百二十八之中。與聖母宗徒。共聚一堂。及聖雅各伯在協路撒稜府。總理教務。致命升天。宗徒等公立聖人。丕承此位。數年後。因思耶穌當日所言。此城石不疊石之語。遂離去協路撒稜地方。前往羅瑪。隨經總王。舉兵屠滅。悉與主言符合。被罰之後。聖人復念此方。必有餘剩殘黎。仍馳回原處。以施勸勉。奈此總王棄世後。接位者。俱信從邪說。毀礮聖門。奉主之人。多遭殘虐。聖人年已一百二十歲。乃強壯人所不能忍受之箠楚。刑官

無法不施。因其不能絕聖人之生命。特用劇刑。釘於十字架而死。時天主降生後一百零七年。

### 宜行之德 愛十字架

聖思 一。耶穌之聖架惟一。而吾人之十字架不一。有從本心而來者。有從罪過而來者。從本心來的。必定甘心樂受。若到那心中難過之時。該問自己爲何如此。或因驕傲慳吝而來此苦。或因邪樂偷安而來此難。既然有此緣故。更該忍受。以補贖自己之罪。 一。也有從外而來之十字架。或仇人之妄証。或親友之株連。或窮。或病。或無體面。此等十字架。可比得吾主耶穌十字架萬萬分之絲毫麼。但天主待汝如待聖人。亦如聖父之待聖子。若此外來之十字架。果然無罪而能樂受。豈不是頭等的大造化。何苦反生怨恨。變爲禍胎。 一。聖人之十字架。皆不俟

外來。多由自己幹辦尋覓。與那世俗人。幹辦功名。尋覓財利之法相同。今汝不然。偶然幸遇。反想脫逃。不肯勇往直前。奔走聖人之路。豈知不是此路。如何望得升天。金口聖人曰。十字架爲天堂門之鑰。無此鑰者。不能入也。

當務之求 爲受苦者

祝文 全能天主。垂盼吾劣。爲本行重任屈壓。賴爾聖西默翁致命兼主教轉達。得厥護翼。爲爾子耶穌基利斯督。亞孟。

十九日聖阿施彼阿 主教

警言○聖信。爲諸德之基。諸德之根。聖濟彼利亞諾

聖傳○聖阿施彼阿。係羅瑪府人。原在外教。父母惟望其顯榮。因心本善良。只求潔淨。一聞正教之理。遂密離家鄉。登舟渡海。去四千里。到所肋郡。幸遇聖人瑪爾谷指示精微。付洗之後。卽繼以堅振。因其矢志貞修。漸登鐸德。更晉陞主教。聖瑪爾谷訓誨云。有心愛人。就從此郡地方始。不必明顯教中。只用汝表樣言語。真實美好。何難預備人心。領受耶穌聖訓。聖人遵誨入城。由西門而進。道旁原有邪廟。廟前一僧拱立。見屬外來之客。延入內堂。敬問貴鄉大號。答曰。家居羅瑪城中。名阿施彼阿。性樂遠遊。以新耳目。夙聞此方。民安俗美。故特意觀光至此。尙

欲少留數日。僧曰。既然如此。我處便可居停。聖人領情住訖。因記憶聖瑪爾谷之訓言。竟不露形迹。惟小心自己。行事周詳。語言和順。大動此僧之心。每日緩言開導。深知所行舛謬。得此幫助。密密的。棄邪歸正者甚多。時巴爾納伯聖人致命。聖保祿將黑辣格利多主教。調往所肋郡。查察教事。始知聖人在廟密行。由於聖瑪爾谷之意。遂言此後不必密行。要在此立堂。明講天主降生之大恩。聖人卽遵命立堂。求主加恩。憐救此城士庶。立堂後。嘗遇多人聽講。有負魔者。有患病者。聖人俱畫十字聖號而愈。所以信主之人。不可勝數。聖教廣揚。聲名大顯。羅瑪府所住聖人之弟聞知。挈家遷於所肋。夫妻子女。閤家領洗欽崇。聖人年已及暮。明知終期不遠。語跟前鐸德云。汝當記憶天主賜汝鐸德之大恩。小心照管地方之靈魂。至第三日。棄世升天。許多病人。匍匐棺側哀叩。

者。無不全愈。

### 宜行之德 聖信

聖思 一。拜主之人。一總該信吾主耶穌留下的教訓。汝信吾主耶穌。受苦難。死於十字架麼。汝真真信有天堂地獄麼。若信。爲何不走升天堂之路。若信。爲什麼嘗行下地獄之事。 一。信而不行。此信爲死信。必竟該隨信卽行。吾主耶穌明言世俗人。不能享天福。汝怕十字架。汝怕受災傷。這樣信德。不是死信麼。既是死信。如何救得你靈魂復活。聖熱羅尼莫曰。外面像天主之人容易。行爲最難。汝須查察之。 一。信德不死。不怕顯於外。爲此信德。該當情願致命。不怕外教之嫌。不怕他人之惡。今汝之情願如何。

當務之求 爲行教者

祝文 懇祈全能天主。爾聖阿施彼阿精修主教。每年瞻禮。加吾心虔而體安。爲爾子吾主耶穌基利斯督。亞孟。

二十日 聖恭辣多 苦修

警言○世美好。不足饜人心。以今世。原非我等永居故。輕世金書

聖傳○聖恭辣多。係意大利大里亞國貴顯之家。原在教中。未能勤謹。一日。下鄉出獵。許多野獸。避入草叢內。就命人放火。適起大風。莊家地上之麥。盡被延燒。受害者。不知何人所放之火。控告於官。差人捕緝。妄指一農。到官不認。用刑嚴訊。不得不招。據詞擬斬。臨刑時。聖人明知此人冤枉。實情自首。救活此農。所損之麥。將家產變賠免罪。事完。同妻立願。離俗棄家。妻入修女院。自己入山受苦。地牀石枕。冷水乾糧。惟求補贖。以寬前犯。邪魔妬甚。百計狡謀以陷之。聖人祈禱更勤。苦工愈密。親友餽遺。收而不食。忽有一日。想嘗其味。卽赤身臥於荆棘中。血流滿地。

克此貪心。居山四十年之久。積德累功。日甚一日。天主重愛之。賜其多行聖跡。又加以先知之特寵。升天之期。預蒙默示。領受聖體聖油之後。跪在苦像前。端然不動。眾人只謂其默想誦經。乃見遍身明光大發。眾雖滿心頌美。竟不知發光之時。神魂正上升之候。良久視之。方知其早已謝世矣。時天主降生後一千三百五十一年。

宜行之德 輕世俗

聖思 一。世俗多不合於德行。所以常害德行之人。但彼之害。正所以成我之德。汝肯隨耶穌。必定該想受世俗之害。耶穌爲人。特受此害。汝不該受麼。今汝心與此大不相合。一句話。不能忍耐。一文錢。不肯吃虧。怎麼受得世俗的大害。心中既不願承受。怎麼想做耶穌之徒。一。明知無理之俗。我若隨之。亦在無理之中。今只管隨俗。不管無理。難道還

想升天麼。然則如之何而後可。無他。不好的壞規矩。斷不可行。不好的惡風俗。速當遠避。論不得利害。顧不得人情。汝心若是若否。當細細詳察之。一此等詳察之心。非但一時。該時時如此。非獨一事。該事事如此。又非僅一處。還該處處如此。果爾。則此心必如百鍊之鋼。堅固已極。雖在世俗之中。難受世俗之害矣。

### 當務之求 爲迷於世俗者

祝文 天主。以爾聖恭辣多。每年瞻禮。樂我等。懇祈爾。吾旣慶厥誕日。幸師厥功勩。爲爾子吾主耶穌基利斯督。亞孟。

## 廿一日 聖特阿多羅 致命

警言○設爾有實智。則心不憂。即遭逆境而反喜悅。且謝天主也。

聖經

聖傳○聖特阿多羅。係德辣濟亞人。官居武職。本心勇壯。聞離此不遠。有一野獸。形狀如龍。無數人民。俱受其害。聖人定欲除此惡獸。倚賴耶穌聖佑。竟至洞口。伺獸出時。安然殺死。許多官民。見此神力。多棄邪信主。總王路濟諾聞知。差員往召。聖人加禮款待。差員三日。奏請總王親幸其地。以慰眾人之望。王即俞允。初見聖人。禮遇甚隆。進城後。命敬本國神祇。聖人請畧停數日。以便完備。王竟錯認爲服從。卽與以銀鑄之邪像。聖人領回。毀散貧人。王知其事。勃然大怒。着用各樣酷刑。以

彰故違無忌之罰。時天主特呼名勉勵曰。必不畏懼。只依靠我。我必爲汝。聞此訓諭。自覺心中愈熱愈堅。聖人被拿到案。先用牛筋鞭背五百。轉身又鞭胸腹。鞭後。將鐵刷遍爬周身。然後禁錮獄中。絕其飲食。如此五日。釘於十字架。在架上時。無苦不受。連呼天主不可離我。少頃不言。旁人謂其已死。將晚。天神將聖人脫離十字架。諸傷全愈。慰曰。天主豈肯離汝。不久。就升天。王亦信其必死。差人棄屍海內。此人奉命前來。望見聖人。端然無恙。大光圈照甚明。覩此神奇。卽與同事之兵。共八十人。俱信認天主。王更怒甚。又差兵三百名。先殺新順之人。豈知眾兵。旣見聖人奇跡。又聽聖人訓言實理。此三百名。一總真心拜主。從旁士庶。交口頌揚。王聞此變。收監再議。監內之人。求救於聖人者。片言卽斷其鎖鍊。有若干負魔人。得沾聖人之衣。魔卽遠遁。一時進教者。不計其數。王

懼眾作亂。立命斬訖。時天主降生後三百十六年。

宜行之德 求明智

聖思 一。既然爲愛天主。爲救靈魂。不該怕人的憎嫌。更不該怒人的毀謗。遇有憎嫌。可避不可怕。偶來毀謗。轉怒而爲憐。如此存心。方顯得所行爲主。不是爲人。但非夙具聰明大智者。當臨喜臨怒時。豈能自然合拍。 一。世俗之人。何嘗不可借世俗而成好人。惟在自己的明悟知識。善於調度耳。不道人之是非。不害人之行事。我有勝人之處。必當自以爲無。而頌揚大主。人有勝我之處。更當心悅誠服。而奉以爲師。有仇者。必近必親。有難者。必扶必救。如此愛人。如此守己。何難成聖成賢。 一。如此行爲。最怕驕傲。倘自處己極其謙恭。而故意使人讚美。或有意喜人傳頌。便非真德。只要爲主愛人。順從主命。纔是真正聰明。不然。聰

明反被聰明悞。求明智者。自察如何。

**當務之求** 爲親戚失迷者

祝文 懇祈全能天主。吾敬憶聖特阿多羅致命者。誕日。賴其轉達。使我剛健於爾名之愛。爲爾子吾主耶穌基利斯督亞孟。

## 廿二日 聖婦瑪爾加理大 苦修

警言○不悔前罪之罪。更重天主之怒。金口聖人

聖傳○聖婦瑪爾加理大。自幼失於正教。滿心皆世俗下流之事。私與一富家子相通。稍長。二人情願遁逃。如此九年。男人偶然出外。無故被人殺死。將屍藏於柴草堆中。有一隨去之小犬。回至瑪爾加理大前。口含其衣。流淚哀號。遂隨犬至柴堆。犬乃吐衣。向堆喊叫。細看之。其屍宛在。但蛆蟲遍體。穢臭難當。忽生畏懼。此時天主聖佑。默照於心。從前穢行。盡羅列於明悟中。自己痛恨自己。遂定心改遷補贖。卽回本家。跪於父親足下。痛哭求饒。父雖怒其不端。未免兒女情深。照常留養。從此常常痛哭。求主仁慈。常常到聖母堂。向眾訴明前犯。求眾代祈赦罪。

又常常哀求在天諸聖女聖婦。轉祈寬免。未幾。因繼母不容。終於被逐。出門之後。竟似瘋顛。雖有心胸。毫無主意。發狠求天主開導。忽起一念。欲到某地聖方濟各堂中。卽照此念。趨赴鐸德前。明白告解。神思遂覺泰然。從此小心受苦。晝夜行工。遍身青紫。以草地石頭爲蓆枕。粗食充飢。冷水解渴。專望天主賜以致命之恩。邪魔見熱心堅久。無法不誘。魔誘愈凶。苦功愈倍。求主免其畏懼。天主特顯示云。你不該怕。我不離汝。不許邪魔害汝。但要小心遵汝神父命。蒙此訓諭。感激非常。每日熱心。默想耶穌苦難事。默想後。加苦以報主恩。日日告解。領聖體。多沾聖佑。並無間斷。其心稍平。偶有外驚之時。就覺得慌張無措。如此苦修補贖二十三年。天主默示終期。預領聖體聖油等。無病而歿。時天主降生後一千二百九十七年。歿後。聖跡不能勝數。死而復活者。有十人。可知其

他矣。

宜行之德 自新

聖思 一。常求天主。不見效驗。爲何。因罪人不肯汲汲改過。靈魂不淨。又無恒心故也。耶穌命我們所求之道。全在於天主經。今汝既屬罪人。又不能如命而求。所以不得。請自己查察。果然如此否。 一。求而不獲所求。因汝不會求得該求之求。聖奧斯定曰。欲得所求。必該仗耶穌之名。耶穌之功。若與耶穌命相反者。與救靈魂事不合者。必然常求而不得。如求財利。求功名。求强健等。若本來主見。都有相反不合之病。自然不得所求。 一。不得所求之故雖多。總因求得不好。居心不淨。發心不熱。立心不久而已。一心全在世俗。本有罪犯而不悔不解。現在妄思而不敬不誠。既無信德。又無耐心。如何可得所求。今我不如此麼。

當務之求 爲冷淡者

祝文 救吾者天主。聽受吾禱。吾樂爾聖婦瑪爾加理大瞻禮。望以誠心。受其訓誨。爲爾子吾主耶穌基利斯督。亞孟。

## 廿三日聖辣匝祿 顯修

警言○欲與耶穌爲一體與否。宜自省。聖伯爾納多

聖傳○聖辣匝祿善畫聖像。因國君不喜正教。遇見聖像。必輕慢踐踏。不許新畫。聖人爲此被拿。多方詭詐以引誘之。終於無用。遂以劇刑。傷其肢體。似乎不能再愈。必成廢人之狀。豈知不久。舊傷全愈。畫像如前。國君怒甚。將鐵燒紅。烙其兩手。入監禁錮。越數日。幸國后素習於正。求情釋放。出監後。仍到聖保弟斯大堂中畫像。即顯無數聖跡。未幾。舊君無祿。新君即位。欽崇天主。比眾不同。此時聖人手雖傷壞。繪畫如前。新君信任聖人大德。差賚真金面頁聖經一冊。嵌鑲珍寶金爵一卮。獻於教化皇。以表尊重之悃忱。聖人果能稱其任使。甚合君心。第二次。

又奉差前往。途中即棄世升天。時天主降生後八百七十年。

宜行之德 感謝吾人爲天主像

聖思 一。天主生人。皆肖己像。卽就靈魂而論。記含明悟愛欲之三能。爲天主三位之像。以天主之像而用於別處。如何使得。故記含。當常記天主全能之德。賞賜之恩。明悟。當常明天主降生救贖之功。撒格辣孟多之禮。愛欲。當常愛天主。如天上天神聖人。我今如何。 一。罪惡。能敗此像。變爲魔像。今請返照自觀。可是誰的像。只查所記所明所愛之事。不在天主。又多罪惡。還是天主之像麼。 一。必定該從新改好此像。怎麼改好。惟有法耶穌而已。隨耶穌之行事。聽耶穌之訓言。受耶穌之苦難。小心整頓。壞像必然改好。但改與不改。其責在我。肯改之念。皆倚賴聖佑而來。

當務之求 爲自棄本像者

祝文 天主。以爾聖辣匝祿。每年瞻禮。樂我等。懇祈爾。吾旣慶厥誕日。  
幸師厥功勩。爲爾子吾主耶穌基利斯督。亞孟。

廿四日聖瑪弟亞 宗徒

警言○凡聽吾言而實踐之者。猶智士建宮室於石址也。聖經

聖傳○經云。維時伯多羅眾友中起。堂內集聚。幾一百二十人。曰。吾友。經攸書聖神。因達味德口。預言擒耶穌者。首茹答。今其言符矣。彼向入吾數。與吾同業。斯人已獲惡質之地。自縊。身破裂爲二。五臟盡傾洩。凡居日路撒稜皆知焉。斯地本稱亞則而答瑪。卽血地也。聖詠載向彼所住。成爲曠野。無人居。其爵位。他人將得焉。故此會中。自吾主耶穌在吾間出入。始若望領洗者。至昇天之日。宜選一位。爲其復活者之證。時置二位。一若瑟稱巴爾撒巴。並稱義人。一瑪弟亞。眾祈曰。主。爾知眾人心。懇示此二選。一補茹答。負義宗徒之位。時鬪分。瑪弟亞獲之。入十

二宗徒數等語。聖人既補宗徒。益深感激。從如德亞至厄抵阿比亞等國。傳宣聖教。所施靈蹟。所歷艱難。記載未詳。惟知聖人德備功高。安死於惡人手。門人殯葬之。後遷羅瑪京都。

宜行之德 謹隨默佑

聖思 一天主所定各人之分。惟在各人遵守何如耳。非爲富貴。非爲功名。非爲受用。獨爲聽主之命。以救己靈魂而已。若不如此。難得升天。

一爲聽主命。故不肯聽世俗之言。亦不肯聽肉身之愛欲。因我大事。專在後世。與世事何干。若不隨天主聖語。何能得有好處。今該查我所行之事。果然如此否。

一倘聖瑪弟亞不肯隨天主之命爲宗徒。後人亦不能守聖人之瞻禮。故聖經曰。命汝。汝也不隨。汝終時求主。主亦不聽。殆哉。臨終。若天主不聞我求。死後必往何處。

當務之求 爲不隨聖佑者

祝文 天主爾賜聖瑪弟亞入爾宗徒之會。懇祈爾。賴其轉達。使吾時時覺悟爾仁慈之心。爲爾子吾主耶穌基利斯督。亞孟。

## 廿五日聖薄爾斐略 主教

警言○吾主獻已於聖父。若極馨之祭也。聖保祿

聖傳○薄爾斐略聖人。生於天主降生後三百五十三年。父母皆賢。養正之功。由於家學。年二十五。離家修道。初居厄日多國五年。又居若爾當河邊一穴內五年。常往協路撒稜朝叩耶穌苦難之地。後因負病難居。離此穴中。擡入協路撒稜城內。雖軟弱不能步履。猶勉強匍匐。

恭覲耶穌遺跡。時昆弟尙未分家。命一幼者。名瑪爾谷。取回自己一分之貲。計金四千四百兩。瑪爾谷回時。見聖人舊恙已除。不像有病之人。問其故。答曰。從前病勢。幾乎不起。強至加爾瓦略山。親見耶穌在十字架上。後見耶穌將十字架。放我背上。此時卽覺病患俱除。隨將取來家貲。盡數濟貧。年至四十。得撒責爾鐸德。越三年。陞授加撒主教。加撒多係異端。流言年成大旱。皆聖人帶來。以致求神賜雨。久而不得。聖人特於天色大晴之候。會同幾位教友。求主賜雨。求未完。大雨如注。異教人多有感動。其心者。獨異端頭目。更恨。愈謀毒害。聖人寄書於金口若望。轉求總王。滅此邪廟。豈知差員受賄。名雖封禁。准私敬之。故異端之黨。謗害非常。聖人特往告於色撒肋亞府主教。同詣都城。欲求總王。盡毀其廟。然事勢甚難。萬無如願之機。蒙天主默示一苦修聖人。語二主教。

云。王后孕胎將媿。當先期到京。預賀得子之慶。所求必得。二主教如命而行。王后聞之喜甚。越數日。果生一男。所求遂允。命人如式寫明。交與聖人。於領洗日。進陳。至期入奏。轉奏官。遵照定例。向新生小王前。開封朗誦數言。見小王有首肯之狀。謂已准行。即捧小王。併同奏本。詣王后前。時總王亦在座中。王后乘此歡樂之時。請王閱看。願行。王將本看完。即言所求之事。甚覺難行。但逢大慶之辰。不便駁回。竟照依所請。差員西諾石。帶兵前往。拆毀無數邪神廟宇。有一銅門廟。以石砌壘。阻人入內。忽有七歲小孩。聲明燒毀銅門之法。官眾就如法毀之。後奉王后命。卽於此處改建十字聖堂。建堂時。有三小兒。墮於深井中。聖人跪求主佑。使人下井救之。見三小兒。坐於三石上。救出之後。一有紅十字在額。一有紅十字在背。一有紅十字在手。眾皆感頌稱奇。聖人在此地方。費

盡心機。多方化導。事事躬行實踐。時時謙約自居。一日至晚。惟粗食一殮。總不肉食。襖衣苦帶。並不離身。升天之前。預知終世之期。時天主降生後四百二十一年。

宜行之德 誠心與彌撒

聖思 一。有教必有恭敬之祭禮。但真正之禮。必該相對恭敬之主。所以爲此祭品。必定該是真主真人。耶穌基利斯督。在加爾瓦畧山上。行真祭於天主。正此意也。今鐸德行彌撒之禮。卽耶穌基利斯督之祭。故鐸德之言。非凡人之言。卽天主之言。與耶穌當日獻身救人。一樣相同。並非肖似。亦無彼此之分。一不相同者。彌撒祭中。不流聖血耳。但常爲犧牲。獻於天主聖父。因加爾瓦畧山。只在一處。彌撒遍滿各處。昔有先知聖人瑪辣基亞。曾言耶穌首先一祭。不過數時。彌撒之祭。乃永遠

之祭也。此祭如許尊大。我與彌撒時。信耶。弗信耶。一。既然如此。明知耶穌基利斯督親臨臺上。還不該盡心恭敬。得彌撒之實益麼。還敢東瞻西顧。胡思亂想。不注目凝神。虔誠畏懼麼。金口聖人云。天神扈從。且悚惕不遑。吾人卑賤。又有罪犯。還敢不恭不畏。如何望天主之恩。

### 當務之求 爲傳教者

祝文 懇祈全能天主。爾聖薄爾斐畧精修主教。每年瞻禮。加吾心虔而體安。爲爾子吾主耶穌基利斯督。亞孟。

## 廿六日聖味多爾 隱修

警言○言謙者。天主必赦之。輕世金書

聖傳 ○味多爾聖人。在母胎時。卽有魔鬼。明訴於人曰。此胎之子。未生於世。就能苦我。貶我。故聖人知識甫開。仁心遂顯。憐貧施濟。必盡其所有以贈之。及長。矢志貞修。漸歷神階。累陞鐸德。實行勸人。毫無厭倦。數年後。每思避俗離家。遂往僻野處。搆一小屋以棲。晝夜禱求。苦身克慾。居無何。拂耶濟亞本國王。聞其大德。欲就見之。天主默示聖人。迎入破屋。但無物可敬。惟汲井水一小瓶。畫十字於瓶上。跪求天主。望賜美味於水中。及斟水恭進。係極美極醇之旨酒。扈從諸臣。莫不交相稱頌。感激天主之仁恩。有農播麥。一農匿其麥種數斗。魔卽附之。口中噴火吐烟。聖人畫十字以退其魔。農卽伏罪求饒。一日。聖人默想時。仰見天忽大開。中有金十字。上嵌無數寶石。光明更甚於太陽。正在顧盼之頃。耳內驟聞語聲。此十字架上之寶石。卽表諸聖之靈魂。得此默示之

後。只想天上真福真榮。竟不肯與人覲面。未幾。去世升天。時天主降生。後五百八十七年。聖伯爾納多嘗頌美之。

宜行之德 真謙

聖思 一。正經的體面何在。愛世俗之人。必曰。在富厚。在才名。在高位。等。爲此體面。遂無力不施。身軀性命。皆不遑顧恤而圖之。但該自省死。候。有何用處。不過瞬息的光陰。體面讚揚。俱不在了。既在不體面之地。既在不讚揚之處。則此時所在者。惟苦而已。奈何。奈何。一。可知正經體面。全在得天主之寵佑。得天神聖人在天之悅樂。惟此體面。爲大。爲永。爲真。若較之世上。微而又微。暫而又暫。虛而又虛之體面。如何比得。若在世時。得此正經體面。不獨死後無窮享受。即生前亦有榮光。請看蓬門破屋。可迎萬乘之君。榮孰如之。一。求此體面。先當勉行三級。一。

要輕世以愛主。一要出力以爲主。一要受苦以報主。此三級。係升天之階梯。今問汝之輕世何如。出力受苦又何如。若未知真謙之德。自誇不少。誠恐天主不少於我。我則常少於主。

當務之求 爲自滿者

祝文 天主。以爾聖味多爾。每年瞻禮。樂我等。懇祈爾。吾旣慶厥誕日。幸師厥功勤。爲爾子吾主耶穌基利斯督。亞孟。

## 廿七日聖良德祿 主教

警言○愛主之愛。生愛人之愛。愛人之愛。養愛主之愛。聖額我略

聖傳○聖良德祿係世襲之家。欽崇聖教。朝野奉爲表率。昆仲有

四。俱登聖品。而聖人居長。自幼博學多才。善於言語。能委曲動人之心。且博施廣愛。簡己約身。爲離俗害。於少壯時。卽入顯修院中。勵志操存。不多年。得色未辣。主教時依西巴尼亞國王依未日而得。原係聖人之妹倩。不隨正教。狠與聖人爲難。聖人往訴於總王。時聖額我畧未卽教宗之位。見聖人明哲允恭。視爲好友。契愛之至。及聖人回國。密勸儲君赫默搨日棄邪歸正。後因儲君爲此致命。聖人不避艱難。保全教眾。極力挽回。但覆巢必無完卵。遂遭斥逐。所幸二年未久。仍然召入。交與接位之嗣君。命聽聖人正訓。故新君卽位。聖教大行。此時教宗大位。現係額我畧聖師。念聖人素有流火之病。每致書慰問。畧云。爾我俱同此患。是天主慈愛大恩。以此苦身。仰報吾主可也。聖人撫此教眾。行事語言。莫不光揚主德。時時預備終期。克而又克。苦中加苦。仰承天主神恩而

逝。時天主降生後六百零三年。

### 宜行之德 愛天主

聖思 一。全心全力全靈愛天主。係何解說。就指吾人之念言行。都該一總常想天主。望天主。爲天主。與天主相合。纔能全享天主之所有。若失了天主。一總俱失。當知失主之由。皆從不愛天主而來。不愛天主之由。又從不認天主而來。故愛深。則認主亦深。愛淺。則認主亦淺。汝之愛。深耶。淺耶。 一。從開闢至世終之好處。一毫比不得天主之樂。今你問一問自己。所有愛天主之愛。比那愛妻子兒女。富貴安逸等事。孰重孰輕。且汝心中。可能情愿失去妻兒富貴。以愛天主否。若不如此。就是真不愛天主的實據。如何說得我愛天主。是全心全力全靈的話。 一。汝要明知怎麼樣謂之愛主。怎麼樣謂之不愛。有吾主耶穌基利斯督

之聖言可據。耶穌曰。汝愛主。必守主命。可知汝能爲天主。全守主誠。就是愛天主萬有之上。

當務之求 爲冷淡人不知改過者

祝文 懇祈全能天主。以爾聖良德祿精修主教。每年瞻禮。加吾心虔而體安。爲爾子吾主耶穌基利斯督。亞孟。

廿八日 聖羅瑪諾 聖路彼西諾 苦修

警言 ○罪概由於樂。宜必贖補之以苦。聖額我略

聖傳 ○拂郎濟亞國。有昆弟二聖。弟名羅瑪諾。兄名路彼西諾。父母俱賢。善於教育。故二聖才德兼優。兄本矢志守貞。因遵親命而娶。然

未久卽歿。惟弟堅志不婚。早獻心於天主。俟終養二親之後。弟兄離家。棄俗。同至苦修院。作小屋居之。以石爲枕。以地爲牀。飲惟冷水。食惟樹草之根皮。晝夜頌主默道。不懈不停。未幾。魔誘卽來。在默想時。亂拋大石。屢將二聖擊傷。二聖不明魔計。亟離此以讓之。行至薄暮。宿於教友家。適講離去之故。忽聽教友云。爾不識邪魔狡法。故爾躲避。當知邪魔不能害天主之人。旣愛天主。不該怕他。可速回原地。二聖聽此語言。遵卽畫一十字聖號。回歸舊室。嗣後雖魔害日增。而聖勇愈強。猶如天神。恭敬天主一般。從此不獨不能被害。且聲名遠佈。學者如雲。初建一院。後復分爲三院。皆受業於二聖之門。一日。爲兄者。查察三院事情。內有不合聖意之事。隨本心嚴責其非。有新來十二位。因所言難受。定志辭回。弟聞之。勸兄不必太嚴。恐害靈魂。又時時祈主。開明十二人之心。不

許陷於魔害。果然氣平心服。守業如初。又一日。爲弟者。從此院往彼院。中途日暮。在麻瘋院過夜。院有九人。聖人特求主佑。九人之麻瘋。立時全愈。二聖如此至老。敬主愛人。力行不倦。自念終期不遠。商議葬處。弟云。我得主恩。能除人病。吾二人死後。該顯明墳墓。不必隱藏。使人人好來愈病。共受主恩。遂於小山頂上。預爲墓穴。不數年。兄先逝世。後來卽在此建立主堂。使人瞻禮。常顯靈跡。不可勝書。時天主降生後五百六十年。

### 宜行之德 補贖

聖思 一。天國不遠。定不得眼前就死。汝能無罪麼。倘有罪而未補贖。怎麼到得天堂。但一個罪人。有何補贖之法。 一。當知補贖。並無別法。從前爲世俗。離天主。今當爲天主。離世俗。以補贖之。汝身得罪於天主。

今當克苦其身以補贖之。但自己不可哄騙自己。若不如此補贖。恐耶穌救贖之大恩。與汝何干。一如此補贖。必要有始有終。至若補贖之苦。補贖之難。心中不該慮及。因此苦難。行之既久。必能變苦爲甘。變難爲易。設或未曾到那甘甜容易之境。該想汝補贖之苦難。可比得諸聖人之苦難麼。聖人的苦難。尙不可比。難道到比得吾主耶穌所受之苦難麼。

當務之求 爲錮蔽於罪者

祝文 天主。以爾聖羅瑪諾。聖路彼西諾。每年瞻禮。樂我等。懇祈爾。吾既慶厥誕日。幸師厥功勳。爲爾子吾主耶穌基利斯督。亞孟。

聖年廣益

三月初一日 聖良主教 聖熱爾瓦削 聖斐理

伯 弟兄致命

警言 ○爾相愛。眾將知爾爲子徒。 聖經

聖傳 ○良聖人。方在乳哺。即守齋期。幼儀端肅。大不同於他子。因父貴顯。年十二。隨入內廷。國君見其敬主律身。謹慎誠實。儼如成人。遂選明師訓誨。乃聰明非常。不久。便同宿學。人人嘉美之。選居鐸德。旋升主教。位愈尊。心愈下。鼓舞作新。感化者甚多。繼聞哇斯郭尼亞地方。尙有異端。協同昆仲二人。一名斐理伯。一名熱爾瓦削。往傳正教。甫至其

地。一巨家。卽惟命是從。居無何。棄邪歸正者。計七百八十人。足見三弟兄之闡揚宣佈。不遺餘力也。眾自領洗後。常往邪廟中辨論。彼雖理屈辭窮。不能幡改。一日。多人擁聽。聖人向眾人云。不許此教害入爾等之心。因此誕妄邪神。豈特不該尊奉。連人也算不得。異端一聞此語。卽鼓譟不平。聖人惟求上主。發顯至仁至慈之德。以開導眾迷。求畢。向邪像一呵叱之。土木之形。立皆倒毀。此時異端內。就有數人。率眾認主。未幾。日新月盛。盡歸正教矣。隨往那哇爾拉谷大山中開教。被化者亦多。忽來異端海賊。三聖一齊被擄。聖斐理伯同熱爾瓦削。先遭殺害。良聖人情願爲主致命。因暫緩須臾。苦勸強徒悔改。免受永殃。旁有一人。惡聞其說。立斬聖人之首。奇哉。首雖落地。身尙挺然。奈此輩並無敬畏。反以足踢之。豈知聖身倒而復起。手捧自己之頭。行一百二十五步。將頭安

置一臺上。聖身始倒於地。又致命時。離本署甚遠。而本署之人。親見聖人說明致命之故。管事者奔至。果如其言。遂收葬之。時天主降生後九百年。

### 宜行之德 愛人如己

聖思 一。天主於古教時。頒發愛人之誠。降生後。又諄諄面命之。建定聖體大禮日。更三次叮嚀切囑。欲推其故。當知普地之人。誰非天主所生。誰非耶穌所救。一本同源。則本性自當相愛。况重以天主之聖命耶。可見不肯愛人。卽爲大罪。有何辯處。人能守此聖誠。個個皆屬弟兄。處處無非朋友。雖居俗世。好像天堂。惟有不遵主命之人。雖在世間。竟同地獄。一。耶穌有言。爾等相愛。卽爲予徒。假如爾等能活人。能移山。皆非我之所重。惟能愛人。方是予之徒也。請自察之。我之行事。可做耶穌

之徒否。一。耶穌又云。愛人之誠。與愛天主之誠相等。既然如此。可知愛天主者。必定愛人。不愛人者。必定不愛天主。故聖若望嘗言。誰說愛主不愛人。這是謊言。因其輕慢主命故也。

當務之求 爲失和睦者

祝文 天主。爾賜我等。敬憶爾聖致命者。聖良。聖熱爾瓦削。聖斐理伯。誕日。望爾彼居永福之域。使吾偕樂。爲爾子耶穌基利斯督。亞孟。

### 初二日 聖西未亞爾 顯修

警言○請者多。簡者寡。聖經

聖傳○聖西未亞爾。係世聖之家。詳其支派。乃祖。乃父。乃孫。皆登

聖品。聖人自幼。卽知敬主必先沉靜。故從不與別孩嬉戲。惟勤學下問。以廣見聞。知識愈深。世情愈淡。看明敬主之外。並無正經事業。遂定心修道。始基由於熱愛。故所行全而無闕。歷時未久。同人俱奉爲表率焉。旋登鐸德。以眾人靈魂爲己任。因性最善良。雖人有不同之心。一經聖人之調劑。均無不合之情。恒自約束。故口無憎言。胸無憂擾。若論其潔德。可似負形之天神。情獨摯於愛主。工更切於默思。往往感切流淚。先是聖人之父西日蘭。於斷絃後。卽來修院。晚年掌理院務。眾皆欽其聖德。歿有餘恩。聖人不承父業。其良善謙恭。小心克己。更媲美於前。棄世之時。有修道人。仰見聖魂光麗。勝於太陽。同聖伯多祿。聖保祿。上升於天。時天主降生後六百八十七年。

### 宜行之德 盡力神工

**聖思** 一。世人行路。必有路引。升天堂。下地獄。何獨不然。若肯爲主耐苦。就是升天的路引。因同吾主耶穌負十字。必能同享耶穌之福樂。今該查一查。可得此路引否。一。欲知後來或升或墮。只看自己神工。升天之人。心內存不住一點罪。有卽痛悔。悔卽求救。定改。汝今如何。安心有罪否。若有罪而安心。非升天之人。一。喜告解。喜哀矜。喜勸人行善等。皆係升天的指望。愛耶穌在加爾瓦畧山。敬聖母爲諸聖之后。係免承罰的指望。旣知如此可望。不如此。必然可怕。

### 當務之求 爲聖教廣揚

**祝文** 全能天主。我等罪人。雖忝入聖教。無能爲主廣揚。惟求聖西未

亞爾轉祈天主。俾普世共欽主命。比肩盡屬聖人。亞孟。

## 初三日聖婦古尼公德 國后

警言○人情孰不欲潔其身乎。然欲潔其靈者鮮矣。可悲也夫。

聖伯爾納多

聖傳○聖婦古尼公德。係總王恩理格之配也。總王建都於極西迤北。統轄數萬里。才德兼優。四方賓服。因自幼有志守貞。大婚之禮。未曾議及。奈羣臣屢請。難以明言。側聞鄰國公主古尼公德。賢淑超羣。遂娶爲后。婚禮既成。王即述其夙願。后樂從之。誓守貞潔以終身。從此二聖。惟知事主。各處建堂立院。上行下效。國泰民安。魔思妬害搖惑君心。

疑后少年難辭俗念。后覺其疑。求主解釋。隨向君前。煨紅鐵板。跣足步之。以表生平之心跡。足方入火。空中大聲云。聖母瑪利亞。加恩庇佑。毋庸畏憚。王既目睹此行。又耳聞此語。不覺感悔交集。倍加敬信。不數年。王先謝世升天。后俟喪葬事畢。傳集羣臣於大殿。力辭后位。更換羸衣。入貞女院。甘行賤役。如婢如奴。晝夜神工。與日俱增。稍有餘力。或引入爲善。或服事病嫗。或針滷自給。刻無寧晷。一夕。因女伴不謹於火。焚及臥榻。左右趨救。后覺其災。即畫十字以滅之。在院十五年。如此聖跡甚多。終期不遠。聖后預悟主恩。快意恭迎。院中修女。特具美棺盛服。后知其事。嚴禁云。我先赤身入世。自當赤身去世。一衣蔽體之外。毋增別物。惟囑歿後。葬於王墓之側。臨終仰見前王恩理格。顯靈迎接。聖后大發歡容。恍若熟寐而逝。三日內。士民間訃哀號。不絕於道。各述所受之恩。

爭先叩謝。時天主降生後一千零四十年。葬後。叩墓祈求者。莫不沾其遺澤。

### 宜行之德 潔淨

聖思 一。世俗之中。最難潔淨。時時處處。老幼富貧。所共有者。污耳。可知潔德。不尋常。不容易。若非自己刻苦小心。何能得此珍美。 一。只靠自己。斷不能成立。全恃天主之聖佑。庶幾得亦容易。守亦不難。當知此德在身。如無價之寶。裝在薄玻璃瓶內。稍稍磕碰不得。故不論何等小罪。都要小心。轉眼放鬆。便離聖佑。便無處不險。 一。要緊之工。首當躲避。請看聖婦古尼公德。既成寡鵠。作速離開。一切世情。毫無顧忌。靠不得從前之功德。怕不得日後之苦修。總因一息尚存。諸險畢集。若不早圖躲避。雖有莫大之前功。恐盡廢於一旦。可不畏哉。

當務之求 爲守貞者

祝文 救吾者天主。聽受吾禱。吾樂爾聖后古尼公德瞻禮。望以誠心。受其訓誨。爲爾子耶穌基利斯督。亞孟。

初四日 聖加西彌祿 顯修

警言 ○心淨者乃真福。爲其將得見天主也。 聖經

聖傳 ○聖加西彌祿。係伯羅尼亞國王加西彌祿之次子。自幼志潔神清。專心約束。謹守聖規。絕無嬉戲。些微之罪。惡之如仇。畏之如毒。既勤書史。兼盡神工。聰明過人。身靈並濟。雖本來虛弱。不惜克己。以去私。食皆麤糲。臥地無裯。茨服苦工。大齋默想。常行不缺。時在主堂門外。

誦經過夜。謙遜出於自然。昆弟共六人。俱不及其才德。而自視歉然。每云。人皆勝我。我無一事可及他人。時有名賢嘗讚美之。心中之樂。全在耶穌苦難。熱心恭敬者。惟在耶穌聖體。所思所言所行。淨如天神。無不貞潔。病重時。醫者議云。此病受室可痊。否則難治。聖人寧死不從。此種貞潔。皆從大主保聖母瑪利亞而來。因其恭敬之心。無須與之離間。且自作一祝文。早夜誦獻。畧云。我靈魂。當讚美聖母之童貞。務期盡心遵守瞻禮。併望小心遵行諸德等語。篇內寫明。我死。將此祝文。隨身入棺。蓋表其歿身之後。猶不容少懈也。生平言語。從無外論。每勸人勿談親友之是非。王子府中。竟如修院。馭下不同別位。行止定有常規。鰥寡孤獨之貧民。神形均受其益。故共稱苦人之慈父。聖德之仁人。升天之前。天主預示其時。當晚恭領聖體聖油。候至所言之時刻。果然棄世升天。

年止二十五歲。時天主降生後一千四百八十九年。升天不久。俄羅斯國。驟舉大兵。突然而至。措手不及。舉國惶惶。惟向聖墓發愿祈求。及交戰時。以少敵眾。而敵軍大敗。我軍大勝。兩國弁兵。人人親見聖人。呵叱彼陣。從此聖墓之靈跡。不可勝紀。有一小女孩。名烏蘇辣。病死之後。屍骨已寒。其親攜至聖墓。哀求之。即時復活。無病而歸。舉此一事。餘可類推矣。

宜行之德 謹防罪過

聖思 一。人之諸害。莫凶於罪惡之毒。失我家產。革我尊榮。喪我生命。皆比不得一個罪毒。故不論何罪。必要滅除。然往往爲一毫體面。爲此須財利。反招惹許多罪惡。是誠何心。 一。不但重罪該防。輕罪亦然。歷來諸聖人。嘗言盡滅普世。比不得說一個小謊之罪。可見輕罪之罪如

此。則天主之怒何如。今汝每日每日。雖然不犯大罪。所犯小罪。不知多少。小罪者。卽引入大罪之端。請看仔細。萬勿放膽寬心。一。恭敬天主之人。不但該離輕重之罪。連無害之小過。亦不可犯。只看加西彌祿聖人。爲保貞德。不顧死生。方成聖品。今汝去聖甚遠。不但不離小過。守誠尙覺艱難。如何望得耶穌苦難之恩。

### 當務之求 爲犯罪者

祝文 伏望吾主。因爾以世俗光榮之內。玉成聖加西彌祿之心。今懇切求主。俾我輕視世榮。不遭俗累。亦如聖加西彌祿。神貧謙潔。惟望常生。亞孟。

## 初五日 聖福加斯 致命

警言○少稼少穡。稼善事。穡善事。各以其心而足。 聖經

聖傳○聖福加斯。係西里亞國之貧民。父母歿後。種園以養家屬。自思萬德之中。仁愛爲本。愛主愛人。必當兼盡。但無力施捨。每行舍旅之事。故家如貧院然。此時聖教不寧。多遭妬害。地方官聞其收藏教旅。差心腹人帶兵查訪。獲卽殺之。差兵遇見聖人。卽惡言毒詈。聖人答以善容好話。彼疑錯認。卽轉口云。汝可喚福加斯出來。聖人回云。我認得此人。你們放心在此過夜。明早必來。兵等喜甚。此晚聖人寬待甚隆。恍若至親好友。俟彼臥後。聖人徹夜預備靈魂。爲主致命。次早未明時。自掘一坑。爲葬身之穴。人見差兵云。福加斯不是別人。就是我。昨已許定。

今早交付。特來投到。我係恭敬天主之人。聽憑處治。此間已預備葬屍之坑。兵聞此語。不信福加斯。係如此好人。雖聖人再四承認。甚屬忍心。復思官命難違。不得不從。遂斬首而去。時天主降生後一百一十四年。墓前顯跡甚奇。以急救蛇咬爲第一。至今凡遇蛇傷者。赴墓求之。無不立愈。

### 宜行之德 修治靈園

聖思 一。園內要得好菜好菓。必然先擇嘉種。後用鐵耩之。用火燒之。用水澤潤之。汝要得靈魂園內的好言好行。亦該先擇至聖至公之教。然後耩去惡習。痛悔惡心。用淚血灌溉之。俗園不如是。不得好菜好菓。靈園不如是。不得好行好言。 一。若圖多得。必須多種多工。俗園可得多菜多菓。靈園可得永福永樂。且種多。尙怕後來薄收。若種少難免荒

蕪。我今園內如何。一種俗園者。不得天上之露。斷難茂盛。今種靈園者。不得上主之恩澤。斷難立德立功。露水透入草木之心。菜菓必茂。主恩透入吾人之心。靈魂有益。今我所受上主之恩澤如何。傳留許多聖訓。發現許多好念。時常動我之心。可能一一進我之心否。

當務之求 爲一家之人

祝文 伏祈全能天主。吾敬憶聖福加斯致命者誕日。賴其轉達。加力於吾。愛慕爾名。爲爾子耶穌基利斯督。亞孟。

初六日聖女各肋達 童身

警言○至今爾輩。未將予名以求。求則受。爾樂。則滿。 聖經

聖傳○聖女各肋達之父母。晚年無子。將及六旬。不失此望。得生聖女。幼卽大蒙天主之光。明悟充盈。生數歲。被斧傷足。縛後祈主。次日。全愈無痕。從此時加感激。默想念經。求合主旨。魔以惡聲怪像。猝然擾亂其心。聖女屢承聖佑。愈增熱愛。及長。常聚集婦女。講道誦祈。以救眾靈。父母歿後。卽至童貞院修道。求院長賜一靜室。便於興工克己。因年方二十二歲。故有避人之計。貼肉用鐵鍊三條。從兩肩斜至胸背。交互鎖縛。又加苦衣。外仍常服。不使人知。饔飧極菲。院中艱苦事。爭先爲之。神工照規加勉。無苦不受。無地不勤。無時不謹慎約束。每行默想。以涵

神味。寤多寐少。寐亦石枕地。如補贖重罪然。數年名聞四播。推爲院長。惟聖女加意克修。天主倍錫其恩。行聖跡如平常事。病人見面即愈。一婦未受洗而死。一女負有重罪。未告解而死。聖女俱求主復活以救之。嘗勸人有四。一天主之愛。一謹守主佑。一忍受艱難。一絕財輕富。立神貧之德。邪魔妬甚。或滿屋蝦蟆。或臭屍驚駭。聖女賴耶穌聖愛。毫無畏懼。熱心默想。往往誠中形外。發顯於面目。顏如彩霞。光如曉日。有一年。復活瞻禮前八日。空腹嚴齋。惟建定聖體之期。恭領聖體而已。天主常賜其直通人之闇昧。於修女中。經驗多次。指明隱隱。勉勵戒懲。但自處最謙。每向聖臺前泣訴曰。天主我等主。我只有認爾主宰。認我罪過。何敢承受如此大恩。日勝一日。臨終前一主日內。預知終期。得病。卽與耶穌有相契相結之狀。自視如已死然。隨請鐸德。傳聖油。連日在房行

彌撒。雖週身苦難非常。而一種樂受之心。欲蓋而彌彰。如此十餘日。棄世升天。年六十六歲。時天主降生後一千四百四十七年。

### 宜行之德 加敬聖體

聖思 一舉揚聖體時。有信德之人。必竟淚從心下。痛傷眼前輕慢聖體之罪。悔恨本身過犯最多。感不盡耶穌大恩。從新受苦於協露撒稜釘耶穌於十字架。 一望耶穌聖體之功勞。可得所求全能聖父之恩。若有不得者。必然原無信德。又無望德故也。當知願得所求之實。先要遵依耶穌所欲之意。如不遵依。徒望無益。 一敬愛耶穌之人。必敬愛聖體。因聖體就是耶穌本體。不敬聖體。不愛聖體。可謂敬愛耶穌麼。今汝與彌撒時。領聖體時。其敬愛之意何如。

當務之求 爲聖體仁愛經

祝文 救吾者天主。聽受吾禱。吾樂爾聖童女各肋達瞻禮。望以誠心。得受訓誨。爲爾子耶穌基利斯督。亞孟。

初七日聖多瑪斯 顯修聖師

係聖多明我會

警言 ○爾如世光。 聖經

聖傳 ○聖多瑪斯。本意大利亞國分封之世胄。昆仲四人。聖人其最幼者。預有名賢。於未產之先。美其所孕不凡。甫二歲。見紙片寫天神朝拜聖母經。堅持不去手。頃復嚙之。偶遇啼哭。與之書冊。卽改容歡樂。習以爲常。敏悟過人。性情沉嘿。五齡就學。十歲業成。又閱數年。精於格

物窮理。遂向精修之老宿。廣益教思。明知利名宜避。貞潔爲榮。不顧身家。密同四友。潛往拂耶西亞國。母竟訪覓無踪。適諸兄俱領兵邊界。被獲送歸。母雖百般勸諭。堅執不從。且姐妹反蒙感化。亦願精修。二兄變愛爲仇。重笞辱詈。囚於幽閣。誘以美娼。聖人驅之戶外。以炭畫十字於壁。求主全其貞操。二天神於其睡後。將神帶束腰。慶賀一生。可無淫患。因有切膚之痛。疾呼而醒。看守者。怪而問之。終不知其故。後惟神師傳述焉。兩年被禁。萬苦自甘。母見日久不移。慈心難忍。二女仰承母志。設計以脫之。幸離禁錮。速往他方。從遊於亞伯耳多之門數年。本來木訥。又好獨居。同學呼爲啞牛。師特嚴叱云。此子鴻聲。將播天下。勿輕視之。年方二十有五。羣推才德兼優。惶懼無似。夜夢老人。囑其聽命。翌日。卽登神師之品。設教著書。人人欽服。每逢動筆。先乞主恩。有時因經義難

詮。擱筆嚴齋。求開明悟。主命聖伯多祿聖保祿二位宗徒。顯形詳示。後來著述等身。無不備美。相傳耶穌苦像。曾呼名贊嘆云。汝筆可嘉。欲求何報。聖人叩謝云。所望之報。惟有吾主。幸而得之。心滿意足。如此勤行不倦。至十餘年。仍歸本國。晰疑問難者。殆無虛日。素有痰疾。醫家治以火炙之法。時方默道。燒不知疼。即此可想見其誠於愛主矣。至於慰苦濟貧。彰善懲惡。泣涕罪人。代償罪罰。以致煉靈亡姐。親來求救。又可想見其誠於愛人矣。若論其體格端方。起居樽節。粗衣菲食。和順謙恭。更可想見其誠於自愛矣。後世名賢有云。聖多瑪斯從頂至踵。莫非盛德之跡也。教宗屢召之。固辭勿應。迨終世定期。早已預知。且告明同友。忽來權命。遵卽起程前往。行至中途。果然疾發。借居修院。病勢日危。一日。想食黃魚。奈此地所無。他人往市別魚以代。豈知筐內原係別魚。開看

竟是黃魚。眾皆驚駭。買烹勸進。併悉其奇。聖人感愧主恩。敬辭不食。將終之前。猶勉從眾請。註釋古經最難明者。寫至第六端。力盡不能舉筆。始罷其工。求領聖體。下地叩迎。恭謝一生恩佑。領畢。勸眾相愛相親。玉成於德。又言所著書籍。善義俱從吾主而來。倘有謬處。係庸才所致。口雖言語。心目向天。不覺泰然長逝。年五十歲。時天主降生後一千二百七十四年。前期三日。夜有三大星。顯於屋頂。歿時卽退。其師亞伯爾多。遠居別國。語人曰。適多瑪斯去世矣。此教中之屏翰也。嗚咽無已。聖人平日所乘之騾。時正繫於廐內。突然斷韁越廐。奔赴聖屍旁。啣痛而死。及葬。院長原係瞽目。扶掖而前。抱屍親足。俯身未起。目已復明。嗣後屢次遷墳。異香不絕。

宜行之德 效法聖人行實

聖思 一。聖多瑪斯以其博學。著書傳世。爲天主光榮。如太陽照世然。耶穌基利斯督問曰。多瑪斯。汝爲我寫得好。汝求何賞。聖人對曰。不願別賞。只願享主。今汝讀書寫字。可能如此爲主否。大約止爲功名。止爲便宜。止爲驕傲而已。欲向天主。遠隔天壤。豈不白白費心。空空勞苦。還添許多罪罰。 一。請看聖人勸人。能動人心。並無別法。只有一心愛主。蓋因別法之光。引人蹈險。愛主之光。引人免禍。凡欲勸人者。能從愛主之言。必然效驗。今汝愛天主否。 一。聖多瑪斯之光。常常活動。如太陽一般。無一息停留。你肯勸人。先勸自己。有命卽行。死亦不顧。然後可以勸人。汝曾如此否。

當務之求 爲讀書者

祝文 吾主天主。以聖多瑪斯之法言法行。是訓是程。開我愚蒙。爲我師範。今我懇祈天主。俾我強記博聞。祖述聖人之訓典。守先待後。廣揚吾主之光榮。耶穌基利斯督。亞孟。

初八日 聖若望德德阿 顯修

警言 ○良善者乃真福。爲其將得安土也。 聖經

聖傳 ○波爾都加里亞國中。有貧人之子。名若望號德德阿。於八九歲時。一富家。避鐸德命。留住牧羊。至二十二歲。本主身居武職。即隨任當兵。越數年。聞母去世。父入聖方濟各會。遂告退回家。路過巴尼亞

省。宿於病院。見其小心管馬。甚於管病。卽明說如此行爲。必來天主之罰。行至鄉郵。遇一窮人。一妻四女。嗷嗷待哺。聖人愛莫能助。投身傭力。將所得工錢以贈之。聞友墮入回回教內。欲扮作回回往救焉。請命於鐸德。知係魔誘而止。後回本家。渡海忽遇暴風。聖人云。天主要罰我罪。你們欲救命。將我拋入海中。連說數遍。內有欲動手者。聖人念聖母經。不住口。風遂息。同舟之人。俱知大德不凡。每日路費。全靠賣紙畫。與要理六端。買主若不明白。卽講解一遍。一日道旁見一縑褸小孩。心中不忍。放於箱籠上。肩負而行。良久力疲。停步少憩。請孩下箱。豈知此孩。不是別人。卽是吾主耶穌。顯明之後。隨與一裂開之石榴。榴心有十字。呼名語曰。厄肋納大府。爲汝十字架。西音厄肋納大。譯言卽石榴。此府以之爲名。故耶穌指菓喻之。聖人就入此府。離城不遠。開張小店。以俟主

命。不數月。在堂聽講。聖瑟巴斯弟。盡行事。深悔前非。甘心苦難。出堂大聲曰。天主我等主。救我大罪人。沿街喊叫。狀如癲瘋。卽有人拿入瘋院。治以鞭笞之法。聖人大喜。自言如此大罪人。該受此罰。打至五千有餘。本神父命速住手。此非瘋病。聽其出院。隨往一聖母堂。感謝聖母大恩。誦經至申爾福。像前幔帳忽開。管堂人聞聲趨入。一見聖人。疑爲竊賊。舉足踢之。腿脚立時痛痿。自知錯悞。悔罪哀求。聖人祈主卽愈。嗣後聖人。蒙天主開其明悟。買一房院。以居貧病。不論何人。皆留養之。往往沿街尋覓。不能步履者。背負而歸。除服事治療之外。務令悔罪自新。轉求哀矜贍養。外邊窮苦者。亦暗中周給之。此地人人稱意。且欽敬其德。故多人日用。從無缺乏。待人無不良善。諸事極其周全。惟治己最嚴。所食者。皆粗糲之物。瞻禮六。只用乾糧少許。白水一勺而已。每日苦工苦衣。

臥地少眠。大半誦經祈主。魔妬其德。誘惑不休。聖人晚經時。魔顯惡像。口吹火焰。卽撻聖人良久。旁人俱來看見。聖人伏地。向苦像曰。耶穌我等主。救我等。於我仇。耶穌云。不會離汝。未幾。魔又顯美女而來。急求耶穌。聖佑。魔卽退去。又一次。顯窮人形。來求哀矜。聖人回云。非爲天主不與。魔恨其看破。撞胸倒地。幾乎致死。至十餘日。方有起色。時天主大賜神恩。不嫌苦難。反喜爲進德之資。院中偶然失火。各病人皆出。聖人出而復入。搬運家伙。外人見週圍皆火。必死無疑。及良久始出。惟有眉毛被燬。遍體平安無恙。一日。向苦像念經。見耶穌聖母聖若望。同在面前。聖母手持茨冠。呼名諭云。惟此茨。惟此苦。可得天上福。此時頭痛異常。知係聖母大恩。感謝不已。又一日。路遇窮人將死。卽負入院中。安置榻上。忽轉爲耶穌本容。語云。若望汝爲窮人做事耶。彼傷卽我傷。治彼卽

是治我。救彼卽是救我。聖人蒙此主訓。所以一生盡心於貧病之人。至死不吝少懈。初得將終之病。還勉強起來。照常服事。迨至十分不起。心中還想告知主教。愛人之誠切。真可謂無所不用其極也。有數次。能知人隱密。勸人痛悔改遷。病重時。忽然起來。前往別院。救一縊者。將終之前。告眾云。我死不久。卽有一人來管此院。升天後。果如其言。臨終。領聖體。付聖油。扶掖跪地。手握苦像。口親聖傷而逝。年五十五歲。靈魂上升後。遺軀長跪不仆。人人見而異之。時天主降生後一千五百五十年。

### 宜行之德 良善

聖思 一發怒何用。害自己。又害別人。第一。靈魂必遭罪惡。其次。親友必致怨離。良善者不然。與人和睦。其心不亂。遇事克己。靈魂有益。果能如此。何難救己救人。 一汝要別人。寬汝容汝。不談汝過。自己不該寬

人容人。不談人過麼。別人固然不好。恐汝小心認己。還比別人更不好。一經查察。必然不敢說人。亦不敢惱人說我。一別人待汝不好。汝該回想自己。有何好處。本從無而來。無是汝的。有是天主的。有汝之後。罪過是汝的。其餘又皆是天主的。請汝想一想。本來不過是無。後來不過是罪。待汝不好。係分內該當之事。有何可惱之處。

當務之求 爲性情凶暴者

祝文 全能天主。因聖若望德德阿。熱心愛主。諄切愛人。忘己之貧。救人之急。推恩而立院。履火而不焚。伏祈天主。使我亦能發此熱愛之心。消滅靡窮之罪。至於死後。得獲永安。亞孟。

初九日聖婦方濟加 苦節

警言○謙抑自卑。聽命至死。釘十字架而死。 聖經

聖傳○方濟加聖婦。係羅馬都中世家之女。兒時起居謹節。不喜戲玩。不容他人近狎。迨知識稍開。聰明迴絕。或誦經文。或讀聖女行實。往往寂居捫舌。自善其身。滿望棄俗守貞。勉承親命。于歸名族。居無何。染疾將危。前聖亞肋叔。原係同鄉。顯形安慰。覆以寶衣。病體立痊。感此主恩。亟圖報効。病院中。常托人往送藥食。併慰以善言。鄰里中。常密訪困厄之家。親攜財物以周給之。如費多難繼。卽轉求於親友。偶見奢華之戚屬。苦口挽回。必令其改而後止。貼身者。椶皮鐵帶。度日者。蔬水菜羹。夜睡不過二時。苦工必至流血。所言或有不合。必緘口數月以補其

失。夫與子。屢遭仇害。毫不動心。魔雖妬恨極深。非現形拷罵。卽暗裏鑽營。豈知天主特命天神。在前陪護。助其不及。故魔計屢施而屢辱也。中年後。夫妻各寢。獨務潔修。感化者甚多。立院以居之。時近耶穌聖誕之期。聖母手捧耶穌嬰體。送於聖婦。聽其抱持申敬。如此三日。不動不食。神遊天上。夫歿。卽散財離俗。入前所立之院。院中修女。奉令承教。倍於慈母。有時乏食。聖婦仍令眾人坐定。親將所剩些須之食。分給各人。不但眾皆飽飫。且餘物滿筐。又一次。挈伴負薪於郊。渴劇難當。時正寒冬。忽見鮮葡萄。懸於樹林。眾皆取以救渴。因此聖婦嘗言。上主仁恩廣被。果能朝夕事之。盡分守之。則日用之微。毋庸急急也。一孩瘋病。發卽倒地。百藥不效。攜求聖婦。聖婦執孩之手。向伊伯叔云。惟望主恩。後必無患。從此果然不發。有一被瘟女子。撫其體卽痊。一人被仇陷害。聖婦明

揭其隱謀。仇卽懼悔。隣婦產兒。並無微恙。聖婦識其不久。催領聖水。禮畢卽殂。似此神智非常。筆難縷述。年高德盛。望主情深。主先示以終期。不勝感激。自備神工。勸勉同學之婦女。慎終如始。言訖而逝。時天主降生後一千四百四十年。歿後。異香滿室。瞻叩之人。爭先雲集。三日後。始獲殯葬。赴墓求恩者。至今猶絡繹不衰。

### 宜行之德 順命

聖思 一。聖婦方濟加。事夫極順。故中年之後。得能事事稱心。汝欲家道平安。心中舒泰。必該順從長者之命。心中視此長命。卽係天主之命。常常如此。不特免罪。且能立功。一。覺得心中或不平安。此從何而來。因爲不肯順命。卽勉強依從。不對自心之所愛所欲。故有此難過。當知難處。纔可立功。事愈難。功愈大。一。假如此事。我心認定與天主之理。

不相反者。必定該遵該順。雖不明白。亦不必查察。耶穌我等主。在聖母聖若瑟前。遵聖父之旨。順命三十年。後還死於十字架。明明教我門學此表樣。有何難處。

當務之求 爲心內不平安者

祝文 全能天主。爾以聖方濟加之寵佑。最多最奇之中。特命本身護守天神。時常享見。我等後人。倍深瞻仰。求爲吾人之主保。不離護我之守神。耶穌基利斯督。亞孟。

初十日聖西里榮等 四十位致命

警言○信者果爾。毋急營營云。何食何衣。斯皆弗識天主人者之

急營。爾父蚤辦斯品。不免之物。悉遺於爾。聖經

聖傳○天主降生後三百年間。總王利西尼阿。毀正佞邪。正教之人。間有阿順者。亦有遠避者。惟爲主致命。以身殉道者最多。有兵西里榮及甘弟多等。共四十人。皆欽崇天主。督兵之總統。比王更嚴。諭云。汝等漢仗功勞。必邀重賞。但總王禁奉天主。汝等須速改棄之。西里榮等答云。蒙諭。我等爲王出力。可得重賞。由此而推。不該爲天主出力麼。國法該守。天地大主之法。不該守麼。官卽怒叱云。不遵王命。必革糧重罰。暫寬數日。容汝等熟思之。隨着監候。入夜誦經。耶穌忽現。囑曰。汝等看仔細。好始必要有終。不然。不得天國賞。次日。王命多兵勸改。西里榮等相約云。我們四十人。共是一隊。生死不要離開。從前不顧性命。衝鋒破敵。皆由天主保存。今不該還與天主麼。還後。就得永遠無窮之賞。王賞

雖重。如何比得。過七八日。官復提訊。路間。西里榮對眾云。與我等爲仇者。一邪魔。一總王。一本官。今爲基利斯督之兵。倚靠耶穌。何仇不克。官用各法挽回。堅逾金石。命役打去齒牙。天主大恩。打牙之役。自己齒牙俱壞。官反怒其邪術。拋一石塊。本欲中傷西里榮之頭臉。豈知去石自回。反擊本官之牙。仍命監候。眾至監中。謝恩求佑。耶穌又顯容面慰云。信我之人。雖死必生。汝等恃我。必不怕人苦汝。人之苦汝不久。我之賞汝無窮。眾感耶穌之訓。徹夜誦經歡樂。次早。總王命議死罪。定在魚池凍死。岸旁預備溫池。如有怕死改心者。退此卽生。四十人聞之喜甚。求主幫助。同受同賞。俱去衣入水內。有一人難受。私入溫水中。瞬時卽死。三十九人見之。心中難過。互相勸勉。至半夜。天發大光。光內有三十九位天神。各捧花冠戴於眾人之首。守夜兵丁。見花冠不滿四十。方知一

人。已入濫池而死。此兵遂奮勇直前。對眾兵云。我是教中。情愿下水凍死。不敢違背天主。一而言語。一面卽脫衣入水。天主鑒其真誠。准滿四十之數。而倚靠自己者。竟至有始無終也。天明。官命將人一齊拿出。打腿碎骨。絕其生氣。內有一後生未死。本名默里敦。官望其改悔。將已死之三十九人。積柴燒燬。以示其凶威。時默里敦之母。親身背負默里敦而告之曰。我兒不必畏懼。現有天神。送汝花冠。今已到天堂門口。不過再走一步。就升天享福。汝之爲人爲子。大孝大忠。全在此頃刻。默里敦一聞母命。更增義勇。亦被燒而死。燒畢。官命颺灰以滅其蹟。餘骨拋棄水中。天主不准聖骸沉沒。總合一處。又命西里榮聖靈。示知本處主教。敬收之。

宜行之德 隨主聖意

聖思 一。天主無所不能。吾人無一可能。以無一可能之人。而欲不隨無所不能之天主。使得使不得。所以不論何事。或苦或樂。俱該隨主聖意。平日若能常具此心。必能就隨此常具之心。以隨聖意。並無難處。一。天主明知我該用之物。早已預備。明知我受害之時。早已保全。若非天主之愛。該問此恩從何而來。若不能明知預備保全之恩。過後尋思。良心難昧。一。天主是吾人大父母。誰敢疑其不愛。天地覆載我。萬物養育我。降生教訓我。受苦受難救贖我。可見愛我之處。至深至重。毋庸思議是真。今偶然遇有心內不喜之事。爲何不記得此事。從愛我之大父母而來。愛我者。必不害我。爲何不喜。爲何不肯遵依。

當務之求 爲叛教者

祝文 天主爾賜我等。敬憶爾聖致命者。聖西里榮等。誕日。望爾彼居永福之域。使吾僭樂。爲爾子耶穌基利斯督。亞孟。

## 十一日聖女加大利納 童身

警言○爾忍護爾命。聖經

聖傳○聖女加大利納。乃生知安行之聖也。成胎之後。聖母卽默啓其親。知此女將爲教中表率。故生時與諸子不同。從不聞呱呱聲。每三日。不食乳。至八九歲。父母因係國戚。送於王后前。語言行事。皆有德有才。過於成人。年甫十一。明悟大開。擇教中誠實之女。晨夕周旋。窮原極

本深知世情之幻。修德之真。雖在富貴之中。蚤立神貧之業。至二十歲。入聖女加辣院中。不獨謹守院規。半刻未容虛度。常言天主賞人之時。日若廢事空閒。後必難逃主判。從無一句傷人之言。併無半句無益之言。惟願捫舌以居。其謙恭順命。竟出於自然。全忘家世尊榮。每爲眾人役使。不論何人。樂從呼喚。視人皆勝於我。自視皆不如人。最喜者。默想之工。一日興工默想。因體憊力疲。竟至熟睡。時聖多瑪斯主教。特來訓示云。神工該有定規。常行默想。世上不能。必當少息此身。以養餘力。然後相繼而行。可得真默想之恩。因自定規條數則。爲常行之默想。一小心保守肉身靈魂之清淨。一凡行諸事。要從天主光榮內所發。一總不記先建之工。惟思不及以圖後補。一情愿尅苦增工。以償己之缺。或代償他人之過。一從不倚靠自己。常怕自己。常負自己十字架。不管多重。

一惟靠天主恩。與吾主耶穌之功勞。一常想天主在前杜絕驕傲之萌。聖女隨此定規。得天主無數之恩。有一年。聖誕瞻禮。見聖母抱耶穌嬰體。送於聖女手中。又一次。與彌撒時。鐸德誦三都斯經。明聽眾天神贊美之聲。如鐸德一樣。年將四十九歲。身患重病。耶穌默示曰。此病不卽升天。准汝升天。還在一年之後。迨至病痊。此一年內。比前倍立神功。筆難盡述。總而言之。皆從信望愛之實情而發。力行年滿。自知終期在卽。勸慰同院諸女之言甚久。約有兩個半時辰。領受臨終撒格辣孟多之禮。面發喜容。口念耶穌聖名三次。默然而終。年五十歲。時天主降生後一千四百六十三年。死後至十九日。聖屍還存溫熱。以徵其不朽。坐於一龕。龕外以鐵爲櫺。至今瞻仰。容貌如生。屢施靈跡。沾恩者甚多。

### 宜行之德 忍耐

聖思 一。忍耐有三件。一在肯受世俗之難。不論何來。或係天主。或係人。或係自己。或係時候。總一心惟順受天主之命。聖若伯曰。天主先賜。天主收回。憑在天主之意。可見我們有難時。都該如此說。自然必能忍耐。不生暴怨。諸難悉平。 一。在情愿受苦爲天主。個個聖人。俱願受世苦。望主垂憐。無數隱修。俱密行克己。盡力苦勞。汝欲升天。又欲避難。遇苦不受。這是自己哄騙自己。汝所行避難避苦之道。不是升天之正路。升天之路。在十字架。此吾主耶穌所命者。除此一條正經大路。並無別的教訓。 一。在喜歡受苦。請看十二位宗徒受苦之時。何等喜歡。雖匹夫而爲萬國之總王。窮人而得連城之重寶。亦萬萬不能及其欣樂。問此樂從何而至。耶穌有言。爲義而被窘難者。乃真福。爲其已得天上國。

也。夫以暫苦而得眞福。何樂如之。汝心曾有此喜歡否。

當務之求 爲消滅異端

祝文 救吾者天主。聽受吾禱。吾樂爾聖童女加大利納瞻禮。望以誠心。得受訓誨。爲爾子耶穌基利斯督。亞孟。

## 十二日 聖額我略 聖師教宗

警言○夫人自謙而併痛悔其罪者。乃爲馨香之祭獻。天主必享。

視他獻尤馨香也。輕世金書

聖傳○額我略聖師。係羅馬府人。其親德位並隆。止生聖師一人。幼承庭訓。長奉名師。學業旣成。遂登仕籍。未及數年。二親俱故。棄職辭

榮入隱修會院。所遺家業。或分散貧窮。或建堂立學。適院長缺人。眾卽指名頂補。名爲眾人之長。實係眾人之役。諸事以身先之。遇患必迎。遇苦必樂。麤衣糲食。勤行少言。密交天神。多受教益。且治人如己。不辭力弱神疲。畏世譽名。避人物色。本體之妍媸豐瘠。從不寓目關心。他人之困苦艱難。莫不周全拯濟。因其仁愛。主特寵以驅魔捍患之能。偶聞夷地未守教規。挈伴數人。奏明同往。後因閣屬請命追回。教宗禮遇益隆。晉階緋衣宰相。固辭弗允。差往東都。國王格外尊榮。特命朝臣遠迎郊外。自始至終。心悅誠服。迨教事妥協。辭回復命。大慰都人之望。繼因久雨汎溢。疫氣盛行。死者不可數計。聖師忘身願眾。療病慰憂。不遺餘力。奈瘟災日甚一日。人力難施。乃親捧天主聖母之像。率眾恭迎籲禱。所至之地。聖師明見毒氣隨烟而散。又見天神。特於橋上。顯收刀入鞘之

形。從此病退。民安。值教宗去世。君民上下東西二都。人人皆推尊焉。聖師無計可辭。藏身於大甕。囑一客商。載之出城。投入陶穴。士民遍求不獲。忽見一山火發。羣往觀之。始得聖師所在。明係天主之命。不敢再違。卽位後。所用者。皆賢智之士。一人只守一職。不善之風俗。必嚴禁之。祭主禮儀。重加損益。至今萬國遵行。著爲百世不刊之典。似此盛德。曾於大殿舉行彌撒中。日觀彩雲環繞。又耶穌嬰體麗容。親來手內。遂其景仰之誠。猶憶昔年。最急之務。莫甚於哀矜。主命天神扮一孤商。失風逃命。求救甚哀。聖師贈以多金。猶爲不足。復增益之。數日又來。適銀錢匱乏。給一銀盤而去。迨後聖師旣卽教宗之位。每飯必招十二窮人同食。且衣之贈之。一日。覺多一人。形貌又常變幻。留問來歷。回云。我卽昔年蒙給銀盤等物之客商。主嘉王之大德。故授王教化之權。聖師云。汝從

何知之。回云。我乃天神。奉上主之命。爲王求福禦災。須臾不捨。至王去世而止。聖師感激諸恩。後來之舍旅濟貧等事。不獨自己百倍於前。凡所屬富貴人。俱責其慳吝。勸其樂施。是故境內無一夫不被聖師之澤者。訪有未聞聖教。如昂利亞國等處。務期設策廣揚而後已。瞻禮日。必力疾主祭。講道勸人。如或萬難親講。始令人代宣德意。神工之外。晝夜不遑者。莫甚於立言。跡其生平。嘗明荷天主聖神之寵光。故富於著述。雖積勞成弱。未曾片刻少安。凡所稱居高而卑約。患病而勤勞者。無有出其右矣。年已及邁。自知形體就衰。將身後之事。備細叮嚀。遂正色端容。嘿然長逝。諸執事謹遵大禮。殮葬於宗殿。時天主降生後六百零四年。歿後顯跡甚多。

宜行之德 謙遜

聖思 一。額我畧聖師。辭開尊大。修道救人。如昂利亞國。特差鐸德。勸歸正教。似此無盡無窮之大事。不煩再計。決意勇行。汝今離去了什麼受用之事否。汝曾勸化過什麼外教之人否。連汝自己。亦曾開導自己否。 一。額我畧聖師之博學。實生民所未有。遺下之書。皆天主斯彼利多三多。特借鴿形。寵照而成。可知所著者。皆至神至聖之書。汝不能著此書。難道不能溫習麼。難道不能教訓兒女麼。難道不能安慰憂苦。幫助病人麼。 一。謙忍二德。更覺聖師之精義。自稱人僕。親手服事窮人。一句贊美的話。不能領受。大哉謙也。至哉忍也。汝之德行。可能幾及否。發前人之所未發。著書立言。昭垂後世。汝之明哲。可能相似否。出身貴顯。尚云世俗之微榮。位至教宗。統掌人靈之大父。汝之體面。可能如是。

否。德行不如。明哲不如。體面又不如。反遇苦不忍。遇事不謙。仰止前人。豈不抱慚無地。

當務之求 爲教化皇

祝文 天主以永福。酬聖師額我畧之靈魂。又惠然賜我等。凡被罪孽重壓者。賴其所禱。蒙其扶翼。爲我等主耶穌基利斯督。亞孟。

十三日聖女歐弗辣西亞 童身

警言○爾齋時。勿師僞人。渠齋而寔容。弗豫色。以顯厥齋。予語汝。

已受厥報。聖經

聖傳○懿親國戚。雖係人世之尊榮。能善用之。更易於成聖成賢。

如聖女歐弗辣西亞其明鑒也。聖女之父母。初婚受孕。後卽矢志節修。獻身事主。孕胎九月而生聖女。生甫數月而孤。母本總王之至戚。總王一見聖女。旣喜其聰明。又憐其失恃。遂繼爲己女。至五歲。總王許配與一大臣之子。其子很嫌幼小。惟思伊母。青年守節。德貌兼全。設計圖謀。期於必得。聖女之母。聞此異心。卽同家人。併攜聖女。避居厄日多國。國中有一修女院。院中有童女一百四十人。條約甚嚴。每日。至日沒時。始食一殮。或有二日一殮者。更有三日一殮者。此時聖女。年方七歲。常至院中。誦經聽講。偶聞敬主之樂。世俗之難。卽向母說明。要在此間修道。院長云。入院貞修。談何容易。要將靈魂肉身。立愿盡獻於主。聖女遠見苦像。卽詣前跪抱曰。旣如此。我爲吾主耶穌發愿獻主。甘心在此恪守院規。院長復將院中苦難細說一番。勸其回去。聖女執意不回。母亦喜。

甚。遂留女自回。居無何。天主默啟院長。知聖女之母。三日後。已近終期。母聞之。感激主恩。預備神工。求院長照管幼女而已。母歿。總王復羞人。召取聖女回國。以完舊日婚姻之命。聖女回稱我已發愿。為主守貞。萬死不離修院。尙望國恩俯允。不加強勉。以免弱女之難。總王聞此高志。格外褒嘉。時聖女纔十二歲。得此俞命。心曠神怡。就照院規。一日一殮。未幾。二日一殮。不久。又三日一殮。洒掃等役。事事俱爲。時時加苦。實一院之表率。又八日一殮之齋。閣院皆無。惟院長如此。聖女既守三日一殮。猶爲不足。復求院長。准守此齋。旁有一女。謗其圖譽。可接院長之基。聖女不獨不怒。且向此女。長跪認罪。院長明知聖女盛德。重責其妄言。罰其離開眾女。禁錮空房。聖女再四婉言。方寬此罰。院有一女。爲魔所負。諸女懼魔波害。不能向前。惟命聖女進食。從前妄言之女。又言如此。

平常事務。我就去不得麼。院長聞知。即命彼送食。豈知負魔之女。拿倒地中。扯碎衣服。咬傷手腕。聖女一聞喊叫。急往救之。到即放手脫身。嗣後此女。始誠服無辭。院長即命聖女。求主退魔。頃刻平安。不數年。天主默示院長。知聖女升天不遠。向來並無他病。驟然遍身大熱如火。熱至第二日。暝目而逝。年方三十歲。時天主降生後四百十二年。

### 宜行之德 守齋

聖思 一。聖女常守險齋。間有聖人。亦守此險齋。然皆倚靠吾主耶穌。愈允之恩。不難以險爲常。可見守齋之德。乃天主所重愛者。我雖不守此險齋。當查問聖教會定命之公齋。向來如何遵守。可曾享獻於天主。否。可曾望主。准爲補贖否。可曾自己。常存克己之念否。 一。身壯則心濁。不守齋以克抑之。何能寡欲清心。肉身乃三仇之一。雖德至聖人。必

常守嚴齋。常服苦衣。常做苦工。更有加倍刻責者。汝惟順爾肉情。難避肉情之害。一。倘或本身虛弱。不能守齋。難道不能斷絕所戀之端麼。難道不能守目之妄視。舌之妄言麼。此齋何妨虛弱。大益靈魂。請看古來無罪之聖人。加工刻苦。我等大罪人。反不肯受些微之苦。是何道理。聖人慎悔小過。我等不悔大罪。是何主見。

當務之求 爲聖教廣揚

祝文 救吾者天主。聽受吾禱。吾樂爾聖童女歐弗辣西亞瞻禮。望以誠心。得受訓誨。爲爾子耶穌基利斯督。亞孟。

十四日 聖留斌 主教

警言○有人向吾。頻呼吾名云。我主我主。若人弗輒克望升天。惟  
遵從在天吾父旨。斯克升天。 聖經

聖傳○聖留斌本貧人之子。以牧羊度日。欲識文字而不得其門。偶遇修士。給以二十四字母。習之未久。明悟忽開。求入義學。讀書數年。本來聰慧。更兼刻苦用工。何難通徹。學問既優。又求入修院。謹守修規。懇勸諸務。望重一時。且善於講勸。語必動人。異端向正者。不計其數。所顯聖跡亦多。本地主教聞知。倚爲輔佐。由末秩而累陞鐸德。及主教謝世。公同舉授聖人。欲避不能。勉順輿情。遂居此職。任事之後。更加謹慎。常勸罪人改悔。常救貧人困厄。且蒙天主格外寵恩。一人中風垂死。一

人暗啞八年。皆求之立愈。更有甚者。一女負魔。暗牽聖人之衣。魔卽遠遁。一婦已死。至送殯時。聖人求主。應命而起。一鐸德病危。求聖人終傅。禮畢。語云。汝病即痊。後將接我重任。果然不久。聖人升天。眾因遺命。卽舉此鐸德以承之。時天主降生後五百五十年。

### 宜行之德 祈求

聖思 一。求主而不得所求者。無他。因不明祈求之尊貴故耳。吾人如此卑。如此賤。天主如此大。如此高。世上若有一人。能求天主。誰不恭敬。誰不到眼前。常常用彼情面。以得所求。今天主將無窮無盡之恩。許與吾人。不論何時何地。准其所求。此恩之尊貴。誰能當耶。又誰不能當耶。請熟思之。一。祈求之恩。竟如天國之鑰。一開便得。若不信如此容易。爲何一經聖人祈求。就有無數聖跡。明係吾人。甘心辜負此恩而不用。

耳。吾主耶穌常勸吾人祈求。併示吾人易得之法。以謙德而依耶穌功勞求之。無有不得所求者。何故不用此易得之法。一。若人能知祈求之樂。必然心中常想祈求。因求之之時。明白主恩。仰承主愛。實聖人之大樂。爲何不求此樂。因不明。所以不求。難道你痛悔罪過時。沒幾次下淚麼。下淚之後。此中沒有樂處麼。

當務之求 爲家道平和

祝文 懇祈全能天主。爾聖留斌精修主教。每年瞻禮。加吾心虔而體安。爲爾子吾主耶穌基利斯督。亞孟。

## 十五日聖隆仁 致命

警言○夫默體耶穌五傷者。可以療心疾。併能煉昏暗而進於明達也。聖盎博羅削

聖傳○吾主耶穌。肩負十字架。赴加爾瓦畧山受死。有武弁帶兵同往。耶穌被釘已死。武弁復持戟。刺破耶穌右肋。此武弁卽隆仁聖人。刺肋後。隨奉上司命。率兵防守。以杜盜墳等事。至第三日早。墳前地震發光。石開封啟。聖人明見耶穌復活。舉身出墓。旁有同見之二兵。本地教首。聞此異事。將守墳弁兵。多給金銀。買其改口。聖人不從。於般雀比辣多衙門。報明耶穌復活實情。遂棄職遠遊。密訪宗徒。洗罪入教。更帶二兵。各處闡揚。如此七年。勸化之人甚多。協露撒稜府。兇殘如故。風聞

既確。差役查拿。併命獲卽斬首繳回。如有餘黨。一同斬決。差役未曾認識。到此地方。反向聖人訪問。究其訪問之故。役以實告。聖人云。此人現在。請同往我家。即可交付。回至家中。一面以酒食款待差役。一面以爲主致命之故。密告二兵。蒙主加恩。二兵亦情愿一同致命。此時聖人倍增義勇。就席說明。汝等要拿恭敬天主耶穌的隆仁就是我。役又查問二兵。聖人回云。此係帮我傳教之人。差役驟聞此語。不覺驚惶無措。同伴中自相顧盼云。如此好人。誰能下手。聖人毅然對眾曰。我三人甘心爲主而死。汝等原係因公差遣。何必瞻顧留連。語畢。俯首服刑。協露撒稜府之官。一得聖首。懸掛於城垣上。欲使奉教者。見而知懼。不料敬禮之人。反絡繹不絕。兇徒甚惡之。暗將聖首。投入糞坑中。充其殘刻之心。無非肆其侮辱。盡其污穢。泯其行踪。使人無從尋覓而已。天主全能。不

肯使聖人遺骸。沉淪於穢處。有一瞽婦。欲向耶穌舊跡。求主開恩憐憫。攜子偕行。行至中途。子忽病死。瞽婦進退兩難。夜夢聖人。同伊病死之子。相慰云。爾心何必哀痛。請看爾子已升天享福矣。我係隆仁。我頭現在糞坑。汝於黎明。起身前往。聞有臭氣。伏地跪求。瞽目卽開。用杖攪其坑。我頭可得。婦於醒後。遵命而行。果然兩目復明。不勝感切。謹藏聖首以歸。一時同教之友。誠心瞻仰者。莫不沾其恩澤。時天主降生後四十年。

宜行之德 恭敬五傷

聖思 一。具有良心者。只看耶穌所受之五傷。不得不愛。受此五傷。爲我之罪。五傷流盡一身之血。爲救我之靈魂。如此大恩主。還不肯以愛還愛。何以爲人。 一。不論何等引誘。真心想念耶穌五傷之恩。此引誘。

不久可散。人能得過此恩。誰肯開罪於大恩主之前。爲何被誘時。不作此想。一若在艱難時。該到五傷前。細想耶穌當日。爲我受了多少苦。多少難。我係該當受苦之人。並無耶穌萬萬分中絲毫之苦。如何算得是艱難。

### 當務之求 爲化導兇惡人

祝文 伏祈全能天主。吾敬憶聖隆仁致命者誕日。賴其轉達。加力於吾。愛慕爾名。爲爾子耶穌基利斯督。亞孟。

## 十六日 聖亞巴郎 隱修

警言○凡專務世事。而不務靈魂之痊者。狂癡莫甚焉。輕世金書

聖傳○聖亞巴郎。本庶民中之富戶。雖當成立之年。不作室家之想。因父母強其婚配。不得已而俯就之。成婚之時。豪華氣象。人人屬耳目焉。一連八日。熱鬧非常。聖人見此虛浮世態。蒙天主開心。決然棄絕。潛踪於城外。離城十里。遇一壞屋。卽定居此處。家中四路追尋。至十七日後。始得其所在。千方百計以勸之。總不回家。且周圍壘石爲牆。惟留一牖。以納親朋所饋乾糧冷水而已。所以斷外來之誘感也。在此十二年。本無弟兄姐妹。父母歿後。將家產盡濟貧窮。所留者。苦衣瓦礫之類。但肉身雖窮。靈魂愈增其富。自處雖卑。天主特舉而上之。居無何。德聲遠播。有一地方。名得尼亞。離聖人之居不遠。皆係異端。未曾歸化。主教幾番經理。不見成功。欲想聖人前往。親來牖外。准授鐸德之權。命往救之。聖人固辭不受。只求主教。許其痛悔己罪。後想此舉。明係天主之命。卽

遵依前往。多方講勸。不畏苦勞。遇有阻礙。晝夜祈求。更加無數苦工。以補彼罪。又聞舊友處。尙存有聖人家產。取以建堂傳教。在此三年。異端仇恨。日深一日。每因毀像闢邪。屢遭棍石毒毆。垂危者數次。聖人惟以忍耐之德。恩遇之。蒙主變惡爲良。由少而多。漸漸樂聞正道。聖人又留任一年。見教化已行。根基妥當。復歸舊屋。仍然砌死。魔假天神形。明向聖人贊美。聖人以謙遜之。未幾。魔復拆房放火。聖人以苦行退之。閱數年。聞堂姪女自幼喪親失教。往來匪類之中。聖人爲此。復開牆出外。扮作兵丁。住於相近處。求之不得。後遇於旅店中。屏絕眾人。善言感化。女即定心改悔。亦隨聖叔之法。覓一破房。砌牆不出。苦修補贖。又閱十年。聖人年已七十。德盛形衰。遂受升天享福之榮。時天主降生後三百四十九年。後五載。姪女亦謝世升天。

宜行之德

尊貴靈魂

聖思 一。人之靈魂。爲天主之像。是無窮無盡者。在世爲萬物之主。居萬物之上。去世爲天主之臣。享天主之福。如此之尊。如此之貴。可比世俗的榮名財利否。既然比不得。爲何常把世俗的榮名財利。害我尊貴之靈魂。 一。爲救靈魂。天主耶穌。身受無窮無盡之苦。所以個個靈魂。都比得吾主耶穌的聖血。今以耶穌聖血救贖之靈魂。爲何不交還耶穌。只爲一些快樂。就輕輕送於邪魔。豈邪魔能與汝真福乎。飢渴之人。不向富翁求食。而向餓鬼乞恩。逃生無日矣。 一。爲救靈魂。定何主意。先該不戀貨財。不顧榮名。不圖快樂。不惜身軀。還該遵奉耶穌贖我之聖意。盡心報答之。庶不負吾主大恩之血價。

當務之求 爲親戚溺於罪惡者

祝文 天主。以爾聖亞巴郎每年瞻禮。樂我等。懇祈爾。吾旣慶厥誕日。幸師厥功勳。爲爾子耶穌基利斯督。亞孟。

## 十七日聖巴弟利爵 主教

警言○予軀飴矣。予任轄矣。聖經

聖傳○讀聖巴弟利爵之傳。而深嘆天主愛人。無所不用其極也。且深嘆聖人受愛於天主。亦無所不用其極也。聖人係厄郭西亞國人。父母俱在教中。時值亂離。人多劫掠。聖人自十六歲起。五年之間。被擄三次。眼見二親受殺。身遭無數顛連。非天主特恩存留保護。萬難幸脫。

強人之手。一離兇黨。潛奔拂朗濟亞國。至叔父聖瑪爾定處。安居三四  
年。嘗聞奕爾耶弟亞島中。未蒙聖化。天主屢動其心。復自慚無德無才。  
特差天神。命其前往。明知島人野惡。聖人惟遵主命。不畏其難。預備十  
年。起身至島。頭一次。如墾土開荒。未曾收穫。仍回拂朗濟亞。又越數年。  
聖熱爾瑪諾。授聖人以主教之位。往居此島三十二年。深知土人頑蠢  
無知。難以語言感化。特用天主全能。只發一命。立誅首惡三人。一係被  
魔憑空縊死。一係從天降火燒死。一係裂地陷坑而死。且已死之人。往  
往一言而復活。許多瞽目。只用一語而即明。無數垂危之病。莫不應聲  
而愈。逐鬼驅魔。移山開路。旱地出泉。種種靈蹟。不可數計。從未見若此  
之甚也。好像天主的全能。竟在聖人手內。從心所欲。無小無大。咸順其  
指揮。且頭一件最大的聖蹟。變化人心。同歸於善。能將極頑極蠢之區。

改爲禮樂文明之域。似此立德立功。真可謂至極而無以復加者。當知此恩從何而來。因聖人生平熱心向主。形身雖在人前。靈魂常在天主之側。只看他時時刻刻。不斷手畫聖號。遇見聖十字。即俯身跪伏。逢主日。不敢動作。嘗云。此日總要完全恭敬天主。外貌如此。則內情之真切。更難言語形容矣。可知最多之靈蹟。正合最盛之熱心。俾知天主之恩。與聖人之行。相得而益彰也。有一年。守四十日大齋。竟如吾主耶穌所守之齋。點水不入口。爲守此齋。居於絕高山頂。天主賜聖人眼見救了無數人之靈魂。彼時有人登山叩謁。聖人與之談道。將仗一築。成一深阱。阱中有痛苦呻吟之聲。如從煉獄中出來者。滿齋後。在一草萊叢棘內。發出一堆星火。其狀如燐。從此火中顯一天神。示其終期。第二日。卽升天享福。時天主降生後四百九十年。在世一百一十八歲。

### 宜行之德

#### 事主之樂

聖思 一。世俗的主子。心內原有罪根。罪根內發出之命。或難做。或做不得。或不合道理。雖然如此。人必遵命不違。天主之命。惟有十誠。係真道正理之大元。修德立功之大路。吾人利益。只此而已。如此之命。爲何不肯隨行。 一。天主聖佑。助我爲善。無非免我艱難。加我快樂。從前聖人之表。亦無非引我追隨。去我畏懼。爲何不信不遵。 一。請看世俗之賞。能除晝夜勤勞之苦麼。能平炮矢刀鎗之險麼。人皆欣然從之。不以爲怪。獨不想世賞多大。况大亦不久。且多有徒勞未得者。尙忘其苦險。樂此不疲。德行之賞。無窮盡。故稱永賞。無變更。故稱定賞。肯要卽來。爲何不肯要。設有一二肯要之人。又不肯欣然樂從。這是什麼緣故。自己亦難自解。

當務之求 爲冷淡者

祝文 懇祈全能天主。爾以聖巴弟利爵精修主教。每年瞻禮。加吾心虔而體安。爲爾子耶穌基利斯督。亞孟。

十八日 聖歐落日鐸德 聖女祿格肋濟亞童

身致命

警言○哀矜者乃真福。爲其將蒙哀矜已也。 聖經

聖傳○聖女祿格肋濟亞。係回回之女。因依西巴尼亞國。被回回搶劫。其親即在此而生聖女。至十餘歲。與親戚之女相善。女本聖教。常以正理勸之。遂棄邪歸正。密領聖洗。且熱心爲主。情愿致命。久之。父母

知其不隨回教。用無數方法。望女改心。聖女堅持愈顯。父母轉愛爲仇。重刑笞責。幾乎致死。聖女滿心樂受。有親戚之女。勸令離家遁避。遂潛投於鐸德歐落日聖人處。聖人輪派各教友家棲身。聖女隨寓而安。苦行嚴齋等事。日行不倦。適在堂誦禱。被伊父母訪知。率眾擒拿。先殺鐸德。後將聖女交與回官究治。官命改教。聖女不從。立時斬決。拋屍河內。浮而不沉。教友謹殮葬之。時天主降生後八百五十九年。墓上靈跡甚多。

宜行之德 慈憫

聖思 一。吾人處世。最宜慈憫。遇有或病或窮者。卽用此德救之。當知此德。原依天主而來。倘不能救。求主救之。汝今有此慈憫否。 一。罪人雖富貴。雖享世福。更該慈憫。因他不知其害。我豈可知而不救。受勸者。

固當苦口良言。剖心瀝血以救之。不受勸者。亦當直言靈魂之害。求主開明其心。只看耶穌爲免我害。受了無窮的苦。我爲自己的親戚友朋。不該出力麼。一且慢說別人。汝自己。不該慈憫自己麼。汝曾認得自己的罪否。若苦若窮。須看耶穌之苦難。須看聖人之哀淚。必能忍耐。若認得己罪。必能改過。必能補贖。豈有熱心慈憫他人。而不慈憫自己之理。

### 當務之求

爲遭苦難者

祝文 天主。爾德能靈異中。不棄弱女輩。賜致命者榮勝。懇賜吾等。慶爾聖祿格肋濟亞童女致命誕日。因其遺表。躋爾臺前。爲吾主耶穌基督。利斯督。亞孟。

## 十九日 聖若瑟 聖母淨配

警言○在天恒求。恒保世人。聖伯爾納多

聖傳○中國迤西數萬里。皆當寒暑適均帶下。自古迄今。王國名區。繡壤相接。中有加理肋亞所屬納匝肋府。卽若瑟聖人生長處。聖人爲本國達味聖王二十六代孫。父名雅各。時王族失位已久。貴賤富貧。與民無異。聖人甘心末技。以樅匠謀生。惟因睿智由於性成。胎時滿承主寵。遂首開卒世童身之願。真生知之大聖。只看後來。爲聖母瑪利亞之淨配。爲降生天主耶穌所稱之父。明知聖人未生前。蚤蒙天主預簡之恩矣。遵照遺編翻譯。瑪利亞年十四。例當擇配。司教雖知其不願。而國俗難違。合羣聖殿。主求決疑。臺上忽發大聲。當覓達味王之後。眾共

凜然。不知所從。司教卽傳王族之宗長。令將本族未娶之人。明日。各執樹枝入殿。求主明示。如係此女之配。枝卽開花。次日。如命而行。惟聖人手內之枝。驟發美花。眾甚異之。二聖仰遵主命。配爲家室。時聖人年已四十餘歲。歸後。卽與聖母立誓守貞。名則夫妻。實仍兄妹。全滅肉情。同修神業。故至今恭稱爲聖母之淨配云。誠生民未有之事。後雖不乏繼美之人。然皆倚賴聖恩餘蔭。若論純一無瑕之極功。自開闢以至終窮。再無第二人。可比聖人之潔也。越四月。聖母領天神之報。天主聖子。降孕成胎。聖人懷疑不解。天神告知其故。愈深敬愛之誠。耶穌聖誕後。聖人同聖母。敬拜於馬槽。耶穌依古禮受割。聖人耳聽啼聲。目觀聖血。不勝痛心。暴君黑落得因三王來朝耶穌。潛起逆謀。聖人蒙天神指示。急攜母子。連夜登程。疾行一千五百里。避至厄日多國。行乏餼糧。居無寧

處。做工度日。如此七年。後雖歸還本地。然貧苦經營。終身鮮一日之安。每年赴京瞻禮。不遠四百里之遙。是年。耶穌一十二歲。同聖人赴京。歸時不見耶穌。協同聖母。跋跣憂勞。閱三晝夜。耶穌年至三十。正屆授徒傳教之期。聖人已七裘有餘。赤手劬勞。畢生盡瘁。仰見高年久役。巋然德備功全。遂於春分前一日。安臥枕裯。合掌而逝。聖母耶穌左右送之。主命多神。扈從聖靈於古聖所。又命天神。殮葬聖身於若撒法谷。及耶穌受難復活。聖靈卽離古聖所。現慰聖母。後隨耶穌同升天國。此聖人生平之大略也。或疑聖人與聖母。各守童貞。何必多此淨配。豈知事因功而後顯。功因事而始成。今統計人世中最大之事功。未有過於天主降生者。卽可知人類中最大之事功。亦未有過於聖人之淨配者。魔知救世主生於童女。一有淨配。可塞邪魔之狡。人見無夫生子。必擊石誅

之一有淨配。可除國俗之疑。居家不免日用。避難不免奔波。一有淨配。則助理得人。伉儷奉爲常規。守貞反爲不合。一有淨配。則永垂善表。由此觀之。聖人淨配之功。正所以仰成天主降生之事。天主降生之事。正所以丕顯聖人淨配之功。故論者謂天主於諸聖中。特設三冕以榮尊其品。一致命。二童貞。三師保。惟聖若瑟兼備三冕而各極其至。因其粹避暴君。畢生艱苦。遠勝一時致命之功。日與聖母同居。如冰之清。如玉之潔。內外俱純。形神盡粹。並不似後人強持獨善之童貞。事主升天之道。修身克己之功。超性踐形之理。莫不身體力行。口傳心授。永爲後世眾聖眾師之師聖。至於主保之恩。有求必應。靈蹟普遍萬方。今中國特奉爲主保。所傳七苦七樂之經。誠心虔誦。受益甚弘。昔聖伯爾納多曾大聲諭眾曰。天國諸聖。除聖母外。惟聖若瑟之位爲第一。語際。空中特

降金十字於聖像之頂。印証此言真確。可知聖人三冕。不獨兼備而各極其至。乃千古不易之論。後賢顧名思義。詮解若瑟二字。本有與日俱增之奧旨。又解納匝肋地名。預含保守聖奇花之妙喻。名稱其實。地傳其人。雖一字之微。而奇文深遠。至矣哉。

宣行之德 恭敬聖若瑟爲中國主保

聖思 一因聖若瑟至淨至謙。天主特恩簡選。授以鞠養耶穌之大位。可知淨謙二德。係諸德之美基。人要升天而不淨不謙。失此美基。斷不能別求捷徑。今爾心之潔淨如何。謙讓如何。 一聖若瑟眼前。常有耶穌聖母。所以愛敬耶穌。愛敬聖母。最爲容易。今我們要得耶穌聖母之恩。亦如聖人。常存心內。常在眼前。刻刻不離。獻其行事。時時不斷。勉力神工。何難求聖人之佑。何難享天主之榮。汝果一日到晚。不離不斷麼。

一。聖若瑟臨終。左耶穌。右聖母。善終之聖寵。無有出其上者。故聖女德肋撒云。求聖若瑟不論何恩。萬不失一。今吾人最大之關係。莫過於善終。聖人愛人勝於愛己。若果每日求賜善終之恩。必能將當日自己善終之聖寵。轉求天主。推愛於人。汝今每日曾求此大恩否。

### 當務之求 爲臨終者

祝文 伏望吾主。荷蒙至聖母淨配之功績。翼衛我等。吾力所不能。惟賴其轉達。莫不允獲。乃爾與天主罷德肋。及天主斯彼利多三多。爲一天主。均生均王。世世亞孟。

## 二十日 聖若亞敬 聖母之父

警言○魔極卑。故喜高。喜傲。主極尊。故喜卑。喜謙。人之所向。將誰

從耶。聖伯爾納多

聖傳○聖若亞敬之祖。或爲國王。或爲先知聖人。乃最尊最顯之名族也。娶聖亞納。亦貴家女。多年無孕。古教風俗。凡人求子。俱望天主降生。聖人雖不以此爲意。然祈主之心。未曾少懈。一日。虔具獻主之物。至堂恭進。古教主祭者。收其所獻而斥逐之。謂無後嗣之人。恐係天主所不愛也。聖人心平氣和。不獨不怨不尤。天主之前。更加熱愛。協同聖婦。誠發願心。倘賜一兒。必獻於主。發願後。聖人潛入野山。嚴齋四十日。天主鑒其誠切。齋滿。命一天神。示以俞允之恩。併云。賜汝一女。能平大

地能樂天堂。聖人不勝歡欣感戴。回告聖婦。豈知聖婦早蒙默啟。又聽此言。更增其樂。同心欽謝。不久果然得孕。所生之女。卽聖母瑪利亞也。甫三歲。夫妻二人。送至聖堂。獻於天主。以酬前願。聖人目覩瑪利亞。超出本歲之能。自登高階十五級。心中樂莫大焉。時已五十餘歲。得此一女。所願已足。不復再望別恩。惟望主賜其早離塵俗而已。故爲日無多。卽坦然長逝。

宜行之德 勉爲天主繼子

聖思 一。耶穌基利斯督。係天主真子。拜天主之人。因得天主聖寵。蒙主收爲繼子。是明明白白。奉天主爲繼父。尊耶穌爲繼兄。望天堂爲家產矣。興言及此。世間高貴之業。未有過於拜主之人。享父兄無盡之榮華。得天國常生之樂利。難道還不能滿爾貪心。反要愛戀世間有限之

福麼。萬物雖多。不過供爾眼前使用。何福之有。一。既爲天主之繼子。行事必爲繼父之光榮。纔合孝順之義。假如所行同屬愛人之事。若係爲主而行。小善亦得天堂。倘係爲人而行。或另有別意。大善亦俱可惜。因人不肯賞汝。併不能賞汝。何苦棄去全能全智。至善至公之父兄。而反向無用之人。勞其心力耶。一。若能盡繼子之本分。爲天主之光榮。決不怕世人之害。請看世俗之害。俱從驕傲受用而來。今我不談世俗之言。不愛萬物之美。不想外人之稱贊。何害之有。但須自己查問。一查問。果然如此否。果然如此。肉身靈魂。均受其福。然後知天主繼子之尊榮。難以言語形容也。

當務之求 爲童幼無知者

祝文 伏望天主。爾於眾聖之中。預簡聖若亞敬爲聖母之怙恃。今日

恭遇慶辰。用申頂感。幸爲我等之主保。常賜轉禱於天主。耶穌基利斯督。亞孟。

## 廿一日聖本篤 隱修

警言○避彼醒寤。眞福役輩。聖經

聖傳○聖本篤係意大利大里亞國世家之子。族尊而富。且爲道德之宗。聖人生本善良。加以幼承庭訓。謙慎寬和。勝於老成宿學。自羅瑪從師而後。卽定棄財絕色。遁世入山之意。乳母稍知其故。有出必隨。一日隨至郵庄。乳母欲取水解渴。借甕以汲。失手墮碎。聖人因借物不可不償。而一時又無計可施。伏求天主鑒憐。忽然碎甕。完整無痕。眾共異之。

將甕懸掛聖堂門外。以表主恩。聖人深慮將來。名稱漸盛。阻滯愈多。遂暗離乳母。訪隱士落瑪諾而就正焉。既受訓言。即前往最深之洞。獨處三年。惟落瑪諾數日一至。至必搖鈴垂索。始能進些須之蔬食。一年。遇耶穌復活瞻禮。司祭者照規大賚。夜寐。忽巨聲嚴責云。汝何具賞安眠。本篤爲我飢餒山洞中。無一知者。司祭忙攜食物。不知所往。既蒙默照。引至洞前。聖人明知主命。出洞坐談。慰勸良久而別。但司祭雖尋路出山。不能再往。後有牧人。放牲荒野。遂遙見之。疑爲獸類。急奔至洞。知係隱修。卽以餼糧饋奉。從此僻道遂通。聖名洋溢。晉謁者日多。近山原有修院。適院長去世。眾舉聖人接替。強辭不獲。蒞事後。內有難服嚴規之人。陰謀毒死。聖人舉盃已覺。恭畫十字。卽時盃破酒傾。因向眾云。素知爾輩不能守我成規。何以強爲。請另立他人。仍欣然還洞。四方老幼。就

學如雲。聖人仰承天主教育後賢之意。卽於山頂。建立修院十二所。每所雖有院長。仍早晚周巡。初學幼年。猶不容寬假。各院離水甚遙。聖人指地取泉。清流應命而出。至今大旱不乾。似此盛德大業。邪魔妬甚。初作鳥形煩擾。聖人畫十字逐之。忽來淫念。愈滅愈炎。遂赤身旋繞於棘茨中。遍體鱗傷。天主嘉其克魔之猛力。邪焰永除。後遇惡黨。再設姦謀。惟遠避之。又所收毒膳。密喚烏鴉。啣投荒野而已。旋聞惡黨屋坍壓死。聖人深憫其未及改悔。併懲勸門徒。仇人被害。宜痛宜憐。借此快心中魔計矣。山旁有二邪廟。聖人燬像去臺。建堂事主。魔現醜容厲罵曰。爾我何仇。如此暴虐。聖人叱之卽遁。築基取石。忽然眾力不移。聖人知爲魔所憑。畫一十字。住手卽退。廚人以木雕邪像爲薪。驟延猛火。聖人知爲魔幻。求主卽熄。聖人默想時。見眾魔怒發。亟呼眾預防。語未畢。牆倒

眾奔。一人被壓而死。肉糜骨碎。聖人求主垂憐。頃刻整身復活。眾見一  
醫。飛騎入門。竟無影嚮。忽然老幼氣塞垂危。聖人以手擊其耳。即安。一  
日。默覩黑魔。牽一幼徒衣服。往院究查。始知此徒。不務神工。優游堂外。  
卽朴責之。魔計遂平。此等克勝之事甚多。畧舉數端。卽知聖人倚靠主  
恩。畢生無懼無憂之大概矣。至若神明預照之奇。獎勵勸懲之德。更不  
一而足。門人罷辣齊篤。山下被溺。聖人閉目自知。亟命他徒貌祿往救。  
見友隨浪飄流。貌祿卽飛奔水面。握髮抵灘。回想情形。如行陸地。聖人  
褒其聽命之誠。不肯歸功於己。一徒本係大家。忽因侍立。遂起傲心。聖  
人洞鑒其隱衷。命畫十字以去驕矜。隨令在旁隅坐。他人問其故。猛然  
色赧面紅。抱慚請罪。方知有德則尊。無謙何益。又一徒。改志求歸。聖人  
訓諭不從。既出路。遇毒蛇。欲吞噬之。卽時悔懼奔回。堅心卒業。一日。徒

眾自外而歸。所行俱隱諱不言。聖人一一詳示。留飲何人。坐食何地。餽  
幾品。酒幾尊。某某談何言。某某論何事。眾皆伏地哀求。嗣後不敢些微  
欺隱。一徒傳教而歸。聖人知伊私收所贈。責其以道圖利。重飭之。舊友  
遣僕送酒二罇。僕匿其一。臨行。聖人囑云。所存之酒。汝當留心。勿妄用  
以取禍。僕人負愧奔回。開看罇中。惟一大蛇在內。驚駭之餘。追悔無地。  
適遇歲荒。聖人遍行賑濟。不遺餘力。有一乞油之人。管事者因存油甚  
少。復之。聖人懲其吝嗇。令將油瓶投於樓下。豈知此瓶從高墮於石上。  
並不破傷。油還滿注。以驗聖訓之真誠。院內膳糧不接。聖人諭以明日  
必多。果然翌早。食物盈門。並不知從何而來。國家遭北鄙之兵。欲就聖  
人籌畫。先令寵臣偽充以試之。聖人笑視云。請去爾非分之服。用詐奚  
爲。其臣失色趨回。王即親來。俯身叩地。聖人盡禮恭迎。勸其悔改前非。

告以未來凶吉。及終世之期。無言不驗。由此以推。聖人雖負形爲人。而直通竟同天神矣。每年往姐一晤。交相勸勉。此次姐因日暮強留。聖人固辭不允。姐卽默求天主代留。忽雷雨大作。知係主恩。遂止宿叙談。以慰賢姐之心。留至三日。豈知賢姐無病而終。目覩靈魂潔如白鴿。上升於天。是舉也。不獨姐之殯葬。托付聖人。併使聖人友于之愛。毫無遺憾。仁慈大主之恩。何若是之深且摯耶。及聖人終期已至。六日前。卽通告門徒。預備開墓等事。臨終之日。猶親詣聖堂。恭領聖體。特發叮嚀勸戒之言。極其諄切。言訖。心目仰天而逝。年六十有二。時天主降生後五百四十二年。門徒有獨居默道者。目擊聖人。光華上陟。貌祿在拂郎濟亞國。遠離數千里。見一條顯明華麗之大路。自地至天。有聲大呼曰。此本篤聖人升天之路。其餘弟子。或在他方。或居近地。人人俱覺精力倍增。

雖有舊管。恍然若釋。葬後。顯靈最盛。院中聖哲比肩。所定修規。迄今奉爲寶範。

宜行之德 避靜

聖思 一。聖本篤遠離世俗。藏身山野中。苦修終世。汝亦久已明白世俗之險。爲何還信還愛。若說不愛世俗。爲何現在不愛苦修。爲何現在不信從前明白之險。若說愛非真愛。不獨自己不信自己。還要自己哄騙自己。可望升天麼。 一。聖本篤不肯愛世。普世反共愛之。王公大人。鴻儒碩彥。莫不敬之求之。汝肯愛世。奈舉世無一肯愛汝者。榮華不愛汝。財帛不愛汝。縱然汝愛愈濃。彼之遠離愈速。縱然彼不遠離。又恐汝之離彼。更快如飛。惟有聖人。因棄而得之法。百無一失。爲何舍此而不爲。 一。聖本篤爲修道之冠。故能端立聖堂。升天於衆友之前。今汝何

時去世。怎麼樣去法。可知道否。既不能知道。爲何不學聖人之德行。

當務之求 爲隱修會士

祝文 望主。聖本篤。值會轉達。扶佑我等。吾本力弗克。賴其護翼。即獲。爲爾子耶穌基利斯督。亞孟。

## 廿二日 聖婦加大利納 童身

警言○耶穌釘死之時。凡受造之物。莫不徵痛徵憂。如日暗。地震。石碎。墓裂。皆是也。獨人。正彼所爲。以降來受死者。偏不發悲耳。聖盎博羅削

聖傳○聖婦加大利納。係思物濟亞國聖后彼理日大之女也。因

胎教甚嚴。故性情最潔。知識稍開。即托居修女院中。涵育精修之道。及長。父王擇壻以配之。雖志存貞潔。而父命難違。成婚之日。聖婦瀝陳貞德之美。蒙天主聖母。佑啓其夫。即向聖臺前。誓爲兄妹。永潔以終身。惟聖婦之兄。常以世情俗務。多方引誘。欲轉移其志。豈知聖婦善迎兄意。不獨不從所引。併感化親嫂之心。進德修業。崇儉棄華。竟作離塵之想。父王徂落。母在羅瑪。聖婦辭夫依母。未幾。夫亦早世。從此母女相依。久居羅瑪。生平自視。如在萬萬人之下。故服役卑躬。習以爲常。因本心所深愛者。惟謙惟讓。後人欲表彰其德。亦難於讚美。都人久蒙神化之功。大受漸摩之益。每日默想耶穌苦難神工。約有二時。一次見白衣女子。光耀非常。向聖婦云。我係汝嫂。蒙汝化誨。今於此時去世。幸獲安所。後接本國訃音。正合所見之時。最後。又陪母往協路撒稜。朝拜耶穌遺跡。

統計聖婦遠離故國。二十五年。俟母在羅瑪府升天後。扶櫬還朝。所到之地。沿途顯跡甚奇。入境之後。靈跡更多。國王協同主教。仍令聖婦親往羅瑪。陳明教宗。請尊故母於聖品之列。旅居五載。事畢始歸。歸後。因年暮久勞。自知終期不遠。每日行告解。併總察一生之缺失。領聖體。傅聖油。於春分日。泰然長逝。生前死後。人人敬服。所行聖跡。俱歸功於后母。從不肯以好處自居。往往人力難施之事。天主常加恩以顯揚之。聖婦則愈謙愈下。惟同大罪人而已。故天主於終世之日。特顯明星。晝夜皎然。及葬而後退。時天主降生後一千三百八十一年。

宜行之德 默想耶穌苦難

聖思 一。吾主耶穌。係萬世萬民之大主。因立表勸人。在十字架上。滿額無非鋼茨。四肢俱是鐵釘。剝盡皮膚。遍身腫爛。流完汗血。心肋俱崩。

如此之表。可曾問過心中。情願跟隨萬一否。恐怕心中情願的。是快樂。情願的。是遠離艱苦而已。這樣心腸。如何能合耶穌之表。一。耶穌明知受了無限之苦。仍與無數之人。毫無干涉。明知眼前兇惡之徒。斷絕天主之仁慈。明知架前聖母。利刃攢心。所以耶穌心內之苦。還比外苦。更難更痛。請想此苦。爲誰而苦。我雖不能報答。難道還該混入毫無干涉之中。斷絕天主之仁慈。增添耶穌之痛苦麼。一。耶穌甘受諸苦。總爲救我靈魂。不下地獄。除了如此大恩。誰能自己升天。欲報此恩。必該失命立功。今不但不失命。不立功。還有多少得罪處。這樣背叛大恩。何以爲人。

當務之求 爲外方人

祝文 天主。爾德能靈異之中。不棄弱女輩。賜童身者榮勝。懇祈我等。

慶爾聖加大利納童身聖婦誕日。因其遺表。躋爾臺前。爲爾子耶穌基  
利斯督。亞孟。

## 廿三日 聖未爾多連等 致命

警言○目擊所刺者。聖經

聖傳○聖未爾多連。原係亞斐利加人。在加爾達熱府居官。爵位  
最隆。本國君溺於邪說。傳命順從。重加陞賞。聖人回稱國家之事。從來  
無心不盡。委命致身。未肯一毫瞻顧。天主耶穌。爲萬民之大主。敢不推  
忠君愛國之心。以愛天主耶。倚賴全能大主。久已情愿舍身圖報。不畏  
艱難。若說背此大恩。順從異教。萬萬不能。當卽差官拿問。先用答刑。繼

卽殺之。有弟二人。懸掛空中。兩足墜以重物。如此一日。一弟難於忍受。求賜少寬。一弟卽云。此言與吾主耶穌相反。如何使得。不久可蒙永賞。爲此永賞。受不得些微之苦麼。其弟卽轉口向眾云。我先大錯了。汝輩不論何刑。悉憑處治。我俱甘心樂受。衆卽鞭棍重笞。二人俱全體剝傷而死。同時還有兩客商。亦爲主致命。時天主降生後四百八十四年。

### 宜行之德 尅苦

聖思 一耶穌爲你受盡無窮之苦。你若良心不滅。肯信此苦救我升天。其恩甚大。不該圖報此恩麼。爲報此恩。不該甘受些微之苦麼。請看歷來的聖人。爲隨耶穌之表。或一時。或終身。未有不受苦者。今你受了什麼苦。惟想事事皆如己意。不肯一毫尅苦。當知除了天堂。不能如意。你既要享世上一時如意之天堂。怎能彀還享永遠如意之天堂。一。

耶穌苦像。就是我們的明鏡。照面一想。就是我們後日升天的本來面目。從頭至足。無處不傷。自生至死。無日不苦。爲祖爲師的。尙然如此。纔得升天。難道爲子孫。爲徒弟的。到另有一條岔路麼。失去本來面目。必然寸步難行。一。肯行尅苦之路。卽免尅苦之難。其法。先當斷絕自身之快樂。後當回看耶穌在世之艱難。更當圖報耶穌救贖之大恩。具此三者。雖尅苦至於失命。亦不爲難。况耶穌仁愛寬弘。不必定要我們失命。纔爲尅苦。只要你克去己私。安分度日。熱心守誠。愛主愛人。就與那失命的尅苦一樣。又何難之有。

當務之求 爲行善不終者

祝文 天主。爾賜我等。敬憶爾聖致命者。聖未爾多連等。誕日。望爾彼居永福之域。使吾偕樂。爲爾子耶穌基利斯督。亞孟。

廿四日聖保祿 主教

警言○贖我者受死。使我亦不懼死。自死中復活。使我信望。亦能

復活。聖額我略

聖傳○此保祿聖人。乃宗徒保祿之弟子。本係羅瑪都城之巨族。奉差管理西比里亞島事務。有邪術人。名熱里瑪斯。假充先知。從旁蠱惑。宗徒保祿同巴爾納伯。傳教至此。聖人即欲往謁。邪術人阻撓不聽。相晤時。宗徒保祿明言異教邪神之偽。聖門真實之光。邪術人同在坐中。恐信而見棄。妄言混辨。宗徒保祿逆知其心。即嚴叱云。此聖混亂正道之人。實邪魔之子。義理之仇。我倚天主之權。罰汝雙目失明。不能得見太陽。此即所定之時。語甫畢。邪術人已成瞽目。求人扶掖而去。聖人

見此靈跡。立時感化。受業於宗徒保祿之門。領洗後。遂作辭官修道之謀。越一年。回至羅瑪。在宗徒保祿處。助理教事。又越兩年。宗徒保祿有依西巴尼亞之行。酌派數人同往。聖人在內。行至拂耶濟亞所屬之納爾保納府。本地懇求甚切。遂付聖人以此地主教之位。留駐多年。化人亦眾。升天後。列居聖品。

宜行之德 篤信

聖思 一。何爲信德。人人都說不見而信者。謂之信德。還該知道不見不明。而能深信不疑者。纔可謂之真信德。如三位一體。天主降生等。深奧之道理。誰能知道。誰能明白。旣然自己不知不明。又誰能講解貫通。天主之性。天主之行。若可言語講明。非天主矣。然則如之何。曰。若非天主所命。雖眼見極明之事。多虛浮而不實。若係天主所命。眼雖不見。心

雖不明。必該信其真實而無差。篤信之外。不可再生別念。一。人人都說眼以明爲貴。還該知道眼有以不明爲貴者。引我犯罪之事。不必求明。亂我德行之心。更不必求明。如橫財污樂。皆從眼而入。心謙志潔。皆從眼而遷。眼之爲害。大矣多矣。若門戶然。常管常關。尙憂疎失。倘有門而時時不閉。與有眼而事事求明者。其害相同。一。他人錯處。亦不必求明。只該看他的德行。看他的善功。還該看自己大不如他。如此而行。可免談他人之過失。可免生自己之驕矜。併可免審判之日。不添別罪。

當務之求 爲旅人祈主

祝文 懇祈全能天主。爾聖保祿精修主教。每年瞻禮。加吾心虔而體安。爲爾子耶穌基利斯督。亞孟。

## 廿五日 聖離沙爾 幼童致命

警言○基利斯當欲學基利斯督。卽以基利斯督。聖伯爾納多

聖傳○天主降生後一千一百八十年。拂郎濟亞都城內。有孩童離沙爾。因致命而成聖人。此古今不獲多見之事。謹詳述之。聖人係客爾之子。知識稍開。卽能誦父母所教之聖經。與他兒大不相同。年十二歲。當巴斯卦瞻禮前數日。都中有如德亞國人。偶見之。延至室中。圈入地窖內。問你父母所教何理。聖童回云。我信惟一天主。我信天主第二位。費畧降生於童身。聖母瑪利亞。名曰耶穌。我信耶穌被釘十字架死。以救贖眾罪。教首就命去衣鞭策。手答口問。你還信天主降生否。時重鞭如雨。皮綻肉飛。聖童毫無懼痛之形。只云。汝輩能致我於死。斷不能

改我之信。黨眾即指一預備之十字架。怒示云。若再說一聲。還信耶穌。就將你釘此架上。如我們祖宗釘耶穌一樣。聖童向眾云。既要釘我。亦該寬放。教首疑爲降服。豈知寬放後。卽奔赴十字架前。橫開兩手。高聲樂道云。憑你釘我。我身之光榮。我心之快活。全在於此。教首怒發如狂。卽命釘之。又用長鎗穿破脇肋而死。聖童之父母。竟至次日。聞如德亞人。昨釘一孩。往問之。口語支吾。報官刑訊。招供如前。問屍何在。尙存地窖中十字架上。本神父卽與教眾同往。葬以聖人禮。葬時顯跡甚多。

### 宜行之德 效法耶穌

聖思 一吾主耶穌行無數聖跡。如德亞人。雖不信耶穌是天主。終不能疑惑耶穌所行之聖跡。但頭等聖跡。在變化人心。在堅固人弱。看這聖童離沙爾。雖係孩提。信心如此堅強。受苦如此情愿。非頭等大聖跡。

麼。今我有此信心否。有此忍耐否。忽聞半句沒關係的謠言。就不覺大驚小怪。偶來一點極平常的艱苦。且急忙擺手搖頭。爲何如此。難道缺少天主之聖佑麼。必竟是信主之德不真。愛主之心不誠耳。一。天主耶穌之訓。原係修己安人之正理。明知世間隨此教訓。天下平和。人人親愛。縱使別人不隨此訓之光。難道連我也不該隨麼。耶穌有言。隨我而失利者。世上能得百倍之償。世後能享永長之福。今查我心如何。一。從開闢以來。有如吾主耶穌之好表樣麼。無一德不極其全。無一善不極其至。若常常眼前得此表樣。遵而行之。誰不爲聖人。今人人都有作聖之想。爲何不隨此光明。不想耶穌常常在我眼前。面命耳提。只隨各人自己的主意。或隨世俗親朋的識見。何怪乎作聖愈難。離主愈遠也。加爾瓦畧山上。真是救世主之表。汝曾看過否。隨此表樣而行。必蒙

大益。

當務之求 爲幼穉祈恩

祝文 懇祈全能天主。吾敬憶聖幼童離沙爾致命者誕日。賴其轉達。使吾剛健於爾名之愛。爲爾子耶穌基利斯督。亞孟。

## 廿六日聖物弗蘭 主教

警言○爲己私求主。則惟爾爲爾求主。若爲眾人求主。則眾人亦爲爾求主。聖盎博羅削

聖傳○聖物弗蘭。係拂郎濟亞國世家之子。幼本善良。兼有過人之聰慧。最喜讀書。弱冠卽成博學。惟愚劣自謙。故見聞日廣。迨用力既

深。明知世情虛假。決志精修。未幾。授爲鐸德。上聞其才。留輔王室。數年後。適有主教缺人。公舉聖人接補。歷任二十年。因此方教務。已極其妥協。欲往外方開教。又恐私心不合。就正於一管院之德行人。同數修士。航海前行。聖人在船舉行彌撒。副祭偶將聖盤墮入海中。聖人即命此處取之。果然聖盤自至。從此眾人深知聖德不凡。及到開教之地。卽往謁本地之君長。講明萬物之生存。統於無始無終之大主。吉凶賞罰。惟命是行。此外邪神。盡皆虛妄等語。君雖不信。尙樂聞而歎容之。因此臣民。多有棄邪歸正者。卽君之嗣子。亦信從焉。但惡俗最頑。民間多子之家。每次輪卜。殺以祭神。聖人見一幼兒。原名阿物。被眾交送君前行祭。聖人力辨其邪。求留此子。君以舊例爲辭。眾復齊聲拒絕云。此係大禮所關。斷不可改。若此兒死後。汝敬之主。能復活之。我眾莫不信從。一面

將孩絞死行祭。一面指屍戲侮云。爾能求活耶。聖人默祈良久。繩忽自斷。屍亦倒地。卽向前命之曰。因吾主耶穌聖名。令汝好好起來。死孩應命而起。眾覩此奇。領洗入教者甚多。隨又復活二人。以証其非出偶然。又祭獻水神。亦砍一童。拋之於海。此次卜定二童。係寡婦之子。一七歲。一五歲。活拋海中。聖人求主。可憐眾迷。海忽分開見底。周圍擋以高牆。二孩俱在牆內。聖人欣然大樂。倚靠天主仁慈。竟從海水上。趨奔牆內。攜孩至岸。往回海面。同於平路。眾見此奇更甚。一時進教之人。不可數計。臣民旣然嚮化。自能感格君心。奈此君固執私情。不明公義。將欲領洗時。復問云。我祖先。或在天堂。或在地獄。何處多。何處少。聖人回云。我們自己不要哄自己。凡在世不認天主。不沾洗罪之恩者。不能到得天堂。君聞此語。勃然變色曰。旣然如此。我祖先已在地獄。我死後決不肯

離去祖先。將領洗之心。立時斷絕。聖人盡情苦勸。終於失望。越三日。猝然氣絕而亡。旁人看此嚴罰。尙未曾歸正者。俱速求付洗。居無何。蒙主默啟聖人。不久將離世升天。卽回本國主教署中。交卸本職之事。交完。身發大熱。遂預備終期。請聖體。傅終油。至第七日。默然而逝。時天主降生後七百二十年。

宜行之德 善求

聖思 一人無片刻可離天主之佑。故常常該求天主。汝之犯罪。從何而來。皆因不求主佑所致。離了聖佑。心中必不平安。內情外物之牽連。肉身靈魂之苦難。此去彼來。刻無寧晷。何暇再求聖佑。又何地可容聖佑。論其始。不過偶然怠惰。而流害至此。汝還高枕無憂。一毫不怕麼。一求主時。定該存恭敬之表。蓋肉身靈魂。合而爲人。二者豈容偏廢。請

看臣求君。子求父。尙必小心謹慎。况以人而求天主耶。今誦經時。草草塞責。不誦經時。竟付之膜外。如此可爲恭敬麼。如此而爲恭敬。難免變求爲罪。一。天主純神。重愛者。就是人心隱微之純念。今求者。多於口中求主。而心內隱微之念。或名利。或財色。無所不爲。可算得純心求主麼。可指望所求必應麼。聖西彼里盎曰。汝心不能聽汝所求之口。怎麼要天主聽汝口中之話。

當務之求 爲失聖佑者

祝文 懇祈全能天主。爾聖物弗蘭精修主教。每年瞻禮。加吾心虔而體安。爲爾子耶穌基利斯督。亞孟。

## 廿七日 聖斐肋蒙等 致命

警言○宜急於聞。而緩於言。 聖經

聖傳○聖教多難之時。厄日多國。捕拿教中三十七人。內有雅波羅尼約者。畏刑變法。以四金錢。買囑外教彈琴人。名斐肋蒙。頂名赴審。及至邪神前。天主開其明悟。就說我係天主之人。恭敬耶穌基利斯督。此係邪神。不能禮拜。官名亞連。曾聞雅波羅尼約。有一琴友。欲令挽回其心。時有斐肋蒙之弟在旁。回云。此卽斐肋蒙。官甚異之。想屬戲言。斐肋蒙認真瀝訴。情愿爲主舍生。官因素知其不會領洗。仍以戲言視之。斐肋蒙大聲呼號。怎麼此間沒有一鐸德。與我付洗。昂首仰天。求耶穌開恩憐憫。以解別人之疑惑。忽見彩雲光耀。耶穌從天而下。親來付洗。

眾皆目覩其奇。伊弟見兄如此。求官差拘雅波羅尼約。嚇以斐肋蒙之  
遭害。豈知雅波羅尼約。大改從前畏懼之心。情愿爲主。忍受艱難。官惡  
其志同道合。難以挽回。着以粗繩。穿透二人脚脛。牽走街衢。辱笑曰。天  
主有靈。爲何不救。斐肋蒙弗答。只云。以孩爲靶。攢射便知。官卽用孩試  
驗。矢發如雨。無一中者。足徵天主保存之人。無能加害。官怒。將斐肋蒙  
縛於樹上。命兵射之。箭或半中卽墮。又或懸空不落。未復倒回一箭。中  
傷官之眼目。陡遭切膚之痛。諸般不顧。只向斐肋蒙求治。答云。此時行  
不得。我死後。將我墓上土。放於眼上卽愈。官且笑且忿。立將斐肋蒙雅  
波羅尼約斬首。以消其恨。久之。忽憶前言。取土敷眼。眼卽完好光明。官  
始自知往失。歸正棄邪。事聞總王。拿京究處。改卽免刑。官反勸王認主。  
王命掘一深坑。約三丈餘。將官推入。填土活埋。且云。請看基利斯督能

救否。至晚。王入宮就睡。見官臥於牀上。所帶鐵鍊。掛於頂隔。王初懼甚。官卽回明我是亞連。埋土之時。王曾說基利斯督能救否。今吾主耶穌特於土中。攜我至此。時有侍衛四人。先蒙天主。明見亞連從土入宮之事。滿心信奉。王聽四人口氣。愈增其怒。卽將亞連與四侍衛。立時致死。裝入袋中。沉於海內。豈知天主欲顯其聖。忽有大魚。將五位聖屍。負至海灘。教中人敬收殮葬。時天主降生後二百八十七年。

### 宜行之德

慎言

聖思 一天主之人。不應口出惡言。可怪者。難管己口。易說他人。此係從何而來。必從自喜自高自愛之根所發。自愛必高。自高必喜。不談人過者。卽不顯自己之高。喜與愛。亦不遂其私。旣知如此。雖然難管。亦不得不管。害己又害人。誰能救得。一謙遜人。決不肯擅吐機巧遊滑之

言亦不肯輕發閒戲虛浮之語。因與仁慈之德相反。亦與清貞之德有損故也。一句虛言。難逃審判。何況惡語妄談。今汝言語如何。一。不如守口若瓶。可免得罪於天主。處世待人亦好。凡人不開口。卽不能識其深淺。且木訥寡言。與聖賢之工相合。人多以有德視之。少而不能甚少者。必居其次。至若多言之人。難免有失。失卽有悔。與其言後而復悔。何如先悔而少言。聖額我畧曰。說那不該說的話。不如不說好。

當務之求 爲隱修者

祝文 天主。爾賜我等敬憶聖致命者斐肋蒙等誕日。望爾彼居永福之域。使吾偕樂。爲爾子耶穌基利斯督。亞孟。

廿八日 聖婦伯而伯都亞 聖婦斐里西大等

致命

警言○宜釋宜業。而著光甲。 聖經

聖傳○聖教初興。屢遭仇害。時有二婦。一名伯而伯都亞。手抱一  
喫乳之兒。一名斐里西大。身懷八個月之孕。又有撒弟祿撒都而寧肋  
屋加瑟公多肋等四人。同被拘拿。天主特於獄內。賜聖婦伯而伯都亞  
見一金梯。從地至天。梯之兩邊。密攢尖利鋼刀。登者難免不被其鋒。且  
梯足伏一毒龍。阻擋登梯之人。惟撒弟祿不懼毒龍。奮步上登。併勸旁  
人。自心肯上。不受此龍之害。聖婦即將所見。明告於同難諸人。眾知天  
主將賜致命之恩。不勝歡欣感激。經官鞫審。共仗耶穌聖佑。竟如山嶽

之不移。官命伯而伯都亞之夫。及其親戚。善勸之。不聽。重責寄監。俱議處死。惟留斐里西大。俟分娩後用刑。眾喜同案升天。求主甚切。夜中卽產。但產時疼痛異常。大聲喊叫。獄吏笑云。此疼難受。如何當得官府的重刑。不如早先改悔。聖婦回云。此苦惟我自受。所以難當。明日之苦。有吾主耶穌同受。所以放心不怕。官知斐里西大已經生產。亦堅持不改。遂一併定案。共入野獸棧中。撒弟祿被獸嚙死。瑟公多肋被傷未死。餘皆不會傷及。官將未死之男婦。併改爲斬決。時天主降生後二百零五年。

### 宜行之德 努力神工

聖思 一。在世之時。並非常久之時。在世之事。並無常久之事。所有緊隨身後。須與不離者。惟有功與罪而已。故生前。該盡心努力。以行神工。

庶身後可望。因功而免罪。到此免罪之時。纔知道神工果有大用處。到了無功補贖。罪惡很多。不獲升天之時。纔悔恨生前爲何不盡心努力。然遲矣。無及矣。趁此一息尙存。不如早爲之計。今汝之努力如何。一。種種神工。總該爲主。不該爲人。故行工之時。須小心隨天主之命。隨天主之愛。倘此工或沾染名聞。或沾染自己。算不得神工。因世上已經報德酬勞。如何身後。還有指望。一。神工既不爲人而行。就不該怕人言語。斷去神工。設或有人議論。心中亦當快樂。果能守此規矩以爲天主。外面豈無好表動人。聖依納爵有言。愛天主之人。世俗雖然輕慢。天主必愛之。天主之人。亦必共愛之。

**當務之求** 爲怠惰於善者

祝文 懇祈吾主天主。使吾兢兢不間。敬憶爾聖婦伯而伯都亞等六

人得勝之榮。吾力弗克以合。宜誠心崇敬。望爾時時。將吾恭敬微忱。爲爾子耶穌基利斯督。亞孟。

## 廿九日 聖德樂心 主教

警言○爾懼死乎。死不顧。爾死必來。爾畏罰乎。爾能杜罰。斯已矣。

聖經

聖傳○聖德樂心。係拂耶濟亞國顯宦世家之子。幼蒙父母善教。恩勤。愛主愛人。超於本分。心謙身潔。早顯德光。從無暴怒之容顏。不較外來之橫逆。聰明過於諸子。自視無一如人。數月之課程。可勝數年之學力。未及成童。父母卽托與主教玉成之。主教喜其熱心愛主。聰慧絕

倫。不數年。名實並隆。值主教去世。接任者。欲讓與聖人。竟固辭而去。聖人遂由鐸德。公舉爲主教。卽位後。更加盡心守職。斷異端。如斷野草。滅惡俗。如滅惡風。已產常以救人。出言無人不服。晝則巡行慰眾。夜則默想祈求。人病卽救扶之。已病反以爲樂。且守齋克己。苦服苦工。終身並無間斷。至升天而後已。時天主降生後六百七十二年。歿後。眾人如失父母。不論富貴貧窮。男女老幼。莫不潸然泣下。築墓時。顯跡甚多。一瞥目人。夜間得天主指使。赴墓求之。瞥卽復明。墓前燃燈一盞。雖不加油。久而未滅。一次。被風吹熄。後復自燃。墓上常發大光。目不能視。

宜行之德 謹防死候

聖思 一預備善終。世間俗事。都不中用。惟有一聖寵聖而。除此之外。再無別項。可比聖寵的緊要。但此聖寵。既然說個預備。就該知道工夫。

全在平時。今我怎麼預備。假如此刻就死。可能得此聖寵否。一。明知一定要死。又明知死期難定。從此或得無窮永福。或得無窮永禍。定了一次。不定第二次。非同小可。既然如此。還不該斷絕世俗犯罪之端麼。還不該盡心保存天主之聖寵麼。一。既知死候之善。必須平時保存聖寵。然當知保存之法。又惟有不犯罪而已。因罪與聖寵。勢不兩立也。早上起來。該想過得今日。過不得今日。自己未能作主。定不得死期。就在今日某時。晚間安臥後。又該想見得明晨。見不得明晨。自己未能知道。定不得死期。就在夜中某刻。若說沒有這樣事。至親好友中。如此死者。不知多少。你就不該如此麼。若係一個無罪之人。常存聖寵。便死何妨。今汝果然無罪麼。果然時時刻刻。不斷天主之聖寵麼。

當務之求 爲臨終者

祝文 懇祈全能天主。爾聖德樂心精修主教。每年瞻禮。加吾心虔而體安。爲爾子耶穌基利斯督。亞孟。

三十日 聖禮爾 主教

警言○人不法聖人。不必揚聖人。重聖人。而實輕聖人。聖基所

聖傳○聖禮爾係厄齊亞國人。本非聖教。聞聖若望宗徒所傳。訪明就正。蒙天主啟佑。誠心受洗。回家棄產濟貧。追隨若望宗徒傳教。不久。即登鐸德。時值教中多難。羅瑪總王。先將若望宗徒幽禁之。繼復流徙巴得莫斯島內。聖人暫居厄弗賽府。聞羅瑪弟阿尼削要往拂耶濟

亞國傳教。欲隨附同行。遂趨赴羅瑪。教宗格肋孟德加禮以待之。准令同往。行至拂耶濟亞國所屬之亞肋辣德府。弟阿尼削將聖人留爲此地之主教。居此不越二年。有聖表以動人之觀瞻。有聖言以悅人之傾聽。被化甚多。一日。聖人舉行彌撒禮。眼見三鴿胸膛上。明寫弟阿尼削等三聖人之名。禮畢。告知教眾。派人管理教務。親往拂耶濟亞都城訪問。知弟阿尼削與二同伴之友。卽於祭臺上明顯三鴿之日。致命升天。三聖屍已密收殮葬。遂詣墓叩謁。深痛自己未沾致命之寵恩。悲感交深。不得已。忍痛出都。行六十里。遇見村農。敬禮僞神。求主醒其迷。手畫十字。口呼耶穌。舉短杖以示其威。像卽倒碎。隨語眾云。爾輩恭拜此等之神。不但不能救。加重害。欲求免害。該敬天地之主。伊等俱蒙天主聖佑。莫不回心受訓。領洗入教。臨行。一負魔人。其母求救甚切。聖人

畫聖號以逐之。行至生里府。足甫入城。獄門自啟。犯人鎖鐐自落。因此靈跡歸教甚多。地方官謀害聖人。致之死地。命巫明日行大祭之禮。不拜。卽殺之。是晚。聖弟阿尼削向官明示云。不必如此。自己要救自己。必該聽禮爾之言。官將所見所聞。私告於婦。此婦原有信根。勸從甚力。次日。巫祭將行。列排多像。擁擠多人。聖人亦至。進門即念耶穌聖名。邪像立時俱壞。眾皆慌亂。聖人感激主恩。暢言聖教之真。邪神之妄。官民一齊唯唯。惟命是從。併巫人廟祝。亦皆心服。歸正棄邪。聖人嚴齋三日。改廟爲堂。恭敬聖母。信奉之人。皆領聖水。此數日內。靈跡連綿。凡羣瞽疲癱之病。應命立除。不一而足。聖人歸功於主。愈顯謙光。故無人不敬。無人不愛。如此四十年。謝世升天。時天主教降生後一百三十年。

宜行之德 情願學聖

聖思 一願學聖人者。該走當緊的三步。置有學成之望。輕世。是頭一步。世所重者。體面。歡娛。貨利而已。孰知虛榮。穢樂。險財。皆聖人所深惡而痛絕者。我既有心學聖。只要看此虛榮。消長由人。看此穢樂。過後難堪。看此險財。死時無用。何難不重而輕。不肯輕視者。非聖人之徒也。一輕己。是第二步。肉情之私願。人人口內。容易克除。若係工夫嚴密的人。纔知道難而又難。但不輕己。連輕世亦難。所以要學聖人。要走聖人之路。未有不視己身爲己仇者。今我意如何。一仰合主旨。是第三步。經云。爾旨承行於地。如於天焉。人能到此地步。世俗可變天堂。榮係真榮。不虛而實。樂係真樂。不穢而純。財係真財。不險而安。無行不德。無德不易。所以學聖之人。日日該求天主。不許我自己做主。常引我得隨主。

命。

當務之求 爲有言無行者

祝文 懇祈全能天主。爾聖禮爾精修主教。每年瞻禮。加吾心虔而體安。爲爾子耶穌基利斯督。亞孟。

### 卅一日 聖達尼爾 客商致命

警言 ○護守於仇讐。保佑於欺誣者之輩。且與之大戰以得勝。

聖經

聖傳 ○聖達尼爾。原係熱爾瑪尼亞國人。在意大里亞國所屬之物。奈濟亞府爲商。事雖冗雜。不亂敬主之心。每日詣堂與彌撒。自己神

工。常行不缺。所得之利。必與貧人有分。謙恭以交友。克己以治身。雖在世俗之中。竟與修道人無異。離寓不遠。有聖瑪弟亞修院。地方僻靜。瞻禮誦經等事。因便常往。久之。復與院長。假一閒房。移寓院中。仍如前貿易。未幾。強人窺其富厚。乘夜進房。先將聖人殺死。盡劫其所有而去。葬之日。因德名素著。多人送喪入墓。天主特顯其升天之實據。多人內。啞者言。聾者聽。有病者卽瘳。伏思聖人。生則爲主愛貧。營財以濟眾。死因濟貧之物。被劫以傷身。夫是以餘功纍纍。靈跡影影。後人表德闡幽。列入尊崇之聖品。時天主降生後一千四百十八年。

### 宜行之德 小心克己

聖思 一人在世間。總不該片刻停止神工。雖爲聖人。日勤日進。看聖方濟各聖女德肋撒等。皆如此。汝能比得麼。不潔淨的情願。還有多少。

不滅盡的罪根。還有多少。不在心的過失。更不知還有多少。既然比不得是真。爲何不愛苦。爲何不上緊神工。一。該當明白神工之有益無益。凡各樣神工。不順天主之命者。都是虛的。雖守齋。雖救人。雖出力。只隨自己意思情愿。不隨天主之意。如何能得神工之益。故凡做神工。不該自隨己意。該隨本神父命。隨本神父命而行。就是順天主之命。不論何工。皆有大益。一。既知順命而行。又該常常不斷。只看缺少神工時。必與先不同。天主。非前日之天主麼。人非前日之人麼。爲何與先不同。須知除了天主。便是邪魔。當神工一少之時。即有多魔以補其少。當神工畧缺之處。即有多魔以全其缺。此去彼來。間不容髮。如此之險。如此之危。該怕不該怕。

當務之求 爲先勤後怠者

祝文 懇祈全能天主。吾敬憶爾聖達尼爾客商致命誕日。賴其轉達。使吾剛健於爾名之愛。爲爾子耶穌基利斯督。亞孟。

# 聖年益廣

四月初一日 聖女投爾多辣 童身致命

警言○汝等毋自言心淨。乃汝淫目。實汝淫心之証。聖奧斯定

聖傳○耶穌升天後。宗徒聖伯多祿統理教化。六傳至亞立山在位時。有羅瑪大臣赫爾默斯。素崇邪術。只生一子。延師課讀。忽遭大病垂危。諸醫無法。諸法無靈。遂擡入廟中。乞憐於土木邪神。豈知廟門甫入。卽時氣絕身亡。父之哀痛。難以言傳。悲悼回家。杜門不出。乳母病盲五載。素聞聖教之真。尙未得天主聖寵。知此變故。大聲云。爲何將我兒致死於廟。若信吾主耶穌。擡往伯多祿聖人墓上。無病不痊。赫爾默斯

怒云。爾目尙不能復明。何用妄言。乳母回云。早能信主。必不致壞我目光。乃挽人扶至亞立山前。敬陳信主之實情。領洗入教。天主全能。盲眼立時全愈。乳母樂甚而歸。命人擡屍前往。叩求亞立山曰。情愿再盲我目。復活我兒。亞立山諭云。求主復活汝兒。不必再傷汝眼。死者隨應聲而起。父見死兒復活。轉痛爲歡。更難言狀。急求付洗。受業爲徒。閤家共一千二百五十人。莫不爭先進教。此內有聖女投爾多辣。係赫爾默斯之妹也。比眾更加熱愛。授洗後。蒙聖神佑啟之恩。輕世俗。棄虛榮。將本身妝奩之產。盡爲哀矜。親友多以瘋疾目之。聖女熱心愈甚。羅瑪總王聞此一家。俱認天主。將赫爾默斯拿問收監。加以無數苦刑。時親友俱四散不前。惟聖女常出入獄中。多方慰勸。法司名基林者。係奉命監禁赫爾默斯之員。不獨不肯增其屠毒。且與其女巴爾俾納。俱真心認主。

聖女深喜巴爾俾納棄邪歸正。小心引導。故赫爾默斯致命後。巴爾俾納助力葬埋。併向聖女云。蒙主默啟。我二人皆爲主致命。但我反佔先數日。果然基林被殺。巴爾俾納同受死刑之後。始拿聖女入監。次日問官查究乃兄之財產。聖女回云。我兄妹兩分之財。盡散與窮人。所剩者。惟有我身。願爲天主而失。萬剛不辭。問官大怒。答後斬之。時天主降生後一百三十二年。

宜行之德 守目

聖思 一。目不淨。心中必不能淨。如只看世俗之難。只看病窮之苦。必致心中忍不住。既不能忍此苦難。何能淨心補贖自己之罪。又何能淨心仰報天主之恩。汝果視苦如飴。以難爲易。則目淨而心亦淨。非天主之大恩麼。 一。汝看世俗的榮華快樂。久耶。暫耶。享此頃刻榮華。受此

偶然快樂。可說得是真福麼。恐怕汝正當榮華快活的時候。這方寸中。不知多少憂愁。多少牽掛。更不知多少是非引誘。欺得人。欺不得自己。故見汝貪戀一分外福。就知汝現在。已難免十分內苦。見汝狠愛霎時虛樂。就知汝將來。難逃身後真凶。古人有言。金銀堆內。無非不淨之坑。一。汝爲何自己不看自己。昔從何來。後歸何處。眼看滿地墳塋。所藏者。豈無昨日榮華快樂之身。此時汝看別人之墳。不消轉眼。別人卽看汝之墳矣。這是一定不移。必竟就來之事。何不放開雙眼。直透神光。仰觀天上無求不得之榮華快樂耶。區區世俗之難。貧窮之苦。亦偶然耳。亦頃刻耳。若因小不忍。而失此永遠之業。哀哉。哀哉。

**當務之求 爲負罪不悔者**

**祝文** 天主。爾德能靈異中。不棄弱女輩。賜致命者榮勝。懇祈吾等。慶

爾聖投爾多辣致命童女誕日。因其遺表。躋爾臺前。爲爾子吾主耶穌  
基利斯督。亞孟。

### 初二日 聖方濟各保辣 苦修

警言○主暨師。猶洗爾足。爾然。宜相洗足。予今豎表。爾視以師。

聖經

聖傳○天主之全能。常人習焉而不覺。非常人。仰承而益顯。何爲  
非常人。如保辣府聖方濟各足當之。聖人係意大里亞國人。父母多年  
不育。求五傷方濟各爲主保。得子願繼其名。矢志興工。誠求懇切。未幾  
卽孕。生後奉名付洗。因見一目帶有殘疾。復向五傷聖人。立願祈求。兒

目卽痊。次年。又生一女。此後。矢守清貞。各居獨善。以盡事主之神工。二親表率。旣端。聖人幼儀。濟美。守齋克己。不因童穉而寬。趨潔避污。莫不言規行矩。赴堂誦禱。愛主最勤。好學力行。樂從不倦。西國以免冠爲敬。聖人雖在孩提。奉法惟謹。一日。向聖母像前。恭誦串經。母恐受寒。命其整冠勿免。回云。兒若此時。將朝國后。恐免冠之舉。母必再四叮嚀。今在天上。母皇之前。安敢借端獲罪。有時。母命他兒。一同遊戲。回云。母命不敢不從。亦不敢不樂。然我心所喜者。惟有服事天主而已。年甫十三。送至方濟各修院。入院後。從不肉食。全守院規。不論何人。聽其使喚。因此熱心感格。間有奇跡顯揚。有管堂人。命取火炭入爐。一時無器可盛。卽取衣襟。兜火而去。衣竟完美不傷。又廚人偶病。命聖人代理。爐內忘其舉火。只將生肉入於釜中。遂往堂內誦經。直至飯梆已擊。聖人始停誦。

入廚。從容送膳。諸色照常。烹調更美。旁人竟不知生者從何而熟。冷者從何而熱也。似此十三歲之兒童。叠顯未曾聞之奇事。不禁聲名洋溢。主教見而愛之。欲留居左右。聖人以不符前願爲辭。既彌一載。出院歸家。舉動極其謹慎。惟日夜安排事主修身之道。因指某山幽靜可居。求父母准其前往。二親知有天主之意。乾糧迭送。不使分心。數月後。嫌非善法。另得石崕巖穴。傍海依山。稜層峻峭。遂遷居以避之。食只野蔬。飲惟冷水。粗毡蔽體。苦服貼身。默想誦經。卽其事業。如此六年。雖多人見訪。無可爲徒者。後有二人。求爲同侶。因造屋三間。以一間供事天主。數年內。增至十二人。聖人知將來遠近從遊。必日新月盛。特創興大院。運石起工。雖一文未辦。而浩費常敷。不論貴賤富貧。弱強老幼之人。皆樂於幫助。卽病廢殘軀。明知動手必愈。莫不奮勉爭先。計所顯靈奇。更大

更多於備用之石頭。一人腿壞如癱。聖人責云。此因獲罪汝母之故。適有二牛難運之巨木。命肩負至工。癱者笑而辭之。聖人溫言慰諭云。賴吾主仁愛之恩。你也做得來。請依吾言一試。癱者挺然起負。不獨輕而易舉。且腿病全無。又一半身不遂之人。已倒臥三十年。聖人命往前取一大石。其人毫無疑畏。匍匐奔趨。不遺餘力。奮勇之時。病即釋然。院基爲大石山所碍。匠工欲鑿之。聖人舉手一推。山移地擴。碍處悉平。然聖人一生最奇之德。莫甚於內心之真切。每在衆多之羣。應對紛紜之事。純靜胸懷。絲毫不亂。承行主命。念念無違。有時在堂誦禱。兩鐸德。一隱修。見聖身大光圍繞。又有時數人同見聖彌額爾大天神。將仁愛二金字。送與聖人。且云。嗣後惟隨此義而行。所以聖人口內。一生不離仁愛。如水火氣土。樹草石山等。皆以仁愛之德命之。除病救災。勸人講道等。

皆以仁愛之功成之。惟自己律身甚苦。石枕地。寤多寐少。默想誦經。以當安息。求大恩。守大瞻禮。必空腹數晝夜以表其誠。人常傳說。每年四十日齋期。竟有一次。滴水不曾入口。又有斷殮之時。或兩日三日。或十日八日。即平常進膳。亦不過麪餅些須。清泉一勺而已。日行苦工。四時不斷。日衣苦服。寒暑不更。論者謂聖人之體。既非金石。必係全神。若仍然骨肉之軀。何堪若斯之苦行也。但處已極嚴。待人甚厚。凡各人需用之物。院內從無闕而不全。其良善寬和之氣象。更令人近悅遠來。有犯過不悔者。或善導之。或責罰之。有負病求痊者。必將本人密密之罪。明以告之。使知此罰。從何而來。務期定改。以回主怒。因先後隱微之事。俱現在聖人明見中。故人人無不心服。有西濟里亞島。求聖人按臨立院。聖人同一隱者。行至海邊。欲附舟過海。船戶索銀。必如其意。聖人無

銀可饜其求。將所服廠衣。舖於水面。二人同坐廠衣之上。順流至島。如此盛德神奇。猶有嫉妬者。猶有疑惑者。一鐸德名安當。在眾人前。極言聖人幻假。非由天主而來。且圖面見以救之。聖人早知其來。遠遠迎入。坐於火前。彼以向火爲罪。豈知聖人明識此人內涼外熱。遂握手火炭。呼名遞送曰。我用仁愛之德。使汝能持此火。安當猛然醒悟。跪求寬恕。聖人扶而慰之。畧云。人雖弱。主用之。卽爲主之光榮也。別後。常向人表揚聖人之真實。深悔昔日之妄言。未幾。亦成聖品。又教宗第二位保祿。聞知聖人奇行。差座前一主教密察之。本地主教明知聖德非常。回云。不必信我之言。須信自己親見之事。親聞之語。庶復命纔得其真。及本員往見。聖人卽云。汝之鐸德。三十有三。爲何不來傳我。奚煩玉趾親臨。主數一聽此說。卽思從前未曾覲面。亦無聞問相通。如何知之甚悉。雖

然如此。二人同坐於火前。主教仍遵教宗命。責以修規太過太嚴。似與教規不合。嘖有煩言。爲時甚久。聖人安然聽畢。緩緩手持火炭。向主教云。請觀烈火雖嚴。因天主全能。一點不能傷我。今我所定之規。亦如是。看來難受。似乎太過。恃有天主聖佑。又何難之有。主教目擊其奇。猝然感發。再叙談素行而別。回見教宗。頌美苦修。表揚盛德。不獨口碑載道。遠國莫不聞知。時有拂郎濟亞國王。第十一位類斯。久病不痊。請聖人往顧。力辭不赴。復求教宗特諭。不得不遵命前行。途間顯跡甚多。國王差員遠接。齎送多金爲路費。聖人拒而不納。嚴飭云。此係百姓之血。我何敢有此忍心。道經羅瑪。入見教宗。求准自定之規。未蒙俞允。聖人指一大主教云。今雖不允。後來此位。必肯准行。未幾。果受登庸。遂從其請。將到拂郎濟亞國境上。馳報於王。不勝樂甚。差太子遠迎數百里。先送

各種金銀器皿。後送一聖母像。係奇珍異寶而成。價值萬金。聖人一併辭却。從此誠敬愈加。不時就見。促膝談心。待從之臣。見王語畢而出。珠淚未乾。足見感格君心。深且切也。聖人明言主命難移。審判在卽。王之病體。旦夕必危。王竟樂聞此語。求聖人不離左右。預備靈魂。往見天主。臨終。只以嗣君托付聖人照管。見聖人首肯。瞑目而逝。後來接位之君。安心受教。大行聖人所定之規。此在二十年之前。聖人早已明言。將來必盛興於拂郎濟亞國。及是時。聖人雖在暮年。其苦刻。其謙恭。其仁愛。其黽勉勤行。料理教務。又歷十餘年之久。顯跡施恩。始終如一。三月之前。預知終日。靜處小房。默承主命。至聖枝瞻禮。渾身壯熱。及建定聖體日。聚眾修士。勸其盡心愛主。實心愛人。以謙讓爲本。以克己爲用等語。隨詣主堂告解。請聖體。回房。次日。係耶穌受難瞻禮。泰然謝世升天。年

九十一歲。時天主降生後一千五百七年。歿後聖跡更多。筆難盡述。

宜行之德 仁愛克己真謙

聖思 一。只看方濟各保辣聖人的表樣。絕財。絕意。絕色。以成己之仁。治肉身多病。治靈魂永苦。治升天大路。以推己之愛。今汝所行仁愛之德。可能如此否。 一。再看聖人。常守齋。常刻苦。不隨口腹之欲。不顧肢體之安。汝今克己如何。常隨己意。常嗜美餚。稍不稱心。便生忿怒。爲何不想耶穌十字架上膽醋之味耶。舍此不求而求美味。怎麼可做耶穌之徒。怎麼可望此身成聖。 一。聖人明知萬罪之根。由於驕傲。萬德之根。由於真謙。所以非奉教宗之命。不肯往拂郎濟亞國。此即真謙之本。無謙不能保存諸德。無德不能享福升天。汝心果謙否。汝謙果真否。

當務之求 爲苦修者

祝文 吾主天主。因聖方濟各保辣謙遜之德。特賜以無限之尊榮光寵。懇求天主。俾我後人。仰承遺表。勉立神功。善終之後。可得享真謙之賞。爲爾子耶穌基利斯督。亞孟。

初三日 聖離沙爾 主教

警言 ○神貧者乃真福。爲其已得天上國也。 聖經

聖傳 ○聖離沙爾。係昂利亞國人。雖無素封之家產。尙不致徹骨貧寒。迨二親歿後。遺債告官。聖人之兄。拿監追比。時弟兄久已分居。聖人並不計及。傾囊補救。事完。兄亦盡己之貲以償。旣而兄有聯姻之舉。

悔其所償太過。聖人微覺其心。一併讓還。不事生業。惟好讀書遊學。三人共賃一房。衣不能全。輪穿進館。魚肉之類。主日一殮。如此艱難。不獨從無怨色。且習焉而不知。但聖人之聰明穎悟。迥逾同學之人。回歸本國。卽有人延請爲師。聖人以學問未優。仍遊學七年。值師負病。聖人代司教習。半年後。又回本國。主教額默重其德才。留爲輔助。居無何。主教有拂耶濟亞國之行。聖人隨往。適額默在此升天。時聖人已得鐸德。舉陞本國主教。接任後。愈加小心。愈加刻苦。所管之處。有貧病者。親往視之。有冷淡者。親往勸之。或囑其忍耐。或責其補贖。務期靈魂潔淨。故窮人無有不得其惠者。往往罄其所有。以爲哀矜。人嘗勸令節減。聖人云。不忍窮人受苦。雖賣我乘馬。去我動用之物。毋庸顧惜也。自建一院。收留殘廢老人。常周巡各屬。以盡救人之本分。途中得病。卽知身事已畢。

命隨侍之鐸德。預備棄世禮儀。手捧耶穌苦像。口求聖母加恩。不許邪魔肆害。求時。靈魂卽上升於天國。年五十六歲。時天主降生後一千二百四十三年。

### 宜行之德

#### 神貧

聖思 一。論我們恭敬天主的正經道理。或先富後窮。或原係窮人。俱該愛此貧窮。以順天主之命。就該因此貧窮。斷絕貪財好貨之心。願守神貧。以俟天主所許永存不失之富貴。 一。若處不富不貧之境。就該安分度日。小心謹慎。不可妄想興頭。得隴望蜀。亦不可閒遊浪費。前去後空。只看那不如我的窮人。尙且安心過活。我還敢妄想麼。再看那豪華子弟。懶惰後生。好喫好穿。如湯潑雪。我還敢浪費麼。有此小心。纔能安分。有此小心安分。纔能實心恭敬天主。真心感謝天主。古王撒落滿

求主之言。有云。天主我等主。不許我窮。不賞我富。但求足我之日用而已。因富有富之難。窮有窮之苦。所以天主仁慈無限。沒有幾個真富真窮之人。多在那不富不窮之間。汝肯平心自反。必能敬謝不遑。一若身在富貴場中。須看仔細。吾主耶穌所許窮人之恩。與汝無干。凡一心專在貨財者。升天很難。因世上之富。與天國之富相反。

當務之求 爲貧而無告者

祝文 懇祈全能天主。爾聖離沙爾精修主教。每年瞻禮。加吾心虔而體安。爲爾子耶穌基利斯督。亞孟。

初四日 聖依西多羅 主教

警言○善生者。必善終。醜生而獲善死者。鮮矣。聖奧斯定

聖傳○聖依西多羅。係聖良德祿之弟。在乳哺時。母常無乳。一日。母因他往。將兒懸立於小車中。置之庭院外。歸時。見羣蜂送蜜入口。心竊異之。滿擬此兒後來。必與他人迥別。至讀書時。自忖無能。懼師潛出力乏難奔。坐於井畔。見青石被繩上下。石竟成槽。遂悟工深日久。弱可勝強。人之學業。何獨不然。從此定心回館。奮勉研求。不數年。超性之恩。格致之學。皆出類離羣。教宗聖良嘉獎聖人之學。可與聖熱羅尼莫聖奧斯定聖額我略等相似。適依西巴尼亞國王。崇信異端。查拿正教。害及儲君。聖人保全教事。情願爲主致命。新君嗣立。聖教大行。聖人展施

教化。竭力盡心。不數年。眼見風淳俗美。卓有可觀。即爲避俗之舉。覓一幽地。隱跡栖身。居無何。良德祿聖兄去世。被眾推尊。強陞主教。接任後。明知教務之盛衰。全在上人之董理。建一大學。爲情願修身傳教者。居此熟習。預備真心。以便後來爲主出力。代有傳人。半年前。早知身終之定命。更加愛主愛人。雖得沉疴。神工不肯少懈。勉勵後學。救濟患難貧窮。或言或行。必造其極。臨終數日前。特延二主教。助其善終。二主教命遷至聖堂內。聖人求主矜憐。賞賜常生之福。又求主憐視兆民。永除邪教之迹。求畢。告解。領聖體。併托眾人轉祈保佑。至第四日。在堂謝世。時天主降生後六百三十六年。

官行之德 預備死期

聖思 一親友或死。不必因彼在世。有許多不善之行。就想當受天主

之罰。定不得去世之時。內心痛悔。求主可憐。定不得天主鑒其真悔切痛。免受永刑。今聞親友一死。哀痛難過。倘係痛悔而死。現享天主之福。比汝在世何如。應該發信望愛之德。轉哀爲喜。轉痛爲歡。若只因訣別而哭。是不信身後之賞罰。輪到自己身上。如何可得善終。故必須時時刻刻。預備神工。想見天主。臨終之時。自然一毫不怕。一親友之死。雖係彼之定命。我旣在旁。目擊其死。安知不是天主的提醒。要我回想己身。亦有一日。像彼之死。倘此死人能說話。必云。今日葬我。改日定規葬汝。今我尙係活人。爲何不說此人之世福。而今何在。你若早知今日之虛。必然另有主見。痛哉。彼旣悔之無及。我何不早先下手。一爲何臨終之事。必要早先下手。因關係重大。又不知死於何時。死於何地。死於何事。故必預備以待之。假如天主之定命。即在此刻。我情願否。我之痛

悔補贖。善行神工。可得天國之賞否。

當務之求 爲至親梗化者

祝文 懇祈全能天主。爾聖依西多羅精修主教。每年瞻禮。加吾心虔而體安。爲爾子耶穌基利斯督。亞孟。

### 初五日 聖味增爵 顯修

警言○凡輕揣人意。及妄斷人是非者。將來見審判於天主。必愈

嚴峻。聖奧斯定

聖傳○聖味增爵。係依西巴尼亞國人。世傳信主。家學淵源。智勇兼深。博通甚早。年逾十二。即研求格物窮理之精微。然中心首重者。最

切於愛主之神工。故每日到堂默想。每主日。瞻禮四。瞻禮六。守大齋。其恭敬聖母。更無可比擬。聞有頌美聖母大德。及耶穌苦難。滿心樂受。往往感極涕零。偶遇窮人。必盡己力以贈之。至十七歲。父云。汝已長成。該當自定主意。汝在母腹時。我曾得一夢。今汝或合我之所夢。進聖多明我會。守貞修道。或娶妻守業。享天主所賜之富貴。或往羅瑪及拂郎濟亞。京都發顯才能。聖人毫無游移疑貳。即云。情願進聖多明我會修道。父喜。第二日。同往聖院。獻於天主。留居一年後。明知將來有傳教之責。預備三事。一、不斷爲主之真心。二、超性之學。三、明徹聖經。越數年。語同友云。讀書時。該獻心於主。求明所讀。讀一二時。將心該合於耶穌之五傷。一日。在王公大人前講學。雖盡志發揮。不合王意。次日又講。先向苦像預定。而後形諸口。王甚嘉之。即問以兩次不同之故。聖人對曰。先次

係味增爵所言。此次乃耶穌所講。可知聖人言行。多能感發人心。遷善改過。皆從耶穌苦像而來。邪魔妬甚。一日服苦修衣。現形於聖人云。我少時。不會斷絕世俗之樂。雖如此。我靈魂甚淨。汝今尙在少年。何苦自損其身。恐後來神疲力弱。難辦勸人之功。聖人知係邪魔。畫十字以驅之。又一日。讚聖熱羅尼莫書。至論童貞之德。非天主寵愛相助。不能潔淨。嗣後。每日跪求於聖母之前。祈賜保全潔淨。邪魔即從聖像而言。汝今最潔淨。但不久難免後污。聖人聞此語聲。悞認爲像中所發。慌忙無措。嗣蒙聖母親臨。慰諭云。先係魔語。以後我必保汝潔淨。無庸惶懼。又歷數年。病重若危。耶穌降慰曰。聖教會平安在邇。汝病亦愈。宜盡心敬心。受此平安。從此歷四十餘年。多係大齋。且齋克甚嚴。惟用些少乾糧。一盃涼水。雖在病中。未減其常行之苦務。畢生少見婦女之面。即自己

本身。惟見兩手。不論何時何地。念念弗離天主。常想耶穌苦跡。常佩五傷苦像。曰。此親愛之書。一切學問光明。皆從此出。每日彌撒前。必告解。當舉行彌撒時。熱心倍甚。正祭之後。珠淚常流。恭敬聖體。不比尋常。實與耶穌如和如合。如結如聯。今日之工。必增於昨日。來春之德。期勝於今冬。勸引改遷。辨明罪醜。着意小心。故莫不受其感化。又蒙天主賜以先知之恩。一日。在勢宦家。見一小童。對其母曰。此童異日必登教宗之位。後果如其言。又講道時。驟然嘿而不語。頃之。對眾云。爾輩中有一念經者。後來必入聖方濟各會。成大聖人。升天後。定入聖品等語。此念經人。係伯爾納弟諾。又一日。見二修士。一係多明我會。一係奧斯定會。皆壯健康強。聖人告云。汝二人。快預備靈魂。棄世已在頃刻。言後數時。接踵而歿。其餘神行。常常不斷。猶憶一人。所犯甚重。告解時。因彼痛悔真

切。只罰誦天主經聖母經各一遍。彼更悔心痛極。未誦完而死。聖人蒙主默啟。明見此人。賴切悔之工。直捷升天。顯茲寵照。令人知一悔能消重罰也。預知終期。即至。時在拂郎濟亞國。欲回本處。同本會鐸德。薄暮出城。疾行終夜。自擬去路必多。及天明一望。離城尙近。知天主不准。回城靜候。數日疾發。神工全備而終。年七十歲。時天主降生後一千四百十九年。

宜行之德 默想審判

聖思 一。將審判之先。太陽如血。空氣如火。大地震驚。海波洶湧。處處旱澇。城城爭殺。邪魔假天主降生。大害正教。此時連那誠明並著之君子。德智兼優之正人。亦難退其引誘。天神大吹號器。人類隨聲奔往。詣主臺前。聽主審判。你怕不怕。一。萬世之人。聚於一處。人人掩藏之善。

惡。都顯現於眼前。耶穌率同無數天神。下來審判。天神分開善惡。善居主右。惡居主左。你想此時。保得定在主之右手麼。若定不得。或居主之左手。你怕不怕。一在主右手之人。想他世上的福樂。一毫沒分。縱或身當福樂之境。亦與他毫無干涉。所有干涉者。不過一時之苦難耳。今因他從前一時之苦難。得賞無盡無窮之福樂。你願不願。再看在主左手之人。所貪世上功名富貴之尊榮。淫逸驕奢之歡樂。去而不留。所留者。尊榮歡樂之罪罰耳。榮惟頃刻。罪惡無窮。樂只片時。罰刑無盡。你怕不怕。

當務之求 爲傳教者

祝文 天主。因聖味增爵傳教之功勞。聖教賴以廣揚。懇祈天主。使我等藉其勸化。堅定我心。勤行聖事。脫離在世之艱難。爲爾子耶穌基利

斯督。亞孟。

初六日 聖阿帖爾 顯修

警言○其中尚多弗翕主意焉。聖經

聖傳○聖阿帖爾乃拂耶濟亞國教中之子。父母謹於教育。初時課讀。明悟未開。稍長。見識豁然。自知幼時失學。負笈從師。不數年。通明廣博。設教授徒。繼因天主臺前愛畏之心。本於童穉。恐居師席。妨害靈魂。卓然定志。嫻習修規。每日默想守齋。苦衣工課等。按款試之。以驗己身之能不能。如此一二年。已覺可守可爲。遂入聖本篤會。待人以謙和爲首。律身以良善爲常。克己研求。即操存之事業。樂從長命。願奉此以

終身表率。既端。眾皆悅服。由鐸德爲本院院長。此時任重事繁。神形之工。均愈加精密。且儀容魁偉。氣度威嚴。濟以和平溫厚之性情。發爲明斷。剛方之體用。仰之若天神焉。惟是世福不擾於心。貨財不撓其志。雖人樂其寬。懼名能害德。二年之後。潛居痛悔院中。避囂養性。胸境甚安。因無人敬愛。受眾差呼。甚合逃名隱跡之心。奈爲時未久。被舊院訪知。請回之人。殆無虛日。不得已。築一小房。獨居守約。常於七八日後。食豆粒百餘。飲清泉數口。院規所送麪食等。留贈窮人。日行二次苦工。夜則就眠於地。寐少寤多。專心默道。苦衣不輟。苦行日增。甚畏他人知其工課。是年。聖枝瞻禮。特赴院中講席。正宣講時。天主示以終期。次日。舉行彌撒中。遍身壯熱。延至耶穌受難日。謝世升天。年六十歲。時天主降生後一千九十五年。

宜行之德 小心省察

聖思 一。不知己罪。不知痛悔。亟當求主開明。有心求主。必得天主之聖佑。有心求主。必能平心翕合聖意。今汝求主之心何如。 一。凡一舉一動。都該爲救靈魂而設。只想與靈魂有益者。即爲之。庶幾在世一刻。能受一刻之利。倘自己不明。須求明人指示。假如此刻。卽是終期。還該爲肉身。還該爲靈魂。若說該爲靈魂。則此刻如此行。彼刻亦如此行。決不致多招罪悔。不然。一刻放鬆。保不定刻刻放鬆。雖再活百年。奚益之有。 一。明知天主之意。就該奮志勉行。若知而不行。是輕慢天主矣。不該畏難。不該怠惰。果然智勇兼施。必來天主之聖佑。因汝所行爲主。則主之施佑以爲汝。不啻呼吸相通。今有關係非常之一語。欲救靈魂。善言不如善行。所行不真。升天不穩。汝行何如。宜細察之。

當務之求 爲冷淡者

祝文 天主。以爾聖阿帖爾。每年瞻禮。樂我等。懇祈爾。吾旣慶厥誕日。幸師厥功勳。爲爾子吾主耶穌基利斯督。亞孟。

### 初七日 聖艾伯爾 顯修

警言○其慈悲。有高深。有廣長。其仁心。若恒流泉。聖伯爾納多

聖傳○聖艾伯爾。從幼時。即明顯後來之德。憐貧出於本性。常守險齋。能仰契天主無比之光榮。夜靜後。往往臥而復起。默想淚流。以重苦其身。懼人知覺。每思僻地藏修。及讀聖人傳紀。未有不苦身輕世者。遂定意斷絕肉身歡樂之事。全隨耶穌十字架之路而行。偶遇行路人。

道及某山苦修之隱者。即留心訪晤。不勝情投意合之至。乃附居焉。草莖野菜以充饑。破布單衣以蔽體。烟火不沾。枯乾鰯瘦。不獨人難認識。因貌容古怪。咸畏見之。惟聖人樂在其中。歷數年。似有天主命。離此而往顯修院。院眾不服其行。欲拒之。惟院長素聞聖德。留住院中。舉動不凡。光輝漸著。恍如太陽之照眾星。人人欽服。居此二十五年。惟伺候眾人之役使。晝或少閒。即從事於誦禱。夜還少寐。惟專志於嘿存。薄食些須。從不沾牛乳葷腥。苦衫貼肉。片板爲牀。忽蒙天主默示。命回原地。又歷三年。陡發大水。週圍惟露小屋。聖人困守數日。飲食盡無。然並不以此爲苦。惟因不能恭與彌撒爲苦。時求聖母庇佑。聖母降慰。賜與麪餅少許。食此之後。二十二年內。不食麪餅。只用草根樹皮。再二十年。不用飲。此地主教。命爲鐸德。付解罪送聖體權。未幾。天主鑒其功行圓滿。將

賜升天。數日前。畧得微病。聖人明知終期在邇。請一鐸德。行告解。領聖體。至耶穌復活瞻禮。靈出上升。時天主降生後一千一百四十年。

### 宜行之德 恭敬聖母

聖思 一。聖母爲我聖教人之生母。所以爲吾人身軀之事。也求得。因爲母者。未有不喜子女之求。但平時果能孝敬。自然有求必應。如何纔謂之孝。順命是也。如何纔謂之敬。小心是也。今汝每日每日。可順承母命否。可小心奉事否。一。遇有艱難。明訴於聖母前。必蒙安慰。盡汝之父母親朋。萬難比聖母些須之愛。亦難比聖母瞬息之恩。更難比聖母呼吸相通之神速。至今汝曾想過否。若苦難中。不得一毫寬慰。必因平時。未曾孝敬之故。一。或有何引誘。或犯何罪惡。倘有一念。求聖母矜全幫助。回心痛改。聖母爲罪人之托。求之必得。

當務之求 爲忤逆不孝者

祝文 天主。以爾聖艾伯爾每年瞻禮。樂我等。懇祈爾。吾旣慶厥誕日。幸師厥功勳。爲爾子吾主耶穌基利斯督。亞孟。

### 初八日 聖巴德末 致命

警言○凡睹自如之教令。恒於是。弗忘攸聞。乃實行也。是有福焉。

聖經

聖傳○聖巴德末。係伯爾西亞國之貴族。父母去世後。明知世俗不常。惟思欽敬上主。將家產盡行變賣。以濟窮人。少留自贍。同友共七人。僻居城外。敬主修身。其時伯爾西亞之國王撒波爾。與聖教爲仇。拘

拿聖人七友。囚禁四月。發衙門嚴刑審處。雖每日刑笞。非常毒害。總不奪其心。有一同監者。名訥而散。原係朝內大臣。因在聖教。革職抄家。收監嚴究。初尙堅持不屈。緣苦刑日甚。彼竟不恃主功。專靠己力。遂起畏心。畏心一起。背叛之念。即由畏而生。語人曰。若國家肯還我產業。復我尊榮。情願不信天主。悉遵我王之命而行。王聞之。大喜曰。此言果實。必加倍其產以還之。但必手刃倔強之巴德末。始信其真。訥而散唯唯從命。詣聖人前。雖手執利刀。而驚惶難下。聖人曰。訥而散。誰想汝惡如此。既背天主。還殺敬天主之人。我看汝到審判時。吾主耶穌察汝之行。可能逃脫永遠地獄之罰麼。我情願捨命爲主。但不願在汝背教人之手。斷我生命。豈知訥而散中魔之計。反勃然怒發。強提軟手。連斫數刀。奈膽怯心慌。所傷不重。當時未死。越數日。氣絕而終。時天主降生後三百

四十三年。

宜行之德 篤行所信

聖思 一。缺少信德。不能升天。故聖教中當信者。雖深奧不明。惟據天主聖經之真傳。不敢不信。如孩提之愛父母。何曾明白孝道之所以然。然而普世之孩提。無一不愛其親也。今將超性之奧旨。欲求明而後信。是智出孩提下矣。人能以孩提愛親之信。信天主。則明因信後而貫通。信因明通而愈力。將見此心此理。必蒙主佑。比在眼前事。更實更真。一。徒信不能升天。信而即行。斯爲真信。行其所信。斯爲實行。倘奉教後。不隨耶穌之表。不守教規。是虛信也。是假行也。以虛假之信行。而欲換真實之永福。未之有也。况在教人之罪愆。比不在教者更重。故耶穌判日。其罰亦重。今汝信德何如。行此信德又何如。 一。汝之行事。果與信

德相符。升天自然穩妥。但恐從早至晚。汝心不在財帛否。汝志不在體面否。汝之營求世福。貪戀歡娛。與外教人行事。有何不同之處否。宜熟思之。

當務之求 爲背教者

祝文 懇祈全能天主。吾敬憶爾聖巴德。未致命者。誕日。賴其轉達。使吾剛健於爾名之愛。爲爾子耶穌基利斯督。亞孟。

初九日 聖婦沃德肋達 守節

警言 ○子與新命。於爾等相愛。如子愛爾等。 聖經

聖傳 ○聖婦沃德肋達。係公侯之女。幼即小心敬主。避囂守靜。默

道修身。深得父母之歡。及于歸華胄。其夫亦居公爵。生有一男三女。不但語言訓誨。先以所行表示之。有樂必離。無苦不願。守齋以克己。哀矜以濟貧。且引其夫與子女。俱樂從之。未幾。夫亦棄榮離俗。孤子勤修。生前靈跡甚多。身後列居聖品。且子女皆加聖位之尊。足見聖婦之成教於家。如此其盛也。聖婦自與夫矢願潔修。即於山僻處。建一小堂。旁爲容膝之居。跪坐食眠。不離咫尺。魔來妬害。或想世榮。或圖安樂。或興美味鮮衣之嗜好。或念夫妻兒女之愛情。往年俗務。轉展不離。眼下艱難。淒涼可畏。聖婦明知魔誘。克以嚴齋。退以聖號。隨起隨滅。愈久愈消。不數年。名聞遠近。貞修之女。多有奮志奔投。師其美行者。由家而國。聖德之感人。誰能限量耶。猶未已也。天主寵恩。能振拔同修之眾女。又准其顯行聖蹟。以堅強眾女之貞修。有一負魔人。驅除無法。一經聖婦求主

矜全。魔即立時遠遁。有二幼童。重病將危。諸醫束手。惟待其氣絕葬埋。二童之母。往求聖婦垂憐。聖婦不煩思慮。全賴主恩。只畫一聖號。病皆立愈。仰惟聖婦。始自青年。迄於衰老。堅心固志。不記春秋。居此山隅。歷數十年之久。升天後。感恩戴德者甚多。真可謂存歿均榮。後先濟美之聖也。時天主降生後六百六十年。

### 宜行之德 愛仇

聖思 一。耶穌愛人之心。比愛天神。似乎更重。比愛天地萬物。確然知其更大。何以見得。天神犯罪。永爲天主之仇。吾人犯罪。雖爲天主之仇。必受難以救之。立表以教之。若待惡神。不肯如此。天地萬物。原係天主所生。且無罪犯。然天主之愛。專及有罪之人。不及無罪之物。夫以天主不救之惡神。而汝甘從其誘。以天主不愛之萬物。而汝必遂其貪。是遵

何道哉。當思天主既以重大之愛。獨施於至卑至賤之人。爲人者。反不能以些須之愛。稍施於同類之親朋。於心何忍。今汝肯認真爲主救人否。肯認真爲人損己否。一。當日惡人圖害耶穌之時。耶穌之愛。愈深愈切。將死之前。尙求聖父。寬赦惡人之罪。此卽耶穌所立愛仇之表。今我們被人坑害。不但不肯愛他。還加怨恨。還圖報復。可與耶穌之表樣相對否。以恩報恩。分內之所當爲。有何難處。以此而博愛德之名。吾恐有愛無德。有名無實。非聖教中所重之愛也。愛仇之德。係耶穌親口所命之言。親身所行之事。故惟聖教中有之。但我忝居聖教。果能愛我仇人否。一。天主的愛人。專爲救人之靈魂。我們推廣此愛。亦該如此。有財者。宜因救其肉身。而遂救其靈魂。不宜置靈魂於弗問。而只救其肉身。無財者。宜專救其靈魂。以盡愛人之大本。請看天主耶穌。單單爲愛

人救人。在十字架上。甘受無數之苦。我們爲親爲友。倒不該發出一點血心。破費幾文錢鈔。以救之麼。

當務之求 爲一家之人

祝文 救吾者天主。聽受吾禱。吾樂爾聖沃德。助達節婦苦修瞻禮。望以誠心。受其訓誨。爲爾子耶穌基利斯督。亞孟。

## 初十日 聖瑪加略 主教

警言 ○涕泣者。乃真福。爲其將受安慰也。 聖經

聖傳 ○聖瑪加略。係亞爾邁尼亞國人。父母俱稱巨族。又兼聖教世家。聖人初生。遂有昂弟紀亞主教。付聖名瑪加略。授洗時。卽口稱自

己本聖名。至十餘歲。主教愛其端方聰慧。欲使從小追隨左右。學習聖規。父母甚樂從之。越數年。神工日進。學問亦優。經理事務。更見精詳。妥穩。故將所屬地方。命其管攝。又越數年。主教病終。公舉聖人接位。愈加謹慎。俗務毫不關心。與人從無談笑。離開世樂。黽勉勤修。內則棘服嚴齋。默多寐少。外則分財濟困。接眾廣交。德行既純。靈奇屢顯。有二麻瘋人。摸其衣即愈。垂危重病。得聖人洗手水一滴。其病立除者。不可勝數。聖人畏被聲名貽害。將主教之事。付一鐸德。密同四友。各處巡遊。救許多靈魂。行許多聖跡。一人從九歲起。聾啞廢殘。已三四十餘年。聖人畫一聖號。即能聽能言。有時在日路撒稜府內。一啞者。求之即愈。到瑪立納府。適遇火災猛烈。撲滅甚難。聖人求主矜憐。應聲而熄。偶在別城。想進堂誦禱。門雖扃閉。至即自開。種種靈奇。殆無虛日。且聖人之澤。不僅生

前。猶遺身後。一方瘟疫甚行。每日約死六七百人。聖人適至。傳染及身。明知天主命。准其辭世升天。面語同人云。我死後。瘟疫立消。果然聖人之生氣甫絕。此方之瘟疫全除。再無受疫而死之人。時天主降生後一千十二年。

宜行之德 涕泣痛悔

聖思 一。不該哭世俗之艱難。只該哭其忘艱難而貪愛世俗之人。須知世樂。乃萬苦之總源。肉身係靈魂之桎梏。故入世之初。無論強弱智愚。莫不呱呱而哭。及其長也。無論士農工商。莫不勞心費力。到將死之前。無論貴賤富貧。莫不受災害病。如此苦世。人多貪之愛之。以壽爲福。以死爲禍。明白人。該如此否。 一。汝見親戚友朋。傷壞百年有限之身。失去身外無干之物。往往淚泣沾襟。今傷壞不死之靈魂。失去常生之

真福。倒不該痛哭麼。未曾悔罪者。靈魂必傷。不愛天主者。真福必失。然實愛天主之人。不但只哭自己所犯之罪。還哭別人之罪。因犯罪之人。豈獨傷自己的靈魂。失自己的真福。竟從新釘死吾主耶穌於十字架。上。一能哭自己別人之罪犯者。心中該平和。比不得傷身失物之哭。因專哭身物者。永無安慰之時。專哭罪犯者。不久。即蒙無窮之後賞。故哭罪犯之後。一切煩惱憂愁。盡皆冰釋。此中樂處。不是過來人。不能知道。聖奧斯定曰。若爲得罪吾主耶穌而哭。必能同享吾主之樂。今汝會真心泣罪否。

當務之求 爲免災病

祝文 懇祈全能天主。爾聖瑪加略精修主教。每年瞻禮。加吾心虔而體安。爲爾子耶穌基利斯督。亞孟。

十一日 聖瑟諾 主教

警言○傳言。即如天主言。聖經

聖傳○聖瑟諾。係意大利亞國人。幼本善良。熱心愛主。至十七八歲。潔身入院。矢守修規。嚴齋勤誦。以備後來爲主出力。閱十餘年。即司主教重權。盡心化導。竭力廣揚。所屬之地。遷善日新。棄邪歸正者。已無其數。時值總王惡聞聖教。奈一親生女。負魔肆虐。百計千方。愈增其猛。忽大聲呼喊曰。非主教瑟諾來。總不能退。王聞此語。不合素懷。無可如何。委曲試之。聖人將入內廷。魔復厲聲云。吾事敗矣。瑟諾親來逐我。德威無敵。再不能在此存留。語畢。聖人即至。叱云。靠吾主耶穌聖名。我命汝魔。速離此女。魔即立遁。女身內外平安。總王悅服。溫語褒嘉。將自己

冕冠。戴於聖人首。曰。我無別物。尊於此冠者。聖人不受。因珍寶所成。非修道人服飾。故辭之。惟受此冠之費。以濟貧。是時。進教臣民。更難數計。懇准立主堂。王允其請。聖人乘此。建堂數十所。爲傳教之基。嗣後巡行宣化。愈老愈勤。卒世之期。在天主降生後二百六十年。升天數載。墓前顯跡甚多。遂就墓旁。立堂展敬。每年遇聖人瞻禮日。人擁如蜂。勝於市朝。一次。正值堂中滿擠多人。忽近河水發。泛溢橫流。人物田廬。多遭衝決。惟此聖堂門外之水。已過窻櫺。竟峙而不流。恍如牆壁。四面環圍。堂內之人。且時時掬水以解渴。數日後。水勢纔平。此係聖額我畧所紀之事。未復頌美曰。此水之奇。具有二妙。一因堂內多人。難延數日。即藉水以救之。一因圍牆受損。堂必被湮。即藉水以護之。

宣行之德 謹言

聖思 一。說話時。必該離開三惡。害人之言一。不淨之言二。不便之言三。離此三惡。其應說之話。還該就事說事。寧簡毋煩。寧徐毋急。更不可事外生枝。長談過論。如此小心應對。自然多得而少失。護守天神。必增其樂。 一。善守財者。非正事不用。非真事不行。故肉身有備而無患。善守口者。非正語不言。非真語不說。庶靈魂亦有備而無患。且永遠得其利益也。同熱心人講論。向本神父言談。此時天主開恩。所收利益。不在默想神工之下。今汝於肉身事。謀利守財。喜歡講究。靈魂大事。反爲何順口而行。並不留心。 一。汝聽人說傷害聖教的話。就該開口以正理解之。不該畏懼。因代吾主耶穌而言。毋庸緘嘿也。雖然如此。該常隨智勇之旨。天主自然開明。倘自委其智。不肯勇行。非乖戾耶。我且問汝。有

人憎惡汝之親友。恐汝半句也不肯讓他。今汝欽崇之天主。有人加以憎惡語言。汝反如聾如啞。塞耳不聞。捫聲不語。有是理哉。

當務之求 爲聖教廣揚

祝文 懇祈全能天主。爾聖瑟諾精修主教。每年瞻禮。加吾心虔而體安。爲爾子耶穌基利斯督。亞孟。

十二日 聖撒巴 致命

警言○凡以臭腐視世。而切思向吾主耶穌者。乃爲明哲之士。

聖伯爾納多

聖傳○聖撒巴。生於異端猖獗之區。從幼即蒙領洗。後來克己嚴

齋守規敬主。總不留心俗務。惟圖爲道殉身。因此時在上之人。多引人背正向邪。強食祭邪之物。教友被人哄騙。苟延性命者。不知幾許。聖人力斥其非。多蒙感化。救回未幾。奉命查拿正教之人。地方管事之外教。向官發誓。此地並無一人在教。聖人聞知。向前直認曰。我係拜主者。官即拘問。知係赤貧。當時逐出。諭眾云。如此之人。在教不在教。有何害處。時近耶穌復活之期。聖人被逐後。聞數十里外。尙有鐸德。亟往就之。路逢一老。命聖人轉回。言鐸德三撒辣。現居某處。可就近瞻禮。聖人明知三撒辣避查早去。不聽。奪路前奔。天本晴明。忽然密布重雲。紛紛大雪。頃刻厚至尺餘。欲行無路。聖人知有天主意。尋徑而回。三撒辣果在一郵。被役捕拿。聖人適至。同鎖上車。本日。即將聖人褫衣重責。丟入棘茨中。遍體鱗傷。眾決其死。不顧而去。天主聖恩。未准此時受死。傷痕全愈。

次日到官。親向兵役云。汝等責我至死。今請驗看。所傷毫無痕跡。足見我敬之主。明明白白。是天地人物之大主。官聽此言。更加其怒。命役細縛四肢。重笞至死。時將薄暮。俟明日擡埋。夜靜後。有奉教人。往開其縛。欲爲殮葬。天主聖恩。又未准即死。完好如初。聖人不肯擅離。明早擡屍之役。見其挺立。膽顫心驚。從新拘鎖入監。提問時。與三撒辣一齊赴審。官命同食祭肉。不食。即置重刑。三撒辣云。我等情願死於重刑。不食此肉。聖人正容向役云。天地萬物。惟一真主。此官不知不明。亦如此肉之邪。兵役勃然大怒。開弓發矢。直中聖人之胸。人人信其立斃。聖人目視射箭之兵。語云。汝想箭能殺我。誰知汝箭到胸。軟如棉花。官聞其異。着將三撒辣放回。拿聖人入水淹死。聖人問役。何故不見三撒辣。回云。與汝無干。聖人不復別問。大聲歡感云。謝天主無限大恩。常思爲主致命。

今滿我之願。何樂如之。至河。沉入水中。壓以重物。天主鑒其勞苦功高。不復再留於世。是日。係耶穌復活主日之瞻禮。五年三十八歲。時天主降生後三百七十二年。

宜行之德 渡世如海

聖思 一。人在世時。當遵航海之法。船到中流。難至涯岸。船內之人。不視地。不視海。惟視天。度星光爲路引。彼救有形之身。必賴有形之天。今欲救無形之靈魂。不該仰賴無形之天主麼。身處俗流。難知道岸。若身內之靈明。果能不愛世俗。不愛肉身。只愛天主聖佑。惟隨天主引拔。生前身後之福樂。必皆從此而來。纔知道離世登天。比那離航登岸。更容易。更平安。一。怎見得更易更安。當知海航之害甚多。忽被暴風之逆。忽遇淺礁之險。忽遭賊盜之兇殘。雖小心明智之舟師。望氣以避風。測

水以避淺。備器械。嚴守巡。以避賊。尙難保其無事。今比之靈魂之害。邪魔甚於賊盜。世俗狠於淺礁。本身本性。狂於暴風。惟賴全智之舟師。吾主耶穌。時垂聖佑。明理之本神父。面命耳提。果能一舉一動。謹遵聖佑而行。豈獨並無難處。且萬無一失。不像海航。或得或失也。一海航之失。人所共知。或近涯粹壞。或遠處飄流。舟師雖智。人力難施。今我靈魂之舟師。既係吾主耶穌。我雖不知不明。惟有一法。謹隨主命。嚴守聖規。必能拿穩欲至之所。斷不怕迷惑飄流。亦不怕近涯生變。聖西彼利亞諾有云。愛耶穌之人。隨耶穌之訓。生必無妨。死亦不畏。

當務之求 爲航海者

祝文 懇祈全能天主。吾敬憶爾聖撒巴致命者誕日。賴其轉達。使我剛健於爾名之愛。爲爾子耶穌基利斯督。亞孟。

十三日 聖赫默搨日 儲君致命

警言○徒耳聞聖教。豈遽義哉。惟躬踐之者義耳。聖保祿

聖傳○聖赫默搨日。係依西巴尼亞國王之子。王本俄斯之後。俄斯舊俗。素信異端。是王執迷不悟。雖依西巴尼亞原崇正教。反被阻撓。惟聖人既長。幸娶拂郎濟亞國王之女爲配。女名殷恭德。幼承庭訓。欽奉耶穌。婚配既成。提撕甚力。又有主教良德祿。及其弟聖弗而然。爵係聖人之母舅。外戚中閩。交相勸勉。遂崇正棄邪。父王聞知其事。速令改圖。勿聽廢其儲位。監禁囹圄。聖人際此艱難。猶自增苦行。既而異端慶日。傳命出監同慶。即復位加恩。聖人此時。滿承主寵。倍加勇毅。堅執不從。父竟怒其抗違。立斬以消忿恨。時天主降生後五百八十六年。斬後

數日內。受刑處。夜明如晝。不斷歌聲。父駭其奇。稍寬禁約。俟聖人之弟。烈加勒德即位後。聖教通國廣揚。至今世守不衰。足見致命之功。其效如神。其澤甚遠也。

宜行之德 讀聖教書

聖思 一。凡聖賢所學者。雖係世俗之學。若爲增自己之謙德。爲收敬主之熱心。亦該旁通廣見。至於教外之書。佳者留之。藝者去之。今有一句緊要之語。天主臺前。不問汝所讀何書。只問汝意欲何爲。更問汝學此何用。 一。學問愈多。本分愈重。知而不行。比不知者之罪更大。故神工與學問相連。爲立神工。必求增學問。聖保里諾曰。汝有空閒讀世俗之雜書。並無暇日看聖賢之奧理。難逃重譴。因天主所賞之日時。當爲天主而用。不該偷爲己用也。 一。汝有學問不盡心教人。必成腐朽。有

不如無。且吝教之罪。更百倍重於吝財之罪。因吝財。只損人之肉身。而吝教必損人之靈魂也。况吝財者。可借前去後空。量入爲出之言。以飾其非。若吝教者。無非懶惰驕傲嫉妬而已。可吝乎。不可吝乎。今眼前多少教內教外之眾。不明正理。汝能告之以言。示之以行。二者兼施。必邀主佑。請問汝之言行何如。

### 當務之求 爲學者

祝文 吾主天主。以爾聖赫默搦日。不貴世之所貴。遂獲保全己之尊貴於無窮世。懇求天主。使我等追隨聖表。不顧世榮。惟務己之尊貴。爲爾子耶穌基利斯督。亞孟。

## 十四日 聖女理都委納 童身

警言○忍默以當患難。惟一心向主。弗爲浮論所搖。非大智曷能  
與此。輕世金書

聖傳○天主欲人知貴賤富貧。病災壽夭。皆可以成聖升天。故各  
聖所處之境。俱有不同。而病人之表。莫甚於聖女理都委納。聖女生於  
天主降生後一千三百八十年。聖枝禮儀之主日。存年五十有三。其病  
苦纏身。竟將及四十年之久。今約述之。生方七歲。卽有神形事主之誠  
心。至十二歲。父欲議婚。聖女不從。向父云。我想容貌害人。求主增其醜  
陋。免招別患。年十五。遇一別女。撲跌於聖女之身。聖女被壓倒仆於地。  
肋旁皮骨俱傷。常流膿血。不獨諸藥無靈。且從此時至於死日。常加別

病。是不能起立。伏地而行。又素患嘔吐。胃中不能存食。精力日衰。臥榻七年。總計熟寐之時。未及兩夜。內臟各經俱壞。兼之咯血咳膿。外皮爛處甚多。遍體蛆鑽蟲蝕。眼耳舌唇之患。時刻不離。頂門兩額之疼。甚於牽鑽。自說周身並無一髮之地。可稱完好。若無天主之聖意。萬萬人亦死矣。最奇者。惡形萬狀。膿血淋漓。並無臭穢之氣。還覺清鬱可聞。如此三十八年。心中安穩。並無不合理之怨尤。旁人因其年深日久。常加憎惡。嫌係罪惡所招。天主所棄。故遭魔罰之言。一切事情。總不肯順隨所願。且加呵叱。聖女曰。擊情形。求主開恩。減其外患。免人惹厭。天主不准所求。本神父亦云。汝病不必望求痊愈。惟令默想耶穌苦難。勤領聖體以慰之。初時。一年只領兩次聖體。後來半月一次。末年每主日數次。用此神工。惟求增苦之恩。母將終時。遺囑云。求天主赦罪。賞賜天堂。聖女

孝思無已。將自己苦行。有可取者。俱爲母而獻。更求倍加其苦。父母歿後。將所遺產物。盡行變賣。以濟貧窮。後來度日艱難。親友多有哀矜之物。聖女常以此轉贈別人。親兄死後遺債。慮爲諸姪之累。將所得哀矜之銀。計有八兩。裝一袋內。交與相信之至親。托其代兄還債。此位親戚。將諸債還完。袋內尙多銀四十餘兩。連袋送還。聖女感恩無地。盡將此銀。救濟窮人。一日。有舊識之婦。忽借端辱詈。聖女樂受無辭。去後。別人問曰。何故受此委曲。答云。我樂受有三。一忍耐以望其改悔。二此來可助我事主之誠。三怕回言犯罪。不如默受。又曰。人之大仇。最可怕的就。是自己。此仇時刻不離。所以不得不小心謹慎。若自己不害自己。外來之仇。必然退避。一日。有人問以日用之需。聖女以有餘復之。但聖女之赤貧如洗。人所共知。旁人聽此回言。責其謊言不實。聖女答云。此非謊

言。我心不想別物。何妨竟說有餘。總因天主聖佑。滿樂於心。故無時無刻。不快然自足也。臥在牀中。護守天神。常蒙顯現。常領其求。常告以未來事。又吾主耶穌。亦有數次。形像昭然。有一次。以一花冠賜之。冠未成全。俟有四兵入室。將室中所有。盡行盜去。此時纔得成全。升天之歲。早已默示終期。及是時。吾主耶穌暨聖母併十二宗徒。於復活瞻禮日。親現。第三日賞汝升天。隨後吐血愈兇。至期。嘿然長逝。牀前訣別者。一小姪而已。

### 宜行之德 病中忍耐

聖思 一。不論何病。莫非天主之恩。惟善用其恩者。苦愈深。樂愈大。災愈重。福愈增。因凡事都有天主聖意。就病而論。或引汝改遷之念。或減汝罰罪之刑。或養汝耐心。或免汝別禍。此數事中。必居其一。病時病後。

俱該細心查究。知此聖意。自然感激非常。誰敢再言災苦。一。世間君父之命。不論何者。莫不順從。天主之命。爲何不受。且汝雖滿心不願。亦無法可逃。何苦不受。况順從主命而樂受之。好處甚多。更容易立功免罪。又爲何有樂不受。有福不受。而徒受滿心不願之苦災。一。既知受病。卽係受恩。就該將平日受恩之心。以受此病。若或抱怨自己。或遷怒別人。或日久厭煩。請問此心。可是受恩之心否。不是受恩。就是背恩。功罪易於反掌。幸勿視爲兒戲。當念病中雖苦。可比煉獄之苦麼。可比耶穌在十字架之苦麼。既然比不得。爲何背恩而不受恩。

當務之求 爲久病不痊者

祝文 救吾者天主。聽受吾禱。吾樂爾聖童女理都委納瞻禮。望以誠心。得受訓誨。爲爾子耶穌基利斯督。亞孟。

十五日聖儒斯定 致命

警言○臭腐體。宜着無朽之形。此屬死者。着永不死之勢。聖經

聖傳○聖儒斯定。原係外教。早年考察各家。非虛卽妄。惟有一門。較勝於他。而未得其原委。約同好友。遠別塵凡。潛心引悟。一日。閉戶看書。忽見一老叟在前。問看何書。答曰。研求教理。叟云。汝何錯甚。此書並無真理。當知世上。不拘何方何教。憑他稱聖稱賢。稱師稱祖。盡皆似是而非。汝若果然要求真理。須看天主教先知聖人之書。得正經大道。纔明白別教之書。毫無根據。此語方完。形隨聲泯。明係非神卽聖。顯形指示。欣然深信不疑。亟覓聖教諸書。再三披閱。不久。卽得真源。此時聖教未平。地方官查拿甚緊。聖人歷觀眼前致命之人。堅強毅勇。輕棄世榮。

樂受諸苦。倍加信德。欲罷不能。密求鐸德。授洗罪之恩。領洗後。大辨他教之非。廣揚聖教。特著書一部。恭進總王。請開謬禁。以崇正教。內將謗語辨明。印證聖教之真。疊加苦難。愈顯德榮等語。總王覽後。謬禁立除。不許人控告教中。不容人仇傷聖教。迨接位之王。不遵此意。復禁更嚴。其時聖人。又著書一冊。力陳生前身後之利害。地方官得書。將聖人拘訊。命拜土神。聖人云。我信從耶穌。爲天地萬物之主。說不得我有差錯。此是則彼非。如何可拜別教之神。官問汝隨何教。聖人云。我已多年考察。各教各名。由人自立。不實不真。惟天主一教。明知不合上意。但因至公至正。有本有源。且關係我永苦永樂之重。敢不追隨。恐後。官曰。汝竟喜隨此教麼。聖人云。自然。世間只有天主是正教。我知之甚明。信之甚確。怎麼不喜歡信從。官曰。這天主教。是什麼教。聖人云。我們的正教。只

信天地萬物。先有一個無形像。無聲臭的主宰。造化的。又信天主降生救贖。日後還來審判萬民。我不能說得透徹。可看教中書籍。便知精細。官問汝等在何處會齊。聖人云。不論何處都好。因我等所敬的天主。並非一處之主。本性原無形像。充滿萬方。各處都有人恭敬。官曰。如此說來。汝亦是天主教。聖人云。果然是天主教。我之體面全在於此。官曰。聞汝博學。自以爲我奉之教。必正必真。今我命人重責。從頭至足。必使遍體皆傷。汝想升天麼。聖人云。此係耶穌所許之恩。自然不虛所望。官曰。你想受什麼苦傷。就能升天。聖人云。真知確見。無處可疑。官曰。不必多言。若汝等不肯改過。不拜我們所敬之神。聖人不俟說完。卽云。不必妄想。恭敬天主的人。斷不肯捨正就邪。官曰。不聽上人之命。就該從重治罪。聖人云。此係我等光榮。世間幸逢此遇。吾主耶穌審判時。免生畏懼。

同在之教友亦同此答應。官見其堅執不移。一併斬於羅瑪。時天主降生後一百六十五年。

宜行之德 常思復活

聖思 一。我等這爲義受苦。爲主受貧的身軀。有一日。必能大光明。大榮顯。永遠無傷。與天神一樣。及是時。靈魂與己身復合。在世的功勞。做我的伴侶。在天的美好。做我的喜歡。受世之苦愈多。隨身之福愈大。既然如此。可知吾人在世。憐恤此身者。是不愛其身也。勞苦此身者。是真愛其身也。聽此不近人情之語。方可望永近天主之光。今汝情願憐恤耶。情願勞苦耶。一。惡人之身。亦必同時復活。但其苦難狀。此時必咬牙切齒。求死不能。厲聲咀恨曰。誰知永遠大仇。就是此身。爲此眼睛。爲此手足。爲此口中出入。爲此心內七情。坑害我的靈魂於火海中。今雖

復活。同來受苦而已。真正永遠離不開的大仇。從此無休無盡。明知判  
臺定案。義怒難回。徒然怨恨。又不能不恨。吾今語汝。與其怨恨於身後。  
何不悔恨於身前。一。普世之人。不論在教不在教者。都想復活。都想  
常生。豈知復活之權。專係於天主。有生必然有死。有死必然復活。乃一  
定之命。人人莫不如是。所不同者。聖人復活上升。惡人復活下墮耳。但  
他日之上升下墮。皆由於今日。汝今日果能以真愛愛其身。他日必在  
上升之內。此言關係匪輕。切勿自欺自悞。

當務之求 爲苦難不能樂受者

祝文 懇祈全能天主。吾敬憶爾聖儒斯定致命者。誕日。賴其轉達。使  
吾剛健於爾名之愛。爲爾子耶穌基利斯督。亞孟。

# 十六日 聖多羅哦 隱修

警言○凡遵此規。望天主和平。及仁慈於伊等。 聖經

聖傳○聖多羅哦係拂耶濟亞國人。未生之前。父先病故。母因憂痛。分娩甚難。竟至母死而後得生。聖人幼時。卽明知其故。常將母死。認爲己殺。偶一念及。卽痛哭哀求。望主矜憐。聖額我略曰。他人犯罪而不認爲罪。聖人無罪而認爲大罪。卽後來成聖之基也。聖人因此守齋克己。諸苦備嘗。及壯。定志離鄉。不圖家產。不戀親朋。內穿苦服。外罩素衣。不使人知識。遊行各處。到一邨莊。傭力牧羊。邨中見其良善謙和。交相勸勉。多有贈遺。聖人受以濟窮。每日牧羊之暇。惟有默想聖教奧理。在此六年。爲往羅瑪朝拜致命聖人之墓。始離別是邨。往來羅瑪者九次。

心猶不足。奈小腹異痛。發作無時。難行遠路。復回原邨。在聖堂之旁。造一小屋以居。因此間。每日能望彌撒故也。平時飲食。極淡極微。不過大麥餅與凉水而已。水源卽在屋隅。取之不竭。饋來之物。盡散貧人。一日。堂中失火。逼近聖人小屋。眾人屢催速出。聖人隨天主之聖意。回云。我立愿此中敬主。至死不離。我若該受火焚。必係天主之命。情愿順命被焚。乃火至屋而止。竟無毫髮之傷。聖人自三十五歲。居此小屋。直至升天之日。又歷四十五年之久。年八十歲。時天主降生後一千一百八十六年。

宜行之德 效法水源

聖思 一。水源近聖人之屋。可卽借此以識吾人之本來。請看出來之水。雖萬派千枝。總歸於海。故稱海爲百谷之王。吾人之性命。何獨不然。

天主所生之人。凡思言行爲。都該歸於天主。故稱天主爲萬王之王。一。常流之活水。不怕頑石沙灘。不戀名花芳草。惟有順流歸海而已。常行之活人。何獨不然。世間苦難。猶如攔路之石沙。不當畏懼也。頭等榮華。不過道旁之花草。無庸留戀也。惟有順命以歸天主而已。一。水常隨流而有聲。似乎怨喊不平之意。其實發憤直流。急於歸海。故以其本性之平。消去外來之不平也。今我等常隨流俗之聲。何獨不然。或貴或賤。或富或貧。或苦或樂。均係外來之不平。惟將專愛天主之心以平之。天主之外。毫無瞻顧。則心中之安樂。比水更平。聖奧斯定曰。汝心若不愛主。心必變亂靡常。難免不平之聲。

宜行之德 爲難產者

聖思 天主。以爾聖多羅哦。每年瞻禮。樂我等。懇祈爾。吾旣慶厥誕日。

幸師厥功勩。爲爾子耶穌基利斯督。亞孟。

## 十七日 聖瑪是彌諾

聖臥林俾亞斯

致命

警言○吾識。且信天主愛。吾天主。卽愛也。凡居愛。則居於天主。而

天主居於彼。 聖經

聖傳○伯爾西亞國。當被西國總王管轄之時。因王與聖教不合。故教中俱不獲安寧。瑪是彌諾及臥林俾亞斯二聖。係本國大有名望之人。首先解赴都城。值王甚怒之下。不許閑言。卽命重鞭笞責。只許說願改二字。二聖甘心忍痛。默不出聲。問其家產。回云。我們的大富真財。都在天主耶穌之愛。世俗有限之財。不在眼中。早已散完窮困。惟有此

身。留獻天主。或劓或殺。或打或燒。惟命是從。但不拘何法。總弗能滅我。們愛主之心。越快越好。可早享天主之福。王怒益加。復重責收監。次早。提置鐵牀以烙之。二聖云。世苦愈深。靈魂愈淨。汝惟加意以增我等之光榮。王命侍前官斬決。官先使人用鐵鎚。擊碎其首。二聖即乘此去世。升天。時天主降生後二百五十四年。歿後。不許葬埋。棄於道旁。聚狗食之。豈知一城之狗。不啻萬千。圍繞聖屍。伏跪而哭。若有怨恨不平之意。五日後。二教友。一名亞同。一名生能。收藏聖屍於家。後卽築墳殮葬之。

宜行之德 敬禮聖人

聖思 一。天主之寵異聖人。有世間之體面。有天上之光榮。請汝看一看。在世時。能降天主之福。赦罪施恩。能行天主之能。驅魔顯跡。去世後。恭敬聖屍。朝拜聖墓者。歷久不衰。且聖殿欽崇。各方遍及。祭臺瞻禮。無

歲不行。各國所稱聖帝賢王。功臣名士。問他生前身後。可能照樣。有如此世間之體面否。現在靈魂。先享見天主之福。後來肉身。還永受無窮之樂。歷代所傳忠孝節義。才智英雄。問他靈魂肉身。可能包管有如此天上之福樂否。汝既想體面。爲何不想這一定自來之體面。汝既愛福樂。爲何只愛那不久滅亡之福樂。一。聖人在世時。有安慰艱難困苦之權。有痊愈神形各病之權。今在天堂。仍有世人之愛。又有天主之能。凡敬聖人之像者。必能仰合天主之歡心。得聖人之保佑。大蒙利益。一。恭敬聖人。不可專務虛文。先當小心誦法生平所行之事。以隨其表。或法某聖之忍。或法某聖之謙。或法某聖之克己。果有一德。與前聖相符。自然呼吸相通。有求必應。喜歡做他的主保。今汝所隨聖人之表是誰。古今來名聖甚多。有誰像汝之行。或想富貴。或想受用。或想隨己意。

既然不像聖人之聖。則汝之身靈。亦沒有聖人之體面光榮。

當務之求 爲迷世者

祝文 天主。爾賜我等。敬憶爾聖致命者。聖瑪是彌諾及臥林俾亞斯。誕日。望爾彼居永福之域。使吾偕樂。爲爾子耶穌基利斯督。亞孟。

## 十八日 聖厄留德略主教同母安弟亞 致命

警言 ○爾赦侮爾者。後求爾罪之赦。始赦也。 聖經

聖傳 ○聖厄留德略之父。在西國總王之前。最顯最榮。但不曾奉教。惟母名安弟亞。熱心敬主。聖人從幼習聞。畏愛之心。與年並長。母懼父之引誘。送與教宗亞納格肋德之前。因其明智不羣。未幾。付以鐸德

之權。又未幾。即陞主教。差往外方傳佈。盡心開導。溥化多人。總王聞之。差官斐理斯往捕。聖人勸其棄邪歸正。蒙主佑啟。願爲聖人之徒。但聖人速圖致命。情願同回。求見總王。王擬此來。必有改意。將溫語褒嘉。聖人直用聖經之言。回云。予所取之榮。惟吾主耶穌基利斯督十字架等語。王卽大怒。命用鐵牀。先以微火苦之。毫不受傷。王怒愈深。命加大火。傾油以助火威。奈人工難奪天主之能。不獨火無烈性。且全滅不焚。如此靈奇。終不能息其忿怒。另命一官。名各肋朋。囑其再圖別計。各肋朋暫命監候。特造一窰。上下四旁。皆密密滿釘鋼銳之籤。大燒猛火。將聖人推入窰中。計雖巧。術雖工。無如火失其熱。鋼失其堅。聖人在火窰中。坐眠伸縮。莫不自如。與當初窰火中三聖童安然無恙之奇。後先濟美。獨未能挽回總王之偏見。竟感動各肋朋之本心。就說天主耶穌果係

天地神人萬物之真主。我必棄假就真。王聞其語。命將各肋朋拿入窖中。又因火亦不焚。改爲斬決。居然領受血洗以升天。仍將聖人收入監中。斷其飲食。乃有一鴿。啣食以解其飢。王聞之。亦命斬決。母見聖人致命。捧抱聖屍。依依不捨。官命一併殺之。嗚呼。聖人有母。聖婦有兒。實一門之盛事也。時天主降生後一百四十年。

宜行之德 服事天主

聖思 一。隨世俗之人。是爲真奴。亦非一主之奴。問汝老主爲誰。卽本心惡意。問汝小主爲誰。功名貨利。衣食田房。美色淫聲。奇珍玩器之類。不一而足。問主公之刑法。輕耶。重耶。利名卽其鎖鍊。家產卽其監牢。聲色歡娛。卽其斬絞徒流之法。杖鞭夾棍之刑。請汝轉展自思。然歟。否歟。不爲全善之奴。甘爲萬惡之奴。不受有形之刑法。甘受無形之刑法。恐

汝亦難自解。一。服事天主者。大不相同。命之者正理。遵之者正人。去惡而不主於惡。用物而不奴於物。不怕罪醜之刑。不畏邪魔之法。併不懼惡人之凶狠。無念不通。無時不管。如此大恩主。爲何不盡心服事。一。汝若果係大恩主之奴。只該愛天主。不該再愛別的。只該怕天主。不該再怕別的。不論何苦何難。不論何榮何福。俱不能動汝之心。世間可有如此之安樂否。

當務之求 爲醜行者

祝文 天主。爾賜我等敬憶爾致命者。聖厄留德略。及其母安弟亞。誕日。望爾彼居永福之域。使吾偕樂。爲爾子耶穌基利斯督。亞孟。

## 十九日聖良 教宗

警言○宜傳語。時耶。非時耶。切切即辨。即求。即責。忍訓誨。聖經

聖傳○聖良爲第九位教化皇。係熱而瑪尼亞國人。受孕後。母蒙天主默示。知所胎之子。後來大獲寵恩。既產。遍體有小十字紋。母甚小心慎重。不憚劬勞。親身乳哺。孩提時。被蟾咬傷。大病兩月。旁人擬其必死。一夜。親見聖本篤降福而愈。至五歲後。托主教訓之。及長。原係總王至戚。前詣都城。王見其言行端方。熱心敬主。迥異尋常。眾皆稱爲賢人。王因才德兼優。推爲主教。蒞任後。更非昔比。盡力神工。哀憐貧乏。往往傾囊以贈。甚至本署困窮。不敷日用。惟有誦經感泣而已。天主降生後。一千四十九年。總王會齊所屬之國王。及眾主教。商議教中大事。惟聖

人名聞廣遠。眾共尊爲教化皇。在位六年。御下彌謙。律身彌約。善行未能言述。積勞成疾。竟以病終。

宜行之德 勸人改過

聖思 一。上人該管下屬。不當只管其肉身。朋友該有交情。不當只交其世俗。遇有罪過。必加責勸。不然。則彼之所犯。汝必均分其咎。若彼已經受罰。汝身雖有大德行。大神工。難補此失教之愆。 一。有人說責善之道。難以概施。倘或話不投機。必傷友誼。此係借端掩飾之辭。不可將憑空懸想。悞人永遠。定不得此友之不改。因無人說破。經汝一言。不勝欣然感激。亦人情常有之事。若果然動怒不從。我心當以病人視之。假如欲救病人之生命。決不肯聽隨彼意。故聖熱羅尼莫曰。只想救彼靈魂。其他不暇計及也。 一。若明知汝勸。不但無功。還增其害。此時就該

另求別法。或從容以緩圖。或旁敲而側擊。或不用多言。惟以實德化之。或加愛先施。專以良善動之。金口聖人有云。改人之過。不比尋常。先當求主幫助。然後興工。更當日日勤求。改而後止。此操之在我者。當如是也。以本身之良善。動彼之心。以衷情之真愛。生彼之感。到了彼能感汝之時。則其言必能易入。而所勸必有成功。此由己以及人。又當如是也。今汝之勸化友人。可能有此良善否。可能顯此真愛否。

當務之求 爲負重罪者

祝文 懇祈全能天主。爾教化皇聖良。每年瞻禮。加吾心虔而體安。爲爾子耶穌基利斯督。亞孟。

二十日 聖西默盎 主教致命

警言○爾曹如地上之鹽。苟失其味。加味於何物乎。無所用。卽委之。爲踐踏矣。 聖經

聖傳○聖西默盎係伯爾西亞國人。時值聖教盛行。被邪魔惑亂。如德亞通同本國巫人。誣告於王。王卽信邪嚴禁。聖人現居主教。首被拘拿。此下或鐸德。或副祭。或奉教者。共百人。命往拜太陽殿。因眾不從。暫監獄內。路遇國王乳母之夫。頭等大臣。名烏斯達撒訥。一見聖人卽起敬起畏。聖人知其信奉太陽。不加禮貌。彼卽悟悔。脫去榮耀之衣。踐踏於地。使眾共知從前錯信異端之罪。事聞。王怒愈增。差人往問。直言承認。王命立時斬決。烏斯達撒訥滿心樂甚。求寫明死案。沿街大聲曰。

某人爲遵天主教。定此重刑。王竟允其所請。斬後三日。西默盎等百人。一同斬首致命。時天主降生後三百四十三年。

宜行之德 恒心愛主

聖思 一。天主全能全智。永無更變。常愛人。常助人。人爲何不常事之。不常愛之。難道說得不曾身受麼。天主至公至義。毫不偏私。微善必賞。微罪必懲。人爲何不常守其命。常畏其威。難道說得不曾看見麼。天堂地獄。固無現在受過見過之人。難道生存教養之恩。也不曾受過。地震雷驚之慘。也不曾見過麼。既然受過見過。爲何還敢冷淡。還不熱心。一人之敢於冷淡者。因有無數之恩。或想自己勞苦慇懃。別人都不如我。或想自己定心改過。重罪俱已赦除。有此一想。便成冷淡煤頭。當知功之有無。罪之赦否。可恃而不可恃也。可恃者天主之仁慈無限。不可

恃者。本身之仇敵難防。一念之差。保不定前功盡棄。片言有失。恐還比舊罪更加。邪魔無計哄人。惟此最爲捷徑。汝會上此圈套否。惟有歸功於天主。引咎以自懲。則魔之捷徑難行。不致漸流於冷淡。一。人因德行之路甚窄。每聞古來大聖。常痛常哭。常嚴齋。常克己。如此三四十年。或五六十。年。日長歲久。如何有此耐心。這種畏難退縮之念。必至冷淡而後已。獨不想世苦不出百年。汝不能耐此百年不滿之期。安能享天主萬萬年之福。况更有甚焉。生死存亡。定命出於天主。朝且不能保暮。誰許汝還在世有三四十年。五六十。年耶。汝正畏難而冷淡。安知此冷淡之時。非卽天主收汝靈魂之日耶。惟聖人則不然。有一日。必行一日之事。不想後來。因後來之日。難定有無。何可棄現在而妄想未來。夫是以熱心日盛而不衰。

當務之求 爲冷淡者

祝文 全能天主。垂盼吾劣。爲本行重任屈壓。賴爾聖西默盎致命兼  
主教轉達。得厥護翼。爲爾子耶穌基利斯督。亞孟。

廿一日 聖安瑟而莫 主教

警言 ○倘有弗真心恕爾兄。在天吾父弗恕爾輩。 聖經

聖傳 ○聖安瑟而莫在孩提時。因母熱心敬主。多方教育。有修道  
之志。至十五歲。母親去世。隨俗而靡。漸改前操。懼父懲責。帶一家人。遁  
遊於外。或東或西。靡有定向。三年後。聞拂耶濟亞國一省中。有博學修  
士耶弗耶。喜玉成後進。遂受業讀書。從此悔過自新。定心離俗。但不知

從何處下手。或想避跡山林。隱修獨善。甚合素懷。復想幽僻之中。易遭魔害。不如修院棲身。聽從長命。又想自己家貲豐厚。父親去世。收此貲財。可以年年週濟貧人。幾路營謀。並無定見。請政於師。師命靜候數日。至數日後。師蒙主示。命居一院。爲進修之基。聖人即就本師所管之院。守規自飭。時已二十七歲。越四年。因師別往。眾舉聖人接位管理。又越數年。值有公事渡海。往昂利亞國。謁見本師。師係本國主教。聖人到後。師即去世升天。眾皆素聞聖人才德。共推舉之。固辭不受。已經六月之久。此六月中。聖人住居城外。偶遇別房失火。勢將搬移物件。主人力阻云。聖人住此。火不敢來。聖人之友聞之。即請聖人出救。聖人惶悚云。我怎麼救法。有罪無功。何敢望主特恩。友曰。只求出房。向火畫一十字。聖人如其所請。未及畫完。火焰即回。不獨不燒別屋。併起火處俱熄。眾人

見此聖跡。斷不肯聽其再辭。強勉俯從。卽位後。人人悅服。但魔妬甚深。用數惡人害之。聖人爲減其害。常離昂利亞回拂耶濟亞。往來二三次。終身懼罪甚嚴。嘗云。一邊是罪。一邊是地獄。若擇其一。寧下地獄。不敢犯罪。又曰。我情願無罪而在地獄。不願有罪而在天堂。每勸人想不得。別人過惡。拜主之人。心中信不過的話。出口便爲說謊。有友笑云。作如此想。不免旁人譏諷。聖人答云。人有過失。我不想及。旁人雖笑我。識見不明。然不如有此錯悞。可無畏無疑。每日所行。無一事不爲天主。亦無片刻不爲天主。日日如此。年年如此。恒定而不移也。有爭鬪者。必勸其和合。如不受勸。聖人自己。必違和而疾病。人間其故。回云。惱怒不和。狼傷我心。疾遂從此而來。足見聖人愛德。無所不用其極也。天主賜以大德神能。先知未來事。療病不須方藥。求主卽愈。洗手水。且治不可藥救。

之病。去世之前三年。回至本主教地方。舉動需人扶掖。步履不能自如。但身軀雖弱。心力愈強。每日神工。從無缺減。延至建定聖體大禮前一日升天。年七十六歲。時天主降生後一千一百九年。墓前顯跡甚多。

### 宜行之德 常懷永苦

**聖思** 一。有重罪。死後必下地獄。一定不疑。萬萬年後。還是起頭。求死不能死。求滅不能滅。常常如此。永遠如此。這又是一定無移之事。可可怕乎。欲離身後之永苦。必先離生前之重罪。此天主之定命。爲何不離。聖奧斯定曰。一點小心。天主必賞汝永樂。我們不肯遵依耳。一。既知有罪之人。定該受罰。則下地獄者。常常有罪。自然常常該受罰。永遠有罪。自然永遠該受罰。人在世上時。明知天主之罰。如此至公。如此一定不移。尙情願犯罪偷安。不該常受永遠之罰麼。一。天主至尊至大。人

類至賤至卑。怎麼補得大罪之永罰。人死之時。若有重罪在身。不能用吾主耶穌之功勞。所以必下地獄。雖受永遠無窮之苦。不能補其罪。今明知如此。爲何不顧自己。只顧別人。我今再與汝說明。乘此神形不會離別之時。永遠之苦。永遠之福。俱由汝定奪。過此好時候。萬無挽回之法。

當務之求 爲犯重罪者

祝文 懇祈全能天主。爾聖安瑟而莫精修主教。每年瞻禮。加吾心虔而體安。爲爾子耶穌基利斯督亞孟。

廿二日聖女恩格辣弟斯同十八位 致命

警言○或悉棄世財而爲神貧。或留以漸濟貧。孰愈。古賢

聖傳○聖女恩格辣弟斯。係波爾都爾亞國貴族之女。從幼事奉天主。常存致命之心。至十餘歲。父欲允鄰國胄子之聘。聖女素懷潔志。每日求主免此俗情。天主於誦經時。默啓曰。此即致命之路。汝欲致命以爲主。可順從父命。出嫁時。父選世家奉教者十八人。陪送至依西把尼亞。聞總王差員。滅除正教。聖女卽往見之。除序明本族之外。卽云。我係欽崇天主之人。聞有殘害聖教之事。故特來到此。教中人。不犯法度。不作非爲。何因而加害。若爲敬天主而害。甚不合理。天主。乃天地萬物神人之主宰。無一人不該敬者。不由主宰而稱神聖。盡屬虛妄異端。敬

之者。大獲罪於主宰。難逃公義之罰。官以盡滅聖教爲心。不論鄰邦。不  
管貴族。卽命拘拿。與陪送諸人。一同入獄。次日提審。重刑威逼。勒令反  
背。旁觀之人。莫不傷感。過夜。將陪送十八人。在聖女面前斬首。望聖女  
畏懼改心。豈知聖女容色怡然。言辭侃侃。視苦如飴。情愿爲主致命。官  
復命役痛責之。身無完膚。收監。斷其飲食。用釘釘入腦中而死。時天主  
降生後三百三年。

宜行之德 神貧

聖思 一。不論何人。入世之時。赤身之外。並無一物。出世之時。財物盡  
離。一個蛆囊。不過埋藏土內。從此各項。俱不明矣。俱不愛矣。這不明不  
愛之時。並非遠話。不定就來。爲何此刻。恃汝之明。專心溺愛之。 一。天  
堂無神貧。惟人世有之。所以聖伯爾納多曰。天主親降於世。爲極貧之

人三十三年。死於十字架。此神貧之表樣。實希世之大寶也。爲何不遵而行之。一。在世欲受神貧。如何而後可。聖保祿云。欲受神貧。五者必當全備。一。心不寄於財。得財如無。二。或富或貴。要將驕矜斷絕。三。用財須十分謹慎。不許聽從私意。四。有財之人。該常哭所有之財。因與耶穌之處世不合。五。有財該有畏心。因財爲萬禍之根。與天堂之路相反。汝今欲受神貧。可能心中全備此五件否。

當務之求 爲貧而無告者

祝文 伏望吾主。使吾兢兢不間。敬憶爾聖童女恩格辣弟斯等。兼致命得勝之榮。吾力弗克以合。宜誠心崇敬。祈爾時時。將吾恪恭微忱。爲爾子耶穌基利斯督。亞孟。

## 廿三日 聖若而日 致命

警言○先受主命。次求主恩。宜也。若徒求而不命是遵。孰敢乎。

聖奧斯定

聖傳○聖若而日。因父母拜主。自幼教以正道。及長。勇幹過人。遂居武職。陞授大僚。上愛其能。必與國家有益。居無何。會議斷絕天主教之法。眾臣皆迎合上意。惟聖人以爲不可。在朝明言。此行大獲罪於萬物主。非國家之善政。上聞此語。知係拜主之人。親友甚怨。其悖命逆君。失恩惹害。何故如此。王亦以此責之。聖人回稱。我王明聖。萬物之內。只有一主。該當敬之。各種美好之恩。俱從此主而來。與有生有死之人無干。今王所敬之神。皆假前人之名。當知前人死後。與眾人一樣。何由而

得禍福之權。王竟勃然大怒。重責收監。次日提問。肯背汝教否。聖人直言我王不該如此。若說爲主致命。我心情願。不畏利害。王怒愈加。夾打並施。受刑時。聖人聞空中呼名諭云。不要怕。爾主在此。所以愉容甘受。兩法司見其耐苦。有天主之佑。卽曰。所敬耶穌。一定是吾人之真主。我們同他致命。王更怒甚。卽拿二法司斬首。後復問聖人。肯從我否。王錯聽聖人有情願之語。送至廟內。聖人入廟。先畫聖號。後向土神云。我命你。你可明說。你係真主否。土神大聲回云。我非真主。汝敬之主。實係真主。此時廟內各邪像。俱作悲鳴怪叫之聲。頃刻盡行倒毀。住持人等。以聖人爲邪術。速求正法。卽命斬首立決。時天主降生後二百九十年。

宜行之德 小心敬主

聖思 一。請看若而日聖人。不論何苦難。不論何福樂。俱不能動心。汝

心如此否。汝能情願失去榮華。失去財產。救汝信德否。汝怕一言得罪。不過爲暫時福樂。長忘記天主。怎能設有聖人的效驗。一。心內情願做聖人。就該照依聖人所走之路而行。爲何畏難。爲何驚怕。我看汝於別事。並不如此。因事關緊要。故不畏不驚也。然則世人緊要之事。還有比靈魂之事。更緊要麼。一。走聖人之路。不該止步暫停。不該想從前走過之路。只該一步趕緊一步。勉力奔波。只該望天主預備之天堂。已經不遠。如此。猶之旅客還鄉。雖然沐雨櫛風。饑殮露宿之苦。猶喜歡樂受。並無一毫畏懼。

當務之求 爲被魔誘惑者

祝文 懇祈全能天主。吾敬憶爾聖若而日致命者誕日。賴其轉達。使吾剛健於爾名之愛。爲爾子耶穌基利斯督。亞孟。

廿四日聖亞達伯 主教致命

警言○貞行如對皎日。勿沉湎。勿謀食。勿婪。勿佚。勿競。勿妬。惟茲

吾主耶穌基利斯當。聖經

聖傳○聖亞達伯可稱聖母之子也。因乳哺時。大病待終。羣醫無法。父母只生此兒。愛情甚切。抱入聖堂。置於聖母祭臺上。求聖母收獻存留。求畢。病卽全愈。從此長成。康寧無恙。父母謹於教育。滿望後來爲主出力。以報聖母存留之恩。讀書九載。博學聰明。超羣出衆。偶見一教友。臨危痛悔之哀聲。聖人卽動心定志。棄俗修身。愛主情真。名聞廣播。主教歿後。因推尊者甚衆。遂於聖伯多祿聖保祿宗徒瞻禮日。卽主教位。此方教友。冷淡者多。聖人盡心竭力以勸勉之。久而無濟。不得已。離

此地方。欲往協路撒稜。道經羅瑪。謁聖本篤修院。見修規甚善。卽在此操修。不復他往。六年後。本地有思慕之人。請回舊治。聖人識透此地人心。固辭弗允。嗣因教宗之命。方束裝就道。行至洪厄里亞國。每日聽講。受勸之人甚多。勢必少留數日。因遣人先往。令教眾預備遷改之心。聞眾人無禮之甚。卽取道往布羅素境上。此地原無正教。驅逐聖人出境。復追捕拿回。至一山。連戮七鎗。又斬其首。時天主降生後九百九十七年。耶穌受難日。

宜行之德 遠離惡友

聖思 一。惡友所行。惟戀惡事。妄絕善根。親近之人。初時自然不能大染。迨至歲久日長。必習焉而不覺矣。汚語不知其羞。汚行不知其罪。靈魂大受其傷。縱然悔改於後。不如遠絕於先。况後來悔改之恩。誰知天

主允與不允。故起初若不小心。自以爲我有主意。不怕他沾染。難哉。危哉。一。魔之巧計甚多。然頭一個妙法。全借惡友之薰蒸。因友人之惡。能蔽我之聰明。能亂我之愛欲。能滅我靈魂之光。凡同惡友行走者。如與魔同行。汝若執迷不悟。要救靈魂升天。危哉。難哉。一。聖經有言。同聖人。勉強亦變爲聖人。若同惡人。必容易變爲惡人。所以免不得要離開。若不斷絕。憑他堅固心腸。不久必然一樣。故當嫉之如大仇。惟天主臺前熱心者。方爲真友。德必愛之。惡必怒之。所言所行。俱能動汝之心。倘舍此真友而友惡人。不亦難而又難哉。直至土崩瓦解。連肉身亦不能保。旦夕之平安。豈不危而又危哉。

當務之求 爲自失太平者

祝文 全能天主。垂盼吾劣。爲本行重任屈壓。賴爾聖亞達伯致命兼

主教轉達。得厥護翼。爲爾子耶穌基利斯督。亞孟。

## 廿五日 聖瑪爾谷 聖史

警言 ○爾宜謹慎。兢兢諸事。用聖史。供爾職。宜節儉。 聖經

聖傳 ○聖瑪爾谷本如德亞國人。親隨吾主耶穌。一日。耶穌講道於徒眾之前。語云。汝曹。弗食人子之肉。弗飲人子之血。將不能生活。時同別友。惡聞此說而去。至耶穌升天後。從新拜聖伯多祿宗徒爲師。隨往羅馬。勸化多人認主。因新來奉教人。雖聽二聖所言。耶穌行事。難於傳述。求著之於書。聖人遵聖伯多祿宗徒之命。將耶穌言行。錄成書冊。聖伯多祿鑒定准行。從此教中。得轉展相傳。差往別處傳教之人。亦載

所著之書而行。故列聖人爲四聖史之一。至今借仁獅之像。表其大德焉。越數年。由羅瑪奉差至亞基肋。又二年。至厄日多國。所在之地。教化甚行。棄邪信主者最多。嗣往亞肋桑德利亞府。此地係亞細亞利未亞歐羅巴三大洲之衝衢。商民駢集。戶口殷繁。聖人欲就此開教。救人。建一大堂。多顯靈跡。被化者不可勝數。其中多有因耶穌之言行。聖人之表樣。全離世俗。盡棄家財。避居厄日多國深山之內。如天神然。敬主感恩。苦身克己。每日略食些須麪餅。以存生命。稍飲清泉。以解渴而已。更有三日一食者。且有五六日不食者。麤衣遮體。片板爲牀。聖人協同衆徒。竭力盡心。周全區畫。大能感發人心。惟常責邪神之非。顯真主之正。故亦動外教人之怨怒。陰圖殘害。聖人預知其計。只恐新來奉教者。無人管攝。以門弟亞嚴爲主教。立三位神父。七位副祭。助理之事。畢。卽起

身別往。在外二年。復回此地。見教眾比前更盛。樂莫大焉。外教人聞聖人回府。怒心復熾。於耶穌復活瞻禮日。舉行彌撒時。邪黨蜂擁入堂。將聖人擒入獄中。是夜。天主先差一天神慰諭云。汝名已書於常生天冊中。列汝於宗徒內。汝靈魂升天後。人間世世記汝敬汝。聖人聞此慰諭。正喜樂非常。耶穌忽現。大呼瑪爾谷我的史。平和在汝。次早。邪黨提出監外。用繩網縛。拉至坑坎之地。轉展拖捲而死。眾見聖人氣絕。即欲起火燬屍。天主不容。驟發暴風雷雨。邪黨悉奔。正教人。即安捧聖屍。擇潔地而葬之。迨後聖教廣揚於物奈西亞府主堂安置。迄今猶恭敬不衰。

宜行之德 欽遵聖典

聖思 一。聖經爲吾主耶穌所留。故稱聖典。人能領受而遵守之。不論那一條。那一句。俱係升天之路引。然何以謂之領受。必須熟讀於口。明

記於心。何以謂之遵守。必須躬行其言。實踐其事。今聖典現存。汝曾領受否。汝曾遵守否。一。世俗亦有禮典。但與吾主所立之典相反。耶穌輕財。世俗重之。耶穌負十字架。世俗惡之。耶穌愛仇。世俗圖報復之。耶穌惟謙惟下。世俗純以驕矜自處。耶穌苦身克己。世俗惟以安樂爲快。心。件件俱與耶穌相反。今汝欲望升天否。若望升天。必隨耶穌所立之典。纔能升耶穌所升之天。一。不可想耶穌留下升天之聖典。專爲修道者。無兩樣天堂。亦無兩樣升天之典。除了耶穌所升之天。就是地獄。除了耶穌所立的升天之典。就是世俗之典。多少教中人口中常說升天。言行並不會遵守。獨不想升天之典。卽係天主之命麼。輕慢天主之命。而不小心遵守。妄想升天。難矣哉。

當務之求 爲在外教者

祝文 天主。爾命聖瑪爾谷聖史。以傳教之重任。我今求主。俾我奉爲在天之主保。得明所傳之聖訓。勉力遵行。爲爾子耶穌基利斯督。亞孟。

廿六日 聖理吉 顯修

警言○主。爾憐眾攸造者。無一惡之。爾陽爲不知人罪。俟悔卽赦。

伊等。爾爲主。吾天主。 聖經

聖傳○聖理吉。係拂郎濟亞國望族之裔。家居鄉鎮。自幼及長。不習詩書。專圖勇壯。以獵射爲常。此間雖有聖教。不守聖規。十七八歲時。有二鐸德。到鄉傳教。鄉人慢視之。獨聖人欵留家內。不容眾人排擠。幫

助神工。二鐸德見聖人具有善根。多方提醒。天主神恩。豁然感悟。行總告解。從此潔身盡志。以隨主佑。有進無退。期於死而後已。數年後。因其道理精明。嚴修強銳。遂授爲鐸德。卽於本地傳教勸人。誠心感化。人皆傾服。自奉極其菲薄。不過大麥餅凉水而已。服事病人。常以己財。備辦藥食。賙給貧窮。又泛海傳教別方。悔罪自新者。棄邪歸正者。俱不可勝數。越數年。復回本地。工夫愈密。全棄家財。同友隱入山中。構二小屋。以棲身。另築一室以敬主。尅苦己身。惟存皮骨。步履亦難。形軀雖瘁。心志精明。天主臺前。無時不合主旨。聲名四達。聾瞽啞癱瘡癩之人。求之即愈。未幾。蒙主默示升天之期。聖人將大樹木。鑿成一棺。領受聖體聖油之後。平安而逝。時天主降生後六百三十年。

宜行之德 不恃自己

聖思 一。人本軟弱。無主聖佑。諸惡難改。聖伯多祿雖爲宗徒。尙有三叛之失。人認自己。不得不怕。聖奧斯定曰。我之犯罪。俱因軟弱。我之悔改。俱係主恩。一。若犯大罪。不要失望。天主仁慈。比海更洪。比吾罪更大。認得自己有罪。就該痛悔。望主寬赦之恩。若不要天主之恩。不望天主之赦。則變易爲難矣。一。若肯改所犯之罪。須查明此罪之根由。不知其根。必然再犯。猶如病人。知係某物之害。後來必至死不食。聖熱羅尼莫曰。明知一去。便害靈魂。汝爲何還往此家。豈汝成心就死麼。

當務之求 爲罪人改過

祝文 天主。以爾聖理吉。每年瞻禮。樂我等。懇祈爾。吾旣慶厥誕日。幸師厥功勩。爲爾子耶穌基利斯督。亞孟。

廿七日 聖安弟默 主教致命

警言○多言不飽靈魂。惟善行能養快其神心。在天主前有望。

輕世金書

聖傳○聖安弟默。從幼隨天主聖佑。與諸童迴別。年日長。德日增。觀感者日眾。故二十餘歲。即爲鐸德。未幾。因主教去世。眾共推尊之。即位後。盡心料理教務。堅人信德。雖在聖教多難之時。不畏辛勤。不辭患害。凡被聖人教訓之人。俱爲主致命。總王知此多人堅固。皆係聖人所化。密差侍臣二十人。各處捕拿。因未曾識面。竟向聖人訪問。時聖人年已及邁。樂受此恩。卽請差員到家交付。先設盛筵款待。將徹。始云安弟默就是我。聽憑拘送。二十人見欣然樂從之狀。疑其不實。且白叟堪憐。

厚情難忍。共勸其脫逃。免害。聖人不從。惟熱心講解天主正理。二十人莫不心服。立即棄邪歸化。領洗入教。事畢。聖人命鎖拿入見。王命聖人先看各刑具。復問云。你就是害人的安弟默麼。聖人云。不必想此刑具。可以恐嚇我。我心巴不得全受此刑。獻於我敬之主。因此主。係萬世萬民之大主。不論何人。都該敬事。不敬此主。身後必受無窮盡的罰。若能認主受苦。必享無窮的福。何難之有。王大怒。緩緩施刑。無苦不加。聖人身在苦刑中。一心讚美天主。並不受些微之害。隨將鐵鍊鎖鑷送監。途中鎖鍊自開。禁役驚慌仆地。聖人以手提之。次日。又出監嚴審。好言勸誘。聖人云。不必多言。惟一造物主。爲真爲正。各人僞立之神。盡皆虛假。我情願捨命以証之。王見其不可挽回。着即斬首。以洩其怒。時天主降生後三百二年。

宜行之德 斷絕虛言

聖思 一耶穌吾主也。爲真實之表。邪魔吾仇也。爲說謊之表。可知說謊哄人。明係仇魔之子。故寧死不敢說謊。縱然此謊。無關事情之輕重。因得罪至尊。至大全能全善之天主。雖不害人。必害自己。如何說得小。如何說得小謊不妨。 一。凡事只有兩途。不正卽邪。不真卽假。故所言不實。就是謊言。就能滅本心之信德。若個個人都說謊。若句句話都說謊。非大亂麼。再說謊者。大害耶穌聖訓。聖奧斯定曰。新教之人。係吾主耶穌之聲音。今以謊言哄人。是假冒耶穌之聲音矣。不獨害己。不獨害人。且害及耶穌。如何說得不妨。 一。有人一生皆謊。以假善哄人。至死無人看破。此等奸巧。獨不想天主無所不在。無所不知麼。暫時的掩藏何用。公審判日。人人皆知。然彼安心樂從者。因滅其本心之信德。不信

天主全知。不信後來審判耳。謊之流害。至於如此。還可說得小謊不妨。廢。

當務之求 爲無信德者

祝文 全能天主。垂盼吾劣。爲本行重任屈壓。賴爾聖安弟默致命兼主。教轉達。得厥護翼。爲爾子耶穌基利斯督。亞孟。

廿八日 聖女投多辣 聖弟弟瑪 致命

警言○世惡爾輩。弗足訝。乃知吾輩。由死而移於生。愛吾友故也。  
不愛。即居於死。 聖經

聖傳○此傳係聖盎博羅削所作。略云。安弟約記亞府。有女名投

多辣因有美容。求婚者多。俱係外教。不允所求。伊等卽以邪教控官。時值總王嚴禁。官卽拘訊。命其遵奉王法。背棄耶穌。不然。卽斷汝爲娼。聖女倚賴天主全能。堅執不從。明知身之被強。無害靈魂。且情願致命爲主。官卽命入淫院。聖女進院後。卽伏跪求主。不許人污辱。求畢。見一幼年兵丁。名弟弟瑪。從外而入。向聖女曰。不要怕。我非害汝之人。我來做汝之兄弟。設法救汝。本來形狀甚醜。聖女問以何法可救。回云。不過汝穿我衣。我穿汝衣。彼此一換。我衣能保汝童身。汝衣能送我致命。說畢。卽脫衣求換。聖女想此舉。必係天主所命。遂換衣出院。闖人並無疑心。後有別人進房。知弟弟瑪。假粧投多辣。將頂替脫逃之弊。首告於官。官大怒。命拿弟弟瑪立斬。聖女聞知。迎至法場。曰。耶穌基利斯督之兵。你爲什麼。我隨汝愛人之意。保我潔淨。更換汝衣。不是替我致命。爲主致

命。係天主之特恩。我並不怕死。爲何要你頂替。弟弟瑪高聲回云。我致命爲主。與汝何干。我死就是了。你自回去。爲何要二人俱死。聖女曰。不然。爲我正法。則汝今日之死。是我叫汝死的。如何去得。二人爭論不已。官命將二人一齊斬決。時天主降生後三百三年。

### 宜行之德 友愛

聖思 一。我們之愛。雖不論何人。更該小心於朋友。蓋同心合志者。纔謂之友。故必係愛天主之人。庶能交相勸勉。不怕失信。若此友不愛天主。是其心。且不守信德於天主之前。倒肯守信德於友人之前麼。難道友人之恩。比天主之恩更重麼。難道友人之害。更比天主之罰。還狠麼。

一。交結朋友。該互相幫助神工。遵守本分。纔可稱爲益友。若有別意。如體面財貨。快樂技能等類。事非久遠。聯合亦難。汝今如何。

一。真正

益友。不難失業失安。失財失命。以助其神工。以救其靈魂。因兩人能爲此相愛而友。必有耶穌之愛在其中。聖伯爾納多曰。不絕我者。斯爲眞友。足見友愛之相關。匪淺鮮也。

當務之求 爲失和睦者

祝文 天主爾賜我等敬憶爾聖致命者。聖女投多辣及聖弟弟瑪誕日。望爾彼居永福之域。使吾偕樂。爲爾子耶穌基利斯督。亞孟。

## 廿九日聖白多祿 致命

警言○今安度爾日哉。今安享爾平哉。今烏知攸隱於爾日哉。聖經聖傳○聖白多祿。係意大利亞國人。親本異端。聖人未離懷抱。即

深惡之。七歲。自學館回家。叔問所學。答云。學天主信經。見叔不悅。即直言力辯。父駭其奇。勿加禁飭。赴郡入大學。仍固執良規。去私克己。每念世情難免濁污。欲棄俗隱修。適多明我聖人。按臨是郡。卽趨拜門牆。奉爲明師。入會後。倍加苦尅。食淡衣麤。服勞減睡。數年於茲。漸成衰病。主特生全之。益增神力。一日。閉戶默存。忽現致命三聖女。一依搦斯。一加大利納。一則濟理亞。代主慰勉。適門外一修士。竊聞女音。告於院長。次日。聚眾公審。聖人默無一言。遂譴往他方。久之。未蒙天主代雪其冤。向苦像前。垂淚泣訴。耶穌聖像卽從十字架上。諭云。我由何罪。當受此苦。况汝難未能當吾難之萬一。又何怨乎。因罪受辱者。是盜賊之僂也。何功之有。聖人感愧愈深。精修益奮。未幾。主因其誠切。代釋其疑。眾皆欽仰倍常。繼因長命。巡歷各方。所至之地。過化存神。風清俗變。或建堂瞻

禮。或立院濟貧。鄙陋者。盡成良善。邪術者。改爲正人。至福冷濟亞府。受教者。不啻萬眾。堂弗能容。擇城外廠地教之。忽有黑馬馳入。眾懼其踐踏。聖人知有邪魔附於馬下。對畫十字聖號。魔卽同馬而奔。民更傾服。米郎郡中。有數異端。混入聖人講道之地。時值亢陽炎熱。異端譏諷云。汝爲大聖。何不立佈雲陰。以覆此聽講之眾。聖人云。若如爾意。爾輩棄邪歸正否。異端惶惑不言。聖人欲堅眾志。卽跪求主允。忽見深雲蔽日。如在幔帳茂林之下。講完始散。一時頌聲載道。信德益堅。二農一正一邪。正者求主加恩。邪者求魔福庇。聖人道經其鄉。懇主顯示之。及收穫時。正教之人。數倍豐收。異端之田。盡爲茂草。由此求魔者。棄之而歸正。從旁感化者亦多。有一能言利口之異端。特向聖人搖唇鼓舌。逞其雄談。聖人嘿不置辯。惟祈天主處治之。此人立時瘖啞。不能一言。眾皆驚。

愕之。笑侮之。由是改惡遷善者。不可勝數。傳教至拉物納古郡。時因薄暮。留住堂中。夜深後。堂上異光四射。遠邇居民。爭往觀之。一見聖人。知係異光所指。伏地求恩。異端側目而視。頓起妬謀。令一人詐病求憐。希圖侮辱。聖人洞燭其奸。叱云。汝以假病欺我。我求天主。以真病罰之。言甫畢。而病已及身。垂危欲死。病者痛悔前非。哀求寬免。聖人訓以正道。後盡十字愈之。此番受辱。仇恨更深。必致之死地而後已。聖人亦預知致命大恩。成於若而人之手。乃於講道時。對眾曰。異端之徒。用金若干。買囑勇士。暗中殺我。豈知我身。爲主爲道而死。係我之本願。甘心樂從。無足畏也。但可笑者。此輩何獨懼我生前。阻其詭計。反不懼我死後。破其陰謀。越十四日。往米耶郡城。伊等潛伏中途。拔劍以待。聖人挺然卓立。毫無懼容。受傷時。口中猶全誦信經而後仆。仆地後。以指取血。書信

經首句於地。書畢。仰天呼籲曰。吾主天主。我本無功無德。惟賴主慈佑。收受吾神。凶徒復拔小刀。密刺以絕其氣。時天主降生後一千二百五十二年。後此輩中。多有棄邪歸正者。聖屍殮葬不久。卽徙於米耶郡相近之大殿中。崇奉之。迎送之民。持燭以表敬。豈知所執之燭。俱無火而自燃。且久而不滅。一人指像厲聲曰。彼當被殺時。我若在旁。必手剖其心。以消吾恨。言未竟而啞。數日後。此人伏罪求憐。棄邪歸正。復言如初。二年後。列入聖品。至今謁墓求恩者。猶沾遺澤焉。

宜行之德 輕世

聖思 一。罪人一生處於幽暗。好像我身之內。並無靈魂。我身之外。並無天主。故只想本身之樂。本身之利益。惟有隨信德之光者。決不肯如此。爲何不肯。聖奧斯定答云。因他一生。不將拜天主之眼。去看世俗。無

怪乎眼光日明。信光日大。一。罪人臨死。必自知一生所行。皆虛而無用。從前有的財帛。有的快樂。有的體面。併有的德名道貌。學力才情。都沒有了。從前沒有的地獄。不信的罪罰。不看見的靈魂。一齊都有了。聖額我略曰。罪人此時。如睡方醒。但可惜醒得遲了。一。人之死。與生相合。罪人生時。爲天主之仇。死時。仍爲天主之仇。聖人生時。爲主而善生。故死時。仍爲主而善死。今汝要知道我將來怎麼樣死。該查汝現在所行事務。聖伯爾納多曰。我因不肯全爲天主。所以甚恥過去之生。我因不淨。所以甚怕將來之死。

當務之求 爲罪人

祝文 懇求天主。以爾聖白多祿之信。堅我心志。因其毅勇致身。得獲信德之光榮。爲爾子耶穌基利斯督亞孟。

三十日聖女加大利納瑟納 童身

警言 ○行仁。乃愛人之效。 聖經

聖傳 ○意大里亞之瑟納郡。生有聖女加大利納。因同名者多。別以瑟納郡名。甫六歲。與昆仲閒行。仰見耶穌坐於殿頂。伯多祿保祿若望侍旁歡視。聖女不勝踴躍欲飛。作聖之基。即從此始。至七歲。誓守童貞。至應婚時。聞父母擇配。阻之不獲。髡首毀容以示志。父母大怒。難以婢役之事。身心愈樂。父母伺其獨居。有白鴿在頂。知係天主所寵。始如所願。嗣後奮勉日加。先聖多明我降慰曰。汝將入吾修院。毋容多慮也。居常隱跡苦齋。重責肉體。繼而入院苦修。倍加卑約。三年不語。以懲前失。耶穌常常慰臨教訓。曾示云。汝能知我。又能知汝。即真福也。知我爲

萬有之根。眾善之原。知汝從前無汝。今現在者。一小物耳。又云。汝無多事。惟思我足矣。汝之思。能動我之思。汝之事務俱安。聖女聆此聖訓。知己無力可憑。恃有主恩。毫無妄躁。惟安心順命。砥礪精修。邪魔妬忌。以穢念煽之。聖女防患甚嚴。幸耶穌降顧。哀籲云。主何棄我不救。耶穌曰。吾未曾離爾。聖女曰。穢念中主能安乎。耶穌曰。汝容是念否。聖女曰。痛恨極矣。何肯容留。耶穌曰。成功正在於此。聖女欲盡愛人之心。留貧病婦人於臥榻。晝夜調治其瘡。病人不耐煩苦。嘗生怨誹。聖女加謹事之。耶穌右執金冠。左執茨冠。降顧曰。任汝擇用。聖女擇茨冠戴之。甚痛。耶穌重嘉勉焉。榻間病婦。忽見大光從天入室。環圍聖女之身。始悔感不輟。魔復乘夜毒撻。未幾。拿入火中。聖女俱嗤退之。偶見膿潰發嘔。自慚薄德。復口吮其瘡。以尅嘔厭之心。翌日。又見此瘡。仍吮膿飲之。次夜。耶

耶穌親臨褒美。併准後來七情和順。能聽靈魂之正命。越數年。胃氣日衰。惟領耶穌聖體。心怡神壯。同居之修女。莫不奇之。願病憐貧。不遺餘力。病中聞一寡婦困乏。乘夜將酒油麥麪。力疾負送於門。不使人知。見一乞人。聖女止有小銀十字。即與之。入夜耶穌手指銀十字。謝云。此於公審判日。吾用証爾德。一裸者乞衣。解衣與之。再求內衣。又入室解與之。復代友求衣。恨無以應。次晚耶穌以寶衣嘉獎之。聞有孤癯病婦。樂於勤視。雖遭叱詈。弗顧也。有二絞犯。先受鉗刑。忿怨不伏。聖女趨市勸懲。二犯即甘刑悔罪。聖女父歿。恐遭煉苦。願以身代。天主允其所求。准父升天。使聖女終身患病以代之。又母病臨危。未沾神恩而死。聖女苦懇哀求。主即准其復活。苦身補贖。至八十九歲。若聖女者。真可謂事親盡孝也。原係貴戚懿親。故遇有國政之失。臣民之過。常直言入諫。至於未

來之事。秘密之心。愈病驅魔之效驗。歷三十三年之久。積德施仁。力行不倦。偶因寒熱之旨。自知終期已至。多設訓言。安然長逝。時天主降生。後一千三百八十年。遺骸香潔異常。葬於院側。迄今有求必應。

宜行之德 效法聖女仁愛

聖思 一。聖加大利納愛主無比。愛人至極。哀憐罪罰。更難言盡。常想救病救窮。以安其身。猶想救迷救罪。以安其靈。一日如是。終身如是。今爾心何在。在名。在利。在逸樂。若說到愛主愛人之事。恐汝終身總算。未必有聖女一日之功。奈何。奈何。一。聖熱羅尼莫有言。人於在世之時。享受世間福樂。恐難享天上之福。永遠之樂。故聖女情願領受耶穌茨冠。明知此身尙在世間。當受世苦。留此榮福之金冠。以待身後。今汝既不肯甘受世上之茨冠。如何得受天上榮福之冠。一。聖女之心。離不

開天主。常有吾主耶穌受苦受難之跡。印刻於心。常想自己從無而來。常想後來地獄永苦。如此想。自能不怕世苦。不怕邪魔引誘。汝爲何不如此。可知怕世苦。怕魔誘者。無他。皆因此心散亂。不想天主。不想身後故爾。

當務之求 爲苦難不知忍耐者

祝文 救吾者天主。聽受吾禱。吾樂聖童女加大利納瑟納瞻禮。望以誠心得受訓誨。爲爾子耶穌基利斯督。亞孟。

# 聖年廣益

五月初一日 聖斐理伯 聖雅各伯 二位宗徒

警言○人實信子。必行奇行。擬子之行等奇。猶愈奇。 聖經

## 聖斐理伯宗徒傳

聖斐理伯。係如德亞國人。幼習古經。知天主將降生救世。適聞耶穌神行。遂師事之。併引故人納大入見。耶穌曰。此忠直人也。納大惶悚云。吾主何以識我。耶穌曰。汝在某處大樹下。閒步尋思時。吾卽鑒汝之心跡矣。納大驚服。聖人亦因此深信耶穌實救世主。非古今諸聖所可比也。嘗隨耶穌於野。多人簇擁同行。空腹者已三日。耶穌憐憫之。聖人曰。人

甚眾。欲市食。雖二百金不足。耶穌命眾席地而坐。將一人所攜五麪餅。二小魚。取以散給眾人。飽飫而有餘。此係聖人目覩手行之事。愈增悅服之誠。三年內。所奉耶穌教訓。莫不勉力修持。凡嚮風慕義者。必引入聖門。同承聖業。及耶穌升天後。諸徒各適一方。聖人所往者。亞細亞之東。毀魔除患。信從者甚多。廣立教堂。擇人分任。周歷二十餘年。行至斐利日亞。聞有怪蛇。盤踞惑人。聖人親至其所。求主滅之。蛇卽自裂。眾人感頌無似。獨藉蛇射利之徒。怨恨最深。捏詞控告。官受其欺。斷以死刑。先答後釘。以石擊之。聖人欣然就刑。併求赦害己者之罪。及答完釘豎。突然山鳴地震。屋倒人傷。在十字架旁之刑役。正口吐狂言。逞威譏笑。豈知語未畢。而站脚之處。裂坑身墮。眾皆顛慄奔逃。聖門弟子。欲脫師於十字架。天主嘉其德備功全。遂使聖靈升天享福。聖身終於架上。時

天主降生後八十七年。門人遵禮葬之。後遷於羅瑪。

## 聖雅各伯宗徒傳

聖雅各伯。係耶穌中表之親。舊史美其胎中即有聖德。因自幼志潔行高。精修甚力。故得此稱頌之言。跡其終身。惡衣菲食。克己之工。最嚴最謹。只觀叩跪主恩一事。晝夜勤行。從無間斷。以至額膝俱成厚趺。遠近奉主之人。無論智愚上下。知與不知者。雖偶然一面。莫不心瞻神仰。尊之爲聖。奉之爲師。且容貌與耶穌相似。更增人敬畏。當眾徒分散時。公議留聖人於本都。權司教化。故凡屬聖教會所行之事。雖千里而遙。必就正焉。都門士庶。時瞻聖表。時沐神恩。數年之間。信從新教者。日增月盛。古教黨援。圖謀毒害。巧施陽奉陰違之奸計。請赴公堂施訓。既至。古

教之有司亞納諾改容敬禮曰。以天主最初所諭之教。立殿尊崇。無可疑也。近因異說新來。禮儀漸廢。我等無力挽回。吾師爲士民重望。肯發一言勸諭。則廢者不難復興等語。聖人沉吟少頃。定期再晤。至期。諸有司特設巍然之講席。公請聖人升座。餘俱旁侍於下。且嚴飭眾人。寂聲拱聽。隨向聖人云。今日之舉。共仰神師明示正邪之道。敢問愚民迷於新說。所稱耶穌者是誰。聖人回云。耶穌乃天主親子。現在坐於天主罷德肋之右。日後再來審判萬民。行賞善罰惡之公義。眾皆鼓譟厲聲。叱其悖逆。霎時變起。喧喊如雷。初則亂石共拋。繼卽從高推墮。聖人不顧自身之窘難。猶正容求主。請弗罪之。眾因聲息尙存。或以石。或以棍。遍體傷殘。全身流血。至瞑目而後已。時天主降生後六十三年。徒眾捧屍殮葬。後遷於羅瑪。

宜行之德 效聖

聖思 一。吾主耶穌救二位爲宗徒。二聖盡心傳教。又爲耶穌而致命。今天主救汝已久。心內明知主佑。爲何不順。過去之事。現在之時。豈沒有該爲天主用力之處。豈沒有該爲天主受苦之處。爲何遇苦不受。爲何有力不用。是明明擺着不肯做聖人。不肯享永福。還有何強辯之處。

一。聖斐理伯纔受耶穌收留之允命。就想勸人認主。所以故人納大。即引至主前。今汝蒙天主收留在教。已非一日。爲何親戚友朋。多有不曾認主者。豈汝之親友。都不及聖斐理伯之故人耶。誠恐人皆納大。汝非聖宗徒耳。語言行事。害人之表樣甚多。如何能鼓勸人認主。

一。聖雅各伯。道貌德容。顯明於外。人人見面。便稱爲聖人。今別人稱汝爲何人。不便直言汝之長短。隨口說是好人。究竟是十分強勉等話。瞞得人。

瞞不得自己。爲何不學聖人的道貌德容。使人人實心誠服。

當務之求 爲傳教者

祝文 天主。爾使吾等於聖斐理伯。聖雅各伯兩位宗徒。每年瞻禮欣樂。懇祈爾。吾悅其功行。並師其遺則。爲爾子吾主耶穌基利斯督。亞孟。

## 初二日 聖亞大納削 主教聖師

警言○爾倘爲子。被咒辱。殘害。妄証。乃真福者。聖經

聖傳○厄日多國。係天下名邦。亞大納削。係此邦名聖。今名邦僅有其名。而名聖永存其實。略傳萬一。猶足興後人之觀感也。聖人之父。貴而且賢。一善教。一善學。故孝友早著於成童。曾在海濱。與羣兒戲行。

付洗入教之禮。時立山聖人司教。適從樓上望見之。傳來面詢。雖屬戲行。而付洗誦經。俱合正規。議者謂其必蒙實效。聖立山云。他日定爲大學之領袖。聞安當聖人名。訪求受業。立志精修。學成。回見聖立山。卽累陞鐸德。未幾。聖立山老病將危。聖人亟避付託之重。聖立山向眾言曰。謬矣。主命不可逃也。眾承遺命。得其踪跡。強立之。奸徒以新位易搖。誣控姦淫人命。一經聖人明辨。真僞判然。官將奸黨重懲之。愈增仇恨。密伺聖人。隨往東都訐告。遂避往拂郎濟亞國。正值本國儲君流寓邸宮之時。躬迎賓禮。及儲君回國登基。聖人亦迎歸舊職。奸徒復誣訴於教宗。不獨未遂惡謀。更遭恥辱。從此誓圖殘害。因而更力。聖人見事勢甚危。避居西京。請命於教宗。教宗命四方高士會議。併令奸徒同來質証。如期赴會者。三百七十六人。從公討論。洞知聖人所傳。皆修身正道。奸

徒所說。無據無根。遂迸除惡黨。仍請聖人主持教政。舊俗重新。盡心培植。存神過化。不期然而從善格非。未及四年。全遵聖治。奈奸徒百計鑽營。流言中害。一日。聖人進堂。正欲舉行大禮。忽聞東都國主。遣兵圍繞。擒拿。聖人卽登座。勉慰下民。眾兵闖入。無一見者。聖人明知主恩庇護。遂雜士民而出。隱於山谷。越五年。新君嗣立。請聖人復掌教事。邪規以次滌除。聖教比前更盛。繼因新主。被奸徒煽惑。竟欲棄正歸邪。差官役三百餘名。押解聖人出境。密令解役。殺於中途。聖人見幾而作。易服入舟。知追役必來。轉舵以迎之。追役不識聖人。反問曰。汝等見亞大納削。過去否。聖人答曰。相離不遠。追役飛奔前去。聖人遂脫身。養晦以待。事聞。勃然大怒。必緝拿處死。值敵兵犯境。自將親征。交戰時。飛箭中心。身亡軍潰。聖人復出而施政。不數年。仇謀又起。如前隱跡。旣而國王幸悟。

其非。召還原職。雖黽勉更甚於前。而衰老難以久留。臨終猶惓惓勸諭。時天主降生後三百七十一年。統計一生。六秉教權。五遭大難。四十六年之中。無非顛沛流離之日。後人欲立德立功。成聖成賢者。當於此聖傳。三致意焉。

### 宜行之德 忍耐感恩

聖思 一。天主許聖人受害。或因償補些微之小過。或因克盡斯須之習性。或增其爲主之功。或消其好處之害。種種矜全。一時不能見及。若能承受天主之光榮。事後必能知道。所以不論何災何害。都該感謝主恩。不可憂愁。不可怨恨。聖西彼利亞諾有言。不肯聽天主恩汝之福音。以樂汝心。特用他人害汝之惡聲。以開汝心。 一。不論何災何害。先該自己省察自己。若係已過所招。亟當真心痛悔。求主息怒寬容。感主用

此災害。提醒我心。倘無如是之艱難。恐未必能明白己過。亦未必急急改遷痛悔。一若自省並無己過。而災害憑陵。或係善工所致。或因爲義受傷。更當感謝主恩。不必想沒了體面。壞了名聲。這樣的災害。纔是增我的體面名聲。必定是天主特恩照管。聖奧斯定曰。一個體面的主子。用奴婢下人。責罰所生之兒。爲要教訓他成人。正顯其親愛。並無不體面之處。天主於人亦然。今汝遇有災害。可有此樂受感恩之心否。

### 當務之求

爲爲義而受害者

祝文 天主。爾使聖亞大納削爲萬民永福之司。懇祈爾。伊在世。旣爲吾教師。在天幸爲吾主保。爲爾子耶穌基利斯督。亞孟。

### 初三日尋獲十字聖架

警言○吾曹宜光榮於吾等主耶穌基利斯督十字架。聖經

聖傳○聖婦赫肋納係西國總王公斯當定之母。一心敬慕十字聖架。定志親詣協路撒稜府。朝拜耶穌苦難之地。尋覓聖架。既至加爾瓦略山。遍訪遺踪。無一知者。眼見碎磚破瓦。雜樣不堪之廢物。滿山堆積。連耶穌葬處。一併失迷。雖然如此。不獨不肯灰心。且愈加其切望。增工求主。日甚一日。居無何。蒙天主默示。知聖架存於耶穌葬地之溝中。遂傳集土著老人。究問耶穌葬處。俱以不知回覆。後惟久居此地之老人。答云。我等總不能真知灼見。惟聞祖上相傳。說在某處。遂指明其地。聖婦即命人於近旁山溝內。開土求之。竟得三座十字架。連鐵釘橫板。

俱全。明知兩座。係左右二盜之架。無法分辨。時主教瑪格肋。命眾一齊跪下。求主開恩分別。求畢。即取一棺中久死之屍。併一現死之老婦。擡放於十字架上。先置二架。俱無靈應。到真聖架上。不過轉瞬之頃。新斷氣之老婦先活。棺中取出之屍。隨後亦活。聖后見此大聖跡。滿心樂甚。卽興工建造一所極壯麗之聖堂。守候工完。將聖架解開。分爲二座。以一座供於所造聖堂中。用金銀珠寶爲龕。使遠近瞻禮之人。得遂其恭敬之心。以一座賚回羅瑪府。總王公斯當定。預聞其事。亦先建大堂。虔製金珠寶石之大龕。聖架將入境。親率臣民。跪迎數十里之外。入堂供奉。自當日至今。此聖架所顯之靈奇。惟有總說一句。無窮無盡四個字。並非紙筆可能寫其萬一。語言可能道其大概者。聖保里諾云。留於協路撒稜之聖架。年年朝覲人。不記其數。每人常雕刻一塊。珍藏而去。從

不顯損傷。又聖教會相傳羅瑪府聖架亦然。卽此一事。足見聖架之神恩。昭然廣佈。不獨協路撒稜與羅瑪而已也。今按聖后尋得聖架之慶。在天主降生後三百二十八年。

宜行之德 敬愛十字聖架

聖思 一。人心各各不同。有明知十字架之恩。棄而不尋者。有怕受十字架之苦。預爲躲避者。又有愈躲愈來。你不願去尋十字架。而十字架倒能尋你。無法脫逃者。怎麼見得。請看愛世俗的人。驕奢淫逸。常常打算快樂。何曾得有片時的快樂。因他不信天主。所以眼前的好惡。心內的貪圖。此去彼來。異常搖惑。這樣的苦。原係天主之恩。爲開其心。故爾脫逃無法。一。亦有果然願尋十字架者。初來奉事天主之人。心裏雖然堅固。必有煩難之苦。因愛主之心。尙未完全之故。若能愈苦愈堅。不

改願尋之初意。即能變難爲易。變苦爲甘矣。一竟有聖人常尋十字架而不得。惟望愈多愈樂。如聖方濟各沙勿畧無時無刻。不求天主加苦。又如聖女德肋撒專望此身死於苦難。終身不斷其求。爲何如此。因真真愛天主。萬有之上。倚靠天主聖佑。惟有萬苦駢集於身。遍嘗各苦之美味。纔可滿此心之嗜好。除苦之外。毫無可樂之事。可愛之途。今汝問一問自己。此心如何。

當務之求 爲教中艱難者

祝文 恭向敬拜十字聖架。爾爲罪人之切望。憂苦之太平。山林中奇美異香之樹。險海內乘風破浪之舟。敗邪魔。勝世俗。敵肉身之神鎗利劍。開天門。閉地獄。拔煉靈之寶鑰高梯。爾根爾幹。爾枝爾葉。爾花爾菓。從古以來。何樹有爾之嘉。何木比爾之尊。爾自天地大君。釘死在上之

後。爾榮無極。爾能無窮。爾德無比。我今念吾主耶穌莫大恩功。虔恭敬  
爾。專心向爾。信爾係救吾之器械。愛爾是贖我之價值。望爾得我罪之  
赦。我須之資。我病之醫。我願之滿。我求之允。我苦之安。更仗庇爾。扶我  
善行。今世之危途。一如扶老之杖。至死不離。扶至天堂。息我永安之所。  
亞孟。

初四日 聖婦莫尼加 聖師奧斯定母

警言 ○ 意念恒向天主。諸事自難撓亂。輕世金書

聖傳 ○ 聖婦莫尼加係利未亞洲貴族之女。自幼純良受教。熱心  
敬主。常往聖堂誦祈。晝避繁囂。夜專默想。濟貧必盡其所有。惡俗必斷

其牽連。惟本家履厚席豐。故居恒麗粧美食。及婚嫁出門。夫原外教。性又乖張。待婦如奴。頻加凌辱。聖婦感激主恩。惟有歡心忍受。加意謙恭。以從之。年深日久。蒙主聖佑。忽然感化而認真主。後來其子聖奧斯定。有云。吾母能開吾父之心。惟有善行而已。以忍耐受其驕盈。以樂從受其殘害。從無報怨之言。亦無開罪之處。怒時。則隱默以退之。怒後。則善言以解之。人前從不道及。或鄰婦偶有議論。卽力言阻勸曰。婦人以夫爲主。有命必遵。有害必受。和顏悅色。以息其怒。此當然之婦道。毋容他議也。由聖婦之言觀之。可見庭闈之內。務期相愛相親。以全夫婦之倫。斷不可較長論短。但天主欲增聖婦之功。不獨夫婦之間。先難而後易。更使母子之間。先逆而後從。今略言之。聖婦只生一子。名奧斯定。小心教以天主之學。及長。不隨母訓。無所不爲。併不肯領洗。聖婦因其頑劣。

傷心極矣。苦莫甚焉。豈獨自己每日痛哭祈求。且轉托多人代求。一主教見其涕泣甚哀。相慰曰。心中平安。哭子亦能傷母。天主所不許也。一夜悶懷更甚於平時。睡中忽見一少年。發光如天神。問曰。汝何憂甚。答曰。怕我兒下地獄。少年云。汝請放心。汝兒在此。何不目覩之。聖婦眼見奧斯定與少年同去。雖然如此。尚不足以解憂。且奧斯定博學有名。欲往羅瑪。爲顯榮之計。聖婦不允。竟違命而去。到後即病。聖婦聞知。因其尙未領洗。憂心甚急。不避艱難。親來羅瑪調治之。病痊之後。至彌拉諾府。適遇此方主教。係聖盎博羅削。才德兼優。聲名籍籍。奧斯定相晤後。中心誠服。竟爲莫逆之至交。未幾。神目大開。信從真道。即在此領洗。年已三十四歲。聖婦從此將數十年不能開解之憂。一朝頓釋。遂束裝回國。行至途中。甫離羅瑪四十里。將上船時。病故升天。年五十六歲。時天

主降生後三百八十八年。

宜行之德 心中平和

聖思 一。天主許善人有難解之憂悶。連誦經亦難。此正所以成其善功。顯其善德。故雖然憂悶。心內仍舊平和。不被其惑亂。吾主耶穌在山園祈禱時。大發憂悶。在十字架。求聖父赦仇。今我後人。雖有憂悶。難道比得耶穌的憂悶麼。若能倣效耶穌之表樣而行。艱難愈多。神工愈大。

一。天主許汝神工無味。須小心詳察。或因近日冷淡。凡爲主之事。有減無增。故以此警戒我。或因預備不能妥當。或因汝從前得過的聖味。自以爲由己而來。或因此後。更要加汝之功勞。果能如此詳察。不久便無此難。一。遇有如此之難。卽該查究自身。可有得罪天主之處否。若稍有疑似。就該真心痛悔。求主寬恩。若不能知道自己的差錯。又該自

己認得自己。至卑至賤。如何可望天主的聖味。源源而來。惟有熱心服事天主。不怕事之艱難。不畏人之譏誚。總無間斷神工之時。且日新月盛。加倍熱心。以防冷淡。將見非常之聖味。必恒存於靈性中。

當務之求 爲幼童失學者

祝文 天主吾等主。爾係苦憂之安慰。爾爲仰望之瞻依。懇求如聖婦莫尼加。母能憂子而子滿其望。子終慰母而母得所求。我等仰瞻聖表。無力追隨。惟有誠切哀呼。痛我之愚。悔我之失。得如聖婦母子在天之永安。爲爾子耶穌基利斯督。亞孟。

初五日 聖依西多羅 農夫

警言○宜常樂於主。再語復樂。汝等端肅。見示於眾。 聖經

聖傳○聖依西多羅。係以西巴尼亞國貧家之子。父母去世後。除一耕犁外。並無別產。遂於若望物爾加斯家。傭工度日。後娶一女。名瑪利亞。生有一子。已四五歲。墮深井中。無能撈救。夫妻跪求天主云。既蒙賞賜於先。還望矜全於後。忽見井水漲溢至口。其子浮於水上。急忙取置於地。平安無恙。二人受此大恩。報稱不盡。定志分房。誓爲兄妹。以便潔身事主。聖人傭力雖疲。神工不缺。瞻禮日。罷工。全在天主臺前。盡心爲主。平常每日。起早行默想之工。然後到堂。與彌撒一臺。所以同伴在主人若望前。告其懶惰來遲。主人據詞責問。默無一言。因告者相繼而至。遂親身窺伺。果然遲到是真。但見聖人動作時。旁有二人。一同助力。主人向前趨問。二人並無影響。聖人回云。從無別人。惟求天神而已。嗣後主人常留心觀看。深知聖人舉止不凡。且因天主之寵愛。行許多聖

跡。一馬已死。聖人復活之。主人只有一女。管理家務。因病而亡。聖人特求主復活之。牲口被狼攪噬。理當追奪。聖人自知力難爭救。跪而求主。狼卽立斃。牲即生還。一日。主人至田。無水解渴。聖人將棍在地上一擊。清流卽裂石而出。此水自當日至今。源源不竭。亦能治病。主人若望見此種種神奇德行。將家產家務。俱重托之。聖人雖無財物。急於救窮。於婦送飯時。或遇窮人。必與之食。食餘而後自用。一日。所備之飯。已經散訖。又來求食之窮人。聖人明知並無別物。仍命其婦往視之。見廚房食物。比前更多。一半濟窮。一半自贍。非此聖跡。不獨難慰窮人之望。且夫婦二人。俱無食以充饑矣。一生往往如此。預知終期已近。得病數日。領聖體聖油而歿。時天主降生後一千一百三十年。葬於公眾之聖地。閱四十年。聖人親向一友。托其遷葬。友人疑慮不行。復向一女教友切囑。

曰。此係天主之命。遂陳明神父。創地啓棺。顏色如初死之容。異香馨美。人人如得至寶。送至安德肋聖人堂中。一路多人擁擠。聖跡甚多。以銀爲棺。供奉於堂。所求多蒙神應。有一年旱荒無雨。教中向聖人求之。一回回嫚笑狂言。若兩日內有雨。情愿受眾人之殺。豈知聖人欲早滿教中之望。卽於本日。祈主降恩。忽然重雲密佈。霖雨普施。回回猶臺不動心。越八日。竟因別事。突然被殺。

宜行之德 神樂

聖思 一。聖保祿曰。宜常樂於主。樂而又樂。豈獨不斷其樂。還要時時增添其樂。因此樂內有天主的光榮。有利己利人之大益。每見旁人。目擊聖人苦難之樂。往往大動其心。縱或他人不能受益。保全自己。其利無窮。若平常喜行苦事。不顯於人。必顯於己。今我心如何。 一。罪者。萬

災萬禍之原。卽世間的小災暫禍。俱從原祖之罪而來。有災禍。卽有憂愁。有憂愁。卽失去心內之平和快樂。不平和。不快樂。靈魂決乎不淨。邪魔遂乘隙以害之。所以聖人知此來歷。首先杜絕罪根。無罪無憂。自然越苦難。越平和。越快樂。一人肯守此快樂。常想永福。雖在世間。並不會轉眼離開天主。因係天主之命。故必蒙天主之賞。今天主命我受此憂悶。心內不該樂受麼。此樂不斷。憂悶可能常久麼。

當務之求 爲憂悶者

祝文 天主。以爾聖依西多羅。每年瞻禮。樂我等。懇祈爾。吾旣慶厥誕日。幸師厥功勩。爲爾子吾主耶穌基利斯督。亞孟。

初六日 聖若翰達瑪瑟諾

顯修

警言○凡爲吾主耶穌忍受艱難者。必當與耶穌永享眞福矣。

聖盎博羅削

聖傳○大瑪斯府。罪惡滿盈。天主欲顯罰之。容回回舉兵侵佔。破城搶擄。聖若翰達瑪瑟諾之父。素有盛德。聲名籍甚。敵人不但不害。還敬禮之。併令管理此地。受此責任。純以愛情感動敵人。贖虜尤爲急務。虜內有意大里亞修士葛思默博學有名。留爲聖人之師。又父之義子。亦名葛思默。係聖人之弟。同受業焉。質俱聰慧。師甚嘉之。欲回籍隱修。父初不允。後准其歸。未幾。父卽去世。敵人感慕情深。命聖人襲職管事。居任數年。敵雖不信聖教。聖人小心謹慎。甚愜輿情。惟因西國總王。崇

奉異端。禁止聖教。各國遂有多人致命。聖人皆寄書安慰。增其膽力。總王聞之大怒。但不屬管轄。密謀陷害。尋得聖人手劑。令人倣摹筆法。僞寫私通總王之本。內言若欲逐走回回。奪取大瑪斯。願爲內應等語。扮一細作。送與回王。回王見筆跡是真。即革職拿解。解到。命斫右腕示眾。斫後。聖人擬定總王奸計。至晚。差一妾人。面陳冤抑。求還其手。免令示眾。竟蒙兪允。聖人得手。向聖母像前跪求曰。童身聖母。吾主耶穌。明知截手之故。今在天主臺前。何敢求還我手。若用吾主耶穌。聖母。諸聖人之光榮。不難完好如前。求畢。就寢。夢見聖母諭云。汝手已好。可盡心行汝之所許。果然醒後。原手完好如常。惟存周圍一線血痕。次早。往見回王。聲明聖母之恩。回王欣然。欲復用之。聖人固辭不受。惟求避俗修身。卽變賣家產。半分親戚。半濟窮人。散訖。先往協路撒稜。朝拜耶穌苦難。

之地。隨往西里亞國野山中。同隱士苦修。弟葛思默亦在此同居。求院長派一鐸德教習之。院中久聞聖人之名。誰敢當此責任。惟一老年博學人。勉強擔承。先告以規條。觀其舉止。一、總不隨自己愛欲。二、常獻苦行於天主。三、常流痛淚以洗先犯。四、總不許明悟中胡思妄想。五、遠絕各樣傲意。六、總不恃自己能幹聰明。七、不忘天主默啓之聖跡。八、小心省察自己各樣之思念。九、苦難之事。同他人共商。十、常望天主求賜些須德行。十一、專務苦修。總不談餘外之事。十二、小心不語。十三、總不與人較量。十四、總不報怨別人。不議論他人之事。十五、總不想長者之命。或與德行不合。一日。又欲試聖人之德。交出許多荆筐。命挑往原職本地方賣錢。定價比常加一倍。聖人卽穿破衣。肩負進城。沿街走遍。俱因價重。笑而不買。後遇聖人舊僕。照所定之價。一總買完。聖人感謝主恩。

而回。老修士明知大德不凡。隨命聖人著述教中書集。廣揚教理。聖人  
才智超羣。闡發甚多。至今人人誦習。爲聖教通行之訓典。協路撒稜主  
教。命付鐸德後。仍回山院苦修。著述等身。死而後已。年一百四歲。時天  
主降生後七百八十年。

宜行之德 愛辛苦

聖思 一。不要想世俗尊位。又體面。又容易立功。兩者可兼而有之。當  
知一切體面。都能壞我德行。自己難管自己的靈魂。還要再管他人。不  
更難而又難麼。豈獨不能兼有其二。只怕不能保守其一。然則如之何  
而後可。曰。在世俗尊位之人。必有天主之聖佑。順天主之聖命。庶人已  
俱能受益。 一。該想隨大聖人之行事。升天堂。得高位。似此存心。不但  
免人犯罪。且人人該作此想。不可隨冷淡人之言。在天堂門口就穀了。

恐怕說這樣話的人。未必到得。我們愛天主。不愁太過。只愁不及。我們爲主愛人。亦只恐多缺多尤。誰敢謂過情過分。世俗之中。憑他什麼好事情。總該與我心不對。動得心。滿不得心。惟有永遠享福的天堂。一到之後。此心無不滿足。一。今汝心欲求滿足。只該盡心隨耶穌表樣。苦中加苦。受而又受。巴不得常受此苦。盡受諸苦。喜歡愛嘗各樣之苦味。具此高懷曠志。還不可說我比別人不同。因係分內該當。併不可說有德有功。惟望免些罪愆。如此往前不斷。自然滿我之心。不如此。可算得盡心隨耶穌表樣麼。今汝之心。可相近否。

**當務之求** 爲中國聖教廣揚

**祝文** 天主。以爾聖若翰達瑪瑟諾每年瞻禮。樂我等。懇祈爾。吾旣慶厥誕日。幸師厥功勩。爲爾子耶穌基利斯督。亞孟。

# 初七日 聖斯大尼老 主教致命

警言○爾願登天國高處。則當自處於現世之卑賤也。聖若翰

聖傳○西北名邦甚多。而頗落你亞國。其最著也。聖斯大尼老。係國中巨家之子。父母乏嗣。晚年始得聖人。感激主恩。滿望教其成立。爲主立功。聖人自幼。即能仰副親心。寡言勤學。及壯。往拂郎濟亞國都城。寓居大學數載。學成。省親回里。二親去世後。鬻產濟窮。子身修道。時掌理教務。良伯篤。授以傳教之任。未幾。良伯篤病故。士民共推尊之。泣辭不允。雖強勉俯從。其交接之間。仍不知榮居尊位也。薄於自奉。厚以待人。懲過不嚴而肅。受訾不辨而歡。眾皆遷善而敬慕焉。國君玻勒老。初還遵守聖規。尙稱善治。漸被佞臣煽惑。諸事廢弛。聖人屢諫不從。反欲

借端驅遣。適因聖人曾置買一莊。舊業主名伯多祿。未交買契而歿。已歷三年。子以霸佔告官。事聞於朝。王甚喜其賍真証確。可乘此以正其罪。聖人自知難辯難明。求寬三日。以原主爲証。王知原主已死三年。笑而允之。聖人嚴齋伏禱。求主顯示以伸曲直。至第三日。彌撒畢。率眾前往業主伯多祿墓上。開墓啟棺。呼其名。卽應聲復活。同至公堂。明證從前收銀絕賣是真。嚴飭子孫之誣妄。朝野大驚。事畢。聖人當眾問曰。汝尙欲生居人間數年否。伯多祿曰。生於險世。不如死也。今我雖尙在煉獄。然刑罰將完。天福已穩。何樂而圖人世之暫生耶。遂前行之墓。辭別聖人。與相隨之眾。自入壙中復死。如此大靈跡。不能挽回國君奸黨之心。政事倒施逆行。正言拒而不納。聖人補救之法已窮。乃用聖教從前之定例。削除教册內國君之名。不許進堂瞻禮。國君憤怒倍常。正值聖

人在堂舉行彌撒時。命兵往殺之。兵卒入堂。望見聖人大光繞護。退倒於地。復遣別兵。倒仆如前。王更怒極。親持利劍而入。聖人挺然中立。毫無懼容。王卽揮劍斬之。又命眾兵碎割其身。投於荒郊。以飼鳥獸。豈知鳥獸成羣。張牙露爪。守候兩日。寸步不移。次晚。四面流光週布。門弟隨光指引。往收散體。恐有缺遺。依次排列。乃斷者復連。全身接合。並無傷痕。士民感頌歡呼。實出常情之外。厚禮殯葬之。時天主降生後一千七十九年。聖人升天不久。國事日非。人心離亂。王被臣民放逐。無地可容。赤身自縊。犬狼爭食之。

宜行之德 謹防在世之險

聖思 一。聖斯大尼老復活之人。因怕世險。難救靈魂。與其在世而生。不如仍歸煉獄。今汝能真心離開險處否。不論什麼年紀。不論何等生。

業。更不論卑賤窮通。處處有害靈魂之險。謹防此險者。必能真心離開。心既離開。則險與我無干。何能爲害。可見汝之犯罪。從何而來。大概不會真心避險。欲求真心避險之法。莫切於視生如死。一。無地可以無險。無險可以無罪。原祖在地堂。失了聖寵。天神從天上。下了地獄。前朝後市。草野山林。併敬主之聖堂。處處有犯罪之險。處處有邪魔之誘。處處自己牽連自己。如此險處。人還愛在世間。愛狗世俗之事。若知道靈魂的大關係。試問此心。不懼不憂者是誰。一。防險之法。惟有默想靈魂之關係。天堂地獄之定。吉終凶。何修可以免招罪愆。何工可以保固靈魂。怎麼樣克己存誠。可以不失天主。有此默想。必能防世俗之險。免險處之罪。聖奧斯定曰。若要犯罪。汝先尋一處天主不知之地。方可放心而行。

當務之求 爲亡者煉靈

祝文 伏祈天主。以聖斯大尼老致命之功勩。爲我罪人之依賴。懇祈轉求天主。賜我得升天國。受樂無窮。亞孟。

初八日 聖彌額爾大天神 發現

警言○爾勿忽斯童之一。予語爾云。厥天神。恒覩在天子父之面。

聖經

聖傳○天主仁慈。明知邪魔引誘世人之害。特立總領大天神聖彌額爾。爲教中大主保。又欲人明白此恩。故准其屢次顯靈發現。從前數次。未入瞻禮之列。此一次。在天主降生後四百九十二年。溯其始末。

緣意大里亞國中。一富家。名阿爾昂。牧養甚蕃。偶失一牛。奔馳山野。初時尋覓無踪。後見此牛攢於山洞。尋覓之人。滿慮洞中必有別物。近前恐被其傷。身有弓矢。卽向牛放箭。豈知所射之箭。不能到洞。半路倒回。反傷放箭之人。希奇異事。不能解釋此疑。回訴於主教。主教究問熟思。必有天主之深意。命守大齋三日。求主開明。三日後。聖彌額爾大天神顯於主教曰。牯牛所進之洞。天主命於此地。建立一堂。恭敬天神。主教一蒙此諭。率眾親往此山。見洞中竟如聖堂之格局。就在此間舉行神工。隨後華麗日增。從當時至於今日。堂中靈蹟甚多。故聖教會。特定此瞻禮。以表感頌之誠。

宜行之德 恭敬天神

聖思 一。天神雖無形像。聖信之德。使人知之甚明。此係首先順從主

命者。我們人亦該做此而行。凡有不隨汝意之事。若有天主命。必與靈魂無害。就該小心順命。不該惑亂憂愁。耶穌山園求父。父不准其免飲斯爵。耶穌曰。惟若爾意。勿如子願。主尙如是。汝欲何爲。一。護守天神。雖同在世。淨而無染。上不離天主。下不受俗污。我們何不做此而行。雖在萬罪中。不該沾染一罪。雖在塵寰內。不該離開天主。若說因多肉身之仇。不比天神容易。獨不想內體靈魂。與天神相似麼。當知天神之爲天神。亦非容易。倘起初不遵主命。毫釐之失。便成魔鬼。與肉身無干。汝能常遵主命。亦容易不離天主。一。天神不能犯罪。因時時不離天主。汝爲何不想天主無所不在。不想天主常在汝心。若不忘此想。必與天神一樣。諸罪不入。汝若不信此言。請問汝犯罪時。如邪淫偷盜等。斷不敢肆行於眾人之前。人前尙且不敢。倒敢公行於天主之前。無他。忘

了天主無所不在之故。倘汝心不離天主。天主必常在汝心。儼然一有形之天神。何犯罪之有。

當務之求 爲教中幼童

祝文 天地大君。三軍之帥。善神之首。聖彌額爾。保守聖教會。昔日抑禁邪魔驕傲。使認天主至尊。大能無偶。轉求天主。賜教中諸品級。聰明剛毅。以能醒悟異端。解明大惑。加之神力誠意。以能體懷仁義。整肅萬民。爾依主命。世人終時。攜靈魂置之主前。聽斷其行。辨定善惡。或因善受賞上升。或因惡受罰下墮。我亦忝入聖教。敬謝爾。真切望爾。佑我平生。痛悔前非。以至死後。求主赦我重罪。亞孟。

初九日 聖額我略納西央 司教聖師

警言 ○爾曹宜束腰。持燈燭。 聖經

聖傳 ○加巴奪國中。有郡名納西央。聖額我略卽此郡之人。稱以郡名。別他聖也。係郡中之望族。父母俱有賢聲。多年不育。求子甚慙。旣得聖人。感恩教養。加意劬勞。能言。即稱天主聖名。六歲。即從賢師受業。過目便能成誦。良善本於自然。文學旣精。往亞德納郡。講求大學。時聖巴西畧亦在幼年。幸逢同志。結爲弟兄。不妄語。不佚遊。正直端方。同堂共業。以格物窮理等學爲外務。以棄世守貞之志爲內功。人皆服其少年老成。越數年。巴西畧先歸。聖人留都設教。未幾。亦因親老還家。防過克私。比前更倍其力。故靜默之時。屢蒙耶穌顧慰。一夜。忽見二美女在

前。聖人亟閉目避之。女曰。爾勿他疑。吾輩奉天主命而來。一係貞潔之德。一係明智之德。在爾左右。保爾志潔神清。應酬外務。終爾之身。不離爾側。語音甫畢。形影寂然。聖人感激主恩。內外之工。日深一日。數年後。從者如雲。其時產業尙豐。又兼賢名遠播。心甚懼之。遂變產濟貧。子身他往。適與巴西畧相晤。同入山中。互相考究。以地爲廬。以洞爲屋。以獸毛椽片爲衣。寤多而寐少。苦形以鍊神。久而靡懈。嗣因父命暫歸。及父去世後。不敢續承父職。薦賢以代。聖人旣托身卑約。卽敷教游行。邪徒因受辱爲仇。誣告於官。官知其詐。將邪徒從重責懲。士民益加欽服。東都國主。聞聖人名。以教政托之。聖人盡心稱職。邪徒見朝寵日隆。真光普照。無計可施。用一刺客。謀殺之。值聖人寢疾。問安者甚多。刺客佩刀雜入。甫至榻前。恍若被雷衝擊之狀。卽悔泣求憐。聖人究明來歷。分外

寬仁。勸其歸正。歷數年。道化大成。聖人未忘前志。再三辭職而去。君民固留弗允。出城。擇居相近之山莊。以足病不能步履。然解經論事。詠聖著書。仍無寧晷。邪徒欲以謗語損其聲名。兇謀殘其生命者。不惟所算無成。且皆罹顯罰。聖人嘗求主恩宥之。年至九旬。預知去世升天之日。至期。泰然長逝。時天主降生後三百八十九年。所著詩文。後學皆奉爲楷模。殯葬時。東都國主。因止生暗啞之子。親獻墓前。求聖人垂佑。卽刻能言。從此拜墓沾恩者。不可勝數。後遷於羅瑪。

宜行之德 立善表

聖思 一。拜天主之人。宜立善表。引人愛主。如夜行持燭。引人道路。然若做不好表樣。則本罪之上。還加幾倍的罪。請看耶穌基利斯督爲救人。受無限之苦。汝之行事不好。不與耶穌相反麼。十二宗徒。用自己的

德行變化無數人。汝不該如此麼。一。汝看人犯罪。就該省察自己。定不得亦有此罪。若果然沒有。一面感謝主恩。一面更該堅持固守。真心恨此罪孽。小心斷此罪根。一。每日眼前。見有多多的好教友。好表樣。每日耳中。聞有多多的大聖人。大道理。若這所見所聞。與我無干。又何必多此見聞。聖奧斯定曰。愚人。婦女。孩童。都能升天。我今如此博聞廣見。不想隨他們所行升天之路麼。我的驕傲。我的受用。可與他們克己之工。潔淨之志。堅固勤勞之德行。相合否。

當務之求 爲犯罪不知改悔者

祝文 天主。爾使聖額我略納西央。爲民永福之司。懇祈爾。伊在世。旣爲吾教師。在天幸爲吾主保。爲爾子耶穌基利斯督。亞孟。

## 初十日聖安多尼諾 主教

警言○無染玷污。無戀黃金。無倚金銀寶藏。真福其人哉。聖經

聖傳○聖安多尼諾。係意大利亞國人。本性善良。父母易於教訓。甫十歲。即每日到堂。虔與彌撒。奉聖母爲終身主保。不數年。欲入聖多明我會。院長見其幼弱。辭以讀書通達後。方可允行。未幾。因盡心誦讀文理之透徹。勝於同人。又往求之。回云。俟考察後定奪。及考察時。見其果有樂從之主見。遂准入會中。年方十六。無人比其熱心。時時苦服。夜夜苦工。臥地薄餐。勤行默想。默想時。往往懸空離地。如此表樣。大動人心。越數年。即陞鐸德。兼管數處主堂。居無何。有弗祿楞濟亞郡主教去世。眾即公舉聖人。固辭不受。教宗飭以再辭不合。勉強順從。接位後。豈

特不改平日之修規。更加敬愛。更加克己。講道勸人。開蒙撫幼。無不欽依主旨。心內之存誠。最真最實。如備一祭臺。天主在上。常求助佑。雖百忙中。必默問天主可否而後行。故所斷所施之事。人人悅服。此間奉養甚豐。聖人定爲三分。一自贍。一修堂。一濟貧。倘濟貧不足。必將自贍分中與之。再不足。變賣房屋器皿等與之。一日。街衢行走。見一屋上。有數天神。怡容環繞。聖人欣然入室。看係何人。一孀婦。三幼女。晝夜不斷婦工。以充日用。聖人甚憐愛之。定意每年幫助若干。至第二年。又從此經過。見一醜惡凶魔。蹲居屋上。聖人密察情由。自蒙幫助後。怠於善工。遂減去一半哀矜。生平如復活死人。痊癒不救之病。加增窮人之糧。種種聖跡甚多。有一本地人。送一筐鮮菓。希圖厚贈。聖人收訖。惟云。天主保佑。饋菓者。含慍而去。聖人覺其失望。命人追回。用一大天平。一盤置所

送之菓。一盤置天主保佑四字之紙片。眼見紙片大重於筐菓。饋菓者。不勝驚慚跪謝。深悔前非。聖人年七十。早知主命。預備終期。領聖體聖油。棄世升天。時天主降生後一千四百五十九年。

宜行之德 施財

聖思 一。世間財物榮光。不能算我的福樂。何必常存我心。且爲罪惡之媒。難於謙遜。難於潔淨。存在心中。並無一毫好處。何故不學安多尼諾聖人。將祭獻天主的聖臺。存之於心。將萬福全善之天主。供於臺上。或求或問。呼吸相通。還有什麼好事情。可能比此神樂麼。捨此不存。而常存罪惡之媒。是誠何心。一。爲何人世利名。不算福樂。因免不了患失之心。有患。則諸福不全。有患。則所樂皆虛。且爲利喪身。爲名惹禍者。不知多少。請問富貴之人。心內平安者是誰。身無苦楚者是誰。恐千萬

富貴人未必有一二無苦楚而享平安者。如此之福。如此之樂。還要戀戀不捨。還情愿因此福樂而棄去靈魂永遠之福樂。患失者終歸於失。可得者終於不得。汝曾想過否。一。汝曾想過必能知道。只有天堂福樂纔是人之福樂。得而不失。全滿人心。世俗利名之福樂。原不曾與身心相聯。猶如美音過耳。美味沾唇。汝雖戀他。他不能戀汝。必有離開之一日。況此肉軀。原同禽獸。縱然安富尊榮。有何分別。知道了這樣的卑賤。還能動心麼。

當務之求 爲傳教者

祝文 懇祈全能天主。爾聖安多尼諾精修主教。每年瞻禮。加吾心虔而體安。爲爾子吾主耶穌基利斯督。亞孟。

# 十一日 聖厄彼法諾 主教

警言○以言讚美德之妙。而行實反之。何益。聖濟彼良

聖傳○聖厄彼法諾。係弗厄西亞國鄉民之子。家本父耕母織。及聖人生後。父亡母寡。日用更艱。有如德亞人。富而乏嗣。欲繼爲兒。長卽配以親女。自母許繼後。以異教教之。幸女未至長成而歿。又數年。繼父亦歿。其產業俱歸聖人。隨遇正教中之修士。辯明大道。卽誠信降生天主。領洗入教。謹遵耶穌言行。至十六歲。家產已經變賣。惟少留買書之費。餘皆散給窮人。欲恭敬耶穌救人之地。親往協路撒稜。朝拜訖。卽從此往厄日多國山中。進隱修院。比諸隱者。更加精工。不數年。推爲院長。有一修士。向聖人云。天主默啓我。知汝後來。必爲主教。聖人懼高位之

害。渡海以避之。豈知陡發逆風。送至西彼利亞島。此處眾主教。因撒辣密納主教缺人。正在會商公舉之際。忽聞聖人到岸。衆共推尊之。聖人見因避而來。反逢此遇。明係天主之命。不敢固辭。即從鐸德。漸陞主教。崇正闢邪。愛人敬主。勞瘁異常。歷年未久。即享德行之永榮。時天主降生後四百三年。墓前靈跡甚多。

宣行之德 不聽人毀譽

聖思 一。不可想人人都敬服你。各人情意。大不相同。耶穌在世時。每日尙有怨恨者。行路人喜晴。種地人喜雨。天主亦未嘗隨人人之願。汝怎麼要。望人人隨汝之心。只管守自己的本分。何必管人之喜怒。人言不能害汝。因受害不受害。其權操之在汝也。 一。汝不見行善。亦有議其不是。行惡。亦有獎其好處耶。指謙遜爲柔奸。以濟貧爲沽譽。真德毀

成假善者。常常有之。以剛愎爲才能。以陰謀爲智巧。假善似乎真德者。貽悞尤多。明知如此。何必較論人言。又何必怕人輕慢。更不必望人誇張。一。小心敬主。行合理之事。人能如此。我必喜之。我能如此。人雖不喜。在我自心之喜。更該勝於人之喜我。聖保理諾曰。人能盡心守天主聖規。安心受人嗤笑。不難救己靈魂。

當務之求 爲傳教者

祝文 懇祈全能天主。爾聖厄彼法諾精修主教。每年瞻禮。加吾心虔而體安。爲爾子耶穌基利斯督。亞孟。

十二日 聖聶婁 聖雅基婁 聖女多彌弟辣

聖童班加爵 致命

警言○居今生不穩。必須執神兵。因爾行敵仇之中。左右攻爾故也。 經世金書

聖傳○吾主耶穌升天後數年。聖伯多祿在羅瑪。付洗宦官弟兄二人。一名聶婁。一名雅基婁。二人盡心敬信。轉傳所屬。共受主恩。時有一婦名伯祿弟辣。偕女名多彌弟辣。係總王國戚。二宦官奉事宮闈。從旁感化。母與女。俱蒙聖伯多祿付洗入教。及總王與女議親。二宦官云。郡主已得耶穌之恩。若能避此世俗肉身之仇。可得無窮聖寵。此言大動女心。即問云。今還行得麼。若行得。我已沾領洗大恩。難道汝等想我

不肯麼。宦官云。怎麼行不得。但當陳明教化皇。時聖格肋孟德。新接伯多祿之位。即差二宦官往問。得蒙允命。竟定志守貞。婿家聞知。控以干犯王法。私投天主教。王命女往拜土神。不從。大怒。將女充發彭西亞島。二宦官同往。過數月。婿家往島竊探。堅執如前。疑係二宦官引誘。重責鎖拿。交官查察。問汝果然不遵王命。不向各廟禮拜麼。二宦官回云。若說不遵王命。我們斷難承認。若說恭敬天主。不信邪神。果然是實。官怒。燒以火炬。昂然不改。卽斬首示威。時天主降生後九十八年。婿家見二宦官已斬。不管女心堅固。禁錮房中。會集親朋。預備成婚之禮。正欲舉行。主婚人頃刻身亡。其弟挾仇上控。王諭云。若果不拜國家所尊之神。應罰以死。命下。因郡主同衆婦女。堅持不改。卽燒房致命。次日。一副祭往求屍骨。見聖女多彌弟辣。雖死如生。端然跪伏。未焦一髮。敬收殮葬。

年年崇事之。是日。又恭敬聖童班加爵。此聖童從幼而孤。聖叔弟阿尼削。撫養至十四歲。攜往羅馬。教化皇聖嘉約。親付聖水。熱愛倍常。存心致命。既而將拜主情由。自行投首。總王見幼儀端雅。出身望族。百計誘之。聖童回云。王最聖明。何故不知此理。這等邪神。俱係人類。論其生前。若係我家奴婢。必重處之。還可恭敬麼。王勃然大怒。立斬以洩其忿。時天主降生後三百四年。聖額我畧都羅曰。此聖童墓上。天主准其顯跡甚多。只提一事。可知超越尋常。凡人在聖墓前。舉口發誓者。真則平安。虛則立死。或負魔而亡。迄今猶顯應不衰。

宜行之德 力退三仇

聖思 一。人有無形無像之仇。魔鬼是也。然彼必借有形有像之肉身世俗以害人。所以難退。有心肯退。該常常求天主聖佑。再三小心。離開

犯罪之處。不求聖佑者。不能離開。既無法離開。又何能退避。所以多少聖賢。絕色施財以棄世。苦工克己以棄身。單單爲退仇計耳。肯救靈魂者。必離萬物之中。一。聖女多彌弟辣所受國戚之愛。無非世俗肉身。不愛汝富貴。卽愛汝歡娛。惟聖女知非真愛。故情願離開。不受其愛。而甘受其害。今如此之親友。恐人人不免。陷汝罪惡。阻汝神工。更百倍於殺汝之身。若不學聖女之離開。而反視爲真愛。何不想一想。汝之至親好友。能如國戚之愛聖女否。汝倘不受親友之愛。亦能害汝殺汝。如國戚之殺害聖女否。無此利。亦無此害。反戀戀不肯離開。嗟嗟。認仇爲德者。安知不視德爲仇耶。一。不獨外來之仇。自己一身。常常拉扯靈魂犯罪。凡與天主相反之樂。或與肉身相合之情。不以神勇制服。且以姑息容留。雖些微小事。未有不受其大害者。哀哉。此身之必死。人盡知之。

死後之變蛆化土。人盡見之。是明明禽獸不如之物。乃因此而壞無終  
肖主之靈魂。愚孰甚焉。

當務之求 爲墮於誘惑者

祝文 天主。爾賜我等。敬憶爾聖致命者。聖聶婁。聖雅基婁。聖女多彌  
弟辣。及聖童班加爵誕日。望爾彼居永福之域。使吾偕樂。爲爾子耶穌  
基利斯督。亞孟。

## 十三日 聖若望希言 主教

警言 ○基利斯督。自謙聽命至死。死釘十字架。緣此天主顯揚伊。  
加厥美號。超越諸名號之上。 聖經

聖傳○聖若望希言。係亞爾默尼亞國中富家之子。自幼蓄心離世。既喪二親。即將厚產。建一大堂。恭敬聖母。又立一院。集引同人。廣揚聖教。在院二十年。授爲鐸德。惟有苦以克己。謙以待人。嘗曰。此德行之本。無此二德。身靈俱不能潔淨。因久道化成。人皆以聖稱之。此地缺一主教。輿論僉同。固辭弗獲。即位後。不改舊規。愈顯其謙。倍加其苦。閱歷十年。救人靈魂。不能數計。靖其本職。不比尋常。忽有妹夫。官居此地。聽從魔誘。擾亂教規。聖人或勸或懲。百計不能挽回。目擊心傷。勢難坐視。以離別之法。激動之。遂航海。詣協路撒稜府。因無人認識。投入養老院。傭工。常求天主開示。一夕。苦求倍切。忽然仰天見一星。如十字形。光比別星甚大。驟聞空中有聲。汝遂此光。可救靈魂。卽戴星前往。星光引至山上一隱修院而止。院長留充羸役。深合聖人謙克之心。不勝喜甚。三

年之久。不見外人。主日與瞻禮七。必首先入堂。末後始出。時院長撒巴見聖人品行神工。比眾不同。命往協路撒稜府主教前。考授鐸德。既至。密告云。我原是主教。離任隱修。求勿顯明。此主教明知大德不凡。仍令回院。復書院長云。此修士。我聽其言。不能授爲鐸德。撒巴悶懷難展。不信如此德才。終於無用。天主命天神明示云。若望非無用者。天主重愛之。汝不可錯想。但主教不能再爲鐸德。撒巴心始豁然。卽詣聖人前請罪。聖人求其秘而勿露。又歷十二年。不見人。不說話。天主示以棄世之期。聖人盡心預備。及期。無病而終。年一百五歲。有五十餘年。默而不言。故名希言。時天主降生後五百五十八年。

宜行之德 隨天主命

聖思 一。聖若望希言欲知天主之聖意。求恩開示。卽見奇星如十字。

發光引導。聖人聞聲速往。今我們舉動。該當效法聖人。凡主見未定之先。必隨主指引。方爲妥當。不肯承行主旨。而希圖享受主之榮福真光。恐悞事不淺。一。此星形如十字。大有深意。世間不論何者。少不得十字。離不開十字之苦難。富貴貧窮。男婦老幼。人人皆有十字。處處皆有十字。且時時皆有十字。只因汝遇而不迎。或辭而不受。且或規避而不前。故視有如無。獨不想吾主耶穌在十字架上。不肯辭。不肯下。親迎於園。自負於山。汝的十字。爲何要辭。爲何不負。恐怕汝雖不隨主命而辭。苦必仍隨主命而來。此時白受了苦。還增不順之餘殃。一。隨光速往。遂至成聖救靈之地。我們爲何不隨。汝不聞天主之福音。常在汝心。大聲呼喚麼。汝不見天主之聖光。常存汝目。明明指引麼。呼汝棄羈避靜。引汝入聖超凡。一日之內。不啻數次。數十次。汝竟如聵如聾。弗聞弗見。

既不隨天主之聖心。安能享天堂之聖福。臨終時。悔亦無及。

當務之求 爲悔罪自新者

祝文 懇祈全能天主。爾聖若望希言精修主教。每年瞻禮。加吾心虔而體安。爲爾子耶穌基利斯督。亞孟。

## 十四日聖波尼法爵 致命

警言○予度量此時困苦。不足以應將來。顯示我等榮福。 聖經

聖傳○聖熱羅尼莫有言。教中之人。善生不如善死。誠哉。如答斯先善生而後惡死。下了地獄。耶穌架旁右盜。先惡生而後善死。得了天堂。今波尼法爵聖人。亦如此。先同一大富人。名亞格賴朋。比爲非。多年

黨惡。天主仁慈。變化人心。深悔從前之大惡。重傷領洗之洪恩。自知負重實多。無計可求主赦。遂定意奉一致命聖人爲主保。望得此恩以贖前罪。側聞總王官吏。殺戮教中。覓屍者。必索厚利以遂其貪。達西亞地方。即有一積屍圖利之處。四方熱心之教友。爭趨往焉。亞格賴既與聖人一齊悔改。欲乘此機會。得一致命聖屍。卽令聖人往購。聖人喜出望外。相告云。此因甚樂我心。倘我不獲生還。別人攜屍付汝。汝可當作聖人。亞格賴回云。汝何擅出此言。只該哭汝前罪。論我二人。不獨不敢妄求致命。連看一看。亦未必容易。聖人蒙此重托。素食兼程。不飲酒。不食肉。預備以身証主。入城。聞有正教中二十人就刑。趨至法場。目擊非常之苦。若無聖佑在心。必然戰慄不安。豈能挺然直視。聖人此時。隨主聖佑。愈增神勇。衝開多眾。竟赴二十位之前。勉之勸之。慶賀之。官聽其言。

知爲同教。即嚴拿重處。比別人更酷。鞭後剝皮。又剝肉至骨。鎔鉛灌口。聖人倚靠主恩。張口受之。旁觀之衆。齊聲喧喊曰。果然此輩所敬者。是真主。所遵者。是正教。頃刻間。將邪神魔像。毀滅無遺。滿城鼓譟。官吏潛逃。次日事平。復拿聖人投入火中。有一天神顯形救出。官之忿怒愈增。立命斬決。此時致命者。共五百五十人。時天主教降生後三百五年。聖人致命後。有同行之僕人。見家主不回。又傳聞今日所殺敬主之人。有一遠來者。亟行往探。果然家主被刑。身首異處。向前詳閱。聖人喜色如生。且復張目視之而暝。僕乃重費四十餘金。得屍而歸。當聖人致命之本日。亞格賴卽蒙天神明示。預備恭迎。聖屍到後。隆禮葬之。終身奉爲主保。從此衆僕盡行開放。貲產盡作哀矜。小屋孤身。苦修贖罪。又歷十五年而歿。

宜行之德 專務天國

聖思 一。天路甚崎甚窄。天門甚狹甚卑。所以多有不行此路。不入此門者。但汝欲救靈魂。欲享天福。離此崎窄之路。卑狹之門。並無別路可行。亦無別門可入。別路都是地獄之路。別門都是地獄之門。雖然眼前由你放縱。由你快樂。但貪此眼前體面。難辭身後不窮不盡之凶。聖額我畧曰。享受去日之暫歡。兌換來時之永苦。倘汝定心不肯兌換。萬不可嫌憎路窄門低。 一。正路爲何崎窄。天門爲何卑狹。因工夫全在克己。不在受用。又因舉動必隨聖意。不隨己意。更因體面必效法耶穌。受鞭笞。戴茨冠。負十字架。不必效法世俗人。戀高官。貪厚祿。博千古虛名。 一。世俗中。克己固難。不隨私意猶難。不貪利求名更難。惟有此心。嘗以犯罪爲憂。時時畏懼不遑。自能變難爲易。再者。天路既沒有第二條。

天門亦沒有第二處。古今來。多少先聖先賢。都從此窄路矮門而入。我非同類之人耶。倚靠着天主。那怕他走一步。窄一步。進一層。矮一層。亦必然勇往直前。斷不肯半途退縮。果如此。亦能變難爲易。請看聖玻尼法爵等。從前所走之路。何等逍遙自在。過來人。爲救靈魂。尙然易於幡改。不曾受用過的。反以爲難麼。

### 當務之求 爲怙惡不悛者

祝文 懇祈全能天主。吾敬憶爾聖玻尼法爵致命者誕日。賴其轉達。使吾剛健於爾名之愛。爲爾子耶穌基利斯督。亞孟。

## 十五日聖女特尼西亞 致命

警言○主曰。爾等自潔自淨。去爾等之醜思。於我日之前。聖經

聖傳○天主降生後二百五十三年。聖教常遭外難。有三教友。見一伯多祿少年致命。刑愈慘。忍愈堅。內有你哥瑪谷。憑血氣之剛。爭先自認。我亦天主教。官即拿鎖嚴刑。初猶忍受。後不能支。反說前言爲戲。並非天主教。時聖女特尼西亞年方十六。奔告曰。了不得。天堂門。大開迎你。爲何不肯進去。自己不可憐自己麼。你想背主偷生。豈知過了半個時辰。必下地獄。受苦無窮。訓語雖嚴。魔根深固。纔向邪像叩頭。卽自嚙其舌。噴血而亡。官因聖女訓言。必係所爲。坐以死刑。勒令改悔。不聽。舉火焚之。聖女曰。倚靠我敬之主。不畏酷刑。還滿我情愿之樂。官命二

役拿回隨意。將至污室。聖女之護守天神先進。發大光以迎聖女。二役跪求曰。情愿恭敬真主。同汝致命。次日。官傳從前被拿之二教友。一保祿一安德肋。問之。皆直言此行不合正理。現有萬萬人生命。俱愿爲天地大主而失。何必望他改悔。衆見官怒難當。求將二教友。交付眾人。官許之。衆卽攜於城外。亂石擊死。聖女聞之。雖有兵看守。乘空哭赴屍前。曰。此福能到我身否。事聞。斬首致命。

宜行之德 求潔淨

聖思 一。三仇中之引誘。莫甚於邪淫。年華不論老少。地位不論尊卑。手中不論貧富。且也。人不論男女媼妍。時不論空忙凶吉。都有此引誘。撒落滿非古賢王耶。達味非古聖君耶。保祿非司教聖人耶。如此聖賢。尙難倖免。仇之利害可知。但旣知難免。此仇引誘。必難免。着意隄防。彼

能常常引誘。我能常常着意。我之着意。若與時加勁。彼之引誘。必無地可容。聖奧斯定曰。保存潔淨。滅絕淫污。係第一最難事。惟爲恭敬天主。不敢說難。一。不論何事。俱當追問來由。此淫污之引誘。多由外而來。或目。或耳。或口。非喜看邪書美色。即愛聞艷曲淫聲。外誘旣深。內心豈能潔淨。是明明犯罪之端。大半俱從此起。欲救靈魂。應該時時檢點。悔罪經云。以後決定堅守主命。一切棄遠陷罪之端。今汝不將如此之端。遠之。棄之。徒然念經悔罪。何益之有。一。外誘固當遠棄。自身之引誘。更宜加謹防閑。吾主耶穌云。以齋以禱。可克此仇。至哉聖訓。不克己。不苦身。佳餚旨酒以驕養之。輕煖安居以姑息之。口稱欲退此仇。談何容易。古來聖人。能以潔身事主者。未有不遵克己苦身之主訓。以爲工。亦未有不賴主恩聖佑。童貞聖母爲主保。而能遠退此仇者。今汝之克己。

如何。苦身如何。主恩主保又如何。

當務之求 爲罪人

祝文 天主。爾德能靈異中。不棄弱女輩。賜致命者榮勝。懇祈。吾等慶爾聖特尼西亞致命童女誕日。因其遺表。躋爾臺前。爲爾子吾主耶穌基利斯督。亞孟。

## 十六日聖女肋斯弟都亞 致命

警言○由輕賤世界。趨赴天堂者。此爲至智。輕世金書

聖傳○聖女肋斯弟都亞。係羅瑪都中外教之女。本性善良。十餘歲時。見進教之鄰家。舉止動作。莫非正理。時相過從。父母聞之。從此亦

相往來。漸蒙感化。一家俱歸聖教。聖女自領洗後。嘗想獻身事主。聞知父母欲受聘結婚。大與本心不合。每日虔求天主。主命一天神。攜聖女至所辣郡孀婦家。雖非同教。原屬舊親。家本素豐。欸留甚厚。婦有一子。名西里樂。久患麻瘋。周身破爛。聖女憐之。向母子云。若二位肯認真主。恭敬耶穌。必能全愈。母子莫不樂從。口允心誠。望恩甚切。聖女跪求天主。求甫畢。而子病全瘳。安然無恙。顯此大聖蹟。就與母子同信天主。領洗入教者甚多。地方官聞之。立拿西里樂與聖女。初到官時。官有貪誘聖女之意。慰以好言。只求改口。後見此行無用。卽答責之。且斷餐七日。主命本身護守天神。開鎖治傷。發光滿獄。看守人等。目覩此奇。信天主。求領洗者。共三十九人。被官一齊拘捕。立時斬決。拋屍於曠野中。教內熱心人。乘夜收葬之。聖女因多人致命。不勝歡感。獨官甚怒。將聖女同

西里樂舉火焚之。豈惟火不爲災。反飛火中傷刑役之眼。役因顯罰及身。豁然醒悟。跪求憐救。情願棄邪歸正。一同致命。求畢。被燒之眼。平復如初。卽此一事。感動在城之人心。多懷信主之意。官甚畏之。速圖完結。聖女同西里樂俱斬首致命。時天主降生後二百四十六年。

宜行之德 以世爲旅

聖思 一。天上。係人之本鄉。世間。是人之逆旅。度日猶如行路。夜眠猶如歇店。明明如此。爲何只留心旅世。藐視本鄉。爲何不知道限定的程途。不預備到家的時候。一行路之人。雖每晚不離屋宇。並不圖體面。卽富貴人。不肯費錢擺弄。旣怕歸期耽悞。又恐忘記家鄉。倘有一二途中浪費。怠傲荒淫者。親友必共惡之。肉身尙且如此。獨不想耽悞靈魂。忘記天鄉。不怕天神聖人。深惡而痛絕之耶。沐雨櫛風。披星戴月。行路

人的本分。不如是。不能得到家之體面平安。克己苦工。愛人敬主。在世人的本分。不如是。不能得升。天之富貴榮華。一。我們正經的富貴榮華。不在世上。這是天主耶穌留下的仁慈恩賞。爲滅世情之愛。爲增天上之樂。今汝明明知道。何故該滅者不滅。該增者不增。

當務之求 爲旅人

祝文 天主。爾德能靈異中。不棄弱女輩。賜致命者榮勝。懇祈。吾等慶爾聖肋斯弟都亞致命童女誕日。因其遺表。躋爾臺前。爲爾子吾主耶穌基利斯督。亞孟。

十七日 聖斐理斯剛大里 顯修

警言 ○受命者。失命在世而惡。厥命乃存。以享萬世生命。 聖經

聖傳 ○聖斐理斯剛大里。乃意大里亞國農人之子。行居第三。父母熱心敬主。聖人受教不久。羣稱聖童。稍長。父命牧羊。牧時。每向僻地。跪祈天主。至十二歲。往富家作牧。是年。始領聖體。日日必與彌撒。爲與彌撒。致悞看牲之本分。天主嘉其誠敬。有數次遣天神代牧。從此守規不亂。無多言。無怨語。謙恭忍耐。良善溫和。並不敢侮人。若受人侮。只云罷了。我求天主。汝爲聖人。聞有讀聖教經書者。喜往聽之。一日。聽讀隱修傳。定志力行。復思隱修甚難。欲入聖方濟各會。告辭主人。往院求入。管院者。不肯收存。求之再三。命往羅瑪入會。是年。二十八歲。入會後。塵

心盡滌。罪種悉除。默契主恩。不離片刻。晝夜照管病人。勸之。慰之。甘心受其役使。以愛人爲報主。以苦己爲常工。自克俱過於會規。每願苦修之苦。一總受之。大齋之日甚多。一年內。竟有大半年。惟飲清水而已。臥板枕木。睡只一時。有病畧多數刻。每夜苦工三次。每次工完。即行默想。苦衣貼肉。白晝亦然。每日誦聖母經一串。瞻禮七。加誦二串。聖母瞻禮日。加守大齋。口中稱耶穌聖名不絕。嘗勸勉孩童曰。你們口中。不可閒空。亦不可閒談。不住念耶穌。從小習慣。便成自然。與彌撒時。淚流如注。向主誠心。如結之聯。如焚之熱。並不知有在旁之人。一痛悔人問曰。何法可能常在主前。答云。萬物俱可引我們想天主。只要不被他引我忘天主。必能常在主前。羅瑪等處。聞其大德。皆以聖人目之。至七十二歲。天主預示終期。數日前。微病軟弱。仍幾次到堂。告解。請聖體。攬扶回室。

臨終時。耶穌聖母。同無數天神降臨。聖人欣然自慶曰。有如此大恩耶。默存半刻而逝。時天主降生後一千五百八十七年。

### 宜行之德 專務聖生

聖思 一。無人不畏死。所以無人不盡心於身體。平時未寒而棉。未饑而食。病時。或飲苦湯。或施鍼灸。口不辭穢形惡味。身不難刀刺火燒。無非爲保全身體計耳。然無苦不受。而身體終不能保全。若能將保全身體之法。保全靈魂。斷未有不成聖人者。身體之生。與微蟲無異。靈體之生。與天神無異。今盡心於身體。而不盡心於靈體。以重爲輕。以輕爲重。猶不自知其謬。所務者神死。所棄者聖生。悲哉。一。性命雖短。若爲聖生。雖短亦長。性命雖長。若爲神死。必當惡其太長。何爲聖生。靈魂原係常生。今以德行神工。保護其常生。非聖生耶。何爲神死。靈魂本來無死。

今以罪形惡罰。害其生活。雖生猶死。且猶死而不能竟死。年紀越多。死罪越多。非神死耶。以一死之身。而藏此萬死之神。多一年之生。愈深萬萬年之死。豈不惡其太長耶。倘能乘此餘生。自新改過。轉萬萬年死而不死之神。變爲萬萬年生而又生之聖。則深幸有此長矣。一。汝能愛德行。纔是真愛性命之人。因世俗肉身。俱能亂汝之心。惟德行始能平之。事雖苦。身雖病。境界雖艱難。而此心無有不平者。非盡力於聖生之人。不知其妙。汝今何如。

當務之求 爲冷淡者

祝文 天主。以爾聖斐理斯剛大里。每年瞻禮。樂我等。懇祈爾。吾既慶厥誕日。幸師厥功勩。爲爾子耶穌基利斯督。亞孟。

十八日 聖文南爵 致命

警言 ○嗜義如饑渴者。乃真福。爲其將得飽飫也。 聖經

聖傳 ○聖文南爵。係意大利亞國人。年十五。即講勸多人認主。地方官聞知。差役捕拿。聖人即自行投到。聲明土神。不過在先死亡臭爛之人。邪魔借名騙害。論他在世所行。甚不合理。爲何視爲主宰。天地萬物。惟一真主。乃人人該敬者。不俟說完。官卽命役動刑。笞之幾死。一天神斷其鎖鍊。遂去眾兵。內有一兵。去而復回。將聖人倒網挺綁。以火炬燒之。火竟着身而不害。天神又斷其繩索。兵首名亞納斯大爵見之。蒙天主聖佑。即日棄邪歸正。覓鐸德波爾斐樂付洗。家屬一併沾恩。後同鐸德一齊致命。官見聖人繩索放開。拘至跟前訊問。喜其妙年俊雅。勸

誘曰。汝正年富力強。可爲國家大用。爲何如此執拗。若改拜我神。我願以女配汝。聖人正言回覆。且勸官認主。官怒。命監暗牢中。差近身僕役。假粧拜主人。對聖人曰。我先在教。後因道理不真。故棄而弗信。你爲何固執己見。甘受其苦耶。聖人知係魔言。若弗聞者而退之。官復掌嘴。損齒。滄入污水中。諒其必死。乃又有天神救出。官見水火俱不能傷。交與本鄉官處死。此官一見大怒。聖人緩言溫語。辯晰正邪。許久不能息怒。頃之。官忽自身倒地。口言文南爵所敬者。實係天地萬物之真主。汝眾當共敬之。土神都該棄絕。言畢。卽斷氣暴亡。不得已。仍解還原官。官命驅入獸圈。惡獸蹲伏足前。馴馴親愛。官見此刑無用。收監再議。次日。鐸德波爾斐樂自告於官曰。我不得不明言於汝。天主使我目覩文南爵及領洗諸人。光輝榮耀之至。惟汝面容。黑暗難堪。官聞言大怒。命拿領

洗請人併鐸德。俱立斬。又將聖人以繩縛足。拖地至死。拉者至死猶不放手。迨遍身冷極。毫無生氣。始棄而復命。天主命其身活傷平。次日。到官請驗。官疑其死後復來。猝然驚嚇。既而驚疑稍定。着役拿上高山。向下擲死。豈知天神半空捧接而下。全美無傷。官已明知奇異。總不回心。復交眾役。必定處死。眾仍縛足輪拖。奔馳終日。力乏口乾。無水救渴。聖人憐之。在石上畫一十字。水即破石而出。以供眾人之飲。此水涓涓不絕。至今猶存。眾人見此聖跡。蒙天主聖佑。都翕然信主。願隨聖人入教。受恩。官聞此變。特差多兵前往。將眾役併聖人。俱總殺之。時天主降生後二百五十年。聖人致命時。北地大震。雷霆霹靂交加。官始慌迷。奔逃城外。欲覓穩地。以避其鋒。奈天主顯罰。無地可逃。不數日。狀若瘋狂而暴死。

宜行之德 盡心敬主

聖思 一。恭敬天主。不難倚靠耶穌聖佑。因天主所命。莫不順情順理。苟隨聖佑。必容易遵行。只看所頒之十誡。所傳之聖經。一字一言。俱與公私有益。凡守誠守經之人。在世現享平和。去世反蒙永樂。受益無窮。若世間法律。難處甚多。且各國寬嚴不一。各朝損益不同。雖然如此。莫不率從。人能追隨世律。以救護肉身。不肯追隨天主之定命。以救護靈魂。合理否。聖奧斯定曰。天主之定命。本來不難。行之者。又蒙天主聖佑。不更易耶。 一。天主之聖佑甚多。俱由遵守天主之聖命而來。凡守聖命之人。未有不蒙聖佑者。聖味之甘。能滅德行之苦。聖光之真樂。能忘身世之暫憂。只看聖文南爵外。覺難堪。因隨聖佑而行。故內之聖味真樂。能感化多人也。 一。匠人農人。想求小利。雖勞不苦。汝求永遠之

利。反以爲難麼。農工怕勞貪懶。必飢寒切身。今汝怕守聖誠。不怕永苦  
切身麼。

當務之求 爲永遠所得者

祝文 吾主天主。於聖文南爵致命之慶辰。懇祈允我所求之恩。依賴  
聖人大勳。俾我得獲堅信之德。毅勇之心。樂受爲義之艱難。至死不移  
不屈。爲爾子耶穌基利斯督亞孟。

## 十九日 聖女巴西辣 致命

警言 ○事予者宜從予。 聖經

聖傳 ○聖女巴西辣。係羅瑪貴家之女。父母未曾奉教而亡。有親

赫肋諾。本聖教人。往依之。赫肋諾引認天主。時有聖女歐日搨。乃厄日多國大官之女。自父爲主致命。後遷居羅瑪。聖女樂甚。差安人往告曰。我心情願學習聖道。因家政甚嚴。不能出門晉謁。望賜矜全。歐日搨想回書不如當面。遣侍前二太監往訓之。二太監後來亦成聖人。一名伯樂德。一名雅進多。素有盛德。至卽細講教規。聖女懼有耽延。卽求付洗。在聖郭爾搨略教宗前。領洗入教。領洗後。二聖女相愛勝於同胞。盡心傳教。勸化許多婦女。綿綿不斷。日內講道勸人。夜間行工默想。蒙主默示。歐日搨曰。巴西辣不久致命。此時聖教不安。聖女之婢。知有從前父母所許求婚之家。密告曰。你家想娶巴西辣。未必娶得成。因天主教的。人引誘壞了。不想出嫁。今又有兩太監與歐日搨。常常往來。此輩不圖別事。只欲勸人奉其教而已。婿家一聞此言。卽向赫肋諾理論。赫肋諾

回云。此事與我無干。他年紀已大。嫁與不嫁由他自主。我非父母。如何定得他的主意。壻家深惡其言。欲親見聖女以決之。闈人傳云。男女不便面言。求之無已。傳云。吾父母所許之言。吾尙在孩提。與我無干。今父母久已去世。我已長成。自有主意。並無別言。不嫁是實。壻家怒極。挾仇控告。先以進天主教。害及國家所奉之神爲詞。繼以滅婚配。壞國法。現有巴西辣翻悔不嫁等語。官遵總王之意而行。即勒令聖女背天主教。與原許之人。如違立斬。聖女堅志不從。情愿被斬致命。時天主降生後二百六十年。

宜行之德 誠心守誠

聖思 一。無人不該自誠。首當誠心守十誠。與聖教會諸規。不犯重罪。常行善德。可以升天。若云。此事易說難行。我看世人。不走正道。諂媚邪

魔。應酬世俗。粉飾有性惡情。其勞苦煩難。百倍於誠心守誠之難。然人不以爲難而樂從之。我們走正道者。肯作如是想。不獨容易守誠遵規。一切克己愛人之苦行。無不容易也。一。人肯自誠。不止守十誠。更該守救世者之訓。絕色。絕財。絕意。雖不在修道會。難道不在聖教會麼。難道世俗中。不當如此麼。貪財漁色縱己之人。可望升天麼。汝心如何。守救世者之聖訓。非汝之大益麼。一。更該知聖人之隨聖訓。猶不止此也。且盡心隨主存心之聖訓。隨此聖訓。不難自誠。不難離惡。不難行所知之善工。聖雅各伯曰。知善不行。難免罪過。

當務之求 爲聖教廣揚

祝文 天主。爾德能靈異中。不棄弱女輩。賜致命者榮勝。懇祈吾主。我等慶爾聖巴西辣致命童女誕日。因其遺表。躋爾臺前。爲爾子耶穌基

利斯督亞孟。

二十日 聖伯納弟諾 顯修

警言○獨天主。在聖母之上。其餘萬有。皆在聖母之下。聖盎斯默

聖傳○聖伯納弟諾。係意大里亞國人。三週母歿。六歲父亡。就養於姑母家。姑母熱心敬主。故幼學甚端。十歲後。往謝諾府叔父家讀書。每日必詣聖母堂。盡恭敬之誠。同學友朋。極其端方親愛。當言則言。從無閒談戲語。及不淨不端之話。偶聞別人邪僻之辭。滿臉赤紅。代彼羞慚無地。故同學之人。不敢在聖人前亂說。即或多人聚談。忽聖人至。衆皆默然。一日。有匪人。故意在聖人前。胡言亂語。聖人初惟忍耐。後用正

言斥逐。從此不敢再犯。千古而下。猶想見當時之動容辭氣。凜凜然。非他人可幾及也。既通格物窮理之學。遂專務聖經。溫故知新。大非昔比。守齋默想。痛告苦衣。種種克己之工。日增月盛。如修士然。嘗在苦像前。哀求天主開恩。明白後來。隨何聖業。忽聞空中呼名告曰。你看我在十字架釘着。若你愛我。亦該如此上山受苦。此時就定意入聖方濟各會。隨赴院求之。院長准於聖母聖誕日入會。年甫二十有二。入會後。克己苦身。更甚於前。形骸似非骨肉。竟如鐵石一般。其謙德。必退於衆。修士後。人若待以無禮。心中更喜。一人肆無忌憚。有友嚴飭之。聖人曰。你錯了。爲何不許他如此。阻我立功之機。不叫我升天麼。人皆樂聽聖人之講。因愛人情切。改過遷善之勸懲。深入人心。故救人甚衆。不但儀容言語。動人之心。所行聖蹟。未能枚舉。常有死病。畫一聖號而卽愈者。一孩

產下。有二毒瘡。一在胸前。呼吸從瘡而出。一在肚腹上。裂開可見肝腸。聖人畫一聖號。而兩毒立除。一瓦匠。在高屋上做工。見聖人走過。肆言譏笑。言未畢。卽憑空墮下如死。聖人畫一聖號。竦然起立。並不責其譏笑。反以恩感之。一婦。患不治之瘡。私牽聖人衣服。其瘡全愈。聖人臨河過渡。因舟人弗載。將自戴箬篷。放於水面。挺立其上而渡。登岸後。取箬篷戴之。無沾水處。吾主耶穌常在聖人之心。不離聖人之口。所行所言。皆隨耶穌聖表。晝勤勸化。夜舉默工。才智雖高。不操己意。教宗晉陞主教。屢辭不受。年六十四。主命聖伯多祿瑟肋斯弟諾。告以升天之期。聖人預備嚴密。領受聖體聖油而終。時天主降生後一千四百四十四年。

宜行之德 恭敬耶穌聖母

聖思 一。聖伯納弟諾。從幼神形並潔。聞一污語。面赤臉紅。連惡人皆

畏之。你亦如是否。與人講話。遇不合理之言。汝會慚愧不安否。心若不  
安。就該住口。不點首。不回言。此法最能動人。亦能勸人改過。若係長輩。  
或有督責之權者。就該盡本分訓誨之。非只住口不言。可塞責也。此處  
倘失檢點。是明明不愛潔淨之人。不潔淨者。難進耶穌聖母所降之堂。  
又何能進耶穌聖母所升之天。一。聖人讀書時。每日到聖母堂。敬奉  
誠求。汝之服事聖母。做了什麼神工。若沒有常行不斷之規。難得聖母  
救援。亦難遷善改過。當知恭敬聖母。首在小心不得罪耶穌。因聖母愛  
人至極。不得不准我們向耶穌所求之事。耶穌看聖母之功。不得不准  
聖母之轉求。故得罪耶穌。就是得罪聖母。怎麼望聖母爲主保。一。聖  
人口中。常有耶穌聖名。講道時。常奉耶穌在心。所以肉身之誘感易退。  
憂悶易消。汝爲何不然。一日內。也不知曾念過幾次否。世間無益之事。

且難得到口。難得稱心者。反朝思暮想。愛之慕之。若耶穌聖名出於口。則口如曉日。黑霧盡消。存於心。則心如寶藏。萬福齊來。更容到口。容易稱心。竟不肯朝思暮想以求之。還算得愛耶穌麼。

當務之求 爲婦人女子

祝文 吾主耶穌。因爾聖伯納弟。敬愛爾聖名。懇求天主。我等奉爲主保。賴其功勳。得能愛主之聖名。耶穌基利斯督。亞孟。

## 廿一日 聖合彼削 隱修

警言○汝不判彼。彼不判爾。 聖經

聖傳○不離俗。不苦身。難救靈魂。凡能成聖成賢者。非此不爲功。

試觀聖合彼削之傳。設身處地。全始全終。真未可幾及也。聖人生拂郎濟亞國。爲離俗苦身。立一最高之塔。居其內。周身鐵鍊。加以苦衣。每日不嘗別味。惟麪餅清泉乾菓而已。四十日齋期。只食生菜茶根。連菓餅不用。數年之久。樂此不疲。天主鑒其志潔神清。賜以先見之知。預言此地將受野蠻之害。宜亟避之。衆云。汝何不避。聖人云。不妨我命。毋庸避也。不久。野蠻果結隊而來。殺人放火。無所不爲。到了塔下。聖人望下問曰。你要什麼。蠻人弗應。惟圖進塔擄財。不得其門。由梯而上。見聖人帶鐵索。穿苦衣。疑係罪犯。通士問之。回云。我是該死的大罪人。一蠻舉刀就斫。手硬不下。刀亦自落。野蠻驚懼。伏地求憐。聖人畫以十字。手即平安。彼見如此聖蹟。驟然感化。竟有改惡遷善。同在此間修道之意。係聖額我峇所述。命筆時。此蠻與聖人尙在。又數年。聖人知升天不遠。請一

修院長者到塔。神工畢。自言三日後棄世。隨有主教葬我。語際。一位大體面人。到塔。見聖人遍身鐵鍊爛瘡。膿血淋漓。蛆蟲成隊。問曰。汝怎麼能受此苦。聖人云。倚靠耶穌不難。如今完了。預備升天。越三日。除去鐵鍊。伏跪許久而終。時天主降生後五百八十二年。歿後少頃。蟲臭盡無。爛瘡全滅。遍身完美。顏色如生。

### 宜行之德 勿判人罪

聖思 一。審判之權。惟一天主。汝爲何審判別人。此權誰付汝的。無權而擅行。非僭妄麼。當知外面看人。必多舛錯。如聖合彼削。蠻人誤爲罪犯。我輩由外而疑內者。都與蠻人相類。該想別人比我必好。此想自然不錯。卽現在果係惡人。安知後來不改惡遷善。變爲聖人。汝何可因一時一事。判定人之善惡。 一。汝見人所行無禮。不該憎惡。定不得汝之

偏心錯悞。彼實無心冒犯。定不得內藏好意。一時未顯。定不得另有別情。汝未明白。既然如此。何苦見人無禮。猛起憎心。到後事情明白。翻悔從前之錯悞耶。縱然實知其惡。亦不該由汝判定。因判斷之權。全在天主。非汝可僭妄也。還該知道聖合彼削臨終。尚有自慰之語。我從來不曾審判別人。故倚靠耶穌聖言。望天主不審判我。今想汝臨終。可能以此言自慰否。一。人在汝面前。犯什麼事。或說別人之非。只圖回想我有此罪惡否。有必自恨求憐。無則代人祈主。果能如此。自察自省。自判自懲。纔可免審判別人之罪。汝今如何。當從每日每日。與人交接之間。細查之。

當務之求 毋聽讒言

祝文 懇祈全能天主。爾聖合彼削每年瞻禮。加吾心虔而體安。爲爾

子耶蘇基利斯督亞孟。

## 廿二日聖女儒里亞 致命

警言○汝智德如蛇智。純樸如鴿樸。聖經

聖傳○聖女儒里亞。係利未亞洲屬郡之人。其時所居之地。被強鄰攻破。不但搶擄財物。將男女貴賤之人。盡行劫掠而去。聖女亦在擄中。有商人歐弟覺。收買爲婢。聖女深明正道。不論寬嚴。小心聽命。主人嘉之。因見其看書勤學。苦己守齋。嘗憐嘗勸。但聖女愛天主萬有之上。願隨耶穌受苦。恒心不改。惟有耶穌復活瞻禮日。比常略加食味而已。歐弟覺因聖女勤慎不同。航海貿易。隨舟同往。至各爾府海島。邪廟盛

行。叩禮者。千百成羣。聖女目擊主人。混行邪妄。心內拂然。自回船上。不肯隨行。此島小王。名斐理斯。甚喜邪神。聞聖女出言輕慢。欲報此仇。向歐弟覺以重價購之。不允。以四奴求換一婢。又不允。隨設計。請歐弟覺。讌飲。至酣醉後。差人強拿聖女。既至。多方引其叛教。愈誘愈堅。小王怒甚。命用各刑處治。終於不從。着釘十字架上。聖女以此身。得隨耶穌十字架而死。不勝踴躍歡欣之極。時天主降生後四百四十年。天神奉命。明報於別島修道人。登舟趨至。聖屍尙釘於十字架。亟殮收敬捧。至修道院中。行禮珍藏。沾恩者甚多。

宜行之德 聰明誠實

聖思 一。有聰明。無誠實。必少恒心。有誠實。無聰明。不能專向。二者俱不可缺。專向以事主。恒心以敬主。思言行爲。事事不離天主。纔算得聰

明誠實。纔算得天主所賦之聰明誠實。仍爲天主而用。若只貪榮求富。取樂偷安。則聰明何在。誠實何在。已往者不能回。未來者不可必。難道現在的聰明誠實。不該查一查麼。一爲得自己之恒心專向。離了聰明。除了誠實。無法可以成功。故能守主誠者。知其必誠實。能聽耶穌之訓者。知其必聰明。能行聖教之神工者。知其又聰明。又誠實。此係奔走天堂之捷路。汝會隨此捷路否。一聰明之人。不肯因小以失大。誠實之人。必能守一而無他。吾主耶穌。謂蛇有智德。以蛇遭急難。必捨身而保首。我們處世。無非急難之時。當常常斷絕肉身之暫樂。以保全靈魂之永福。今看汝該斷絕者。恐臨死尙不會斷絕。幾句遺言。不爲銀錢財貨。即係要葬埋體面的話。若果然如此。雖得告解終傳等禮。而永福之保全與否。難知穩妥。今預先說破。望汝時刻驚心。不致臨期自悞。

當務之求 爲家中僮僕

祝文 天主爾德能靈異中。不棄弱女輩。賜致命者榮勝。懇祈。吾等慶爾聖儒里亞致命童女誕日。因其遺表。躋爾臺前。爲爾子吾主耶穌基利斯督。亞孟。

廿三日 聖多納前 聖樂加前 弟兄致命

警言○人多於生肉身之中。含死靈魂。故靈魂之塚。卽生肉身也。

聖奧斯定

聖傳○經云。弟兄相助。像似敵臺。今聖多納前。聖樂加前。兩弟兄。眞保守聖城之敵臺也。生平懿行。筆不能傳。只傳其致命之事。二聖係

拂耶濟亞國公侯之胄子。父母雖非正教。因聖多納前素與西米連聖人友善。明知天主耶穌之教爲真。隨蒙領洗。乃兄樂加前弟即苦口勸之。論從違之關係。辨邪正之異同。不遺餘力。時羅瑪總王與正教不合。禁止甚嚴。違禁者即殺。差員至納內得斯城。傳命嚴查好事者。即將二聖首明。先拘多納前到案。問云。汝果輕慢總王之命。要滅此處所敬之神麼。聖人回云。果然。不但要滅此處之土神。充我之願。還望普天下人。皆欽崇天主。全滅邪教之神。差員云。你知道麼。我有用刑治汝之權。汝該早定主意。聖人回云。我能倚靠天主。不怕受刑受苦。但你不信耶穌。爲萬民大主。該怕天主的永刑永苦。官怒。加鎖收監。拿兄樂加前到案。初以好言勸誘。豈知所答。比弟更結實。官亦無計可施。命鎖禁監中。弟見兄帶鎖而入。喜動於中。交相勸慰。自謂外邊從無此樂。進監如進地。

堂。次日提審。二聖堅持更力。去衣重責。遍身骨肉俱傷。受責時。二聖口中。只說此是我的真樂。此是我的光榮。責後。命赴城外。斬於法場。時天主降生後三百三年。是夜。有教中數人。收葬之。

宜行之德 常想靈魂不滅

聖思 一。誰不知世上。常有惡人享福。善人受苦者。既是天主至公至義。必定賞罰不在世上。在世後。不如是。天主之公義何存。誠如是。靈魂之不滅何疑。雖現在有人害我。辱我。毀謗我。信得靈魂常在。何妨暫時忍受。以待至公至義之天主。汝今遇人辱害。可能忍受否。 一。世間不論何物。皆不能充滿人心。由本身之才智聰明。以及身外之功名富貴。愈有愈難。愈覺不足。因人心所向。出於靈魂。靈魂本鄉。在天不在世。天上與世上相反。故天福與世福亦相反。惟此與世相反之福。纔能滿足。

人心。聖奧斯定有言。天主造人。爲享天主。所以在世時。雖平不平。雖安不安。止於天主之福。方平而安。一世間福樂。未得時。誰不想望。只要得過一次。不久即嫌。又望別的。沒有一個人不是如此。既知得過後。不足之心。仍與未得時一樣。從前何必多此想望。又何不將從前想望世福之心。轉而想望靈魂不滅。常享天主。以免憎嫌。又無別望。何等平安。汝今所向者。所望者。在彼耶。在此耶。

### 當務之求 爲國家平安

祝文 天主。爾賜我等。敬憶爾聖致命者。聖多納前聖樂加前。誕日。望爾彼居永福之域。使吾偕樂。爲爾子耶穌基利斯督。亞孟。

廿四日聖若望方濟各類日斯 耶穌會顯修

警言○汝父天主。明視報汝。 聖經

聖傳○從來聖不虛生。必顯奇才於盛德。惟是文雖載道。有時易略而難詳。今觀若望方濟各類日斯聖人之傳。深嘆盛德之難以形容。未有甚於此者。溯聖人升天離世。迄今纔八九十年。嘉言懿行。文獻足徵。何難詳述。然書不盡言。雖筆禿唇焦。不過寫其生平之萬一而已。聖人係拂郎濟亞國世家之後嗣。父母素奉聖規。其欽崇天主。熱愛聖母之心。大過於尋常。聖人幼承家訓。初能言語時。即知天主當愛。世俗當輕。誠命當懼而不犯。母之督誨尤勤。所以從幼卽正直端方。弗與別童遊玩。所行本分之事。與敬主之功。儼若成人。不就外傳。延師於家。師性

過於急躁。以聖人之良善。猶畏懼之。然只樂於忍受。從無怨言。未幾。耶穌會新建一公學。始出而受業。自到學中。惟以讀書誦經爲樂。絕無戲謔。每逢瞻禮。倍加敬主愛人之工。一舉一動。都爲天主而行。不存私望。到堂極其慤懃。常向堂內僻隅跪伏。面赤淚零。明顯內心。與主聯合。感泣不離也。在昔懷抱時。見母親恭敬聖母。即從旁學習。銘刻不忘。所以一心求入耶穌會中之聖母會。既如其願。愈加志潔心專。嘗自言曰。不犯罪端。不忘聖母。係吾急務。其次。則恭敬護守天神。早晚必誦經勿輟。猶憶暑天。偶臥樹旁。朦朧未甦。隨步走至河邊。往前不止。忽覺背後。牽衣令退。始猛然醒寤。苟非平時虔敬守神。安能保護提攜。至於此極也。因愛主最誠。不敢以幼年而不盡勸人之愛。故遇有同學。未守本分。必竭己之智德。良善以挽回之。當時受益者。不一其人。閣學咸敬愛如師。

肄業之餘。同志六人。自爲一伍。行潔己加虔之規則。每日。或讀書。或誦經。或講論。定期十刻。語皆德善。並無一句閒言。每主日瞻禮。不出門俗務。必及早到堂。領聖體。聽講道。照管冷淡人。務盡一日之長。年十八。重病將危。諸醫束手。人人皆擬其必死。豈知天主簡用之人。特賜此災害。玉成異日之大功。未經數日。病患俱痊。自念溝壑餘生。報恩無地。遂立志棄家。潔身修道。蒙主恩光。欲入耶穌會。然不敢自專。就正於本神父。此神父。想所請必有天主聖意。回曰。應隨汝願而行。於天主降生後一千六百一十六年。聖母始胎瞻禮日入會。雖然新進。其舉動行爲。向來如式。故不煩更改。大勝於陳人。雖然年少。其克己謙恭。未曾少懈。事無鉅細。絲毫必合定規。更大勝於老成。本會有輪管病院之命。若此月輪及聖人。預發歡心。樂從其事。見有幾位臭惡不堪之病。服事更勤。辦理

藥食。收拾瘡膿。舉動則扶。衣穢卽洗。掃榻以待臥。密伺以待呼。不怕礙手煩難。只怕周全不到。事或最污最下。心先愈願愈歡。所以後人尙論者。嘗言聖人盡愛盡仁以待友。結仇結恨以待身。因此身情愿之事。斷不順從。故有此論也。越二年。立絕色絕財絕意之願。又越一年。往多爾諾郡。讀格物窮理書。明知傳教勸人。非博學不爲功。故盡心誦習。然一毫不亂。天主臺前素日之神工。瞻禮本日。必往郵莊。教誨愚蒙。提撕童幼。不踰年而俗變風移。與前迥別。謹擇人烟輻輳之名區。遵行聖體會。引人欽崇耶穌聖體。近來各處流傳。日新月盛。今中國皇城堂內。現行聖體仁愛經規條。分爲四經。一、訓誨孩童。及新來奉教人。二、照管病人。殯葬亡者。三、提醒教中冷淡之友。四、講勸教外人。信認天主。量材分派。各有專司。凡受業守規之眾。自平日以至臨終。俱沾神赦。聞風興起。代

有傳人。莫非聖人當日善教良規之所致。足見餘恩遺澤。久而益彰。非尋常可幾及也。行此聖會時。聖人年甫二十三歲。嗣承長命。前往亞尼爵地方。教讀門徒。有不率教者。常飲泣流淚以感化之。併求主保佑。不啻如父母之愛其子也。雖些微小病。必親往慰顧。一徒患病甚凶。父母閤家無望。哭不絕聲。聖人向前畫一聖號。誦經求主。囑云。汝放心不害。天主爲成就你後來。加倍欣勤之神業。故以此病做覺之。語畢。就覺遍身輕快。不一二日。全病釋然。凡爲人師者。莫不以師道自尊。聖人則用謙和良善之儀容。克己謹行之表樣。亦懲亦勸。是訓是式。而門徒之重道尊師。反過於平常體統。又歷五年。特蒙長命。預備目前將受鐸德之恩。聖人聞命悚惶。自慚涼德。難當鐸德之權。轉念釋罪以救人靈。施恩以送聖體。乃本心所禱祝而求者。轉展思維。未遑寧處。重以長命。不得

不從。惟有加功克治。默想嚴齋以忍受之。受權後。第一次舉行彌撒。至下臺時。尙流淚不止。臺下與彌撒之人。僉云。臺上竟是天神。並非我們同類。因本家尙有小事不和。奉長命。必往理之。然仍不悞每日之工。及早卽回。非講道訓蒙。卽散給哀矜。非與人告解。卽照管病人。有聽講者。日暮不疲。夜復誦經默想。以全一日之工。惟愛人最切。不論如何。意之所至。身卽至焉。曾有窮人。聖人頓發哀憐。欲施以被褥。卽自行肩負。由街市送至其家。見者皆笑而怪之。胞兄責其辱沒家聲。重傷體面。况可使之。人不少。何爲如是。聖人婉容稱謝曰。此言皆從好意而來。但見人苦難。由不得自己。一切貴賤尊卑。阻不住我之愛情。前人多因此愛。受累受傷者不少。總不能碍傳教人之尊位。十二宗徒。後來鐸德。俱以謙愛。立聖教會之基。因謙愛能斷人犯罪之端故也。遇勞不惜。纔是愛。倘

欲行不行。疑難瞻顧。於心何忍。凡拜主之人。有心輕世俗。學耶穌者。俱該如此。胞兄默然而退。嗣因本家事務已平。定往四處鄉邨。勸善懲惡。以作新之。每早必空腹出城。由近及遠。巡歷數邨。所到之處。先講道。後告解。不辭人眾事繁。雖邨鄉寥闊。皆挨日按臨。回堂仍講道。仍告解。口不絕善言。手不離善行。自晨至暮。刻無寧晷。且自受神品後。不獨不食禽獸之肉。連魚蛋等物。一概不用。所食者。不過麪幾兩。菓幾枚。清水幾口而已。有時或水中稍加牛乳一滴。此外再無別物。晝夜不離苦衣。若夜內有大默想之工。即於片板上。假寐片時而已。種種克己苦身之事。不一而足。若非天主聖佑。聖母神恩。人非鐵石之軀。斷不能顯此奇才盛德也。又歷四年。聞北亞墨利加地方。耶穌會大開聖教。此處之人。性悍野居。無宮室禮貌。聖人欲往。商於好友。友言此處甚難。不能保存生

命。不如此間。幫助眾人之靈魂。聖人回云。明知有關生命。不是我的造化麼。同會之友。傳教在外。爲主致命者甚多。救人靈魂。不論彼此。況就此易行之地。而棄彼難行之地。心更不安。且彼處傳教人。必然很少。天主聖佑。引我動心。應該遵依主命。隨陳請於羅瑪府總統之前。總統回云。北亞墨利加地方。蒙天主加恩本會。開教廣揚。我早已感激主恩。思圖後效。來意諄誠。現在刻銘五內。請暫依默想之德。從容預備等語。得此回書。自幸此身得逢奇遇。雖後來不獲如願。莫非天主之命。在聖人舍生爲義之功。仍與日俱新也。聖人志切遐方。而足跡所經者。僅爲方百里耳。夏則管理城中。冬則出遊城外。此方教眾。羣以聖人敬事之。相傳山中傳教時。適有同會修士。亦道經其地。遠見大隊人。蜂擁而前。未知何故。迎至相近處。問之。旁人答曰。就爲聖人從此經過。各村居民特

來彙送。再行十餘里。與一大城相近。又見多人。由城內而出。取道奔馳。再問其故。旁人答曰。這是迎接聖人的。及進城後。無數人隨之而進。又問之。聞聖人進城講道。特來聽講者。足見聖人在世之時。卽無一人不仰之爲聖人矣。此天主發顯聖人之德。不使尊之升天之後。故准其生前多行靈蹟以徵之。但無求不應。無語不靈。沾恩者。殆無虛日。安能瑣屑詳言。今只述一二端彰明較著者。一婦見聖人所戴箬篷。有幾處破損。欲代爲修整。聖人允其所請。婦將修下者。什襲珍藏。奉爲聖物。天主鑒其誠切。准行二大聖跡。一係蠱脹臨危。一係凶瘟將死。婦將破篷片。置於病人之身。頃刻病除身健。又歷三年。適遭歉歲。農商工匠之人。多爲餓殍。聖人憐憫之至。親往富家。乞麥救飢。其家素敬聖人。故樂從之。所給麥子銀錢甚多。特建大倉。交與一有才有德之教中人。名波者管

理。見有聖人之憑據。照數給發。無食之民。藉以全生者。不可數計。但銀麥雖多。哀矜甚大。聖人倚靠天主全能仁愛。嘗差多人往取。奈銀麥俱完。波竟無能應命。差人告匱。一寡婦數口嗷嗷。聖人仍令持帖赴倉。帖無定數。惟願是與。波見告匱之後。復來此帖。只得親赴聖人前。面陳銀麥俱完。已經具稟。爲何又命寡婦持帖赴倉。聖人云。汝卽速回。隨寡婦之欲與之。波云。麥子並無一粒。何能滿其所欲。聖人云。你遵我之命。快去給發。不獨滿此一寡婦之欲。還滿許多人的口袋。波遂默然而回。協同寡婦。當面開倉。只見麥子滿倉。麥粒尙狼戾於門外。波與同人。莫不非常驚異。一面充給寡婦。一面報知聖人。聖人不俟波開口。先笑慰曰。以後更該比先倚靠天主仁慈。當知天主之倉。常常充滿。但不許明告於人。越數日。波見倉麥不多。又來告匱。聖人云。你放心管理。必定有法。

居無何。掃倉麥盡。尙有貧人持帖赴倉者。波復前來請命。聖人回云。倉內還可應付多日。毋庸如此汲汲也。波云。我親自掃盡。鎖門而來。鑰匙在此。聖人曰。我說明倉中有麥。你只管給發窮人。不能缺少。如此數月之久。窮人有求即與。倉麥少而復多。若非聖人靈蹟。每日常行不斷。雖有千倉萬廩。何能使無數窮民飽殮數月。夫病災饑饉。何莫非天主之顯罰。今因聖人之盛德而挽回之。恩孰甚焉。此地有一富商。素行不端。隨處毀謗。且有當面詈罵之時。聖人不獨甘心忍受。更定意救其靈魂。先用生財謀利之道。以合其歡心。又親往其家。面商濟窮之法。聖人覺其前惡漸除。善言可進。婉辭奉勸云。你一生勞苦傷身。俱因財利而受。倘然一死。全全斷絕。爲何不想一想。失了靈魂。忘了永福。這富貴銀錢。一毫無用。此數言大動其心。是夜懼而不寐。黎明往見聖人。告以

心中之亂。聖人溫恭勸慰。又以身後之切要。含淚直陳。遂決意改遷。幾番告解。斷絕犯罪之事。復向聖人前。行總告解。所罰補贖之工甚輕。其人自知與罪不稱。問之。聖人曰。問得狠是。理當重罰。因我代爾補贖。故也。十年之久。救人之熱心。總如炎炎大火。未曾少熄。盛暑之時。雖暫停遠出。而料理城內之事。往往應接不暇。或到病家。或救貧窮。或多人聽講。或與人告解。從不肯因暑熱而悞神工。嚴寒之時。經歷山莊。苦勞更甚。亦從不肯因冰霜載道。畏縮不前。入夜無分冬夏。不離默想。縱然力竭筋疲。從不肯姑容鼾睡。自失箴規。臨歿之年。蒙天主預示。定期避靜。至第三日。行總告解。自視如死。避靜訖。即起身傳教山鄉。有友問云。不回城過聖號瞻禮麼。聖人答曰。心內樂從。但做主的不允。其友不明做主之說。又言我明知院長。定在此日。命你回城。聖人曰。此係長者之好。

心。今再對你說。做主的不允。同伴必回。我則不能。友云。只你在山。多有不便處。聖人回云。因係做主的所命。顧不得便與不便。十日後。此間話之友。方知耶穌聖誕前二日。出城欲往之地。只離城七十里。奈路難日短。原望次日早到。豈料夜行路錯。半夜始到一莊。見有坍塌破屋。即入內少憩。忽然汗出身疲。四肢厥冷。小腹之氣。逆衝於心。疼痛異常。聖人並無瞻顧煩難。反喜此間。與耶穌降生之馬棚相似。候至微明。力疾前行。既至。先入主堂。是夜。即耶穌聖誕瞻禮。聽講者。告解者。老幼雲集。聖人忍痛強持。晝夜不停手口。至聖斯德望瞻禮。形色已無生氣。而心猶不死。還講道三次。與人告解。正告解時。氣迷身冷。擡入煖室。一刻之後。氣轉神清。仍與人告解。少頃。又發迷不醒。擡於牀上。請醫診視。無法挽回。聖人外形甚憊。內志甚堅。從新總告解。領聖體。聖油。禮畢。暫退眾人。

爲默同耶穌安福。次日。手扶苦像。惟想耶穌仁愛。薄暮。面發喜顏。半夜。見耶穌聖母親來。對同侶云。如此大福。滿我樂心。耶穌聖母。親來引我升天。隨合掌仰天大聲曰。吾主耶穌基利斯督。交我靈魂於爾。凝眸氣絕而終。年四十四歲。時天主降生後一千六百四十年。各處山鄉。聞聖人棄世。大聲傳呼曰。聖人升天矣。不辭山路崎嶇。不畏隆冬苦冷。莫不爭先奔赴。臨喪之神父。計二十二處。親見聖容。顯多聖跡。殯葬之後。不獨本地沾恩。各國傳教之修士。奉聖人遺物。禦災療病者。多蒙其餘澤焉。

宜行之德 盡忠孝以事天主

聖思 一。天主爲吾人大父母。其愛大不同於生身之父母。世上的人。只想世上的事。不過望兒女富貴榮華。身安境順而已。所望之愛。如此

平常。受愛者。更無意味。惟有天主之愛。頭一件。要望人久常享天上之福。夫以全能全善之天主。而如此愛我。如此望我。我等竭心殫力以順事之。何求不得。聖若望方濟各明知此理。力行不倦。事事得滿其心。因聖人所靠者。大父母之愛。故能一生廣揚大父母之仁。汝惟倚靠自己。不學聖人之倚靠。宜乎汝自汝。而聖自聖也。爲何不想一想。聖人非人耶。汝非同類耶。聖人之大父母。非即汝之大父母耶。一。既是大父母。則我們都是弟兄。天主臺前。論不得世上的尊卑貧富。只論升天不升天。升天者。雖卑亦貴。不升天者。雖富亦貧。今係自己弟兄。錯走了不升天的路。不該叫他轉來。引他同歸正道麼。聖若望方濟各明知此理。故狠愛窮人。最愛病人。更愛講道勸人。此愛至死不休。難道只該聖人如是而行。別人都是不該行的麼。難道汝心中。不信天主爲大父母。不信

萬民爲一本所生之親弟兄麼。一。大父母之真福。無像可形。無世可終。爲何將眼前形下之物。一生有盡之苦。失去不可形不可終之真福。聖若望方濟各明知此理。無苦不受。每日苦中尋苦。有愛必行。一生遇仇更愛。如此數十年。皆視爲本分。故棄世時。卽得本分之真福。今汝本分之真福。現在天堂。與聖人一樣。爲何汝所行世間之本分。竟不與聖人一樣。

當務之求 爲窮人

祝文 吾主天主。因聖若望方濟各類日斯。愛德忍德。超越尋常。在世歷盡艱難。專爲愛人救人。伏祈天主。使我幸承聖人之遺表。助我事主立功。獲享永遠之福。爲爾子耶穌基利斯督。亞孟。

# 廿五日聖女瑪利亞瑪大肋納巴西 童身

警言○爾欲歸事天主。慎弗遲遲。倘遲一日。其怒倏至。罰爾以永苦矣。聖經

聖傳○意大里亞國。弗冷齊亞府。係聖女瑪利亞瑪大肋納巴西世居之地。自幼在人前。常顯熱愛天主之心。喜聽人講解天主之理。初能言語。首學天主經。聖母經。信經。甫七歲。遇有不熟聖經之窮人。即教之。在此童年。能行默想。八歲後。時往僻地數刻。行此神工。或於夜內舉行。因年小。不許領聖體。切望之至。每遇母親領聖體。依依膝下。一日不離。至十歲後。本神父准領聖體。盡心愛慕。領後一日。尚流淚不乾。十二歲。全離世俗。定志守貞。時因父母不允。留居家內。至十六歲。遂離去本

家。安身修院。入院不久。闔院俱欽其儀表。次年。忽患遍身疼痛之病。院中修女。慮其難受。聖女手持苦像曰。請看吾主耶穌爲我靈魂受此苦難。我身之苦。有何難受。似此克己謙恭之德。無非天主玉成之恩。一日。默求耶穌指點當行之事。蒙耶穌開其明悟。遂限定每日。只用麪餅清水以養身。補贖世俗所犯之大罪。從此日始。至於身終。計二十五年。如一日也。此外尙有天主默示之數規。一、或思。或言。或行。必小心潔淨。儼然現在天主嚴威之下。二、若勸人舉行何事。先詣苦像前商酌。此行能合天主之聖意否。三、凡爲人靈魂而出力。必有欣然樂從之喜。四、弗顧身軀勞碌。如地之甘受踐踏。時刻不停。五、他人所願。可許即許之。六、遇有事情物件。無大關係者。當常常讓與別人。七、遵守自己的規矩。必嚴必慎。凜然若耶穌親授者。八、常獻耶穌苦難於天主聖父。旣爲己亦爲

人。九、常省察自己所行。可能盡隨耶穌之表樣否。以上數規。係聖女終身由之。而不容少懈也。具此聖德。故一生之靈蹟甚多。一婦。負魔不愈。聖女畫十字聖號以驅之。立時遠遁。一修女患病必死。聖女求主加恩。頃刻病除。且不特驅魔療病之神能。更蒙天主寵以先知之明鑒。本地方主教。按臨修院。聖女向人云。此主教。雖然居世不久。目下即得教化皇大位。不數日。果如其言。在位僅二十六日而已。不特此也。聖類斯公撒格升天時。聖女正在房中默道。忽大聲歡呼曰。盛哉耶穌會之光榮。若吾主耶穌不賞我目覩其盛。誰能憶想及此。又見一童貞修女去世後。入煉獄十五日。方得升天。因爲瞻禮日。做了不當緊之事務。故有此罰。又見兩人。一身明亮。惟兩手如墨之黑。如瘡之爛。問其故。因爲阻人哀矜所致。種種見聞。俱爲助人信德。戒人罪惡。然必從聖女而發者。因

聖女愛主之心。比眾不同。往往獨居時。呼號痛泣曰。天主我等主。多人少愛。我爲何明知其闕而不補。即此一言。可知其愛無窮。其受恩亦無盡也。越三年。聖神降臨瞻禮前一日。聖女忽見一湖。有不可數計之魔鬼。充滿湖中。正在疑懼間。聞有聲告語曰。汝身將住此湖五載。初時不覺驚畏異常。復想此中。必有天主聖命。遂安心願往。延至聖三瞻禮。明知自己果入此湖。驕傲貪淫。失信失望之邪情魔念。一齊俱起。利害非常。聖女自忖曰。如今不知我欲何爲。惟有不肯得罪天主。以退此引誘。往往主前默想時。拊心自問曰。天主我等主。如今爾在何處。每日求聖母不離其心。有一次。邪念更甚於前。聖女急迫之至。仰見聖母。手持白綾一幅。覆於聖女頭上。慰云。此誘不能害汝。毋庸過懼。引誘來時。只加意謙謹以退之。嘗向本神父陳明。增其克責。院中修女。見自治太嚴。多

解勸之。聖女回云。留我受苦以補罪。吾主耶穌。肯以此命我。我如何不肯。五年一滿。頃刻之間。面容美麗光明。非復舊時相貌。向眾修女云。冬天不好之時。過去了。請眾幫助我同謝主恩。謝恩時。見主保聖人。護守天神。送來奇妙花冠。珍寶項圈。鮮潔美衣。穿戴之。聖女歡感無地。大聲曰。天主我等主。可憐我待罪五年。反蒙此賞。何幸如之。總之聖女一生立德立功。並無別樣異人之處。惟有一心仰合天主之意。遵行天主所喜之事。縱然不得所求。未減此心之樂。嘗曰。喜我能如天主之意。不必喜天主如我之意。所以口中無事。不稱天主之命。無句不遵天主之言。經云。爾旨承行於地。如於天焉。若聖女者。可謂不負此求矣。終期將至。天主特賜一重病。以增其功。滿口齒牙全落。身如稿木。挺臥於牀。與屍無二。稍稍轉動。卽異痛難當。此係外面有形之苦。所有心中之苦。更甚。

更奇。驟然得病後。不覺有天主之恩。故此心之難過。不可言狀。本神父慰曰。可望天主開恩。去此心內之難。聖女回云。我未病之先。求主賜我受苦至死。今不但如此。求主賜我受苦而不即死。臨終勉勵眾修女之言甚久。約其大意。要往永遠享福處。只求一件。不愛別的。不望別的。所愛者。惟耶穌。所望者。惟耶穌所受之苦。惟爲耶穌。語甫畢。卽斷息而終。年四十一歲。時天主降生後一千六百七年。

### 宜行之德 敬主

聖思 一。我們愛主之心。能如聖女瑪利亞瑪大肋納巴西之愛否。孩時即能默想快心之事。惟有誦經獻主。你後生時。必不如此。不該痛悔麼。長成後。又虛度多少光陰。就看汝今年。亦未曾見得欣勤聖事。旣知有死。不肯預先輕世。斯知有主。不肯常常敬愛。豈因時候未到耶。抑或

事情未完耶。天主之命。猝然而至。管不得你到不到。完不完。何苦甘心自悞。一。聖女雖是世家。此富此尊。不動其心。嘗云。寧在世間。時遭萬苦。爲何如此。因心中信德最純故也。汝心若有如此信德。必能如聖女一樣。但不知此語。能與汝心相合否。倘然不合。信德何在。無信德。可算是天主的人麼。一。此位聖女。爲何有此德行。因心內不離天主。誦經默想。合其心於天主。故其德日增月盛。雖有五載魔湖之難。愈顯其功。今汝之魔湖。未必過於聖女。乃受苦受勞之處。不能學其萬分之一。徒使寶冕珍圈。潔裳華服。獨顯於聖女之身。孰重孰輕。凡有人心者。必能讀此聖傳。而爽然若失。汝今如何。能如聖女。情願受苦而不即死否。

當務之求 爲室女

祝文 吾主天主。爾所重愛者。莫如謙德。今因聖女瑪利亞瑪大肋納

巴西謙恭愛主之熱心。無時或有間斷。故無事不充滿其心。懇祈吾主。俾我常依主命。得獲聖女之仁愛。及其謙德。爲爾子耶穌基利斯督。亞孟。

## 廿六日聖斐理伯訥理 顯修

警言○守誠。乃愛天主之效。聖經

聖傳○聖斐理伯訥理。係意大利亞國。弗落冷西亞府人。自幼善良。五六歲時。人爭愛慕之。皆稱斐理伯槃槃。此本國譽美之方言也。稍長。繼與乏嗣之親叔爲子。雖家產最豐。聖人意不在此。及往羅瑪讀書。從旁多有陷人非義之端。聖人惟倚靠天主聖佑。潔己守身以避之。日

只一餐。飲惟清水。嘗有三日不食者。每日默想。心不離主。即有緊忙要務。總不能斷其神工。常享天主之神味神樂。往往得心應口。不覺歡感。曰。我主天主。何其過盛也。至二十九歲。讀書畢。止想爲主出力。時往病院。懇懇服事。助其善終。不獨將自己銀錢。施捨貧窮之友。每向富貴家。代窮人。求哀矜。以轉給之。散哀矜時。必先考問道理。如問以緊要之理。未曾明白。即講解以救之。行之日久。眾皆稱身靈之父。偶於深夜。往救一窮人。悞入坑中。護守天神。提之而出。又一次。見一求哀矜之窮人。聖人將所有盡與之。豈知此窮人。卽自己之護守天神。隨顯正像。交還原物。囑曰。汝該常常如此。年三十六歲。本神父勸受鐸德。自蒙神品後。時時增工。日日舉行彌撒。淚流如注。患病不行。必領聖體。未幾。感動旁人。滿望協同出力。合羣教友。奉聖人統率之。聖人一心欲往外方傳教。可

望致命之恩。但未知與天主聖意相合否。求主開明。主特啟示。有聖伯爾納多會中一盛德人。往同商議。亟如命往訴。此盛德人回云。天主不允此求。命居羅瑪出力。聖人從此斷絕遠遊之想。安心羅瑪。以行以言。救人無算。聽講者實繁有徒。不拘何事何時。必見其人。晰其疑。而後使之去。嘗云。愛天主之人。用天主之恩爲天主。沒有如此便宜。願病最勤。幫助善終最迫切。有數次。倚天主能。立愈臨危之病。又數次。身面發光。眼中出火。以顯愛主之大愛。自念普世罪人。皆無有比其罪之大者。每日求主曰。天主我等主。望主依我。如膚切身。倘片刻少離聖佑。無罪不來。聖加祿。聖依納爵。初時一面。便尊爲聖人。加禮以敬之。可謂惟聖知聖矣。然愈敬則愈謙。謙愈甚。則其尊更甚。不獨人尊之。天主亦尊榮之。當耶穌聖誕瞻禮。舉行子時彌撒。親見耶穌在聖臺上。形如小孩。非聖

人之大德。孰能受天主若是之尊乎。多次見天神送友升天。看人外貌。能逆知其心之善惡。潔者。早聞香美。不潔者。不香而臭。猶可奇者。異地同時。俱親見聖人。且不止一次。一人平日。常向聖人前告解者。適從羅瑪航海他方。忽遭海賊。入水避之。雖本來原能赴水。奈海中波浪。洶湧異常。勢不能支。幾乎淹沒。心中求救於聖人。際此呼吸存亡之頃。眼見聖人。親入海波。手握其髮。送至海涯而去。生平靈跡。有求必應。可由此而類推之。相傳聖人所用布一方。存有血痕。一人患毒。十有八月。諸醫不效。敬捧血布覆之。立時全愈。痕跡俱無。以聖人所用之微物。尙然如此奇效。無庸多贅矣。天主降生後一千五百九十五年。耶穌聖體瞻禮日。舉行彌撒時。天主默示終期。即至。禮畢。下臺。行告解。及臨終諸禮。是晚。吐血狠重。入夜。離世升天。年八十歲。

宜行之德 愛主克己

聖思 一。聖斐理伯訥理自有生以後。止想天主之愛。故未及壯年。全離世俗。舉行彌撒時。不獨顯聖人之愛主。且顯主之愛聖人。今汝可有此愛否。若云。我亦愛主。汝之憑據何在。受天主之命。棄而不遵。且行自己之意。有天主在心。慢焉弗敬。終朝謔語閒談。此汝不愛主之憑據。人所共知共見者。怎麼說得我亦如是。既不如是。頭一誠。尙未守全。可望升天麼。 一。聖人一生飲食。勝於嚴齋。晝必奔波勤動。以理人靈。罔敢或懈。夜必默想誦經。以資神益。寐少寤多。今汝之克己何在。連自己本業之苦。不但耐煩。沒奈何。還要惡聲怨恨。還要懶惰偷安。心內的罪根。不但不肯斷絕。還要小心保養。還要縱性橫行。如此克己之工。可望升天麼。 一。愛主者。必能愛人。愛人者。必能愛主之愛。請看聖人一生。

常以愛主之心愛人。卽墮入深淵。天神必提救之。今汝之愛人何在。眼前多少不守本分之教友。同時多少不認天主之親朋。汝若有愛人之心。必然寢不安席。食不甘味。朝思暮想以救之。今不但不作此想。情願三五成羣。或酣飲。或蕩遊。或博奕吹彈。或談天說古。連自己亦不愛自己。還有何善言善行。既不愛人。亦不愛己。明係不愛天主之人。可望升天麼。

當務之求 爲怠惰神工者

祝文 吾主天主。爾賜聖斐理伯訥理以聖人之位。我今遵守慶期。懇祈天主。使我欽依聖表。勉力追隨。爲爾子耶穌基利斯督。亞孟。

廿七日 聖博弟畧 致命

警言○今苦勞禁鎖。猶不藏者。惟天主言弗鎖。聖經

聖傳○聖博弟畧。係拂耶濟亞國人。素志潔修。熱心愛人。自得副  
祭品級之後。明悟日增。神工日進。幫助一主教。建立聖堂。主教舉行彌  
撒時。聖人親見天主光榮。圍擁聖臺。耶穌自降聖福於餅酒者三遍。奉  
主教命。常講道於眾教友之前。莫不傾服。別地未曾認主者。聖人欲望  
主恩。往傳教事。可得致命之榮。既至其地。增造聖堂數座。勸化外教人  
甚眾。傳教之神父。俱以股肱心膂視之。頃聞拂耶濟亞之北省。異端蜂  
起。亟行往救。道經一府。城內寂若無人。訪其故。始知此去不遠。樹林內  
一邪神。今日正當祭獻之期。四方雲集。因而城內爲之一空。聖人見舉

國若狂。動心憐憫。即問道前趨。果然不謬。就直言向眾曰。祭祀之禮。不該爲邪魔而用。汝等一片好心。不能求福。反招永禍。何所見而一呼百應。如此樂從耶。天地萬物之中。止有一大主。掌握生存賞罰之權。順之則吉。逆之則凶。我輩該敬者。惟此一大主耳。除此大主之外。凡假稱靈驗。騙人邀媚者。不論何神。盡屬邪魔偏處。敬之者。死後必受大主永遠之刑。眾聞其言。不容說畢。近身者。拳掌交加。隔遠者。怒聲喧嚷。彼雖如此凌辱。而聖人更盡力雄談。欲禁其口而不能。行祭時。即拿聖人。燒於所祭之烈燄中。聖人身受火焚。口仍講道。若不知此身之被灼爍也。內有一人。不勝其怒。持斧劈開聖人之首。以絕其聲。眾人散訖。此地有數教友。往收燼餘之屍骨。殮葬之。時天主降生後三百九十年。聖額我畧都羅曰。聖人葬後。即從墓中。頃刻之間。長成一大樹。枝葉茂盛。地方人。

知係聖跡。用樹葉放在病人之身。無病不除。一商收葉甚多。海船中受此樹葉之恩者。不可勝數。船未到涯。此地一負魔人。在堂中大聲喊叫。曰。爲主致命之博弟畧就到。衆人不解。迨此商上岸。講明聖墳樹葉之奇。足見先聲所至。人不能知。而邪魔代爲佈告也。

宜行之德 不隨肉慾

聖思 一。人之肉身。係靈魂之牢獄。在此牢中。不能飛於天主之前。達味聖王。保祿聖人等。常以此爲苦。爲何舉世多人。俱愛此牢獄。又怕出此牢獄。無他。不知自己靈魂之尊。不信身後永遠之福。不明天主賞善之恩。遂有此苟且偷安之想耳。總而言之。愛牢獄者。必失自己之尊。必無身後之福。天主所定賞善之恩。一毫無涉。惡牢獄者。則不無。孰去孰從。憑汝定奪。 一。心中之私欲。心中之情願。心中不得意之事。俱能擋

住本來之明悟。使汝不明後來之福樂。有此大害。爲何不早早斷絕。斷絕之後。便知此時。這尊貴之靈魂。現爲肉身之奴僕。可使得麼。既然使不得。就該定一妥當常久的主見。不隨奴僕所行。盡心克去之。自然不受其害。一。人人俱在必死之中。遲早不能或免。力量一年不如一年。精神一日不如一日。眼花耳聾。髮白齒搖。這是什麼意思。擺着是牢獄將圯。靈魂將出之前站。但出去時。帶有重罪。惟往永苦之處。受永罰之刑而已。並無別望。關係如此之重。還隨奴僕之意而行麼。

**當務之求** 爲棄本而務末者

祝文 懇祈全能天主。吾敬憶爾聖博弟畧致命者誕日。賴其轉達。使吾剛健於爾名之愛。爲爾子耶穌基利斯督亞孟。

廿八日 聖熱爾瑪諾 主教

警言○聖神之實。卽愛樂。和平。忍慈。惻仁。恒德。順良。信德。端正。廉

貞等。 聖經

聖傳○聖熱爾瑪諾。係拂郎濟亞國人。在母胎時。母因多產。謀墮而不能。生後。雖不敢加害。心甚惡之。及長。祖母相助爲虐。偏愛幼孫。備酒二瓶。欲以有毒者飲聖人。送者錯悞。反以毒者飲其弟。救之不速。必死無疑。聖人自忖家中。難存生命。往叔父處。求其照看。此叔敬主愛人。非尋常可比。聖人受訓最深。日行默想。早必到堂。路遠弗辭。雨雪暑寒弗輟。本地主教。見其熱心。授爲副祭。三年後。遂升鐸德。誦經時。人見面發大光。目不能視。見窮人。慈心勃然而發。往往將現有之資。傾囊以贈。

甫入修院。卽爲院長。照舊愛養貧窮。不放平時之素行。雖眾議紛紛。弗顧也。因聖人惟依天主之聖佑。故所行靈跡甚多。一晚院中草房失火。延燒甚猛。聖人洒聖水。畫聖號。求主救之。火卽應聲而滅。一夜熟寐後。見一老人。送以京城鑰匙。聖人問曰。用此何爲。老人答曰。爲救京都之人。及早本國王。因聖人聲名籍甚。差員召入。聖人明知天主之命。卽與四修士同行。到京入覲後。邸居四載。大顯德輝。適京都主教去世。眾共推尊之。卽位後。加功克己。勉力愛人。事事比前益甚。徹夜在堂默想。將及黎明。始回本署。少遲片刻。非顧病憐貧。卽各方講道。一年四季。不易其衣。平常飲食。每同窮者共餐。不久。化行俗美。人人日遷於善。邪魔甚痛嫉之。窮工極巧。以恣攻擊。或顯凶惡形嚇之。或以鞭棍重撻之。或當誦經時。怪聲喊叫以阻之。聖人惟恃一謙德。勝於百鍊之鋼。無魔不克。

中年以後。靈跡愈奇。穿舊破衣。鋪牀爛草。一杯洗手水。一滴眼淚痕。不拘何物。凡係聖人經過者。皆能治病。所以病人常滿堂外。候聖人出堂。莫不遂其所求。一修道人。離京甚遠。患病甚凶。適得聖人所寫之字。病人親之即愈。一鐸德。因主日不罷工。頃間。半身不遂。即自悔其錯。命人擡至聖人前告解。聖人與油一滴抹身。所患立除。都中一大人。因放血錯悞。身死氣絕。聖人至屍前。洒聖水。到身即起。此外。尚有死後。求聖人復活者。不啻至再至三。又有數次。示人以棄世之期。囑其預備。無言不應。特建大學。不論本地外方。俱准其肄業。不論俗學聖學。俱隨材教育。學成之後。往往出類拔萃者甚多。蓋聖人此舉。專爲後來代有傳人。故預備此儲才養士之區。實一生之首務。末年。猶加意焉。是歲。年滿八十。天主默示終期。聖人即書此日於座右。不明其故。至期。果然無疾而終。

時天主降生後五百七十六年。出殯時。道經刑獄。棺重如山。事聞。盡牢釋放。棺始聽人擡動。葬後靈跡。不可勝紀。

宜行之德 仁愛

聖思 一。仁愛之事。俱有耶穌之命在。若淡焉弗顧。是不行耶穌之命矣。審判之日。以仁愛定案。有則上升。無則下墮。因爲聽別人之命。替別人做事。與畔主之逆奴無異。何能免地獄之永刑。若能聽耶穌之命。行仁愛之事者。則不然。聖基利所樂曰。少贈多領。贈麪餅。領天堂。一。見窮人。當論汝之力量周全之。汝有心能愛升天之耶穌。而托之圖像。豈無力能愛在世之耶穌。而見諸實事耶。汝有心望耶穌之救。豈無力救耶穌之望耶。以窮人視窮人。其心必日趨於冷淡。能以耶穌視窮人。其心必日增其神勇。若見負罪之人。其懇懃勸勉。更當甚於貧窮。何也。勸

人正所以勸己。人能有罪。汝獨無罪麼。汝果不忍他人有罪。而苦口勸勉之。天主至公。豈忍汝身負罪。而不默佑其衷。以求改過乎。仁愛之效如此。汝獨何心。自棄於不能。一。果然無力救窮。無能顧病。無德以挽回負罪之人。難道隨口說的常言俗語。亦不能畧講幾句。以顯愛人之心麼。周圍多少親鄰。來往許多朋友。俱未曾沾天主救贖之恩。當知這一班親友。定不得是天主交與我指示的。我就不能講解。表樣更能動人。今汝之表樣何如。可能感化一二人否。

當務之求 爲勸化本國人

祝文 懇祈全能天主。爾聖熱爾瑪諾精修主教。每年瞻禮。加吾心虔而體安。爲爾子耶穌基利斯督。亞孟。

## 廿九日 聖瑟諾伯 主教

警言 ○身欲神反。神欲身反。兩者互敵。弗使爾凡欲是行。 聖經

聖傳 ○聖瑟諾伯係意大里亞國中巨家之子。自幼正直端方。不狂不笑。言規行矩。勝於修道人。且身居富貴場中。不顯驕矜之氣。讀書數載。鄉黨即以博學稱。年十八。深知天主大恩。領洗入教。父母責其太過。聖人婉容愉色以進諫之。未及二年。父母咸信從受洗。聖人自入教後。定心棄世。專務神工。正值叛教之總王儒里亞諾信邪滅正之時。聖人毫無畏懼。盡心辯駁。所在各方。近處。則耳提面命。勸人篤守堅持。遠處。則寄書勉勵。或遣友代傳。此地教中人。莫不嘉美之。時聖教會神品之階。已歷四小級。及聖盎博羅削得主教日。卽重托聖人以教中緊要

之事。有弗落楞西亞府主教。探知生平德行。果然名不虛傳。晤而後。更加欽服。往見聖達瑪所主教。極口表揚。教宗授以副祭銜。專差往理要務。才德兼施。變難爲易。事完復命。卽超陞弗落楞西亞府主教。聖人得此尊位。愈加修省。常覓窮人以施賑濟。每年避靜數次。所行聖跡。相傳死後再生者五人。有一多年瞽目。聖人許其奉教後。眼必復明。果然一家領洗。瞽目重開。又外教負魔人。聖人逐之。卽愈者。不一而足。年至八十。偶然身體違和。卽知終期已近。將在旁之主教鐸德。令至榻前。囑其盡心爲主。隨行告解。領聖體。傅終油。求主教畫聖號於五官。畫畢。奄息而逝。時天主降生後四百七年。

宜行之德 想世俗之苦

聖思 一。世非吾人本處。乃竄流處耳。爲何愛之。本處現存天上。爲何

不愛。達味聖王曰。竄流之時。斷不能常久。保祿聖人曰。我心急望離此竄流之世。以便結合我本處之耶穌。今汝心可與二聖之言相對否。現遭世俗之憂愁。還要圖謀帶不去的貨財。常想身後不中用的虛名。是何緣故。畢竟不信此世爲竄流耶。不信天堂爲本處耶。恐汝亦難自解。

一。世上周圍險處叢集。無一隙離人之地。離人之時。眼睛跟前。常有得罪天主之事。雖聖人亦不能免。非有天主之聖佑。萬難保全。如此之險。不該盡心防備麼。還敢大意橫行麼。一。不知末日何如。或善或惡。尙在兩可之間。不知死後歸於何處。或升或降。又在未定之中。直到審判時。方知下落。此事汝若游移不信。已非天主之人。吾復何言。倘能篤信無疑。不該害怕麼。還敢想世俗之福樂麼。聖奧斯定曰。人之生。暫如流徙。日居危險中。後事之升沉。難以逆料。汝曾念及否。德至聖人。尙如

此跼躄不遑。汝反高枕無憂。於心安乎。

當務之求 爲旅人

祝文 懇祈全能天主。爾聖瑟諾伯精修主教。每年瞻禮。加吾心虔而體安。爲爾子耶穌基利斯督亞孟。

三十日 聖甘羨 聖甘濟亞諾 聖女甘際亞

納 致命

警言○爲義而被窘難者。乃真福。爲其已得天上國也。聖經

聖傳○天主降生三百年後。西國總王。崇邪滅正。羅瑪府中。義血渠流。聖骸山積。時有弟兄二人。一名甘羨。一名甘濟亞諾。同妹甘際亞。

納。係總王本族。因從師伯樂德。原係聖教有名之人。才德兼優。弟兄誦讀之餘。留心究問。蒙天主開恩。俱沾領洗。奉教後。守誠最嚴。神工最密。更思推己及人。廣揚教化。聞亞基肋亞大府。傳教者甚少。聖人即合謀同往。盡力宣傳。信從者甚眾。地方官因差員按臨。令遵總王之命。聖人回云。天地萬物內。惟一真主之教。當敬當遵。此外俱不能奉命。請照依此言。直說爲此正教。死亦無妨。官因聖人係本國宗親。莫敢誰何。據詞請命。王令此官勸改。否卽斬之。聖人聞知此命。不勝樂甚。衆教友強求潛避。可望後來保全我眾。聖人上車出城。追兵已隨其後。拘捕到官。命拜土神。聖人獻心於主。大聲斥逐之。同師伯樂德及一弟一妹。共四人。俱叩謝主恩。斬首致命。時天主降生後三百四年。

宜行之德 以苦爲樂

聖思 一。苦難憂愁。爲何而生。因常望不能得之物。常恨所有之苦。何以見得。常富。常貴。常健壯。皆不能必得者。求之不得。即生憂愁。不肯窮。不肯賤。不肯病災。皆人情之所同。偶然有之。卽生苦難。若明知順受其正。不管自己之肯不肯。想不想。則隨寓而安。如聖人在世。以苦爲甘。以憂爲樂。又何愁何難之有。汝不如此情願。自處憂愁。讓人快樂。悲哉。

一。天主耶穌明示云。受苦者。得真福。得天堂。富貴者。難升天。爲何不信此聖訓。欲升天主之天堂。憑他什麼人的話。都做不得憑據。只遵天主耶穌之聖訓。萬無一失。汝今不肯受苦。難道汝後來。不願升天享福麼。

一。世間爲義之苦。正是真福。不必到天堂。纔是真福。惟聖人貫通此理。往往於萬苦之中。獨生萬樂。當知此等快樂。非世俗人。可能嘗其滋

味者。汝若甘爲世俗人。則以上所言。盡屬不入耳之談。如其不然。何不將尋常小苦。略試一試。聖熱羅尼莫有言。在世享世福者。世後耶穌之福。萬萬不及其人。請汝熟計之。

當務之求 爲苦難者

祝文 天主。爾賜我等敬憶爾聖致命者。聖甘羨及其弟聖甘濟亞諾及其妹聖甘際亞納。望爾彼居永福之域。使吾偕樂。爲爾子吾主耶穌基利斯督亞孟。

卅一日聖女伯多祿你拉 童身

警言○吾父爾全能。可免于飲斯爵。請諾。第請弗如子願。 聖經

聖傳○聖女伯多祿你拉。係宗徒伯多祿之女。耶穌升天後。隨父往羅瑪傳教。數年於茲。勸化婦女甚多。忽得半身不遂之病。父常顯蹟。以除人患。獨不行於聖女之身。因知此病。增益神工。更勝於強健時。勸人之勞績。一教友名弟多。不解其故。往問之。聖伯多祿回云。此病於我女有益。又欲全釋其疑。遂留弟多待膳。卽命聖女整備。聖女如命而起。烹煮調和。毫無病狀。飯畢。病發如前。使知乃父常愈他人。而不愈聖女。非不能也。乃不爲也。聖女甘心樂受。從此進修。沾恩特甚。數年之後。忽然病愈。比前容貌。更覺光華。有費辣奇者。係羅瑪世家之子。偶然覲面。

謀娶之。初托友人轉達。繼復親往。不便直辭。容俟三日後允諾。聖女於此三日內。全全望主開恩。至第三日。請鐸德領聖體。神工既畢。無病而終。

宜行之德 喜受艱難

聖思 一。天主賞人苦難。或免人犯罪。或引人改遷。或加人功勞。或動人防死。無非天主之恩。請看聖伯多祿宗徒之女。爲潔淨靈魂。爲立功天國。情願抱病多年。今汝遇苦不用。還思躲避。先自異於聖女矣。古聖若伯有言。我先多受天主之恩。樂享所賞之安樂。我今更多受天主之恩。樂享所賞之苦難。汝能隨此聖表。有苦難。沒苦難。無不平安。一。假如有難受之苦。該學吾主耶穌山園祈禱之語。求後。心必平安。况汝難道每日每日。並無犯罪之處麼。所犯之罪。完全補贖。並無缺欠麼。既知

缺欠不完。現有補贖之處。爲何不用。一。汝有求主之事。已蒙如願。不該忘此大恩。耶穌在世時。治人苦難。常以此言訓誨。若不肯比先加倍熱心。非背天主之恩麼。諸罪之中。尙有大於背恩之罪麼。今汝之受恩何如。背恩何如。

當務之求 爲被苦難者

祝文 救吾者天主。聽受吾禱。吾樂爾聖童女伯多祿你拉瞻禮。望以誠心。得受訓誨。爲爾子耶穌基利斯督亞孟。

# 聖年廣益

## 六月初一日 聖邦斐略 鐸德致命

警言○於大終日。聆主判之嚴語。不如現今。聽其默想與明責我也。聖額我略

聖傳○聖邦斐略係巴肋斯弟納國人。家世富而且顯。幼承庭訓。數年之間。遂成通明博學之才。所具內修德行。比外才尤勝。二親去世後。財產盡濟貧窮。雖居塵俗中。與隱修相類。所思所言。所行。全心仰合天主。裨益後人。諸凡俗務。總不能亂其方寸。因此才德兼優。遂累陞鐸德。時值禁網甚嚴。教中多遭拘捕。大吏名勿爾巴諾者。論世俗之學。係聖人門弟。深懼姑容連累。妨害功名。即拘拿聖人。誘令背主。嚇以虐刑。

毫無懼容。命役割去肢體之肉。割一塊。候其改悔。不改。又割。彼以爲割愈緩。痛愈深。忍受必難。自然改口。豈知聖人堅心倍勇。無法動搖。乃收監再計。監中教友亦多。共居縲紲。延至二年之久。因勿爾巴諾別案革官。家產籍沒。沿街喊冤求乞。事聞。遂以罪伏誅。新官名費爾密連到任後。案查天主人在監兩年不改。盡斬之。聖人致命後。不多時。天主之顯罰即至。費爾密連亦如前官。抄家受戮。時天主降生後。三百一十年。

### 宜行之德 默想神工

聖思 一。默想之益。不在眾人煩雜中。欲得此神工。當離開煩雜處。因天主聖味。非純靜不能享受。倘離不開無益之言。離不開世俗之毒。雜務私情。滿盈心內。並無隙地可聽天主聖言。怎麼領受天主聖恩。若果默想時。汝心穆然沉靜。汝念孑然純一。必能翕合仰承。樂聖味之甘和。

一欲得默想之益。心內不但要驅除世事。還該棄絕世情之愛惡。愛莫甚於驕奢淫佚之貪圖。富貴功名之妄想。惡莫甚於失利喪名之仇恨。起居服食之憎嫌。有此一端。即大亂其心。如何得享默想之樂。果欲滅此虛愛虛惡。就是頭等善工。求此善工。莫如離眾。請看一切貪圖妄想。仇恨憎嫌。不從眾人中來的麼。縱然身不能離。難道心亦難離麼。魚生於水。且不受水之害。玉生於土。亦不受土之污。汝以有靈之人。生於象人中。反受人牽連貽累耶。況前聖有先我而離開者。我獨不能隨前聖而棄絕耶。一肯享默想之真福者。須想天主現在眼前。敢不正色鞠躬端莊慎重。以盡對越之誠。此際。俗情雜念必消。初時。只知天主常在眼前。迨後。即知常居心內。何難求之聽之。享其福而樂其真。達味聖人云。普地亂階。多因人心。不想天主時在眼前。聖保祿曰。常該求道。正

謂時時該想天主也。汝今有此善工否。

當務之求 爲靜心事主

祝文 懇祈全能天主。吾敬憶爾聖邦斐略致命者。誕日。賴其轉達。使吾剛健於爾名之愛。爲爾子耶穌基利斯督。亞孟。

## 初二日 聖瑪爾瑟里諾聖伯多祿 致命

警言 ○我等當知天主爲醫。艱難爲藥。所以療痊人之神病者。

聖奧斯定

聖傳 ○聖瑪爾瑟里諾。係羅馬府大有盛名之鐸德。伯多祿原列驅魔品秩。天主准顯其能。魔甚懼之。聲稱遍於羅馬。地方官將伯多祿

拘赴衙門。滿體鞭笞。鎖以鐵鍊。禁錮暗獄中。聖人視爲美境。讚誦天主。特恩時。司獄名亞爾特茂。因親女保里納。常遭魔害。無法可驅。憂愁日甚。聖人預知其患。語云。我已透徹汝心之隱憂。汝若肯信耶穌。係降生天主。救贖萬民。我必逐此邪魔。司獄回云。邪魔比人利害。你不能救己。如何逐之。聖人云。若天主要開此鎖禁。放我出監。有何難處。因要賞我致命之恩。故不爲耳。司獄云。恐怕能說不能行。若我將獄門再加封鎖。汝再加鐵鍊。添兵看守。汝能脫然而出。到我家中。逐去我女之邪魔。我方信你所奉之耶穌。真係天主。我亦惟命是從。聖人以聖信之德。倚賴天主。允許所言。司獄遂加鎖添兵而去。歸家告其妻云。可憐拜天主之人。果然瘋了。不然。如何說此狂語。妻名甘弟大。卽云。我女現遭魔害。定不得此人。或能驅逐。爲何不以禮求之。反加其苦難。司獄笑曰。連你也

瘋了。不論何神。難除此害。你想此人恭敬之神。就能驅逐麼。妻云。爲此能與不能。就可知孰真孰假。正二人談論之際。忽見聖人。手持苦像。端步入門。遍身鎖鍊全無。司獄夫婦。慌忙跪下。大聲曰。耶穌基利斯督。真是天主。女即跪而求救。此時邪魔。明言伯多祿心內有耶穌之權。今來逐我。我不敢不去。轟聲震撼。鄰里驚聞。頃刻之間。接踵聚觀者。男有三百餘人。婦女更多。因聖人逐魔之名。久聞於眾。今更目覩其奇。愈加欽服。俱情願領洗奉教。聖人示云。汝等可向鐸德瑪爾瑟里諾求其付洗。司獄滿心歡樂。往告在監之人。肯信天主。可出監聽講。領洗時。因地方官患病四十餘日。故能施此神恩。官病既痊。卽差人提審。司獄面陳云。伯多祿倚靠天主之權。斷鎖出監。引眾認主。今監內惟有伯多祿及與眾付洗之瑪爾瑟里諾二人。餘皆奉教而去。官大怒。將司獄重鞭無

數收監候決。將伯多祿瑪爾瑟里諾親提面訊。末後向伯多祿說。汝若不肯拜我等所敬之神。我不用利害刑法。只將汝鎖於木樁上。聽野獸噬汝之肉。仍俱收禁監中。命刑役以重枷枷伯多祿。扼其咽喉。以大木檄釘其兩足。天主特恩。差天神放開鐸德鎖鍊。攜至伯多祿枷釘之所。亦將枷釘開除。二聖即隨天神出監。至新教友聚會處。徹夜多方教訓。次早。官知二聖出監。差拘司獄之妻女。命拜邪神。其妻及女。俱堅執不從。命同司獄。押解出城。法場受死。二聖聞知。即同新進之教眾。齊赴法場觀看。刑役遙見之。慌忙却走。新教友飛步追回。勸其進教。刑役只怕官刑。惟圖旦夕偷安。二聖知其無益。諭諸教友。各自散歸。以聽天主之命。回向刑役云。我二人不去。與司獄妻女三人。聽爾殺戮。免爾眼前之累。刑役隨據實回官。官將鐸德瑪爾瑟里諾。驅魔神品伯多祿。司獄亞

爾特茂司獄之婦甘弟大司獄之女保里納。一同斬首致命。時天主降生後三百二年。

### 宜行之德 勇於苦難

聖思 一。最難得的天堂之福。只看聖人升天道路。都是滿滿的血痕。涔涔的熱淚。滾滾的汗珠。少有不如此者。若願升天。必定要走此一條血汗淚流之路。汝今問一問自己。果然肯走此路否。現在所歷的境界。是什麼。後來願做的事情。是什麼。若只想肉身安樂。不肯爲天主受一些煩難。流一點血。出一身汗。下幾行淚。並無別路可升永福之天。此係常生常死之大事。肯與不肯。全在自己。一。汝愛體面。該當謙遜。汝愛快樂。該尋困苦。汝愛富貴。該求貧賤。說來似乎相反。這樣心腸。必不容易。然世俗肉身之事。如此者尙多。靈魂永福之事。舍此更無別路可圖。

况相反者。外貌而已。不容易者。初起而已。內中自有真樂。習久必不煩難。聖西彼里亞諾曰。斷去假樂。就是真樂。一。無德不合於理。無聖不合於德。欲做聖人。只用一個肯字。當行者。立刻即行。不必疑惑。該忍受者。各樣苦難。不知畏懼。只知倚靠天主神恩聖佑。雖難必易。雖險必平。聖奧斯定曰。汝肯爲聖人。行之未久。難處就覺容易。

### 當務之求 爲中國聖教廣揚

祝文 天主。爾賜我等。敬憶爾聖致命者聖瑪爾瑟里諾及聖伯多祿。誕日。望爾彼居永福之域。使吾偕樂。爲爾子吾主耶穌基利斯督。亞孟。

初三日聖婦格羅弟德 國后

警言○主用多計。以化世人。聖基所

聖傳○天主用人爲光榮。不論何人何事。莫非真善真義。往往皆出人意想之外者。如聖后格羅弟德。跡其生平。可想見天主用人之妙。高深莫測也。后本波爾恭弟亞國王之女。自幼欽崇聖教。天主欲用爲拂耶濟亞國開教之祖。乘本家之爭亂而玉成焉。宗室原係三支。因弟兄戰鬪。盡殺后之本支。惟留姐妹二人。姐名瑟得流大。見父母弟兄被害。離家修道。妹卽聖后。留居叔父宮中。然操心慮患甚於修道。雖地位尊高。而謙約溫和。形於外貌。省躬默想。篤於內修。勸善憐貧。切於博愛。故人人敬慕之。拂耶濟亞國王格樂類斯。聞此賢名。求聘爲室。其叔回

云。爾王肯信天主。方可議婚。差員復命。王竟許其棄邪歸正。遂結姻納聘。車駕親迎。禮儀極盛。成婚後。向后明言。汝之情願。如建堂傳教等事。無不允從。獨我不能隨汝進教。后惟耐心緩待。求主矜全。越一年。后生一子。王亦許領洗。既而病故。王以爲領洗所致。后將正理解釋。次年。又生一子。仍准其領洗。未幾。又病重將危。王遂怒從心起。指后疾言。這不是你們什麼聖水。動了各廟神靈之怒麼。后惟步歸平日恭敬天主之所。日日求主神恩。子病漸安。從此以後。王始深信后之聖德不凡。但自己尙無奉教之心。后只以身立表。望主開其智勇。又托聖女熱諾未法代求。一日。乘機進言曰。從前原許我同教。言猶在耳。爲何遲久不行。若恐無利於國家。敢保吾王奉教後。臣民風俗。事事倍美於前。多方勸引。不啻再三。異語婉容。更非一日。卒蒙主佑。竟爲本國首先奉教之君。遵

規領洗。愛主最誠。崇正黜邪。廣揚更力。四境久安。長治。國家富庶。日增。膝前二子一女。才品兼優。歷年既久。后因王老而多病。重以爲憂。聞瑟未利。諾聖人。常行靈蹟。求請治之。聖人鑒其誠切。求主加恩。病除身健。天主降生後五百十四年。王以上壽善終。后之德修善行。從此愈加精進。侍婢無多。皆熱心守分者。自晨至暮。或救濟貧窮。或繡刺臺幃祭服。或默道誦經省察。建一聖母大堂。適后道經工所。見諸匠暑熱汗流。命於近旁。開泉濟飲。皆甘美之酒。能痊各病。近日有手足痿痺人。此泉洗之。卽愈。淵源遺澤。千載猶新。非大聖其孰能之。孀居四十年。天主預示終期。傳齊子女。囑其小心敬主。勤告解。領神糧。親疏俱務和睦。囑畢。泰然長逝。時天主降生後五百五十三年。至今拂郎濟亞國王。皆聖后親支。

宜行之德 化人信主

聖思 一。以聖言勸人。當從謙讓中發出。不倚自己。惟倚主能。庶親友聞之。容易動心。汝之親友不少。果有愛情。爲何不講不勸。若已經講勸。爲何毫不動心。 一。好表樣。最容易動人。從來一時之美言。不比平時之美行。如仁愛善良。謙恭忍耐。輕財避樂。息事寧人。一日如是。日日如是。且處處無不如是。人非木石。未有不動心愛慕者。乘彼愛慕。引歸正道。何難之有。今汝勸化親友。舌做無靈。必汝美行未彰耳。 一。諸般美行。俱能動人。見效最速者。莫如忍德。請看一個聖人致命。不知救了多少靈魂。非忍德之效耶。有人讒汝。詈汝。侮辱汝。果能樂受。觀者必喜其超越尋常。豈無一二聽汝引導之人。故忍德實救人靈魂之良藥。汝肯救人。遇苦難忽來。該喜歡忍耐。若因片語偶傷。即怒形於色。不獨汝言

弗聽。日後雖另有別人指示。難以動心。故一朝之忿。實殺人靈魂之酷刑。

### 當務之求 爲勤行仁愛規條

祝文 救吾者天主。聽受吾禱。吾樂爾聖后格羅弟德瞻禮。望以誠心。受其訓誨。爲爾子耶穌基利斯督。亞孟。

## 初四日 聖基林 主教致命

警言 ○忍默以當患難。一心向主。弗爲浮論所搖。非大智曷能與此。輕世金書

聖傳 ○聖基林爲依里里亞國之主教。任事未久。行先於言。被化者甚多。賢聲四達。正值邪教弄權之時。差員各國。滅除天主之人。聞聖

人爲教中之首。指名通緝。初遵耶穌遺訓。有害汝者。須先避之。故聖人暫行隱跡。藏名之意。密助教眾之神工。迨後竊探之徒。搜求甚力。被捕到官。官問云。汝是天主教否。聖人答曰。我蒙天主大恩。係教中之主教。當知天主造化萬物。養我之身。降世爲人。救我之靈。我何敢忍心害理。不聽其命。遂重責收監。是晚。司獄入監查看。遠見聖人之身。大光圍護。卽向前跪伏。求聖人提救。情願服事天主。遵守聖規。越三日。解赴翁阿利亞大吏前。又重責收監。見其終於不改。以大石繫頸。丟入河中。天主爲顯聖人欽崇之德。石竟失其本質之重。浮於水面。聖人感激主恩。卽於水上。向眾講明要理。勸人信主。良久。語畢。求主領其靈魂。棄世升天。其此時石復重而沉。數日後。聖屍自詣河岸。教友捧收殮葬。時天主教降生後三百八年。

宜行之德 默存主恩

聖思 一。天主生我。形神全備。所以恭敬之道。必當盡我靈魂中所有之神明以契合之。又當盡我肉身中所有之唇舌以讚誦之。若敬主之時。天主不在汝心。明係口是心非。奚敬之有。人與人。知面不知心。然對人說話。尙不敢粗心浮氣。尙不敢舛錯糊塗。更不敢胡思亂想。指東望西。惟恐失言招怒。天主無所不知。難道對越仰瞻之時。倒無此怕懼麼。

一。每日輸一二刻工夫。避於僻靜處。默想幾件聖教大關係事。如耶穌受苦受難。贖罪救人等。又如一死之後。有審判。有天堂。有地獄等。似此切要當緊之務。常常滿注於心。不獨外感之雜情。無虛可入。連那內來之雜念。亦漸次消除。自然而然。不畏艱難。肯走聖人之路矣。從古以來。凡稱聖人者。無不如是。汝爲何舍此而不行。

一。能將世情的光景。

萬物的榮枯。寓目警心。莫非天主之奇妙。從此貫通。就是修身善法。永福神階。今略言之。汝該想在世做什麼。死後往那裡。過去之年在何處。臨終之時怎麼樣。多少至親良友。先我而死者。或苦或安。未知着落。從前壯氣雄心。功名富貴。我身親歷者。或如浮雲。或如幻夢。盡歸烏有。果能如是。所見卽有所思。多聞更增多善。作聖之基。擺在眼面前。汝爲何棄而不顧。

當務之求 爲冷淡者

祝文 全能天主。垂盼吾劣。爲本行重任屈壓。賴爾聖基林致命兼主。教轉達。得厥護翼。爲爾子耶穌基利斯督。亞孟。

初五日聖斐理伯 副祭

警言○愛子必守子令。子父亦愛之。 聖經

聖傳○聖斐理伯。係耶穌升天後七副祭之一。聖路加所著經書中。言明聖斯德望致命後。卽此聖人。由日路撒稜府。往撒瑪利亞傳教。全以德行聖跡。治病逐魔。助其唇舌。故動心奉教者。不可數計。內有邪法人西滿。亦屬聖人領洗。因副祭不能與眾堅振。宗徒聖伯多祿聖若望。特往行恩禮。堅振時。人人共見天上來一位天神。從空而降於眾人之中。又人人共見天主斯彼利多。在各新堅振人之頂。其時原行邪法之西滿。貪圖奇異。多出資財。求得此權。聖伯多祿重言申飭曰。汝說此言。自招重罪。若不狠狠痛悔。改遷補贖。不久。必罹天主之嚴刑顯

罰。足見堅振之神恩。非同小可。教權之重大。超越尋常也。適聖人奉天  
神明示。卽從撒瑪利亞往日路撒稜。前赴阿匝之路。途中遇一富家大  
車。坐車者。係額弟阿比亞國王后前第一位內官。天主默示聖人。傍車  
而行。聞車中誦先知意撒依亞五十三卷之經文。誦至其死如不鳴之  
羔羊。依謙德義德勝之。誰能評彼先代等語。聖人即問云。可能明白此  
言否。內官回云。無人講解。何能明白。即請聖人同坐車中。先問云。經中  
所言。指誰而說。聖人此時。直言天主耶穌降生救世之事。領洗入教之  
規。語雖簡略。因聖佑非常。大動其心。經過道旁。見一水泉。內官即云。此  
間有水。不能與我付洗麼。聖人曰。果然真心信認吾主耶穌。有何不可。  
二人遂下車。至水泉處。行付洗之禮。禮畢。天神下降。將聖人攜往亞瑣  
多地方。內官轉瞬之間。四望並無踪影。見此靈奇。愈加欽感。聖人即從

亞瑣多。到巴肋斯弟納本鄉。教化盛行。已及邁年。不復他往。卽在此升天。時天主降生後五十八年。聖人未受副祭之先。已生四女。後隨宗徒修道。棄家離俗。其妻亦願守修規。四女皆童身貧約。天主特以先知顯揚懿德。去世之後。咸列名於聖品。

宜行之德 愛天主於萬有之上

聖思 一。本來靈性中。卽有愛主之性。藏於內。長成後。還有愛主之命。顯於外。夫我之有我。係天主從無而生者。今反許我愛之。又命我愛之。此恩之重。何可比方。恩重。則命亦重。命重。則不遵命之罪。必與恩命而並重。如何免得無窮無盡的罰。當知不遵命之罪。就是惡根。要滅此根。還求主佑。一。若愛天主。亦如愛親戚友朋。愛貨財安樂之心。只可算遵了半句。請自思之。半句遵。半句不遵。可能告無罪否。况見汝爲親戚。

爲友朋。爲貨財。爲安樂。無事不難。無苦不受。更無力不盡。汝爲天主耶穌。不肯受一點苦。不肯盡一些力。連這半句。亦不會遵守。於心何忍。於理何安。於信德何在。一。既有天主之命。命愛天主於萬有之上。應該不戀所愛之事情。勿私所愛之人物。其所愛之事情人物。單單爲主而愛。汝心會如此否。若不如此。不會圓滿所命之言。行與言相反。如何說得是愛天主之人。聖奧斯定曰。有人不爲天主而愛事物。即係少愛天主者。汝今如何。倘錯用其愛。是明明不以愛增功。而以愛增罪也。請問此愛從何而來。可居然錯用耶。

當務之求 爲心貪世俗者

祝文 天主。以爾聖斐理伯每年瞻禮。樂我等。懇祈爾。吾旣慶厥誕日。幸師厥功勳。爲爾子吾主耶穌基利斯督。亞孟。

初六日 聖諾伯爾多 主教

警言○靈魂爲天主像。可容萬物。而萬物不能滿其容。滿其容惟主。故主外諸物。悉不能飽。聖伯爾納多

聖傳○聖諾伯爾多。係熱爾瑪尼亞國貴家之子。幼因富厚尊榮。溺於世俗。並無作聖之想。至三十三歲。忽一日。步遊郊外。一僕隨行。猝起暴風。重雲密佈。雷電交加。僕甚怖懼之至。即云。快回去。怕有天主之罰。隨聞空中連呼。諾伯爾多。往那裡去。你想做什麼。聲未畢。霹靂驟至。即震仆於地。昏迷至四刻之久。醒後。從前所行之事。盡現於心。大叫曰。吾天主。吾天主。如今何法。未曾說完。空中有聲曰。離惡行善。可尋平處隨之。遂從此定志。離都棄俗。時有修士名歌農。德望甚隆。聖人從遊受

業。嚴齋克己。羸服苦身。未幾。往本主教前。求用爲敬主之事。主教收留。後。脫除俗態。更換修道之衣。遵奉修規。惟嚴惟謹。歷登神品。將成鐸德。避靜四旬。預備頭一次舉行彌撒。各處講道勸人。一日。語言太重。內有一暴戾之人。不獨不能受教。且唾污聖人之面。聖人聽其自乾。如前談論。若爲不知其辱者。眾見聖人良善性成。共責其魯莽。此人回心愧悔。跪求寬恕。聖人仍以未曾介意安慰之。旣而聖人見講勸無益。變產濟窮。惟留彌撒所用之物。十餘金而已。尙有一騾。初原留養。後仍變價施貧。畧存些少。以爲盤費。長路步行。往朝教化皇。求其允命。教化皇准先往拂郎濟亞國。勸人一年。常常大齋。一日到晚。只食一殮。身着苦衣。經年不換。效法聖若翰保弟斯大之行。處處勸人痛悔告解。在熱爾瑪尼亞同來之二人。仍結伴。往拂郎濟亞國大郡中。此地有一鐸德。一副祭。

見聖人大德不凡。留請瓦楞濟亞諾府傳教。甚愜眾心。求弗他去。聖人不允。奈同行之友。患病不痊。相繼而歿。勢不能離。適有相近之主教。按臨其地。一見聖人。即呼名不絕。誰想汝前後如此不同。陡然悲喜交集。主教前一鐸德。私問其故。始知聖人當日。在總王前。榮耀無人可比。其慷慨才能。亦無人可及。欲授以主教。固辭不受。情願如此。爲天主。此鐸德洞知來歷。求聖人帶往各鄉。勸人痛悔告解。大動人心。多有被化改遷者。鸞地主教。慕名請往。叙談數日。皆係大有神益之言。傾心敬服。見聖意不能久留。卽云。欲於僻處。自爲修院耶。我願代勞營造。此正合聖人之意。主教卽立院建堂。聖人入院後。在天主臺前。往往徹夜行工默想。一次。見無數白衣人。充滿聖堂。少頃。聖母降臨。命聖人立會。以成敬業樂羣之舉。果然不久。卽有十三人。願來就學。又未幾。竟多至四十

餘人。時因院規未定。期於一日。同守大齋。及默想中。見聖奧斯定授以  
金字書一冊。諭云。天主之意。命爾等守此規條。聖人感謝主恩至極。即  
傳與眾人。盡心遵守。越四年。天主預示聖人。將陞主教。居無何。瑪特波  
爾。主教去世。即以聖人陞補之。初仍辭讓。因有教化皇之命。又重以預  
示之恩。勉從卽位。嗣後更尅苦加工。比前尤甚。振愚策怠。大有補於地  
方。年至五十二歲。臥病四月而終。時天主降生後一千一百三十四年。

宜行之德 預備小心領聖體

聖思 一。吾主耶穌聖體。爲吾人靈魂生活之大糧。爲醫治靈魂危症  
之神藥。爲堅固靈魂不落魔坑之保護。爾若果能勤勤領受。則爾之信  
德必日增。爾之望德。必因信而更切。爾之愛德。又因信望而愈深。所以  
聖體。爲萬德之根。聖體之恩。爲萬恩之源。如此希世之眞寶。隨求隨得。

人人可領。爲何懈怠其心。豈以其德之甚易。而反忽畧視之耶。一若常常恭領聖體者。不可因其習慣。視爲平常。獨不想每殮飲食。物物必須精潔。每日衣冠。件件必須整齊。養身之務。尙不肯偶然草率。食恐傷生。衣恐失體。且備極小心。養靈魂之務。反敢以習慣爲平常耶。故雖日日領受。必次次小心。猶如一生。止有這一次。又如奉教後。此係頭一次。或如臨終時。不能再有第二次。以真誠。真潔。真謙。切望主恩。方爲妥當。問汝領聖體之時。可如此否。一。聖奧斯定曰。領聖體輕慢之罪。與釘耶穌十字架同。如此大利害。可不小心從事耶。故將領之前。愛火在心。熾如烈燄。以極痛之悔。極卑之謙。不啻孩提愛母之誠。貧窶乞憐之狀。如此預備。一念勝於一念。用力愈深。受恩愈大。已領之後。又必謙而更謙。熱中加熱。感恩無地。求主矜全。以保存心內炎炎之愛火。今汝未領

前。有此預備否。已領後。有此歡心感激。懇切祈求否。

當務之求 爲仁愛聖所受業者

祝文 吾主天主。因聖諾伯爾多宣揚聖教。開啓後人。創會垂恩。永久弗替。我等懇切求主。俾我能明聖訓之精微。長奉芳規以卒世。爲爾子耶穌基利斯督亞孟。

### 初七日 聖窩爾弗約 苦修

警言○爾信止有一天主。邪魔亦信之。但邪魔甚戰兢而畏懼之。

聖雅各伯宗徒

聖傳○聖窩爾弗約。係拂郎濟亞國人。幼年。父母盡力教訓之。婚

配後。生有三女。室中竟如修院。定立常規。教以正道。遵行不亂。井井有條。自己誦經默想。進堂與彌撒。告解。領聖體。以仁存心。以謙接眾。只靠善良和睦。守分營生。德表非凡。同城之眾。羣敬服之。遂公懇於主教。聖禮結之前。擢爲鐸德。作我等本神父。聖禮結據情查考。果然甘心棄俗。樂守修規。名稱其實。妻亦情愿分離。即准累陞鐸德。受權後。此地教中。大蒙神益。惟邪魔嫉甚。擾亂其心。復與妻相晤。不斷愛情。眾皆詫異之。自知罪大難容。即時痛悔。不俟主教責懲。先受會規之罰。一面將妻女過活之事。安排訣別。一面即離開本地。前往日路撒稜。一路悲哀痛泣。到後。愈增悲痛。不獨涕泣自傷。還用苦鞭自責。常於耶穌之苦路上。血與淚。迸流至地。主恩憐憫。既寬前罪。又賜其能行聖跡。聖人心中。只願常留此處。死而後已。乃因聖神之默佑。仍回拂耶濟亞國。到犯罪之地。

請命於主教聖禮結。願在野地痛告。主教准依所請。遂往築一洞。爲棲身處。每每終日不食。終夜不寐。嚴責己身。以圖補贖。魔常乘隙。以妻女汚亂其心。但魔計雖工。聖人一心倚靠耶穌聖佑。以誦祈克己速退之。攻愈猛。守愈堅。天主鑒其用力已久。痛告日深。乃預示終期。遂其所願而逝。時天主降生後六百三十年。

宜行之德 熱心事主

聖思 一人能善承天主之聖佑者。必走了一級。再走一級。不可躐等而求。亦不可半途而廢。先以景仰企慕之心開其端。次以欣勤切望之志助其勇。終以樂從無倦之行得其益。如此而不熱心者。未之有也。火大者。其燄亦熾。心中大熱者。豈無熾燄耶。爲主之事。無大無小。俱願樂從。爲主之患。或易或難。俱不較論。且有可緩之事而速圖之。且有最難

之患而易事之。如跑如飛。惟恐或失。從前經手者。忘其辛勤。現在手中者。不留時刻。誠恐後事即來。故必疾趨前進。好像山水之奔騰。海潮之湧猛。知進而不知退。汝今如此否。定不得從前也有這樣心腸。爲何半途而廢。一事主熱心人。不許引誘忽來。來必就退。冷淡人。遇有引誘。反婉轉遲疑。邪魔乘此遲疑之機會。必倍加引誘。故未有不墮其網羅者。熱心人。遇有爲主之事。不覺一點煩難。冷淡人。事事俱難。處處俱難。且時時刻刻。無不煩難。縱然極容易。極省力。極些小平常之舉。都像挾山超海之難。熱心人。不但免罹重罪。即小過亦未容偶犯。因天主之聖愛。爲善思善念之源。善行善言之本。不加於有過不改之人。冷淡人。恐怕下地獄。受永苦。惟求免除重罪而已。熱心人。常快樂。常和平。這快樂和平。皆從天主所賞之聖味而來。蒙此聖味。皆從離世絕俗之曠懷而

來。冷淡人。流連世俗。不想立德立功。雖懼後災。未能省身寡過。所以聖味難嘗。平和難得。何快樂之有。汝今願爲熱心人耶。抑或甘心自棄。願爲冷淡人耶。兩途具在。汝自擇之。一。保存長久熱心之法。無他。每日每日。皆如領洗之第一日。每事每事。皆如開手之第一事。止知從前有罪無功。惟悔至今爲何不做。如何可顯天主之光。可合耶穌之表。可比歷來之聖。此皆引動熱心之捷法。日日如此。即能保存長久之熱心。倘以爲習慣。即無意味。當轉念今日非我之末日耶。假令天主遣天神明示。或默照自知。只此轉眼工夫。還不上緊熱心麼。

當務之求 爲冷淡者

祝文 天主。以爾聖窩爾弗約每年瞻禮。樂我等。懇祈爾。吾旣慶厥誕日。幸師厥功勳。爲爾子耶穌基利斯督。亞孟。

初八日 聖默達爾多 聖臥達爾多 昆仲主教

警言○神之增功。約之有三。以義理處現在事。以悔悟想過去事。

以敬畏備將來事。聖伯爾納多

聖傳○聖默達爾多。聖臥達爾多。係拂耶濟亞國大臣之子。伊父居官正直。律已端方。但未歸聖教。二聖之母。原係欽崇天主之人。所以成婚後。即辯明邪正。遵規領洗。因其爲人。眾皆欽服。加以內助之賢。本族咸無異說。二聖幼時。父母小心教育。事主之誠。超越尋常。聖默達爾多。早得先知之恩。相傳幼時。見一同學者。語云。汝當加意恭敬天主。因後來要用汝爲主教。迨所言果驗。人咸欽服。且本性慈祥。見一窮乏者。不拘何物。必隨意與之。赤體無衣者。常解衣衣之。母因其內廷行走。特

製一華麗廠衣。途中適見一裸身瞽目人。不暇顧惜。欣然贈送。又一日。父從鄉莊而回。欲帶馬數匹。命聖人送歸。遇一行路人。將鞍轡籠頭。頂於頭上。聖人問其故。回云。去此不遠。馬忽倒斃。我本窮人。攜此鞍轡回家。後來可用。此言大動聖慈。竟以一馬。贈送而去。頃之。驟雨傾盆。並無雨具。忽見空中來一大鷹。離聖人頭頂尺許之高。覆之如傘。雨不及身。直送至家。不獨僕役跟隨。目擊其事。沿路多人。及親鄰朋友。俱見之。交馬至廐。管馬人。以少馬一匹稟明。聖人云。路上送人矣。及父到廐點查。仍如該有之數。並不曾缺少一匹。可知愛人之事。最合天主之歡心。後來父母。亦無阻擋聖人哀矜之行。聖臥達爾多。少年老成。一切嬉戲。皆不與聞。惟知敬愛天主。孝親順命而已。二聖同在一主教門下。受業讀書。穎悟非常。不久。即成博學。及長。二聖同日。共受鐸德之權。昆仲交相

勸勉。默想克身。不分晝夜。善良謙謹。切切懇懃。時有兩主教缺人。公舉二聖接受。越數年。二聖俱成勞弱。雖所居之地。相隔甚遙。而刻苦增工。異地同揆也。聖默達爾多。於天主降生後五百六十一年去世。聖臥達爾多。於天主降生後五百二十八年去世。皆預曉終期。預備神工。且年不同。而去世之日相同。

### 宜行之德 避輕慢

聖思 一。不依自己許過天主之言。不行自己應承天主之事。非輕慢天主耶。人前尙不敢如此。而敢於天主之前。朝更暮改。非輕視天主之義德耶。非慢視天主之仁慈耶。其他許過之言。應承之事。尙無憑據。只論汝領洗時。難道不曾許過天主。離開世俗麼。難道不曾應承天主。斷除魔事麼。今汝之言行何如。在外教之中。可認得汝是天主之人否。

一。不遵天主之訓誨。是不信天主之全能全善矣。非輕慢天主耶。主云。愛世俗。愛貨財。難得升天。神貧者。泣涕者。哀矜窮人。爲義而被窘難等。皆真福。且哀矜必得百倍之恩。俱係天主親口之訓誨。看汝意思。好像信德不真。因真信不疑者。必有不同之外表。若說信而不行。更加一層輕慢之罪。一。人當年富力強之時。且謀世俗。且順慾情。且從魔誘。百凡俱經享用。直到那年老力衰。不能享用世福之時。始將這餘剩殘生。恭敬天主。非輕慢而何。長者之賜。少者尙不敢輕慢。汝以至卑至賤之人。而敢輕慢天主所賜永遠之大福耶。今日不改過。誰知道必有明日。假如沒有明日。汝想死後該歸何處。難道一生輕慢之人。反能享天堂之福麼。爲今之計。汝係少者耶。當小心避此眼前之輕慢。汝係老者耶。當痛心追悔從前之輕慢。良法美意。惟有此耳。

當務之求 爲遷善改過者

祝文 懇祈全能天主。以爾聖默達爾多聖臥達爾多精修主教。每年瞻禮。加吾心虔而體安。爲爾子吾主耶穌基利斯督亞孟。

初九日 聖彼穆 聖斐理濟亞諾 昆仲致命

警言 ○寤禱。免陷於誘惑。 聖經

聖傳 ○望彼穆。聖斐理濟亞諾。係昆仲二人。住居羅馬府中。年逾五十。始信認天主。篤守教規。將三十年。至總王傾信邪魔之時。異端人拿解二聖於官。併言饑荒災疫。皆因二人乖戾所致。官命鎖禁獄中。越數日。行提赴審。飭令改教。二聖不從。嚴刑重責。皮破肉飛。轉解別官審

斷。此官問云。爲何不拜本國之神。回云。不正之神。不過是木石土偶。敬之必近於邪魔。官將聖彼穆收監。留聖斐理濟亞諾。勸其改教。保爾安生。授爾官職。聖人說。我年已八十。爲做幾日的官。換受永遠地獄之苦麼。天主其尊無對。爲救我們。降生受難。今我遇有失命報恩之機會。難道心中不情願麼。官即重責收監。不使弟兄見面。後提聖彼穆出監。給云。斐理濟亞諾。現隨總王命。加恩優待。汝該照樣遵依。一例受恩。豈知聖彼穆在監。天神降慰。說明聖斐理濟亞諾之堅固。卽云。此話不能欺我。明知斐理濟亞諾願爲天主受苦。官知弄巧無靈。將二聖提齊。又加重責。丟於獅圈中。獅見二聖。卽生敬愛之容。馴伏於旁。二聖向官指示云。請你看一看。天主全能。野獸尙遵主命。不敢加害奉主之人。你爲何不肯如此。從旁眾人。見此奇異。卽大聲曰。果然彼敬之主。實係天主。別

樣諸神。俱是假冒。官懼眾心搖亂。卽行斬決。時天主降生後三百三年。  
宜行之德 聖畏

聖思 一。該怕天主。因智德的起頭。在於畏天主。天主無所不能。無所不知。至公至義。誰敢不畏。誰不該畏。犯罪之事。都怕人知道。爲何不怕天主。豈汝心中。竟不知天主無所不在麼。故不畏天主之人。決非真智者。一。該怕地獄。因此畏。能引人敬主。引人行善。多少聖人。俱爲此離世苦修。俱爲此克身修德。若無此畏。雖現在已是聖人。後來亦能爲惡。故常常該畏。不可一刻放鬆。人能常想地獄之苦。必然無過不改。無善不爲。此非真智不能。故曰。智德。天堂之福。一。該怕罪惡。因罪惡。能阻天主之愛。能增天主之仇。能滅天堂之福。能開地獄之門。故聖人爲離罪惡。情願失財。情願失身以避之。且不止失財失身而已。與其犯罪而

阻天主之愛。寧在地獄而熄天主之怒。因犯罪之苦。不論什麼小罪。比地獄之苦。還更重更深。此言非實心敬畏天主者。難知真切。

當務之求 爲遷善改過者

祝文 天主。爾賜我等。敬憶爾聖致命者。聖彼穆聖斐理濟亞諾誕日。望爾彼居永福之域。使吾偕樂。爲爾子耶穌基利斯督亞孟。

### 初十日 聖婦瑪加利大 國后

警言○靈魂之痊。一在避惡。一在不失望。失望者。爲靈魂之定死也。聖盎博羅削

聖傳○聖瑪加利大係昂利亞國王之女。方在幼年。即專心恭敬

天主默想神工。苦身克己。雖身居富貴場中。而世樂世榮。此心早已斷絕。自知終身如此。必爲聖人。及長。于歸厄斯郭西亞國王爲后。從此不  
僅獨善其身。且出其才智。助理國事。王見其措置咸宜。每事必同裁奪。  
不避臣民之議。臣民亦頌美非常。凡遇恭敬天主之行。救濟貧窮之務。  
必首先經畫。不肯或後或遲也。時有鐸德講道中。常說領聖體。必盡心  
預備。罪人不該領此大恩。當領者是無罪人。故有多人懼畏。數年不領  
聖體。聖后見此惡傳。辯曰。有罪人自己不肯改過痛悔。告解補辱。自然  
領不得聖體。冒領者。必得大罪。若其人肯改悔。肯告解補贖。何妨容其  
頻頻恭領。加靈魂之力。破邪魔之害。遂向主教等。講明天主之命。聖教  
會之規。主日瞻禮。神工從新振作。與前大不相同。聖后明知婦道當從  
夫命。故敬愛倍於尋常。所生之子。不容其任性。不縱其驕矜。事事以法

治之。時時以輕世俗。畏天主。愛善功。怕罪惡。教訓之。本宮之人。亦如此。照管。人人安生樂業。無有越分妄行者。論其施濟窮人。篤愛之情。由衷而發。不拘何物。隨手與之。有時將國王所用之物。密行贈送。王知其爲主施恩。置之不問。論其平日克治之工。每日早晨。先與彌撒五六臺。後理本宮事務。呼號求救之貧人。至三十有三。即給以飯食。助以急需之物。日日如此。午後。教訓各樣眾人。或講道。或誦經。自膳極其菲薄。不過蔬水菜羹。夜間少寐。大約默想之工居多。每年耶穌聖誕前四主日內。必守大齋。一二月之先。即知終期不遠。行總告解。預備離塵之想。先四日。臥病不起。語人曰。今日我國。必遭大災。果然本日。王與儲君。俱陣亡於外。至第四日。后復扶病而起。與彌撒。請聖體。領終油。手持苦像。求主加恩。時第二世子。從軍營回。聖后問以汝父汝兄事。對曰。雖傷還好。因

見母病垂危。故不忍直言。聖后責云。爲何欺我。明知都不在了。隨誦經而逝。時天主降生後一千七十九年。

宜行之德 靈魂平和

聖思 一。在世之時。無論何人。不能全離苦難。請看那一個。是時時享福。事事無憂無慮的。若要尋一處平和境界。難而不苦。慮而不憂。必有天主的聖意。方能得此佳境。凡人心不離聖意者。不拘什麼苦難。猝然而至。豈特並無憂慮。更喜此中。或可補贖從前之罪。或可立功天主之前。又何憂慮之有。仰望天堂永福。難道不勝此苦難麼。俯思地獄永刑。難道不勝此憂慮麼。 一。苦難俱從外來。憂慮俱從內出。故欲不苦不難。我無其權。若欲不憂不慮。其權操之在我。今因外苦而發內憂。是自失其權。而倍加其苦也。既然不減而增。內外夾攻。無能補救外來之苦。

難。何不留此平和之心。保存聖佑。何不留此憂愁之淚。洗滌罪痕。況果然有法可救。又爲何不想可救之法。而徒以痛哭流涕。頓亡心內之平和。弗思甚矣。一。當知苦難。必非無故而來。頭一個緣故。在此苦難中。正可藏心內之平和。又一個緣故。國家有遺大投艱之舉。果能不辱君命。則君與臣。均有榮施。今天主許此苦難到汝之身。汝能以平和迎受。不辱天主之命。非天主之光榮耶。非汝靈魂之大益耶。窮人仰賴富人。尙以有事爲榮。我們仰賴天主。得此大造化。爲何反畏懼而不前。

當務之求 爲婦人女子

祝文 吾主天主。爾特賜聖后瑪加利大憐貧之心。極純極熱。懇祈吾主。因其功績。及其遺表。使我等純心仁愛。矜恤困窮。爲爾子耶穌基利斯督亞孟。

十一日聖巴爾納伯 宗徒

警言○以世界爲海。以聖教爲舟。以痛悔爲帆。以十字爲舵。以寵愛爲風。以我等主耶穌爲舟師。金口聖人若望

聖傳○聖巴爾納伯。祖籍如德亞國。因父徙居知伯肋島。始娶婦而生聖人。孝親敬長。著績成童。好學深思。本來智睿。往遊協路撒稜。受業於加瑪理名師門下。遂與保祿宗徒同學。此即後來引晤之基。時值耶穌廣傳教化。將入是城。聖人隨眾郊迎。瞻仰之餘。感慕日深。繼聆耶穌諭人精修之始。當鬻產濟貧。以聚仁親之真寶。毋留易朽之世財。遂決志歸家。遵諭而行。家產已銷大半。及耶穌升天後。又盡其所有。變價哀矜。諸宗徒見聖人力行篤信。不比尋常。容入聖門。准爲同列。從此愈

圖報効。除自治增工之外。更以愛人爲急務。每思保祿才品出羣。留心招引。奈習於古教。固執不從。幸蒙耶穌顯容訓誨。遂列聖宗。仰惟二聖。旣同學於幼年。復同門於聖教。相得益彰。樂莫大焉。嗣因各徒分行天下。卽以聖人派往諸弟阿大郡授徒設教。後周流厄日多國。及立山府等處。越數年。仍回諸弟阿以安徒眾之心。未幾。出訪保祿宗徒。相遇於大爾西郡。遂同歸諸弟阿。共居一載。舊時徒眾。工夫愈加精密。新進之人。不可勝數。各郡之中。此郡最爲隆盛。旣而諸宗徒。期赴協路撒稜會議。教中公務。二聖亦往焉。事竣。各自就途。聖人由水路。至本鄉知伯肋島。勸化鄉鄰。引歸正道。繼往羅瑪都城。面晤同門諸友。隨赴米耶地方。七年。又回知伯肋。再圖加意作新。及是時。如德亞之客商駢集。勤施聖化。信者甚多。邪眾怒其害己。密遣奸人。致死以絕之。聖人預知其惡。明

諭門徒曰。吾終期已近。害我之人即至。彼雖秘密。我早知之。因不敢負天主之命。故甘心赴難。勿避勿辭也。爾等毋以我爲憂懼。吾知爾等日後。亦必被惡徒殘害。若到志靡力弱時。須切記暫苦不過須臾。永賞必至無窮等語。門徒莫不悲痛淚零。聖人舉行大禮。求主降恩普世。禮畢。向一門徒云。今日係我終世之日。我死後。爾等不必葬我。即往謁保祿宗徒。聽其指示可也。辭往別所。講道勸人。羣惡驟來。初則拘拿毒打。終以亂石擊之。迨生氣全無。卽投入火中。天主特命天神。去薪滅火。毫髮不傷。門徒亟收葬而去。時天主降生後六十一年。凡疾病凶荒之患。詣墓禱求。多蒙聖佑。嗣因人民星散。墓跡無踪。聖人特明示於司教。屢顯靈奇。國王加禮欽崇。起建大殿。以遂眾人之瞻仰。

### 宜行之德

#### 自聖其業

聖思 一。世業世藝中。難免地獄。因常有犯罪的主張。卽聖教聖業中。亦難保天堂。因地獄中。也有拜主之人。故不該完全倚靠教之聖。業之聖。只該倚靠耶穌之功勞。聖教聖業之所以爲聖。而自聖其業。斯可以免地獄而保天堂。今汝所行之事業。聖耶。否耶。 一。人的本分。各各不同。做官的。與士庶人不同。修道的。與世俗人不同。苦修的。與傳教人不同。惟自聖其業者。能自想本業的本分何在。即此本分以合天主之意。有規矩。必按規而守。無則盡心遵守十誡。併問本神父。該如何而行。小心順從之。自然無業不聖。 一。該想從前與你同業之聖人。求爲主保。奉之爲師。亦有大德聖人。行汝世業之事者。汝若隨其德行。即係汝現在的表樣。必蒙幫助之恩。汝曾如此否。

當務之求 爲外教人

祝文 懇求全能天主。因爾聖巴爾納伯之功績。樂我等。恭敬其慶辰。望其轉達。俾我能得聖寵。永享常生。爲爾子耶穌基利斯督亞孟。

十二日 聖巴西理德 聖濟理諾 聖納博爾

聖納撒略 致命

警言○愛己之私愛。其害最毒。較世間他毒尤甚。輕世金書

聖傳○天主降生後三百三年。致命之聖甚多。今因四聖人致命之日。而傳其大概焉。四聖人。一名巴西理德。一名濟理諾。一名納博爾。一名納撒略。皆居武職。歷建勳名。國家甚器重之。其神勇赤心。恭敬天主。更比眾不同。若此行不合聖教。即毅然拒絕。不顧身家。似此中正剛

方之德。實足以扶衰策懦。鼓舞教眾之熱心。奈直道難容。同官之內。遂有以抗命從邪。交章叅劾者。事雖秘密。四聖早已預聞。即鬻產濟貧。不肯以所受天主之物。留於塵世。惟願赤身報主。可展愛敬之誠。及命下捕拿。解交羅瑪暗污監內。豈知四聖甫入。即發大光。勝於白日。污穢盡無。倍增潔淨。司獄者見此異事。非常不勝心驚神慰。歸告於家。協同閤宅之人。俱來鑒賞。遂定志棄邪。領洗入教。隨提四聖出監。飭令革心背主。四聖不從。重刑鞭杖。又命收監。不許治傷。不許送食。如此八日。人雖嚴緊異常。天主特加神味。不食而不飢。特加神樂。有苦而不知。八日後。着卽斬首示眾。拋屍於野。教中人。密取聖屍葬之。

宜行之德 愛己

聖恩 一。人人都知道當愛己。不該害己。若果愛自己。爲何不想後來

享無窮無盡的福。世上還有什麼好事情。比得天主的聖寵。比得天堂的福樂。若果不該害己。爲何放心犯罪。世上還有什麼凶事情。比得犯罪的利害。比得地獄的永苦。既然無事可比。乃不從好處走。只從凶處走。大不對本來愛自己之心。一人有二己。一係肉身之己。一係靈魂之己。愛己者。能愛靈魂之己。方爲真愛。具此真愛者。肉身之己。不愁世苦。因世間劇苦萬難。總不能勝我肉身復活之光榮。世苦越多越重。光榮愈大愈尊。故人能以真愛愛真己。必然由靈魂而及肉身。無不光榮尊大。汝曾有此真愛否。一。今之愛己者。往往愛財貨。愛功名。愛歡樂。此爲愛物。並非愛己。又往往遇有親戚友朋。修德行善。滿心愛之。滿口贊美之。此爲愛人。並非愛己。愛身外之物者。既貽禍靈魂。亦連累肉身。名爲愛己。實爲害己。愛人之德善。而自己不德不善者。不獨不肯愛己。

竟漠然忘己。且隱然仇己。夫本心愛己。而反為害為仇者。無他。以世苦為苦。而不知其樂耳。聖奧斯定曰。愛己之人無苦。愛己之事不難。

當務之求 為情於善行者

祝文 天主。爾賜我等。敬憶爾聖致命者。聖巴西理。德聖濟理諾。聖納博爾。聖納撒略。誕日。望爾彼居永福之域。使吾偕樂。為爾子耶穌。基利斯督。亞孟。

### 十三日 聖安多尼 顯修

警言 ○棘圍爾耳。毋聽醜舌。鍵鑰爾口。毋騰妄說。 聖經

聖傳 ○聖安多尼。原名弗兒南篤。係波爾都亞爾國人。自幼棄家學道。入聖奧斯定會。越數年。聞聖方濟各會中。有修士五人。致命於外。

邦。動心感慕。遂易名安多尼。改入聖方濟各會。復如初學。磨練切磋。就卑取辱。倍力增工。久之。因利未亞民風悍戾。請命往焉。居無何。以病還鄉。海中陡發大風。豈知天主之意。不令還歸。飄至洗濟里亞島。幸逢同會之人。暫爲居停。時方濟各聖師尙在。命四方同會者。俱赴亞洗府。以觀其學力。聖人乘機偕往。得晤聖師。親臨神誨。遂爲同友。遁跡山居。薄衣淡食。少寐寡言。隱修數載。適因公他往。薄暮。長者命聖人講道。以勸衆。初皆以不學視之。一聞闡發。莫不傾心悅服。從此修名日著。聖師方濟各手書候慰。勸其一面勿忘精修克己之工。聖人承命。即立學廣場。稍有閒暇。即周流提醒。不肯苟安。數年之中。奉教者。不啻十餘萬人。有異端人。不信耶穌聖體。聖人舉行彌撒後。恭捧聖體出堂。令異端人牽其所騎之騾而前。時正散麥餉騾。聖人諭云。我所捧者。乃萬物之大主。

今仰賴聖威。命汝跪敬之。驟竟棄食前趨。伏跪如靈。眾皆驚異。雖有抱  
慚逃竄之人。棄邪歸正者甚多。傳教至亞里米你地方。左道充盈。無人  
聽講。聖人呼海中魚類。吩咐云。左道之人。不聽正道。汝當代聽。令彼自  
慚。有靈之人。反不如無靈之物。魚即羣然排列於水涯。仰首而聽。講畢。  
俯首跳躍。謝教而去。眾始駭然歸化。內有數人。愈增嫉惡。享以毒食。聖  
人蒙主默示。即笑而責之。勸令改悔。其人惡顏強解曰。姑以試聖德之  
真偽耳。倘能食之而不受其毒。我輩莫不信從。聖人即准其所請。恭畫  
聖號。恬然食之。如無毒者。奸謀始熄。聖德彌彰。猶憶聖人講道各方。俱  
係自己之土音。而各方聽者。如聞本國之言。人人通曉。且聽講之人甚  
眾。每擇鄉郊曠地爲講席。士民環繞。至十餘里外。聽之猶真。如同座右。  
一日。正講道時。雷雨驟來。聖人令眾安然聽講。並無點雨及於聽講人。

之身。一富吝人病故。聖人諭眾云。經有言。爾心必在所寶之物。今此人。生前所寶者。財耳。死後。其心必在貯財之篋。眾至其家。視之果然。觀者皆驚惶。吝嗇者。更恐懼未寧也。一重罪者。蒙聖人提醒。悔恨痛泣。梗咽難言。急求告解而不能。聖人令寫罪於紙。取視全無墨蹟。本人欣然感激。被化旁人。不能勝數。奈魔嫉害甚深。一夜。將聖人喉吭緊扼。欲絕其氣。聖人默呼聖母瑪利亞。魔即立退。又乘眾聽講時。邪魔從高墜一大木。希圖阻事傷人。聖人知爲魔計。毫不動心。眾咸欽服。總因聖德與日俱增。寵佑無時或間。甚有天主耶穌親臨眷顧之榮。故所言所行。往往超越尋常。有逆旅主人。深夜密窺聖人寢室。見聖人大光圍繞。端跪於地。手抱耶穌嬰體。良久而別。足見天主於聖人。真有一體同仁之寵眷也。及門一少年。欲半途而廢。聖人向伊口目噓之。諭云。天主聖神降臨

爾心增爾志氣。伊即定志如初。巴都亞府。有一強橫人。聖人直諫其非。從者將拔劍而起。惟此首惡。見聖容異光奪目。毛髮悚然。伏地悔改。越數日。橫行如舊。聖人復往諫之。彼竟老羞成怒。意欲致之於死。又慮師出無名。密陳厚賄。囑付使者。受即斬之。豈知聖人一見。叱退云。受此非義之財。必被屋壓死。使者再三留之。聖人再三却之。羣惡雖奸。無敢有復犯者。可知德容義勇。威於斧鉞也。先知之德尤奇。謹述其最著者。一婦乏嗣。求聖人代祈。回云。主已允爾。生子有功聖教。後果如其言。拂郎濟亞國中一吏。遇於途。聖人即拜之。吏疑其詐。他日又遇。聖人再拜如前。吏遂怒叱之。聖人曰。汝將蒙主特寵。爲主致命。此我朝夕禱求不得者。是以預爲慶賀。吏誚其迂。未幾。吏忽因公入如德亞國。果被異端殺害。更有甚者。聖人之父。被誣遭難時。聖人遠隔數千里。轉瞬。即赴官訴。

辯。大難遂平。異日。父又遭人命之誣。抵償立決。聖人遠隔如前。乃托天神之力。乘夜踏空而至。求官緩審勿悞。官不從。聖人情迫。向受害人葬處呼之。屍卽應聲出墓。同入公堂。明言此非殺我之人。其冤始釋。旣而追問原殺之人。聖人曰。此舉爲雪父冤。非爲報仇也。令屍歸墓。以上數端。皆眾耳眾目。共聞共見者。其他靈蹟甚多。不暇詳述。聖人年甫三十。有六。精力驟衰。自知終期已近。請行終傅禮。求同友在旁。誦經幫助。耶穌親來接引。聖魂隨從升天。時天主降生後一千二百三十一年。歿後。顏色如生。同友尙未訃聞於外。孩童沿路傳呼曰。聖人去世矣。四方士民。奔趨載道。凡疾病患難人。先求告解。後拜聖屍者。莫不沾恩脫免。越一年。推入聖品。本國都城。離羅瑪數千里。鐘忽自鳴。人莫能測。惟想此中。必有可慶之意。後知是日。正聖人列品之期。夫此地出一聖人。天下

萬世共沾其澤。非本國之大幸耶。故天主特以鐘聲顯之。聖人在世時。一徒竊取經本潛歸。聖人求主代懲。其徒路遇妖魔。欲噬之。急忙回轉。將近聖門。悔心自發。卽訟罪還經。至今失物者。求聖人指引。往往取之如寄。歿三十二年。有遷葬之舉。見聖人之舌。存而不壞。足徵立德立功之具。天主猶施恩保護。不令其與身同朽也。

宜行之德 聖舌

聖思 一當知全身易朽之物。莫如此舌。不比筋骨之堅且勁也。乃安多尼聖人。於升天三十二年後。因移墓啟棺。見口中之舌。形色如生。完全不壞。何故天主施此大恩。蓋表其在世時。所言天主事。雖有時。話似涉於世情。意實歸於天主。真聖舌也。非尋常之舌也。今汝能如此位聖人。聖其舌否。所言皆天主之事否。心與舌相對否。不要論別的時候。即

汝向天主臺前誦經時。明明說痛悔已過。愛天主萬有之上。果然如此否。不能如此。必然一罪舌耳。何聖舌之有。一。常說天主之事亦難。惟爲天主而說則不難。如安慰苦難人。勸化有過人。或講求本分當行之要事。或料理親友身家之正務。既合聖規。又爲天主。除此不敢動勞。便成聖舌。今而後。汝當說話時。該想天主無所不在。出我之口。即入天主之耳。故句句必爲天主之光榮。果然每日如此。何舌而非聖舌。一。遇有妄証汝者。謗毀汝者。譏笑汝者。縱然辨明。人我俱無利益。惟緘默不言以爲天主。亦成聖舌。更有進者。不誇自己。不論別人。不談閒話。不疾言以觸人之怒。不詐言以動人之疑。不言外生枝。以強坐人之過失。皆聖舌也。聖盎博羅削云。開口難。閉口亦難。

當務之求 爲免讒言

祝文 懇求天主。爾聖安多尼每年瞻禮。聖教賴其轉達。我今求主。俾伊主保。聖教得獲永安。爲爾子耶穌基利斯督。亞孟。

十四日 聖巴西略 主教

警言 ○恒念世務。若魚恒泥。聖額我略

聖傳 ○西南國內。有半多地方。係巴西略聖人之祖籍也。聖人之祖。爲義致命。聖人四歲而孤。祖母撫養成人。就學於亞德納郡。與聖額肋峨略爲至友。文章格致之外。共矢精修。以片板爲榻。以惡衣麤食爲常。從前所拜文學之師歐布祿。反被聖人感化。樂聞聖教真實之原。同

往如德亞國。仰瞻救世主遺踪。適遇聖瑪施抹掌教之日。求付聖水。眾見聖人領洗時。天降赤光。一白鳥從光而出。飛至河水上。展翅迴翔。點水降福而去。有諳弟阿紀亞郡。係宗徒親行教化之地。聖教會所立基利斯當之尊號。即始於此。聖人聞風過訪。司教者留居講席。行至責撒肋亞。士民因司教病故。共推舉之。聖人避跡荒山。名望日隆。訪道從遊者日眾。所著精修條約。至今各會皆取法焉。俄聞異端流行於責撒肋亞。聖人復出山往救。又因司教病故。眾議仍歸聖人。遂勉從之。適遭荒歲。捐貲勸賑。盡力經營。建院濟貧。躬行賤役。惟求免患。不顧人言。時君迷於邪術。聖人洞鑒其衷。招之不往。王即怒甚。必欲置之死地。併盡滅奉教人。奈因邊患陣亡。嗣君濟惡。遣一武弁圖之。聖人笑語云。吾久已空乏。何懼籍沒。吾以天下爲家。何懼放流。吾形早朽。何懼傷殘。至願莫

如升天。何懼一死。武弁曰。請汝再三思之。且寬此一夕。聖人曰。明日亦同今日。無庸再思也。頃之。儲君患病垂危。其母異夢非常。此謀遂寢。且煩聖人入視。聖人曰。欲望儲君病愈。須遠絕異端。欽崇正道。領洗入教。始能求主矜全。否則不可保也。遂如所言而行。果然病勢漸輕。王應自悔前非。乃復聽讒言。計圖驅逐。豈知位始登而座忽損傷。筆欲書而墨無顏色。及奮威下筆。而臂指俱顫慄不前。難成一字。王始懼而中止。此地一蠢人。欲藉魔力。遂其私心。情願刺指血以書文約。背主順魔。忽犯重刑。心亂神昏。幾乎自盡。聖人憐其迷惑。飭令嚴齋痛悔。率眾共求。魔竟乘空喧鬧。既而血書下墜。聖人明知天主已赦其罪。燬書慰諭之。又一如德亞人。於瞻禮日。雜入眾教友中。見聖人舉揚聖體時。聖體發顯美貌嬰兒。及眾教友恭領聖體。彼亦向前同領。仍係耶穌聖容。即日棄

邪歸正。又有聖堂。被異端人霸佔。聖人請王禁飭。王勿從。復請王封固堂門。誰能祈禱自開。聽其管業。亦係正教。王從之。異端人跪求終日。毫無動靜。聖人率眾教友。纔俯身稽首。門即自開。異端人見此神奇。感化甚多。山中隱聖厄弗冷。忽見空中火柱。光明四達。雲際大聲曰。此係巴西略聖人之像。厄弗冷即出山趨謁。入門。目擊聖人講道。口發火光。又一白鳥。踐於右肩。附耳傳心。及進叩時。聖人已預識其姓名德行。併令驟詣土音。從此形分神合。相得而益彰。惟聖人積勞成疾。已近終期。迴思一友。精於醫術。未沐主恩。遂求診視。友云。生命只在片時。聖人笑曰。延至來日如何。友云。斷斷不能。若明日尙存。我必定心入教。及至次日。安然無恙。友即全家受訓。聖人喜其誠實。強起入堂。親行付洗之禮。臨終。羣神下降。迎接聖靈。時天主降生後三百七十九年。歿後。一婦趨叩。

柩前。因向日曾自書罪案。封寄聖人。未蒙回覆。豈知叩畢。仰見柩旁顯明原字。逐件勾銷。以示赦免。此婦感恩奮勵。終成盛德之名。

宜行之德 輕世

聖思 一。世上並非本處。本處原在天堂。心內不該盼望麼。旅人雖居旅地。不肯多費經營。亦不肯多謀安樂。併不肯多戀日時。因此心盼望者。惟欲回本處耳。今既知在世爲旅途。天堂爲本處。爲何不將自身所有的。算計聰明。才能力量。謀回天堂。旅人欲回本處。明知父母親朋。倚門而望。故汲汲皇皇。希圖歡聚。汝獨不念耶穌聖母諸聖人。非汝之父母親朋耶。大開天門。候汝德備功全。早來歡聚。爲何反悠悠忽忽。自悞程途。 一。世上既非本處。城市山鄉。東西南北。處處皆非本處。好亦無干。歹亦無礙。只要有靈魂的利益。有天主的光榮。就是轉回本處的正

經大路。即當隨寓而安。今汝之本分本業何如。從未有守本分而無利益靈魂者。亦未有守本分而不光榮天主者。又何苦這山望見那山高。自迷本處可回之路。一若世上果有滿心之安樂。滿心之富貴。滿心之奇美。天堂又當何如。天主於世上。不分善惡。不論友仇。尙且若大的富貴。最多的奇美。隨時的安樂。憑人自取。可知預備的天堂。係善人真友。義子功臣。受賞之處。區區世福。何足道哉。試畧言之。爲天主子。非極貴耶。全包萬有。非極富耶。見未有之奇。非極美耶。享萬福之安。非極樂耶。且此富貴美樂。還是日新又新。久常不厭者。還是無盡無涯。不可限量者。還是無窮無息。永遠弗衰者。由此推之。相對的刑罰。不該日新又新麼。不該無盡無窮麼。汝若不能受賞。必然受罰。汝若不避永殃。斷不能得此永福。何所適從。宜早決之。

當務之求 爲煉處靈魂

祝文 懇祈全能天主。爾聖巴西略精修主教。每年瞻禮。加吾心虔而體安。爲爾子吾主耶穌基利斯督。亞孟。

十五日聖味多

聖睦得斯多

聖格增細亞

致命

警言○罪人弗羞痛告。則免末日審判之報。聖奧斯定

聖傳○聖味多係西利亞國富家之子。父信異端。因聖人所從之師。原係聖教。不使父知。棄邪歸正。領洗後。雖在童年。而熱愛倍常。德光遠布。當時之人。謂聖人之在教。如太陽之在天。以其感化甚多。奏功甚

速。故人人樂得而稱道之。且大荷主恩。准行聖跡。啞者命言。即言。病者命愈。即愈。邪魔聽其驅遣。時甫十二歲。正值西國總王。差官滅除聖教之日。官因其幼。拘父嚴飭。責令勸改。父以愛情憐之。以苦痛辱之。以家產體面引誘之。無法不施。俱屬徒然。官即差拘聖人親問曰。汝以小孩。擅敢故違國法。不遵父命麼。聖人答云。誰敢故違國法。不遵父命。但爲君的。必以孝教民。爲父的。必以孝教子。今敬的天主。是大君大父。難道爲君爲父的。命我反此孝道麼。國家刑罰。明知利害。不敢悖此孝道。官命鞭笞。役正舉鞭。官與役之手。俱不能動。官大喊曰。這孩子能行邪法。答曰。我不知邪法。只能恭敬天主。基利斯督。你們明知拜天主之人。愛人如己。我可求降生救世的天主耶穌。寬免你們。言畢。手皆無恙。官仍命父帶回。囑其勸誘。父以世俗之樂。勸其回心。凡唱彈歌舞。艷女狡童。

輪流戲耍。一連數日。聖人在此污穢場中。惟有飲泣吞聲。求主矜全而已。此行無效。又備一房。排列金銀珍寶於內。命子居之。聖人入房。即跪伏誦經。忽見房內。滿室大光。異香噴鼻。大寶石十二塊。圍護聖人之旁。光華麗色。難以言傳。僕人飛告於父。父往觀之。更有十二天神環護。威嚴至極。其父見後。兩眼即盲。且非常疼痛。隨赴邪神祈佑。愈禱愈凶。聖人明知如此大恩。不轉父心。然孝思無已。仍手摸父眼。求主開恩。立時全愈。父恐累及身家。赴官泣訴。行際一天神。將聖人之師。睦得斯多。教友格增細亞。同聖人。攜往意大里亞登舟。至納伯里國瑟落河邊。每日大鷹啣食以進。數日之後。適總王之愛子。身負大魔。無法可驅。魔復明言。誰能逐我。惟一孩童味多耳。王即遍示各地方。指名尋覓。三人應召入朝。王問聖人。可能逐此魔否。聖人回云。我無此能。惟耶穌基利斯督。

是無所不能的天主。我求其能。即可逐之。王曰。既如此。汝即求之。聖人遂舉手按於太子額上。口言我倚耶穌基利斯督聖名。命汝魔遠去。魔即應命而出。轟聲如雷。滿朝震駭。惡聲所過之路。有異端數人。俱遭殘害。王見此靈奇。雖喜愛聖人。總不信聖人所奉之主。溫言慰諭云。汝若拜我所敬之神。我待汝如子。造一大府第。與你大富貴。還分一屬國。封汝爲王。聖人曰。感謝我王大恩。但吾主耶穌預備之賞。更大不同。故不敢不辭。王曰。你是孩子。說話不知輕重。藐視我恩。豈無刑法。聖人回云。我身實係孩童。我言並非孩語。國家刑法。不但不怕。且渴望到身。可報答耶穌救贖之恩於萬一。王即變愛爲仇。用八十斤重的鐵鍊。將三人鎖銬入監。不許一人進出。時耶穌率同多聖多神。親臨安慰。次日只將味多聖人。命往大火爐內焚死。聖人進爐時。畫一聖號。端坐火中。不傷

一髮。王視爲邪術。提齊三人。一同夾打。竟至骨碎肉糜。血枯筋斷。味多聖人於受苦之際。求主施恩。時值天晴日朗之候。驟興雲雨霹靂。擊壞民房邪廟。人物被傷者。不計其數。王亦驚惶自遁。天神下臨。斷其刑具。愈其損傷。仍送至瑟落河邊。聖人求主開恩。早離世險。空中有聲曰。天主准汝之求。三人叩首謝恩。無病而逝。時天主降生後三百三年。本地教友。即遵遺命。收聖人之屍。就地築墳埋葬焉。

宜行之德 小心告解

聖思 一。從領洗後。若犯有重罪。必用第四條聖事之跡。此耶穌聖血所流之恩。只要肯悔肯改。沾恩甚易。傷處不難修補。請看身外些微之物。倘能破者復完。斷者復連。必定喜出望外。今靈魂爲重罪所傷。一經告解。傷處全無。果然自知此行甚好。豈有不樂之理。既然樂在其中。爲

何不踴躍歡欣。勤行此跡。一有重罪之人。明知此時若死。必下地獄。果存此想。心內可得平安麼。每日每日。嘗見好好的人。霎時就死。如此暴事。誰能保定。只到別人身上。不到你的身上麼。既然保不定。爲何有罪不悔不解。肉身患病甚凶。必然不斷醫家。不辭苦藥。罪之傷害靈魂。大不同於病之傷害肉身。告解之痊愈靈魂。亦更效驗於苦藥之痊愈肉身。乃往往一年只行幾次。或幾月只行一次。不請本神父之命。由着自己。可算得小心告解麼。一告解後。天主大恩。免你不受永苦。但補贖之工。或在生前。或在身後。斷難倖免。與其身後補贖。不如生前容易。倘舍此容易之時。留於身後。當知煉獄中片時之苦。即萬倍於生前數十年瀝血刺心。刀攢火烙之苦。若就生前而論。由外來者。不過官刑而已。饑寒而已。疾病災傷而已。由內出者。不過憂憤而已。疑懼而已。不能

如願而已。似此苦情。果能爲主樂受。俱可補未償之罰。減煉獄之刑。但此樂受之心。必當日日如是。終身如是。今汝何如。幸勿虛度此容易之日。自罹身後之艱難。

當務之求 爲罪人不改者

祝文 天主。爾賜我等。敬憶爾聖致命者。聖味多聖陸得斯多聖格增細亞。誕日。望爾彼居榮福之域。使吾爲同侶欣樂。爲爾子吾主耶穌基利斯督。亞孟。

十六日聖西樂 聖婦如里大 致命

警言○宜速於改。愈遲愈難。聖熱羅尼莫

聖傳○西樂聖人。係里高尼亞國中之宗族。聖婦如里大卽聖人之母也。年甫二十而寡。聖人纔數月耳。聖婦小心撫育。方能言語。卽知爲主光榮。莫如致命。時值總王肆害之年。教中人避難者甚多。聖婦懷抱聖人。協隨二婢。避往瑟婁濟亞地方。豈知此地爲害更嚴。又避至達爾西亞地方。居無何。仍被地方官拿獲。聖婦不肯將聖人留於二婢。懷抱赴官。卽云。我母子俱是天主教。情願一同致命。以爲天主。官問聖人。聖人亦如此答應。官見聖婦端品青年。聖人幼儀俊雅。勸云。汝本富貴之家。乘此少壯。正可享受榮華。汝縱然不顧自己。難道不可憐此子。是

汝夫骨血麼。不可憐汝夫。只此一線之根麼。况此子英氣偉然。定不得後來可爲國家柱石。聖婦回云。事情之輕重。我早已決斷明白。不煩再計。今我母子。總爲報天主的大恩。情願受你利害之刑。並無懼怕。官大怒。先命掌嘴甚多。聖人見母面。被擊狠凶。大聲啼哭。官命人抱開。接於懷內。笑語云。你不必害怕。我爲你父。後來必定體面。不要認這邪法。女人爲母。隨欲親嘴。以示愛情。聖人用手擋開。屢親屢擋。竟將官之臉面。俱被指甲抓傷。且連聲大叫曰。我也是天主教。官怒。擲之於地。頭破而死。聖婦見聖人爲主致命。心中樂甚。惟想隨子同升。長謝主恩。雖身被鞭笞。並無完膚。而歡容外顯。官吏俱共見之。命收監再議。豈知監內。竟有數百人。俱係外教。聖婦愛情狠熱。卽與眾講解正道。天主助其神力。勸化四百四十人。官聞之。大怒。命拜邪神。無一從者。官將四百四十人。

一併殺之。又將聖婦毒打。至骨斷肉飛。仍斬首致命。時天主降生後三百三年。

宜行之德 滅罪

聖思 一。凡人不肯細心省察。真心痛悔者。因無心告解。不肯用此滅罪之神恩也。有罪而不肯滅。又因不想此罪。能害靈魂。不想此罪。能斷永福。更不想此罪。能失聖寵。能離天主。故有恩而不肯用耳。今說明大害如此之極。還不該想一想。滅此罪根麼。 一。邪魔引人犯罪時。不害羞恥。及想滅罪時。反引人羞恥。既知如此。還該隨邪魔之意而行麼。若世上免了羞恥。審判日。萬萬神聖之前。亦能免得麼。既不能免。何如在世時。含羞忍恥。直言告解。可免後來萬神萬聖前。共同之羞恥。故聖伯爾納多有言。罪該羞犯。不該羞解。蓋羞犯則諸罪自滅。羞解則罪上更

加其罪。一。習慣之罪。常常解而復犯。其故由外而來者。不想離開犯罪之地。不想斷除犯罪之事情。併不想遠辭犯罪之人。又有由內而來者。定改不能堅固。主見不免游移。言語不知檢點。凡此內外之故。請汝自己想一想。再解再犯。不是從此而來的麼。若說內害在己。或可加功勉強。外患在人。如何拒絕得許多。據汝此言。專怕別人。不怕天主矣。怕失信於人。而情愿失信於天主。怕悞人之俗事。而情愿悞我之永福。愚孰甚焉。

當務之求 爲婦女

祝文 天主。爾賜我等。敬憶爾聖致命者。聖西樂。聖婦如里大。誕日。望爾彼居榮福之域。使吾爲同侶欣樂。爲爾子吾主耶穌基利斯督。亞孟。

# 十七日聖女呂亞肋額 童身

警言○行工之前。宜求天主福工。聖盎博羅削

聖傳○聖女呂亞肋額。係拂郎濟亞國富商之女。父母並無別子。惟此聖女。雖自幼欽崇天主。而世俗榮華之愛尤甚。其父手握重貲。行商於列國。冀圖獲利而歸。以全擇婿完姻之舉。豈知天主玉成聖女。望其革面革心。遂使乃父此行。本貲盡失。幸存一命而回。聖女憂悶於懷。其母見事與心違。將聖女引入修院。俾所見所聞。莫非避俗辭榮之表。樣。時聖女身固順從。而心無定志。一日耶穌親顯五傷。語云。你當愛者。惟此五傷。轉盼之間。覺此心竟與前迥別。一年後。漸從事於修工。熱心與日俱增。苦身克己。勇往直前。眾嫌其太銳。不能久常。聖女進退維谷。

憂懼並形。嘗哀號求主。一日。聖母降臨撫慰。不須憂懼。以後聖子耶穌。必加恩與汝。遂從此日起。時刻不離耶穌。諸事必問而後行。不獨無憂。無懼。且心安神樂。又以聖號能治人之病。近悅遠來。求者甚眾。聖女見多人煩擾。有妨修院之規。求主收回恩命。每夜必按時隨眾通功。又一次。因身發大汗。恐招寒疾。遲疑未起。耳畔忽聞聲嚴飭曰。爲何重惜此汗。偷安不起。聖女急起入堂。見苦像一身皆血。始泣罪痛陳。不敢再罹此害。一日默想時。見聖母憂形於色。聖女問其故。聖母諭云。因異教又釘聖子耶穌於十字架。天主赫然震怒。將罰此世人。你願求息聖怒。該守七年大齋。食惟麪餅。飲惟清水。盡心七年。以苦工痛淚。挽回天主之罰刑。聖女欣然樂從。奉命惟謹。守過七年。天主又命從新再守七年大齋。以補贖教中人之罪。領命之時。見耶穌一身皆血。併云。你看我爲何

如此。只因補贖人罪。仰求聖父之仁慈耳。你不該同我受苦。日日獻我於聖父。代人補贖麼。聖女曰。擊耳聞。熱心更倍。仍嚴守大齋七載。未死十一年之前。天主賜其雙目盡盲。不與外事。惟想內心之工。愈增神樂。纔越四年。耶穌又親諭聖女。再如前大齋七年。求主退教中之魔害。守至兩年。向一女友云。再過五年。聖三瞻禮後主日。係我謝世之期。此五年內。屢見耶穌。常聆聖訓。一日諭云。我命你小心三件。一、常謝天主聖父之恩。但汝自己。欲謝不能。須倚賴吾名。併諸神諸聖。助汝謝恩。二、常求天主。保佑罪人改過。三、惟靠我降生救贖之功。上愛天主。無一毫世俗之心。已滿十一年。終期將近。兩眼復明。見無數聖人。預來慶賀升天之喜。至期。告解終傅。滿心愛主而逝。時天主降生後一千二百四十六年。

宜行之德 求主

聖思 一。有求必得。此天主耶穌之言。豈欺我哉。但求得不好。自然求而不得。若能以信德求之。不論何事。或爲肉身。或爲靈魂。俱不妨向主哀求。或遭苦難。或遭引誘。更該一心求主。汝今何如。 一。爲得所求之事。先該求得聖佑。不得聖佑。不能爲主立功。怎麼想得天主之恩。所以未求之時。先該痛悔己罪。聖老楞佐如斯弟你亞諾云。若天主不喜求之之人。即不喜所求之事。 一。若求之不得。不可失望。請看窮人求哀矜。一而再。再而三。終有一次之得。天主許人有求必得。並不會許人一求即得。天主無所不知。未能即准者。或引人自反己身之罪。或令人自知求得不好。或加人聽命之功。或堅人切望之誠。益處甚多。汝若以一求不得。廢然中止。平時之信德何在。既無信德。誰准其求。

當務之求 爲堅固善根

祝文 救吾者天主。聽受吾禱。吾樂爾聖童女呂亞肋額瞻禮。望以誠心。得受訓誨。爲爾子吾主耶穌基利斯督。亞孟。

十八日聖瑪爾谷 聖瑪爾瑟連 昆仲致命

警言○凡恩賜備全者。皆由上降於明光之父。聖雅各伯宗徒

聖傳○歷來父子弟兄。爲道而死者。常有其人。然多係世代教中。或係多年信主。非膝下承歡。親蒙庭訓。卽友于誼重。勸勉必深。今觀聖瑪爾谷及其弟瑪爾瑟連。則更有進焉。二聖係羅瑪府富家巨族之子。父母未知聖教。惟所從之師。係信奉天主者。其師循循善誘。引歸正道。

本家寂然不知。至娶妻生子後。尙未曾發顯。惟因行事有不同之處。家中疑而問之。二聖始認明不諱。地方官聞知。拘拿赴審。二聖回云。我是天主教。不必望我改心。我二人情願爲主致命。官卽加以苦刑。見其歡心樂受。遂以斬決定案。寬限一月。冀其改圖。此一月中。親友皆來苦勸。何可以身後不見之事。害現時之性命。委曲進言。終於無濟。母嘗慟哭。淚流。依依不捨。父因老邁。擡至監中。責其忍心背父。俱不爲動。二婦又攜所生之子。哀號哭泣。二聖見一家骨肉。悲痛異常。雖無言應答。不免淚從心下。此時聖巴斯弟央在旁。卽鼓勵云。爲何默而不語。及是時。正該發顯敬愛天主之心。若論眼前的難處。可比得地獄之苦麼。父母妻兒。徒以暫愛虛憐。拉你二人下地獄。你二人就動心難捨麼。二聖回云。此因肉情難免。故爾含淚哽咽。論我敬愛天主之本心。萬死不移。聖巴

斯弟央見二聖有守有爲。不復再言。即將天主所賜之體面尊榮。爲天主而用。不懼人阻擋。明向外教人講解正道。大動人心。司獄及閣監眾犯。一總悔罪棄邪。欽崇天主。司獄語二聖云。我今不復禁守你們。任憑逃避。二聖曰。你纔奉教。情願爲耶穌基利斯督而死。反來勸我二人。不享此恩麼。未幾。二聖之父。亦革心感化。月限已滿。向官回明。我子不拜之邪神。我亦不拜。隨詳陳不拜之故。官復多方究問。豁然醒悟。竟棄邪歸正。凡教中舊案。停止不行。新官接任。殘酷非凡。嫌憎前官。從輕定罪。將二聖釘於大木上。越二日。尙存生氣。用鎗戳死。時天主降生後二百八十六年。

宜行之德 望德

聖思 一。汝以世福爲樂耶。以世物爲寶耶。何不仰觀天象。將汝所樂

之錦衣華屋。駟馬安車。妻兒婢僕等。種種之福。將汝所寶之珠玉金銀。奇珍古玩。文章字畫等。種種之物。比之日月。有此光華否。比之星辰。有此燦爛否。比之雲蒸霞舉。有此千變萬化。麗色美容否。一經較論。恐汝之所以爲福與寶者。不過泥沙耳。糞草耳。夫天上可見之物。世上且不能比其萬一。當知天上不可見之真福。更何如。不雜而純。不斷而恒。不厭而日新。此三者。惟真福有之。世福並無其一。人能常望天福之真。則世人之吉凶禍福。自然不重而輕。一。現在天堂之聖人。弗可謂高高在上。毋能鑒觀也。必從天俯視。眼見汝愛此有盡之樂。戀此無恒之物。甘受此中污穢苦繁之害。不勝咨嗟憐憫焉。聖基利瑣羅云。天主生人。命汝久居者。天上之天。命汝永享者。天主之福。世間世福。與汝無干。明知如此。何可因世福而斷天堂之望。一。格肋孟德亞肋桑德理亞曰。

天主賜人之誠有三。一、聖每瑟所傳之十誠。二、離惡行善之理性。三、舉頭可見之明天。今因其言細繹之。果然風清氣朗時。引領而望。誰不愛之。慕之。雷鳴電掣時。撫心自問。誰不敬之。畏之。若非明明知有造化之主。此愛此畏。作何着落。聖依納爵云。天之高明如此。正該太息。世上之卑污也。汝能敬畏天主。輕棄世情。守天主之十誠否。倘信德未堅。何不舉頭而看天上之高明。

當務之求 爲初進教者

祝文 天主。爾賜我等。敬憶爾聖致命者。聖瑪爾谷。聖瑪爾瑟連。誕日。望爾彼居永福之域。使吾偕樂。爲爾子耶穌。基利斯督。亞孟。

十九日 聖熱爾瓦削 聖波羅大削 昆仲致命

警言○爾願得真福之常生。必輕忽現世斯須之吉慶。輕世金書

聖傳○密良府主教。聖盜博羅削。將親身經手之聖事。著之於書。略云。余於四十日大齋後。默想時。眼見二少年。服紅廠衣。合掌而前。未及言語。卽無影響。復倍守嚴齋。向主求明。一夜雞鳴時。又見如前。仍無言而退。懷疑愈甚。更苦齋不斷。是夕。終夜不能熟寐。見一人前來。即平日所供聖保祿之像。追隨二少年。即前兩次所見者。聖保祿云。此二人在世時。棄財事主。勤修十年。爲主致命。葬處在汝求主之地。掘土一丈二尺。見有石棺。卽得聖屍。宜立堂供奉之。亟求二聖之名。聖保祿復現云。棺內有字最詳。次日。差人告知四鄰主教。齊赴密良府。詳明前事。公

同掘地。至一丈二尺。果得石棺。啟開棺蓋。奇香滿佈。二聖如初死之容。猶存血色。神氣凜然。隨於全身聖屍枕上。得字一幅。辭曰。此致命二聖人之屍也。一名熱爾瓦削。一名波羅大削。是雙生弟兄。父味大爾。母瓦肋里亞。俱致命升天。二聖將所遺奴婢。各令安居。所遺家產。變賣濟貧。避居小屋。養晦十年。誠心愛主。時勤默想。苦工之神業。至十一年。羅瑪有出兵之事。遣國公亞大細阿爲前鋒大帥。王即隨後親征。兵過密良。邪黨出迎。因素懷忿嫉。遂乘勢進言。請勒令二人反教。或竟誅滅之。吾神福佑。必建大功。亞大細阿受其蟲惑。着卽拘拿。熱爾瓦削抗命弗從。立斃於杖下。向波羅大削曰。汝看此榜樣。自己尋死麼。莫如背教全生。以圖富貴。聖人直言不屈。末云。我弟兄之生死。若關係將軍之勝負。足見將軍所奉之神。畏懼我弟兄已極其至。但彼雖懼我之至。我不怒人。

之害。將軍固置我於死地。我却仰體愛仇之聖訓。爲國家轉求天主。奏凱還朝。亞大細阿怒甚。卽綁赴大營外斬決。時天主降生後一百七十年。我斐理伯係耶穌基利斯督之僕。當夜協同我子。潛負二聖屍而歸。時大軍絕水爲憂。邪黨倉皇無措。軍中信正教者。請求天主。王允之。我營立蒙大雨。如得甘霖。敵營雷雹殘傷。罷兵遠避。王蒙此救。禁網稍寬。余父子旣得聖屍。叙明始末。殯以石棺。瘞之室內。望二聖垂憐。爲我等祈。因罷德肋及費略。及斯彼利多。三多爲一天主。世生世王。亞孟。捧誦之下。始知二聖致命。迄於開棺。相距二百十二年。是日。卽昇送主堂。途中人眾。傷及聖屍。鮮血迸流。

宜行之德 正己之願

聖思 一願得眞福之願。纔是己之正願。有此正願。雖未到眞福之境。

已得真福之樂。汝若除此正願。只願身軀健壯。只願體面榮華。只願生利多財。只願添人進口。似此之願。恐未增如願之樂。反先增不如願之憂。且爲一生一世萬憂之根。又何苦乃爾。或無或有。或少或多。俱該感激主恩。順從主命。不必過於營求。因汝情願之事。縱盡能如願。心內必不平安。還定不得阻礙升天之路。惟有滿心全是天主。時時事事。想隨天主之命而行。始獲平安。一。世俗之財利尊榮。憑他到那至極而無可復加之地。亦不能平安滿足。既然如此。汝雖富貴。未必過於人之貧賤。豈惟不過。還大不及。請看多少人。比你更窮。比你甚賤。而其心只願聽天主之命。故比你狠平安。狠滿足。聖伯樂斯伯爾有言。無善行之人。或享所願。或無所願。心俱擾亂不寧。一。只有一件。不該滿汝之願。德行是也。汝果日新又新。惟自慚不德。請將現行之本分。比之前聖。能自

信其相對否。既然情願不愛世俗。要往天堂。必當效法前聖。而惟日不足。纔能成汝之正願。

當務之求 爲中國人

祝文 天主。爾賜我等。敬憶爾聖致命者。聖熱爾瓦削聖波羅大削。誕日。望爾彼居永福之域。使吾偕樂。爲爾子吾主耶穌基利斯督。亞孟。

### 二十日 聖亞味多 顯修

警言 ○匪由血氣。匪由肉情。匪由男慾生。獨由天主生。 聖經

聖傳 ○聖亞味多。係拂耶濟亞國農民之子。幼因父母教訓維勤。早知敬主修身之道。及長。不圖世俗。修院守規。性本善良。而過於樸實。

眾皆以愚魯目之。聖人欲離眾獨居。既可免驕傲之事端。亦可受主恩之佑啟。遂向法院長求居一卑陋洞中。數年。眾見其言規行矩。轉求院長命與眾同居。可爲表率。居無何。聖人以神工不滿其心。定志隱修。交明經管之事而去。離院五十里。用樹枝茸草爲窩而棲。身雖在世。實與離世者同。所需飲食。不過草根野菜。樹葉清泉而已。時院長係瑪是莫聖人。知係天主之意。故聽其克己增功。及聖瑪是莫棄世。公議聖人接任。再請再辭。眾卽肩輿強致焉。不得已。勉從所請。每事小心謹慎。稍有玩法者。卽勸誡之。後知此中有一二梗化之人。欲爲遠避計。密同一修士走匿深山。尋一幽穴以居。數年之久。寂然無聞。天主特顯跡以光榮之。此山橡樹成林。一夜有瘖啞人。放豬失散。手持之燈火。又被風撲滅。悞入橡林。不知歸路。遠見一點亮光。啞者望光而趨。卽聖人之幽穴也。聖

人揣知手勢。燃其火。畫一聖號於口。啞卽能言。遂指明道路而歸。轉展相傳。德名驟顯。敬禮者不絕於途。從遊者日增月盛。乃合財立院。廣其教思。惟聖人於一年內。必有數日。仍避靜於樹林中。一日。值聖人在外。從前同行之修士病故。未死之先。明告於眾曰。我死後。不必俟長者歸。速葬埋之。及死。卽有報知聖人者。聖人星飛回院。哭於屍前。一時心內。覺天主准其所望所求。拭淚而起。命死者復活。以顯天主全能之榮。死友應聲卽活。兩人攜手同行。至聖臺前。叩謝主恩。眾覩此奇。愈增欽畏。迨聖人春秋鼎盛。蒙天主默示終期。預備神工。欣然長逝。時天主降生後五百三十年。

宜行之德 畏天主

聖思 一。自己有自己的天主。從無而生萬物。又從無而生我。以用此

萬物。若天主此時。要罰我於罪。無地可逃。亦無人可救。爲何將自己的天主。倒看得不在心上。怕父母。不敢忤逆。怕君王。不敢作奸犯科。今怕天主而懼重罪。心內可能平安否。有重罪者。即爲天主之仇。重罪在身而不慌不懼。平時之信德何在。當常想天主無所不知。有罪必罰。惟不同者。遲與速耳。今汝心雖密。洞鑒難瞞。倘然罰不待時。而猶安然自以爲無恙。豈不成一肆無忌憚之小人哉。有此恐懼不遑。可免許多罪愆。

一。死後之審判。毫忽不能欺瞞。此時的天主。斷絕仁慈。大發至公之義怒。不是自己的天主了。若能預先脫免。不該早爲之計麼。汝肯早爲之計。乘此生氣尙存時。何求不得。今汝意如何。

一。天主無始無終。此時定的主意。永遠不能增減。明知如此。爲何竟不驚心。所貪者。不過霎時的世福。所圖者。不過親友的喜歡。因此無益之事。情願甘心得罪天

主。難道怕得罪人。倒不怕得罪天主麼。怕失一時之樂。倒不怕永遠之苦麼。知此利害。而不知畏避。是誠何心。

當務之求 爲罪人改悔者

祝文 天主。以爾聖亞味多。每年瞻禮。樂我等。懇祈爾。吾旣慶厥誕日。幸師厥功勩。爲爾子吾主耶穌基利斯督亞孟。

廿一日 聖類思公撒格 耶穌會

警言○吾人皆得效其德。聖基所

聖傳○意大里亞有分藩之君長。地名沙弟隆。族名公撒格。聖人其世子也。生時產難甚危。母求聖母。願負兒親朝聖母所居之室。始獲平安。領洗名類斯。以同族芒都亞君長爲代父。幼嫻母訓。甫三歲。卽知敬主憐貧。人俱以天神視之。親炙之者。愛主之心。油然而起。惟父不然。專望熟習技勇。以承先業。四歲時。卽令披執隨營。壯其膽量。一日。幾受隨身烏鎗之害。又一日。私往城頭放炮。幾乎被衝殞命。聖人知係主恩神佑。愈增感切。父因他往。將聖人送回。母見辭氣動容。乖張特甚。時時切責之。聖人自知其失。愧悔自懲。迄於卒世。年方七八歲。默想誦經。按

時弗錯。往往力疾勉行。一日。母見諸兒在旁。偶云。此中安得一修道者。聖人迅口回云。我就是。本係率爾之言。其實畢生聖業。從此造端矣。有一附魔人。曾向眾言。此兒異日。必占天堂高位也。值父遠歸患病。前往鄰國坐湯。二子隨之。一係聖人。一係聖人之弟。樂多爾拂國君留於學舍。聖人偶得稱頌聖母書。遂立志守貞。自恨閒談惹氣。常靜處獨居。父喜兩兒遨遊涉獵。送往芒都亞。聖人不獨絕意繁華。且願辭世子。歸家時。父已他往。聖人潛心默悟。或喜或悲。馭下和平。勤於教育。年十二。聖嘉祿見而異之。囑其恭領聖體。增益神功。傾心受訓。感切非常。苦行甚多。一主日內。大齋三日。乾糧清水外。不嘗別味。平時亦只食不愛之餽。裏服不離椶棘。往往藉板而眠。醒則誦經默想。冬不用火。夏不貪涼。小病不需醫藥。俱不令人知其本意。素患頭瘋。常喜此疼。可代茨冠。父駐

噶撒爾城。母命兩兒往省。坐車渡河。忽車斷被湮。倉猝間。來一樹根攔住。始獲保全。又一夕。房中失火。聖人於夢寐中。從火內而出。經此水火之災。更深脚戢。父有以西巴尼亞之往。攜眷同行。國王甚愛兩兒。命陪侍東宮。均爲童穉。而聖人獨過於老成。東宮有不合之言。必婉辭勸戒。陪朝國母。已及年餘。只熟其聲。未觀其貌。時因窮理格物之學。疑慮神工少減。不辭譏誚。銳志進修。每日默思四刻。中間若來他念。前工不算。留心修會。未決所從。求聖母示知。瞻禮日。領聖體後。耳聞聖母云。汝當進耶穌會。此係天主之命。聖人樂甚。母聞之。亦歡感無似。惟父不從。百般禁阻。由以西巴尼亞而歸。更設法阻撓。允而復改。聖人畢生之苦難。未有甚於此也。計自十三歲。蒙聖母明示後。無日不遭艱窘。至十八歲。此難始平。告退世職於弟。就羅瑪人耶穌會肄業堂。事無大小。不肯自

寬。曾有教宗座前頭等大人。偶留一飯。或偶遇一言。必以妨規却之。一日。突來憂悶。求主漸平。又一日。忽然退懼。二刻即除。雖頭疼常發。胸肺久傷。而勵精克治。勝於強健人。不與俗情。惡聞家世。更勝於隱修。喜服敝衣。日用並無美物。事惟遵命而行。不願明知其故。或所命似乎不合。莫不中心順服。從無強勉。聞父訃音。毫無俗態。惟朝夕求主而已。故雖有暴事。並無暴心。默想苦工。俱極其至。強令節制之而不能。每見手中遵行別事。而面目凝然。胸次盎然。惟知天主常在眼前。誦經時。更與天主聯合情深。領聖體後。端跪沉思。每至八刻餘。一次。適弟因急務而來。此工未曾少減。肄業不及一年。長者命往納博爾城養病。欸留半載。諸病不痊。奉長命。仍回羅瑪。時窮理格物之學已成。赴考。欲以庸劣避名。雖其師不允。足見聖人辭讓本於性成。不加勉強也。族中有一絕嗣之

城。應歸聖人之弟。被芒都亞主占據。他人處斷再三。抗拒不從。母欲聖人回家排解。本神父及總統。卽派一人陪往。以節制其苦工。到日。問明兩人情節。一係聖人之親弟。一係聖人之代父。兩刻之間。無言不服。芒都亞主。卽將地方交代。聖人事畢。遂行。前往別堂講道。遵命赴密良本會大學。讀完超性書。進門卽云。我在外行走。全身顫慄。到此如同溫室。未幾。命回羅瑪。更合聖人切望之心。忽於默想中。聞主諭云。汝須努力增功。在世已無多日。得此恩命。舉動大不相同。旣歸羅瑪。人覺其別有所向。特求長者。准居一咫尺暗房。所需者。不過小櫃。以供聖像。片板爲牀。高凳代桌而已。專望終期。並無別想。是歲年饑。又兼瘟疫。羅瑪城中。舊院不敷養濟。耶穌會總統。捐添新院。親自服勞。聖人追隨樂往。臭穢不堪之病。爭先趨事之。堂內少年。多有感化奮興者。聖人周旋日久。疫

氣纏身。至七八日。病重將危。變成癆病。又歷三月之艱難。一夜。天主預示終期。在聖體瞻禮後七日。次早。即寫書安慰母親。至期。雖無他變。知係主之成命。請聖體。行終傳禮。薄暮。汗出氣微。入夜。連呼耶穌。即斷息而終。時天主降生後一千五百九十一年。在世二十三年零一百日。歿後靈蹟甚多。奉命查攷時。本地最著者。四十件。各處六十又六。入聖品後。顯蹟更多。即像前燈油。能除百病。

宜行之德 隨聖人之表

聖思 一。以世俗而論。類斯公撒格聖人。亦尊亦富。爲救己靈魂。自幼盡獻於天主。汝有聖人之榮貴否。汝有聖人之名利否。本來無此世福。爲什麼反獻心於世福。難道這一點世福。可比得天堂麼。若既獻心於世福。還想天堂。不是妄想麼。汝心之大害。未有大於此妄想者。明知大

害而弗除。豈聖人不足法哉。一。聖人以童貞之願。早獻潔淨之身於  
天主。惟知苦服尅身。苦工鍊性。靜默謹言。小心守目。居俗而一塵不染。  
齊家而片語無私。畢世艱難。不啻一時之致命。汝今何如。聖奧斯定有  
言。拜主之人。有生之日。當不斷我生之致命。一。謙順是直走天堂之  
路。聖人獻此至謙之願。以順長命。如奉耶穌之命。所以順命之賞。皆從  
耶穌而來。汝今如何。果能效學聖人之至謙至順否。

### 當務之求 爲父母弟兄

祝文 伏望吾主。爾以無限之奇寵。廣施普世之人。又特賜聖類斯公  
撒格。若天神之美質。至潔至精。每痛苦以自懲。最嚴最密。我等身多罪  
愆。心甚濁污。何能潔淨全貞。惟誠切哀求吾主。使吾自今而後。常存痛  
告改遷之實心。爲爾子耶穌基利斯督。亞孟。

## 廿二日 聖保里諾 主教

警言○攸命乎爾。惟相愛耳。 聖經

聖傳○聖保里諾其親原係羅瑪巨家。徙居拂郎濟亞而生聖人。早年喪父。賴慈母賢師之教。卓有盛名。及冠。擇配淑媛。數年無子。遂矢志潔修。誓同兄妹。因居官羅瑪。惡其名位日隆。避往以西巴尼亞。司教者。幸得聖人爲輔。即歷陞鐸德。自慚過分。未久遄歸。慕聖師益博羅削名。往米耶進謁。旋赴羅瑪。朝拜各聖堂。密交諸賢士。有毀謗者。惟默忍之。行至諾拉郡。主教斐禮責。注意欺留。聖人再三辭去。郊外獨修。以篷爲廬。舊留祖產。俱變賣以爲建堂施濟之用。一人乞憐於施盡之後。聖人欲將現存麪食與之。婦以自餐見阻。即日麥舟啣尾而至。收後。一舟

猝然覆沒。聖人語婦云。此上主所賜吝嗇之罰也。主教病故。公舉聖人  
接任。奈諾拉城中。連遭外寇焚劫。被擄者甚多。聖人罄其所有。以贖擄  
人。有一孤兒被擄。母求聖人代贖。聖人物力已完。不勝感泣。對云。惟有  
我身。可代贖汝兒。時兒服役處。係利未亞洲國君之駙馬。遂同寡母。常  
服往求。不允。請以身代。願灌園効力。主人竟俯從之。平時嘗入園晤語。  
鮮花美菓。有獻必嘉納焉。一日。聖人將蒙主默喻之事。直言曰。國君將  
喪。主公亦難免大災。駙馬入告於君。次日引見。君輒變容密諭曰。昨曾  
夢見此人。與數人同座。審我之事。必非尋常庸俗人。當詳察之。隨問明  
聖人來歷。君欲加恩優禮。聖人不受。惟求放還鄉民而已。迨率民回郡  
後。君亡國亂。悉應所言。難民感激主恩。頌揚聖德。聖人仍司原職。朝夕  
不遑。如是以終身。及病。見二位前聖。從天降慰。自知升天在邇。勉行彌

撒。既而管事人。陳明從前曾借銀哀矜。無項補還。聖人回云。毋勞過慮。頃之。一人獻銀一封。抵償前欠之外。尚有餘銀。以濟貧乏。臨終之夕。室中地震。終後。奇香滿室。時天主降生後四百三十一年。士民朝墓求恩者。皆得其所願而去。

宜行之德 愛人

聖思 一。保里諾聖人。甘爲奴僕。舍己從人。可爲全滿愛人之本意。汝今不能舍己。亦該如己。請問汝平日。不望人幫助麼。不想人安慰麼。不求人救濟麼。不喜人獎譽麼。既說愛人如己。爲何不如此待人。還要毀謗人。妄証人。疑惑人。議論人。豈他人俱該以愛己之愛愛我。而我不必以愛己之愛愛人耶。稍有一體同仁之念者。必抱慚無地矣。 一。愛人有形有像之身。既爲好事。則常生常在之靈魂。愈當加愛。你願升天。不

救別人升天。算得愛人如己麼。能救別人升天。而偷安躲懶。置之弗問。就保得你自己。能穀穩妥升天麼。一各人皆爲天主之像。耶穌受苦受難。爲救個個人。公而不私。汝之愛人。亦該效學耶穌之公愛。若私而不公。即係本性之愛。與天主無干。聖保里諾隱藏主教之尊。爲人賤役。救出一個不會識面之人。因此一人。現有天主之像。故不看人情。不計事業。惟看肖主之靈魂。情願鞠躬盡瘁以救之。如此愛人。纔顯得是至公之愛。如此公愛。纔顯得天主教。爲至正之教。汝非教中人耶。會有此公愛否。

### 當務之求 爲溺愛者

祝文 懇祈全能天主。爾聖保里諾精修主教。每年瞻禮。加吾心虔而體安。爲爾子耶穌基利斯督。亞孟。

## 廿五日聖后阨都爾大 童身

警言○爾願登天國高處。當自處於現世之卑賤也。聖若望金口

聖傳○聖后阨都爾大。係熱爾瑪尼亞國王之女。自幼德名遠播。昂利亞國王。賢而未娶。俯允羣臣之請。遂納聘焉。大婚禮畢。聖后極言童身之美德。王與后。均定志守貞。相親相愛。同於兄妹。越十二年。聖后去國情深。遠離宮禁。至一修女院。日只一餐。衣皆苦服。每夜子時至味爽。不斷默想神工。如此七年。蒙主默示。預知升天不遠。頸上忽發一癰。明知終於此病。然不辭痛楚。聽醫割肉剖肌。向旁人曰。余幼年佩帶項圈等。天主仁慈。以此小苦補贖。可免煉獄之刑。去世後。謹遵遺命。葬於本修院之聖地。時天主降生後六百八十年。歷十六載。院長以聖后德

位並尊。不當隨眾葬埋。欲易棺改葬。卽得精細大石。雕琢爲棺。四面鏤刻玲瓏花草。華美非常。棺旣成。刨開舊墓。地潮木爛。聖屍不染一塵。容色如生。衣俱鮮艷。頸瘡完全平復。稍有微痕而已。一時聲名遠播。奔趨朝叩之人。不可勝數。內有疾病者。莫不沾恩全愈。

宜行之德 克己

聖思 一。旣知天地之中。惟人最貴。就該克己以保其貴。不克己。不能成人。卽失其貴而同鳥獸矣。若自知貴不可失。鳥獸不可與同羣。當汲汲加工。克去獅之怒。狼之貪。狐之疑。虎之暴。鷹鷂之殘刻。犬豕之淫汚。思言行爲。俱隨正理。弟兄親友。聖愛相通。僞樂盡除。五官四體之偏情。悉化。庶幾實稱其名。不賤而貴。不成異物而成人。汝今如此否。 一。不但愛成世俗之人。首先要成天主之人。成世俗之人者。只能不失世俗。

之貴。或品格端方。或性情和順而已。若成天主之人者。不獨克去禽獸之行。還要克去世情之牽引。不獨克去驕泰歡娛之性。還要克去畏難懼苦之心。不獨遵守聖誠聖規。還要喜隨耶穌之表。一如耶穌肩負十字架赴山。奉此成法。即收成效。成效之貴。不止世俗之貴也。居天主所居之天。享天主所享之福。集古今萬國之尊榮於一身。不能比億萬分之絲毫。苟不成天主之人。如何得此成效。當知不成天主之人者。併不能成世上之人。縱然彼以爲成。虛耳。僞耳。非吾之所謂成也。何效之有。

一。成天主之人者。還不必升天後。始收成效。即在世時。其篤信。其切望。其熱愛。其勤勉增工。必與平常拜主者不同。因受恩愈重。則圖報愈深。非生前之成效耶。聖保祿曰。耶穌合於汝心。汝與耶穌。必同生死。今汝可能與耶穌同生死否。有成無成。有效無效。反求於己。最確最真。

當務之求 爲廣揚聖教

祝文 救吾者天主。聽受吾禱。吾樂爾聖后童女。厄都爾大瞻禮。望以誠心。得受訓誨。爲爾子耶穌基利斯督。亞孟。

廿四日 聖瑪爾濟亞諾

主教

此日即聖若翰保弟斯大誕日

警言 ○ 予言弗可弗驗。 聖經

聖傳 ○ 聖瑪爾濟亞諾。生於耶穌降誕後十五年。如德亞國人。父母謹遵古教。守規敬主。及耶穌傳教。閣家目覩神奇。深信爲古經所傳降生之天主。時聖人年已及冠。常隨左右。經載五餅二魚。餉五千餘人。此餅魚。即聖人所攜者。耶穌建定聖體。在旁服事。內有聖人。耶穌復活。

後亦在親炙之列。耶穌升天。聖神降臨。俱在一百二十人內。係聖伯多祿宗徒付洗。故隨往羅瑪。旋同二修士。命往拂郎濟亞傳教。一位中途病亡。聖人奔回羅瑪。聖伯多祿與以權杖而去。將杖安置亡者之身。即時復活。仍同詣拂郎濟亞。寓邸有女負魔。聖人求主逐之。又復活一大官之兒。眾皆傾心嚮化。多有毀魔像。改主堂者。邪徒懷恨。幽囚三聖。蒙主大發異光。鎖鍊自除。圈門自啟。地震雷轟。房中火發。首惡二僧擊死。人人知係天主之罰。求救於聖人。諭云。汝輩肯認天主耶穌。領洗入教。不但不受害。現死二僧。尙能復活。果然有言卽驗。二僧旣活。亦歸正棄邪。城中奉教者。十室而九。約有二萬二千人。聖人又往別地廣揚。救人不可數計。至五十九歲。天主默示終期。即會齊徒眾。訓以敬主愛人之言。言畢。降福而終。

宜行之德 默想終期

聖思 一。吾人出母腹時。個個赤身入世。到了入土坑時。又個個赤身出世。眼見如此。爲何用盡心機。聚銀錢。藏金寶。佔行業。置房田。使終時復爲離開。不能少增微樂。反多增重苦。失計徒勞。莫甚於此。若汝心不服。請將現愛之福樂。自問臨終。還能愛否。終後還能隨我否。夫彼時之不能。明明知道。且人人無不知道。而此時之貪吝營求。毫忽不肯放鬆。何異刀頭甜蜜。只顧蜜之甜。不顧利刀截舌。緊隨於後也。汝能將平安之日。俱視爲臨終。自然世間福樂。不肯動心。爲何不生此想。 一。出世能隨去者。惟有善與惡。善得永福。惡得永殃。今汝此時若死。可有何善相隨。能受永福之賞耶。若自信每日多行善事。多立神工。保無有放蕩心。驕傲心。溺愛自己之私心。從中敗壞麼。已經敗壞。所行之善。與夢無

殊。夢富者。積玉堆金。夢貴者。前呼後擁。醒時踪影全無。汝之神工。不如是麼。一死後罪惡緊隨。同你靈魂。到天主臺前審判。請問你此時。有何辯處。善行神工。盡歸烏有。歷年罪惡。纖悉不遺。在汝造罪造惡時。誰知道他後來。竟有這樣不死不滅的大神通。長在長生的大力量。隨你靈魂。永不離開。今已深知如此。何不與他早爲斷絕。

當務之求 爲亡者

祝文 懇祈全能天主。爾聖瑪爾濟亞諾精修主教。每年瞻禮。加吾心虔而體安。爲爾子耶穌基利斯督。亞孟。

廿五日 聖加里甘 致命

警言○主在爾心。物物皆飴。主不在爾心。物物皆苦。豈惟苦耶。抑

惘然喪其樂生之心焉。輕世金書

聖傳○聖加里甘。係總王公斯當定之大臣。因北鄙野兵。人眾勢強。逞雄縱害。王欲命爲大帥。時聖人未曾奉教。聞王有德貌兼全之公。主名公斯當西亞者。甚艷慕之。陳請凱旋之日。求爲駙馬。王知公主素有守貞不字之心。未肯輕諾。公主云。允亦不妨。惟將我侍前。一若望一保祿。隨往軍前。佐其不及。諸事必能有濟。王遂如其言而行。出兵後。公主朝夕祈求。望天主開恩變化。令其歸正棄邪。重靈愛潔。隨軍之若望保祿。亦從中勸引。及交戰時。我軍大敗。欲求救於邪神。若望保祿曰。我

們勢雖不敵。惟天主全能。且有求必應。只要將軍恭敬天主。定能取勝。當此力窮勢迫之時。聞此勸言。卽心悅誠服。立誓遵依。明言得勝而回。即領洗進教。言訖。見一少年壯士。手捧大十字架。命眾兵隨行。頃刻間。四圍兵馬。不知從何而來。蜂擁雲集。一齊衝突敵營。敵皆棄甲丟盔。逃生無路。只求寬宥。情願年年納貢。奉職稱臣。班師之後。聖人感恩念切。不獨真心領洗。且斷絕求親之事。更將家僕五千人。給以貲財。聽其各謀生業。又變產濟貧。棄官修道。建一旅窮大院。親身住居。管理服事。如此數年。新君嗣立。與聖教爲仇。聖人所行愛人諸德。大不合上意。差人籍沒拘拿。正欲動手。天主將所差之人。罰爲麻瘋。此人身遭魔毒。亟請於王。須強伊本身禮拜邪神。否則不能籍沒。王即傳諭。勒令遵行。如違驅逐出境。聖人即遠離此國。前往野山。王令人密隨其後。殺於山中。時

天主降生後三百六十二年。

宜行之德 平和

聖思 一。欲與人平和。先該與自己平和。和己之道。惟有甘受諸苦而已。人或以刻薄待我。我必有失利之苦。人或以強橫加我。我必有受辱之苦。人或以妄言謗我。我必有冤枉之苦。倘因此苦之來。而我心卽亂。既不能和己。又安能和人。似此艱難。乃時常不免之事。惟該想我非耶穌之弟子耶。邪魔之妬恨最深。與己不和。必與人不和。豈可因此小苦亂我之心。陷入邪魔之網。總以一忍耐敵退之。平和之德在是。愛人之德亦無不在是。一。外苦既該忍耐。內苦猶當遠離。何爲內苦。或所謀不遂。或過慮多疑。或誤招罪愆。俱屬亂心之引誘。當思天主全能全智全仁。我謀不遂。當聽天主之全能。隨遇而安。我有多疑。當依天主之全

智。置之膜外。偶然招罪。當求天主之全仁。痛心悔改。如有格外生枝。惑亂我心。即揮斥之。揮斥不去。又該想天主許來此亂。要人立功。則諸亂悉平。因天主所喜者平和。最不喜者心亂。倘此一刻。心中失去平和。當知此刻。必然心中失去天主。一。惟引汝犯罪之事。不可以平和隨之。因和人和己之故。專爲平和於天主。若與罪平和。是平和於魔鬼矣。凡友朋親戚。有害你靈魂者。均該以我之平。平彼之不平。以我之和。和彼之不和。犯而不校。羣而不流。似與平和相反。而實不相反也。蓋尊卑強弱。勢位不平。我必平而和之。不因尊強而失我之平。不因卑弱而失我之和。若善惡賢奸。只可以平和賢善。而不可以平和奸惡也。明此平和之道。既不失天主。亦能避罪。事易而效神。汝爲何舍此而弗爲。

當務之求 爲本國太平

祝文 懇祈全能天主。吾敬憶爾聖加里甘致命者誕日。賴其轉達。使吾剛健於爾名之愛。爲爾子耶穌基利斯督亞孟。

廿六日 聖若望 聖保祿 昆仲致命

警言○人情孰不欲潔其身乎。然欲潔其靈者鮮矣。可悲也夫。

聖伯爾納多

聖傳○二聖。一名若望。一名保祿。係羅馬世家。自幼熱心敬主。故總王公斯當定用爲公主之大人。聖女公斯當西亞明知二聖。德行不同。必能變化人心。故統兵之加里甘。雖求婚情切。不妨勸父允從。只命

二聖同行。自然革心向化。二聖受命隨軍。果如所命而還。仍居舊職。又歷多年。凡求救之窮人。莫不被其恩澤。總王公斯當定去世。新王如里亞諾不遵聖教。二聖退職辭歸。王命人召回。二聖對曰。時候不同。先王恭敬天主。我等効命樂從。今上背正崇邪。靈魂必遭大害。計惟有歸潔其身而已。王聞此語。又命人傳諭云。限汝十日之內。遵命回心。否則必加重罰。二聖回云。我們在此。不干王法。不犯正規。何必十日商量。一言可決。不論何刑何罰。總不肯背主偷生。此十日內。聖人變產濟貧。併物件衣裳。盡行散給。遇教中人。俱勸其堅心敬主。限期既滿。王命人擡一邪像。到聖人家。傳諭云。全汝顏面。不令往廟叩頭。特請像到家。只須汝等跪拜之後。性命家財。聲名爵位。無不保全。聖人回云。此言無用。爲國爲民之事。有命即從。爲尊邪像。萬萬不行。我們欽崇者。惟有一天主而

已。官見所言不合。依王成命。在室前空地內。掘一大坑。候至半夜。將二聖斬首。填入坑中。因怕外人惑亂。只說流徙遠方。奈欲蓋而彌彰。二聖致命後。有負魔人。自言二聖大功。加我之苦。併差員之子。亦負魔狂語。此輩無計可施。仍向二聖葬處。求之即愈。時天主降生後三百六十二年。

### 宜行之德 潔淨

聖思 一。拜天主之人。即聖神之天。當知天主生人之意。惟爲此耳。領洗時聖之。領洗後。耶穌聖體。嘗來居之。舌爲聖路。心爲聖臺。不該潔淨麼。稍有疎虞。難逃輕慢聖神之罪罰。一。聖堂。係誦經恭敬之所。非商量世務俗情也。果能保守潔淨之心。敬主愛主。時感時謝。則此身不僅塵世之堂。竟如天上之堂。人之眞福。就是天主。若我身不爲天主之天。

眼見諸福全消。諸禍盡來。不該畏懼麼。一堂中必焚香燒燭以表敬。汝身心既係敬主之堂。當知潔身爲明燭。淨志爲馨香。乃天主所享。耶穌所愛者。此中已滿耶穌之愛。必不肯再添世俗之愛。蓋兩愛不能並容。如有俗愛。決不能兼有耶穌之愛也。爲何不以潔身淨志。受耶穌之愛。而甘以世俗之愛。滅去光明馨美耶。

當務之求 爲願守童貞者

祝文 天主。爾賜我等。敬憶爾聖致命者。聖若望。聖保祿。誕日。望爾彼居永福之域。使吾偕樂。爲爾子耶穌基利斯督。亞孟。

廿七日 聖辣弟斯老 國王

警言○由輕賤世界。趨赴天國者。此爲至智。輕世金書

聖傳○聖辣弟斯老。係弘阿利亞國之王。相貌魁偉。威儀敦重。聰明才智。出眾超羣。雜務雖煩。從無舛錯。待人良善。不論貴賤尊卑。俱蒙憐惜。處身潔淨。一切淫穢污言。不能沾惹。未即位之前。早已權朝管事。既登王位。聽政理民。小心圖治。公同大臣。定聖教當行當禁之事。以身先之。爲臣民之表率。宮中即如修院。朝野臣民。無人不遵聖教。自治從嚴。待人從厚。食皆麤糲。每主日。必增一二齋期。夜寐甚稀。惟少息精神而已。雖未立守貞之願。總不會議及大婚。聞有苦難者。必施恩救濟。否則五內不寧。故無人不歡欣頌感。耶穌受難之地。時被回回侵佔。王欲

率兵征討。收回所佔之聖地。天主不准。默示終期。隨以疾崩。時天主降生後一千九十五年。訃聞。哭聲載道。通國臣民。守孝三年。不歌不樂。發引時。顯二聖蹟。一。槓夫中途力乏。柩槓憑空自行。至墓而止。人夫前後奔趨。不及其速。一。送殯內。有一人。自謂苦勞獨甚。語意不平。頃刻間。頭面歪斜。與肩併合。數日後。喪葬事畢。其人自訟不平之罪。匍匐聖墓前。悔痛哀求而愈。

### 宜行之德

#### 想天堂

聖思 一天國。乃人之本國。惟在認得不認得。不在富貴尊榮。不在聰明博學。無論何人。俱可得之。其認得之法。惟以德。行隨耶穌之訓而已。肯認不肯認。願隨不願隨。憑汝定奪。一。此天國。原非世國。又是吾人本國。則區區世國。就該以外國視之。外國之福樂。與我並無干涉。今反

愛之。是以世國爲本國。以天國爲外國也。曷不讀聖王之傳而繹思焉。有國不恃富強。在位不知尊貴。常恐世福阻撓天路。德至聖王。尙然如是。我們倒不怕阻撓耽擱麼。一。耶穌有言。天國在於人心。這就是欲得卽得。欲升卽升之聖訓。只由自己。不由別人也。金銀財寶。人能竊取之。劫奪之。四體百骸。人能使用之。殺戮之。獨有認得天堂的憑據。無人可能奪取。併無人可能使用殺戮也。這憑據非他。就是耶穌寶血。人人可得。得此寶血。便與耶穌同居本國。失此寶血。必與邪魔同居地獄。兩處吉凶迴別。永遠皆同。請汝自擇之。

**當務之求** 爲重罪不知悔改者

**祝文** 天主。以爾聖王辣弟斯老。不貴世之所貴。保全己之真貴於無窮。懇求天主。使我追隨聖表。弗顧世榮。惟務己之真貴。爲爾子耶穌基

利斯督亞孟。

## 廿八日 聖依肋奈 主教致命

警言○其刑愈劇。其信念愈固。聖基所

聖傳○聖依肋奈自幼從遊於聖波里加波之門。學道守規。因本質聰明。不多年。誠明並著。遂命往拂耶濟亞國傳教。時呂底農府主教聖拂定已及邁年。故命聖人助理。講道救人。鞠躬盡瘁。嗣聞邪魔在亞西亞洲爲害。不避艱難。崎嶇前往。迨事畢而回。聖拂定已致命升天。聖人奉命接陞。任事後。正值流離顛沛之時。觀望逗留者雖多。避地播遷者過半。聖人聚集未散之教眾。熱心者安慰之。柔弱者堅固之。所以此

方被難之人。莫不爭先奮勇。風波少息。聖人即全減本處之異端。多差鐸德。宣佈廣揚。奈平安不久。殘虐更勝於前。遇有教中人。不論大小男女。盡殺之。積屍如山。流血如河。聖人晝夜靡寧。勸人舍生取義。自己情願致命於眾人前。卒蒙天主特恩。溺死於致命人血內。年九十歲。時天主降生後二百零五年。

### 宜行之德 隨致命表

聖思 一。聖人專爲升天。無苦不願。無苦不受。由生命以至親友家產。名聲體面。無不棄絕。今汝欲得天堂。請問汝所願受者何苦。所棄絕者何物。難道聖人所升之天堂。非汝所望之天堂耶。聖人一生。情願受死受傷。受憎受辱。明知不如此。難得升天。故喜歡樂受。汝至今不學聖人之願受。不學聖人之棄絕。如何能像聖人之升天。 一。聖人以身証主。

明知此德。係耶穌最喜者。聖人捨命救人。明知此人。係耶穌寶血所贖者。仁者愛人。此爲當務。故聖奧斯定曰。拜主人。所具之信德。不離仁愛。離了仁愛。卽爲邪魔之信。一。聖人堅固之德。從耶穌之聖體。及耶穌之功勞而來。飲食能壯肉身之精神。耶穌聖體。耶穌功勞。能增靈魂之勇毅。故領過聖體。甘心樂苦而不畏苦。情願致命而不惜命。皆依賴耶穌之功勞也。汝曾有此效驗否。不獨無此效驗。恐怕告解過的罪。從新再犯。勉強立功之心。不知固守。如何可望致命大恩。該知道我們的信德。就是天主賞我們的聖蹟。此蹟在心。致命之恩。必該油然而至。因信德之總。惟一耶穌。既然如此。後來致命聖人。難道不同耶穌之表麼。彼能相同。汝心不肯相同。信德何在。若說爲主致命。係天主特恩。遇而不遇。非人力所能也。殊不知我們。雖不遇致命之恩。若肯效法致命聖人。

何必刀斧及身。血流至地。即尋常日用之間。豈少困厄苦難之事。苟能爲主樂受。無怨無尤。縱未曾致命。亦與致命相近。不致命而沾致命之功。如此便捷。爲何情願遇而不遇。

### 當務之求 爲聖教太平

祝文 全能天主。垂盼吾劣。爲本行重任屈壓。爾聖依肋奈致命兼主教轉達。得厥護翼。爲爾子耶穌基利斯督。亞孟。

## 廿九日聖伯多祿 宗徒

警言○吾友何舌何筆。能詳伯多祿宗徒之奇。聖基所落

聖傳○聖伯多祿。係聖門宗徒之長。萬世教化皇之首。溯其出身。

不過如德亞國百雜意郡中。漁人若望之子也。聞兄安德肋言耶穌即天主。同往晉謁。嗣後或遇於海畔。或遇於湖濱。時聆主訓。目覩異能。承命捕魚。魚卽滿艇。一日耶穌令二弟兄。棄漁魚之業。從我漁人。將來必受百倍之價。且得天上常生之福。二人卽謝俗從遊。惟伯多祿原名西滿。耶穌易名則法。譯以羅瑪音義。爲伯多祿。包含盤石美基之意。耶穌曾向眾徒云。爾等以我爲誰。聖人回云。爾乃基利斯督。天主之親子。耶穌曰。此係天主父默示者。吾將於爾石上立聖教之基。托爾天門之鑰。故特改名以表之。時聖人之婦已亡。岳母尙存。臥病不起。聖人請耶穌往救。命愈卽愈。眾徒中。不明主訓。有他往者。聖人篤信最深。嘗曰。吾將何往。惟樂聞我主天上之言。不厭不倦耳。眾徒渡海遇風。舟幾覆。聖人聞耶穌聲。忘其爲海。舉步趨迎。中流心動。大勢將沉。耶穌援之以手。風

平浪息。聖人於大博山。見耶穌身光如日。衣白如雪。從者三徒。獨聖人  
不甚昏仆。耶穌於受難之前夕。行濯足禮。先及聖人。固辭不獲。濯畢。又  
首受聖體聖血之恩。行際。聖人毅然以致命自任。耶穌曰。今夜雞鳴二  
番前。汝必三番不認我。及期果然。耶穌回目顧盼。聖人猛省自懲。每夜  
雞鳴。痛而泣悔。終身如是。流淚成槽。耶穌復活後。聖人領受訓言。寵眷  
非常。耶穌升天後。天主斯彼利多三多降臨本日。聖人倚賴寵光。卽勸  
化三千餘人。從此日增月盛。不久。便逾數萬。堂外一跛人求乞。聖人曰。  
我無財物施汝。以所有天主之恩施汝。口呼耶穌聖號。跛人應聲而起。  
行走如常。一時口碑載道。遠邇聞傳。凡聾瞽痿痺。癱癩負魔者。俱俟於  
道旁。聖人經過之時。被於影下。無患不除。聖人乘機宣諭曰。此惟吾主  
耶穌聖號之能。與我無干。由是聖化大行。古教私懷嫉妬。聖人撫慰諸

徒當情願以被辱爲榮。聞撒馬里亞郡。教理未明。聖人親往其地。闡發精微。復從如德亞本國。沿及鄰邦。處處除疾驅魔。勸善懲惡。自近而遠。俱收易俗移風之效。最著者。里大府中。一人癱瘓八年。聖人呼之即起。若伯府中。一大德孀婦。達彼答病亡。教中依依不捨。蒙聖人復生之。往來年餘。還歸協路撒稜。與諸宗徒會議。公定十二信經。分方而往。聖人所去之國。曰潘篤。曰加辣濟亞。曰彼弟尼亞。曰厄日多。曰亞西亞等諸邦。五年後。屢至諳弟阿紀亞郡。定居立座。凡七載。所冒苦楚。所化士民。不可勝數。奉教人。稱基利斯當。從此地始。至今嘗言此郡。大有功於世教也。時如德亞國王黑落得。曾聽匪言。殘殺宗徒雅各伯。復聞聖人爲聖教總領。拘囚處決。天主特允輿情。遣天神開獄出之。仍避於諳弟阿紀亞。側聞羅瑪京都。異端蜂聚。聖人率友而前。中途即多信者。抵都羣

受福音。乃選擇賢能。因才器使。經營佈置。卓有可觀。是故大可久之基。當時卽推羅瑪。不顯丕承之業。後賢首重聖人。惟如德亞原從古教。所行割損牲祭等規。若輩不知革故鼎新。彼此紛紛不決。適聖人因羅瑪離亂不寧。避歸協路撒稜。共同討論。分別古今沿革之大經。羣疑始熄。頃聞羅瑪來一大異端人。亦稱西滿。朝野以天主敬之。此人曾於別地。屢被聖人驅逐。今乘聖人他往。遂入都肆害。自恃神符靈咒。或驟發風雨雷霆。或招引蟲蛇鳥獸。或釋囚毀獄。或駕霧騰雲。或履火不焚。履水不沒。或塑像自能行動。入房不用開門。種種怪異多端。人人被其蠱惑。聖人亟束裝往辯。毫無忌憚。聖人曰。汝旣結好邪魔。不通正道。空言無益。請取一死屍。誰能復活。誰爲正教。眾果以屍來。妖人念咒呼魔。只能微動。聖人祈主未完。屍卽翻身而起。或行或立。或語言。眾皆悅服。妖人

慚甚。揚言汝輩棄我而從野老。我於某日升天。降災以苦汝輩。至期。妖人乘雲直上。眾咸驚異。聖人祈主降佑。妖人頓失羣魔之力。從空下墮。足斷神昏。邪黨擡於城外。次日。重傷身死。稍知正教者。俱頌美不置。奈國王深信妖人。不勝軫恤。又有貞女。國王百計不從。誣以死罪。後知此女。受教於聖人。國王更加忿怒。同友預知其情。哀求聖人潛遞。初原執意不從。因眾人悲號迫切。勉強出城。遠見耶穌對面而來。聖人向前迎問曰。吾主何之。耶穌曰。此去爲再釘於十字架。聖人默諭主恩。回告於眾曰。主命不可違。致身吾之願。復以困守聖基。不辭苦難。勉勵之。捕差突入。拘送獄中。聖保祿先聖人而在。志同道合。勸化甚多。獄卒弟兄。俱蒙聖化。驅魔療疾。必得所求。歷九月餘。枉刑擬死。先加笞杖。後服終刑。聖人受死之地。原名金山。一見十字架。卽叩謝欣感之至。自就架前。明

言於役曰。我不敢與耶穌一樣。求倒釘之。役竟如其所請。時天主降生後六十九年。夏至後七日。在位三十五年。葬於瓦弟加諾之淨地。迨後公斯當定始建殿欽崇。各國王侯士庶。赴都謁墓者。時時不絕。

### 宜行之德 隨伯多祿宗徒聖表

聖思 一。聖伯多祿宗徒。親見耶穌聖跡。篤信天主降生。如此數年。根深蒂固。及耶穌受難時。背主三次。論其罪。萬難或道。及聖人不敢慌。不敢怕。只迴想本來軟弱。不知謙遜。致干重罪。惟有哭泣哀號。終身痛悔。求主矜憐。總不肯有一刻失望之時。併不肯有一點失望之心。所以我們都該隨此表樣。犯有重罪。倚靠耶穌受難功勞。感激耶穌回頭顧盼。常常痛哭從前之罪。飲泣吞聲。淚痕不斷。果然如此。往者必能補贖。來者必能自新。汝爲何舍此捷徑而不爲。

一。聖伯多祿痛悔後。仍不失

爲大聖人。我們未悔之前。易知是大罪人。既悔之後。可能自信此悔。與聖人一樣麼。且聖人悔罪之年。卽建功立德之年。救人無數靈魂。受人無數苦辱。汝之功德。可如此麼。明知痛悔不如。功德不如。爲何不奮勉力行。而安心於不如。一。今日伯多祿聖人的光榮。誰似其尊。誰似其大。統萬國之帝王師相。白叟黃童。凡沾天主之恩者。人人崇奉之。跪叩之。因聖人已升天堂。可用得天主的全能。故有此光榮尊大。爲何不變罪人而爲聖人。

當務之求 爲教化皇

祝文 天主。視爾宗徒伯多祿致命寶死。使今日爲聖日。懇祈爾。教會既因彼始興。幸於凡事。遵守厥戒諭。爲我等主耶穌基利斯督。亞孟。

## 三十日聖保祿 宗徒

警言○保祿大聖人之聖。比之大海猶不及。其言行。其功績。更廣

長高深也。聖基所

聖傳○保祿聖人。係如德亞國達爾西郡世家之子。幼承賢父師之教育。無書不曉。惟拘守古規。不信耶穌新教。希圖剿滅聖門。耶穌親臨指示。聖人始惶懼歸誠。退悔三日三夜。受洗於亞西尼亞之手。詳見第一編第二十五日歸化傳中。聖人歸化後。即於大麻斯各府。明證天主降生是真。土人惡其前後不同。謀殺之。門弟密藏於竹簍。深夜縋城而出。至協路撒稜。諸聖徒不納。幸有巴爾納伯。幼與聖人同受學於賢師加瑪禮之門。始通達其情。引入宗徒之列。又因如德亞人。仇恨甚深。

避往達爾西本地。不數月。同巴爾納伯往諸弟阿紀亞。數年之中。化人  
千萬。隨赴知伯肋島。有異端人罷留。阻官歸正。聖人嚴飭之。立命雙目  
失明。官與閤族。俱棄邪信主。旋詣利斯弟府。遇一跛人。乞食路旁。聖人  
命之起。且立且行。眾以聖人爲天神。聖人曰。我與爾同爲人類。所當敬  
當謝者。惟吾天主耶穌也。其時嚮化善民。比肩接踵。忽聞讐從外至。聖  
人辭友他行。入斐理丕府。一婦負魔惑世。專洩隱情。主人大獲其利。一  
見聖人。即云。此非俗人。實天主聖徒也。聖人知其爲魔。逐之。婦若再生。  
感激天主。主人頓失其利。誣告於官。即重笞之。收監鎖禁。入夜地震。獄  
門自開。刑具自脫。獄卒恐眾犯俱逃。自求一死。聖人大呼曰。眾人皆在。  
請爾寬心。役卽叩感。聖人乘機講解。引入聖門。官奇而釋之。偶在夜中。  
講道於多亞得郡。一童熟寐。從高樓上。墮地而死。聖人懷抱良久。呼耶

耶穌聖號。幼童復活。並無傷痕。眾皆心悅誠服。獨如德亞人。每圖陷害。逼勒問官。置之死地。官以解京卸責。是夜。耶穌於獄中。顯容慰諭曰。毋懼毋憂。汝赴羅瑪。卽有證我教者。次日。登舟過地中海。遭風飄入島畔。人雖不傷。全舟盡沒。島民留入室中。燃火禦寒。薪內忽出毒蛇。傷及聖人之手。聖人將蛇焚死。自當日至今。島中有蛇無毒。地主之父。病瘋已久。聖人一顧卽除。四方有疾者。聞名踵叩。莫不遂其所求。挈伴抵都。羅瑪總王擗落。與聖教不合。官將聖人羈留之。越二年。被放出都。巡遊屬郡。及拂郎濟亞。以西巴尼亞諸國。歷八年餘。仍入都門。慰顧賢徒聖友。創垂大業。鴻基適宗。徒伯多祿亦至。協力贊襄。王聞教化廣揚。懷疑拘捕。聖人雖在獄中。與聖伯多祿勸引不倦。從者甚多。處決之日。先行笞杖。杖後。出城四十里外。聖人跪謝主恩。併求加佑教中。不畏世苦。寬赦仇

人。使歸正道。刀舉首落。流血白而不紅。聖首三躍。躍處永發清泉。年六十有八。時天主降生後六十九年。追溯聖人生前靈蹟。不止面諭身親。而始驗也。或發所用之巾帕帶囊等物。卽能驅魔療病。禦患救災。神效非常。至於過都歷國。不啻數百之多。被化之人。大約十萬有奇。爲義而遭窘難。未能屈指。計其最著者。受笞五。網杖三。石傷一。三次覆船。一晝夜沒入水中。幾番囚禁放流。幾番寇傷賊劫。每每吞饑忍餓。冒暑衝寒。常常露宿夜行。枕苫寢幽。因一生以苦爲樂。以辱爲榮。故終身閱歷艱難。而若爲不知者。致命後。門人殮葬聖屍於淨地。遠近士民。赴墓求恩者。殆無虛日。

宜行之德 勸化異教人

聖思 一。化人之道。必該由己及人。如太陽然。因本輪之光。滿足而不

虧。故能照臨普天之下。又如火然。因本熱之能。炎炎而不滅。始能轉寒。谷爲陽春。化人者。果然如是。何難使暗者即明。冷者即熱。今汝有化人之口。而無化己之心。有看透別人性情過失之眼。而無查考己身不仁不愛之心。何益之有。常見爲父母者。沒一個不望子孫強爺勝祖。爲師長者。沒一個不望門生青出於藍。爲何只望人學好。不肯自己學好。莫非自己情願哄自己麼。一。化人之時。莫圖己之利益。如官府勸民守法。專爲自己考程。主人勸僕善良。專望小心服事。此係求己之益。我們化人。爲顯耶穌之榮耀。不該如是。請汝自己查一查。凡遇樂行神工之時。定不得兼有此等私意在其中。有此私意。難免變德爲罪。一。化人之德。在盡心爲天主救人靈魂。眼見多少友朋。多少親戚。不知道安心本分。不明白直走天堂。思言行爲之內。明知他犯罪是真。爲何不盡心

勸他改悔。若說勸之不從。爲何不誠心仰求天主救之。只管坐而待亡。憑他下地獄。受永苦。還算得是一個有仁有愛的教中人麼。

當務之求 爲聖教廣揚

祝文 天主。視爾宗徒聖保祿致命寶死。使今日爲聖日。懇祈爾。聖會既因彼始興。幸於凡事。遵守厥戒諭。爲我等主耶穌基利斯督亞孟。

24  
311211  
(3)

下卷

聖  
年  
廣  
益

上海土山灣印書館印行

No 38

# 聖年廣益

七月初一日 聖帖禮 顯修

警言○邇殿臺。天神已立。手捧金爐。接多乳香。厥香煙。騰天主臺前。聖經

聖傳○聖帖禮。係拂郎濟亞國之鄉農。乃父耕種爲生。不安本分。嘗與匪人相近。惟母稍知婦道。撫育聖人。幼命讀書。長爲受室。但聖人決志守貞。因婚配不能自主。不得已。於娶後。私向新婦。告以衷情。豈知新婦轉生招憎招嫌之想。時出怨言。聖人目擊情形。陳明於主教。主教命向新婦明說。獻身於天主。後來必蒙天主賞賜大榮大福。聖人遵命而行。天主開明新婦。卽時允諾。各守貞修。時聖勒彌正在主教之任。聖

人慕名往謁。聖勒彌留學讀書。勉修諸德。聖人努力苦攻。不數年。學業有成。授鐸德權。聖人滿想僻地靜修。構屋深山。棲身一載。隨出山。周歷鄉莊。引人歸正。一心專以救父之失爲首務。後來父與岳父俱歸聖人修院。從此聲名四達。本國王病目。諸醫不效。請聖人到都。聖人伏地求主。求畢。將聖油畫十字於眼。眼病卽消。國王加恩優待。賜予甚隆。概辭不受。仍回原棲之所。患病來求者。無人不沾活命之恩。越數年。公主病重將危。特請聖勒彌到京。因病弗往。轉命聖人代行。行至中途。公主已經去世。王卽遣官沿路趨迎。止其前進。聖人云。我有主教命。必該到都。既至。在公主柩前。跪求許久。命開棺。將聖油敷於五官。公主卽開目。曰。因聖帖禮功勞。天主賞我復活。國王國后及宗室侍臣。見此大靈跡。廣揚天主光榮。感頌聖人大德。通國咸仰慕之。聖人卽因身病轉救靈魂。

引入改過。引人愛主。未幾。仍回舊院。又越數年。預知終期已近。備行臨終禮典。瞑目而逝。時天主降生後五百三十三年。國王聞聖人去世。親率大臣。臨喪敬禮。三主教。經營殯葬。無數聖蹟。表揚聖人之盛德奇勳。

宜行之德 效法天神

聖思 一。天神常順主命。所命之事。不拘大小尊卑。精粗遲速。常常平和。因一心只知全遵天主之意而行。不管己之得意不得意。故從無一事一時。失去平和也。汝能如此。或得所願。或不得所願。惟知有天主之意。心內自然平和。爲什麼將多少不如意之事。擾亂於心。當知道這不如意之事。決不合天主之意。奈汝心不肯順從天主。而反欲順從自己。恐怕事事不得平安。時時不得和美。 一。至潔至淨之天神。雖在污穢人之內。常常潔淨。汝知此潔淨。從何而來。因天神之本性本心。定於順

命故也。汝心順命。亦能如此。雖在塵凡。容易常存潔淨。再如救人靈魂。爲何諸事中。最爲緊要。因係廣揚天主之光榮。所以不容遲緩。若無光榮天主之事。不肯自招凶險。惟保全自己之潔淨而已。潔淨者。必平和。汝之本性本心。果能潔淨否。一天神管顧罪人。亦如善人。管顧貧賤人。亦如富貴人。爲何我們不如此愛人。較論窮富。還較論尊卑。分別善惡。還分別智愚。就是一樣的人。而彼此之禮貌不同。就是一人之身。而前後之親疎迴別。並不像天神的一視同仁。如何得有天神之潔淨平和。當知罪人。亦係天主所生。與汝同類。愚人窮人。亦是一樣。爲何不愛。爲何不盡心管顧。我們待人之道。不必他求。只要像天神待你。便稱愛至而仁全。聖奧斯定曰。天主降世成人。惟望俗人爲天神。

當務之求 爲亡者

祝文 天主。以爾聖帖禮。每年瞻禮。樂我等。懇祈爾。吾旣慶厥誕日。幸師厥功勤。爲爾子耶穌基利斯督。亞孟。

初二日 聖伯樂瑟削 聖瑪爾弟尼亞諾 致命

警言 ○爾等眞福已近。 聖經

聖傳 ○聖伯多祿宗徒。旣罰妖人西滿。王即遣官拘捕。與聖保祿宗徒。同禁於監。守兵內有二人。一名伯樂瑟削。一名瑪爾弟尼亞諾。見宗徒靈跡。蒙天主默佑。向宗徒云。我們奉差看守。已九月有餘。大概國家事故甚多。無人提起。不妨隨便出監。今所求者。我兩人情願歸正棄

邪。領洗入教。二宗徒云。因見我們所行的聖跡。要奉我們所傳之教。若果能信天主降生。受苦受難等緊要之務。你們亦能仰邀聖寵。顯蹟化人。同在眼前者。俱一齊跪求領洗。而二聖尤爲懇切。然爲何遲滯不行。此監禁犯人之處。在石山上。監中無水存留。出監取水又難。此時聖伯多祿憐念二聖。志切情真。卽於石上。輕輕一擊。清水竟隨擊處。源源而來。從當日至今。取之不竭。是日。共付洗五十七人。官拘二聖。問曰。我聞汝奉了外國的教。不遵王法。背叛原奉之神。是何道理。須速改圖。二聖回云。從前不知真假。悞聽人言。今明知天地萬物。只有一個大主宰。信之必得永福。背之必受永殃。所以無煩再問。寧遭萬死。不能改我奉事天主之心。雖有酷刑。不能反我棄絕異端之志。官知無益。命掌嘴落齒。逼令跪拜邪神。二聖不但不從。還背着邪神。與官分辯。官怒。先用夾

棍。後用燒紅鐵板。赤身受烙。二聖視之如飴。朗誦聖經以謝主恩。從旁  
眾人內。有一教友。大聲安慰云。耶穌之人。不怕世間苦難。不久可得永  
遠無窮之賞。刑役曰。若肯遵依國法。就息此苦災。全生保命。二聖云。你  
們不知此苦之樂。故出此言。請任憑加苦。汝苦愈加。我樂愈甚。何懼之  
有。正在用刑之間。官之左眼忽盲。暫命收監。越三日。官竟負魔而死。其  
子以殺父叩闕。王命近臣。將二聖斬決。時天主降生後六十八年。

宜行之德 隨聖佑

聖思 一。無數人。不知自己的來踪去跡。不明天主的救贖生存。不信  
天堂。不怕地獄。獨汝不然。事事無不詳明。非天主之聖佑麼。猶未已也。  
心存多少好意。耳聞多少好言。幾次告解時。定心悔改。如此多多的聖  
佑。時時不斷。爲何不隨。一。無太陽。不能行世上之路。無聖佑。不能行

天上之路。若得聖佑而不行。又何異日色已高。而安眠未醒。有何用處。今日熱心恭敬天主。定心改過遷善。明日的熱心定心。可能一樣否。再一年半年之久。亦能如一日否。樹受春生之氣。必然綠葉青枝。若不續以夏秋之氣。豈能開花結菓。汝有一日之熱心定心。而無明日之接續。非卽無花無菓之樹耶。既然後不如先。可望升天麼。一。辜負天主之聖佑者。不能不受天主之義罰。天主預備賜你之聖佑。不得不留與別人。亦如樹然。只有枝葉而無花菓者。或斫爲薪。或燒爲火。不使其白佔雨暘地脈之滋膏。樹遭斫伐。人尙惜之。且或憎之。已有靈魂而被天主斫伐。反不知自惡自憐。哀哉。眼見多少人。不隨聖佑。斷絕後恩。汝若未曾失望。還有升天之想。這就是將斫將燒。而釜斤未及之憑據。乘此一線生機。痛悔前非。勉行後效。必不致爲薪爲火。汝今如何。可懼也。亦可

後憂也。

當務之求 爲犯罪改悔者

祝文 天主。以爾聖伯樂瑟削及瑪爾弟尼亞諾致命之光榮。我等依  
賴聖恩。得厥護衛。懇祈爾。俾我等。仰瞻遺表。追隨恐後。望其欣然轉達  
於吾主之前。爲爾子耶穌基利斯督。亞孟。

初三日 聖賴蒙多 顯修

警言○若受人証。天主証尤大。 聖經

聖傳○聖賴蒙多。係拂郎濟亞國多羅撒府人。自幼端方古執。不  
與羣兒同嬉戲。方在孩提。卽能習誦天主聖經。用心敬主。及讀書時。早

有守貞之願。又恐不能。勉依父母之命。隨俗成婚。越數年。其妻病故。遂定志不復續絃。圖修克己潔身之德。苦服嚴齋。父母去世後。遺產甚豐。聖人只留養贍之貲。餘皆週濟貧病人。且建一大院以居之。因地起息。生生不窮。現在患疾之貧人。俱有依賴。後來亦能垂久。卽此一事。足見聖人有守有爲。佈置咸宜也。聖人卽常居院內。晝夜辛勤。飲食醫藥之類。必親身照管。苦者慰之。愚者引之。忿怒驕矜者。勸解之。在院服役之人。莫不盡心竭力。以全形神之工。見於外者。如此周詳謹密。藏於中者。更加日新又新。特授鐸德之權。旣登神品。愈切神工。事主事人。終於此院。時天主降生後一千一百五十九年。

宜行之德 讀善書

聖思 一。不該看無益之書。因內必有害。且悞光陰。又助邪魔引誘。你

從前爲看閒書。白費光陰若干日。害過靈魂若干次。還不早早斷絕。喜歡留在手中。豈邪魔無法誘汝。故借此幫助他麼。一當知誦經時。是你與天主說話。看聖教書。是天主與你說話。既然如此。你與天主說話。固當小心敬謹。天主與你說話。更非尋常小事。尤當十分鄭重。如看聖經。該遵行天主訓言。不啻父師之面命耳提。如看聖傳。該遵行聖人升天之路。不啻門徒之亦步亦趨。今聖經聖傳。炳若日星。汝曾看而又看否。看過之後。汝曾一字一句。遵行毋忽否。一良心發現。係頭等好書。因別書雖好。或不認得字。或不明文理。好亦無用。惟良心之書。無人不認。無人不明。只在汝肯與不肯耳。不肯認明。即不肯改過。若肯每日每日。常看心書。此心書上。自然寫明所犯之罪。既認明罪之重大。常以痛哭。淚洗之。告解滅之。神工補贖之。定改自新之。如或不然。到那審判臺前。

此本心書。必竟明明開看。同汝燒於永火中。又何苦此時好看。不看。挨到審判時。不得不看。

當務之求 爲冷淡者

祝文 天主。以爾聖賴蒙多。每年瞻禮。樂我等。懇祈爾。吾旣慶厥誕日。幸師厥功勳。爲爾子吾主耶穌基利斯督。亞孟。

### 初四日 聖婦依撒伯爾 國后

警言 ○訓吾儕。兇惡與世。彼已絕。俾吾居世。廉且義與仁。俟吾聖

望。即大主。聖經

聖傳 ○聖婦依撒伯爾。係亞拉翁國王之女。乃洪嘉里亞國聖婦

依撒伯爾之甥女也。領洗時。用姨母之名名之。質美性良。超越於諸孩。至八歲。即大開明悟。熱心敬主。糲食麤衣。慎言謹行。虔誦聖經甚多。憐恤貧人。甚於父母愛子之心。有財不蓄。隨手樂施。雖生長國王之家。從不肯豫遊賞玩。遣興消閒。希圖快意。惟從事於克己之嚴規。每一主日。必守數次大齋。德行不凡。人咸稱頌之。乃父每言。國家長享太平。皆此女之德善所致。鄰邦聞賢淑聲。求婚者甚多。父遂許聘於波爾都噶爾國國王之子弟阿尼削。于歸之時。都內士民。遮道扈從。如迎送大聖人。所備婚娶之禮儀。雖極其隆盛。視之如草芥然。惟修身克己之常規。豈特不因尊榮而少減。且更加精進。日必早起。誦經默想。與彌撒一臺。每七日。領聖體數次。必用四刻工夫。默想謝恩。飯後少頃。詣堂誦經。至五六刻工夫始出。在朝之婦女。欽其善表。莫不熱心敬主。聖婦尤自懼身。

居安富尊榮。恐驕奢淫佚。由此而生。故嚴行苦尅。於聖教所定齋期之外。平常一主日。守三大齋。若耶穌聖誕前四主日之內。又聖若翰瞻禮。至聖母升天。又總領天神瞻禮。至護守天神。皆常守大齋。所知之貧者。施濟之。病者撫治之。旅人缺少盤費者。量其足用以給之。真超越尋常。萬萬也。一日。照看窮人之總管。遇一求哀矜之窮人。不但分文不與。反用棍擊之。將一手打傷。聖婦聞此暴吝。除嚴飭外。卽命侍前人。取醫治打傷之膏藥。聖婦畫十字。聖號於上。向傷處貼之。其人原患麻風。次日。癩與傷全愈無痕。又一日。聖婦爲散給窮人。裙中攜帶金銀甚多。偶遇國王。問所攜何物。答云。玫瑰花。王命開視之。果係玫瑰花。鮮美異常。奇香撲鼻。因此聖蹟。王甚敬之。然嫌其克己太嚴。濟貧無度。聖婦各行其志。不因王之憎惡。減退神工。亦不因王之嫌恨。致傷夫妻之恩愛。故倍

加恭敬以全爲婦之道焉。侍前之人。有熱心敬主者。加意愛之。內有一人。更比眾不同。聖婦托其散給哀矜。行在外各項之神工。同類遂生嫉妬。日加訕詈。其人惟忍耐而已。妬惡旣深。竟有妄証於國王前者。王大怒。設法處死。即於城外燒窰處。傳一燒窰之人。密諭云。明早遣一人到汝處。問王所命之事可行否。汝不必回言。即將此人。拿入窰中燒死。不可遲延。窰主奉命而去。次早清晨。王將聖婦所用代散哀矜之人。命往此窰。問王所命之事可行否。其人行至中途。遇一天主堂。聞有鈴聲。即進堂與彌撒。連與三臺。爲時已久。王疑其必定燒死。即命從前妄証之人。往窰探聽。其人至窰。問云。王所命之事可行否。窰主見所言脗合。亟拿入窰中燒死。不移時。先遣者。方至窰問之。回云。已遵行矣。遂還朝復命。王見其人。安然無恙。驚疑良久。問曰。爲何此去多時。回云。去時路過

天主堂聽搖鈴聲。卽進堂望完彌撒。又見有神父上臺。因而一連望了三臺彌撒。此係父親臨終遺命。凡遇彌撒。不得有悞。爲此耽擱多時。王聞此語。大聲曰。此係天主的至公至義。妄証之人。現罹顯罰。明明白白。汝係好人。未幾。王染重病。聖婦不離左右。盡力懇勸。遇機會。卽提醒其料理靈魂。每言天主公義難當。到審判時。有善必賞。有惡必罰。如此勸引。惟望其臨終。可得聖寵神恩。將所行克己守齋。誦禱哀矜。各神工。俱獻於天主臺前。賜王能得善終。王崩。聖婦悲哀至極。然仰承主命。不敢過情。惟獨居室內。求主寬其罪罰。早賜升天。聖婦此時。內更守節之衣。外穿孝服。治喪已畢。克己之功。更密更嚴。每於中夜。必整衣而起。誦經五六刻。至早。連望彌撒三臺。午後至晚。非散給哀矜。卽照看貧病。若有餘工。誦經默禱。不肯有一刻閒暇之時。歷久不衰。死而後已。自知終期。

將至。即預備告解。領聖體。傅終油。禮畢。棄世升天。年五十六歲。時天主降生後一千三百三十六年。

宜行之德 不賴世福

聖思 一世福之富貴。難得。亦難守。縱使能得能守。亦不能稱真福。併不能解憂愁。又不能增學問。更不能成人品。又萬萬不能添汝一日之生。免汝些微之病。惟有一毫虧損。便加心內之不安。雖然如此。若將這世福。用爲耶穌之光榮。或借高位以勸化臣民。或因貲財而救援貧病。眼見世爵變爲天爵。世財變爲天財。種種暫時之假福。俱變爲永遠無窮之真福矣。只恐變好者甚少。變不好者甚多。一。不該靠親戚友朋之恩愛。因人之恩愛。甚爲荒唐。本來如膠似漆。忽然變愛爲仇。本來誼重情深。忽然變恩爲怨。又不該倚靠虛名美譽之流傳。因人之好惡。反

覆不常。眾口可以鑠金。是非何難倒置。更不該倚靠強健聰明之本體。因人之力量。容易盛衰。一場小病。便減精神。轉眼韶華。便成老朽。以上所言。然耶。否耶。汝若既知人與己。俱不能倚靠。應該一心倚靠全能之天主。纔能不變不改。今你之倚靠者是誰。一。世俗之事。不但不成真福。若用得不好。還壞我應有之真福。蓋人有專心向主者。從中突然散亂之。人有小心守誠者。百計千方引誘之。雖非魔鬼。實相幫魔鬼之黨。援。雖非地牢。實直走地牢之捷徑。其壞如此。有何好處。而依依不捨耶。既汝知自己應有之真福。何不將眼前之富貴功名。或善用之。或棄絕之。惟望天主之恩耶。

當務之求 爲生產者

祝文 至仁至慈天主。以爾聖依撒伯爾國后。最善最良之德。化傲抗

而爲友愛。變頑梗以法仁賢。伏求吾主。賴其轉達。俾我等生前共和於今世。死後同慶於天堂。爲我等主耶穌基利斯督。亞孟。

## 初五日 聖厄瓦略 鐸德隱修

警言○予來以活予羊。以牧厚甚。聖經

聖傳○聖厄瓦略係拂郎濟亞國人。本性善良。甫十餘歲。所行之事。即超越老成。救人苦難。勸人改過。助人德行。大能感發人心。被化者不少。主教聞此盛名。望爲輔佐。至二十五歲。累陞鐸德。授權之後。倍切懇勲。嗣因愛主之願不滿。遂入深山。以齋以嘿。以苦以祈。無一知者。數年於茲。因有幾處未聞聖教。聖人出山勸化。從此漸著德名。往來甚眾。

舊居窄隘。特增置數椽。不論尊卑窮罪。同眠同食。同坐同言。勸人以改過。痛悔爲首務。若俟臨終。卽不能補贖。如此愛人。尙招憎惡。有主教之二人。到聖人處。見留人甚多。飲食甚豐。卽枉言於主教云。人最貪饕。室如酒肆。大壞隱修之規。主教信以爲實。卽差原告二人拘訊。二人到時。只云。主教有緊要之言。聖人回云。汝二人奉差之故。我俱知道。明早同去。欸留過宿。天將昧爽。照常念經。舉行彌撒。工課甫完。請二人飲食。二人怒言申飭曰。如此早食。可是隱修的規矩麼。聖人默受不言。請一行路人同食。食畢。向二差云。攜此乾糧。途中可用。乘騎者先行。我卽後隨。未及二十里。二差口渴腹饑。內一人更疲乏。昏迷倒地。前進不能。欲少食以濟其乏。所攜乾糧。尋求不獲。沒奈何。只得坐臥道旁。以俟聖人之至。久之。聖人纔到。見此光景。婉言曉諭云。你們斷絕愛人之德。故天主

特恩提醒。言畢。聖人求主可憐。平地內。特發水泉。又給以攜來之食。二  
差豁然悔悟。向主教前自明其過。主教疑係聖人買囑。着屬員嚴審。道  
經聖堂。聖人進堂求主。施恩保全。及署。脫去外穿廠衣。掛於太陽所射  
日光之上。光本空虛。竟如竿木。端然安置而不動。官反疑爲邪術。叱云。  
你來哄我。難道不遵修規之人。天主還賞你靈跡麼。聖人曰。天主無所  
不知。我與邪魔。並無干涉。如此之事。自然係天主的特恩。若說我之所  
行。不合隱修規矩。明知德行。不專於苦難。因苦難克身之德。比不得仁  
愛救人之德。故遇有貧窮者。不得不竭力以賑濟之。語際。適有人。抱一  
新生三日之兒。覓人乳哺。官曰。汝行或從天主來。或從魔鬼來。無從徵  
信。汝能吩咐此孩。明說父母之名。我就信汝所行。俱從天主來。如汝不  
能。卽係魔鬼是真。聖人憮然不樂曰。何苦如此。我乃大罪人。安敢行此

聖跡。倘此孩說出父母之名。大傷愛人之德。官命一定要說。不然。卽是哄人邪術。聖人仰天浩嘆。向孩命之曰。我大罪人。仰賴天主聖三之名。使你明明說出你父母之名。其孩以手指官曰。這就是生我之父。若問我之母。名拂辣。謂亞。官聞此語。心內大亂。卽伏叩於聖人足下。果然我是大罪人。望你代求天主。寬我赦我。聖人對曰。你早在神父前。直言告解。如今不能彰明較著。因你不肯告解。天主特恩。有此舉動。你該真心痛悔。不可失望。若痛悔果真。必蒙天主寬赦。我今獻於天主。代汝痛悔。七年以補贖之。此官果然真真實實痛悔告解。終身如一日。亦成聖人。行此小孩說話之聖蹟。聲名大著。人人倍加敬愛。本國王欲舉爲主教。聖人一聞此意。求天主賞一大病。可免此行。主准其求。身發壯熱。如炙如焚。七年始退。王知其愈。仍欲舉爲主教。聖人回云。不久。就是我終世

之期。惟求吾王恩命。派二鐸德。助我善終。卽於本修院。告解。請聖體。傅終油。禮畢。氣絕升天。時天主降生後六百年有奇。國王率眾大臣。臨喪敬禮。顯跡甚多。

### 宜行之德 信德

聖思 一。聖信之德。往往移山平海。治病驅魔。復活死人。甘心苦難。汝今如何。一個天堂。一個地獄。每日念經。都說我信我信。恐怕是隨口之言。未必真心實信。若信。爲何不隨聖人之表。爲何不顯恭敬之德。一。有信德者。必隨吾主耶穌。與聖人德行。有信德者。必輕世上之富貴功名。必愛耶穌之艱難痛苦。必勉行天堂之路。斷絕地獄之根。聖西彼里亞諾曰。不隨耶穌行實者。非耶穌之人。卽非天主之人。一。我們心中之信。若不隨愛主愛人之訓而行。不可以言德。審判時。必定判下地獄。

是時。必有多少外教親朋。因不會沾得聖教之恩。百般指詈。何言可回。汝當反己而求。審判之日。可能當得否。

當務之求 爲聖教廣揚

祝文 天主。以爾聖厄瓦略。每年瞻禮。樂我等。懇祈爾。吾旣慶厥誕日。幸師厥功勩。爲爾子耶穌基利斯督。亞孟。

初六日聖婦我德列娃 致命

警言○今痛。乃予復來見爾。是時。爾心欣喜。爾心之樂。無人能奪

於爾。 聖經

聖傳○合二姓之好而成婚配。理當恩愛終身。然而反目如仇者亦多。惟在各人之善用。與不善用耳。不善用者。暫愛必變爲永仇。善用

者。暫仇竟變爲永愛。若只顧眼前。辜負天主玉成之恩。曷不讀聖婦我德列娃之傳而自鑒焉。聖婦原係世家。母族更稱華胄。儀容端雅。秉性善良。熱愛天主聖母之神工。不同凡眾。求聘多人。父母俱游移不允。獨允一鄰邦富貴人。豈知夫壻之性。與聖婦相反。此卽天主玉成聖婦之恩。增其艱苦。顯其忍德。以懲勸當時後世之爲婦爲夫者。溯自成婚後。聖婦事姑最孝。御下最慈。敬禮丈夫。極其謹慎。無如仇以滅愛。怨以滅和。夫之毒恨。與日俱增。姑更加功。如油入火。每言爲何要娶外國之人。難道我本國女孩。竟斷了種麼。母以此責子。子不能自安其身。常常別往。聖婦每早與彌撒。行默工後。即管理家務。教訓家人。勤事女紅。救濟窮人病人。姑見聖婦如此。亦如夫之毒恨。反以善良。轉爲惡孽。歷訴於子。夫將聖婦交與家僕。限定每日只給麪餅少許。涼水一甌。不許過此。

定數。此僕素畏主人之嚴。不但遵命無違。且頻頻侮辱。所送餅水。如飼犬之狀。聖婦明知出身世宦。不應受此欺凌。然深信苦難。就是真福。不論何苦何難。皆有天主之命。不但並無怨尤。還喜歡樂受。所得餅水。雖然甚少。尙留一半以濟貧窮。每念婚配之人。得荷隱修之苦。朝夕誦經。感謝主恩。以夫君詈罵爲好音。責懲爲教訓。怨聲爲憐愛。在彼母子之心。原欲制死以洩其忿恨。恐女家挾仇報復。故作此緩圖之計。逆料聖婦自幼席豐履厚。決不能長受艱難。少延性命。及見其久而如故。復將每日限定之餅水。減除一半。聖婦又深信養身必賴主恩。仍照舊分開一半自用。一半濟貧。但本家雖爲仇敵。而親戚鄰居。莫不敬之愛之。聖婦見毒恨日深。誠恐後來。因我一人。兩家遭害。遂聽親鄰之勸。潛回本國。父母見之。卽同聖婦。訴明主教。主教命夫同回。嗣後必須和好。其夫

口是心非。到家仍如舊法。聖婦見大勢不能保全。將生命獻於天主。自信此行。可得升天之幸。旁人有代爲理論者。俱辭謝曰。你們不可以我爲禍患。現在些微之難。實係我之造化。我今說明日後之事。居無何。天主全能。必定賞我大榮大福。在通國婦人之上。此言不久。彼子母見威逼不能速死。又惱外人誇揚。密囑二僕人。致殺之。又欲使人共知此死。與夫無涉。先一日。騎馬出門。臨行。故意到聖婦房中。口言我已痛悔前非。從此必相愛和睦。我想年來。定有邪魔誘惑。我遣老嫗到房。逐此邪魔。你不可阻擋。聖婦回云。如此甚好。但有不合正教之事。我必不從。夫即出房遠去。次早。將明未明之時。聖婦長跪誦經。二僕排闥入房。以繩爲圈。套入頸中。立時勒死。仍恐絕而復甦。擡至魚池內。沒入水中。俟熱散身寒。擡回臥榻。如睡熟一般。閉門而出。迨日色已高。不見開門。原僕

照常入看。卽大聲出戶。逢人報死。鄰里聞知。羣來觀看。頸上明顯縊痕。都想是乃夫指使。時天主欲顯聖婦德備功全。靈跡甚多。其最著者。縊死之原地。變成白玉。常發大光。鄰人將房中土塊捧回。俱成寶石。魚池之水。或飲。或敷。百病立除。墓上沾恩者。更難僕數。時天主降生後一千七十三年。聖婦升天後。夫又續絃。旋生一女。胎瞽失明。無法可醫。洗以魚池之水。陡然光明全美。與好眼相同。夫見此恩。始信先妻之聖德。悔懼交加。續妻去世後。離俗苦修。望消前罪。老姑亦回心追悔。求免永殃。似此轉移遷改。無非聖婦之忍德所致也。世之爲夫婦者。遇有艱難。果能行事不亂。甘心樂受。不獨自己成聖升天。在通國衆人之上。還能代人補贖。變慝爲良。倘因片言乖戾。各人蓄怨懷私。是天主賜以作聖之基。而自棄之耳。

宜行之德 聖憂愁

聖思 一。爲世俗事。不該憂愁。世俗的憂愁。亂心志。傷肉身。滅德行之味。爲別人憂。難而又難。爲自己憂。苦中加苦。但要不憂不愁。如何能毅。惟想此憂。若從自己來的。該當忍耐。果能忍苦耐繁。必能補過自新。若不從自己來的。這憂愁之內。必有天主聖命。又該安心順受。以望天主慈恩。一。爲自己之罪。該常常憂愁。悔罪的憂愁。必滿心志之樂。而不能亂。必壯肉身之勇。而不能傷。且增添道味。而不知厭倦。何故有此效驗。因我們一日之內。罪多功少。積至死候。天主或愛或惡。未能逆料。常存此想。自然憂慮難安。當知真樂。竟在此真憂之內。倘以世間之假樂。消此真憂。則將來之真樂。有何放心着脚處。可穩妥到身。一。既知真憂愁。可得真福樂。難道不該憂愁麼。既知真福樂。就是聖福聖樂。難道

這真憂愁。不是聖憂聖愁麼。犯罪之憂愁。雖痛悔已經幾日。告解已經幾次。惟知不足。不知太過。所以每日之間。無一刻。不該謹防罪染。無一罪。不該痛悔。無有痛悔之罪。不該告解。無有悔解之罪。不該常常補贖。宗徒伯多祿。聖婦瑪大肋納。哭罪至死。地獄雖勝於火海。當他不得。聖憂聖愁之淚。竟能完全撲滅。今汝之憂愁。汝之痛淚。可能亦如前聖。撲滅本身之獄火否。

當務之求 爲婦人苦難

祝文 天主。爾德能靈異中。不棄弱女輩。賜致命者榮勝。懇祈吾等。慶爾聖婦我德列娃誕日。因其遺表。躋爾臺前。爲爾子耶穌基利斯督。亞孟。

初七日 聖亞理肋 主教

警言○天主平和。超越諸司。幸持爾心爾明。於耶穌基利斯督我等主。聖經

聖傳○聖額我略都隆著述聖亞理肋老年行略。內云。良爵主教升天。眾人公舉亞理肋接任。秉政之後。德聲遠播。時總王之女。負魔甚重。差員馳請赴京。聖人入見。王以逐魔之事求之。聖人即退回邸舍。是晚。誦經祈主。次早入朝。命邪魔遠遁。一言立愈。王欲厚贈金銀。多少悉如其願。聖人惟思利眾。不願利身。固辭勿受。只求本地居民解運之酒與麥。折銀上納。以免車脚之艱難。王即俞允。給以官憑。回至中途。因年老力衰。寢疾而終。時天主降生後三百八十五年。護送人等。將聖柩昇

至本地安葬。墓前聖跡甚多。聖額我略都隆。又云。我在少年時。患病將危。諸醫無術。蒙天主默啟。擡至聖人墓前。求聖人轉求天主。若病愈之後。情願至死。一心爲主。棄絕俗緣。以顯聖人推恩救濟之光榮。祈禱甫完。就覺全身輕爽。未及到家。病根悉愈。舉此一端。足見聖人成人之美。沒世不忘也。

宜行之德 先事籌畫

聖思 一。世俗之事。未能預先籌畫者。心中必致擾亂。若果運籌區畫。則事事有條有理。決不能亂心。聖教之事亦然。人能預備己心。順受天主之賜。或苦或樂。莫不心定神安。亦有功勞。汝之行事。可曾如此否。一人爲何事事犯罪。皆因不曾預先籌畫。故得罪天主之事甚多。如向人說話。該重該輕。該詳該略。早有成見在心。則所言自無悖理妄談之

處所以一日之事。早晨必該籌畫。明日之事。今日必該籌畫。若說到死後之事。生前更該上緊籌畫。常想天主。在不離心口。事事難隱絲毫。後來審判。至義至公。至嚴至察。具此籌畫。誘惑雖然利害。容易退除。一。還該籌畫該做之善功。請看做買賣的。必先籌畫如何可有利息。種田地的。必先籌畫如何可望收成。汝既爲奉教之人。爲何不先籌畫。如何纔得升天。如何可做聖人。汝也會說今日悞了什麼神工。也會嘆一日不會做一點爲天主之事。若汝每日每日。不斷不斷的打算。或愛人。或克己。或辦理教中公務。奮發有爲。爭先踴躍。自然無空過之日。而所算俱成聖算矣。今汝於俗算。必周詳而慎重之。於聖算則苟且而忽畧之。請問天堂之上。能容汝苟且忽畧之人否。

當務之求 爲罪人改過

祝文 懇祈全能天主。爾聖亞理肋精修主教。每年瞻禮。加我心虔而體安。爲爾子耶穌基利斯督。亞孟。

初八日 聖伯祿各伯 致命

警言 ○ 導人以受痛告聖洗。洗除夙污。 聖經

聖傳 ○ 聖伯祿各伯。係協路撒稜府中第一家顯宦之子。其父原信天主。不幸早亡。母名德阿多西亞。未遵聖教。佞事邪神。伯祿各伯原名擗擗。從母事邪。及長。母特引見總王。奏稱此子。不敢誇其才智。惟有欽崇國教。最爲真切。王卽留爲侍衛。未幾。亞肋桑德里亞府缺員。即將

伯祿各伯補授。命到任後。必全滅天主教。伯祿各伯回云。素聞此地。奉教人甚多。防有變亂。乞帶兵二千名。王竟准其所請。時當酷暑。乘夜前行。猝然地震大雷。全散所帶之兵。從空發聲。呼名問曰。汝往何處。欲害何人。回云。我奉總王命。往亞肋桑德里亞到任。滅天主教人。又發聲曰。據你所言。就要滅我。回云。爾爲誰。我不曾認識。語際。又顯一水晶大十字架。耶穌釘於架上曰。我爲耶穌基利斯督天主之子。如此受苦受難。補贖萬民之罪。伯祿各伯云。我聞總王說。天主教拜的天主。沒有女人。怎麼你爲天主之子。既是天主子。其尊高榮顯。無可比擬。何能受這樣苦。釘死十字架。吾主耶穌此時。如變化聖保祿宗徒一樣。頃刻之間。看明超性之理。豁然大悟。正因心悅誠服。俯身跪叩。影響全無。行至前途。遇一府城。覓打銀匠。照所見之十字。用銀打造。其實所造者。不過一橫

一豎。四面平光之十字而已。及打造已成。聖人捧入手中。其十字架上。明顯耶穌苦像。像旁左右兩天神竦侍。聖人感此大恩。心熱如火。隨身恭佩。時刻不離。至協路撒稜地方官。出城迎接。禮貌甚隆。越數日。地方官向聖人言及亞辣彼亞國人。常到鄉邨。搶物劫財。爲民大害。若仰仗明威。拔除此患。大有益於地方。聖人倚賴本身。佩有靈奇之十字。卽帶兵交戰。殺死敵兵六千餘人。追奔逐北。大獲凱旋。本營不傷一卒。朝野共嘉美之。聖人明知天主大恩。惟母尙在異端。亟云。汝今建此奇功。當先謝國神。聖人回云。與此邪神無涉。我之得勝。係天主耶穌庇佑之恩。當敬當愛。母曰。你竟故違本國之教麼。聖人曰。土塊木頭之死像。不能聽人之求。不能救人之患。隨將家中所供之像。盡毀棄之。金銀鑄造者。槌碎散給窮人。母見此行。怒從心起。直赴總王首告。總王慰諭云。你且

放心。必能悔改。卽命本地方官。嚴拿究問。如不肯改。追奪官憑。革除官職。動刑處治。此命付母賚回。官卽往宣王命。聖人就將自己官憑。從容交出。曰。隨便聽用國刑。不必望我改心。官遂鎖拿至署。赤體鞭答。血飛肉爛。旁觀之人。見如此富貴子孫。現居顯職。又與民除害。忽遭苦辱。至於此極。不覺哭聲載道。聖人諭云。你們不該哭我。該哭自己。我受此艱難。可得無盡無窮之福。你們若不改邪歸正。只想眼前安樂。必受永遠無窮之苦。答後收監。獄司名德楞爵。感恩圖報。預備一潔淨地方。半夜。有二天神來賀。聖人問是誰。天神曰。我是耶穌差來的天神。聖人云。我係大罪人。耶穌基利斯督。肯差天神來。我不能信。若果是兩位天神。現有耶穌聖像。可跪下。畫十字聖號。恭敬之。天神就跪拜。畫十字聖號。甫完不見。聖人心中自覺非常大樂。當此感激懼怖之時。仰見吾主耶穌。

親臨洒水。易名伯祿各伯。遍體重傷。立時全愈。多人見此神奇。蒙天主開心。俱信天主。官尤怒甚。將聖人送至邪廟。命拜邪神。聖人步入廟中。當無數眾人之前。向三十座邪像。舉手畫一十字聖號。邪像盡化爲水。一轉瞬間。變爲空廟。有武弁二員。同所轄眾兵。莫不傾心信認。領洗入教。官知此變。勒令弁兵反背。弁兵寧死不從。卽斬首致命。又有十二位世家尊貴之婦女。心內愛得致命大恩。向官明說。都是天主教。官命收監聽審。次日劇刑拷打。眾婦以受苦爲報恩。不悲而樂。聖人之母。覩此堅心。必因聖人之祈求。幡然悔悟。明告於官曰。我先錯甚。今日擊心維。我兒所認者。真真實實是降生之天主。從此以後。我亦信認欽崇。官想此言。恐爲救子而設。百般引誘。難變其心。暫同眾婦收監。聖人見母心歸正。棄邪。喜出望外。遂通同司獄。請一主教進監。與母親及自己併眾

婦付洗。次日。官先提問聖人之母。轉展不從。官之暴怒。猛如獅吼。先掌其嘴。齒落唇崩。繼復協同十二位婦女。一齊斬首。斬訖。官語聖人曰。你這樣行事。害己及母。兼害眾人。聖人曰。不惟無害。且蒙大利。我母先在地獄路上。如今離了地獄。直升天堂。享永遠之福。不是真孝麼。官命鐵爬打嘴。臉齒全傷。聖人毫不介意。官受天主嚴刑。身遭熱病。兩日暴亡。時聖人監候獄中。勸化許多監犯。新官到任。好言慰問曰。我不想你聰明人。行此糊塗事。你敬的天主。生於女人之腹。死於眾人之手。受苦於十字架上。可是如此否。聖人回云。原是如此。因天主降生。取人性以合天主性。一性是無始無終。不死不傷的。一性是有始有終。可受苦受傷而死。我等世人。皆爲原罪所壞。惟此苦難。方能救贖等語。官無別言再辨。只云。不必支吾。一定要敬拜國神。否則照前處治。聖人曰。汝等所敬

者。非神也。不過土木金銀之物件耳。敬此物件。有是理乎。與其用此金銀。鑄造假神。引人背叛天主。何如用此金銀。助救窮人。官大怒。將自身佩劍。付一勇兵。立命戮死。此兵捧劍向前。驟然倒地。官亦發昏。不得已。仍送監中。越六日。帶出。縛手高懸。棍鞭如雨。流血處。以鹽擦之。聖人向官大聲曰。如此兇狠。你想害我。大錯了。加我的苦。是加我功勞。加我真福。故外身愈苦。內心愈樂。你若知道此中樂處。巴不得情願到身。官將邪像前所燒火炭。命置聖人手內。若此火落地。就算背叛天主。敬拜國神。聖人掌火不動。惟仰天流淚曰。感謝天主大恩。增余力量。能受苦勞。收我靈魂。不能犯罪。官笑曰。你果喜歡受苦。爲何下淚。聖人曰。此淚並非爲我。可憐爾等之靈魂。不久。就受天主永遠無窮之顯罰。隨解赴法場。聖人爲自己本國本城。跪求主佑。信主棄邪。求完斬決。時天主降生。

後三百八年。

宜行之德 想領洗之恩

聖思 一。汝當領洗之先。曾許與天主。嗣後不從邪魔。不願世俗。不聽肉身情願之事。今自領洗以來。未反此所許之言麼。領洗後。即爲天主之子。若犯有重罪。即爲邪魔之子。汝今願從耶穌耶。願從邪魔耶。若願從邪魔。請問受苦受難。救你贖你者。是誰。無盡無窮。賞你真福者。是誰。凡服事邪魔者。事事必皆悖理而行。又無指望。凡服事耶穌者。處處莫非真理。又得永遠之榮。爲何甘心犯罪而從邪魔。自背領洗時之所許。一。領洗之時。天主恕爾原罪。亦免爾本身先犯之罪。今自領洗以來。怎麼樣。沒犯重罪麼。若未犯。此係天主大恩。宜感宜謝。更宜小心謹慎。若或犯過重罪。該當痛悔。該當哭告。因悔告之淚。能消本罪之罰。一。

領洗之後。身披白帨。手持光燭。且祝云。潔淨常如此帨。光明常如此燭。今汝之潔淨若何。光明若何。所言所行。像天主之人否。外教異端。知道是拜主之人否。

當務之求 爲新領洗者

祝文 懇祈全能天主。吾敬憶爾聖伯祿各伯致命者誕日。賴其轉達。使吾剛健於爾名之愛。爲爾子耶穌基利斯督。亞孟。

初九日 聖女亞納多里亞 致命

警言○基利斯督言。充盈汝等。於諸知者。交相誨勸。 聖經

聖傳○聖女亞納多里亞。係意大里亞國人。見聖教時遭毒害。心

中情願致命。常常誦經祈禱。求得此恩。勤行各樣善功。值地方官之子。負魔甚重。口中常說亞納多里亞。爲何燒我。聞者俱不能解。父將其子。送往各廟。求神驅遣。並無效驗。回家時。路過聖女之居。不遠。即離去。隨從人。擰開鐵索。奔至聖女前。大喊曰。就是你每日誦經燒我。聖女端然不動。只吹一口氣。諭云。我命你邪魔出去。留此人與我。魔即遵諭遠離。父母見子回家。問其退魔來歷。知係聖女大恩。多備金銀。踵門叩謝。聖女不受。惟曰。若依我言。該散此金銀於窮人。你們也該恭敬耶穌爲天主。不然。身後定受無窮之苦。及是時。求救之病人接踵。聖女均痊愈之。惟云。該信天主。奉耶穌之教。邪黨見信從者甚衆。陳明總王。王即遣官強拜國神。不然。真之大辟。聖女答曰。此法不爲利害。不認天主。不信耶穌。受其罰者。纔爲利害。官命鞭責。鞭後。向邪法人曰。與汝空房一間。召

汝多多的大蛇。咬死此女。我有重賞。邪法人曰。何必多蛇。一條足矣。聖女入房。徹夜誦經。邪法人。召一最凶最大之蛇。自信容易鯨吞。豈知此蛇。蹲伏屋隅。顫慄不前。次早。邪法人開房欲進。蛇竟乘空直上。盤繞頸中。死在呼吸。向聖女喊救。聖女親手持蛇入地。囑令遠遁。不可害人。蛇且俯首凜遵而去。此邪法人。名瑪爾索。目睹聖女之行。將從前所奉之邪神。所學之邪法。概行毀棄。誠心恭敬天主耶穌。事聞於官。官將瑪爾索。酷刑重責。勒令從邪。因守死不遵。法場斬決。惟聖女以爲首之故。將利劍一口。從左肋。穿透右肋。延至次日。始斬首以終。時天主降生後二百五十三年。

宜行之德 慎交善友

聖思 一。隨善表。比隨善言更易。所以要做善人。須交善友。蓋心中事

務。俱從眼見而入。欲視其人。先視其友。友善者。其人必善。友惡者。其人亦惡。聖伯爾納多常謝主離世修道之恩。因修院中。都是引人熱心敬主之事。世俗中。不但以行惡爲恥。反以行善爲羞。汝若於羣居同伴中。不小心謹慎。難得升天。一當知世難全德之人。惟取所有之德而隨之。聖安當以此遂成聖人。此人有謙遜。彼人有仁愛。此人能克己。彼人能勸化。此人最勤敏神工。彼人更小心謹慎。若一一擇其善者而隨之。不是聖人麼。蜜蜂採花。擇各花之精細者。採德之法。何獨不然。一。人之言行。不能無過。汝若覺其有失。不該隨之。併該回問自己。曾有此過失否。只該嚴查自己之過。不該苛求別人之失。只該看別人之失而嚴查自己。不該舍去自己而專看別人。倘或偶然見人外面。顯有過失。我心中就該轉想此人。或有別意。定不得是罪是功。如此待人。自然不

致錯悞。

當務之求 爲開導友人

祝文 天主。爾德能靈異之中。不棄弱女輩。賜致命者榮勝。懇祈我等。慶爾聖女亞納多里亞致命童女誕日。因其遺表。躋爾臺前。爲爾子吾主耶穌基利斯督亞孟。

初十日聖婦福禮濟大 同七子致命

名亞努亞略二名斐理斯三名斐理伯四名西爾娃諾

五名亞肋山六名味達爾七名瑪爾濟亞爾

警言○謙抑自卑。聽命至死。釘十字架而死。 聖經

聖傳○聖婦福禮濟大。係羅瑪世家之女。于歸名族。生七子而寡。以一身兼父師之責。教育維勤。諸子德才並美。親鄰器重之。值時君迷於異端。黨援借勢陰謀。屢聞七子。闡揚正教。奏請拘拿。母子八人。盡遭鎖禁。次日。先提聖婦。勒令改悔。聖婦曰。巧言固不能欺我之明。嚴刑亦不能奪我之志。天主在上。豈畏邪魔之奸狡。官責云。汝因就墓之年。死不足惜。眼前七子。亦可忍心不顧耶。回云。兒輩若貪生背正。是爲真死。地獄永殃。決不能免。倘能爲義而遭窘難。常生天國。何樂如之。越一日。母子一齊提審。官先諭聖婦曰。諸子青年才幹。必能顯親揚名。乃引其從異教以喪身。非愚昧。即豺狼也。回云。此言似是而非。若爲有限之身。害長久之靈魂。慈心何在。目視諸子曰。兒輩此時。亟以心目仰瞻吾主。主必鑒視爾心。同諸神聖。候爾升天。毋懼虐刑。毋遭魔計。我雖老。不望

吾兒之養。亦不願吾兒殯葬。惟願吾兒致命獻主。官怒其言。掌面辱之。次以善言。先誘長子。不從。用刑威嚇。其餘或勸或懲。俱不動搖。無計可施。重鞭收禁。王命殺之。以免脅從。官將七子。斬於聖婦前。聖婦又囚禁四月餘。終以不屈。延頸受刑。時天主降生後一百七十五年。

宜行之德 忻受世苦

聖思 一。天主耶穌。爲救人贖人。甘負十字架。陟山受死。汝爲自己。倒不該肩負麼。這是升天大路。個個聖人所共行。不行此路。去天必遠。故願學耶穌之人。若止於拜十字。畫十字。誦十字經。都不彀。必要情願常負十字架之苦於身。一。惡人亦負自己之十字。後下地獄。皆因爲自己之驕傲。求頃刻之歡樂榮光。故情願受之。汝要得永遠之福。倒不肯受一點苦麼。經云。審判日。惡人爲隨他自己之路。經過多少艱難辛苦。

亦下地獄。請汝將經言想一想。與其爲自己白遭難受之苦。還受永殃。何如爲天主。甘受容易之苦。又得天堂。一。不論何事。有由得自己者。有由不得自己者。世苦人人不免。此由不得自己也。惟願受不願受。或願爲自己受。或願爲耶穌受。這都由得自己做主的。請看耶穌無罪。爲何受之。所以教中人。不但該受苦。補贖自己。還該代別人補贖。就如右盜信主。忍耐苦刑。補贖己罪。即滿升天之望。左盜因自己而受。雖苦無益。今汝忽遇艱難。或如吾主耶穌之受。或如右盜之受。或如左盜之受。由得汝自己定奪。

當務之求 爲苦難者

祝文 伏望吾主。使吾兢兢不間。敬憶爾聖婦福禮濟大等致命之榮勝。吾力弗克以合。宜誠心崇敬。祈爾時時將吾恪恭微忱。爲爾子耶穌

基利斯督亞孟。

## 十一日 聖伯辣多 致命

警言○宜互相締合。如基利斯督天主榮。 聖經

聖傳○聖伯辣多係亞辣濟亞國人。幼年父母俱亡。惟願身心服事天主。將祖遺財物。施濟窮人。值聖教不寧。藉救援之力。教中增其篤守。教外亦多感化。本欲養晦以待時。乃道大莫容。被首到官。問係何人。聖人回云。我係拜天主之人。單單恭敬一個天主。不拜你們所拜之神。官曰。我不問你是天主教。不是天主教。只問你係何姓名。回云。人俱呼我伯辣多。論我正經稱呼。就是拜天主之人。從幼服事天主耶穌。極親

極愛。情願失去生命。萬萬不肯失去耶穌。官命鞭笞。周身皮破血流。聖人甘心樂受。喜形於色。官甚異之。送監候審。監至七月有餘。官復提訊。令遍看各種刑具。諭云。若不改過。汝必完全受到。若肯順從君命。敬拜國神。我將姪女許汝爲妻。此女本家富而且貴。成此婚姻。無求不得。聖人覆云。總因不知我本來的事業根基。故出此言。今亦不用細說。只說一句操總的話。若要背叛吾主耶穌之愛。豈獨名門閨秀不能動我之心。卽許我普天下的萬國。亦不能奪我恭敬耶穌之志願。官大怒。將預備的鐵床。用大火燒紅。命聖人赤身臥於床上。聖人尙在床講道。勸化旁人。明言此火算不得火。若不認天主。不守聖規。有日必下地獄。欲將此火比地獄之火。不及萬分之毫末。臥至個半時辰之久。身上並無燒痕。且奇香撲鼻。眾共聞之。旁人覩此神奇。皆深信所敬者。果然是神人。

萬物之大主。官亦鬆口云。我今不問你拜國神。不拜國神。只問你爲何要拜那受刑受苦的耶穌。你若肯說我以後不拜了。就寬你放你。聖人回云。說什麼話。天地的真主宰。就是耶穌。生我。養我。救贖我。他的大恩。無盡無窮。若說不拜耶穌。大不合於正理。我情願受你的刑法。斷不肯犯背主之罪。官復怒甚。離座厲聲。命將二鐵球。燒至透紅。放於聖人心胸上。時聖人口鼻中。俱出火氣。還勸旁人。離邪神。敬天主。官怒愈增。各樣酷刑。遍施無益。終以斬首洩恨。時天主降生後三百三年。

宜行之德 敬德

聖思 一。首先該恭敬天主。因吾人是天主所生。普世皆天主所管。如此恩威。不該恭敬麼。故不論何事何物。必該加意小心。如誦經之堂。供奉之物。司教之人。若不起敬起畏。何以顯其欽崇。只看國家體統。御路

必稱禁地。命使必號欽差。供應內廷之物。必書上用。既知尊君之禮。如此慎重周詳。則天主臺前。更當何如敬謹。一。次該敬汝親戚。其敬之之禮。必要隨汝職分。論汝力量。寧可多禮。不可少禮。宜常存幫助之心。不宜因忽略而招罪愆。如食老扶幼。幫助在生之親戚。求主通功。幫助先亡之親戚。都係天主之命。若不如此幫助。敬禮何在。一。又該敬汝本地。因汝父母在此地方。生汝。養汝。教汝成人。汝既知愛主。萬有之上。不該愛人如己麼。既知愛人。不該從汝本地地方愛起麼。由近而遠。由親而疎。係處世之常經。今眼見多少本地人。難得升天堂。容易下地獄。何不就近救之。盡心勸之。而坐視其凶險耶。若說無力可以救援。無才可以勸引。難道不能立好表樣。以感化之耶。這樣的不是。非汝之過。誰任其咎。該想天主生汝於此地。定不得就要用你照看此地之人。倘人人

都有此心。人人都可超凡入聖。倘有汝一人。常具此心。亦可使人人不致失望。這纔是敬禮本地方之要務。汝若不如此而行。生汝何益。

當務之求 爲同鄉親友

祝文 懇祈全能天主。吾敬憶爾聖伯辣多致命者誕日。賴其轉達。使吾剛健於爾名之愛。爲爾子耶穌基利斯督亞孟。

十二日聖若望掛白爾 顯修

警言 ○惡僕因汝乞我。我免。蓋憐汝友。猶我憐汝。 聖經

聖傳 ○聖若望掛白爾。係意大里亞國人。父本武臣。雖自幼拜主。因道理未明。與同寅結怨。兄子被傷。此時若望掛白爾。無意愛仇。惟從

父命。希圖報復。一日。適與仇人。對面相逢於狹路。卽拔劍前迎。仇人慌張無措。下馬哀求云。爲吾主耶穌苦難分上。饒我殘生。若望掛白爾一聞耶穌苦難之言。竟手軟心慈。收刀稱謝曰。前仇盡釋。自今以後。和好如初。回身走入聖堂。向苦像前。誦經獻主。仰見苦像點首數次。明顯愛仇之德。主甚嘉之。此像迄今猶寶存焉。蒙此寵恩。遂立志離家。托身修院。父不樂從。往院追回。聖人迫切跪求。力言世福皆虛。事主修身。人之本分。父忽動心允許。爲時未久。大顯德名。如謙恭良善。克己熱心之處。無人可比。默想誦經。守齋勸化。服役苦身等事。無疵可尋。一年後。欲再加嚴密之工。與一同志之修士。潛入深山。遇二隱者。共相砥礪。居無何。慕名來學者漸多。構院以居。不斲不圻。惟蔽風避雨而已。公舉難辭。勉爲院長。酌定嚴規。請教宗命。初嫌太過。後知有天主之意。命下准行。且

大行於別地。聖人憐貧特甚。有求必與。常罄其所存者施之。從不却一人。往往食盡計窮。忽來接濟。從不少一餐。一少年欲歸修院。詣聖人前總告解。將二大罪。諱而不言。聖人蒙主預照。明責之。彼始懼悔。教宗第九位聖良。聞名枉顧。猝然無備。近有一池。人人知其並無鱗介。聖人命人下網。竟得二大魚。以充餽饌。年七十有四。預識終期。全受教中成禮而逝。時天主降生後一千七十三年。歿後。公行亡者禮儀。眾聞空中神樂。至葬而後止。墓前靈跡最多。

宜行之德 愛仇

聖思 一。耶穌以聖言聖表。教人愛仇。在十字架上。求聖父赦仇。人隨此表。不論何罪。主必寬恕之。我們不該寬恕仇人麼。所以愛親戚。愛朋友。人盡能之。惟有愛仇之愛。非真心拜主者不能。一。主訓人曰。汝不

恕仇。主不恕汝。今每日早晚誦祈曰。爾免我債。如我亦免負我債者。此言須內外俱真。若因親朋面上。或因自己無能。沒奈何。口中說一句寬恕的話。其實忿恨愈深。似此內心不對外言。可謂愛仇麼。可說得是效法耶穌的聖言聖表麼。一。主云。若免他人之債。必免汝所犯之罪。此係天主親口之聖言。敢有疑惑麼。主又云。能認己子者。必享其利。請細繹之。非即恕罪之利麼。非即升天永賞之利麼。汝爲何藐視聖言。不隨聖表。而自罹凶禍耶。

### 當務之求 爲仇人

祝文 天主。以爾聖若望掛白爾。每年瞻禮。樂我等懇祈爾。吾旣慶厥誕日。幸師厥功勳。爲爾子吾主耶穌基利斯督亞孟。

## 十三日 聖亞納格勒多 教宗致命

警言 ○爾儕宜知。惟一耶穌基利斯督。聖經

聖傳 ○聖亞納格勒多。係格肋西亞人。秉質聰明。端方謹慎。聖伯多祿宗徒傳教時。沾恩領洗。從副祭累陞鐸德。化人甚眾。教宗聖格肋孟多謝世。眾共推尊焉。值教中大難憑陵。致命者甚多。然奉教人日盛。如種子然。一種入地。傳生千百。聖人明知天主特恩。卽位後。宵衣旰食。勵志精勤。以堅固眾心。奮興神勇爲首務。命奉教人。凡與彌撒。必領聖體。加靈魂之力。不預備者。弗令進堂。又定一潔地。葬致命聖屍。國法。欲盡除聖教。死義者接踵。聖人目擊時艱。勸勉不遺餘力。知係教化之宗。謀殺之。時天主降生後一百一十年。

宜行之德 樂想耶穌苦難

聖思 一。汝既知謙遜爲美德。爲何不學耶穌的謙遜。耶穌在十字架上。不必提天主的尊榮。連人類中的臉面。安全喪盡。第一。夾於兩盜中。明係極惡窮凶之犯。其次露體赤身。皮開肉綻。竟同燻剝之犧牲。再者。異口齊聲。毒言恥笑。這樣的卑污輕賤。負屈受冤。誰能比擬。且數日前。眾人迎接。何等尊榮敬愛。以體面之後。而卑賤忽加。更係不同之辱。爲何耶穌將此不堪之卑辱。全聚於至尊至貴之身。無非去汝之驕傲。增汝之謙摛。盍不返躬自問。我無耶穌毫髮之尊。倒不能受耶穌毫髮之辱。真謙何在。一。汝亦知忍耐爲美德。爲何不學耶穌之忍耐。耶穌非真天主耶。到了十字架上。從旁無人不加害。本身無處不被傷。萬苦齊攢。諸醜並集。豈獨不懷怨恨。且甘心樂受。捫舌無言。倘耶穌欲消此苦。

不勞轉瞬。惡黨雖多。肯滅卽滅。刑具雖嚴。肯毀卽毀。爲何耶穌操此容易之權。定心不肯。無非教汝用忍耐以勝苦辱。不欲使汝恃肉情而忘忍耐。蓋不返躬自問。耶穌能免而忍受之。我不能免。而比耶穌之忍耐。反無萬分之一毫。可算得是耶穌教內之人麼。一。汝更知聽命爲美德。爲何不學耶穌之聽命。耶穌在十字架上。爲聽聖父命。因而亦聽古司教命。如德亞各官之命。併仇人之命。且聽諸命。如聽喜慶恩榮之命。不懼不憂。不悲不畏。與勉強擔承者迥別。蓋不返躬自問。我之父母上司。曾有如此艱難之命否。有此艱難。會如此順從否。只怕些小艱難。就不肯順意遵從。還生出許多抱恨不平之氣象。果然如此。該向耶穌苦像前抱恨。吾知此時。耶穌憐爾愚懦無知。必有無聲之聲。面命耳提曰。汝欲享我之光榮耶。爲何不同我謙遜。不同我忍耐。不同我聽命。請問

汝心將何辭以對。

當務之求

爲在教人常存熱愛

祝文 全能天主。垂盼吾劣。爲本行重任屈壓。賴爾聖亞納格勒多致命兼教皇轉達。得厥護翼。爲爾子吾主耶穌基利斯督。亞孟。

## 十四日聖文都辣 主教聖師

警言○謙抑自卑。聽命至死。釘十字架而死。 聖經

聖傳○聖文都辣。生於意大利亞國之巨家。四歲時。一病幾死。父無救法。母惟立願求五傷方濟各聖人。代求天主。留此生命。長成之後。必獻入聖人修會。正在危急之間。立時不藥而愈。從此用心撫育。教以

熱心敬主。至讀書之年。智慧出羣。加以僻性好觀經籍。故歷時未久。博學過人。然每日神工。必遵母教。按時規課。不肯因章句而或疎也。年二十一。欲成母願。求進聖方濟各會。進會後。一心專向天主。舉動大不同於世俗之人。其師每言元祖所犯之罪。好像不會傳染過的。因其謙和遜讓。克己卑躬。出自性成。不加勉強也。遇卑賤苦勞。則喜生望外。聞稱揚美譽。若利刃刺心。善則歸人。過則引咎。從不肯將好處。直言自己。偶有該說自己之事。必先自貶自卑。故人人尊其爲聖。爲師。然不敢當面稱呼。惟有私心嚮往而已。聖人猶願眾人。俱有此謙德。每因耶穌苦難。聖母立十字架旁。發其精妙之論。著述等身。至今奉爲典訓焉。愛人之愛。過於他愛。明知挾仇懷忿之人。猶喜勸化而服役之。默想神工。尊高無比。皆從耶穌處世。十字架上苦難出來。所以淚眼常流。痛由中發。倘

旁人見之。未有不被其感化者。恭敬聖母。更不同尋常熱愛之心。越數年。院長見聰明超等。命往拂郎濟亞國都城。讀書大學中。遂與聖多瑪斯相遇。赴考。成名進士。年甫三十二歲。在本會中。內德外才。俱推第一。至三十五歲。卽爲會中總統。事務雖煩。經理只覺其從容。尙有餘工。著書立論。聖多瑪斯曾問汝學從何而來。聖人手捧苦像。回云。凡有一點學問。俱從此而來。我不過代爲抄錄而已。心中滿望普天下。盡此地球之人。無一人不信天主。無一信主之人。不守聖規聖誡。故多差會中鐸德。遠遊各國。聞有聲教未通之處。莫不航海梯山。間關前進。時教化皇座前七十二位主教中缺人。卽以聖人擢補。不獲固辭。後往呂低農府。頒發教事。小病數日而終。時天主降生後一千二百七十四年。

宜行之德 切想耶穌苦難

聖思 一。聖文都辣爲耶穌苦難之門徒。一生著書的學問。皆從耶穌五傷內出來。天主愛人。看苦像而極其至。吾人以愛還愛。不該從苦像中而發愛主之心耶。汝今愛天主否。若說不愛天主。此言難以出口。若說愛主是真。此言亦難出口。耶穌爲救你。受盡許多苦難以彰其愛。你爲救自己。至今所受者何苦。受苦未能。何愛之有。一。聖文都辣欲全謙遜之心。喜卑喜賤。併喜服事仇人。你會如此否。不必說你全無謙遜。卽有時面面謙光。言言遜讓。未知汝心相對否。卽係有心謙遜。而事務忽來。由不得自己作主。驕色傲言。一齊並發。片刻之間。喪盡多年品行。若一生能享正大之光榮者。當從文都辣聖人之法。只看耶穌爲你受苦受難之像。注目存心。弗間弗違。則驟來之驕傲。未有不滅除者。心內

之真謙。未有不保全者。汝何舍此而不知。一。聖文都辣看耶穌之苦像。學愛世苦。且晚求之。中心喜之。神形俱樂從之。你會如此否。不必說你求苦樂從。且用了多少法。遠離苦難。若離不去。還生抱怨之心。竟把天主恩賞之苦。補救靈魂之神藥。爲禍爲凶。爲冤枉。皆因不曾受教於從前之大聖也。只看文都辣聖人。爲救靈魂。見有苦難到身。喜形於色。感謝不遑。你難道不要救靈魂麼。欲救靈魂。必隨耶穌受苦。除了此法。別無穩妥之方。願與不願。憑汝自裁。

### 當務之求 爲聖方濟各會

祝文 天主。爾使聖文都辣爲民永福之司。懇祈爾。伊在世旣爲吾教師。在天幸爲吾主保。爲爾子吾主耶穌基利斯督。亞孟。

## 十五日聖恩理格 總王

警言○療厥病。乃語伊等曰。天主國臨矣。 聖經

聖傳○聖恩理格係巴娃里亞國國王。初爲儲君時。自幼受洗於主教聖阿爾方阿之手。稍長。卽受學於主教之門。及主教去世。聖人已二十四歲。聖阿爾方阿復顯容面諭云。過了六。此聲甫畢。寂然不見其形。聖人展轉尋思。定不得過了六日。係我終世之期。此六日內。時時預備。不比尋常。及期。竟平安無恙。又想或是六個月。亦未可定。每日精勤。不吝少懈。六月已完。仍無變故。復思此言。斷無不應之理。必係六年始驗。遂奮勉勵修。日新又新。滿望身清靈潔。可享主恩。此六年內。直造聖人之域。甫滿六年。至第七年首日。熱爾瑪尼亞國王等。公立聖人爲總

王纔知道阿爾方阿所諭過了六之深意。且人人歡躍。莫不樂從。聖人明知天主定命。不敢再辭。卽位後。統率臣民。守規敬主。以盡爲君之本分。極其慎重周詳。且大婚後。同願守貞。有聖人之弟。所行大悖於理。造言妄證。勾引外邦。誘人作亂。聖人知之甚悉。因治國之法。俱從耶穌苦像而出。故謹隨耶穌表樣。平心友愛以待其弟。越數年。聖人忽病沙淋。醫藥罔效。求聖本篤轉求免患。一夕。夢聖本篤將陰囊內大石取出。交與聖人。醒後。果然石在手中。病亦全愈。卽詣羅瑪府聖母堂。誦經時。吾主耶穌親臨堂內。聖老楞佐。聖文南爵。分列兩旁。聖母十二宗徒。無數聖人。四圍環繞。一天神。奉耶穌命。到聖人前。諭曰。天主用此大恩賞你。爲你童貞。爲你愛義德之心。聖人喜出望外。踴躍歡欣。感惶無地。誦經畢。出見教化皇。卽以此告之。並爲頌美。從此回憶光榮。常存心目。愛主

愛人之工。有加靡已。聞洪阿利亞國。屬在鄰封。未聞聖教。聖人將一熱心之女弟。嫁與國王爲后。藉此婚姻。作開教之基。果然女弟。勸王領洗。不久。通國臣民。莫不欽崇天主。年五十二歲。蒙天主默示。一面預備臨終之禮。一面往請王后本國中之王。係王后親戚。既至。聖人持王后手。送還其親戚曰。承你們許我爲后。一同恭敬耶穌。今還與你們。仍是童身。後來由他主意。亦由得你們。此王后即聖婦古尼公德也。言畢。瞑目而逝。時天主降生後一千二十四年。升天後。聖跡甚多。人人信服。還有一人。頓生疑惑。轉瞬之間。兩目俱盲。此人素敬聖阿爾方阿。即跪叩哀求。聖阿爾方阿顯示曰。汝災因疑恩理格聖人之靈蹟所致。速向聖人謝罪求饒。始能痊愈。一聞此諭。痛悔前非。籲求寬恕。眼遂復明。教化皇照例查明聖人行實。定入聖品。忽有一位。係七十二位中之主教。獨言

此行尚早。該察明再議。言出。便成雙瞽。明知天主顯罰。在眾人前。自陳錯悞。極口贊揚聖人。補辱妄言之罪。天主鑒其誠切。俯賜仁慈。目明如舊。

### 宜行之德 聖忍耐

聖思 一。心內憂愁。是頭一件不平之根。艱窘難當。痛苦難受。默想工夫。難得滋味。各樣神工。難得齊全。雖然如此。心內不該紊亂。難道你的憂愁。可比得吾主耶穌山園內的憂愁麼。既然比不得。爲何不隨耶穌的表樣。耶穌用此大忍耐。成就了無窮無盡的神工。你不能用此小忍耐。成就一己之神工。還要因此間斷。是明明以憂愁待憂愁。而不肯以忍耐待憂愁。故皆無益而有害。若能以忍耐待憂愁者。一切神工。遇憂愁而更勉。此時雖無聖味。具有功勞。汝爲何不強志以成之。 一。當知

天主許人。有此憂愁。大有深意。或爲罰在先之冷淡。或爲罰已犯之過端。或爲罰眼前不肯盡心預備默想之神工。汝能知道此中深意。必能熱心仰承聖味。勤敏神工。非聖忍耐耶。然天主特特之恩。有時而賞。有時而收。欲人明知本性之窮。故惟有逆來順受。以當苦境。汝若果能安心忍耐。既可以感動天主之仁慈。亦可以補贖本身之過犯。汝爲何不勉力以當之。一。汝果能強志以成忍耐。勉力以當忍耐。此時必從新得蒙聖味。就該回想憂愁駢集。不是無因而至。天主全知。纖細難逃。明鑒。必係平日所思。或亂而不專。所言或泛而不切。所行或懈而不恒。實心痛悔。求主寬容。將見一概憂愁。都不能勝我之忍耐。非聖而何。明知罪人在世。不該先受大恩。故不獨不賞。且更增之以苦難。迫之以災傷。乃常有之事。無足怪者。只看汝之忍耐與不耐耳。然當知忍耐之聖。

必由心聖而來。心之聖。又必由忍耐之聖而顯。假令憂愁猝然而至。慌張無措。汝爲何不用聖忍耐以待之。

當務之求 爲冷淡者

祝文 吾主天主。以爾聖恩理格在世爲總王。升天爲至聖。我今求主。俾我等脫離世幻。棄絕虛榮。仰瞻先王先聖之儀型。長愧有守有爲之不力。惟期潔淨以全貞。同享永安於天國。亞孟。

## 十六日聖女類搨爾達 童身致命

警言○求盡所司者。即忠也。聖經

聖傳○聖女類搨爾達。係公侯之女。自幼惟知敬主爲樂。一切人

世之事。無可悅心。其母大德不凡。常言世福之虛。助其學力。所以一舉一動。莫不從容中道。並無勉強。自定每日之常規。非世俗人所能幾及者。貲財雖富。華服不衣。日只一餐。惟大麥餅清水而已。且少留其餘。週濟貧窮。更嚴齋以克己。代婢以苦身。搗版而棲。寤多寐少。統一晝夜計之。竟有大半工夫。在聖臺前。誦經默想。縱身或暫離。而心之依戀。確然知其無時間斷也。言語之中。皆是愛主愛人。不肯空勞唇舌。年復一年。莫不如是。德名廣播。人人以聖女稱之。聖女本性謙卑。難當人譽。遂立志離家。只用僕婢二人。隨往日路撒稜。朝拜耶穌苦蹟。居此九年。每日常往加爾瓦畧山。或降誕之地。到必呼號哭泣。默念聖恩。九年後。得聖十字架上寶木一塊。又得聖母寶衣一片。即賚回本處。行許多聖蹟。越數年。天主將致命之恩。成全貞潔之德。有極北野兵數萬。入境殘傷。教

中被害者甚多。人俱逃匿。聖女不肯隨行。向眾曰。若我怕失卑賤罪污之性命。不肯爲吾主耶穌光榮。後來審判之日。無言可對。果能在此失命。係我的大造化。頃聞野兵已到。卽往堂中。在聖臺前預備臨終。野兵蜂擁而入。聖女端然不動。被害而死。時天主降生後六百八十年。

宜行之德 真心

聖思 一。人之靈魂。如一塊地土然。倚賴吾主耶穌汗血灌溉之。釘鎗鞭茨耕耘之。必該發生仁愛潔淨克己之菓。以報耶穌之指望。若所結者。係驕忿貪淫怠惰之菓。難道不怕耶穌赫然義怒。斫伐火焚。絕其生活耶。一。吾主耶穌以葡萄比善人。要結好葡萄。須削去餘枝。不削。不能結甘美之菓。欲爲善人者。何獨不然。天主不賞人以苦。不能結天堂之菓。人不能受天主所賞之苦。恐難免天主之斫伐。併難辭地獄之火。

焚。怎麼望得天堂。一。吾主耶穌。以升天比之造屋。信德謙德。其基址也。墻垣。其望德也。蓋瓦。其愛德也。若信德不實。謙德不真。望德不堅。不切。是外無墻垣。內無基址矣。何愛德之有。今汝之信望愛諸德。實耶。堅耶。真切耶。惟想世俗之事。不想永遠之天堂。真心何在。

當務之求 爲農人

祝文 天主。爾德能靈異之中。不棄弱女輩。賜致命者榮勝。懇祈我等。慶爾聖類搨爾達致命童女誕日。因其遺表。躋爾臺前。爲爾子吾主耶穌。基利斯督。亞孟。

十七日聖亞肋叔 隱修

警言○凡愛父母。踰於愛子。弗享子。又愛子或女。踰於子愛。弗享子。凡弗持其十字架而從子。弗享子。聖經

聖傳○聖亞肋叔。係羅瑪巨家之子。父名歐弗。母名亞嘉貴。而乏嗣。求主甚誠。既生聖人。用心教育。文學道學。淹貫無遺。及長。聘娶成婚。是夕。結褵禮畢。正親朋讌集之時。聖人亟思保全棄俗守貞之素志。將戒指一對。大帶一條。送於新婦曰。留此以爲後來之證。至於我之志向。我之行事。此時未可說知。異日自然明白。遂退往別房。祈主加佑。以玉成之。良久。隨便攜金銀珍寶各少許。微服出門。渡海而東。至亞細亞洲。厄得撒府。親朝城內所存耶穌真容。卽爲久居之計。將所攜金銀等。盡

施窮乏。換服乞人之衣。匍匐聖殿前。或街市中。求人施濟。自贍之餘。轉濟他人。歷十七年如一日也。家人各國訪求。覲面不能認識。聖人且就乞焉。因容貌語言。與前迥別。故聖人明知家人而弗避也。十七年後。一司教默想中。聖母諭云。此乞食少年。惟見其貧。孰如其德。從此聲名籍籍。聖人視爲隱害。聞達爾西府有保祿宗徒聖殿。遂航海往朝。卽欲暫居以避人之稱譽。豈知中流風逆。飄至聖人本國。泊岸入城。朝拜各聖堂。路過本家。卽抵門求乞。適父出門。遂從旁跪訴云。乞食窮人。無地可容一宿。求賜仁慈憐救。收我於閒房廢屋中。食我以殘羹剩飯。感恩不淺。父憫其言。留住廊房。命人給食以度其生。聖人見閤家上下老幼男女。無一認識者。明係主恩。不勝感激之至。從新增工策勵。屢受家僮之撻罵。不怒而喜。目擊父母之榮華。室人之賢淑。聖人理勝於情。毅然堅

守不爲動搖。如是者。又十七年。天主預示終期。聖人謹依主命。備寫一生成婚別婦。出外還家之來歷。手中謹執此紙而終。未終之前數日。教宗舉行彌撒。國王大臣俱集。空中忽大聲曰。爲我而服勞受苦者。我必迎之慰之。眾皆驚懼。稽首求憐。頃之。祭臺上大聲曰。爾等須速訪聖人。懇乞轉求。都中可獲平安。此聖某日某時升天。共聞此語。人人察訪。並無踪跡。至所定升天之日。上下諸人。羣集聖堂。聖人之父歐弗亦在其中。定時將至。驟發大聲曰。聖人現在歐弗家。王向歐弗曰。汝家懷寶而自迷耶。卽親幸其第。歐弗先疾趨而歸。一僕稟云。吾家無人可以想像。惟所留廊房居住之乞兒。舉動不同。得無是乎。歐弗卽趨至所居之處。見聖人以衣覆面。啟衣視之。生氣雖絕。大發異光。美容如天神。手執之字。取之不釋。歐弗速命人移屍於中庭。時教宗國王俱至。禮畢。教宗命

聖人自釋手書。國王命侍臣高聲宣讀。所寫父母新婦。及自己之姓名。年歲。併指環大帶之密事。詳備靡遺。歐弗抱屍慟哭。母媳聞之奔赴。其倉皇哀迫之情。涕泣呼號之苦。非言語所能摹擬者。教宗命送聖屍於宗徒聖伯多祿殿中。因士民擁擠。爭先拜謁。無法前行。王命多人。將銀錢擲地以緩其勢。豈知士民望恩心切。皆棄而不顧。其時近聖屍者。聾卽聽。啞卽言。病卽愈。經久始能奉屍入殿。七日內。父母新婦。晝夜不離。叩拜之人。四方雲集。七日後。昇葬於別堂。朝墓受恩者。至今不絕。時天主降生後四百四年。

宜行之德 隨聖輕世

聖思 一。聖亞肋叔在大富大貴之本家。爲安貧守潔之德。若苦志不堅。貞心不淨。安富尊榮之念。或有些微搖動。只要一言出口。何求不得。

今汝未必有聖人之世福。爲何不學聖人守潔安貧。聖人之世福。現在眼前而不受。汝之世福。毫無影響而妄求。相去奚啻天淵。究其故。因汝心全在功名富貴。不想天堂。不怕地獄。明知此身必死。仍然戀戀不休。若以篤信之德。默想超性苦身之大道。何難離世福而享天榮。一。聖亞肋叔爲全滅愛貨財。愛體面。愛快樂之心。回居自己本家。受辱於家人之手。至矣哉。聖人之志。大矣哉。天主之恩。若無天主大恩。誰能有此力量。誰能安守十七年之久。而日增其樂。今汝不說自己立志不堅。稍有過犯。只說是別人誘感。世俗牽連。鬼魔肆惡。爲何不取聖傳而熟思之。人之誘感。莫甚於少婦。世之牽連。莫甚於家財。魔之肆惡。莫甚於驕奢忿怒。惟聖人件件擺列眼前。總不能移其定靜之常。汝能比其萬一否。一。聖亞肋叔臨終時。樂莫大焉。榮莫甚焉。世俗肉身魔鬼。俱不能

滋其隱害。因一生所有者。窮耳。潔耳。卑辱耳。若曾享過本家福樂。臨終可有此榮此樂麼。今汝若情願得一善終。該當定志以求。欲得所求之恩。該當隨聖人守潔安貧之德。

當務之求 為臨終者

祝文 天主。以爾聖亞肋叔每年瞻禮。樂我等。懇祈爾。吾既慶厥誕日。幸師厥功勳。為爾子吾主耶穌基利斯督。亞孟。

### 十八日 聖婦省福祿撒同七子 致命

一名德肋生爵二名儒里亞諾三名厄默索四名比里米

底五名儒斯底諾六名斯達德窩七名歐日搦

警言○凡保厥生命。必失之。為我而失之。則得之。 聖經

聖傳○數日前。有一母同七兒致命之傳。今又有聖婦省福祿撒  
以自己表樣。勸引七兒致命之事。聖婦係致命聖人日都略之妻。生有  
七子。自父致命後。母子同離羅瑪。避居山洞內。未幾。邪黨逢君之惡。用  
此山洞。建廟崇邪。勒令母子改敬國神。聖婦堅執不從。王以好言勸慰。  
聖婦回云。我係日都略之婦。我夫爲耶穌致命。與我這好表樣。爲妻爲  
子者。敢不從之。不必望我改變。我心情願受苦。斷不肯舍我所愛之苦。  
拜我所惡之邪神。王曰。若不敬國神。即將汝等祭之。聖婦曰。我們不祭  
邪神。王亦不能用我們爲祭。就將我們宰殺燔燒。倍加邪魔之苦。王命  
人押至邪像前。勒令跪拜。聖婦倔強如前。披頰掌嘴。唇齒俱傷。旋取大  
石。縛於頸脖。沉水而終。迨聖屍浮於水涯。聖婦之弟。收回殮葬。聖婦致  
命後。滿望七子懼苦順從。豈知克紹家聲。堅逾金石。大忠純孝。萃聚一

門。或斬。或絞。或刺心胸。或斷手足。七人俱受虐刑慘死。王命創一大坑。共埋之。越數日。教中人設計取回聖屍。按規殯殮。葬於母墓之側。時天主降生後一百四十年。

宜行之德 隨耶穌之苦難

聖思 一。聖經內。屢言人該恨自己。該負自己之十字。該克所願之意。該強勉求得天上福。人能從此聖言追究。必能明白升天全在克己。聖奧斯定曰。惡人初愛自己。終恨天主。善人初恨自己。終愛天主。且說越愛天主。越恨自己。若讓自己之願而不知恨。斷天主恩而不知愛。則肉身所願。必滅天主聖佑。今汝心如何。一。克己者。須斷去各樣不許你遵守十誠之偽樂。絕去各樣不許你奉行十誠之私愛。請看聖婦省福祿撒不以偽樂失真樂。不以私愛奪聖愛。情願將親生七子。俱獻天主。

故能樂無罪之樂。愛有功之愛。從前做聖人者。莫不如此。汝當小心省察。不斷僞樂者。不得真樂。不絕私愛者。難蒙聖愛。一。天主耶穌。爲免汝永罰。受苦受難。補汝之罪。汝爲補自己之罪。反不該受些微之苦麼。且苦難中。現有神樂。克己時。自發愛情。與僞樂私愛。大不相同。非過來人。不能知道。汝欲自知其妙。亦不必像聖婦。竟斷絕七子生身之私愛。只須小試行道。將汝愛吃。愛穿。愛榮華。愛財利。愛酒色等。身外之嗜欲。查明斷絕。果能私愛悉除。聖愛必油然而至。其神樂。與聖婦同。請嘗試之。

### 當務之求 爲初學者

祝文 伏望吾主。使吾兢兢不間。敬憶爾聖婦致命省福祿撒等得勝之榮。吾力弗克以合。宜誠心崇敬。祈爾時時將吾恪恭微忱。爲爾子吾

主耶穌基利斯督。亞孟。

十九日 聖亞爾瑟訥 副祭隱修

警言○凡廢一微誠。如是誨人。在天國爲微末。如凡躬行。並教誨。

在天爲大。 聖經

聖傳○聖亞爾瑟訥。係羅瑪舊家之子。家本善良。貲財豐裕。聖人聰明好學。聖教之書。世俗之書。旁求博採。總置案頭。數年學就名成。無有出其上者。時總王欲訪明師。以教儲君。教化皇特薦聖人。總王一親道貌。不勝仰瞻。再領德言。愈加欽服。命二子以父事之。固辭不獲。且云。我身責子之權。盡付與汝。嗣後不可視爲總王之子。惟行父師子弟之

規。倘我子不遵。我必重責之。聖人受此寄托之重。加意栽培。慇懃工課。內聖外王之學。兼備靡遺。一日。總王突然而至。見小王端坐。師反拱立。總王怒問曰。爲何不用父師之權。聖人曰。受業蒙童。應居弟子之列。但二王尊位。係國家名分。不敢紊也。總王曰。誰命爲王者。我能令其在臣民之上而稱王。豈不能令其在父師之下而爲弟子麼。卽命兩兒脫去王服。更換常衣。向聖人曰。從今不可視爲王矣。後來果然進德修業。復其王位。聖人心甚不安。數月之久。如疚如焚。無已。求主開明。後來如何行止。正當迫切苦求之際。明聽空中呼名而諭曰。離去都城。遠開世俗。可以救己。聖人一聆主命。滿心歡樂。盡棄其書籍貲財。當夜卽行。密奔厄日多山內。一苦修處。求其容納。極順極謙。受人訓誨。狀若鄉農。獨居小洞。往往徹夜誦經默想。不過歇息一二刻。每云。欲爲耶穌門弟。一夜

只臥四刻足矣。或坐或行。或有別務。不離默想。瞻禮七。預備主日領聖體。自晝至夜。虔誠默想。黎明。到堂恭領。每於僻地誦經。避人耳目。隨心默想。惟期仰合天主而已。痛悔前非。淚流如注。院長嘆云。此時涕泣。能免後世哀號。同人莫不嘉美之。齋克甚嚴。一年不過食麥一斗。自離京後。總王差人各處訪求。並無踪跡。嗣王卽位。係聖人弟子。始有風聞。差人賚書。求恩轉達天主。加佑嗣王智勇才能。家齊國治。保佑地方無災無害。長享太平。言詞懇切。聖人披閱再三。面陳來使云。我必如王所請。求主加恩保佑。但我年來。早以死人自視。不能回奉數行。惟冀代申此意耳。越數日。因聖人至戚。遺有產業。特將文契送與聖人。聖人問曰。我這親戚。係何時棄世。來人復云。將兩月矣。聖人回云。彼死纔兩月。我死已幾年。何能再收此產。來人惶悚而去。聖人末年。常自問自己曰。汝爲

何來此僻地。汝爲何離開世俗。非爲恭敬天主麼。非爲要做聖人麼。今汝之行事。可能髣髴聖人之行事麼。如此自懲自省。每日不斷。邪魔妬其大德。無所不爲。以圖惑亂其心。有幾次。在洞現形恐嚇。或肆威毒撻。聖人從無疑懼。惟曰。吾主天主。我無好處。可到聖威臺前。只求憐我軟弱。賞我聖恩。從此起頭。服事吾主。邪魔往往聞聲遠避。又有時感化同修之侶。常用比方開導曰。洞內一苦修人。聞空中有聲。命看世俗人之亂事。出聲者。乃天神也。苦修人即隨之而行。數步外。見一黑人。斫柴一網。重而難負。彼復斫添甚多。網愈重。負愈難。又復斫添無數。再行幾步。指看一湖。有人於湖濱汲水。灌入漏洞中。又行不遠。見二騎馬人。橫擡一樹。欲進門內而不能。見此數件。問天神曰。此係何意。天神云。先見黑人。乃罪犯也。有罪不知其重。新罪且增加而無已。次見湖濱。汲水於漏

洞者。乃爲善無功之人也。此人神工不少。因自誇其力。自喜其功。善工盡失。末見騎馬人。並馬橫擡其樹。不得進門。乃自恃有德有功。妄希可入聖人之域也。如此喻言誘掖。不一而足。終期將近。天主預示之。至期。畏懼之心。不期然而自至。身形顛慄。同人問云。多年苦修。還怕死麼。聖人回云。自然該怕。我惟爲此而來。自初來至於今日。無日不怕。無時不怕。此語說完。畏心俱退。頓生歡樂。頃之。泰然而逝。年九十有五。在洞苦修。歷五十載。時天主降生後四百五十年。

宜行之德 全心事主

聖思 一。聖亞爾瑟訥先有廊廟之行。後卽苦修。或問爲何必要棄榮就苦。答曰。因分心不能愛主。吾主耶穌有言。人不能兼事二主。可知愛世俗者。算不得愛主。然則肯愛主者。豈不該以全心全力愛之麼。 一。

愛世俗者。得之何益。古王撒落滿在世時。無樂不享。無福不得。過後自嘆曰。總是虛而又虛。請問自己世俗之益處何在。種種福樂。可曾有滿心足願之時否。聖奧斯定亦嘗慨然太息曰。虛世爲何哄我。眼見應許似真。終不能與我所許之福。何哉。嗟嗟。大聖大賢。尙且幾乎不免。可知自生民以來。其不受世福之害者鮮矣。其能全心事主者。亦難矣。雖然。難在人。不難者在我。汝今何如。一。虛世哄人以福而不與人。且甘受其哄。直至死而後悔。若全心事主者不然。一得天主之福。神形並樂。充滿內外。自古至今。有誰行德之後。而不歡欣舞蹈。心暢神怡者。風波苦海中。天主尙賞以格外之樂。世後之永賞永樂。又當何如。可知盡心恭敬天主之人。生前亦樂。死後更樂。汝爲何舍此賞恩賜福之本主。而分心以事他主。

當務之求 爲家國太平

祝文 天主。以爾聖亞爾瑟訥。每年瞻禮。樂我等。懇祈爾。吾旣慶厥誕日。幸師厥功勩。爲爾子吾主耶穌基利斯督。亞孟。

十九日 聖味增爵 傳教會首

警言。○宜法予。予良善而心謙。耶穌聖訓

聖傳。○聖味增爵。係拂耶濟亞國人。父名紀約莫。母名伯爾德耶。大。鄉居務農。守分度日。夫婦原遵正教。事主十分熱心。生有六子。聖人居三。自幼以牧爲業。父見其聰明特達。敬主愛人。與眾不同。後來可成大器。遂竭力培植。令其讀書。聖人穎悟超羣。讀書四年。學業大進。有一富家。延之爲師。教授蒙童。聖人居此數年。益自奮勉。內德外才。與日俱

臻。漸歷神階。擢爲鐸德。一日因事外出。途中突遭回回擄掠。賣給一背  
叛聖教之人。其人久隨回教異端。聞聖人係拜主之人。大拂其意。再三  
設法逼勒。或以利誘。或以威嚇。總要聖人同他一樣背教。聖人不但  
肯順從。反以德以表。將這背教之人。感化回心。深悔前罪。商同聖人。一  
齊逃回拂郎濟亞本國。聖人暫與一問官同寓寄居。偶染微疾。延醫調  
治。適值問官出門。忘鎖衣箱。箱內原有存貯銀兩。被醫生僕人乘間偷  
去。問官回來。見箱內銀兩失落。疑是聖人偷盜。急尋聖人追問緣由。此  
時聖人正在一家。同許多尊貴人談論道理。問官尋見。當眾人前大肆  
侮辱。聖人惟有忍耐。不與分辯。亦不露出偷銀之人。不過說。此事天主  
知道。於此可見聖人蒙難能貞。遇忤不怒之大概也。聖人在鄉村傳教。  
化導無數鄉民。人人熱心事主。有人見而稱曰。此地之人。盡是有形之

天神。鄰境別位鐸德。共仰聖範。賞奇晰疑。親來受教者不少。蓋聖人化能移俗。德可樹型。有如此者。一郡邑名加斯得畧。缺少神父料理教務。大主教特特揀選聖人。前往當此重任。聖人到彼。竭力勸勉。從前在異端者。得聖人提撕。咸歸正道。冷淡者。受聖人訓誨。盡皆熱心。聖人將主堂重行修整。以壯觀瞻。凡遇窮人。必盡己力周濟。或勸富貴人代爲哀矜。並立一濟貧會。專爲拯救窮人。不使一夫失所。聖人居此六月。竟將一廢弛地方。全全振興丕變。足見聖人存神過化之德也。其時有一宗室大臣。素奉王命。統轄通國罪囚。管制約束。責任甚重。此大臣久知聖人鴻才碩德。特在國王前。保舉聖人。協助辦理。聖人受此重托。目擊無數罪犯。流離困苦。慈心勃發。隨處周全。或用講勸。救其靈魂。或施衣食。養其肉身。憂者慰之。病者醫之。桎梏太重者更易之。囹圄污穢者移置。

之。這些罪囚。仰望聖人眷顧。如赤子之望慈父母焉。聖撒肋爵嘗讚美聖人說。我從來未見德行才學。如味增爵之兼造其極者。隨將自己所立一女貞修院。托聖人經理。此修院內。許多貞女。本皆熱心守規。一經聖人訓教。視前更爲精進。可稱盡善盡美。聖人管此修院。四十餘年。如同一日。殆所謂誨人不倦者與。聖人德化廣被。人皆悅服。有將房產獻聖人者。有將地畝獻聖人者。懇求聖人立會傳道化人。聖人勉順輿情。創興一會。名爲傳教會。奏蒙教宗允准。定立修規。總以救人靈魂爲首務。會內鐸德。公舉聖人爲會長。立會之後。聖人或親往各處傳教。或遣本會神父。到各國傳教。三十五年內。本修院一處。傳教約有七百餘次。又派神父經管避靜神工。計每年赴本修院避靜者。不下八百餘人。聖人定此傳教避靜之規。大有神效。凡匪類忤逆遊閒暴戾之人。一經本

會神父料理。辦此神工。無不卽時悔改。奮志遷善。此皆聖人董率以德。鼓舞有方之明驗也。聖人立一公學。專爲預儲英才。選拔神品。學中規矩。誦經有時。默想有刻。講論道理。辨析精微。起居食息。俱有定則。務令其先自明道。後能以道化人。先自熱心。後能引人熱心。所以從此學中考成鐸德者。率多出類拔萃之人。各處主教。見聖人學規甚善。多有取法。建立公學。並延請傳教會中神父。往彼經理者。又建一仁愛貞女會。凡服事病人。矜恤罪囚。教訓幼女。收養孤苦之男女嬰孩。皆係此會本分。務期力行不倦。此會大行。止一都城內。共有三十四處。各國奉行者。尙自不少。巴里府有一養濟院。內中留養貧病之人。約有二萬五千。聖人憐憫這許多人的靈魂肉身。急思拯救。勸勉城中尊富婦女。相助哀矜。此等婦女。久沐聖人德教。罔不樂從。不但願輸財物。更喜親身到院。

照應。院中貧病之人。原係各國各教者。雜處其間。時常受這些熱心婦女服事。安慰。講勸。感化。莫不革面革心。歸誠向道。冷淡者。痛悔自新。外教及異端。棄假求真者。當年內共有七百六十人。儼然將一養濟院。變成一修院的景象。想見聖人當日。創建非常。身靈兼濟之鴻勳也。遇有兵戈飢荒。及瘟疫等災患。聖人愛人之心。更爲急切。不惜資費浩大。必盡心力博施。常常差本會人。賚送糧米布疋財物。並醫治其靈魂肉身之病。必使無一顛沛者。而聖心乃安。聖人一生濟困扶危之事。統計大畧。共用過哀矜銀三百八十四萬餘兩。國王久仰盛德。及患病臨危。務令聖人助其善終。王崩後。儲君年幼。太后承制臨朝。欽敬聖人。凡關係教中事體。必命聖人入內廷。同眾臣公議。其有不合者。聖人必愷切詳辯。務要更正。絕不阿順人情。亦不觸人憎忌。以謙以忍。以智調濟周詳。

既不廢事。又能和人。非才德兼優。曷克臻此。又命聖人遴選保舉通國之主教。此事關係最大。必須上能輔君。下能馭眾。主持教事。無少差謬者。方克勝任。聖人倚靠天主。秉公選擇。毫無偏私。所薦之人。盡皆偉品。因此朝野騰歡。共慶得人。太后益加敬信。言無不聽。計無不從。聖人際此隆遇。正在得爲之時。凡有奏請。俱是光榮天主。救濟窮苦之事。從無一言及私。可見聖人愛主愛人之心。純一不雜也。聖人卒世行實。筆不勝書。此編畧叙梗概。具見聖人之忍耐。良善。謙遜。仁慈。剛毅。智慧。萃諸德之全。集大成之緒。可謂本國之忠臣。教會之師範。窮人之慈母。天下人之表率。年登八十有五。逝世升天。歷七十七年後。教宗考據事蹟。列入聖品。時天主降生後一千七百三十七年。

宜行之德 真謙實愛效法耶穌

聖思 一。謙美德也。然有真偽之別。真始爲德。偽則徒存德貌耳。且滋  
慝焉。若聖味增爵之謙。乃真謙也。令聞廣譽。本爲徵德之符。然聖人畏  
之如毒。避之如仇。卽偶值之。不啻被人誣謗者。人見聖人之德。奇妙非  
常。不覺驚訝而讚美之。聖人聞人之譽。古怪異常。亦不覺驚訝而退避  
之。非聖人有意存謙。正聖人自視無德也。若遇毀謗侮辱。適合聖人之  
心。惟恐人不盡其辭。不能藉以改過。聖人之自卑自下爲何如。爾自思  
之。果有聖人之德否。乃聞譽而喜。遇毀而怒。外飾卑牧之容。內蓄倨傲  
之念。是自欺也。是益過也。慎之慎之。 一。經云。以全心全靈全力愛天  
主愛人。若聖味增爵者。可謂克盡此愛矣。觀其受窘難。忍侮辱。以及立  
會建學。恤罪囚。賑兵荒。莫非從熱愛天主之心。推而及之於人。亦莫非

從誠切愛人之心。還而歸之天主。一心流注。兩無間隔。人皆景仰聖人之愛德。然聖人自視。猶爲未足。必使普世人盡愛天主。方滿其愛主愛人之願。爾今如何。口裏雖說愛天主。倒底有多少貧病者。外教者。常在目前。未能顧盼他的靈魂肉身。可稱得是愛人麼。還說得是愛天主麼。

一。聖味增爵事事必法耶穌。決不阿順人情。亦不隨從己意。事雖重大。雖有利益。若不吻合耶穌旨。聖人斷然不爲。如果全合耶穌之旨。縱然艱險難行。聖人勇往直前。畧無疑畏。人卽從傍阻撓。亦莫能屈抑其志。卽一言一念。亦必勉力效法。無敢疎忽。爾今如何。偶遇肉身有益之事。全不顧耶穌聖訓。居然妄行。明係耶穌所命當行之事。其中稍有艱難。你便慮患防微。退縮不前。至於出言動念。全是迎合人意。順從己私。今世不肯跟隨耶穌。後世恐怕不能升耶穌所升之天堂。關係不小。

戒之戒之。

當務之求 爲傲慢自恃者

祝文 吾主天主。爾以傳教之德。堅固味增爵。爲勸窮人。光輝聖教品級。懇祈賜我敬其功績。法其美德。爲爾子耶穌基利斯督我等主。其偕爾偕斯彼利多三多均生均王世世亞孟。

## 二十日聖女瑪加利大 童貞致命

警言 ○勿以虛言被誘。蓋緣茲天主怒。降於無信者之子。切與之同。聖經

聖傳 ○聖女瑪加利大。係額肋西亞國人。父係異端之首。其母產

聖女後。不久病終。父將聖女。寄於昂底約紀府中一婦。乳哺之。離家有五六十里之遙。此乳母。係欽信天主之人。故自幼訓以正道。聖女緊記於懷。定心事主。領洗入教。其父聞知。不勝怒甚。卽命回家。誘其改易。聖女堅執不從。父命褫去華美之衣。更換傭工敝服。牧養牲口。父思如此苦辱難當。必然悔改。豈知聖女信德堅深。以苦爲樂。以辱爲榮。安然牧養。視爲本分。未幾。西軍奏凱。領兵大帥。道經聖女牧牲之地。望見儀容端雅。疑非尋常傭力人。傳至軍前。問其來歷。聖女回云。因我奉事天主。父卽以此辱我。但我正想天主大恩。無能報効。竟甘心樂受等語。大帥先委人攜至府中。次日。往謝邪神後。面言聖女曰。我未娶妻。意欲娶汝爲婦。明知汝父樂從。只問汝心情願。就送交體面處供養。但汝奉的教。與我意不合。須要棄絕。聖女回云。世俗的體面福樂。皆不能動我之心。

雖將萬國普天下的富貴與我。不肯背吾主耶穌。大帥曰。汝真真瘋了。豈有身爲女子。不肯嫁一榮華富貴人之理。難道自己仇害自己麼。聖女答云。我不如此真恨自己。難道離了天主而爲人麼。因一世之光榮快樂。丟去了無窮無盡之天福麼。將軍當知道不論怎麼。斷然不能改棄。大帥怒飭云。汝若堅執不從。我必治汝至死。聖女笑曰。果然如此。可滿我本願。遂命重責。周身皮破血流。聖女怡然自得曰。憑你苦我。皆不能畏懼。因吾主耶穌帮我力量。時刻不離。將軍怒甚。用夾棍等狠毒諸刑。目所不忍見者。刑後收監。邪魔乘機恐嚇。變爲無數毒蛇。自頭至足。周身蟠繞。若欲吞噬之勢。聖女蒙主開明。知爲魔計。將右足踏住蛇身。魔竟無法脫逃。不得已。自呈魔像。聖女仍然踞着。且問曰。汝爲何專肯謀害恭敬吾主耶穌之人。魔云。拜主之人。獨我們看不得。容不得。因從

前所有天堂之位。我們永不能到身。惟此拜主者。佔據而充滿之。所以專肯謀害。巴不得毀其永遠之尊位。同居地獄。以快我心。說畢。聖女將足放鬆。魔卽遠遁。時聖女重傷。全愈無痕。越數日。大帥聞前傷盡愈。提問曰。汝傷俱好。非我之神靈保佑麼。汝非木石。爲何不想一想。况汝父現爲我神之司祝。不該隨父而行麼。聖女辨曰。此傷得愈。是天主耶穌特賜之大恩。與汝神無涉。你們所敬者。乃世間死過之人。生前尙無能力。死後怎能靈應。眼見別人臨死。自己俱不能救自己。在彼亦然。如何救人。獨有吾主耶穌。是我人性命之大主。纔能保佑。大帥聽此辨言。益增其怒。命火燒之。燒至一半。復從火中提出。淬於水內。天主時時保護。出火並無焦爛。全身完好。屢燒屢淬。毫髮不傷。從旁目覩者。約一萬五千人。因此神奇。大聲喧嚷曰。瑪加利大所恭敬者。真是全能天主。我們

所敬者。明係邪神。大帥見眾心允服。速將聖女斬決。以息多人之鼓躁。

宜行之德 謹防誘惑

聖思 一。天主許魔誘人。爲堅固其德。增益其功。係利人。非損人也。故只許因人之不及。不許過人之本分。邪魔雖狡。雖奸。惟有誘人行惡之能。從無強人爲惡之力。隨與不隨。由人自主。聖奧斯定曰。邪魔如縛犬。能狂吠以嚇人。能張牙舞爪以凌人。併能搖頭擺尾以哄人。總不能近人之身。逞其殘噬以害人。所以引誘時。不敢拿人上擋。專候人自投羅網。汝爲何徒受邪魔之損。而不收固德增功之利。 一。人只說魔能誘我。殊不知自己引誘自己處甚多。如放縱五官。惜身溺愛。安閒逸樂。傲情貪淫是也。又只說魔能誘人。殊不知人之誘人更狠。如語言挑釁。行事牽連。靡麗之詩文。紛華之習俗是也。又不獨誘己誘人。更能引誘邪

魔。請看破壞之房。始招風雨。臭腐之物。始出蟲蟻。凡人之講閒話。看閒書。起誕妄之思。行不急之務者。皆破房臭物之類也。房必招風。物必出蟲。人必引誘邪魔。由外而入。吾身吾性。盡爲邪魔樂業安居之舍。可不畏哉。汝該時時省察。可曾誘過自己麼。可曾誘過別人麼。可曾誘過邪魔麼。縱然戒警加嚴。亦未必脫然無累。一聖伯多祿破此引誘之法有三。一、減味薄食。二、勤行省察。三、信天主日鑒在茲。減食以免不潔之罪。勤省以免竄入之魔。信主鑒觀。以鎮壓內傷外感之邪。明知天堂永福。無人肯失。地獄永刑。無人肯受。而誘感之端。無意謹防。是誠何心。

當務之求 爲被誘者

祝文 天主。爾德能靈異中。不棄弱女輩。賜致命者榮勝。懇祈吾等。慶爾聖瑪加利大致命童女誕日。因其遺表。躋爾臺前。爲爾子吾主耶穌。

基利斯督亞孟。

## 廿一日 聖味多爾 致命

警言○汝等居於予。而予居於爾等。凡願祈求。卽成於爾。聖經

聖傳○聖味多爾。係拂郎濟亞國所屬。瑪西利亞府人。溯茲祖籍。世爲顯宦。本一郡之名門。聖人自幼。卽專心技勇。及長。以武功見重於總王。未遇總王。崇奉異端。不遵者。毒刑處死。聖人卽定志不從。更用自已之力量。德威堅固。地方奉教之人。晝夜巡查勸慰。同官。知情上達。被拿審究。聖人直言明認。併云。不奉此教者。不能救己。定受地獄無窮之苦。邪神爲萬惡之惡。情願受苦以拒絕之。天主爲萬恩之恩。情願受苦

以欽崇之。斷不能怕苦以背天主。自甘罪惡。官命收監再議。聖人在監。滿心歡樂。知眼前必能迎受苦身致命之恩。但總王本不會斷絕愛情。一聞問官之言。不勝勃然。將聖人背綁於馬上。遊街示眾。越數日。官復提審。百折不回。甘受重鞭。身無完膚。懸掛於十字架上。周身大傷。聖人視之如飴。高聲大呼曰。天主吾等主。可憐准我所求。明明知道人無聖佑。不能立功。求主須與不離。此時不畏萬苦萬難。語畢。耶穌發顯被釘十字架之像。從十字架上。大聲曰。味多爾。不該害怕。自始至終。我不離爾。此時允爾之望。隨後賞爾升天。眾人雖未瞻聖表。莫不共聞恩諭。官命解縛收監。聖人入監後。天神下來。全愈其傷。大開監門。聖人出監。並不他往。仍赴官明訴曰。請你驗視。我傷全愈。可見我敬之主。明係全能天主。若說恭敬之人。爲何許其苦難及身。因加我功勞。厚我天福故也。

總王聞知。親提審問。如何出監。聖人回云。吾主耶穌全能。差天神。治傷放出。總王交與刑官。命盡心開導。官卽仰承上意。用世俗榮華福樂。婉轉敷陳。囑令遵受。遵受之後。升爾大官。賞爾財物。益處甚多。聖人付之一笑。答曰。若能知道天主大恩。決不如此說。世上榮光雖大。不過俄頃之間。並非真樂真福。如何比得天堂永樂。如何免得地獄永苦。官見不能挽回。仍收監羈候。至半夜時。天主賜聖人發顯大光。守兵不勝驚駭。忙問此光從何而至。聖人告以天主之道。眾兵卽定志棄邪歸正。遂指往領洗之處。奉教後。熱心如熾。圖報聖人之恩。常常不離左右。事聞於官。一齊提問。汝等爲何如此糊塗。聽人哄騙。背叛國家所敬之神。聖人不容眾人回覆。爭先上告云。國家所敬之神。卽是害人之邪魔。斷不可恭敬的。惟有皇皇天主。造世救世。無人不該恭敬者。未曾知道的。必當

悔改。已經認識的。又當致命捨身。以補前失。請看我身。你們將五官盡壞。論理不能再活。今還好好在此。你們若不歇心。只管苦我。係我之情願。官命掌嘴。再加重鞭。此時蒙主特佑。不顧自身之苦。惟勸新奉教眾兵。不宜畏此嚴刑。外面愈堅。心中愈樂。樂心一起。畏懼全無。今我現求天主。容我稍緩須臾。眼見你們先我而致命。吾願足矣。幸眾兵一德一心。無不情願爲主而死。且滿聖人之願。一齊駢斬。眾兵致命後。擡一邪神像。至聖人前。勒令叩拜。聖人義怒勃然。卽舉一足以踢倒之。事聞。別去聖人踢像之足。別後。聖人舉腿一伸。照常有足可行。見此聖蹟。無法可以抵當。着卽斬首完結。時天主降生後三百二年。臨刑。天本晴明。忽然黑雲驟發。雷雹交加。明顯天主之威嚴。刑後。將聖屍拋入海中。不多時。聖屍自至海濱。教友收葬於淨地。至今此海之濱。常施靈蹟。

宜行之德 盡心敬主

聖思 一。人多多不行聖人之路。因自覺其難。故畏縮委靡。此係錯用其畏心也。要做聖人。不在聰明。不費力量。惟肯受天主之愛。何難入聖超凡。人之求博學。圖美名者。謀算一生而不足。若做聖人則不然。只看汝肯與不肯耳。倘至今不肯。或終於不肯。可望升天麼。 一。不必想照聖人之苦難而行。惟該想就汝目前之事。照聖人所行之道而行。故並無難處。終世之期。誰能預定。或在本年。或在本月。或就在此一日半日之內。俱未可知。所以有一日。必該盡一日之長。倣效聖人。汝曾如此不空廢時日否。 一。定不得汝心。或想習慣之事。一朝改變。別人必多議論。必加恥笑。獨不想別人議論難當。恥笑難受。天主之審判。地獄之永刑。倒容易承當。順受麼。只知畏人。不知畏主。只怕惡人憤激之語。不怕

聖人懲勸之言。豈非自害自己麼。所以行好行善。不必管人議論。眼前笑汝之人。有一日必定讚汝。尊汝。悔恨自己。而無門求汝。又何必顧霎時體面。不盡心以敬我形神之大君大父。

當務之求 爲初進教者

祝文 伏祈全能天主。吾敬憶聖味多爾致命者誕日。賴其轉達。加力於吾。愛慕爾名。爲爾子吾主耶穌基利斯督。亞孟。

廿二日 聖婦瑪利亞瑪大肋納

警言 ○爾等。弗謝所有諸物。必弗爲吾徒。 聖經

聖傳 ○聖瑪利亞瑪大肋納。係如德亞國世家之女。父母早亡。兄

名拉撒落。姐名瑪爾大。聖婦本名瑪利亞。因分家。得瑪大肋納之地。遂增此以別之。但自幼失於教訓。舉動不合女箴。鄉黨咸指斥其非。幸當天主耶穌降生救世之時。聖婦聞風趨向。惟自愧舊名難掩。見主無門。乘耶穌赴約長西滿之席。從後俯身臺下。扳耶穌足。痛泣不止。淚沾聖足。挽髮拭乾。塗以香液。深悔切愛之情。俱極其至。耶穌慰云。爾罪悉免。安心回去。從此去私絕誘。立志改遷。自定終身事主。願輸物力以佐神工。凡聖門所需日用之資。屢行供給。若以其家爲舍館。聖婦必躬行婢僕之役。乃兄拉撒落病死已經葬埋。耶穌一到。刨開墳墓。應聲而活。聖婦伏地進香。伸其虔敬。至耶穌受難時。聖婦隨侍於山。日不轉瞬。及殮葬時。又隨聖母於石塚。葬後。不辭重價。購買異香。以圖開墳復殮。第三日早。賚香詣墓。耶穌已復活。得守墓天神之言。回告宗徒。耶穌升天後。

惡官圖滅聖門。或殺。或笞。或監。或徙。將聖婦一家。逐之海外。飄至拂郎  
濟亞國。馬西里亞地方。士民恭迎敬禮。請拉撒落主持教權。瑪爾大建  
立修會。惟聖婦山居獨善。茹草飲泉。寢苦枕石。嘗有天神降顧。嘗升雲  
表聽音。三十年後。預知終世之辰。轉聞司教。期於是日。求請聖體。司教  
如期賚至。見聖婦全身。離地乘空。向天合掌。謹舉手以賦之。領聖體畢。  
卽謝世升天。時有賢士。葬殮聖屍於山。迄今虔誠趨謁。所求必應。

宜行之德 悔過

聖思 一。聖婦瑪大肋納之多罪。只因多愛私情世俗。天主赦其多罪。  
只因多愛耶穌。由此正經多愛。遂發出正經痛悔之心。改過之心。成聖  
人。享天福。汝能如此愛耶穌否。汝會如此痛悔改過否。定不得自領洗  
至今。私愛未絕。俗愛未離。悔改之淚。阻滯不流。如此悠悠忽忽。怎麼可

望天主寬恩。一。耶穌受難時。聖婦不離左右。隨至加爾瓦略山。俯身十字架下。已之痛淚。與耶穌寶血同流。已之傷心。與天地萬物傷形並顯。汝領洗後。若心中原未備正經痛悔。正經愛德。雖然親苦像。拜五傷。如何得有正經傷痛。當知這大痛悔。大愛德。自己不能預備。求主開愚振弱。始能勉強而行。一。耶穌復活後。聖婦見係空墓。淚從心下。非哭耶穌也。哭己不見敬愛之主。失去神師慈父也。凡人失去子孫富貴。莫不泣涕哀號。今汝犯了大罪。失去天主。失去靈魂永福。反毫無悲悔。愛德何在。

當務之求 爲冷淡者

祝文 伏望吾主。因爾允聖瑪利亞瑪大肋納之求。悔過自新。復活乃兄。今虔恭求爾。俾我等不陷罪污。寵恩復活。遠除俗引。獲享天堂。耶穌

基利斯督亞孟。

廿三日 聖亞玻理納 致命

警言○爾等。既爲天主預錄爲聖。爲見愛者。宜體仁慈之心腑。

聖經

聖傳○聖亞玻理納。係西里亞國人。適宗徒聖伯多祿傳教。至諳弟阿加府。聖人中心誠服。受業爲徒。隨往羅瑪。因賢智非常。遣往拉勿納郡。寓武士家。其子雙瞽。聖人畫十字以復其明。親朋感激。深知所奉者。實爲真主。信從之人。四方雲集。鄰婦病危待斃。夫係本國將軍。請往

顧之。聖人一見。語云。托賴吾主耶穌聖名。使汝身安病愈。併使汝知耶穌爲萬物正主。天上地下。其尊無對。其能無比。言畢。病卽全瘳。向眾云。所敬耶穌。真正是天地神人之大主。此外邪神。不可道也。夫婦親鄰。咸歸聖化。自後歷十二年。從遊日眾。異端嫉妬。誣告於官。聖人詳陳教旨。眾皆深服。惡黨恃強殘虐。驅溺水中。教眾救出之。半年後。惡黨漸平。如前敷教。一富貴人啞啞。一婢負魔。望見聖人。啞卽言。魔卽退。及聽訓言。從教者。五百有奇。惡黨重新倚眾拘拿。以火炭鋪地。跣足踏之。殘酷杖答。投於荒野。時因傷重。暫避牧童家。然未曾片刻少安。廣集同人。隨才指示。遂傳教鄰邦。一女已經入殮。聖人聞父母慟哭堪憐。撫棺呼喚。死女應聲復活。舉家驚喜。聖人頌美主恩。提明教中要理。羣信奉焉。復活之女。守貞卒世。值總王偏信異端。滅除正教。遣官拿究。重杖後。憑空立

架。縛背於上。縛股於下。欲支解之。聖人顏色怡然。惟有求主加恩承受。併勉勵同人而已。官見義勇不撓。將全身殘剝。灌以滾油。命置海邊破艇。聽其漂沒。因殘剝灌油之刑役。立斃於眾人前。官怒愈增。復繫獄。以石搗碎聖人面頰。斷殮絕飲。天神饋食救之。越數日。強健如常。仍爲發遣計。船至中流。颶風陡發。多人盡溺。惟聖人暨三徒。及二護兵。幸見天主特恩提救。飄浮抵岸。係米西亞地方。上涯後。見一病人。遍身瘡毒。痛苦呻吟。不俟彼開言。向彼畫一十字。諸瘡立愈。其人感恩受訓。迴越尋常。繼往大辣濟亞省中。此地原有魔像。能言吉凶。聖人到省。魔遂不言。眾特奉牲叩請。一言不發。一日。忽大呼曰。爾輩何苦如此逼我。現有耶穌宗徒伯多祿之門人。將我束縛。不許發言。彼在此地。望我能言。增我之苦也。眾聽甚明。遂遍訪聖人。反以縛魔爲惡。代魔報仇。答之。詈之。殘

虐之驅逐之。雖閱歷三年之久。終於退藏。遂回拉勿納郡。民眾服從如故。豈知邪黨奸謀。較前更盛。共相盟誓。不許容留。復聚徒拘縛。強令跪魔拜像。奉爲至尊。聖人默求主佑。魔像自倒。化成一撮飛灰。邪徒忿極。送官究處。此官向有一子。生而暗啞。蒙聖人使之能言。今一見聖人。遠迎款待。俟眾人散訖。私縱於山莊。又歷四年。訓誨鄉人。夜以繼日。有疾患者。求之即愈。邪黨聞之。復拿禁獄中。以俟國命。獄官原係教中。又縱之。邪黨星飛追獲。殘傷幾死。門人趨救。就近存留。聖人知終時迫近。盡志盡力。勸勉眾徒。言訖而逝。時天主降生後七十五年。迄今朝墓者不絕。沾恩者甚多。

宜行之德 愛德

聖思 一愛人者。初必婉言勸引之。次必直言勉勵之。若自己原係尊

長。或係上人。猶爲本分。不勸不勉。則本分不盡。必來主罰。就不是尊長上人。論我相愛之本心。都該如此。倘遇有萬分碍口。十分不便處。只得暫爲緩圖。以俟機會。又不可冒昧率言。然愛情仍蓄於衷。不該片刻去諸懷也。勸勉之後。在天主開心。亦須求主教之。固執不從者。盡人事以聽天主之命。不必憂愁。一。愛人者。平安則愛之以言。患難又必愛之以力。安慰之餘。該竭力以救之。果有如此行愛之心。每日卽有望爾施愛之人。或自己本家。或鄰居親友。不是鰥寡孤獨。就是疾病災傷。汝能爲天主實心幫助。教其不知。更補其不足。天主全能全善。至義至公。不獨不肯加爾之窮。還要記爾之功。免爾之罪罰。旣然如此。爲何不盡力愛人。一。愛人者。自己要有忍耐之根。因各人有各人之心。我只一人。而與眾人交接。其心自然不同。心旣不同。則所發之言。所行之事。必然

大不相同。免不得要常常忍耐。若不耐。聽人開口。見人動手。俱與己不合。一起不合之見。便能斷絕愛情。所以愛人者。必先忍耐。果然有此忍德。纔能平定心中之亂。纔能勉立愛人之功。汝欲愛人。可有此忍耐否。從前或無忍德。今而後。肯情願小心預備。勉強順承否。

當務之求 爲亡者

祝文 天主。因爾至公至義。行善者。無不酬其永賞。我今幸逢聖亞玻理納致命之聖日。因其功勳。躋爾臺前。得我等重罪之赦。可獲天上永安之所。爲爾子耶穌基利斯督。亞孟。

## 廿四日聖女基理斯弟納 致命

警言○友中多有爲基利斯督十字之仇。厥終即亡。腹即厥天主。

羞即厥榮。聖經

聖傳○聖女基理斯弟納。係意大利亞國中弟樂郡人。郡在大湖之內。後因水患棄之。在昔隆盛時。聖女之父。世爲名卿。貴而且富。現居本郡之有司。但素信邪魔。惡聞正道。獨聖女早蒙主佑。遵奉聖規。固守謹持。父不能奪。遇有貧人。將父所供金銀邪像。毀以濟之。父聞怒甚。重刑懲責。聖女欣然樂受。並不乞憐求恕。次日。盡褫其衣。以鐵爬剝皮戕肉。聖女日擊遍身。並無完膚。血流滿地。深以自慶。父之暴怒愈增。造一鐵輪。縛聖女於上。輪下積火加油。轉輪炙烤。當此急迫之時。天神奉天

主命飛火旁燒。死者甚多。受傷未死者。逃命遠颺。只得暫行歇手。將聖女囚於幽室。天神下臨。治其傷。賀其勇。且勉勵其後功。僅越一日。父見諸傷全愈。更加憤恨。繫以大石。沉溺巨浪中。天神送之涯畔。父終弗悟。又囚之。天主不容。父於是夜。無病暴亡。新官濟惡。用松脂硫黃等物。實於大釜。烈燄甚威。將聖女投入。聖女毫無懼色。惟手畫聖號。默誦聖經。身逾金石。並不損傷。蠢茲官吏。全不想天主威靈。反將聖女削髮剃衣。解至邪廟。勒令叩拜。聖女甫入。邪像自傾於地。散爲土灰。惡官怒忿塞胸。立時悶絕身亡。民眾悚然。棄邪歸正者。三千餘人。新官接任。濟惡如前。捆縛聖女。燒於火窰。晝夜。全身完好。復置黑監。命異端人。遣毒蛇吞噬。蛇竟俯伏不前。惟官殘忍性成。割去聖女之舌。然割舌後。仍能言語。乃縛於高竿。四圍攢射。竟至心穿骨透。聖女謝恩求主。氣絕而終。時

天主降生後三百年。同教收葬於淨地。後移於西濟里亞國。巴肋默郡中。

宜行之德 求永益

聖思 一個個人。想求自己之益。但已有二。有肉身之己。有靈魂之己。益亦有二。有暫時富貴榮華之益。有永遠常生真福之益。然求暫益者。百不能得一。求永益者。百不能失一。且謀肉身暫益之人。難得靈魂永益。與其因肉身而害靈魂。何如舍暫益而求永益。倘悞用其謀求。汝之明光何在。 一個個人。大約多想世俗可益肉身。如子孫親戚友朋等是也。豈知益處少而速。損處多而長。惟有耶穌之榮福。耶穌之利益。能補助靈魂。併能補助肉身。試觀疾病死亡。災傷困苦。汝子孫能轉禍爲福否。汝親友能變死爲生否。明知不能。而念念難忘。吾主耶穌以神恩

聖佑益汝之靈。以田地百穀。益汝之身。反置之不問。汝之公道何在。一個個人。都想爲自己出力。鮮有想爲天主出力者。將天主所付之能。認爲自己之能。專爲己用。鮮有將此能。奉還天主。仍爲天主用者。殊不知爲天主出力。纔能求自己之永益。若專爲自己。不惟無益。必然招損。猶如富人之僕。將主人銀錢。爲主人辦事。公而不私。必蒙優賞。若將主人銀錢。爲自己辦事。不與主人出力。一經敗露。必受重刑。今汝以罪失己。不以神工救己。又何異昧心之頑僕耶。但天主愛人無限。比不得世上主人。汝雖從前浪費天主所付之能力。若自今而後。及早回頭。以愛還愛。猶未晚也。汝不知道耶穌升天後。留下付洗告解之規。赦汝之罪麼。汝不知道耶穌受難前。留下本身本血之恩。養汝靈魂麼。此係人人。心領神會之大恩大益。竟不知仰承順受。挾髓淪肌。汝之愛情何在。

當務之求 爲婦女

祝文 天主。爾德能靈異之中。不棄弱女輩。賜致命者榮勝。懇祈我等。慶爾聖基利斯弟納致命童女誕日。因其遺表。躋爾臺前。爲爾子吾主耶穌基利斯督。亞孟。

廿五日 聖長雅各伯 宗徒

警言 ○予平留於爾。予平與於爾。我與爾。非若世與爾。爾心弗岌惶。聖經

聖傳 ○聖若望宗徒之胞兄。名雅各伯。耶穌初出門傳教。兩昆仲應命追隨。棄辭漁業。因後來又有同名之宗徒。將先進之聖人。稱長以

別之。聖人精修罔懈。克己惟勤。耶穌升天後。傳教於協路撒稜。漸及撒瑪里亞。雖士庶翕從。而惹人仇嫉。遂前往以西巴尼亞國。甫至。卽勸化七人。分巡各邑。歷久。鮮人信從。心竊慮之。時聖母居如德亞。去此甚遙。忽現於聖人前。呼名慰諭。將來此地。欽崇我子母者甚多。宜早建聖堂。廣宣德意。言訖不見。聖人蒙此特恩。前憂盡釋。卽建堂致敬聖母。竭力廣揚。仰蒙佑庇。棄邪歸正者。與日俱增。越數年。將回如德亞。語眾云。吾在此日久。何忍遽別。因天主命。不敢不從。當知我來傳教。爾等遵依。皆天主之神恩。聖佑。並非我與爾之能。爾等圖報主恩。必須推己及人。可免悞人之罪。歸後。晉謁聖母。會晤同門。時勤時勸。有邪術人厄爾。末日被擗。受黨援之托。遣徒非肋多入室潛圖。見聖人言行超羣。卽跪叩自陳。願入聖門。其師漸忿。令魔拿回。非肋多果然身如捆綁。聖人將常用之。

手巾。命執之。魔即解退。彼復求魔併縛聖人。魔力不能。反奉聖人命。將彼牽至聖人前。聖人即使非肋多誦耶穌聖號。解其索。厄爾末日搦觀此神奇。盡毀其書咒邪術。傾心奉教。聖人特賜一杖。以防魔誘。惡黨所謀不遂。賄令協路撒稜之守兵。乘機肆虐。聖人知而弗顧。彼遂私行拘捕。打罵橫加。國君素本昏庸。事聞處斬。赴法場時。途遇一癱人求救。聖人口稱耶穌。癱人即起。惡黨中有若細亞見之。悔罪歸誠。惡黨怒其反叛。亦奏聞斬決。時天主降生後四十四年。聖人之門徒。遂葬於以西巴尼亞。嗣因荒亂之餘。聖墓失迷。越五百年。主特顯揚聖墓。夜發大光。累日。士民爭趨朝叩。不數年。國君特建大堂。遷葬於堂內。災荒瘟疫。多蒙拯救。猶憶數百年前。海寇犯城。官軍失利。計窮泣禱。聖人顯示云。吾保汝再戰。必破之。奚懼焉。明晨迎戰。全勝而還。迄今有求必應。

宜行之德 化導異端

聖思 一。聖雅各伯聞耶穌之招。即棄網棄舟。緊隨多載。今耶穌招汝跟隨。命汝棄俗。汝仍不棄不隨。獨不想此時不棄世俗之網。將來能棄地獄之網麼。此時不隨耶穌之招。將來能隨耶穌升天享福麼。一。聖雅各伯盡心教化。從者甚希。蒙聖母明諭。分外慇懃。遂收實效。汝非宗徒之後人耶。宗徒能勸化以西巴尼亞一國。汝不能勸化一鄉一邑耶。勸人救人。汝之本分。人雖不聽。汝之本分不缺。必蒙天主鑒憐。若或勸化多人。係天主之光榮。惟滿心感激主恩。不肯認作己能。自然聖佑日勝一日。當時後世。莫不廣揚。其效甚神甚速。何必過慮多疑。但天主無所不知。汝若因化導多人。便生驕傲。或自逞才能。或自誇功德。一蓄此心。雖外形不露。中害已深。豈獨盡棄前功。還留下一個跋扈。

負恩之大罪。汝今如何。一。聖雅各伯爲救本地人。復回本國。不料外國還能久道化成。鄉黨之間。更固執不從。且虐殘至死。可知出力爲人。不該憐惜自己。更不該望報於人。只該預備樂從苦難之心。聽人之答應。人以順應。當歸功於主人。以逆應。願加苦於身。有此預備。何患不爲聖人。

當務之求 爲聖教廣揚

祝文 伏望吾主。聖爾之民。護爾之臣。賴爾宗徒聖雅各伯。衛之翼之。以善行悅爾。以堅心事爾。爲爾子耶穌基利斯督。借爾借斯彼利多三多。爲一天主。均生均王。世世亞孟。

廿六日 聖婦亞納 聖母之母

警言 ○嘉樹。非結惡實。 聖經

聖傳 ○聖婦亞納。係古教亞鸞之裔。父名瑪丹。母名瑪利亞。此名如德義一派常用。故多雷同者。父母生四子。宗徒聖次雅各伯。聖達陡。協路撒稜。主教聖西默盎。同聖瑪弟亞。擬補逆徒如答斯缺。聖若瑟。名巴爾撒巴。是也。又生三女。長亦名瑪利亞。初歸亞斐亞。斐亞。改歸格肋阿法。即大聖若瑟之兄。次名瑣伯。聖若翰保弟斯大之母。聖婦依撒伯爾。即瑣伯之女。三即聖婦。歸聖若亞敬。同事天主。內盡其誠。外盡其禮。爲主光榮。與人迴別。室若聖堂。舍旅濟貧。常行不斷。窮人多待救者。但年力已衰。並無生育。惟守齋克己。節用哀矜。以隨主命。如此立願祈求。

歷二十年。天主鑒其誠切。又合救世定期。特差天神明示曰。天主賜爾一女。爲萬世神人之大母。居無何。妊而生女。卽未有天地前預簡者。並無原罪。生三歲。聖婦爲酬前願。攜獻主堂。獻後。回居納匝肋。不多年。無疾善終。年七十八歲。

宜行之德 正其所求

聖思 一。聖婦亞納。堅求後嗣。二十年不倦。汝求。曾如是否。事未必聖善。心未必誠切。時未必久常。乃一求不得。便怨天主不公。或疑天主無靈。若此之求。是求害也。非求益也。有益之求。莫如聖婦。至善。至誠。至久。以愛。以謙。以信。卒能滿其所望。汝獨何心。正言正行。而不正所求之言行。 一。天神慶報得胎。聖婦信而不疑。今汝賴耶穌基利斯督之功勞。有求必應。爲何疑而不信。天主全能全善。不惜以聖子與人。耶穌至仁。

至慈。更不惜以聖身寶血。深入人心。豈有至尊無對者。慷慨與之。卑微輕賤者。反慳吝耶。汝之所求。或未出於正。或只顧眼前。不思後害。又汝求時。或不用耶穌功勞。所以求而不與也。非愛汝。卽懲汝。莫非天主大恩。汝獨何爲。求此求彼。而不求彼此各得其正。一。聖婦旣蒙天主准其所求。時時想報大恩。生女甫及三週。卽奉獻主堂。汝曾如此報恩否。豈獨受恩不報。定不得常常以罪報恩。眼見人家子孫財產。能幹聰明。非天主所與之恩耶。乃得了子孫。惟望顯親揚名。有了財產。惟願豐衣足食。些須能幹聰明。便目空一世。如此舉心動念。不是以罪報恩麼。如此報恩。還望後來。可得所求麼。請看聖婦。許願速酬。受恩必謝。汝獨何人。正者不求。求者不正。求而不得者。不知自省。得其所求者。不肯報恩。還算是正經求主之道麼。

當務之求 爲善人堅固

祝文 吾主天主。賜聖婦亞納。爲爾子耶穌童貞聖后之母。恭遇慶辰。畀我等起敬起畏。奉爲主保。望聖婦護之翼之。自當日迄今。迄於末世。愷澤無窮。亞孟。

廿七日 聖龐大良 致命

警言○聞而不行。如人思已容於鏡。思已已去。頃忘其爲何若矣。

聖經

聖傳○聖龐大良。係亞西亞你各郡人。父原傾信邪魔。惟母素崇正教。聖人幼時。最遵母訓。不幸母亡甚早。習俗移人。雖稍通文藝。僻好

行醫。幸遇名賢黑木老。常論天主耶穌爲生死之大主。愈病之神丹。何必學醫。然未能決志遵從。適道旁一小兒。被蛇毒死。蛇尙在。聖人蒙天主默啟。就屍語云。賴天主耶穌聖號。命汝立時復活。向蛇云。爾爲禍胎。應代兒裂死。言訖。死兒即活。活蛇即死。聖人亦喜亦懼。往告於黑木老。黑木老將天主全能。耶穌救贖等。詳明要理。聖人即遵規領洗。進德增功。日新月盛。一人病曰。醫治不痊。訴苦於聖人。聖人手指其目。口稱耶穌聖號。立時全愈。其人感激主恩。棄邪歸正。從此聖名洋溢。不治之病。求聖人稱耶穌聖號。無不愈者。國王聞民間多信天主。禁飭甚嚴。聖人恐眾心搖惑。晝夜巡行提救。事聞於王。先將瞽目復明之人審問。回云。龐大良口呼耶穌。舉手指目。目遂明。因知此能出於天主。其教必正。必真。王大怒。立命斬決。聖人見仇害即來。盡變其家產。濟貧贖擄。建院造

堂將完被捕。聖人將正邪來歷。辨別甚明。總不解王之僻性。請覓一重病人。聽眾先求。國神不應。吾求天主。據此可定正邪。王如其請而行。滿朝見此效驗。多有歸正者。獨惡徒誣以妖術。請逐之。王令聖人奉國神。棄天主。回云。舍正從邪。萬難如命。身可毀。志不可奪也。王勃然怒叱。聖人毫無懼容。遂縛入大市。赤身懸於高竿。鐵爬剝其皮肉。火炬燒其破爛。聖人聲色自如。惟以心目求主。耶穌借黑木老之像。顯慰云。爾主爾師在此。不須驚慮。語完即隱。時繩索自開。火炬自熄。王愈怒。令具大鼎。將鉛鎔化。乘沸投之。聖人見耶穌同入。鉛冷而凝。王復憤極。墜以巨石。投之於海。耶穌舉手持之。踏水登涯。王命投於獸柵。耶穌先入。聖人叩謝曰。主在此。何畏焉。眾獸猛而且飢。一見聖人。斂威跪伏。旁人咸頌之。王仍不服。盡屠諸獸以洩憤。再造一輪。圍以利刀。縛聖人於輪。從高轉

下。碎戮其身。豈知惡謀雖酷。難當天主之威。旋轉時。斷索離輪。反傷刑役。王問其師爲誰。聖人告以黑木老。既至。詳陳教理。証以奇驗。非常語。際地大震。魔像成灰。王疑黑木老所致。同兩兄弟。一併斬決。次將聖人。遍體毒笞。後命折肢斷首。焚骨滅形。役繫於樹。斫之。刀軟如蠟。役大驚。惶懼跪求。聖人代祈赦罪。空中有聲曰。主准爾求。赦之。聖人疊受主恩。心甚難安。望主容彼傷殘。遂被斬而終。時天主降生後三百十一年。斬完無血。只流清乳。所繫之樹。忽生花菓。王令拔樹燬屍。役懼不行。教中密葬之。遺恩不絕。

宜行之德 認己

聖思 一。罪人如瞽者。不識天堂之福。不明地獄之苦。不見世俗之虛。不望德光之美。只顧貨財暫富。體面虛榮。肉身僞樂。汝爲何不想一想。

這貨財。原在誰人手內。當年同我體面之人。今往那裡去了。小時快活之年。昨日喜歡之事。而今安在。倘有此一想。恐怕心瞽漸開。汝曾想過否。一。罪人如病者。神思溷亂。血氣不和。此亂攪心。必失肉身之愛。貪淫盤踞。驕忿滿盈。此罪攪心。必失天主之愛。肉身之病。人人必問藥。問醫。靈魂之病。汝爲何不問一問。該愛者。果能愛否。當惡者。果能惡否。倘愛惡均失其宜。難免病入膏肓。傷哉。神醫現在。良藥易求。乘此可治之時。汝竟付之不問。欲待何時。一。罪人如死者。然更有甚焉。天主全能。死者立能復活。人賴天主全能。亦能復活死人。若罪人不肯回頭。何能復活之。豈不是比死人更甚麼。但該知罪人無天主之聖佑。斷不能改悔回頭。又該知天主之聖佑不少。惟在罪人之肯受不肯受耳。汝爲何不看一看。自古迄今。多少死過的人。賴天主聖佑。肉身尙能復活。多少

犯大罪的人。賴天主聖佑。靈魂亦能復生。且變罪人而爲聖人。汝獨何心。情願與死爲鄰。汝心何向。情願出生而入死。

當務之求 爲病人

祝文 伏祈全能天主。吾敬憶聖龐大良致命者。誕日。賴其轉達。加力於吾。愛慕爾名。爲爾子耶穌基利斯督。亞孟。

廿八日 聖納撒略 聖瑟爾瑟 致命

警言 ○汝輩宜淨。久肥之麪。乃爲無肥之麪。以成新餅。 聖經

聖傳 ○聖納撒略之父。係利未亞洲人。母本意大里亞國舊家。旅居羅瑪。而生聖人。聖盎博羅削曰。聖人之母。恭敬天主。具有盛德。聖人

幼承母訓。信認最真。受洗於教宗理諾。父母去世後。遊學於意大里亞。途中勸人領洗。救濟貧窮。沾恩者甚多。內有日訥瓦城孀婦之子。名瑟爾瑟。求聖人收留訓誨。領洗入教。同行同止。由拂耶濟亞國。往熱爾瑪尼亞。得肋勿府內傳教。靈蹟頻施。奈此方之人。怙惡不悛。二聖日在苦難中。終被鎖拿。溺入大水。二聖賴天主全能。行水如行陸地。然水災雖免。地方難領神恩。二聖不復再留。欲回意大里亞。行至密辣納城。查緝教中嚴緊。二聖被拿勘問。堅持不改。遂擬斬立決。

宜行之德 學聖

聖思 一。升天必期無罪。若領洗後。雖些微小過。當洗以痛告之淚。否則不能升天。小過必拘煉獄。煉盡可升。大罪必受永殃。入不再出。但其苦皆同。汝能未入前。學行聖人升天大路。只有兩條。非直行無罪之路。

卽速行痛告之路。一。手係汝之行。舌乃汝之言。心卽汝之思。故言行。是汝心之外容外像。一舉一動。全根於心。關係靈魂生死。惟聖人心常潔淨。不肯縱弛。汝心如何。一。有人妄証汝。當想耶穌在世尙然。不該歡喜麼。明知是假。天主知之。何必惱人。自失平安。或有別罪補贖未完。可借此妄証以補之。應當感激其恩。今汝遇人妄証。喜歡感激耶。還悻悻不平耶。

當務之求 爲罪人

祝文 天主。爾賜我等。敬憶爾致命者聖納撒略。聖瑟爾瑟。誕日。望爾彼居永福之域。使吾僭樂。爲爾子耶穌基利斯督。亞孟。

## 廿九日 聖女瑪爾大 童身

警言 ○瑪爾大。瑪爾大。迫惟須者惟一。 聖經

聖傳 ○聖女瑪爾大。兄妹三人。兄拉撒落。妹瑪利亞。瑪大肋納。係如德亞分封名族。父母早亡。幸遇耶穌降生之地。同歸聖化。耶穌常至其家。及兄病故三日。埋葬已完。瑪爾大語耶穌曰。主向在此。吾兄不得死。但吾知攸求天主。天主卽允。耶穌答曰。爾兄將復活。瑪爾大曰。予知眾人復活。來日伊卽復活。耶穌曰。予卽生命者也。復活者也。凡信予。雖死。固復活。凡活而信予。永不死。爾信此乎。答曰。予固信爾爲基利斯督。活天主子降世。耶穌往救之。開墓呼名卽活。耶穌升天後。惡黨怒其欽崇。抄沒家產。將三人押發朽爛舟中。去其櫓舵桅帆。以便飄流沉溺。蒙

主聖佑。送至西地中海。抵拂郎濟亞國所屬瑪西里亞郡。郡人見破船泛海。羣聚而觀。遂有歎留厚待者。既而聞其講論。察其德修。歸化甚多。乃奉拉撒落以柄教權。聖女另擇靜區爲修院。居同志潔修之女。忽有蟒蛇肆害。聖女求主。向蛇灑聖水。畫十字。蛇卽裂死。聖女入院後。去私慾欲。受苦卑躬。更密更嚴。酒乳魚牲。概行屏絕。服食不過蔬水單衣。一晝夜內。百次叩頭謝主。久而彌篤。一年前。蒙主預示升天之期。卽賜年餘之病。精煉之。終期前八日。聞天上佳音神樂。送其妹瑪利亞瑪大肋納。聖靈升天。至終日。耶穌親召之。輝光滿室。耶穌去後。聖女令鋪土於地而臥。示身從土出也。又令旁人誦耶穌受難經。至予神付於爾手。聖女靈魂亦付上主而逝。近方司教正舉行彌撒。天神明告云。聖女升天。當速往葬以教禮。卽隨天神至。辦理將完。耶穌親臨送葬。此他聖未有

之寵恩。後拂郎濟亞國王。患病將危。聞聖女之功。乘輿趨赴。謁墓求恩。即時全愈。四方士庶。接踵來朝。望恩求福者。各得所求而去。

宜行之德 救己

聖思 一。各人出力盡心。或富。或貴。或多聞。皆體面也。盡心力以圖之。意欲何爲。爲升天耶。我看不體面。不富貴。不多聞者。俱得升天。既如此。何故全心全力。專謀汝一世之事。爲汝一人體面。不肯全心全力。謀汝萬萬世無窮之事。爲天主光榮。一。靈魂的好。肉身的好。俱人生要務。然肯救靈魂者。必兼救肉身。兩好俱得。且皆永遠。若只救肉身。極其好處。轉眼俱無。且留下永遠的不好。汝欲明白自己的好不好。須查每日所行。都爲天主否。一。我們人類。止有一個性命。止有一生一死。不可妄想如拉撒落再生再死也。此時不救。死期就至。雖天主仁慈。斷不能

法外施恩。

當務之求 爲傳教者

祝文 救吾者天主。聽受吾禱。吾樂爾聖童女瑪爾大瞻禮。望以誠心。得受訓誨。爲爾子吾主耶穌基利斯督。亞孟。

三十日 聖亞伯東 聖生能 昆仲致命

警言 ○汝來負軛而師予。夫子良善而心謙。汝靈即獲寧。 聖經

聖傳 ○聖亞伯東。聖生能。係伯爾西亞國貴族之子。本家世居通顯。二聖同胞同德。道貌禮容。言規行矩。更尊於家世之上。總王侵奪多城。滅除正教。二聖正在所侵之地。周行勸勉。致命者。收葬之。事聞被獲。

王因上族。優禮待之。勸云。汝等不必多疑。若我敬之神。不是全能。我兵如何得勝。汝二人遵依敬拜。卽用爲輔政大臣。二聖回云。王敬之神。我國之王亦敬之。怎麼在王之兵。獨全能。在我國。竟不全能。可知全能者。惟有天地萬物之大主。要此敗卽敗。要此勝卽勝。萬事萬物。總操權下。我們該恭敬者。惟此而已。不能再拜別的。王命拿至羅瑪。傳諭眾官云。此二人係伯爾西亞大家之人。只要他肯拜我神。諸事由他。二聖曰。我非正神不敬。所敬者。惟造天造地。降生救世之大主。王怒。收監聽審。次日。問官提訊云。汝今不必多言。或拜吾神。或不肯拜。片言可決。二聖直言不肯。卽重答遍撻。周身腐爛。取二獅四熊噬之。獅熊俱伏敬惶悚。官曰。此邪法也。差人看守。暗中將二聖戳死於地。時天主降生後二百五十四年。

宜行之德

敬愛天主

聖思 一。凡天主所命之事。必有益有樂。更常穩常尊。請看升天之聖人。我們爲何恭敬他。因彼在生時。能順從天主所命之事。故有此尊榮。若生時不從主命。生前死後。誰肯如此敬之。卽此一看。就可知莫大之益。非常之樂。萬安萬穩之尊榮。惟此而已。如此之福。全在自己肯要不肯要。肯要者。無他。惟敬愛天主。此福即來。且不必死後纔得。生前之聖味樂心。神安身穩。師嚴道尊。自己明明知道。汝心曾樂過否。 一。奉事世俗人。旣爲邪魔之奴。定爲自己惡性之僕。沒一個不卑賤。沒一個不亂良心。如何得享此福。所得者。不過一些犯罪的銀錢。頃刻驕人的體面。就算邪魔之報。惡性之福。然爲得此福。費盡心機。受多少艱難。尙且容與不容。權在天主。往往畢生爲三仇之賤役。仍患難以終者。十居八

九。聖奧斯定有言。求世俗之愛。比求天主之愛。更百倍其難。一。既然如此。爲何多多人。只肯服事世俗。若勸他服事耶穌。願者甚少。無他。因人心常想世事。不想耶穌之訓。只想眼前。不想身後。雖有信德。並非活信。汝今如何。願隨世俗耶。願隨耶穌耶。汝若只顧眼前。雖萬語千言。徒勞唇舌。汝果留心身後。則前後所言。莫非對病之神鍼法灸。立除百病之根。幸弗多疑多畏而不前。

當務之求 爲中國人

祝文 天主。爾賜我等。敬憶爾聖致命者。聖亞伯東聖生能誕日。望爾彼居永福之域。使我偕樂。爲爾子耶穌基利斯督。亞孟。

卅一日 聖依納爵 立耶穌會

警言○吾輩若以神活。宜以神行。勿貪虛榮。 聖經

聖傳○聖依納爵。係以西巴尼亞國人。世爲勳臣。其親八男五女。聖人居幼。繼述武功。初充宿衛。嗣因敵患。佐鎮巖關。炮傷失守。爲敵所獲。敵嘉其勇。厚款遣歸。傷重頻危。幸平時虔敬聖伯多祿宗徒。蒙恩降慰以療之。奈骨縫未歸原處。步行如跛。聖人嫌其不正。延醫整治。弗令拘束。聽其開皮排骨。觀者膽寒。聖人神色自如。因此就榻日多。觀書遣興。偶玩聖人行實。感動甚深。惟慮改圖不易。蒙聖母惠臨。囑其矢志精修。聖人卽跪伏定心。棄財絕色。謝世辭榮。時空際發聲。窻開屋震。顯其剛毅。愈後托名出外。向司教總告解。遁往僻處。換穿貧人衣履。皆茅草

樹皮捆織者。腰繫小瓢飲水。手持短杖助行。由曲徑入忙肋撒之孤貧院。乞糧淡食。惟薄暮一餐。蓆地枕磚。並無牀褥。晝必跪禱七回。夜必鐵鞭三次。哀號流血。痛悔前非。一日入堂祈禱。心定神潛。氣絕如死。心坎中微動微溫。俟至八日。如熟寐復蘇。眾皆知其密交天主。深敬慕之。主常顯示。助其不及。聖人欲辭美譽。避入巴爾賁羅納城。赴堂瞻禮。一賢婦。見面發大光。告知其夫。歛留敬禮。未幾。抵物訥濟亞郡。無門投宿。就臥於街。有富貴人。夢中聞諭曰。奉吾修士。飢寒露宿。汝何飽煖安眠。疾起開門。恭迎奉事。然不合聖心。潛奔渡海。舟有匪人。罔遵懲勸。反起惡謀。忽發順風。直抵如德亞。弗容肆害。聖人登岸。捷趨耶穌遺蹟。到一處。必追溯一處之行。且感且謝。數日。始回海口。值三舟並發。兩大舟不容附載。一小舟留之。行至中流。大舟俱覆。小舟無恙到涯。聖人感泣。仍回

巴爾賁羅納。從事嚴規。至三十三歲。兼攻文學等。以資講勸。一人自縊。聖人憐其永罰。求主復生痛悔。果然應聲復活。悔解而復殂。魔見德隆服眾。煽惑士民。或流言。或控訴。聖人奉爲積功消罪之奇緣。倍增修業。嘗期同志數人。傳教遠方而未獲。移居拂郎濟亞。外交名士。內練性情。一友。迷色不悛。聖人赤身投入冰池。值友經過。大呼曰。汝何任意邪行。我不忍坐視。蹈此冰凌。代償汝罰。友竟立時悔改。一友。私用金銀若干而遠去。中途病篤。遣使求救。聖人旣忘前愆。兼程步往。三晝夜始至。求主矜憐。盡力扶持。危病立安。一惡徒。欲殺聖人。持刀而入。空中叱曰。汝欲何往。行何凶惡。惡徒顛慄泣求。聖人扶之慰之。後雖不改。仍恩遇之。聖人本欲結友建功。乃擇智仁忠直之士共十人。同赴羅瑪。將入城。獨於僻處。求主鑒憐俯允。耶穌顯慰。許其成功。入覲。教宗試明各士。果然

才德超羣。准令協同創會。奉耶穌聖號爲名。規中要旨。絕色。絕財。絕意。爲進德修業。謝俗無私之首務。次以讀書窮理。廣聰明。通世務。爲傳教救人之大用。地不拘遠近。人不論文蠻。事不分難易。惟向主命而行。聖會旣立。諸友奉聖人爲長。終身聽命。聖人辭不獲已。以身以言。先眾而行。十餘年間。會友遍行薄海。化人不可數計。聖人身在宗都。居重馭輕。統應四方幾務。童幼孤兒。設義學。教之育之。貧孀修女。建大院。贍之存之。願病慰憂。決疑拯溺。和爭排難。濟困扶危等事。勤行靡倦。一友萬里外。渴欲面晤聖人。聖人亦然。天主滿其所願。將聖人往晤良久。未見暫離原處。聖人理繁治劇。神粹形消。天主鑒其創業垂統。德備功全。默示終期。聖人陳請教宗。准賜大赦。遂細察畢生過愆。痛心告解。領聖體。受終油。並無大病。至期。仰誦耶穌瑪利亞而逝。年六十五歲。時天主降生

後一千五百五十六年。一貞女。在千里外。目送聖人升天。尚有教訓之語。數日後。一女負魔惑眾。旁人問聖人何在。相隔亦千餘里。魔云。此係我仇。已去世升天。外郡有負魔人。日夕不寧。供聖人像於臥室。魔不敢入。仍於室外橫行。復請像於外。魔遂絕。營葬日。有病女。望親聖屍。人眾不能前。得聖人故衣。捧之即愈。靈蹟不能殫述。故里墓前。有求必應。四方萬國。一視同仁。教宗照規考究。列居聖品。

### 宜行之德 求天主光榮

聖思 一。聖依納爵在忙肋撒避靜時。即定終身所行之志。頭一步。痛哭補贖之難。蓋升天。必從此起程。非苦淚。難消罪犯。個個聖人皆然。雖一生止犯一罪。舍此不能滅除。汝曾走此頭一步否。自己不要哄自己。並無一人不會犯罪。不煩痛悔。能直捷升天者。 一。第二步。做效耶穌

行事。爲天主光榮。爲救人陷溺。但世人之步。走一步。少一步。聖人之步。愈走愈多。世人之步。過去一步。完全一步。聖人之步。步步求全。未知何日走完。故弗辭辛苦。願舉世無一罪人。願普地顯主光榮。汝今何如。每日念經。願顯天主聖名。眼見親朋犯罪。漠不相關。何有於遠方異域。似此徒托空言。不能倣效聖人。還該說倣效耶穌麼。一。第三步。永遠結合天主之心。此步更非容易。必盡去其不合。纔可望其合。纔可望固結不離之合。故聖人全心全力。辭開不合之世俗。專以天主之愛爲愛。汝能相似否。看來大不相同。愛天主所生之萬物。惟圖一身受用。愛天主所賜之親朋。惟以私情酬答。不如是。不足於心。苟如是。仍無饜足。必流於玩物喪志。溺愛喪身而後止。夫以其心。結合人物。而不結合天主。可謂愛天主麼。俗言點水之恩。湧泉圖報。今天主無盡無休之恩。汝曾有

一時一刻。赤心圖報麼。偶遇一件立功報主之事。就生出許多阻礙煩難之說以中止之。可謂永遠結合於天主麼。

### 當務之求 爲耶穌會

祝文 吾主天主。簡聖依納爵。增協堅陣之厄格肋西亞。愈顯爾名之榮。懇祈主。賜我藉其轉佑。遵行遺表。戰勝在世。論功於天。同享榮冕。僭罷德肋。僭斯彼利多。三多。乃生乃王。世世。亞孟。

# 聖年廣益

八月初一日 聖瑟彼勒 主教

警言○凡信傳布聖教者。皆耶穌之唇舌。聖巴西略

聖傳○聖伯多祿宗徒之弟子。聖格肋孟德。既卽教宗位。差聖弟阿尼削諸人。往拂郎濟亞國傳教。此中有瑟彼勒聖人。係羅瑪大家之子。素稱博學。聖弟阿尼削派往諾爾茫利亞省傳教。聖人盡心化導。從者甚多。卽建聖堂一所。以資觀感。人見其設身處地。不比尋常。喜受苦辱。視己如無。不務光榮。不貪財物。嚴齋切禱。大動人心。偉論昌言。如雷貫耳。且天主錫以神能。若大權操之在手者。惟仗耶穌聖號。無病不痊。

無魔不懼。一日有負魔者七人同至聖人前。聖人只舉手畫一聖號。立時魔退人安。旁人目覩其奇。奉教者五百餘人。此內有一人。現居公侯之貴爵。奉教後。即受業於聖人門下。棄貴離家。甘心修道。不久。授爲鐸德。後升主教。代掌聖人權。聖人見此地已經廣揚。又往附近各方。所過之地。被化者十居六七。年已及邁。蒙主示以終期。集衆鐸德於前。勸以愛主愛人之語。及終傳諸禮俱全。見天神從天下降。接其靈魂上升而逝。時天主降生後一百四十年。

### 宜行之德 信德

聖思 一。信德在心。卽有一個無所不能。無所不知的天主。與此信德而俱在。且第二位天主降世爲人。受苦受難救贖我。亦與此信德而在我心。實一定不移之理。今看汝行事。似無此信德者。汝若駭然不服。爲

何事事不小心。語言行動。無刻不與罪爲朋。既然信有天主。難道犯罪時。瞞得天主無所不知麼。難道不死不滅的靈魂。不怕天主全能嚴審。永罰麼。信心何在。請自思之。一。汝既信天主降生。甘受萬苦艱難。救人贖人。不該以苦報苦。以愛還愛麼。今看汝行事。又像無此信德者。非我故意苛求。請問汝曾甘心受苦以報否。不但不報。開罪處。未能僕數。似此操存。信德何在。耶穌既爲天主。訓典教規。句句都該恪守。今汝之言行。果謹遵無忽否。不但不遵。恐進教後。問也不會問及。似此有名無實。怎麼稱基利斯當。一。關係甚重者。莫過於永賞永罰。汝領洗時。明明說過爲救自己靈魂。今看汝行事。又像信道不篤。善始不能善終者。非我分外多心。因見汝謀者富貴。愛者體面。享用者娛樂。總不想光陰似箭。俗世難留。惟有靈魂亘古不磨。非賞即罰。必居其一。既無此想。難

保汝信德在心。若果心有信德。不該求得此賞麼。不該消除此罰麼。趁此可爲之時。因循苟且。欲待何時。

**當務之求** 爲少信德者

**祝文** 全能天主。垂盼吾劣。爲本行重任屈壓。賴爾聖瑟彼勒主教轉達。得厥護翼。爲爾子耶穌基利斯督。亞孟。

## 初二日 聖斐理亞爾多 苦修

**警言** ○不輕生命者。非吾徒也。 聖經

**聖傳** ○聖斐理亞爾多。係拂郎濟亞國之農家。父母雖貧。熱心愛主。人咸欽重之。聖人幼承家訓。守誠奉規。迥逾常格。雖耕耘力作時。誦

祈弗輟也。養身之需。惟冷泉解渴。乾餅充饑而已。食後。必避人以謝主。捫舌寡言。言必爲主。神清志潔。畏罪如焚。遇人穢行污言。切責之。不聽。卽遠之。同侶多笑其迂。一日在田。忽來毒蜂成隊。眾皆遠避其螫。內有譏聖人者。問云。你常畫十字。爲何眼耳口鼻上。不用十字以逐蜂。聖人惡其侮慢。伏地求主。求畢。呼眾回田。畫一十字。羣蜂盡入土中。眾咸欽服。譏笑者。自悔其非。聖人覺俗世難辭罪愆。欲僻處靜修。請命於主教。聖斐理斯。不准獨行。命苦修人。一鐸德。一副祭爲伴。居小島中。鐸德力弱辭歸。惟副祭同居。專心敬主如天神。數年。魔妬其志同道合。僞顯耶穌於副祭云。爲何不以道救人。空空在此。副祭信之。不聽聖人之阻。子然他去。所至易於講勸。愈病又多。視爲聖跡。欣然回告聖人。聖人見外容大異。頓足曰。可憐可憐。真真被魔哄騙。汝該速退此心。痛除前罪。照

舊苦修。保全謙德。此數語。副祭之魔障立開。深知所行。都由驕傲。卽哀號痛悔。求聖人代祈。未幾。魔如前又至。厲言懲責。副祭云。你能畫一聖號。我方信服。魔若弗聞。副祭卽畫一十字逐之。次日。羣魔同至。重撻副祭而去。此副祭名瑟公德樂。先聖人而歿。亦入聖品。及聖人升天時。同苦修者。不一其人。天主預示終期。得身熱之病。往請聖斐理斯。因事忙。命請者先回。少候數日。聖人曰。旣如是。當下榻俟之。熱退身強。越數日。聖斐理斯至。聖人婉容迎接曰。爲何遲來。就延人承福之路。就眠於榻。身復壯熱如前。卽告解。領聖體聖油。次早。主教等同誦經時。默然而逝。年九十歲。時天主降生後五百八十一年。

宜行之德 以身祭主

聖思 一天主甚喜祭祀。因祭祀之禮。能使人認主敬主故也。旣係天

主所喜之事。該將汝身全獻於主。以爲祭品。然不必像燔炙之牛羊。焚燒之香燭也。將汝五官所享之虛樂。能爲主克除之。四體偶然之艱難。能爲主樂受之。無論不合天主正理之歡娛。速行斷絕。卽理上該當之喜慶。情願獻之天主。不願及我之身。無論本來該有之煩難辛苦。順受安心。卽意外憑空之冤枉屈情。甘心爲主。受誣忍辱。而不肯稍起怨尤。這纔是上等馨香之祭。一痛悔之心。謙讓之心。係天主所賜者。爲何不將天主所賜之真心。獻之天主。能謙讓。必能想天主之尊榮。能痛悔。必能情願負耶穌之十字架。有此真心。必能屏去肉情之嗜好。而望天堂之福。如是之祭。生前無時不樂。身後無樂不全。這纔是祭則受福。一人之愛欲。乃萬善萬惡之根也。人若肯將愛欲。全全祭獻於天主。所愛者惟天主。所欲者惟天主。所行所言。除爲天主而外。並無可愛可欲。

之心。眼見善根日長日堅。惡根自枯自滅。故聖伯爾納多曰。斷私愛者。不下地獄。可知獻自己之真愛於天主者。必爲聖人升天之大路。人之犯罪。都從不克己而來。己私不克。私愛隨之。必爲罪人永殃之大路。汝爲何不享主而享魔。豈不知享魔者。災及其身耶。

當務之求 爲修道者

祝文 天主。以爾聖斐理亞爾多。每年瞻禮。樂我等。懇祈爾。我旣慶厥誕日。幸師厥功勳。爲爾子吾主耶穌基利斯督。亞孟。

初三日 聖儒斯弟諾 孩童致命

警言○汝思今世之暫苦。曷思後世之永苦。聖伯爾納多

聖傳○從來智仁之德。不事文才。致命之恩。不拘老幼。乃有九歲孩提。以身証主。救父及兄。爲聖教光。此固天主特恩。亦因平日智仁之德。能不承而勝任也。聖人名儒斯弟諾。拂郎濟亞國人。一家事主。聖人自幼熱心。不煩勸勉。超越他孩。還時時勸勉別人。未週九歲。天主賜以先知。明言乃兄被擄。現在某處。商家爲奴。求父往救。父以孩童隨口之言。勿信。且無路費。聖人再三催促。願與父同行。倚靠天主。途中決不空乏。父忽動心。偕往。約行三百里。見一貧人。瞽且癱。聖人求父分資以贈。雖允行。不滿聖意。解自己上衣與之。父見而不覺。過後知之。遂言本無

餘資。往前漸冷。此行不合於理。聖人勸父。毋庸過慮。哀矜乃天主最重者。父亦嘉其篤信。一日。至河無舟。父有悔意。聖人慰云。少頃自然可渡。果然一人。鼓舟招之。且不收錢。及到兄被擄處。知商人亦拜主者。情理相求。竟允釋放。出十二僕人。語其父曰。汝兒在內。請自認之。奇哉。聖人未生。兄已被擄。在此十餘年。不曾一面。天主開其明悟。見卽大聲曰。持燭者就是我兄。父且先看別人。聞聖人指定。轉眼視之。果然不錯。商皆驚喜。設席款留。值教中多難。遍處嚴查。不改者卽殺。聖人父子。踪跡可疑。暗中有入首報。商卽密令三人。連夜速逃。次早。差役聞其去遠。乘騎追之。聖人蒙主默啟。指一山洞。向父與兄曰。捕者卽來。可速投此洞。我在外攔住。父兄俱不受害。頃之。差騎前來。一見聖人。叱云。小孩子。誰帶你同行。聖人曰。我是天主教人。同行的。亦是教中。問別人在何處。回云。

我只管我。願爲天主致命。顯恭敬之榮。不怕死。若問同行人在何處。我不能說。官差怒甚。又舉刀斫死。豈知聖首落地。聖身仆而復起。兩手自捧其頭。挺然直立。官差怖懼。馳馬飛奔。不遑搜洞。父與兄聞人馬已回。始出洞門。見聖人捧頭直立。趨近其前。聖人開口云。將我屍葬某處。帶回我頭。交與我母。母聞之。預備寶瓶迎貯。供於誦經案上。蒙主寵恩。瓶中晝夜發光。本地主教命送聖堂。進堂時一胎啞人。已十六歲。伏求卽語。時天主降生後三百年。

宜行之德 務救靈魂

聖思 一。靈魂是本身之本。救其凶惡。享受平安。人之本務。別事或利或害。皆與同事人均分。惟此不然。利是自己享用。害亦自己吃虧。並不與人均分。俗云。同本不同利也。汝何必拉攏別人。就悞自己。一。勞心

費力爲救別人靈魂。此人肯救。不至空勞。此人自暴自棄。不肯救靈魂。凶惡奉勸人。還有便宜。並不曾枉費好心。若爲親朋的緣故。連累自己。拋棄靈魂。到此地位。親朋不能分汝之苦。不能減汝之苦。惟有同他受苦。俗云。自作自受。自苦自當也。汝何故甘投羅網。舍己從人。一設有。人將自己性命身家。漠然不管。專管別人小事。必笑其瘋癡。今汝亦然。永遠身家。付之肚外。俗情歡戀。刻刻難忘。在汝如醉如狂。何曾覺得。雖旁人苦勸。還自誇明白。不信如此胡塗。無已。請將眼前死過的人。看一看。忽有能幹人棄世。人人贊嘆。讀書的。說他好文章。好學問。做官的。說他好聲勢。好清廉。手藝人。說他好聰明。好勤謹。總難得聽見贊嘆奉教人。生前狠爲主立功。熱心愛人。補贖前非。不辭艱苦。爲何少此贊嘆。因人人所想者。俗務世情。不想靈魂永遠故耳。人旣如此。汝獨自誇明白。

耶。古云。習俗移人。賢者不免也。汝何棄本逐末。只顧眼前。

當務之求 爲迷於世俗者

祝文 懇祈全能天主。我敬憶爾聖儒斯弟諾孩童致命者誕日。賴其轉達。使我剛健於爾名之愛。爲爾子耶穌基利斯督亞孟。

### 初四日 聖多明我 顯修

警言 ○得見爾美功。讚美在天爾父。勿憶。聖經

聖傳 ○聖多明我。係以西巴尼亞國人。父斐理。母如亞納。貴而賢。生三子。聖人最幼。在妊時。母往一前聖祈禱。前聖顯示曰。將生大德之兒。又夢犬啣薪火。生後付洗。額顯大星。皆天主預表其德輝也。自幼薄

食寡言。避邪就正。學力聰明。每出交師望外。稍長。入巴冷郡。文學格物窮理學。片刻不閒。濟貧無策。鬻書給之。器皿贈之。且願以身代擄。求者驚謝而退。聖人猶以力不從心。痛泣之。聞鄰郡司教名賢董率後學。往就業焉。數年。眾共奉爲楷模。聖人惡美譽爲實行之仇。避回巴冷。士民多沾化導。越二年。同本地司教。往拂耶濟亞國。后艱於嗣。聖人勸其立志濟貧。果然生子。即聖王類斯也。邊界異端甚熾。聖人道經其地。求主顯跡示之。命彼將異端來歷。寫明紙上。聖人將聖教要理。亦書一紙。同入火中。彼紙立刻成灰。聖人之紙。不惟火不能焚。更騰空自貼於柱。邪徒怒甚。投火數次。入即自出。因此竟有中心誠服。稱爲天降之聖者。居多。羅撒府十年。不遑夙夜。加意勸懲。又明知策怠啓蒙。必求聖母爲主保。獻以耶穌救贖功勞。庶幾化神效速。遂彙齊同志。於護守天神瞻禮。

前一日。授以玫瑰十五端。期定各人。每日全誦。久而弗輟。果蒙聖母俯鑒眾誠。有求必應。統計十年中。此方教友。無不熱心。邪謀無不敗露。被化之人。不可勝數。豈特顯著於當時。迄今虔事聖母者。莫不仿效良規。恭誦玫瑰經。爲求恩獻主之先資也。建闈女院。救養早孤失教。及赤貧之女。內設女師。外防窺伺。有條有理。各國多宗其法。聖人見化行俗美。復回本國。與從前諸修士。合議修規。往請於教宗。留中不發。教宗夢內。見聖殿將傾。聖人以肩承任之。遂允其請。修規既定。赴堂謝主。仰見耶穌大光繞座。手執三鎗。欲誅天下無道者。忽來聖母求憐。准容二人勸化。一方濟各。一即聖人。見畢出堂。適與聖方濟各遇。從未認識。一見如故。告以所見所聞。共期同心盡力。死而後已。一日。聖人往禱於聖伯多祿聖保祿二宗徒殿。二宗徒顯形願慰。一授以權杖。一授以書籍。囑其

敷教維勤。主必佑之。聖人凜遵明訓。傳示友朋。分方而往。惟聖人遵天  
主命。再入西都。觀感振興。民風丕變。矢志精修者。百餘人。遂設院以居。  
周流以西巴尼亞。拂郎濟亞。意大利亞。波諾尼亞等處。跣足途行。入城  
則履。諱其謙也。衣雖簡陋。潔淨可人。一生未嘗美味。有時乏食。即乞於  
市。隨身常服椋衫。腰帶不離鐵茨。就地而眠。每夜鞭笞三遍。爲己。爲人。  
爲煉獄也。眾欲舉爲司教。力辭不受。以榮爲辱。避譽如仇。一異端人。謀  
害不果。後竟面洩。聖人欣告云。因我無功。未逢此幸。何懼焉。若我爲主  
而死。情願拔牙剪舌。剜眼剖心。斷肱刖足。碎剛凌遲。方滿我心。默想時。  
身常懸空離地。魔雖百計圖謀。或墜巨石嚇之。或現惡形亂之。聖人惟  
畫十字驅叱焉。一寡婦之子暴病而亡。其母負屍求救。聖人畫一十字。  
如寐復甦。一匠因修院倒牆壓死。聖人求主施恩。奮身挺立。治業如初。

一人名納波戀者。墮馬被殘。骨糜屍裂。聖人往視之。聚其散骨。照位排完。大聲呼其名。彼即轉身而起。嗣後人皆匍匐道途。爭先迎送。偶得舊衣寸縷。皆謹藏之。遇災病邪魔。奉此以求主佑。嘗得非凡之效。年五十一。臥病於波諾尼亞郡。耶穌臨示。聖人知升天在邇。集同友諸生。告以守潔保終要務。囑以謙恭和睦良規。語畢。領聖體聖油而逝。時天主降生後一千二百二十一年。門人遵遺命。葬於聖堂內。前友舊墳後。病人多有撫棺求之。即愈者。越十四年。列入聖品。

宜行之德 勸化人

聖思 一。聖多明我領洗時。顯一明星於額上。此係天主特恩。預指聖人在世。將來如明星在天。所以童幼之年。就覺得敬主之誠心。愛人之實務。早有美基。汝能如此否。當知始基之美。人盡有之。肯爲者。幼年就

覺其美。不肯爲者。後來徒悲老大耳。汝今如何。已去之年。雖不可復。及今猶足有爲。若此時不肯。欲待何時。一。聖多明我甫及壯年。亟思推己及人。授誦獻之經。化人不可數計。立精修之會。時時才德並隆。不獨及身而止。汝能如此否。當知救人纔能救己。縱然無德無才。難道連自己。亦情願棄而不救麼。既不肯自棄。難道沒有一兩件好表樣。可動人觀感麼。難道沒有一二刻空閒。可念經祈禱麼。汝今如何。請看聖人當日。化人如此。並無他能。所求者。惟天主耳。所恃以轉求者。惟聖母耳。今猶是天主也。猶是聖母也。且汝與聖人。猶是人也。果有內熱。卽有外光。舍此不爲。意欲何爲。一。聖多明我畢生至死。從不斷仁愛之工。從沒有空閒之頃。從未有爲主之事。輾轉遲疑。我們情願救己救人者。都該如此。因統計此身。乳哺時。未能出力。老病時。不能出力。升天後。不必出

力。倘及此可以出力之年。又不肯出力。既難救己。又何能救人。汝今如何。須自問一日之內。所做者何事。所說者何言。所救者何人。所履者何地。仍恐有功而不肯立。有罪而不知避。有遊戲工夫。而不想及時修省者甚多。學聖既難。學魔必易。似此有名無實。如何說得是天主之人。

**當務之求** 爲聖多明我會修士

**祝文** 天主。以聖多明我精修功勩及懿訓。輝耀爾聖會。賜允賴其轉達。凡屬形之資不<sub>レ</sub>乏。係靈之事日進。爲我等主耶穌基利斯督。亞孟。

初五日建聖母雪地殿

警言○國王之位居首。國母之位居次。可知聖母之妙。聖盎斯默

聖傳○天主降生後三百六十六年。有羅瑪巨家名若望。娶而不育。夫婦熱心敬主。行年將老。知天主不允所求。必與靈魂有益。願將家產獻於聖母。但未知作何事業。可合聖母之心。二人齋克哀矜。加工倍力。求開明悟。聖母鑒其誠切。夢中明示曰。聖子耶穌之意。與我之意。准汝所獻所求。用汝家貲。於某山有雪之地。建一大堂。使人瞻禮。夫婦之夢俱同。往告於教化皇。亦同此夢。時雖大暑。不肯少疑。即差人同伊夫婦。前往此山。歷級而登。果見平原滿雪。形勢壯觀。即於雪地中。盡其所有家貲。築基立石。構造大堂。恭敬聖母。自開工迄於告竣。聖母之靈蹟

甚多。聖教會遂立此瞻禮。歲歲舉行。俾後人知此堂之來歷。感聖母之特恩。傳諸不朽焉。

### 宜行之德 恭敬聖母

聖思 一。聖子耶穌與聖母瑪利亞。離開不得。因聖母之光榮。由聖子而來。故恭敬耶穌之人。必恭敬聖母。恭敬聖母之意。必歸於耶穌。凡倚靠聖母者。不減耶穌之愛。且加倍之。固結之。蓋耶穌之心。一如聖母之心。耶穌全能全知。聖母亦然。耶穌全善全仁。無窮之慈愛。聖母又何獨不然。況耶穌之愛。係無可比擬之愛。又豈肯惡聖母所愛之人。既然如此。可知倚靠聖母者。不啻金湯之穩。誰肯想靠此仁慈。還遭永罰。一。聖母爲罪人之托。最肯憐救罪人。夫聖母之仁慈無限。則轉求之大能亦無限。故雖極大極重之罪人。倚靠聖母的仁慈。沒有不可望之恩。沒

有不可滅之罪。既然如此。可知倚靠聖母。就是常生不死之良方。捨此良方。難逃永死。一。聖母能救人。又肯救人。因天主之母。卽萬世萬民之母。罪惡庸愚。狠動聖母之仁慈。故真真實實是萬民之倚靠。聖伯爾納多曰。求聖母而不得其救者。誰耶。蓋明明知道沒有一個不肯救之人。既然如此。爲何向那不能救。不肯救者祈求。而不求能救肯救之聖母。

當務之求 爲恭敬聖母者

祝文 懇祈吾主天主。使爾僕享神形永安。賴聖且榮。卒世童貞瑪利亞轉達。脫於現在憂危。並享永遠歡樂。爲爾子耶穌基利斯督。亞孟。

初六日 聖試斯篤 教宗 聖斐理西西末

聖亞加比多 二副祭致命

警言 ○嘉樹弗結惡實。惡樹弗結嘉實。 聖經

聖傳 ○聖試斯篤。係厄肋西亞國亞德納郡人。幼年專攻格物窮理之學。後聞天主耶穌降生救世之道。能爲己爲人。立功立德。知從前所學。無大益於靈魂。幡然悔悟。前來羅瑪。矢志潔修。因德才茂著。故名位並隆。時天主降生後二百五十八年。教宗斯德望升天。越二十二日。聖人嗣位。值教中多難方興。各處之主教鐸德。及奉教人。致命甚多。聖人與諸副祭。亦遭拘捕。聖人明言我爲教中元首。諸副祭皆係股肱。全

心全力。引人敬主。除滅異端。救人靈魂。升天享福。乃分內事也。遭時不偶。賚志苦身。以至於死。亦分內事也。拘至邪廟。強拜不從。監禁數日。聖老楞佐見之。熱心難遏。痛泣哀號曰。爲何捨我。聖人慰云。汝之致命。只遲我三日耳。比我光榮特甚等語。解至城外法場。聖人與副祭斐理西。西末及亞加比多等。俱一同斬首致命。

宜行之德 善承聖佑

聖思 一。聖教。天主之花園。天主親自管理。汝能用天主大恩。互相管理。不爲聖園之廢材野草。此汝之善承聖佑。非天主賴汝贊襄之功也。今汝歷來受主聖佑。不知多少。心中好善之念。退而復起。耳邊改過之勸言。出而復入。請看許多教外人。可曾得此大恩麼。豈因汝在先。有何功德耶。明知無德無功。而多人不得者。汝竟得之。且時時不緩不休而

常得之。明係天主特特之恩。但汝之善承者何在。圖報者又何在。一。輕慢此恩。必負恩難道。不隨聖佑。則誰佑其衷。常常如此。可望升天麼。况負恩失佑。自然獲罪甚多。不堪污穢矣。廢材野草。尙不容於聖園。必砍必焚。何有於污穢之儔。曷不乘此姑容之頃刻。逐一清查。受恩若干。負恩若干。已蒙聖佑。得而復失者。又若干。畏矣哉。也曾幾番肯改肯懲。但空言無補。也曾幾次要斷除地獄之行。奈至今未斷。非負恩耶。非失佑耶。難道說得天主恩佑。不會到汝之身麼。不知圖報。又不肯善承。請反心自訟。果真可畏否。一。負恩失佑。過而不改。又無畏懼者。因未知天主之重罰故也。今舉彰明較著者而言。重罰有二。一。斷絕聖佑。不認自己之惡。放膽胡行。不明地獄之路。昧心亂走。一。斷絕此生。不許佔居聖園。早赴判臺定案。承受罪刑。似此重罰。常在耳目前。還一毫不怕。假

令眼前。就是汝命終被判之定期。怕不怕。安不安。與其到此境界。纔知奔救無門。慌張無措。何不在重罰未來時。預爲之計。

當務之求 爲冷淡教中人

祝文 天主。爾賜我等。敬憶爾聖致命者。聖試斯篤教宗。聖斐理西西末聖亞加比多。二副祭。誕日。望爾彼居永福之域。使吾偕樂。爲爾子吾主耶穌基利斯督。亞孟。

## 初七日 聖多納多 主教致命

警言 ○神貧者乃真福。謂其已得天上國也。 聖經

聖傳 ○聖多納多。乃厄格默弟亞人。方幼時。因教難不平。謹隨父

母。避居意大里亞。及父母爲主致命。聖人潛往一修士處。情願學道。苦修。本地主教聖撒弟祿聞之。喜其才德兼優。累陞鐸德。命講聖經。聖人全心全力。樂此不疲。蒙主特恩。多行聖蹟。所以爲日無多。盡滅此方之邪妄。聖撒弟祿升天後。教化皇聖儒略。卽以聖人陞授。聖額我略紀載云。此時聖爵以玻璃爲之。仇徒橫行擊碎。聖人覩此毀傷。寸心迸裂。求主矜全。頃之。已碎之玻璃聖爵完好如初。又一稅官。因有遠行。將所積之銀。付婦收藏而去。婦聞盜賊甚多。埋其銀於地內。穿牆逃匿。越數日。婦以病亡。臨終時。向旁人云。我夫之銀。俱埋於地。及稅官回日。遍求不獲。乞憐於聖人。聖人同至婦墳。望墳明語曰。耶穌基利斯督我等主。命汝說明埋銀之所。忽有聲從墳中出。此銀埋於某處。掘地取之。果然。聖人秉政十六年。以德以行。陶鑄閭屬。權臣聞聖人名。知其不奉國神。雖

苟免暫時。難容漏網。逼令背主全生。聖人堅執不從。斬首致命。時天主降生後三百六十二年。

### 宜行之德 神貧

聖思 一。聖保祿有言。人心本天主之殿。若存世俗之愛。天主所弗居也。可知天主樂居之人心。決不愛世俗之榮名財利。吾人之師表。全在耶穌受死之十字。即引人專愛神貧之指南針。汝今如何。滿望此心。爲天主所居之殿。而不遵耶穌之指引。不愛真福之神貧。能乎。不能乎。一。神貧而形不貧者。以神御形。使其不驕不泰。則貧之德始成。神貧而形亦貧者。以形輔神。使其能安能樂。則貧之功愈顯。德既成。功既顯。則世俗榮名財利。必不在心。故得之無罪。失之亦無憂。處富如貧。救貧猶易。汝今如何。明知愛財謀利。爲萬惡之根。不肯斷絕。明知出力之事。非

利卽名。少爲天主。而欲望立德立功。以人心上合主心。能乎。不能乎。  
一。人能樂天主之樂者。必能樂本身之神樂。心之平如水。心之靜如山。  
心之安寧和順。如宗動天。一切忿怒憂愁。驕奢淫逸之念。無從夾雜。故  
有神貧之德者。生前卽享神貧之樂。方寸中。誰非天主按臨之所。汝今  
如何。常常不安不靜。時時多慮多疑。本來只有一心。汝竟生出許多枝  
葉。不啻千心萬心。雖非地獄。然况瘁焦勞。難以言狀。請汝自己問一問。  
然耶。否耶。失去本身神樂。而欲樂天主之樂。能乎。不能乎。

當務之求 爲貧者

祝文 全能天主。垂盼吾劣。爲本行重任屈壓。賴爾聖多納多致命兼  
主教轉達。得厥護翼。爲爾子耶穌基利斯督。亞孟。

初八日 聖西理亞歌 聖辣爾阿 聖瑟瑪辣

## 多 致命

警言○凡自美。宜於天主美。蓋非自美。卽善人。惟天主稱善則然。

聖經

聖傳○西國總王弟阿格肋西亞諾定立麻西米亞諾爲嗣王。麻西米亞諾爲報此恩。特建一行宮。亭臺園囿。務極美觀。搜羅珍玩。以供娛樂。且長君逢君。將天主教人。盡數拘拿。不論尊卑主僕。老幼富貧。以及主教鐸德等。約有數千。督令搬磚掘土。勒限嚴催。日給黑麪充饑。雨淋日曬。弱病邁年。皆弗顧也。惟肯背正從邪者。卽釋之。否則死而後已。

迄今尙有改敬聖母之堂。巍煥猶存。若非致命聖人之工。少有久而弗  
圯者。是時。此地有教中富貴人德辣松。見此艱難。與三位聖人密議。一  
名西理亞歌。一名辣爾阿。一名瑟瑪辣多。三聖情願爲主致命。常往來  
工上。周旋勸慰。教化皇聞此美行。將西理亞歌。升爲副祭。適因攜食赴  
工。督工官覺其同教。被拘充役。三聖樂從此苦。更與弱人代勞。監工嘉  
其勤敏。獨麻西米亞諾聞之。反收監聽。勘三聖在監。賴天主全能。啞者。  
怪病者。畫一聖號。無患不除。值總王之女。爲魔所苦。向父云。能救我者。  
惟天主教之西理亞歌王。因兒女情長。暫停仇恨。竟從監中。召入內廷。  
聖西理亞歌以聖號逐之。魔云。強我遠離。必拉汝伯爾西亞國一往。聖  
人叱云。此係我與汝爲仇。毋庸多說。只命汝速離。此女。魔即應聲而遁。  
此女愈後。奉教最誠。王居三聖於大宅。格外優容。未幾。果然伯爾西亞

國王之女。亦遭魔害。女言羅瑪。京都。有天主教人西理亞歌等。請彼到來。我害卽除。遂差官往求羅瑪。王后係奉教者。王以此行語后。后傳三聖。與差偕往。既至。以耶穌聖名逐之。魔去女安。感此聖恩。女先奉教。上下約四百人。俱聖人付洗。王餽以金銀珍寶。絲毫不受。留十五日。三聖同回羅瑪。乘王他出。麻西米亞諾復行拿問。毒刑拷逼。強其改教。三聖不從。卽斬首立決。時天主降生後三百三年。

宜行之德 謹小慎微

聖思 一。真心敬愛天主者。或財貨。或光榮。或安逸。雖些小事情。隱微雜念。必留心謹慎。因天主爲我人大主。尊卑貧富。縱各各不同。誰不敢如此小心服侍。請看一家婢僕。勞逸不均。高低不等。然一呼百應。人人奉命不違。豈有大主之前。反漫不經心耶。汝領洗時。明言以後絕邪魔。

絕世俗。絕肉身。言纔出口。水尙未乾。轉背即忘。是何道理。然汝許之言。固付之肚外。難道天主許汝之恩。亦忘了麼。許汝守我之命。必視之如子。爲汝在世之父母。即爲汝永遠之大父。如此厚恩重賞。必該事事小心。汝從領洗後。可曾念及否。一真心敬愛天主者。敬畏多顯於大事。熱愛多顯於微事。何也。重罪必受永殃。犯罪必求寬宥。誰該不畏不敬。惟有謹小慎微。出於心之熱愛。蓋小過者。大過之起頭。微罪不防。重罪必隨其後。可不慎哉。且現在世俗之艱難。未必非天主大恩。免汝小罪之罰。當知世上畢生凶患。難同煉獄瞬息苦刑。既然世患難堪。煉刑更劇。小過耶。微罪耶。汝當熱愛天主時。亦曾念及否。一真心敬愛天主者。小過且防。何有於大過。微罪不行。何有於重罪。故此謹小慎微之念。隨處隨時。不該斷。隨人隨事。都要留神。因天主時時常在。且無所不

在。倘少有疎虞。定不得這疎虞之頃刻。即汝命終聽判之期。將奈何。此時心內。雖深悔有始不終。亦無及矣。今該想何故有此疎虞。非世俗。卽肉身。非利名。卽逸樂。豈平日竟不知此等。皆非真福耶。汝在疎虞時。未曾念及。若在謹慎時。亦會念及否。

當務之求 爲有過不改者

祝文 天主。爾賜我等。敬憶爾聖致命者。聖西理亞歌聖辣爾阿聖瑟瑪辣多。誕日。望爾彼居永福之域。使吾偕樂。爲爾子吾主耶穌基利斯督。亞孟。

初九日 聖羅瑪諾 致命

警言○人信兼領聖洗必升。不信者必墜。 聖經

聖傳○聖羅瑪諾係羅瑪總王之侍衛。聖老楞佐受刑時。目擊酷刑最虐。容色怡然。回思肉骨之軀。竟能甘心樂受。則所敬之主必真。正在默思審度時。忽見轉輪邊一美童。以帕拭聖老楞佐之汗血。聖人卽定心信認天主。滿望近前。與聖老楞佐說明所見。卽求付洗。奈四肢被縛。望主施恩。頃因解縛收監。聖人樂甚。自攜淨水。隨入監中。跪求付洗。聖人自領洗後。心滿志堅。直言不諱。事聞於王。被拿入見。聖人不俟審訊。大聲明告曰。蒙天主特恩。今爲耶穌基利斯督之人。王勃然大怒。立命斬決。時天主降生後二百五十八年。聖老楞佐致命前一日。

宜行之德 成全基利斯當

聖思 一。聖熱羅尼莫云。敬天主者。必得天主真福。因係天主所許。收留爲子故也。金口聖人云。大哉吾之貴。至哉吾之福。因天主聖寵而得。天主。因得天主而享萬榮萬福之源。觀二聖之言。可知基利斯當如此尊貴。如此榮福。必名稱其實。非空言也。但到手纔算成全。猶如讀書人。發科發甲。纔算成全。不中時。正該發憤加功。倘因不中而二心三意。連讀書的名壞了。今汝不隨聖佑。甘心卑賤之世榮。豈特基利斯當之真福。不獲成全。連名亦壞了。 一。人世之福。如功名富貴等。多有靠父母親朋。幫助而成者。獨有基利斯當之出力。全在自己。雖至親好友。斷不能使汝安享真榮真福。俗語有云。幫得言。幫不得錢。其義一也。蓋肉身之事。非錢不行。靈魂之事。非勇不成。退邪魔之誘。離世俗之凶。克內起

之私情。受外來之困苦。苟非自己堅心出力。發憤有爲。事事隄防。時時戒謹。如何說得是一個真正基利斯當。若說此事甚難。我無成全之力。請問除了基利斯當。欲成何人。一。成全基利斯當。原靠不得至親好友。但果能盡吾天主所付之心力以爲之。天主全知。豈有只付從前之心力。而不付後來之心力耶。所以有志成全。慎終於始者。單單倚靠耶穌。常想耶穌之苦難。常想爲人効命。何如爲主致身。常想世苦難當。怎麼去受地獄之苦。果能輾轉尋思。則聖佑神恩。必隨心叠至。自然變苦爲甘。變難爲易。又何不成全之有。

當務之求 爲在教者

祝文 懇祈全能天主。吾敬憶爾聖羅瑪諾致命者誕日。賴其轉達。使吾剛健於爾名之愛。爲爾子吾主耶穌基利斯督。亞孟。

初十日聖老楞佐 致命

警言○少稼少穡。稼善事。穡善事。 聖經

聖傳○聖老楞佐。係以西巴尼亞國人。父母俱賢。聖人稍知文學。即自期進德修身。時羅瑪教宗試斯篤。仁風遠播。遂負笈從遊。聖試斯篤鑒其誠心。又嘉其才識。往往投大遺艱。以展其經濟。惟公財之出入。係聖人專司。未幾。總王濟惡。貪酷並行。屠毒教中。肆無忌憚。未逾數載。靖難之功臣。史不勝書。聖試斯篤。值此顛沛流離之日。巡行勸慰。寤寐靡寧。終以崇正斥邪。蒙塵被捕。聖人決志從行。聖試斯篤力阻之。曰。吾非棄汝也。天主大恩。憐吾衰老。賜此輕微小苦耳。汝以青年。具茲仁勇。將承大難。以爲名教之光。且相隔無多。只三日而已。汝惟順從天主之

命。無庸迫切也。汝當乘此可爲之時。將公存財物。盡散窮人。萬弗少有。疏虞。致填貧壑。聖人亟含淚而歸。聚集貧家。所有積貯之資。計戶均分。聖庫爲之一空。天主嘉其聽命樂施之德。賜以開瞽神能。聞有孀婦。病目已盲。聖人往顧。以指按目。目明如舊。又一久瞽者。畫十字於目。畫完立愈。次日復命於師曰。公財盡行施濟。吾之職掌已完。從旁黨役。一聽散財之言。卽將聖人拘獄上聞。獄中一犯名路祭樂。積憤失明。幸聞聖訓。神目與形目俱開。一時傳聞甚速。病目之人。求者即痊。獄門如市。奉差審究之喜波里多。心竊異之。察言觀色。悅服非常。問及散財之舉。回云。實言奉告。世間財物。誰能久存。或水漂火燬。或籍沒賊偷。必遭敗壞。惟有散給窮人。救憐災患。則永存天國也。喜波里多深悔前非。一家三十人。俱歸聖教。王因貪甚。提聖人親審。公財何在。回云。求容三日。必取

齊送上。王甚嘉之。仍令喜波里多管押。聖人將受憐之貧病人。計有數百。傳齊率入。口稱此輩已藏我哀矜之財物。永存於天。弗朽弗失。真教中之府庫也。舍此不藏。而藏於笥匱。必遭廢壞。王惡其欺。先施網杖。次備各刑。以漸殘傷。聖人恬然笑語曰。我將公財早運於天庫。何能再入人君之手。爲義爲道而死於刑。我之素願。幸而得之。何憂懼之有。王怒愈增。着袒背重笞。復裸身懸掛。將鐵板燒紅。烙焦臂肋膀胱等處。如此劇刑。面容並無苦狀。王諭役云。此人雖小。必藏魔術。故假粧樂死輕生之狀。我以嚴刑碎裂之。看他何法可逃。聖人曰。我恃天主無窮之力。忍此有盡之刑。不足畏也。王命鉛條遍身重撻。以碎其骨。聖人默然。毫無痛苦歔歔之聲息。惟求天主特加神力。克勝歸天。忽聞空中明語云。此時苦難未完。大勳未集。稍緩日時。以承主命。刑官共聞此聲。信其果嫻。

邪法。遂製一架。形方似榻。頭尾俱有轉輪。纏縛聖人手足。一齊推動。強令四肢伸開。皮崩肉裂。骨斷筋攣。真莫可形容之慘酷。加以鐵鈎攢傷腰腹。穿入肝腸。增其苦痛。聖人惟仰天謝主。安心忍受大恩。天神降來慰勉。併持白帕拭乾汗血。傷處全瘳。旁有侍衛羅瑪諾明見之。俟聖人釋縛收監。羅瑪諾卽入監領洗。且先聖人而致命。詳見聖羅瑪諾本傳。王知諸刑無益。另造鐵牀。將聖人鎖於牀上。大火炙之。觀者莫不切齒吞聲。恨其殘虐。獨聖人剛毅倍加。從容婉語曰。所嗜之財物。已被貧病人收藏於天庫。無能吞喫。可啖者。惟我身耳。今一膀已經炙熟。請復展他膀。庶可以供王之大嚼。王惟忿怒不言。久之。聖人知終期在邇。感主大恩正切。聖魂遂離世升天。時天主教降生後二百五十八年。門人殮葬於城外。聖教大行。後國王特建殿築塋。各國俱建堂崇奉。有意大里亞

國中爲修建聖人堂宇。預備棟樑等料。及開工興造。一棟獨短尺餘。無從更換。又不便接補。眾皆憂悶。未知所爲。跪告聖人。眼見短木漸長。直過所求之數。匠人取用後。餘剩之木。眾皆爭收之。奉爲至寶。能除百病。此外顯跡甚多。

宜行之德 愛主

聖思 一。聖奧斯定有言。聖老楞佐之心。充滿愛天主之愛。火燒遍體。似乎不知不覺者。因所愛專歸於天主。不肯分愛己身。安能分愛己身之樂。又豈能分愛暫時之生命。汝之愛主。可能如是否。不如是。何恃而能保存永遠久常之生命。一。聖老楞佐不俟苦難到身。自己尋求樂受。他人躲得一刻。且偷安一刻。聖人爲遲三日。竟不放心三日。及綁上轉輪。鎖上鐵牀。纔滿生平之盼望。所以萬苦疊加。聲容不改其常。汝若

憐惜己身。喜歡世樂。死之日。或永殃。或煉獄。二者必居其一。故聖奧斯定。又云。有誰肯同老楞佐聖人。受一個時辰鐵牀之火。可滅地獄永遠之燒。然當知鐵牀之火。恐人人不免。但不肯爲主忍受者甚多。且聲容不改其常者亦少。辜負主恩。徒自苦耳。惜哉。一。聖老楞佐在苦難時。惟有仰觀於上。謝主大恩而已。今汝能知富貴康寧。係天主保佑。感恩稱謝。亦爲難得。若貧窮患難。疾病災傷時候。能如聖人之仰謝者。是誰。殊不知苦難之恩。大勝於富貴之恩。富貴場中。容易犯罪。最難立德立功。苦難一來。上可以愛還愛。報答耶穌。下可以人治人。補償罪罰。恩莫大焉。汝何只謝富貴之恩。而不謝患難之恩。難道天主要人成聖成賢。同享永遠常生之福。反不如眼前石火電光之順利麼。

當務之求 爲亡者

祝文 全能天主。昔爾使聖老楞佐克受火牀酷刑。懇求賜撲滅罪惡之火。爲爾子耶穌基利斯督亞孟。

### 十一日 聖女蘇撒納 致命

警言○貞德。爲勇士之美。憂者之慰。美善之倍。罪惡之損。功勞之

增。造物者之友。聖濟彼良

聖傳○聖女蘇撒納。係聖葛彼攝之女。聖嘉約教宗之姪女。總王底阿格肋西亞諾之親戚。聖女幼而失母。父雖棄俗精修。晉陞鐸德。然懇勸教育。常繫於懷。年將及笄。卽矢志守貞。時總王因女瓦肋利亞病

故。欲爲其婿。麻西米亞諾續配。選及聖女。明知叔與父。乃教宗元首股肱。至戚相關。暫行容忍。遣官格樂弟阿。向父議婚。父竟不辭不允。惟云。容日商量。及向弟兄們籌畫。俱言成婚後。可熄教中之害。孰知天主不用世俗親朋以立教。特堅聖女之心。向父曰。幼承庭訓。獻我心於天主。即或無此夙願。亦不肯嫁與殺害聖教之人。可力辭之。三日後。格樂弟阿。又向教宗道及前情。併取父之回覆。俱云。該問蘇撒納自己。及見聖女。不說婚嫁之言。專闢異端。苦勸格樂弟阿棄邪歸正。不然。必罹天主之重罰。格樂弟阿觸耳驚心。即求指示。何修而獲免永害。聖女直言提醒曰。須痛悔前非。定心遷改。領聖水。守十誡。學耶穌之表。此修身立命之大經。最真最穩。叔與父。從旁助勸。格樂弟阿竟無心再顧差遣之事。惟求進教領洗。併率一妻二子。同爲天主之人而已。遲延多日。王先訪

問旁人。旁人不敢直言。捏稱格樂弟阿病災未愈。王復遣大官瑪是莫慰問。兼詢前事。瑪是莫親至其家。只見格樂弟阿遍身上下。俱破舊之衣。淚眼涔涔。忙問其情。格樂弟阿太息再三。憮然告語曰。天主大恩。開余明悟。幸歸正教。想我從前窮凶極惡。殺了多少聖人之血。此中悔恨。無法可消。瑪是莫見此真情外表。轉問教中道理。格樂弟阿嗚咽不答。送至教宗前。聖嘉約多方導引。竟篤信無疑。立談之間。瑪是莫授洗而爲基利斯當。是時格樂弟阿與瑪是莫。卽謝絕世緣。無心爵祿。所有厚產。急行變賣。以濟教中被難之人。王見兩員。皆久無消息。側聞所行如此。不勝怒甚。立命鎖拿。及其家屬。勒令背教。違卽斬之。所以格樂弟阿一家。及瑪是莫俱成致命之聖人。隨將聖女。暨聖女之父。監禁至五十五日。請王后瑟肋納傳聖女入宮。勸其婚配。王后本奉教之人。知有夙

願。故略提數語。反以守志保貞。堅心事主之言。叮嚀而出。聖女回家後。王知婚事難成。命麻西米亞諾親往聖女家。許其橫拿強佔。麻西米亞諾得此喜音。昂然直奔聖女之室。遠見一天神。光如太陽。護守聖女之旁。遂不敢前進。驚懼而回。王云。此係邪法。須強其叩拜國神。否則殺之。遂擡一邪像。到聖女家。聖女仰天求主。忽然不見所擡之像。惟餘空座而已。有人見此像。埋在當街土內。差員大怒。卽將聖女。命役重刑答責。王聞之。着處斬立決。時天主降生後二百九十五年。

宜行之德 守貞

聖思 一。愛天主在萬有之上。此係天主所命。人人俱不可少。併不可缺。總不如守童貞者。得其全。因守貞原爲愛主。故其心全向天主而不可分。聖保祿曰。婦人愛其夫。父母愛其兒女。惟守貞者。雖一念之微。莫不

全愛天主。夫以萬美全。包萬福全。備之大君大父。而不該得萬世萬民全愛之真情麼。請汝自己想一想。自古及今。由親及友。要有人可比得吾主耶穌之美好榮福者。是誰。明知沒有。爲何常愛別人。不愛耶穌。一爲愛耶穌而甘世苦。爲愛耶穌而斷世樂。此爲真愛。惟童貞者必有之。因守貞之人。斷絕五官之娛。甘受克私之苦。終其身如一日也。我們人。只因一世之美好。嘗受了萬萬的苦。今爲萬萬的美好。倒不該受一世之苦麼。一。祭獻天主之典。敬之至也。惟守童身之貞者。獻其身於聖堂。且祭其心於天主。以身以心。爲祭獻之牲犧。又非一時一日。一月一年之祭獻。乃卒世終身之祭獻也。然此神工。不必專歸於守貞者。聖熱羅尼莫有云。稱呼童貞。卽爲致命。蓋外形。雖無水火刀鎗一時之慘。而內情。實有如焚如疚閱歷之艱。故比致命更難。由此而推。未曾致命

者。可因他苦而稱致命。未曾守貞者。不可因他苦而亦稱守貞耶。六尺之軀。方寸之心。人人共有。爲何不祭主獻主。以效法守貞人之敬愛。

當務之求 爲教中人

祝文 天主。爾德能靈異之中。不棄弱女輩。賜致命者榮勝。懇祈我等。慶爾聖耶穌撒納致命童女誕日。因其遺表。躋爾臺前。爲爾子吾主耶穌基利斯督。亞孟。

十二日 聖女嘉辣 童身

警言○予今豎表。爾視以歸。 聖經

聖傳○聖女嘉辣。係意大利亞國亞西府人。父以武功起家。貴而

富。母推愛主之心。愛人。親朝各處名聖之堂。矜憐道路貧人。受孕後。嘗憂產難。一日。空際大聲曰。汝將生女。共慶德輝。奚慮焉。及生聖女。預表其奇。名以嘉辣。包含光美通明之意也。幼儀端肅。秉性純良。不事嬉遊。常居僻室。默悟耶穌聖體之精微。學力神工。與年俱長。遂陳明父母。矢志守貞。衣則淨而不華。附體必用椶皮。適聖方濟各率眾苦修。聞聖女名。尙議其過嚴。父母阻之弗獲。聚同志女。立會守規。修女漸多。院舍日增。聖女辭讓待人。勤勞律己。如洗衣滌垢。洒掃烹調。撤席掇盤。慰憂扶病等事。行同婢僕。巨細爭先。外來財物。除院中日用之餘。悉施貧乏。不留於次日。有一乞兒求食。僅存眾女共餐之熟麪一包。聖女命給其半。用膳時。明知眾食不敷。將此半包。手畫十字。心乞主恩。眼見麪包驟長。女眾五十人。如常飽飫。一晚。燈油告匱。聖女自取空瓶。交與執事人。求

濟於鄰家。執事人接瓶到手。油已滿瓶。卽告知聖女。聖女復視之。果然。不寧惟是。敵寇攻城告急。率眾修女。捧所供聖體。出門伏叩曰。吾至慈至公之天主。看此眾婢。棄世隱修。守規事主。迄於今日。何忍聽其陷害。祝畢。空際答云。日監在茲。寧弗爾佑。此時敵人。正登梯直入。破城頃刻。忽然驚潰奔逃。越數年。又來寇患。聖女仍入堂求主。不知何故。拔營夜遁。凡被魔患病者。求聖女畫一十字。或點頭一語。或舉手一摩。無患不除。因此四方悅服。聖女身爲院長四十二年。就地而眠。以木爲枕。所用者。皆鄙陋不堪之器皿。所衣者。駝毛蔽體。麻索繫腰。所飲食者。麥麵菜羹之外。不聞再嘗他味。每因泣罪眼昏。魔乃現形誘阻之。聖女叱云。爲主失明。我之幸也。院務恃有主恩。毋庸慮及。惟爾輩失明已久。無能仰對真光。妬懷何益。魔卽慚退。聖女久病無憂。亦不望安好。力疾經營。老

而弗懈。蓋欲借此滅罪增功。自覺終期。非常神樂。眾女共傷訣別。聖女勉慰多言。薄夜。耶穌聖母。自天光賁。聖靈隨侍同升。時天主降生後一千二百五十三年。葬本修院之聖堂。靈跡神恩。迄今猶彰彰在人耳目間。

### 宜行之德 欽敬耶穌聖體

聖思 一。聖女嘉辣自幼至老。無日不默存耶穌聖體之恩。仰承其德。他人不用此工。好像天主全能妙性。不顯於聖體。請看聖女純心體照。不啻形影相隨也。又如修院用糧。竟無長物。每日從哀矜而來。似此神貧。非愛聖體者不能。故能愛聖體者。必能先愛神貧。既知聖體恩從天降。神貧之德。豈由俗世而來。離此神貧。必下地獄。聖奧斯定曰。富哉聖教。神貧能買天堂。 一。耶穌之潔。蘊藏聖體內。有身如死。聖女體照此

潔。守齋受苦。亦拘束如死。以致五傷。方濟各聖人。尙不准其過嚴。夫以柔弱幼童。爲守本身之潔。甘心諸苦。汝欲潔而不污。曾思受苦如飴否。耶穌之表。千載長新。耶穌之訓。明如太陽。汝竟不聞不見耶。一耶穌順命之德。至聖體而無可加也。今只從可見者言。以鐸德之聲音。時時處處。不論高卑大小。不論所用之意。呼吸相通。隨聲而至。聖女愛之慕之。是訓是行。故一聞聖方濟各之命。順從惟謹。汝於父師之言。能如此順從否。只要至尊無對之耶穌。拘束於聖體。從汝卑賤之身。不肯將至卑至賤之身。拘束於誠規。從耶穌之表樣。於心安乎。汝果能欽敬聖體。看耶穌於十字架。不論何人之命。自然容易順從。

當務之求 爲聖體會

祝文 救吾者天主。聽受我禱。我樂爾聖童女嘉辣瞻禮。望以誠心得

受訓誨。爲爾子吾主耶穌基利斯督亞孟。

### 十三日 聖禧玻利多 致命

警言 ○弗背厥十字架而從予。非吾徒也。 聖經

聖傳 ○聖禧玻利多。即追究老楞佐聖人之財者。因見聖老楞佐行無數聖跡。蒙天主開其心。率同家屬共二十人。俱領洗入教。及聖老楞佐被拿招供。聖人目擊耳聞。倍增神樂。其寬限取財之責。又仍交與聖人。時聖人比先大不相同。幫助聖老楞佐聚集窮人。存養於家。視之如寶。臨限送入。王將聖老楞佐嚴刑處治。是晚。聖人跪於聖老楞佐足下。懇求明日。說明我是拜天主之人。聖老楞佐曰。此時還早。不久。必能

遂汝之願。果然聖老楞佐致命後。因聖人收屍厚葬之故。被拿廷訊。直認無辭。雖戒勸再三。堅執不從。毒刑拷打。周身血盡肉糜。惟存呼吸之微氣。尙勉力聲明曰。此刑何用。我已情願受苦。安心致命。以報天主耶穌王命。地方官監守完事。官至聖人家中。將一家之人。同押解法場。以動其心。豈知氣愈壯。心愈樂從。遂將聖人縛於馬尾。策馬前奔。粉骨碎身而致命。時天主降生後二百五十八年。聖老楞佐致命後三日。

宜行之德 輕世

聖思 一。世俗之律。與耶穌之律相反。世俗以好善行德爲名。而實則貪利求榮。不論作何事業。所重者富與貴耳。耶穌曰。輕財自下。我必尊之重之。世俗以雪恥報仇爲體面。耶穌曰。當愛仇人。所以不論何律。皆如冰炭。旣知如此。常常愛世者。可得升天麼。 一。世俗之表。與世俗之

路相同。求樂。求財。求體面。靈魂之事。毫不關心。只怕不隨世俗。恥笑難當。不愁妨礙聖規。永殃難受。既如此。何不回思自己。沒有幾件跟隨世俗麼。沒有幾件怕人閒話。不得不隨世俗麼。這種心腸。還望升天有分。難矣。難矣。一。凡專心愛世俗者。只顧風俗。若說此係惡風壞俗。必強解云。公共通行之事。何必矯情拂眾。因而放心大膽。不管正經道理。不管耶穌訓誡。行惡不爲非。拒善不爲罪。似此隨風同俗。不肯回頭。死之日。升耶。墮耶。汝若知難升而易墮。就該知道爲人而隨壞俗。只合於人。爲主而避惡風。纔合於天主。二者不可得兼。孰重孰輕。何去何從。憑汝定奪。

當務之求 爲迷於世俗者

祝文 懇祈全能天主。吾敬憶爾聖禧玻利多致命者誕日。賴其轉達。

使吾剛健於爾名之愛。爲爾子吾主耶穌基利斯督。亞孟。

### 十四日 聖歐瑟伯 鐸德致命

警言 ○弗謝所有諸物。必弗爲吾徒。 聖經

聖傳 ○聖歐瑟伯係羅馬府人。因才德並隆。累陞鐸德。時遭外患。道大莫容。被害教中。聖人巡遊勸勉。助其堅固。以救靈魂。事聞。嚴拿究治。命用緩刑。禁錮於深室。遍身拘執。身外無餘地。在此七月之久。所遭艱苦。難以形容。能由自己者。惟心與舌而已。所以七月之中。無時不以舌贊揚天主。無刻不以心感謝耶穌。視苦爲飴。雖刃未加身。血未滿地。終以此刑致命。時天主降生後三百五十七年。有二鐸德。一名阿羅瑟。

脫身潛避。只獲額我略到案。命活埋於坑。阿羅瑟急回。掘土救之。已經氣絕升天。

宜行之德 盡心愛主

聖思 一。既是奉教人。明知普天下之人。從天主復生。蒙耶穌救贖。汝亦受聖言教訓。可見今日之汝。全全都是天主重新另有之汝。並不是先前原舊之汝。汝若自己想一想。所得天主之恩。數不來。說不盡。果然爲汝真主。果然係汝大父。且去世後。還要審汝判汝。賞罰汝。爲何如今不聽其命。不報其恩。一。既是天主的。汝之所思。所言。所行。全是天主的。猶如一株樹。若是你的。這樹上長的枝。發的葉。開的花。結的菓。件件都是你的。所以我身現有看得見的五官百骸。看不見的靈魂。靈魂內。包藏的記含。明悟。愛欲。亦如樹上的枝葉花菓一般。明明都是天主的。

以天主所有者。不爲天主用。不肯歸還天主。竊取而私用之。可與理相對麼。非敗壞天主之事麼。一若說不是天主的。難道是邪魔的麼。但汝雖滿心不認邪魔。而邪魔專能騙汝到他手內。何以知之。汝在世俗中。肯不爲虛浮之體面麼。肯不爲暫時之富貴麼。肯不爲必亡必臭之肉身麼。旣不肯不爲。又何能脫離邪魔之手。故致命聖人依納爵曰。爲天主者。服事天主而行善功。爲邪魔者。服事邪魔而行醜惡。不出於此。即入於彼。並無不此不彼者。汝係真正奉教人。必刻刻隄防。保全以後重新另有之汝。

當務之求 爲冷淡者

祝文 伏祈全能天主。吾敬憶聖歐瑟伯鐸德致命者誕日。賴其轉達。加力於吾。愛慕爾名。爲爾子耶穌基利斯督。亞孟。

十五日聖嘉西亞諾 致命

警言○即辯。即求。即責。忍耐訓誨。聖經

聖傳○聖嘉西亞諾。在意大里亞國依禾耶郡中。設館授徒。時值地方官將正教諸人。酷刑威逼。心難坐視。四處匡扶。又設學館。訓誨教中之孩童。每日講解一位先聖之行述。教以靈魂不死不滅。身後永賞永罰。爲主失命亡身。爲主被災受苦。係升天正道。故館內諸童。心志堅強。後多致命者。訓蒙之外。逢人講勸。地方官聞知。禁其設館。停止後。聖人見孩童放蕩。復密爲之。官以故違拿究。查其本業。聖人答曰。我之本業。惟有訓誨童蒙。成就後生之品行。官曰。天主教係國家之大禁。你不知道麼。今在我地方。須拜過國神。卽時釋放。聖人曰。天地萬物之主。惟

一無二。我奉此真主。情願失命以証之。官命背綁網縛。聚集異端之童。若聖人不肯反教。任憑諸童苦之致死。聖人被諸童殘虐。從晨至晚。無一息不肆其酷。從頭至足。無一處不被其傷。受劇刑未有之刑。盡世苦難名之苦。薄暮。靈出升天。時天主降生後三百六十一年。

宜行之德 愛人

聖思 一。從古以來。卽有愛人之誠。天主耶穌建定聖體日。又諄囑三次。爲何如此叮嚀。因人人同性。耶穌降生救贖。要使人人同享天福。所以人人都該守愛人之誠。我旣愛人。人必愛我。有何難守之處。所性同。所守同。所愛無不同。將見由近而遠。朋友日增。與有生之人數相等。此時世上。不像天堂麼。到此地步。纔算得愛人。纔算得愛天主。纔算得愛遵主命。今汝曾到此地步否。 一。耶穌有言。此誠爲自己之誠。自己表

樣。大半在此誠中。由此觀之。即可知耶穌教訓之人。其不同如是。更可知救世者之門徒。能使不同之人。終歸於大同之中。又如是。但此愛人之心。該從何處下手。請看聖嘉西亞諾之傳。便知下手。全在開人蒙蔽。救人靈魂。引人升天正路。此即救世主之教。今汝每日所遇迷人不少。可曾講明幾個。救過幾人。若推委不能。或言無暇。或疑臭味難投。汝之愛心何在。一。耶穌明說愛人之誠。可比愛主之誠。關係如此之大。如此之重。還不想救人引人。盡我之愛麼。愛天主者。必愛人。不愛人者。必不愛天主。猶如此間無熱無烟。必然無火。聖若望宗徒云。若說能愛天主。所行竟不愛人。此爲說謊。嘗見教中人。多有談人是非。論人行事。聽人敗壞靈魂而不救者。試問其愛主否。必強顏答曰。吾無他愛。惟主是愛。非說謊而何。今汝之愛主。亦如是耶。主不可欺。反欺已欺人。難哉。危

哉。

當務之求 爲在本會者

祝文 懇祈全能天主。吾敬憶爾聖致命者。聖嘉西亞諾。誕日。賴其轉達。使吾剛健於爾名之愛。爲爾子。吾主耶穌基利斯督。亞孟。

## 十六日 聖亞進多 顯修

警言○凡弗持其十字架而從子。弗享子。聖經

聖傳○聖亞進多。係波羅尼亞國仕宦之子。幼時。父因弟爲主教。即托其訓誨。蓋以叔爲師。以姪爲徒也。性本純良聰穎。加以主佑。不數年。學業大成。主教命理諸務。大顯德光。憐貧第一。不棄一人。誦經祈主。

儼若在天之天神。行事以克己爲先。主教有羅瑪之行。聖人偕往。及至。聞聖多明我盛名。且目覩復活一世家子。聖人即商之。主教欲請聖多明我。我會中數人同回。聖多明我辭以聖會初興。需人經理。後必發往。主教又請。回云。不如派所隨之人三四位。來守新規。學習傳教之法。主教樂從。即將聖人同瑟斯老熱爾瑪尼亞國二人。派往。時聖人方三十四歲。聖多明我教以克己恨己苦己之道。潔淨靈魂。以輕世輕榮。念茲在茲。仰對耶穌以欽崇聖母。倚靠大能大德。遵守新規。聖人加意奉行。因其已言。發所未言。思言行爲。皆愛主愛人之熱心。半年後。主教事畢欲回。聖多明我將聖人送還。併云。令侄德修丕著。可同回故土。廣揚新會。歸後。主教給一聖堂。聖人立院以居。修士不數月。城人敬領聖體。誠事聖母。非從前怠惰驕盈之習。天主又助以靈蹟。一體面人。過河溺死。聖

人於眾人前。命其復活。似此光榮。愈卑愈遜。刻礪之工。有加靡已。瞻禮  
六。聖母宗徒瞻禮。前一日。大齋。只用乾糧涼水。身不離苦服。就地而眠。  
枕磚寢塊。習以爲常。誦祈講勸。慰病救窮。與人告解等事。日無寧晷。新  
院既成。聖人將學業可觀者。分往達訥瑪爾國。薛削國。窩弟亞國。諾爾  
未日亞國。斯哥西亞國。俄羅斯等處。以聖蹟。以表樣。以德行。救人甚多。  
一日。聖人在攝別爾河邊行走。見對河岸上。無數人跪於樹下。必係異  
端。心中憐憫之至。但無舟可渡。卽從水面。穩步過河。眾見此奇。莫不傾  
心受教。又覺未斯基城。被韃靼擄殺焚燒。聖人正在城舉行彌撒。已成  
聖體。猝然聞變。卽收聖體於盒。所供聖母像。重八九十觔。聖人右手捧  
盒。左手持像。出城至攝別爾河。又乏渡船。仍從水面。直奔彼岸。此二次。  
天主欲顯其功。將聖人步步之足蹟。常存水面。爲後人信証。狂風巨浪。

不能消滅。迄今將五百年。足見一生之受苦顯奇。非筆述所能盡也。年至七十四。親見聖母臨示云。爲時不遠。還該勉力加工。升天之期。汝必預知。又一年。天主默示。定在天堂。守聖母升天瞻禮。卽傳齊本會人。告曰。汝等當記得天主前。無一事爲小。神貧潔淨。救人靈魂。皆合耶穌聖意等語。隨傳聖油。領聖體。甫畢。靈出上升。時天主降生後一千二百五十七年。升天後。顯蹟更多。

### 宜行之德 忍耐世苦

聖思 一。天主嘗用公災。以做人非。以明主訓。若准賜其災。必因世福害我。特賜此禦之恩也。非災也。該欣然順承。且感且謝。倘汝不然。難道白白辜負主恩麼。二。天主愛人行善立功。必先責人改過。所以貧窮卑賤。或貨財榮華之害。可引其悔悟。不戀世娛。如用火煉銀。去其潮色。

也。既知如此。偶然艱窘到身。宜倍加歡感。還敢憂愁抱怨麼。一。每見惡人在世。貨財。逸樂。尊榮。刻不離身。此非奇事。卽彼之天堂故也。天主至公。惡人雖惡。未有事。事皆惡者。好處卽報以世福。孰知此福。乃永殃之實據也。哀哉。異端人。不管身後。強言天堂地獄。就在眼前。皆訛傳謬解所致。若講正經道理。惡人或享世福。天堂原在眼前。善人或遭世苦。煉獄亦在眼前。但彼因不怕地獄。故愛眼前福樂。難道汝亦不愛天堂。反怕此眼前困苦麼。

當務之求 爲享受世福者

祝文 天主。以爾聖亞進多。每年瞻禮。樂我等。懇祈爾。吾既慶厥誕日。幸師厥功勩。爲爾子吾主耶穌基利斯督亞孟。

十七日 聖忙默思 致命

警言○縱刃未加身。血未流地。設於困難中。忍性堅持。亦可謂致

命大功矣。聖額我略

聖傳○聖忙默思。係額肋西亞國世豪之族。又係名教中世聖之家。父名德阿多篤。爲義死於酷刑。母名呂斐納。懷孕未及產期。見夫先死。迨分娩聖人後。求主可憐此子。照看生存。可憐我身。收我靈魂。不落異端之手。主命天神慰諭云。悉如爾意。不數日。母果歿於禁所。一教友名昂米亞。天神顯形。命領屍埋葬。抱回所生之子。昂米亞將聖人父母之屍。俱葬於自己之花園。抱回聖人。視如親子。稍長。讀書出眾。敬主超羣。勸人弗畏邪教。害只及身。且有永福。年十五。昂米亞棄世。遺產與親

子均分。時總王首禁幼童入教。查至瑟撒利亞府。聞聖人廣傳教理。差人捕獲。官以少年易變。甜言誘之。利害逼之。聖人曰。我係致命人之子。情願舍生敬我天主。豈肯畏苦辱我先人。雖劇刑致死。還感激國恩。祈主保佑。官曰。我且碎汝之身。看汝何如。聖人曰。此言差矣。我爲大族子孫。由不得汝私意害我。官曰。汝言甚是。寄監候解。聖人之意。借此可見總王。陳明正道。解見時。果直言不屈。王命重刑笞責。刑役勸云。只說一拜字。卽可釋放。回云。此字萬萬說不得。我自信受刑甚樂。不可想我怕苦。王見志決辭堅。命取一大鉛球。繫於頸項。拋入海中。解至中途。一天神攜於高山絕頂。歷四十日。不飲不食。如古聖每瑟嚴齋之期。四十日後。每日下山。傳教近邨。忘其老邁。習以爲常。日有牝鹿山羊。自登山頂。聽聖人取乳代食。作餅濟貧。山中獅豹虎狼甚衆。一見聖人。呼羣伏敬。

捕役搜山至洞。聖人迎接叙談。眾獸環列。聖人到官。官云。汝係邪法人。能驅野獸。聖人回云。我只知恭敬天地萬物神人禽獸之大主。並非邪法人。官命役從重鞭笞。聖人怡容樂受。隨用火燒之。三晝夜端步而出。未傷一髮。官勃然大怒曰。此非邪法耶。命武卒鎗刺其腹。腸隨鎗出。直拖至地。聖人手送入腹。立時平復無痕。使人明知天主全能。人力不能爭勝也。因聖人迫於見主。愛情熱極。蒙主鑒其勞苦。即俞允所求。升天享福。時天主降生後二百七十五年。

宜行之德 忍耐世苦

聖思 一。在世時。人人免不得苦難。肉身好處難全。靈魂好處難保。外來凶惡。常常投贈。百倍於解衣推食之厚情。自己孽根。費力勞心。更大勝於水溺火焚之重患。明知如此。不該預備忍受之道麼。眼看別人。現

居苦難中。就該回想此苦。定不得就到我身。若果能預先防備。肯有忍耐之心。則自己孽根。必全全冰釋。內患既除。縱有外來凶惡。與旁人一樣。其實所受之苦。比旁人暗消大半。因汝預備之忍耐。一力承擔。本身所受者。不過忍耐中餘剩之小分耳。汝係過來人。深喜此言不謬。汝若不會試過。自今而後。何不由小而大。時時學習此免苦之神力。一天主賞人苦難。不可謂徒然忍受。又不可謂此番忍受。必有大功勞。只該想忍此苦難。可補從前之過失。果然如此真切。則忍德愈深。艱難愈減。請看人家好子孫。偶逢父母責罰。豈獨不怨不尤。且有得罪我親之悔。定心改過。後來無再犯之時。祖父之前。尚該如此孝順。天主之前。反不該如此麼。一。有多多的人。偶遭苦難。不但不悔不改。還怨恨天主。移怒親朋。瞞昧良心。時時加罪。罔知自反。不認前非。如此之人。既不用此

苦贖罪。又不用此苦改遷。則此現受之苦。卽爲後來永苦之起頭。彼雖毫無畏憚。我狠替他膽顫心驚。

當務之求 爲苦難者

祝文 懇祈全能天主。吾敬憶爾聖致命者。聖忙默思誕日。賴其轉達。使吾剛健於爾名之愛。爲爾子吾主耶穌基利斯督。亞孟。

## 十八日 聖亞嘉彼多 幼童致命

警言○基利斯督。須先受苦。後入其上國。 聖經

聖傳○聖亞嘉彼多。年甫十五。廣行教化。不懼艱難。拿送總王。王以幼年弱質。疼痛到身。必然難受。豈知重鞭笞責。愈責愈堅。王令緩圖

之。交官誘引。改而後已。官即收領入監。斷其飲食。至四晝夜。官思此苦。不比尋常。一刻勝於一刻。人非木石。未有不悔心者。第五日提審。語言雄壯。氣概卓然。更顯其操存有素。官用銅爲帽。上加火炭燒紅。聖人曰。此帽甚好。預備我頭。戴天主榮福冠。官知無益。又命鞭笞。遍身糜爛。鞭後。縛足倒懸。臭烟薰炙。聖人云。世俗之美德。盡如此烟。官大怒。命施重杖。官忽墮地身亡。明顯天主之罰。王反視爲邪術。驅入獅牢。獸皆馴伏。王更以妖法目之。立時斬決。時天主降生後二百七十五年。

宜行之德 愛苦難

聖思 一。拜天主之人。看耶穌釘十字架上。必然戚戚動心。愈忍愈難。當知此十字架。係教中人一本精妙奇書。能學受苦之法。若果然明透。此書之奧旨。一定其心。與信脗合。與望相兼。與愛更熱。所肯所喜者。苦。

耳。難耳。或遭無禮之加。或受妄語之誣。或貧移徹骨。或卑賤難堪。惟披閱此書之後。專想耶穌爲人受苦。巴不得全聚世苦於一身。稍盡涓埃之報。種種現受之苦。俱漠然不覺矣。汝曾真心看過此書否。汝能日日肯看此神書。何難時時常愛此世苦。一臨終時。捧苦像於目前。因從前爲此表樣。樂受艱難。此時纔顯受過之苦。與耶穌相合。可完全畢生之望德。如此大效驗。爲何竟不肯熱愛於平時。倘或平時白受多苦。不爲耶穌指望何在。後悔無及矣。何如日下早爲之計。將萬萬不能脫逃之苦。愛之慕之。欣然樂受之。惟求補贖從前罪犯。庶可望臨終得與耶穌聯合。是明明一舉而數善俱全。汝爲何徒然白受。自貽後悔。一公審判時。善人看聖十字。從天降世。卽認得我在生時。誠心摹仿。身體力行之大寶。今倚靠升天。形神之永福。俱不能少。獨有惡人。向與十字架

爲仇。怒之惟恨不深。避之惟恐不速。當日有人提起永遠之樂。付之腦後。此時無地可逃。永遠之刑。現在眼前。嗟嗟。幾尺縱橫之木。因一苦而增無限之威權。因一苦而具無窮之能力。將開闢以至終窮。不與十字架同苦之人。肉身靈魂。盡揮斥於永苦地獄中。汝肯在此揮斥之內否。如不肯受永苦於後來。當肯肯受暫苦於生前。果然肯而又肯。無間無虞。縱不幸而平安過世。主必鑒汝之心。惟汝聯合於十字聖架之旁。

當務之求 爲外教者

祝文 懇祈全能天主。吾敬憶爾聖亞嘉彼多致命誕日。賴其轉達。使吾剛健於爾名之愛。爲爾子吾主耶穌基利斯督。亞孟。

十九日聖類思 主教

警言○汝等端肅。見示於眾。主即邇。聖經

聖傳○聖類思。係納伯里國國王之嗣。此國王本拂耶濟亞國王之族。聖人雖爲儲君。自幼不同於眾。世俗之榮。毫無繫戀。專以愛主愛人爲務。言行端方。形神肅謹。七歲時。乘他人熟睡。私離牀褥。臥地以苦身。每日到堂誦禱。默存一二時。至十四歲。以西巴尼亞國王。獲聖人之父以歸。聖人質身救父。旅次七年。平和兩國紛爭之事。此七年中。分外熱心。日行告解。因定志守貞。常求聖母保護。爲尅己私。無法不用。苦帶羶衣。多齋薄飲。以收潔德。偶逢婦女。則閉目過之。以淨觀瞻。每日默想耶穌之大道。最喜憐貧。願病。力行不倦。待事平回國。以西巴尼亞國

王欲尙以公主。但聖人前在病中。曾立願入聖方濟各會精修。故聖人之父。辭婚不允。及聖人定期入會。院主不敢卽從。嗣因父王請命於教宗。授爲鐸德。又由鐸德。授爲多羅撒府主教。飭令勿辭。不得已。勉遵赴任。蒞事後。供應之資。扣留自贍外。爲濟困修堂之用。每日膳養二十五人。親身服役。常在堂講勸。安慰衆心。聞有冷淡處。卽往顧之。用良善之表。恢復衆人熱愛。所轄地方。民風丕變。年二十四。欲辭主教以酬前願。天主默示終期。遂力疾加工。仰承主命。室中鐸德。連日舉行彌撒。至聖母升天瞻禮。強起領聖體。誦聖母經。或問之。答曰。因死期已至。聖母助我升天。語畢。凝神瞑目而逝。時天主降生後一千二百九十七年。歿後。口吐玫瑰花一枝。奇香撲鼻。旁人共見。一修士相隔甚遙。仰望半天中。許多神聖。護送聖靈上升。修士大聲頌揚貞潔之榮。葬時。顯蹟甚多。死

而復活者十人。其他不及備錄。

宜行之德 端肅

聖思 一端肅之德。係爲人外品。奉教者。該預備於身。由中而發。以動人觀瞻。因耶穌之像。耶穌之表。俱傳留於基利斯當。身在教中。而言行不端不肅。如何繼述。且天主無所不在。時時鑒汝。護守天神。須與不離。常常伴汝。若汝之舉動。乖戾不端。縱恣不肅。如何對越。更有甚者。朋友親鄰。口聲載道。子孫僕役。耳目難欺。若汝不端不肅。又何以感發人心。挽回習俗。所以端肅。爲教中人當緊之德。 一端肅之德。不可全隨己意。先要論行年之老少。本業之高低。又要論時勢之順逆。風俗之文蠻。更當論所居之地。或城市。或山鄉。若以周身計之。莫顯於手足。以五官計之。莫著於眼目。語言。汝果不隨己見。因外境以著其端方。檢點四體。

五官。因己身而顯其嚴肅。見之者。必驚問此人。爲何有此品格。始知當日耶穌所行所言之表。流傳及於汝身也。旣可以闡揚耶穌真實之光。感發旁人熱愛之心。又可以養心正己。善莫善焉。榮莫榮焉。汝曾如此否。一。外形之端肅。若不由內心發出者。一事如此。必不能事事如此也。一時如此。必不能時時如此也。即就一事一時之端肅而論。尙然狼強勉。狠煩難。惟從內心發出者。大不然。明知眼前蒙天主照察。無地可逃。無時可避。敢不端肅以輸誠。明知本身。蒙天神護守。從生至死。無倦無離。自然感恩而端肅。所以五官四體。隨事咸宜。出口轉睛。從心所欲。不獨容易循規蹈矩。尊重威嚴。且靈魂神樂非常。妄想全無萌動。汝曾到此地步否。

當務之求 爲童穉人

祝文 懇祈全能天主。爾聖類思精修主教。每年瞻禮。加吾心虔而體安。爲爾子吾主耶穌基利斯督。亞孟。

## 二十日 聖伯爾納篤 隱修

警言○我等無瑪利亞。是無日也。共在黑暗中。其何能得光乎。

聖伯爾納多

聖傳○聖伯爾納篤。係拂郎濟亞國人。父母事主最誠。生子必獻於聖臺下。共生六子。聖人居中。懷妊初。母有白龍之夢。識者謂通明博學之徵。聖人自幼孝親敬長。克己律身。嘗患頭疼。諸醫不效。一巫以咒

治之。聖人挺然叱逐。不治而痊。聖人蒙主寵佑。學力神工。與年並長。曾遇耶穌聖誕瞻禮。深夜入堂。誠心望知降生之準刻。忽然似寐非寐。明見美嬰臨慰。從此厭囂喜靜。篤志守貞。及母去世。年已富強。魔常誘以狡童姪女。不遭其害。且懲勸之。嚴寒時。猝逢一女過目。深悔其非。裸入凍池自責。至二十三歲。結伴三十餘人。潛投山院。不避嚴規。專心精密。居室兩年。從不仰瞻屋頂。入堂數載。未知窻牖有無。乘不顧鞍。飲不知醋。受食難於受罰。守口勝於守城。衣最惡而潔淨非常。寢不尸而鼾呼併絕。視己如僕。敬人如師。不因外務以斷神工。每因萬物而通性理。交友不知其短。待人必過於寬。自聖人入院後。四方來學者日多。另於僻野。構院以居。房屋極卑。饔飧極菲。諸修士先難後易。視爲父母天神。耶穌常親臨眷顧。院中司事。係聖人之兄。絕糧告急。聖人慰之而去。頃之。

一婦獻金。求痊夫病。聖人謝主求恩。諭云。汝歸卽愈。後常舉此爲勸。不必專謀日用。自有慈恩養育也。有王族尊貴人謁見。將行。懇代求善志。聖人連聲唯唯。所求卽得。未就途。定志精修。遣回從役。轉赴院中。從人不願。謗詈聖人。聖人謂其主曰。此人必來同學。從役大笑而去。入夜。深悔前非。次早入院。終身不返。聖人欲往一郡。一人奉差遠接。聖人欣示曰。不特汝主差爾遠迎。上天大主。還差爾立功。旣而入院。悉合前言。聖人之父。鰥居年邁。聞山院名。從遊終老。聖人之妹。問候父兄而來。不納。自悟美粧車馬之非。改而後見。由此以推。可知其上求天主。呼吸相通。下與世人。剛柔並濟也。遇有謗害。受而且感。一人願學未誠。姑令暫歸。其人怒極。掌擊聖人之面。聖人和言怡色送之。一人獻銀數百兩。途中被盜。聖人以免累爲安。院旁房地十所。被佔不還。聖人拱手讓之。倍加

親愛。兩國以小怨構兵。聖人力疾往和。卽此數端。又足見其愛仇排難。不加勉強也。論其靈蹟。更難僕數。在一鄉郵。一日內。開瞽十一人。起癱續臂二十八人。又至一郡。三日內。開瞽十人。跛足能行者十二人。瘖啞能言者三人。又一日。講道將完。有人獻麪餅數枚。聖人祝聖訖。語眾曰。爲証聖教之真。病人食此少許必愈。眾爭取之。無病不痊。一人患病失音。聖人求主。醒而復迷。聖人知其隱隱。飭云。藏不義之財。悞人大事。豈能安死。病人驚起送還。昏迷遽醒。多羅撒地方。一人痿痺垂斃。聖人畫十字求之。立起。追隨卒世。米耶郡。一女負魔。聖人於彌撒中。恭捧聖體。叱曰。吾托大主聖威。命汝速去。魔即呼號潛遁。巴未亞郵。一婦負魔求救。魔曰。古聖西祿尙不能逐我。况汝係食葱蒜野夫耶。聖人諭云。西祿未能逐汝。我自然不能。但耶穌是造物大主。難道不能逐汝麼。魔即潛

奔。都中兩族不和。適國后以乏嗣請禱。聖人知不和俱由於后。即云。弗傷人和好。可望主恩。后從之。果如所望。一友甚遠。欲致書勸之。同一徒。僻地修書。風雨驟來。聖人與徒身無點雨。所用手巾腰帶。杖履衣冠。及食餘諸物。皆能療病祛邪。仰惟聖人。盛德神能。莫可幾及也。再論其神智。直通秘密。有客遠來。聖人囑曰。某犯某罪。不速改。將受劇刑。汝亟勸之。客且懼且疑。聖人云。惟遵吾命。否則禍及汝身。客歸。友即聞而改悔。終免於禍。一人來學。聖人語眾曰。此係魔所導。令其獨入獨出。免生他害。未幾。自退。一徒爲父求善終。聖人云。汝父必葬我手。居無何。果入院守規。逾年。得病甚劇。適聖人他往。閱五月。歸而後歿。親殮葬之。一徒臥病數千里外。聖靈往視而痊。一徒以遠差不能再晤。聖人許其居者行者。俱平安。道經凍河。冰開身溺。目覩聖人。手援置岸而歸。三童就學。一

童早退。二童堅志不靡。或問以將來。聖人曰。一安靜終身。一至中年。魔必害之。幸彼倚賴聖佑。不受其虧。似此光明睿照。竟髣髴天神也。迹其一生得力。惟以聖母爲母。故百無一失。猶憶聖人病瘡。遣徒入殿求聖母。未回。見兩聖扈從聖母而至。手除其病。非平日孝思誠切。何能若斯之感格耶。年六十四。終期在卽。同友及門。趨奔聚哭。聖人一一勸勉。訖。正容仰目。誦耶穌瑪利亞數聲而逝。時天王降生後一千一百五十三。年。葬本修院之聖堂。墓前救難逐魔。施恩無算。創建修院一百六十所。教養修士。不可勝數。著述嘉言卓論。義理精深。文辭溫雅。迄今傳誦之。

宜行之德 恭敬聖母

聖思 一。聖伯爾納篤最熱心敬愛聖母。自稱爲聖母之子。處處引人。事事讚美。敬之孝之。以滿人子之分。當知聖母。非僅一聖人之母。亦爲

吾人之母。今請問吾人。孝與順二字何在。潔謙等德。果能善繼善述。以顯母教之光榮者。又何在。一。聖伯爾納篤。既爲聖母之子。卽爲耶穌之弟。所以輕世俗。受艱難。自生至死。盡心仰體耶穌之痛苦。以愛己。立善規。建修院。由少而多。竭力廣揚耶穌之典訓。以愛人。汝爲耶穌之弟。耶。請問年來愛己者何事。可曾受過聖人之辛苦否。愛人者又何事。可曾行過聖人之德業各。一。聖伯爾納篤常講四件神妙之語。其一。天主至謙至卑。人反自尊自傲。非大怪而何。其二。人有人之喜樂。物有物之喜樂。今舍去天主臺前。自己原有之喜樂。而反貪萬物之喜樂。必然天主臺前之喜樂。日減日消。其三。問汝爲何修道。非圖寡過立功。成聖成賢麼。其四。臨終斷氣之時。刻刻相隨。此刻不來。彼刻必至。自生民以來。從無有一人。可能脫逃斷氣之刻者。且猝然驟至。急不及防。故須刻

刻想之。果能念念在心。自然不悞死期。汝能將此四端。人前常說。靜裏常思。利己又能利人。神形必蒙主佑。

當務之求 爲亡者

祝文 天主。以爾聖伯爾納篤。每年瞻禮。樂我等。懇祈爾。吾旣慶厥誕日。幸師厥功勩。爲爾子耶穌基利斯督。亞孟。

廿一日 聖弗郎布爾 顯修

警言 ○凡躬行。並教誨。在天爲大。 聖經

聖傳 ○聖弗郎布爾。係拂郎濟亞國頭等大人之子。自幼聰明勤學。且專心奉事天主。至十五歲。國王用爲近侍。因爲人謹慎。寵遇日隆。

馭眾謙和。羣情敬悅。但心中常佩服聖雅各伯宗徒。及聖奧斯定之言。聖雅各伯曰。世俗之愛。與天主之愛相反。愛世俗者。天主必深惡深恨之。聖奧斯定曰。世俗所說堅固久常之福樂。還比玻璃更脆。因最堅最久。不過一世之榮而已。必定該從最險最難之路。以圖高上無窮之尊位。此言銘心刻骨。滿望身體力行。雖在富貴尊榮之地。毫無繫戀。不得已。強留數載。忽一日。密密離家。匿於野山之洞。洞內如室。中有水源。渴飲其流。饑殮野菓草根。惟默想主恩。誦祈不輟。父差多人四處追尋。亦曾覓至洞口。洞內水源。猝然泛溢。漲滿洞門。人不能入。聖人見此聖蹟。感激既深。堅心愈固。慮人再來。亟離此洞。投一最遠之修院。隱跡藏名。數年無恙。院主嘉其品行不凡。授爲鐸德。從此德光愈著。神行尤奇。凡病人求救者。或以聖號。或以聖餅。立除無數不醫之病。乃由近而遠。日

甚一日。聖人行此神工。常斷自身之默想。不遂所懷。私離此院。深入崇山峻嶺。向有苦修之眾。多年隱跡洞中。天主欲用聖人成就之。默喻數人。遠迎至洞。此時聖人欣然樂就而不辭。及至洞中。見多人野處。非可大可久之業。卽赴本地主教。求在此山。構屋數楹。以爲修院。主教見聖人德容道貌。深欽敬之。晤對之間。又明知其博學才能。熱心愛眾。重感天主洪恩。遣此仁師。遠來助我。院旣落成。卽奉聖人爲院長。廣行教化。顯跡更多。如逐魔愈病。復活死人。儼然若有天主全能。在其掌握者。曠觀天下。岩崖接踵。隱士如林。何幸此方。獨荷非常之大益焉。後惟全心全力。愛主愛人。終老洞中。平安謝世。時天主降生後五百五十年有奇。

宜行之德 勇毅親愛智謀

聖思 一拜天主之人。該有三件。第一是勇毅。設有人要害汝身命。奪

汝家財。汝必爲救身家。毅然勇往直前。毫無懼怕。雖素來柔弱人。此時  
膽量甚雄。今爲保存天主之事業。急救人已之靈魂。反罷軟無能。有是  
理乎。所以君長雖尊。親朋雖愛。倘爲教法戮而辱之。譏笑之。憎惡之。即  
當以忍耐爲教中之表。以不愛不懼。不怕身家性命。爲天主光榮。一。  
第二是親愛。天主不喜人服事如役如奴。只喜人親之如子。不喜人奉  
之如帝如皇。只喜人敬愛爲父。若父慈而子逆。親愛難言矣。汝今何如。  
舉心動念。果然孝思不匱耶。丕承祖武。果然善繼善述耶。報德酬恩。果  
然致身竭力耶。建功立業。果然顯親揚名耶。當知父雖親愛。難施於不  
愛不親之子。親失其親。則父必視子爲讐仇。愛失其愛。則子必懼父爲  
嚴君。聖奧斯定有言。汝既愛主。不該怕主。若不愛主。必該常常怕主。  
一。第三是智謀。天主賦人以自主之權。故一舉一動。該盡自己之聰明

籌度。理論肉身之行爲。該將自己之識見才能。定救靈魂之道路。折衷決斷。毋貳毋欺。這纔是真智正謀。汝曾如此否。若能到此一步。必然明白天主之尊。且洞然識破世情之幻。更曉然如見天主賞功罰罪之慈嚴。

當務之求 爲冷淡者

祝文 天主。以爾聖弗郎布爾。每年瞻禮。樂我等。懇祈爾。吾旣慶厥誕日。幸師厥功勩。爲爾子耶穌基利斯督。亞孟。

廿二日 聖性福良 孩童致命

警言○爾等當時寤勿寐。不知爾死。何時臨格故也。聖瑪竇

聖傳○聖性福良。係拂郎濟亞國人。父母俱熱心敬愛天主。常向子女。闡揚天主仁慈。講解古今聖傳。故聖人自幼。專心爲主。樂於致命。其聰明。其熱愛。其事主事人之恭敬謙和。儼然有老成難及之威儀。諸童之中。無可比擬者。一日。異端人迎神賽會。人皆跪敬道旁。適聖人相遇於途。眾見其挺然不跪。即以慢忽告官。官問何名。聖人回云。我名性福良。是天主教人。官曰。你怎麼說天主教。你雖係孩童。難道不知國家王法麼。聖人曰。我明白知道。國家王法。不能強我不敬天主。不能強我跪拜邪神。官怒。鞭責收監。越數日。又提審。勸云。汝遵國命。背棄天主。必

蒙厚賞。聖人曰。國家之賞。不過一時。天主之賞。無盡無窮。官見其堅執不移。擬斬立決。解赴法場時。其母聞知。奔赴城頭。遠見子來。高聲勉勵曰。我兒。我兒。天主無窮之永賞。早預備於天堂。不過頃刻間。就能到手。聖人聞母此言。愈增神樂。行至受刑處。謝主大恩。欣然受斬。時天主降生後二百七十三年。

宜行之德 常思死候

聖思 一。人之生命。如石火電光。一瞬而已。日月東西。疾於箭炮。纔說起頭。已經過去。汝若不信如此之速。請問汝幼年之樂。而今何在。問汝從前受過之福。可能回來否。若當時知有今日。不拘何福何樂。必定冷淡視之。糞土待之。惟熱心追隨耶穌。小心欽崇天主。到了此時。不知立下許多神工。今中夜自思。神工何在。現有者。罪耳。就來者。罪之罰耳。

一。人之生命。不惟短促。人之福樂。不惟速去不來。還離不開苦難憂愁。有一日之生命。卽有一身之苦難奉陪。有一分之福樂。卽有十分之憂愁。同時並到。所以要知道此人。已受過了多少苦難。只看他已過了幾年生命。要知道此人。現有多少憂愁。只看他現在受了幾分福樂。果能如此明白。誰肯以短命爲不幸。誰肯以世苦爲禍災。聖奧斯定曰。惡人惟愛生命。該愛者不識。獨聖人明知該愛之事。不愛惡人之所愛。一。不肯爲聖者。生命雖長亦短。汝若肯爲聖人。短命勝於長命。所以爲人在世。不該管生命或長或短。只該管或聖或否。果能將石火電光之時候。好用之。善使之。一秒之微。半刻之多。不能虛費。則步步天堂。時時神樂。世間生命。縱或不長。身後長生。自然無盡。若舍此永長不短之生。而惟與世間較短論長。以壽爲福。以夭爲凶。非徒無益。害莫大焉。

當務之求 爲幼年人

祝文 懇祈全能天主。吾敬憶爾聖性福良致命誕日。賴其轉達。使吾剛健於爾名之愛。爲爾子吾主耶穌基利斯督亞孟。

廿三日聖斐理伯伯尼弟 顯修

警言○聖若翰斯來爲証。証茲真光。 聖經

聖傳○聖斐理伯伯尼弟。係意大利亞國人。自幼受慈親教育之功。敬主愛人。端方謙下。精通文學。後往佛郎濟亞國都城。專攻醫學。詣巴都哇府醫科赴考。中式而歸。一日。默與彌撒。聞鐸德誦曰。斐理伯來近此車同行。聖人凜然心動。猶如面命耳提。際此沉思靜想之時。忽見

曠野石山。草柴堆積。驚駭不寧。大聲呼主。空中又明諭曰。斐理伯來近。此車。仰視之。一輛四輪大車。獅與羔羊各一。駕車而行。聖母端坐車中。頭頂飛鴿繞旋。周圍諸聖諸神環伏。聖人不解。默跪誦經。求至半夜。聖母顯容諭云。四輪車。卽爲我新立之會。汝該離家。進我新會。天明。聖人卽奔投會院。求爲傭役。不言登科等。一年後。院長嘉其才德。差往別院。表率眾人。途遇聖多明。我會中兩鐸德。見聖人才品不凡。向新會大會長云。爲何不用爲鐸德。查其履歷。方知謙諱自卑。聖人旣受鐸德。愈顯德能。不數年。舉爲總會長。定意必辭。蒙主默喻。勉順輿情。任事六月。力辭之。眾皆不允。親往羅瑪。陳情於教化皇。路遇一麻瘋人求贈。聖人脫裏衣。衣之。麻瘋立愈。聖人謝主寵恩。併求離開重任。適教化皇謝世。聞欲公舉聖人。驚慌無措。同二鐸德。匿於野山亭內。常求常哭。夜則定心。

默想。此處無水。聖人用杖。擊石三次。石開水湧。至今不斷。土人稱斐理伯伯泉。時聖人食惟野草。渴飲此泉。俟教化皇得人後。天主默示。同二鐸德。往意大里亞。拂耶濟亞。熱爾瑪尼亞等國。宣傳聖母新會。動人向慕。閱數年。仍回本處。知終期已近。入本會堂。向聖母臺前。誦達味王聖經。語人曰。爲我平和故也。夜即在堂默想。至聖母升天瞻禮。覺有不豫。告解。領聖體。傅終油。越八日。又領聖體。眾人從旁誦禱。忽昏迷如死。過一二時。猛醒曰。我心甚難。魔欲誘我失望。顯發我一生所犯之罪。幸耶穌瑪利亞。逐退邪魔。保全永福。你們須仔細。邪魔害人。無法不用。惟謙淨仁愛。可以逐之。語畢。問自己之書何在。旁人卽捧送之。係耶穌苦像也。口親五傷數次而終。時天主降生後一千二百八十五年。未殮之前。馨香滿室。入夜。大光如晝。將葬。復活二死人。一啞者能言。一痿者立起。餘

不勝數。

宜行之德 認己

聖思 一。人人有己。而不能認己者最多。因不查己意。己私。己言。己行。故也。所以修身之首務。全要認己。不認己。不知病根。如何治之。聖斐理伯伯尼弟臨終。尙捧苦像。自查前失。汝今如何。行何功。犯何罪。所欲所愛之事。有益靈魂否。若不細細查明。到了要緊關頭。難免邪魔一齊發顯。置爾於失望之中。一。天主無所不知。一念之微。莫逃主鑒。不比同類之人。只見外貌。不見內心也。多有因人頌美。自信自寬。不知此念。正罪惡之媒。昧心之帳。不認自己之護符。雖然頌美無能。補救天主之鑒觀。所以每日每時。只該將自己之內心。與聖人較論短長。不該將自己之外貌。與他人比方高下。一。天主之愛汝何在。惡汝又何在。定不得

天主惡汝。卽外貌之美名。所以肯認己者。必常問自己。耶穌基利斯督。曾像汝否。汝本耶穌之像。而不像耶穌。若本心未失。必能吐明實話。感發真情。聖伯爾納多曰。汝能審己如審人。包管一生該痛哭悲號者。惟此已耳。聖奧斯定曰。認得天主之人。還求天主。賜他認得自己。蓋認己者。必愛主。認己者。必恨己。這是走天堂的一條通衢大路。舍此並無捷徑。

當務之求 爲代人祈主

祝文 全能天主。以爾聖斐理伯伯尼弟謙卑之表。治我傲慢。懇祈主。使我藉其大勳。輕視世榮。仰企儀型。追隨芳躅。賴其轉達。賜我遷悔恒心。得獲天堂永樂。爲爾子吾主耶穌基利斯督。亞孟。

廿四日聖巴爾多祿茂宗徒

警言○厥德達於外。病者撫而立痊。聖經

聖傳○聖巴爾多祿茂宗徒。係如德亞國人。雖微業營生。而留心道學。幸遇耶穌收入聖門。絕俗精修。拔選宗徒之列。耶穌升天後。宗徒傳教各方。聖人往里加阿尼亞國。開教闢邪。施仁顯跡。信從者眾。又過北印度。抵亞兒默尼亞都城。遂居焉。都中有大廟。廟有邪神。能說未來。除災病。作禍福。揭陰謀。公行數百年。通國被其昏迷。自聖人入都。魔像不言不動。人皆異之。往問鄰郡之魔。魔云。都中現有耶穌門下巴爾多祿茂宗徒在。故不敢如前舉動。又問是人何容何服。現居何處。回云。其人鬢髮虬髯。巨睛隆準。和顏高顙。白面素衣。周身表裏。服過二十年。完

整如新。萬國方言。不學而知。一朝夕中。跪叩天主百次。左右俱有天神。遠近並無阻隔。我今開口。彼必知之。彼若不容見面。無法可求一晤。邪黨聞此神奇。大索三日。踪影全無。一人久遭魔困。聖人憐而逐之。聲名愈顯。適國王博肋滿之女。患病禱於廟。魔反入腹殘之。王聞聖人名。延請入宮。魔去病痊。不勝感甚。遣官謝以厚儀。不遇。時王閉門獨處。聖人忽至。執王之手。告云。我來不爲財帛。蒙賜厚儀。非我意也。惟闢除邪妄。宣我正傳爲要務耳。因述天主造成天地。化生人物之全能。降生受難贖罪救民之仁愛。欲堅王之心。約某日。令魔於眾人前。自陳來歷。言畢。不見。次日傳諭某日。彙齊某廟。及期。君民畢集。聖人亦至。命魔像自言。孰邪孰正。使眾共知。魔即發聲曰。我非人物真主。亦非真主之臣。係真主永罰之鬼魔。來此原無正意。惟圖哄人尊我是實。汝等所聞耶穌。乃

天主眞子。爲贖罪救民。故降生受難。迨復活升天後。宗徒布教四方。此人正宗徒之一。不可不遵。訖言。衆皆懼悔不安。即毀像拆燒。忽於像內跳出一煤黑怪形。面大而長。目黃發火。鼻冲黑烟。腮有亂髭。腰纏火索。惡狀難言。衆皆戰慄。聖人命奔曠野。魔發巨聲而去。從此君臣士庶。俱領洗守規。改邪廟爲聖堂。所屬十二城。爭先悔改。聖人夜以繼日。通國往來。處處沾恩。又選及門。代傳教化。爲久遠計。然正教雖行。邪徒絕其利慾。忿恨不堪。加以鬼魔煽處。惡計叢生。有國王之弟名亞斯的亞日。分封外郡。素習異端。邪黨架詞泣訴。國弟暴怒非常。毫無顧忌。拿獲聖人。問何故擅滅我祖先之教。改立異門。聖人多方開諭。難以挽回。刑役聽國弟之指揮。以鐵條重撻。剝一身之皮。肉糜骨露。流血成池。聖人怡色以示其樂從。正言以訓其門弟。專心求主。佑其神勇。撻後。斬首致命。

時天主降生後九十九年。門人慟悲數日。葬時國王臣庶如喪考妣。莫不親臨哭泣。邪徒刑役一月內。皆附魔殞命。餘黨以聖墓盛名。不可久留。盜取聖屍。置之鉛匣。沉於海底。天主全能。復從海浪中。飄至意大里亞國所屬利巴里島。教中士民。謹擇淨地而殯葬之。

### 宜行之德 仁愛

聖思 一。天主遣使之人。必盡忠天主之命。以圖報効。惟知有主。不知有己。請看聖巴爾多祿茂。只爲傳教勸人一事。棄絕便宜。全離世樂。舍生致命。爲耶穌之光榮。完遣使之責任。汝非今日遣使之人耶。曾救人以盡忠天主否。曾効力以光榮耶穌否。當知空閑一時。即違悞一時之命。尙存一刻。該報完一刻之工。凡係教中。人都不該如此麼。若付之腦後。有何面目。向天主臺前。口稱我主耶穌。一。奉遣使之人。該明白遣

使之旨。聖巴爾多祿茂。每日求主百次。專爲仰承聖佑。明白天主之旨。盡心出力。庶人與我。俱蒙其利。若所行不合主旨。必致枉費徒勞。今汝所奉遣使之旨。可曾明白否。昨日與今日不同。此事與彼事不同。所以聖人尙日日求之。事事求之。汝且如何。一。旣蒙遣使之責。必該處之以智。行之以勇。智則無貳無差。有條有理。勇則不避艱難。不知憂懼。汝今具此二德否。嘗見汝爲世俗。爲肉身。狠聰明。狠勤力。多謀多算。敢作敢爲。到了天主臺前。不拘何事。總不在心。視爲兒戲。所以聖伯爾納多有言。宗徒之義安在。以此問汝。汝將何辭回答。

**當務之求** 爲傳教者

**祝文** 無始無終全能者天主。以爾所賜之今日。慶賀聖巴爾多祿茂宗徒瞻禮。懇祈天主。保存爾聖教會。所信卽愛。所誨卽傳。爲爾子耶穌

基利斯督。偕爾偕聖神。世生世王。亞孟。

## 廿五日 聖類斯 國王

警言○天主之物獻天主。 聖經

聖傳○離世俗。受艱難。或隱修。或顯修。累功積德。成聖升天。雖係出類超羣之人物。然困而學之者。代有傳人。勉而行之者。踵相接也。乃有王國大君。統承鴻業。富庶甲於天下。而能神貧謙約。克己愛民。如聖類斯國王者。真諸聖中最奇之聖。諸德中最難之德也。聖人係拂耶濟亞國國王。生而良善。舉動安和。世學相承。遵規受洗。惟時母教最嚴。嘗云。我所甚喜者。惟喜汝無罪而速死於棺。不喜汝犯一小過而忝顏於

世。此言銘刻在心。後來作聖之基。即自此始。年甫十二。父王崩逝。聖人嗣立。年二十。舉行婚禮。生有數子。卽終身外寢。留心國政。巨細咸宜。稍有不合教規。獲罪於天主之行。或不近人情。妨害臣民之事。必力除之。自著平治修齊之典訓。教誨嗣君。名師督率。猶爲未足。每日必親告以敬主愛人。認己克身之語。遇瞻禮六。不准華衣美食。令其常念耶穌苦難之恩。此聖人治國齊家之大略也。至論其苦以克身。謙以御眾。竟有自古至今。聖帝明王。所不能及者。每年從聖灰瞻禮至耶穌復活。從諸聖瞻禮至耶穌聖誕。各主日之瞻禮六。各聖母瞻禮。俱分外嚴齋。惟食麩頭白菜而已。入夜。短寐卽興。行工默想。苦衣着肉。寒暑不更。本神父議其過於嚴刻。遵命停止苦工苦服。旋復准行。此聖人以苦克身之大略也。一主日內。所給哀矜之銀。最少必至四百金。每瞻禮七。必多加食

物以享窮人。每日早晨。集窮人一百二十名。以厚味膳之。大瞻禮日。增至二百餘名。另延三老。供奉如尊長。至耶穌受難前。倣耶穌遺意。親濯窮人之足。此聖人以謙御眾之大略也。再論其察吏安民。隨機應變。更顯睿謀智勇。迥出尋常萬萬焉。如外省地方遼遠。誠恐耳目未周。或廢弛國法。或淆亂教規。不時差官巡察。差滿回都。又差別員查察前官賢否。如果體國愛民。興利除弊。地方實受其福。必重加獎賚。倘或貽害地方。養奸縱惡。營私謀利。治產娶親等款。公然犯及者。聖人必先引咎自懲。然後究處本官。所以終聖人之世。俗美風清。民康物阜。人知禮讓。路不拾遺。鄰邦荒亂。頻仍。而王國獨太平豐稔也。猶慮下情不能上達。定例。冤枉叩閭。晝夜不禁。曾有數次。薄暮出城。駐蹕樹林中。親理民冤。一官強佔孀婦地畝。自書假契。買囑二人爲中証。事聞。將二証分開。初入

之証。只問云。能誦信經否。其人誦畢而出。後入之証。諭云。前証已經實供。汝欲支吾無益。徒自苦耳。此人信以爲然。直言受某賄囑是真。冤情遂白。卽此一端。足見聖人之洞徹奸邪。無微不燭也。當知種種盛德。皆從敬愛天主而來。今就可見者而言。耶穌茨冠。被回回出典於味內西亞國。聖人探知真確。特差兩鐸德。前往贖回。親率諸王大臣。步迎郊外。一見茨冠。俯身跪領。手捧入城。供於堂內。人人聽其瞻仰。此外又得十字架原木一大塊。鎖索與鐵鎗。鞭後所披之紅袍。架上送嘗醋膽之囊。併各宗徒之殮布。皆珍藏於朝內主堂中。至今世世守之。萬倍於傳家傳國之寶。溯耶穌升天數百年後。奉教國王。布滿寰區。且累朝不絕者甚多。乃受難之物。偏聚於聖人之國。若聖物之總庫然。可知聖人之敬愛。必有人所不知之內德也。末年。想耶穌受難之地。被回回竊據。親率

大軍征討。第二次。師次土尼斯國。重病不痊。聖人自知升天在邇。召儲君趨赴軍前。囑云。吾兒。聽我訓言。不愛天主。不能升天。平常之愛。亦屬徒然。須盡心竭力。顯真愛於萬有之上。重罪。人之大仇。寧甘萬死。斷不可犯一重罪。若天主賞爾苦難。不該辭避。只該謙忍樂從。視爲至寶。若天主賞爾安樂。不該驕矜。只該感恩順受。顯主光榮。應擇一位有德有才之鐸德。不離左右。告解維勤。聽命維謹。汝果虛心承教。可保靈魂之明潔。誦經祈主。必以心。以口。以身。併力而敬獻焉。貧病人。急宜憐救。獻譽者。斥逐之。務俗者。疏遠之。再三諄囑。隨請鐸德。告解。領聖體。行終傅禮。即於是日崩逝。時天主降生後一千二百七十年。年五十六歲。在位四十四年。發喪安葬時。聖蹟甚多。未幾。列入聖品。凡聖教流行處。咸崇奉之。

宜行之德 熱心

聖思 一。聖王類斯。處尊位而能苦己。居高大而能謙恭。享華富而能神貧。竟勝於棄俗離家之修士。故此得成聖品。汝今不在尊高華富中。卽或有錢有勢。萬萬不能比聖王之尊富。反不肯謙苦真修。而滿心貧賤驕人。請汝忙裏偷閒。略抽片刻工夫。將聖王本紀。定睛展閱。心中必然愧煞。一。聖王愛人。如父母愛子一樣。真心救其苦難。熱心勸其敬主。汝曾如此愛人否。見貧病人。不嫌不憎麼。哀矜時。兼能講勸。以顧其靈魂麼。一。聖王深愛降生之天主。常將耶穌苦難。刻骨銘心。爲此專覓耶穌受苦之具。敬伏於聖物之下。只知此身最卑最賤。若不知此身乃君乃王。惟想耶穌苦難之愛爲愛。惟想耶穌補贖罪人之恩爲恩。竟不知此身之外。有臣有民。有財有土。靠此大愛大恩。加以無過不改。有

善必爲。何難求仁而得仁。求聖而成聖。求天堂而姓氏早輝煌於天籍也。汝能受此大愛否。汝能感此大恩否。若猶未也。其如仁何。其如聖何。不仁不聖而妄想天堂。非妄人而何。

當務之求 爲教中帝王

祝文 天主。以爾聖王類斯。不貴世之所貴。保全己之真貴於無窮世。懇求天主。使我追隨聖表。弗願世榮。惟務己之真貴。爲爾子耶穌基利斯督。亞孟。

## 廿六日聖熱搨 致命

警言○領子體。飲子血。伊懷子。子懷伊。 聖經

聖傳○熱搨係羅瑪府有名之優人。總王欲滅天主教。喜其巧粧新調。將聖教事理。命演戲爲樂。一日。在總王前。演付洗病人之戲。派定熱搨扮臥病求洗之脚色。豈知熱搨從前爲戲而偷學教中道理。今爲道理而明明以戲爲真。臥於榻上。豁然醒悟。大聲語眾云。我如今是真信天主之人。寧死不肯改我之信。眾優仍以戲視之。一扮鐸德。一扮副祭。步入戲場。熱搨呼號哀告曰。我實悔前罪。望天主仁慈寬赦。准我領洗。扮鐸德者。卽照樣付洗。洗後。扮一官差。鎖拿於邪像前審究。旁人猶以爲戲。聖人此時。欲人人知係實情實事。乃正色直言曰。求總王與

眾人細聽我言。從前偷訪教中事理。惟圖巧妙。悅人耳目。其輕賤教規之不合。恥羞教眾之舍生。亦與眾優一例。獨至今日。與前大不相同。猛然一念。想天主教理。最真最正。場中領洗時。問我信不信。我答曰。信。聲纔出口。眼見一手。從天而降。四面天神環繞。光如太陽。手執大書一本。書中載我從幼所犯之罪。一位天神曰。熱搗你犯如許之罪。少時領洗後。罪案全消。果然一經領洗。明見書中字蹟全無。惟有白紙而已。天神又云。你靈魂如今潔淨非常。可小心守天主聖寵。這是我真而又真之實話。你們都該深信不疑。同我恭敬天主。代我感激大恩。總王大怒。不許再言。鎖鑰重笞。剝傷愈劇。守志愈堅。官用好言誘引。又以聲勢威嚇。聖人回云。汝輩禮拜邪神之人。能受人哄騙。怕人利害。我今不然。所信降生之耶穌。係普天下各人物之大君。即此救贖之仁慈。稱頌無能。比

方無似。我一下賤優人。何罪不有。幸遇此恩寬赦。援我升天。應該重苦失身。贖我前罪。官遂據實上聞。奉命立時斬決。時天主降生後三百三年。

### 宜行之德 敬領聖體

聖思 一。聖體之恩。爲諸恩中特出之恩。故領之者。當小心預備超等之敬以副之。有此超等之敬。方領之時。心中必能自覺聖味之聖。獨尊於羣聖之上。而爲無對之聖。又覺聖味之味。既不同於世俗之味。併不同於平常之道味。乃天主聖性中。所發永遠常生之真味。汝之信德。不更加乎。汝之望德。不更因信德而永存乎。信之至。望之切。則愛主愛人之心。必油然而發也。何也。天主以天地萬物與人爲不足。必降生受死以贖人。又以博愛未至其極。特留血肉之本身。聽人領受。不分貴賤。不

論智愚。有求即與。一視同仁。汝既信之望之。而不能愛主之愛者。未之有也。一領聖體前。預備果能妥貼。則領聖體後。聖佑必多。不獨貞潔神糧。可保靈魂之淨。更係太平神藥。能保身命之凶。聖額我畧曰。愛聖體者。能愛及己身。一聖體爲熱心之火。亦爲飴味之泉。冷者能熱之。淡者能飴之。故素來冷淡人。若常領聖體。以德助德。以恩加恩。人非木石。誰肯再甘於冷淡。雖此恩至大。此德至深。只要預備一個敬字。無有不全得者。聖西伯禮亞諾曰。領聖體時。卽領其聖血。亦領其五傷。併領其全身。無毫髮之或遺。此係何等之恩。可不誠心恭敬而領受之。但不識汝之敬心。作何備辦。

當務之求 爲新領洗者

祝文 懇祈全能天主。吾敬憶爾聖熱搗致命誕日。賴其轉達。使吾剛

健於爾名之愛。爲爾子吾主耶穌基利斯督。亞孟。

## 廿七日 聖日訥斯 致命

警言○若誘信子孩童之一。使陷於尤。宜繫磨石厥頸。沉諸海。

聖經

聖傳○聖保里諾聖喜辣畧。兩主教。俱著聖日訥斯行實傳於世。聖保里諾曰。聖日訥斯係衙門書吏。喜聞教中正道。留心諳練。時值總王禁除正教。本官命出示宣傳。聖人因事情不合。繳還原文遠避之。官即差人追捕。命見面即斬。時聖人尙未領洗。煩友往求主教。候久不回。誠恐遲悞。潛奔至落大挪河。官差追及。持刀殺死而去。時天主降生後

三百三年。教中人。在河兩岸。起造兩墳。一爲安葬聖屍之壙。一爲注流聖血之區。聖喜辣畧云。每年聖人致命日。無數教中。往朝聖墓。偶因橋斷。在橋之人。盡溺於河。本地主教聖諾辣多。聞報捷來。見被溺者甚多。河闊水深。死在呼吸。即跪求聖人。河水忽分兩斷。直立如牆。中間河底露明。乾平如路。眾皆穩步上涯。無一溺死之人。且衣履未沾水濕。佩帶不失些微。此我目覩之聖蹟也。兩聖所言如此。夫以血洗之聖。而河流著蹟。巨筆傳宣。非徒爲本聖光榮計也。蓋以愧世之受洗而不獲善終者。

宜行之德 好表樣

聖思 一。小心言行。不引人招罪。雖算不得好表樣。亦算不得不好表樣。尚在無損無益之間。果能常常無損於人。自然漸漸有益於己。不然。

他人所犯。必能連累。罪莫大焉。何以知之。在昔耶穌基利斯督。受苦難。以救人靈魂。今汝以惡言惡行之表。害耶穌聖血功勞。豈不知罪分首。從耶。立表者爲首。遵行者爲從。汝犯害耶穌之罪。而又係首惡。還不大麼。故查汝言行中。若有惡表。招惹是非之處。該速速痛悔改遷。一。平常行事。無關輕重者。不必故意異同。惹人犯憎惡之罪。聖保祿有云。假如我兄怪我食肉。我就終身不食。何必隨我之心。惟行善避惡。關係聖教誠規者。不怕人憎惡。吾主耶穌。明知多人憎惡十字架之苦。然終不肯爲免人憎惡。不死於十字架。汝爲何欲免人憎惡。不守誠規。一。見人所行。似乎爲惡。萬弗怪異之。因未知其本意。或者內心與外貌不同。如何知道。雖然待人固當如是。待己又當別論。如見此不好之外表。卽宜遠避之。不必計其內心之賢否也。因人隨善甚難。隨惡甚易。每見

許多善表。擺列眼面前。彼竟爾爲爾。我爲我。漠然不顧。無一效法者。其人不可勝數。若說到淫佚驕奢。諸般惡表。不煩教訓。青出於藍者。更不可勝數。既知如此。汝當擇其難隨者而效法之。易隨者而痛絕之。憑他不可勝數。與汝無干。

當務之求 爲悔罪自新者

祝文 懇祈全能天主。吾敬憶爾聖日訥斯致命誕日。賴其轉達。使吾剛健於爾名之愛。爲爾子吾主耶穌基利斯督亞。孟。

廿八日聖奧斯定 主教聖師

警言○必我無過。可爲他人責。方能責他人之罪。聖奧斯定

聖傳○聖奧斯定係利未亞人。父名巴弟。母名莫尼加。族俱尊貴。家更富豪。止生聖人。父惑異端。母原正教。勸夫教子。聖德絕倫。聖人智慧非凡。文學理學之書。不教而知。獨於道學。無心留覽。忽染沉疴。旁人急欲付洗。母慮其病痊改變。決辭中止。愈後。邪徒接踵。果然蒙蔽日深。母竟旦夕悲號。再三懲勸。遇高人長者。必求其督責。後因無益。以不教爲教。譴之逐之。蒙主默示。將來歸正有日。母復容留。年二十五。切念功名。潛奔羅瑪。越二年。博學有聲。充司文之職。時聖師蓋博羅削司教都中。往來談論。神目漸開。母特航海抵都。痛哭求之。聖師慰云。此涕泣之

子必蒙上主矜全。無庸傷痛。一日。有友談聖安當苦修神業。聖人念文才無關德行。重嘆息之。偶往小園。獨遊樹下。忽覺心志不寧。頓生悔恨。仰天號泣曰。吾天主。吾恩主。可憐罪人。自棄自殘。至於今日。還不該決意改遷麼。驟聞空際重言明示曰。取書讀。取書讀。聖人驚惶無措。見聖經一部在旁。取讀之。內有勿恣酒色妬爭。溺愛己身。惟法耶穌等語。時蒙聖佑。豁然醒悟。往告聖盎博羅削。願受教規。次早。攜數友一子。同領聖水。時年三十有三。母見聖人歸正。束裝還里。未及登舟。向聖人云。主命至矣。可就葬於此。果然疾發身終。聖人葬訖。即歸。子亦棄世。遂僻居郊外。克己精修。主教奧肋畧。聞聖人名。授爲鐸德。定於身後接任。聖人嗣位後。倍加勤慎。服食俱從菲薄。濟貧囊盡。即變賣殿中珍器以給之。化異端。正風俗。不遺餘力。保全善類。交接賓朋。從未論人長短。每云。毀

謗如一刀。受傷者三。己之心。人之名。聽者之耳。可不戒哉。會食時。勞派門人誦經。減口腹之歡。各神工之外。不使片刻餘閒。必著書立說。以助人之不及。作述甚多。然辭讓謙摛。不肯自信。往往就正於人。或自行筆削。稿嘗數易。其敘悔往失。做策猶深。年餘七十。奮勉益加。舊著諸書。復行討究。覺從前毫無功力者。又數年。海寇圍城日久。望主施恩。但自知終期在邇。惟憶幼年罪愆。痛泣悲傷而逝。年七十六歲。秉理教政三十六載。葬於大殿。時天主降生後四百三十年。

宜行之德 盡心改過

聖思 一。聖奧斯定幼爲天主聖佑之仇。不隨賢母明師之訓。想汝幼年如何。愛主之心。幾時纔起。而今肯隨聖佑否。誠恐一生能學聖人之偏強蹉跎。竟不學聖人壯年之改過回心。或幸學壯年之改過。終不學

晚年之修德立功。老而彌篤。痛心悔罪。至死不忘。怎麼算得盡心改過。

一。聖奧斯定改過後。悔心彌切。功業日隆。因時時刻刻。能隨聖佑。不肯須臾間斷。所以一轉移之間。眼看他超凡入聖。又眼看他出類拔萃。爲聖中之大聖。汝不該如此遵行麼。既該如此。何故不急忙下手。語云。有事不要捱明日。平常俗務。尙勸人攘臂爭先。豈有關係永遠死生要務。可坐而待斃耶。時不再來。亡無日矣。生前不隨聖佑。審判臺前。眼看汝不獨不聖而爲凡庸。更係凡庸內。辜恩犯義之凡庸。此時將何以自解。難道還比得聖人的盡心改過麼。

一。聖奧斯定既隨聖佑。又勸人都隨聖佑。行此推己及人之德。故易於成聖。今汝明知多人未沾天主之恩。爲何不以他人勸汝之法勸之。爲何不以從前勸自己之法勸之。果滿心欲學聖人。當知聖佑之蹟。若何承行。舊日罪痕。若何鏟滅。累功

積德。若何操存。此時之汝。纔算得善學聖人的盡心改過。

當務之求 爲罪人改過

祝文 望主垂盼。敬憶爾聖人奧斯定。吾之伏禱。弗克倚予本義。惟托翁合爾義者之功勩。得其扶翼。爲我等主基利斯督。亞孟。

### 廿九日 聖若翰保弟斯大 致命

警言○孰可登吾主之峻山。孰可居吾主之聖所。曰。惟身潔與心

淨者。得之。 聖經

聖傳○天主降生之國。預定於如德亞。故歷代聖賢。比肩接踵。迨降生之年。聖若翰保弟斯大。先耶穌六月而生。叙其姻婭。係耶穌之表

兄。奉使承宣。實天主之前驅也。父聖匝加里亞。母聖依撒伯爾。老而無子。一日。匝加里亞司祭時。天神告云。汝婦生兒。應名若翰。父以年老懷疑。忽失音不語。知係天主之罰。孕至六月。聖母瑪利亞乃依撒伯爾之表妹。天神報知。遠來枉顧。聖人身在母胎。卽知瑪利亞已受天主第二位聖子之孕。欣躍無似。天主聖子於母胎中。赦免聖人原罪。故聖教會慶賀耶穌聖母兩誕辰之外。只有聖人誕日。亦係慶辰。生後八日。受割立名。父尙不能言。以板書若翰名。禮未畢。復言如舊。將二年。國王黑落得。聞天主降生。盡殺國中兩歲以下嬰孩。二親襁負聖人。潛奔山內。未幾。二親俱歿。主命天神教養之。稍長。別去天神。獨遊曠野。鳥獸爲羣。野菓草蟲爲食。駝毛蔽體。駝革繫腰。附身爲服者。卽爲臥地之裯。酒不沾唇。口不擇味。苦行與年並盛。將三十歲。奉行主命。抱道出山。士庶景從。

視之如天神古聖。追隨受教者。不可數計。行至若而當河濱。以水洗人。時耶穌亦受洗焉。經載耶穌受洗。天門大開。天主第三位聖神。借白鴿形。現耶穌首。空中。天主聖父大聲頻呼曰。吾真子。吾真子。蓋表聖人此舉。爲後日耶穌升天前。所定洗罪入門之預像也。司教遣人問曰。汝係救世之基利斯督否。或係先知之聖。不然。爲何以水洗人。答云。我非救世者。亦非先知。用水洗人。洗其形耳。現有一人。生於吾後。實在吾先。將以聖神之寵。洗滌人罪。纔是基利斯督救世。我尙不敢與主釋屣帶。曷以此疑我。數年來。告人之語。大都類是。因聖人本救世主之前驅。故舉口皆闡揚降生恩旨。證明入世真光。不居一切譽言。惟求稱職而已。其時望隆朝野。國君從諫納言。旣而邪情恣縱。以嫂爲妃。聖人入諫。不獨犯顏觸怒。更增汚婦之毒心。合謀洩恨。轉慮聖人。乃眾民之望。難逃公

論。姑囚禁之。聖人雖在囹圄。而勸眾棄邪。訓徒認主。倍切懇勸。曾遣門人往問耶穌。俾得親見耶穌。所顯跛行癱起。癩淨瘡開。瞽明聾聽等。種種奇蹟。足見聖人盡心効命。不因境遇而減其素行也。值國君誕辰設宴。令汚婦之幼女。宴前歌舞。君甚愛之。諭云。任汝所求。誓不負汝。雖求吾國之半。必與焉。幼女不知所求。入問於母。母囑其求殺聖人之頭。女以此請。君因誓言難改。即命斬首付之。聖人一聞此命。伏叩天主。感謝自生至今。無限大恩。求恕君臣刑役之罪。欣然受斬。年三十有三。幼女將頭送母。母復利錐鑽舌。惡語咒咀。以暢其報仇雪恥之心。門徒士庶。謹葬聖屍於淨地。次年。總王討平其國。暴君汚婦。同喪於邊。幼女走水逃命。冰解。被溺過肩。冰仍自合。截其頸項。身在水中。頭在冰上。初猶跳躍。顯此明威嚴罰。眾盡愕然。聖屍後化於火。日諾發郡中。幸獲餘灰大

牛。敬奉於聖堂。或苦雨連綿。或海波泛濫。眾請聖灰之匱。恭迎祈禱。災患悉除。聖首多年未獲。後示一修士於夢。收藏數載。有西南國中。感懷聖德。建殿恭迎。虔誠敬奉。所顯奇恩靈跡。筆不勝書。

### 宜行之德 潔淨

聖思 一。聖若翰爲潔身淨志。自孩時。卽以野谷爲家。苦其形軀。終於致命。汝若知此德光。不該離眾麼。不該避靜麼。不該受致命之苦麼。果能子身以御眾。專志以處囂。忍耐以遇艱難。何必避地離人。纔爲修道。又何必身首異處。纔爲致命。然係難中之難。雖大德行人處此。亦不得不分外隄防。一。聖人爲愛他人之靈魂。故離靜以入城。犯顏而直諫。不惜致身致死。顯其救人之愛。汝能如此而死。是聖人爲耶穌之前驅。汝爲耶穌之後隊。真福死也。亦善死也。人人同有一死。而萬善萬福之

死。無有過於此死者。汝若以口頭言語勸人。不肯致身致命以勸之。且話亦懶說。或懼而不說。可能做得耶穌的後隊麼。一。聖人明諫其非。以格君心。既忠於天主。亦忠於國家。汝今如何。夫忠者。誠耳。實耳。勸吾君父而反此誠實。便非忠臣。勸吾同人而反此誠實。便非忠友。今不用正言直說。曲爲之辭。將順其心。皆不忠之類。聖人不避囹圄斧鉞。諫以直言。汝反懼人。委蛇避辱。其去聖人遠矣。豈小罪哉。聖奧斯定曰。人愛誠實。不愛虛稱。汝爲何不就人之公愛。專驚人之私愛。甘受不忠之愆耶。

當務之求 爲童貞者

祝文 天主。使爾聖若翰保弟斯。大致命聖日。爲顯榮之日。懇祈爾。與爾民神樂之恩。及使諸信者之靈。引於榮福正道。爲爾子耶穌基利斯督。亞孟。

三十日 聖斐理斯 聖雅道多 致命

警言○神貧者乃真福。爲其已得天上國也。 聖經

聖傳○聖教當多難之時。羅瑪府一鐸德。名斐理斯。晝夜周巡在教之人。多方勉慰。事聞於官。被拿鎖禁。命背天主。聖人不從。押至邪廟。勒令禮拜。聖人以口吹之。銅像倒地成灰。又押至別廟亦然。官云。汝如何行此妖法。聖人回云。不必以聖跡爲妖術。我賴天主全能。蒙吾主耶穌付我之權。能滅你們邪教中之邪像。官命押至城外廟前大樹下。聖人相離不遠。向樹云。仗吾主聖名。命樹連根出土。騰空壓倒其廟。樹即如命。全壞其廟房邪像。押差惶懼回官。官大怒。立命斬決。臨刑。有一教友聞知。往前大呼曰。我亦天主教。恭敬降生天主耶穌基利斯督。與他

一樣。我該同他受死。聖人心中不勝歡感之至。二聖同受死刑。薄暮。教中竊奉二聖屍。葬於樹之原坑。次日。被官聞知。命人開掘。將至墓前。即負魔如狂。換人數次。莫不如是。官無別計可施。廢然中止。此同陪致命之聖人。不識其名。故稱雅道多。譯言增入者。時天主降生後三百三年。

宜行之德 輕財

聖思 一人皆以富爲福。若論正經道理。少福而多禍。因富人之富。其始也。慘淡經營。不啻千辛萬苦以聚之。其繼也。勞心積慮。又不啻廢寢忘餐以積之。若問其患得患失。除死方休。此富人必然之情態。未有不如此者。福耶。禍耶。若以爲福而愛之重之。出世之後。又將何望乎。一。想到臨終時。必要離開此福。後來又無可望之物。自然其難無比。爲離所愛之福。不得不難。但離其所愛。又要到生平不愛之天主前聽審。真

真難而又難。欲免此難。何如早離所愛之僞福。而專愛天主之真福。  
一。在生富貴者。用得好。死後亦能富貴。然少有好者。爲此貨財。必犯多  
多罪惡。因此罪惡。纔得若干貨財。到手之後。無惡不行。無罪不犯。若說  
到濟貧顧病等事。用一文錢。如割本身之肉。或因情面難回。忍痛勉行。  
終非本意。如此用財之法。可望升天享福麼。十二宗徒。都係貧人。耶穌  
屢言。富貴人難得升天。可見天堂之賞。多在貧人。我係貧人耶。當時時  
幸有此貧。毋以易而忽之。我係富人耶。又當時時善用其富。毋以難而  
畏之。

當務之求 爲富貴人

祝文 天主。爾賜我等。敬憶爾聖斐理斯聖雅道多致命誕日。望爾彼  
居榮福之域。使我爲同侶欣樂。爲爾子耶穌基利斯督。亞孟。

卅一日 聖賴孟多名諾納多 顯修

警言○在天子父。必榮光從予者焉。 聖經

聖傳○聖賴孟多。係依西巴尼亞公侯之裔。在胎七月。母以病死。父想此胎尚活。商於至戚。剖開死母之腹。遂得聖人。因名諾納多。譯言未經生產者。本家一國公爲代父。領洗聖名賴孟多。明悟稍開。聞知母死後。爲我復受慘傷。定志每日祈求聖母。賜母靈魂。早歸安所。其頌揚引勸。加倍懇懃。父見幼年如此。慮其日後。必棄家修道。所以讀書數載。即將聖人送交屯內。與牧人爲侶。豈知此行。既可遠離塵俗。又能自立神工。深合聖人所願。其地有一小堂。日夕赴堂。跪祈默想。常往各郵。贊揚聖母。動人熱愛。邪魔扮一牧人。以禮入見。先頌世家。繼稱才智。末言

賤役必悞神工等語。聖人滿疑所說。非從天主而來。默求聖母救援。口揚聖母德能。魔形遠遁。聖人趨赴小堂。伏禱聖母像前。少頃。神安心樂。同夥窺探所行。適父在屯。眾以惰懶稟知。父卽親赴牧場。見一少年。儀容端雅。代司牧事。心中驚懼。閒步默思。路過小堂。聖人誦經甫畢。父問云。代汝守羊者誰。聖人惶悚不言。跪求寬恕。父覺此中必有天主之恩。慰云。汝仍照舊而行。遂回堂。再求聖母保護。聖母明示曰。我差一天神。代汝守羊。聖人歡樂無似。口稱如此大恩。如何酬報。聖母云。爲報我恩。該離此處。往巴爾斯羅納府。入救擄會。聖人惟求聖母保佑。情願勉力而行。恐父不從。托代父轉言。再三宛轉。始蒙允諾。此會通行未久。願入會者。立願賣身贖擄。聖人在會數年。值會聞教內多人。被擄於回回國中。命聖人挾貲往贖。奈貲少人多。不敷贖價。將自身出典於回國。此間

之忍辱受欺。不勝狼籍。聖人惟以喜樂順承之。偶然閒暇。不惟密訪教中。周旋勸慰。且能化及回回。歸誠領洗者。竟有數人。事聞。即擬正法。以圖絕滅。又利其取贖之貲。從寬責放。豈知放後。講勸更甚於前。官民俱怒。捆打遊街。穿通上下嘴唇。以鎖鎖之。不許開言。食時放鎖。聖人受此艱難。惟一心感激主恩而已。曾因默想工深。狀若昏迷。過二日。明明說話。如無鎖者。守役以邪術爲疑。拳打脚踢。棍棒齊來。如此至八月之久。本會贖擄之貲。納完始放。教化皇念聖人勞苦功高。晉階加弟。納爾係七十二大人之尊位。天主特恩。賜以能行聖蹟。當嚴寒苦冷時。遇一貧叟。顛慄難當。聖人贈以多貲。併所戴煖帽送之。是晚默想中。見聖母同眾聖女。在一大花園。採花爲冠。一聖女問曰。此冠與誰。聖母曰。送與施帽之人。眾聖女即捧冠而前。聖人固辭曰。天主可憐我此身。尙在世間。

不敢過蒙厚賞。失我神工。只該常受耶穌之茨冠。爲主光榮。語畢。聖母聖女花園俱不見。惟見道旁一憂患苦人。頭戴茨冠。詳視之。明係耶穌。聖人卽伏於足下。耶穌手除茨冠。戴於聖人頭上。諭云。聖母送汝花冠。因汝想我十字架之光榮。故送汝茨冠。聖人欣然樂受。醒後追思。感恩無地。所以聖人一生行事。皆合天主聖意而行。並無絲毫臆見。事事盡屬神工。後回本國。欲勉勵家內之人。奈抵家即得熱病。自覺終期已近。神父相離甚遠。不能行告解。請聖體之神工。每日時時求主曰。此我臨終時莫大之神恩。望主可憐。值代父眾人。同在聖人房內。忽見救擄會中之鐸德。率領眾修士。手持燃燭。引導前行。天主耶穌。捧聖體盒而至。房內大光滿室。有二刻工夫。耶穌親送聖體畢。轉身就道。過河走水。如平地然。往前卽無所見矣。代父眾人。皆以目送之。回入聖人房內。見聖

人長跪於地。心目望天。淚下如雨。代父卽問以所見之事。聖人回云。善哉。我們恭敬之天主。其恩其仁。無窮無盡。我果然領過聖體是實。少頃。息斷而終。時天主降生後一千二百四十年。

宜行之德 贖擄

聖思 一人雖不能如聖賴孟多之贖擄。然沒有一個人。不能救煉靈之擄。彌撒安所。苦難哀矜。事事俱能救得。彼在煉獄中。自己不能救自己。幸汝尙在世間。若肯爲彼求彌撒之神恩。望永生之安所。倚靠吾主耶穌之救贖。必能寬免限期。縱或爲彼行些哀矜。亦無贖擄會中浩繁之大費。又或爲彼做些苦工。並無聖人鉗口典身之僇辱。聖人肯救人肉身。故如此甘心。如此忍受。今勸汝救人靈魂。用力無多。成功甚速。爲何不肯。必因汝未知煉獄之苦也。併未知煉獄片時之苦。萬倍於肉身

卒世之苦也。若明知此苦。豈有忍心不救者。一爲救煉靈之擄。係汝分內。當爲之事。並非憑空波及。格外牽連也。汝若不服此言。保無有汝親汝戚。得其家財。襲其事業乎。保無有汝朋汝友。誼重金蘭。情深骨肉乎。保無有恩主恩師。成汝身家。助汝生計乎。如此親友恩人。在生尙思圖報。爲何死後。反把前情。束之高閣。假令此時汝在煉獄中。不望別人救汝麼。論愛人如己之道。雖非親友恩人。還該共施拯濟。今眼見多少同堂共業之友。同鄉共族之親。雖未必一齊都在煉獄。更難言死後。個個一直升天。汝將何樣神工救之。一汝若生前。肯盡心救彼。到汝死後。天主亦引人救汝。雖不該倚靠此救。只該盡心敬愛天主。小心斷絕罪根。然而皎皎者易污。今是昨非。聖人尙不能免。誰敢說一生一世。美玉無瑕。不遭煉苦耶。况汝在世不救煉靈。已犯不愛人之罪。後來待汝。

亦如汝待別人。免不得受還煉獄之苦。以彰不愛人之罰。從前蒙主明  
示。曾有德行人歿後。顯補贖之蹟。流傳於世。非徒空言致做也。

當務之求 爲煉處靈魂

祝文 天主。以爾聖賴孟多贖教中被擄之功。我等賴其轉達。懇祈爾。  
贖我靈於魔擄。滌我罪以自新。儀型在望。願隨寵佑之洪恩。敢藉勳勞。  
常作吾人之主保。耶穌基利斯督。亞孟。

# 聖年廣益

九月初一日 聖額日弟阿 顯修

警言○自上必被黜。自下必被陟。 聖經

聖傳○從來大德之人。不自知其爲德也。惟因己不自知。始能見知於天主。豈惟知之。且宣揚於眾而明示之。如聖額日弟阿是也。聖人係厄肋西亞國王之宗室。父母欽崇正教。遵守甚嚴。聖人生而穎異。兼以明師課讀。數年之間。博學多才。但非其所好。惟專心於聖教之經書。所以世福毫無繫戀。只知愛主克私。雖在少年。勝於老成。且常蒙天主賜以神能。多行聖蹟。一日。路遇一貧病人。聖人解衣衣之。病即全愈。一

人被蛇傷害。聖人代爲求主。畫一十字。傷俱平復。一負魔人。入堂喊叫。適聖人在堂誦禱。嚴飭之。魔退人安。因此德名漸著。大不合謙讓之心。亟圖退避。潛入海舟。望見海中一島。泊舟上岸。沙土有行人足跡。循踪而入。直抵洞中。一老年人在洞苦修。惟以清水草根。保全生命。聖人跪求降福。留居三日。念離家尚近。又上船。往拂耶濟亞國。奔投瑟撒畧主教。有天主默啟。明知大德。留至二年。顯蹟甚多。聲稱益盛。遂遁入深山。與一老修士爲侶。所行聖蹟。指伊爲名。然鄉莊明知出自聖人。復密尋幽洞。獨居數載。克己行工。不見一人。天主特恩。命一牝鹿。每日送乳充飢。雖苦狀難言。自幸無聞而終老。乃天主必欲顯揚之。時值國王出獵。偶因口渴。命取鹿乳。適遇養聖人之鹿。奔入聖人洞內。追者放箭射之。誤射聖人。鹿惟哀鳴不出。國王疑懼而回。次日。差人入洞查明。見聖人

跪伏誦經。身有箭傷血跡。一鹿蹲待於旁。事聞。王卽親臨顧問。謝罪求恩。厚贈之。聖人不受。從此常常就見。逾年。建一修院於洞外。主教授爲鐸德。命掌理院務。聖人明知敬主必敬其事。愛主必愛其人。故勸勉惟勤。修規惟謹。受業者甚多。國王有求主之事。差員往請。聖人在途。多行奇蹟。入都。求主准王所願。果蒙俞允。回院時。又復活一死人。不久。並無大病重傷。安然而逝。時天主降生後五百餘年。

宜行之德 謙德

聖思 一須認得自己之無。蓋今日之有。出自天主之恩。若論自己。還在無中。又須認得自己所犯之罪。定在地獄。蓋今日赦罪之恩。出自天主之仁慈。若論自己。早該在地獄中。所以吾人在世。只可說得有罪之無而已。既然如是。人或不敬我。不禮我。反來辱我恨我。豈不是分內該

當的麼。人能知道自己之無。明白自己之罪。此是做人的頭等學問。得此學問。不難洞悉天主之尊。一。從此該究明決斷。自己不該尊貴自己。論正經道理。本來原係至卑至賤者。爲何反怕外來之卑下而畏之。爲何反惡暫時之輕賤而憎之。爲今之計。該怕者。世俗之光榮。該惡者。尊高之傲念。該離開者。盛名美譽。該斷絕者。得意大言。所有善行神功。宜藏而弗露也。因此善此功。由天主而來。何敢私爲己有。己所有者。罪耳。無耳。罪能立功耶。無能爲有耶。自己不能。而竊取天主所來之善功。稍知謙德者。不免汗流浹背。一。果然如此謙卑。還不可想我如今。有善不居。有功自晦。儼然是謙德之人了。當知此想。便非謙德。只該想多善未行。多功未立。天主臺前。真正是不堪使用之廢材。隨處隨時。抱慚無地。常存此念。尙保不定實而不虛。純而不雜。久而不遷。汝若不曾到

此地步。連這謙字。還未認明。何德之有。

當務之求 爲傲慢者

祝文 天主以爾聖額日弟阿每年瞻禮。樂我等。懇祈爾。吾旣慶厥誕日。幸師厥功勳。爲爾子吾主耶穌基利斯督。亞孟。

### 初二日 聖斯德望 國王

警言○爲義愛人。是義。愛人後義。非義。聖額我略教宗

聖傳○紅厄利亞國中。大半皆外教。聖人之父。繼續爲王。信主入教。盡心勸化。大位之臣。俱用正教人。然尙有固執不從者。王常求主開恩。一日求主時。天主差天神曰。此大事。非汝可爲。天主將賞汝大德之

子。方能行此大事。時有聖主教亞達爾伯玉成之。不久。后即得孕。在聖斯德望首致命日。夢示云。汝孕生兒。可名斯德望。後來必能出力。光榮天主。德至聖人。果然分娩後。遇聖亞達爾伯付洗。即名斯德望。孩時迥異別人。讀書甚易。過目便能背誦。常在聖亞達爾伯前。講求德行。所以敬主愛人之本分。又無人可比。以誦祈默想爲樂。事事無不真切。每云。天主在前。何敢輕忽。雖在幼年。時勸臣民認主。至十五歲。父命權朝理事。父崩。聖人卽位。首以崇正滅邪爲本。內有跋扈之臣。朋比爲奸。助邪作亂。聖人義勇赫然。發兵征討。爲首者伏誅。爲從者分別究處。餘黨悉降。嗣後聖教大行。各處建堂傳教。主教鐸德等。按方林立。此大事告成。頒一律條。永滅惡人之害。至今通行遵守。名爲斯德望聖王之律。國中  
有鰥寡孤獨。困窮無告者。查明造冊。給貲膳養。聖人至二十七歲。始舉

行大婚之禮。所娶國后。係聖恩理格總王之妹。夫婦同心。信望愛之德。中外咸孚。當是時。上下臣民。無有不沾聖教之恩者。豈知聖恩理格升天後。接位之總王。竟欲併吞聖人之國。親統大軍入境。聖人聞報。除備兵戰守外。明知不得天主之助。無能取勝。向聖母臺前。跪禱曰。童貞聖母瑪利亞。我以涼德。撫茲小國。情願獻於聖母。常存聖教之光。今現來仇我之人。若天主義命。殄滅我邦。敢不束手謹從。但此大凶。必因我罪。仰求聖母慈恩。懇主收回義怒。罰只及於我躬。無傷臣庶。求畢。領兵對壘。忽來一騎。傳命收兵回國。總王細詳其字。知有天主大恩。卽日拔營而去。不敢再生異志矣。聖人晝則治民理國。夜則省察默思。加以克己守齋。日增月盛。後得大病。三年不愈。天主欲其德備功全。僅存一子名厄默利各。年已二十有餘。現命廷臣。整齊傳位之禮。乃先聖人以升天。

就世態人情而論。最難最逆。大不利於國家。惟聖人滿心歡樂。謝主大恩之言。不絕於口。所以天主鑒其順命真誠。特賜親目。仰觀厄默利各升天之福。延至聖母升天瞻禮。病勢已沉。全領臨終聖事。不數日。崩於寢宮。時天主降生後一千三十四年。升天後。顯蹟甚多。未幾。即列入聖品。

宜行之德 懷義

聖思 一。人在世時。天主以仁慈寬待。如春天只行生氣。過了此時。全用義德。審之判之。如秋天只行肅殺之氣。我當如何。不如在世。賴天主尚用仁慈之日。自審自判。自苦自刑。雖罰難稱罪。可望寬容消滅。一。愛人者。該以義待人。汝今看自己。都是正言善行。看別人。不是語言差錯。就是舉動不端。何義之有。汝能看人長短。人獨不能看汝是非乎。若

汝肯以真義待人。先將看人之心。回看自己。再將看己之心。換看別人。纔說得愛人如己。亦說得愛己如人。一奉教人。既係天主義子。不該奮勇爭先。得此大義麼。爭先之法。一舉一動。非聖不行。又須聖不自聖。惟知補罪未能。弗居前善。無論耶穌表樣。往聖事功。相去天淵。即比之眼前熱心教友。尙多不及。難道不想做天主的義子麼。世上非平安之處。汝欲偷安後退。必來永遠之不安。難當之公義。可畏也。無可逃也。

### 當務之求 爲本地官長

祝文 全能天主。因賜聖王斯德望之永福。聖教賴其廣揚。懇祈爾。使爾教會之榮光。永遠罔替。萬世共瞻。凡茲聖教之君民。常蒙得厥護衛。扶之佑之。迄於終期。可獲天上之永樂。亞孟。

初三日 聖女瑟辣斐亞 聖婦撒俾納 致命

警言○欲全絕世諸福。心宜先分孰爲形類。孰爲神類。聖額我略

聖傳○額勒西亞國。有聖女瑟辣斐亞。自幼立願守貞。及長。聞總王酷害教中。卽存心致命。父母歿後。奔投羅瑪。以隨主命。遇一大家孀婦。名撒俾納。見聖女儀容端肅。留爲己女。愛之如親生。但未認天主。聖女因其愛情。嘗提數語。不久。洞知邪神之虛妄。深信聖女所言之天主。至真至正。遂領洗守規。從前助邪拜廟。斷絕不行。驟然更變。人咸異之。聖婦明言我留一女。係天主教。因此棄邪歸正。官將聖女。拿鎖遊街。曰。此巫人。用邪術。蠱惑向善之孀婦。時聖婦緊隨。官云。大家尊婦。爲何從此術女。回云。旣知我係大家。夫雖去世。尊榮尙在。我因愛人情切。領收

此女得聞正道。不該遵依麼。官見聖婦之尊。將聖女放回。隨後差人只拘聖女。奈聖婦如前同往。與官大辯。官以巧言。勒令回家。命聖女叩拜邪神。聖女曰。我惟拜造化天地之大主。降生救世之耶穌。官問耶穌之黨何在。用何犧牲爲祭。答云。恭敬天主者。卽耶穌之黨。善行人。卽祭品內之犧牲。熱心敬愛。卽潔淨馨香之祭。官發聖女於娼院。天主差一天神救護。二少年入內。卽刻地震。倒仆不起。聖女徹夜誦經謝主。次早。官差見二少年臥地如死。惟目珠可動。報官拘訊。你用何邪法。聖女回云。敬天主之人。遵耶穌嚴禁。從不行邪法。罰此二惡。係天主至公至義。使你們知我敬之主。真正是天地人物之主。但天主之恩。極公義。又極善仁。不願罪人死。惟願罪人改。卽向二少年。以足踢之。命起。如死復甦。口稱我們入室。見一威武天神。眼光直注。我等卽倒地昏迷。官有慚色。將

聖女重棍責之。地復大震。刑棍忽斷。憑空中傷門官之目。官怒如魔。立將聖女斃於杖下。利刀斬其首級。時天主降生後二百二十一年。聖婦不惜多金。收屍殮葬。官怒未消。併拘聖婦斬之。

宜行之德 省察

聖思 一。每日不必多用工夫。於九十六刻之中。畧抽一二刻。查考自己之所思所言所行。不獨無妨工害事之處。且因此二刻之工。將下剩之九十四刻。或行或食。或坐或眠。或誦經。或理事。俱可爲天主之工。何以知之。蓋省察如照鏡。照鏡可整肉身之容。省察可整靈魂之容。肉身不雅觀。難見別人。罪過污穢靈魂。狠不雅觀。難道只怕見人。不怕見天主。天神聖人麼。但靈魂之罪過難明。一經省察。天主之真光。必同聖佑而來。污穢之處盡顯。與照鏡無異。此時之靈魂。若果能去污而向潔。何

難一日之整工。不爲天主之工耶。一。肉身之鏡。平而始準。凸者必照大爲小。凹者必照小爲大。靈魂之鏡亦然。須以義爲平準。不該將重罪視爲輕罪。漠不關心。也不該將小罪誤爲大罪。惑亂不安。爲此當就正於本神父。全全隨其所命。無神父處。當倚靠天主。不失本心之平。以公義去其不平。這纔是善於省察者。一。罪旣察明。不論大罪小罪。俱該斷絕。不然。豈獨此明無用。併不能去污向潔。變一日之整工。爲天主之工。必須每日每日。將污穢處。勤勤擺脫。令其急速遠離。如洗面去污。掃房去穢。日行不斷。這纔是真正愛行省察。愛求潔淨者。倘情願縱惡養奸。怕知自己之醜。不行省察。此如一種不求潔淨之人。塵灰滿臉。不肯對鏡整容。又不許人說他污穢。好像以污穢爲得意之寶。在肉身。可聽人自便。若在靈魂。則區區污穢。明係催投地獄之火牌。斬斷升天之利。

刃。關係非輕。爲何惜此一刻之工。

當務之求 爲孀婦孤兒

祝文 伏望吾主。使吾兢兢不間。敬憶爾聖女瑟辣斐亞聖婦撒俾納。致命得勝之榮。吾力弗克以合。宜誠心崇敬。懇祈爾。時時將吾恪恭微忱。爲爾子耶穌基利斯督。亞孟。

初四日 聖瑪瑟祿 聖瓦肋利亞諾 致命

警言 ○無子。汝等不能行何事。 聖經

聖傳 ○耶穌升天後。一百四十五年。西國總王。以聖教爲異端。各處地方。差官禁殺。如拂耶濟亞國。呂弟農等處。尤甚。不論男女老幼貴

賤人。知係教中。卽拘拿致死。內有聖瑪瑟祿。聖瓦肋利亞諾。二聖首遭捕獲入監。但天主尙有別用。一晚。監門大開。二聖知有天主聖意。卽遵命出監。聖瑪瑟祿。潛往加俾落府。聖瓦肋利亞諾。另往別處。俱以勸勉教中。開明外教人爲務。聖瑪瑟祿。因城內富家。名臘西榮者。愛行舍旅之事故。就寓焉。但此人尊信邪神。極誠供奉。聖人入門後。遇說話時。乘機而進。剖晰邪神之妄。聲明眞主。惟一無二。於萬物。則生之存之。於人類。則救之贖之。其時天主聖佑。從中相助。不用多言。臘西榮之心。奮然感發。不懼總王禁害。卽毀滅邪神之像。閣家俱領洗入教。彼係此方望族。從旁稍有善根者。莫不追隨。恐後。但怙惡不悛之徒。難免挾仇懷恨。聖人明知其故。出城他往。至十里外。適與惡官相遇。一路同行。同語。此官卽有祭神之舉。邀聖人陪行。聖人分別正邪。明言此祭無用。官吏人

等。遂知爲天主教。內有峻官誅戮之言。官不忍行。着送往廟中。不拜。始殺之。聖人曰。拜天主者。不拜邪神。因邪神盡屬於魔。害人匪淺。我身在此。憑爾用刑。靈魂之福。惟此苦耳。官怒。命掘一坑。將聖人埋土半截。守至三日而終。聖瓦肋利亞諾相繼而至。亦被拿立斬。時天主降生後一百八十年。

宜行之德 · 不靠自己

聖思 一。世上不拘何等之人。莫不虛空想望天堂。生前用此奉承。死後用此祝贊。無一人肯下地獄者。亦無一人不怕地獄者。夫如是。爲何口是心非。常走地獄之路。豈汝等只知天主之仁慈。不知天主之公義麼。若汝等自揣右盜升天。不過片言之易。並無難處。我們多年拜主。早晚誦經。瞻禮守齋。濟貧忍苦。無事不行。難道倒不如右盜之片言。如何

說得虛空想望。爲此說者。總不想右盜得爲聖人。能體耶穌之心。能隨耶穌頭一個聖佑。全全倚靠耶穌。所以轉瞬之間。不難變罪人而爲聖人。汝今如何。可能隨耶穌之聖佑。一如右盜之倚靠耶穌否。誠恐拜主之年雖多。負恩之日尤多。所以轉瞬之間。不難變聖人而爲罪人。一該知道升天的倚靠。當行何事。難道倚靠自己行的神工麼。請問你自己做什麼神工。可有天堂之分。既然沒有。除了倚靠耶穌的功勞。不是虛空想望麼。但汝既要用耶穌的功勞。救汝升天。必定耶穌亦要用汝之全心全力。隨行耶穌之功勞。不是白白的就有無限仁慈。容你享受。一。既然不能白白到你之身。不該起敬起畏。常常恐懼修省。以保救自己之靈魂麼。聖伯多祿聖婦瑪大肋納明知天主已赦其罪。乃一生至死。不曾斷了一日哀號痛泣。又歷來聖人。雖爲義而居苦難中。多有

愈增畏懼者。今汝心毫無忌憚。此等放膽自寬之心。從何而來。豈平時缺少信德耶。聖伯爾納多曰。我想一日定死。必竟心慌。因我臨終時。不知靈魂落於誰手。難哉。大聖且然。何有於我輩。

當務之求 爲身居逆旅者

祝文 天主。爾賜我等。敬憶爾聖致命者。聖瑪瑟。祿聖。瓦肋利亞諾。誕日。望爾彼居永福之域。使我僭樂。爲爾子。吾主耶穌基利斯督。亞孟。

初五日聖良 聖瑪利諾 副祭精修

警言○愛子。必守予命。聖經

聖傳○聖瑪利諾係達爾瑪西亞國人。父母素守清貧。幸崇正道。

故教育聖人。極其謹慎。將冠之年。卽奉聖良爲師。學習石工。學業旣成。所收工價。定限度日之資。餘必濟貧救困。逢贍禮罷工。必全理靈魂之務。如此數年。勤行不怠。聞總王修造利密里郡城。各匠雲集。師徒二聖。亦前往郡中。冀圖獲利養身。豈知督工官吏。逢迎總王。滅除正教之令。專與正教人爲仇。強拘教中多人傭役。無論尊卑老少。所限每日之工。比常加倍。如不能完所限之工。從重責罰。二聖人目擊教中人。如此苦勞凌辱。將從前圖利之心。一總勾消。惟想盡能盡力。以助眾人。因此備餼糧。買牲口。幫運土石。本身晝夜傭工。濟人養己。如此三年。城工未完。其師聖良入山隱蹟。後歷多年。德行丕昭。人心感發。卽於隱修山內。建造一城。名聖良郡。獨聖人不忍遠離教眾。仍留工所。數年工竣。卽在此傳教。化人甚眾。竟有幾處邪廟之人。俱棄邪歸正。魔甚妬之。用達爾瑪

西郡一婦。指定聖人爲夫。控告於官。聖人並不畏苦。惟懼身遭污辱。潛匿野山洞內。一年未見一人。所飲者。洞中滴下之泉。所食者。山前野草之根。臥地無裊。禦寒無屋。誦祈默想。晝夜懇懃。魔常現怪獸形於洞口。聖人畫聖號逐之。逾年。爲牧人所見。揚聲城內。前婦又覓至洞。時負魔在身。聖人畫一聖號。魔遁婦慚。悔悟而去。從此德名大顯。或求訓誨。或救病災。信從日盛。本山主。定意不容。甫至洞前。即瘋癱倒地。聖人出洞。畫一十字。救之而愈。其人蒙蔽頓開。本家共五十三人。俱領洗入教。利密里郡主教聞知。請聖人入城。授陞副祭。得行付洗之權。仍回洞以終老。時天主降生後二百五十七年。聖人去世後。洞旁亦建一城。名聖瑪利諾城。師徒皆列聖品。歷今千有餘年。城名如舊。聖蹟甚多。

宜行之德 守誠

聖思 一。既知道天堂的永福。全在天主掌握之中。必該遵守天主之命。忠心誠服。竭力欽崇。以盡爲人之本分。今所傳十誠。卽天主之命。遵守十誠。卽能滿其本分矣。乃有一種不守聖誠之人。或不認天主爲主。或兼信妄言爲主。或自己作主。雖做人甚好。不會奸盜詐僞。然與天主無干。因所守者。並非天主之誠。故不能享天主之福。但除了永福。便是永禍。不守永福之誠。而愛守永禍之誠。是誠何心。 一。天主之十誠。旣與義理相合。又與人心之本性相對。所以容易遵守。請看聖人行實。人不論智愚老幼。業不論耕讀漁樵。地不論朝野文蠻。位不論尊卑貴賤。無一人不可遵守者。亦無一人不能遵守者。更無一人始終遵守而不成聖人者。聖傳具存。神恩具在。汝爲何不善繼善述。而爲復起之聖人。

一。聖誠有十。只犯十中之一。便是罪人。不蒙恩赦而死。莫逃罪罰。與其守九而犯一。何如全守之爲得也。與其犯而望赦。何如不犯之爲得也。父母之前。順命者。必稱其孝順而喜樂之。逆命者。必斥爲忤逆而責罰之。今明知天主。爲吾人大父母。爲何不守其誠命。以喜樂吾主之心。乃甘罹責罰耶。守之之法。不犯此誠。亦不犯彼誠。十誠如同一誠。今日小心。明日更小心。終身如同一日。平時固然。患難時。尤加謹隄防。而無不然。死生弗變其操存。這纔是善守福誠。得升天主之天堂者。汝之守誠。可曾如是否。

當務之求 爲不守聖誠者

祝文 天主。以爾聖良聖瑪利諾每年瞻禮。樂我等。懇祈爾。我旣慶厥誕日。幸師厥功勳。爲爾子耶穌基利斯督。亞孟。

初六日聖弘伯爾多 顯修

警言○凡願祈求。即成於爾。爾輩結實多。始稱爲我徒。 聖經

聖傳○聖弘伯爾多。係拂郎濟亞國人。本仕宦之家。聖人自幼恬淡性成。視世俗爲虛浮。惟思身後真誠永遠。稍長。父母欲保全本來之善。托付修院。讀教中經籍。數年後。本地方主教。見聖人才品兼優。擢升鐸德。既受神司。倍加黽勉。時時以身立表。變化罪人之惡。父母去世。鬻產濟貧。適聖亞茫多爲往羅瑪。路過聖人處。即定志同行。行至野山。遇一大熊。傷斃聖人駝騎。二聖以信德。命熊伏地。將行囊駝於熊背。一路如騾馬。與食則食。命止則止。將近羅瑪。恐借此驕矜。令熊回山。無傷人物。二聖至都。公務神工畢。仍歸本地。立一修院。居四方來學之人。旁築

一蓬。爲自己苦修之所。克治之工。老而彌篤。邁年謝世。歿有餘榮。

宜行之德 爲耶穌之弟子

聖思 一。從前大地圓球上。憑他有道之邦。多係世俗肉身之道。算不得緊要之道。併不可混稱道字。惟有耶穌從天降世。親傳救拔靈魂之道。纔爲當緊切要之大道。至正至真。至尊至益。關係無窮之重遠。人人都該明白。比不得別的道理。知與不知。無關輕重也。汝爲何漠然視之。不盡心好之。學之。深思之。若說好學。深思。已非一日。請問汝如今得道有幾分。曾嘗過道中甘苦否。 一。道非求明而已也。明而不行。雖明無用。耶穌在世。三十三年。以身立教。一舉一動。莫非廣大精微之道。升天後。宗徒傳至於今。若能照耶穌舉動。實踐躬行。人縱極愚極陋。不難成聖成賢。無煩佳句奇文。談玄說妙。始稱道學也。世俗肉身之道。由不明。

故不行。救拔靈魂之道。迥乎不同。由不行。故不明。從未有篤行世守之人。終於不明者。有一分工夫。卽有一分明白。至正至真之道體。至尊至益之事功。因此而尤信。汝爲何能言而不能行。豈汝只願做身世道中之弟子。不願做耶穌之弟子耶。一。耶穌以身立教。難以僕數。今舉其大者。所傳真福八端。不似他人。徒托空言也。生於馬槽。非教我神貧耶。親濯宗徒足。非教我謙卑耶。死於十字架上。非教我苦難耶。卽此三端。修道之大本大原。行道之大經大法。已全備無遺。賢關聖域。舍此並無別途。吾師先我而行。爲弟子者。敢不追隨而後進。金口若望曰。無人釘汝於十字架。自己該釘自己。旨哉斯言。人人有己。而不知自釘其己。非耶穌之徒也。

當務之求 爲傳教者

祝文 天主。以爾聖弘伯爾多。每年瞻禮。樂我等。懇祈爾。吾旣慶厥誕日。幸師厥功勩。爲爾子耶穌基利斯督亞孟。

初七日聖女類納 致命

警言○欲合天主意。宜全脫己意。聖額我略教宗

聖傳○聖女類納。生於多難之日。產於異端之家。所幸分娩後。母即病亡。養於乳母處。乳母原係正教。私與付洗。父竟不知。至五六歲回家。察其已奉聖教。怒而逐之。不認爲女。乳母樂甚。領回教育。天主默牖其衷。童穉似乎天神。外貌端方。內情謙潔。念念不離天主。時時效法耶

耶穌堅志恒心。往前無退。年十五。情願牧羊。因其餘力。可看書默想。兼務神工也。心內常求致命。蒙主卽從牧羊之事。成其功。有本省大員。路過牧場。見聖女儀容端雅。命近車問話。聖女卽大聲仰求曰。我身心已獻於主。不可許世人害我之弱。其官知係教中。命役帶回。以世榮刑法誘之。次日。聖女見官。先畫聖號。倚靠耶穌。官令反教。回云。我係天主耶穌之人。聖母臺前。幸爲婢女。甘心受苦。以守我之大光榮。大體面。官命收監再審。父聞之。赴官領回。遍身纏以鐵索。腰間箍以鐵圈。旁加鐵條。釘於牆上。絕其飲食。內一教中人。名特阿斐祿。伺其防守偶疎。私送餅水接濟之。數日。官復提至衙門。好言無用。嚴刑以增其苦。乃愈苦愈堅。遂解赴法場處斬。臨刑。聖女曰。讓我一言。先向外教云。欲救靈魂。惟天主耶穌能救之。邪神邪像。爲害無窮。汝等不可見此身之苦。貽悞靈魂。又

向教中云。世間苦難。轉眼就完。無庸畏懼。苦中求主。消除前愆。免受煉刑。必能以苦爲歡等語。本係常言。此時出於聖女之口。聞者若轟雷貫耳。不覺感泣之至。語畢。引頸受刑。

宜行之德 倚賴天主

聖思 一人多畏後來之事者。但該畏後來靈魂永苦。不該畏後來肉身暫苦。爲免永苦。自己不隨所得之聖佑。安能受其神益。畏之宜也。爲免暫苦。全賴聖佑。自己何能微倖。故此畏。必由邪魔之惑亂。不可畏也。今汝眼前。尙不勝其煩苦。還要畏慮明日未來之事。明年未有之時麼。明日明年。身且不保。彼時彼事。與汝無干。爲何不移此念。畏慮事功未立。德行不修耶。若肉身後事。該全全倚靠天主。倘不放心。將汝過去的艱難凶禍想一想。不是天主矜全。如何得有今日。從前既受多恩。後來

倒無指望。有是理乎。一。或貧窮災病。或禍患忽來。汝之才能力量。可有勝算以防之否。既然無法可防。何必先事而憂。事至而畏。難道因汝多憂多畏。就能免除災禍麼。與其徒費心思。不如倚賴天主。增其望德。天主愛人平安。憐人凶惡。無時無刻。不保全之。救護之。其超越形聲之外者。難以傳之口舌。即有形有像者而言。既造成天地萬物。又降生立表。受苦救人。肉身靈魂。暫時永遠。均蒙保護。汝能倚賴大恩。何求不得。而必惴惴焉。視來日爲畏途。果有信望愛之德。決不如是。一。不如是之人。原非容易。須以真謙而發信望愛之心。昔人有先我而行者。耶穌會首聖依納爵。可傳而可師也。不論時之否塞。不畏事之艱難。併不顧己之智愚強弱。惟求天主施恩。自視原無能力。後來料理諸務。善者雖小雖微。莫非天主大恩。不善者雖小雖微。必係本身譴劣。辜負主恩所

致。是故數十年之內。變難爲易。變險爲安。迄於善終。坦然無畏。真謙之實效如此。蓋助人惟力。助己惟謙。內謙能承主佑。不失主恩。外謙能消人患。常與人和。所以自己可幫助自己者。謙爲第一。汝爲何舍此平安佳境。甘爲抱頭鼠竄之人。

當務之求 爲一家之人

祝文 天主。爾德能靈異之中。不棄弱女輩。賜致命者榮勝。懇祈我等。慶爾聖類納致命童女誕日。因其遺表。躋爾臺前。爲爾子吾主耶穌基  
利斯督亞孟。

初八日 聖亞弟央 致命

警言○今因多試誘卽憂。俟爾信德之試。貴於經火之金。乃得成。

聖經

聖傳○聖亞弟央。係羅瑪貴戚之裔。自幼襲封公爵。品格才能。朝野咸推重焉。但未崇正教。厥配聖婦納大力亞。亦世卿之女。雖在教中。惟默求天主聖母。加恩開導。尙未明言。因值總王嚴禁。故緩圖之。適有捕役。拿獲奉教者。二十三人。嚴刑拷問。聖人見其屹然不變。心竊異之。詳求教旨。最切最真。不覺主恩感發。卽刻傾心信服。遍告同官云。我亦天主教。同官據實上聞。收監聽審。聖婦納大力亞。初甚驚疑。繼卽歡欣赴獄。跪親鎖鍊。陳明自己早蒙進教之恩。又叩謝二十三人感化之功。

攜有食物。分送而回。次日。因總王甚愛聖人。臨軒親審。誘以美言。許以異寵。且責以瘋狂。辱以貧賤。下愚爲伍。聖人回云。有生有死之人類。奉之爲神。實係瘋狂。今歸正棄邪。瘋狂始退。若說睿智之聖。惟正教有之。不明正教者。真係下愚。肉身之貴賤。原無關於重輕。即據貴族而言。教中亦難僕數。正欲多言明辨。奈王盛怒不容。傳命刑官。明晨剛決。回監後。獄吏准其暫歸。聖婦納大力亞見之。疑其畏苦貪榮。不勝痛泣。聖人云。明早就刑。何煩多慮。但因爾痛泣。我心愈覺堅強。此來係獄吏好心。容我暫歸別汝。我死後。須防家產入官。聖婦納大力亞喜顏回答云。我有致命之夫。必蒙主佑。遂隨聖人至獄。厚謝獄吏而歸。次日。聖人法場赴死。忍受多苦多艱。時天主降生後三百十一年。用刑之際。聖婦納大力亞親身目擊。事完。奉一聖手以歸。未幾。即平安謝世。

宜行之德 受苦

聖恩 一。苦難。是天主大恩。果能離開世福。以苦難歸己。此中好處甚多。第一。明知苦難從所犯而來。必能引我歸咎於己。釋怨於人。自痛自悔。自艾自新。第二。明知苦難從所樂而來。必能引我視貴如瘡。視財如毒。棄之絕之。輕之賤之。第三。明知苦難一來。驕傲漸平。何不從此斬斷傲根。栽培謙種。由勉強至於自然。第四。明知苦難之來。從天主之允命。並非自然偶然。亦非人物可能。何不因此無法脫逃之苦。樂受順承。由此觀之。尊富安榮之內。有若是否。主因愛我。故以好處多者與我。不該以愛還愛耶。愛世福者。愛己之身。非愛真己也。惟有愛苦以愛主。纔是還主之愛。亦是愛己之真己者。 一。既知甘心忍苦。可息天主之怒。可補所犯之罪。可邀格外之仁恩。可合耶穌之苦難。豈非立功之具。全在

於此麼。人人口中。俱愛立功。而不愛立功之具。反欲棄絕之。不能棄絕。即生怨恨。是明明不願立功。只圖立罪。可乎。不可乎。一若說尊富安榮。亦有聖人。噫。其苦其難。更百倍於卑賤貧窮。汝第不知不見耳。汝反愛彼之難。而惡己之易。曷不想首開天門者。非三十三年歷盡艱難困苦之耶穌耶。天主賞我之苦。正欲引我追隨耶穌之苦。同升天上耳。故此苦此難。若有司之敕印。兵卒之刀鎗。惟看汝愛與不愛而已。離了敕印。不能爲官。離了刀鎗。不能上陣。離了苦難。不能立功。汝若此心。能將世苦。全全愛慕。仰求上合耶穌之德意。則時時所走者。莫非天堂之路。走一日。必近一程。事事所行者。莫非天上之功。多一事。必增一德。今請汝自己問一問。從奉教以來。天上會有何功。天路會行幾步。勉之哉。勉之哉。天堂非功不入。立功非苦不能。後悔無及也。

當務之求 爲鰥寡孤獨者

祝文 懇祈全能天主。吾敬憶爾聖亞弟央致命者誕日。賴其轉達。使吾剛健於爾名之愛。爲爾子吾主耶穌基利斯督亞孟。

初九日 聖多羅德阿 聖阿爾恭 致命

警言 ○善者復活以享常生。惡者復活以受判。 聖經

聖傳 ○天主降生後三百二年。弟阿格肋西亞諾總王。在位十九載。正值耶穌受難日。傳令各邦。禁天主教。拆殿燬經。鎖拿傳教奉教之人。不改者。酷刑處死。總王都城尼各默弟亞。一巨家教友名若望。心中不忍。直言總王錯謬。卽定死刑。隨有世家教友名伯多祿。赴官自首。令

拜邪像。不從。懸掛毒笞。血流殆盡。澆以苦醋鹽滷。網於鐵牀上。慢火炙。煇。有頭等大人多羅德阿阿爾恭二聖。原係教中。朝臣士庶勸化甚多。今因此爲義舍生之善表。目擊心傷。不覺奮興感發。自言於王曰。伊等欽崇天主。並未上干成憲。而遽用酷刑。非治國之常經也。王欲永遠太平。該勸臣民同事天主。因係天主所造之天地。所立之君民。果能通國欽崇。必然免災集福。誠爲有道之邦。見不及此。反法外施刑。妄誅良善。是非倒置。邪正不明。臣等抱疚自慚。莫此爲甚。王如錮蔽愈深。不肯收回成命。臣二人奉教已久。斷不能阿順曲從。應一同受罰。王竟不知朝內大臣。亦有奉教者。初聞二聖之言。恍然若失。繼即忿怒如獅。拿拘處治。仍用鞭笞滷醋。鐵牀火烙。二聖甘受樂從。喜形於色。終以絞決。致命升天。

宜行之德 默思永遠

聖思 一。或全樂。或全苦。人人共有其一。俱無窮盡。但永遠二字。汝曾想到否。高天厚地。日月星辰。山川河海。皆有變易。只有全樂全苦。纔是真永遠。爲此顯修隱修。守貞致命。時時不絕。除成聖外。俱成魔黨。聖與魔。一同永遠。惟境分樂苦。成有難易耳。欲成魔之永遠。在世貪淫傲惰。放蕩逍遙。就是修煉神力。待惡貫滿盈。魔來恭請。萬無一失。要成聖人之永遠。決不能如彼之易。一生爲善。非賴聖佑特恩。誰能無罪。一世苦修。不靠耶穌寶血。誰保善終。今汝心欲就難而棄易。奈汝身每就易而棄難。何哉。一。呱聲入地。是暫世起頭。眼光落地。是永遠起頭。暫世苦樂。由得人。永遠苦樂。由不得人。暫世起頭。善惡可以改遷。永遠起頭。苦樂無能增減。故人到臨終。是最危最險之時。但人人都怕一死。不與諸

物同永遠。並不怕是真永遠起頭。我今說明兩個真永遠。該謝主大恩。此時永遠尙未到來。然彼定來而無定日。惟此不可多得之時。現在得之而有餘。爲何棄而不用。一。功名壽考。人物田房等。件件都求永遠。此世人通病。這不求而自至之真永遠。好像是沒有的事。怪哉。人之異於禽獸者。惟此真永遠耳。倘無此真永遠。靈魂亦不永遠矣。於禽獸奚擇焉。所以這兩個真永遠。一係聖人光榮。一係罪人刑罰。關係無比其大。今再畧言之。凡事有起必有了。有頭必有尾。單單這兩個真永遠。有起無了。有頭無尾者。過千萬年。又是千萬年起頭。過萬萬年。又是萬萬年起頭。故云無窮。世上光榮刑罰。都由外而來。今日如是。明日亦如是。雖竭力增加。其能有限。因而泥塗軒冕者有之。肆無忌憚者有之。單單這兩個真永遠。由內而出。時時改變。局局翻新。故云無盡。世有五福。一

身兼得者。尙無一人。亦不能全身盡享。國有五刑。一時同用者。從無其事。併不能全身盡受。單單這真永遠。樂則一身無處不樂。無樂不備。苦則一身無處不苦。無苦不來。如魚在大洋。四圍俱水。鐵攢烈火。本質通紅。故云全樂全苦。永遠之關係如此。汝欲得聖人之永遠。須時時刻刻。以永遠爲永遠。不可以暫世爲永遠。只怕不及。不怕太過。若甘同罪人之永遠。吾末如之何矣。

當務之求 爲悔改過惡者

祝文 天主。爾賜我等敬憶爾聖致命者。聖多羅德阿聖阿爾恭誕日。望爾彼居永福之域。使吾偕樂。爲爾子吾主耶穌基利斯督。亞孟。

# 初十日聖尼各老多郎定 顯修

警言○我爲真路。爾所當行。爲真理。爾所當信。爲命。爾所當望。

聖經

聖傳○聖尼各老多郎定。係意大利亞國民家之子。父母乏嗣。同往一修院。求主賜產佳兒。長成後。願顯主精修。是夜。天神現慰曰。可往聖尼各老墓上。發願求之。次早。如命往求。因誦經力乏。伏臥於祭臺前。夢聖尼各老明示云。我代汝二人求主。蒙恩允生兒。付洗即取吾名。幼能敬主。長卽精修。後爲鐸德。准行天主之全能。二人得意而歸。果然受孕而生聖人。自幼不似孩提。遇婦女。卽避之。遇修士。敬之親之。樂於聽講。誠於誦經。見之者。皆褒美不置口。決其後來必成大聖。甫七歲。每

主日。守三大齋。十一歲。定志潔修。離家入院。在聖奧斯定會中。樂辦苦差。久而不惡。甘居卑賤。愛而不嫌。從無昏志污情。若天神然。故後來畫像。手持白帨。表其純淨無瑕。年十五。棘衣苦帶。臥地枕磚。無被無榻。每主日。守四大齋。一言一行。必推廣會規。加其精密。大與諸修士不同。院長命往別院。以資表率。迨居神品。苦克倍嚴。晝則勤勞教務。勸善懲惡。訓誨童蒙。夜則專心默想。擴充靈性之光。邪魔妬害。或現惡形恐嚇。或發怪聲擾亂。或火燄瀰空。或住房震動。聖人知爲魔計。倚賴主恩。毫無畏懼。至老不衰。終身如一日。未謝世之一年前。天主默示升天之期。至期。前數日。臥榻不能轉動。手持苦像。流淚求恩。亦顯樂容。告解一生之罪。領聖體。傅終油。越一日。靈出升天。年七十歲。時天主降生後一千三百六年。

宜行之德 隨天主旨各守本分

聖思 一。凡人在世。士農工商。各有本業。此本業。即本人之本分。此本分。即天主所命本人之諭旨。如人臣受命於君。不論何差。皆樂從恐後。所以人人俱該守此本分。今多少人。只說自己艱難。別人造化。因而暴棄天主之命。雖五官四體。件件勝人。而食不充飢。衣不蔽身。豈天主獨靳其恩耶。汝既不隨天主之命。惟求天主隨汝之心。難矣。 一。人之才能。各各不同。此又本人之本分。若捨此本分之才能。妄想未有之才能。不獨靈魂受害。肉身亦難保平安。蓋小器易盈。重舟必覆也。惟有全隨主旨。愚拙以終。神形必並受正經之福。 一。猶是人也。而彼獨受恩而成聖。無他。惟謹隨主旨而已。汝能如是。何獨不然。若必欲過此本分之恩。是魔也。非聖也。爲除此害。該想我身若死。現受永刑。今蒙主矜全。敢

不痛心悔改。守分營生。從此妄想必消。聖功可望。爲何不早早收心而自勉。

當務之求 爲憂患者

祝文 天主。以爾聖尼各老多耶。定每年瞻禮。樂我等。懇祈爾。吾旣慶厥誕日。幸師厥功勩。爲爾子吾主耶穌基利斯督。亞孟。

十一日 聖伯樂德 聖夏新多 聖女歐日尼

亞 致命

警言○天主。天神。一見罪人。心悔宿咎。其樂如是。 聖經

聖傳○聖女歐日尼亞。係羅瑪巨族。父斐理伯。雖未領洗。甚愛教

中。總王因其才略。命總理厄日多。挈家莅任。撥二太監。一名伯樂德。一名夏新多。陪侍聖女。延請明師。教以文章。及格物窮理之學。聖女明悟非凡。不數年。遂成鴻博。一日。見聖保祿宗徒著述。極言貞德之美。感發於懷。遂定志守貞。時總王禁遵聖教。在城教眾。多避居城外。聖女偶聞教中人家。誦達味聖王語。拜敬神物爲神。不過邪魔耳。造成天地人物之大神。纔爲真主。聖女觸耳驚心。向二太監云。果然真實。我們奉事邪魔。不惟枉費敬心。大獲罪於造天地生萬物之真主。從此究明正道。扮作男人。改名歐日搨。同二太監。求主教付洗。父母皆不知也。時主教蒙天主默示。透徹三人之意。竟准其領洗。並不說明。領洗後。求留修院。主教亦准所請。三人安住院中。熱心敬主。克己誦經。辭讓謙和。爭先受苦。事事超羣拔萃。越兩年。院長謝世。眾共推尊接理。聖女任事後。天主欲

發顯之。凡暗啞瞽目負魔者。畫一聖號卽愈。德名大著。有世家婦名末卽西亞。病不能醫。赴院求恩。聖女畫十字以愈之。其婦餽以多金。爲濟貧公用。聖女辭云。汝當自濟。婦因感甚。時相過從。忽思聖女儀容秀雅。頓起慾心。僞稱病篤。專請到家。入房。婦直吐私情。聖女勸懲無益。脫身潛避。婦以被羞成怒。誣告強姦。官卽聖女之父。素來不肯波害教中。奈事關風化。不得已。准詞傳審。嚴飭云。汝爲修士。玷辱教名。有何面目。忝立人間。聖女本求受辱自甘。復念聖教之聲名爲重。明訴云。此婦之妄告。賴有天主在上。容易剖明。我非別人。去此衣冠。係汝親生之女。只爲救我靈魂。求事天主。故改粧修道。婦卽負慚逃匿。聖女之父。驚喜非常。查明教理。蒙主聖佑。一家上下之人。皆領洗入教。總王聞知。革去職官。問成死罪。致命後。眷屬盡回羅瑪。聖女立會於家。閩盡多蒙感化。一貴

婦巴西辣。係總王宗室。懼禁密求。聖女差二太監。講明要理。請教化皇付洗。嗣因教化皇。常赴聖女家中女會。被人首告。官拘二太監。送於邪廟。勒令禮拜。不從。重笞斬決。次日。聖女亦致命。時天主降生後二百六十二年。

宜行之德 痛告

聖思 一。真痛告者。必先痛發於心。勝於夾糝杖笞。火燒刀割之慘傷。然後告發於口。甚於陳情乞命。瀝血悲號之諄切。有此痛告。則自羞自賤。自悔自刑。必相因而至。偶逢苦難。必欣然樂受。以爲補贖。斷不肯畏避怨尤。果爾。何難滅地獄永殃。滅後來煉獄。故雖小苦。弗藐視之。效莫大焉。 一。真痛告者。連無心之過。亦必有心以斷絕。連無罪之樂。亦如有罪而離開。因在前快樂時。顯係罪人。今既知痛告。何敢再增貪戀。不

思補贖。所以罪人在世。該常常感恩謝主。賞我有此尙存不死之片時。正容我痛告前非。懷刑補過之時也。一真痛告者。雖極其慘傷諄切。斷其小過暫娛。猶歉然不足。必尋苦以克身軀。且求苦以端心志。所以古來聖人。棘衣茨帶。廢寢減餐。種種苦工。嚴行無間。而不足之心。愈覺歉而又歉也。今汝不肯勉圖上進。只以無過爲苟安計。豈汝還高出聖人之上耶。天堂之路。在聖人視之甚窄隘。甚崎嶇。一步難於一步。在汝視之。反寬平易走麼。汝何苦自己哄騙自己。倘不及時修省。不定心痛告。不悔恨改遷。不加功補贖。萬萬不能升天。

當務之求 爲罪人改過者

祝文 天主。爾賜我等敬憶爾聖伯樂德。聖夏新多聖女歐日尼亞。誕日。望爾彼居榮福之域。使吾爲同侶欣樂。爲爾子耶穌基利斯督。亞孟。

## 十二日 聖基修 貧人

警言○爾之光。宜照於人。使彼觀爾之美行。而益讚在天之爾父。

聖經

聖傳○聖基修。係拂郎濟亞國中極貧苦之人。但世間貧苦。大有益於靈魂。亦無虧於身命。倘能從此成聖升天。則永福無窮。欲知其效。曷不取聖人之遺行而畧觀之。聖人於孩提時。卽善承父母之訓。舉動不類羣童。每晨必赴堂誦禱。良久而後出。非理不行。併不肯偶形於口。人咸讚美之。羣稱天主仁慈。未有不加恩垂佑者。聖母堂鐸德。憐其貧苦。欲留住堂中。聖人欣然樂就。洒掃服役。事事殷勤。因傭價不敷所用。累常資助以安其身。聖人樽節自裁。弗踰定限。留其餘剩。轉濟貧人。長

守嚴齋。寤多寐少。自視平生罪大惡極。多負主恩。默想到真切處。往往流淚如注。邪魔妬甚。用一吝商引誘曰。在此有何生色。不如就一買賣。不數年。可度日無虞。聖人如其說而行。不久。天主開恩提醒。貨財擱於淺灘。水斷手傷。始悔所行之錯。回向聖母前。痛泣求憐。手傷立愈。自揣負恩罪大。罰身補贖。先往羅瑪。後至協路撒稜。朝拜耶穌苦蹟。乞食七年。終於本處。臨終室發大光。光中顯一白鴿形。空際呼名。大聲曰。因汝小心敬我。今來天上。受酬受福。時天主降生後一千一百十二年。

宜行之德 神熱心

聖思 一。人心神熱。皆天主光榮。或誦祈。或勸化。或陳設堂臺之類。果由中而發。莫非神熱心也。因救人靈魂。必以實行。動人向慕。寧少言避過。不可缺實行而不及。 一。凡存神熱心者。不可存些微之私。若希圖

美名。體面。財利等情。雖然出力。算不得爲主。且不惟不算。更增無數希圖之隱隱。可傷也。亦可惜也。若能知趨避之道。事無大小。非爲主熱心。雖大不行。時有閒忙。果熱心向主。雖閒非曠。自避己名。全歸於主。自忘己利。爲主愛人。如此操存。心中神熱。自可保全。而天主之神恩聖佑。即可望不間不離也。倘別人與汝一樣出力盡心。惟彼獨得其榮。不該嫉妬。只該增我之喜。更該反求自己。必定有名無實。不然。卽係驕傲私欲等情。損壞之。常因彼之得。而懲我之失。汝曾如是否。一。善守神熱心者。不離智愛二德。若無此二德。不獨神熱爲虛。且害自己。更害他人。所以熱心不宜太過。太過者。必無智德。假如流蕩自己之靈魂。而救他人之靈魂。大與愛德不合。因聖誠。教人愛人如己。並不曾教人愛人棄己。今不知遠近親疎。而棄己救人。何智之有。

當務之求 爲傳教者

祝文 天主。以爾聖基。俵每年瞻禮。樂我等。懇祈爾。吾旣慶厥誕日。幸師厥功勳。爲爾子耶穌基利斯督亞孟。

### 十三日 聖亞瑪多 苦修

警言 ○宜棄諸污穢與惡盈。而溫然受。能救爾靈之接語。 聖經

聖傳 ○聖亞瑪多。係拂郎濟亞國舊家之子。父特阿多羅善理家。政。不令人虛度寸陰。聖人稍長。命赴修院名師。先習文章格物之學。繼以神形始末之學。數載。理皆通貫。年亦富強。但視院如家。遂留此以教後進。至三十歲。自思世俗虛浮。矢心修道。惟以院規寬甚。不滿所懷。旣

登神品。避匿野山苦尅。院長差人訪尋三日。得於山洞。強請不從。只求每三日。送些微麪餅。一甌清水。院長知有天主意。准其所求。歲以爲常。魔甚妬之。一日。將餅水竊去。聖人向主叩謝曰。使我六日不食。深感吾主大恩。增我克修之益。一年後。不忍人遠送。用自己之杖。擊開洞石。即發水源。洞外墾地種麥。求得一磨。磨麥作餅。從此不送餅水矣。一日。在地耕種。忽見洞頂高山上。一塊大石崩墜。勢必壓壞所居之洞。亟呼耶穌命石停止。石卽懸住空中。數百年後。尙有目覩懸空之石。筆於書者。一富人餽送多金。以濟貧乏。聖人辭云。我與世財無干。富人密置祭臺而去。聖人見之。拋散野地曰。我不肯留此害我之仇。若能離自己。亦願棄之。四十日大齋。餅亦不用。每三日。惟食核桃仁四五枚。居數年。覺此洞太寬。過於安樂。另尋一洞。只可容身。繩穿乾餅爲糧。主日。必出洞勸

人。遍身無肉。僅存皮骨而已。一年前。預說終期。至期。向眾哀號。明言己罪。求葬聖母堂之旁。使人轉祈。語畢。領聖體。付終油而逝。時天主降生後六百十七年。

### 官行之德 離開微罪

聖思 一。微罪。是重罪之引。若不離開。必招大罪。每見肉身懼病。些小欠安。卽圖診治。恐成大患。靈魂之病。爲何付之不問。豈因現在無關痛痒。不比肉身難受耶。夫美玉棄於微瑕。大德不遺細行。汝能及時修省。將保護肉身之心。保護靈魂。猶爲不足。經云。不避小過。漸陷於大惡。微罪云乎哉。遠慮始免近憂。百年快於一瞬。此時現在相關者。忽無關於他時之現在。他日眼前難受者。更萬難於今日之眼前。此必然一定之事。倘汝一刻自寬。難保其終於不悞。 一。微罪雖輕。所關實重。因罪無

大小俱傷天主之尊榮。大罪大傷。小罪小傷。苟無傷害。不名爲罪矣。以天主之尊榮。敢於傷害。尙云。所關不重耶。如害耶穌者。不曾釘之殺之。只擊以一鞭。辱以一掌。似亦無妨。汝敢出此狂言否。既不敢以一鞭一掌爲無妨。而以小罪小傷爲無害。悖謬孰甚焉。許多教中人。嘗云。不犯重罪。不受永殃。足矣足矣。些微小罪。無礙於升天。何必操持太過。嗟嗟。一念之失。正神永爲邪神。一菓之貪。人祖變爲罪祖。小耶大耶。請自思之。一些微小罪。若在世時。不發痛告之淚以洗之。不賴神赦之恩以贖之。斷斷不能脫逃煉獄非凡之苦。曠觀普世多人。少有不懼王法者。無論斬絞凌遲之大罪。小心畏避。即徒流笞杖之律條。亦不肯放心輕試。偶然干犯。必百計千方。希圖脫免。一因皮膚之疼痛難當。一因臉面之羞慚難受。故也。獨不想夾打雖凶。不過片時之久。殘傷雖狠。不過尺

寸之膚。並不殺身害命。尙云苦痛難熬。巴不得終身不遭牢獄。不犯刑傷。豈有遍體全燒於烈燄中。萬苦齊攢。反視爲尋常。放心輕試耶。煉苦與永苦。只差暫永。不異重輕。故世苦雖多。世刑雖猛。難比煉獄中。萬萬分之毫末。今汝畏輕而不畏重。懼世刑而不懼天主之刑。誠不能爲汝解也。如以爲不然。爲何常增微罪。不肯離開。

當務之求 爲朋友恩人

祝文 天主。以爾聖亞瑪多。每年瞻禮。樂我等。懇祈爾。吾旣慶厥誕日。幸師厥功勳。爲爾子耶穌基利斯督。亞孟。

## 十四日聖十字架之榮

警言○予取榮。惟於我等主耶穌基利斯督十字架。聖經

聖傳○西總王赫辣格略與伯爾西亞國王葛斯羅娃交兵數次。總王敗績。葛斯羅娃乘其銳氣。進攻西里亞。直抵協路撒稜。槍擄燒城。強拿撒加里亞主教。劫去從前總王公斯當定之母聖后赫肋納所留此地之原十字聖架。但此聖架。雖被劫於外教之王。亦知起敬起畏。不許持出龕外。總王一聞此報。引咎呼號。寢食不安。萬倍於國破家亡之慘切。遂親統大軍。尅期前往。啟行之先。倚靠天主全能。趨赴聖堂。伏於臺下。求主矜憐。求聖母主保。情願損我之身。奪我之命。決不肯令吾主耶穌親身受釘之寶木。落於外教之手。此行立願負回。奉於原地。惟望

主仁慈。允我所求。誓畢。眾皆勇往。對陣交鋒。敵軍大敗。追奔逐北。逼近所居之地。適葛斯羅娃患病垂危。立次兒爲太子。伊兒不服。起兵弑父。併殲其弟。自立爲王。聞總王大軍。勢如破竹。一路臣民。望風而靡。即遣使求和。情願歸順。總王投誠納款。總王首命送還聖架。併撒加里亞主教。奉教者。聞此捷音。執燭叩迎。從者如市。總王感激主恩。不令臣民幫助。親身肩負聖架。欲仍安置於加爾瓦略山。時王所衣者。係本來尊榮之章服。負至山前。跬步不能前進。撒加里亞主教在旁。王問其故。回云。恐王盛服在身。不合耶穌當日負行之像。王即更換道旁貧者之衣。果然肩負無難。上山至原地。如前供奉。是日已死一人復活。暗啞十一人能言。半身不遂者四人卽起。大麻瘋者十人卽淨。負魔人。平常患病人。不計其數。皆全愈而去。故定此日爲聖架光榮瞻禮。教會咸遵守之。時

天主降生後六百二十九年。

宜行之德 十字架之愛

聖思 一。有人肯愛聖十字者。必係愛苦之人。若愛苦不真。則此愛並無着落。但此愛苦之情。必該超越萬事萬物而獨居其上。世間禍福吉凶。如富貴榮華。子孫壽夭。疾病死亡。俱不動所愛。好像海內山石。雖巨浪狂風。時時顛簸。總不被其搖撼。此種愛苦真情。從何而發。因係自己情願。自己喜歡。聖佑隨心而至。聖佑一來。他人視爲可愛可悶者。我必以爲快心如意。幸莫大焉。他人視爲煩難利害者。我必以爲容易尋常。樂莫甚焉。如此教中人。似乎萬中選一。然既爲教中人。該人人俱是所選之一人。爲何自暴自棄。甘心於不選之中。一。愛聖架者。不獨在萬事萬物之上。還要在自己身心之上。因己之私欲。不可隨也。己之情願。

不可聽也。耳目口鼻之歡娛。四體百骸之安佚。不可任情而適性也。所存私欲。惟苦耳。所顯情願。惟受苦耳。所喜平安佚樂。惟時時常在苦中耳。只愁不苦。不愁多苦。只怕苦味平常。久而不覺。不怕苦中增苦。日盛月新。每見商人。善於謀利者。必然人棄我取。我輩善於謀天福者。不該如是耶。人情所最惡者。苦也。世間所最多者。亦苦也。既不奪人所好。容易遂我之求。滿我之愛。何所見而不爲。一愛聖架者。雖自己不會釘死十字架。而自顧此身。竟與耶穌在十字架上。一樣。已不得架上所釘者。就係自己本身。故始也。惟求耶穌之身。合於自己。其繼也。更求自己之身。合於耶穌。蓋耶穌隨時隨處。以體體人。我不該隨事隨心。以體體耶穌麼。眼中所見者。惟是。口中所說者。惟是。心中所想者。亦惟是。愈苦愈甘。愈甘愈樂。儼然我身已死於世。儼然此死已在我身。這纔是善體。

耶穌者。這纔是真愛聖架者。汝曾如此否。若不如此。拜主未必真誠。汝欲爲誠心拜主之人。何不自己查一查。因那一件。將此愛情耽擱。

當務之求 爲亡者煉靈

祝文 見第五編第三日。尋獲十字聖架瞻禮。

## 十五日聖女額弟達 童身

警言○開治主道。正直徑路。聖經

聖傳○聖女額弟達。係昂額里亞國國王之女。其兄。卽致命聖人額都娃爾多。其母雖未得聖品。敬主守規。善於訓誨。聖女純心聽命。輕世俗之浮榮暫樂。入院潔修。全忘自身之本貴。勤於卑賤。樂於苦勞。自

己貨財。皆哀矜貧病人。周旋婢僕。視如同等。刻苦嚴齋。食無喜惡。浣衣着肉。臥地不裊。寐少寤多。時行默想。惟求翕合主旨而已。年至二十。聖額都娃爾多升天後。因無後嗣。眾大臣議請聖女即位。聖女固辭不受。強請再三。以死却之。時有一主教。蒙天主默示。四十日後。聖女即謝世升天。至期果然。聖女正在堂誦禱。見眾天神擁扈聖靈上升。時天主降生後九百八十四年。

宜行之德 盡心敬主

聖思 一。常常前進。不怠不停。此敬主盡心之本分。不向前。必退後。無不前不後之時。因人性易於就下。魔又助之。似乎進而實退也。此爲善不終之病。犯者甚多。須用提心弔膽之方以除之。每日每日。自言我何故至今。不專心事主。不爲主立功。去時難悔。從今日起頭。斷不敢如前。

怠廢。又須自問曰。果然起頭否。立何功德。克何情欲。查一查。定不得別事耽延。或岐途錯走。明日重新又起。日日如此。退後之病。可除根不發。汝曾有起頭之一日否。一人有突然熱心者。恐若草薪然。遇火卽焚。勢燄烘天。轉眼便是冷灰。若欲久常不滅。只想從前有罪無功。如在先果有熱心。豈今日之天主。非昔日之天主麼。豈今日之我。非昔日熱心事奉天主之我麼。若猶是天主也。猶是我也。爲何忽熱忽冷。不時時刻刻奉事之。一世俗事。不可一刻動心。身後事。不可一刻不動心。又不

可單單欲享天堂。免地獄。就算動心學問。該想我係何人。此時爲何在。世後來爲何能享永福。又該預備臨終。其情願何在。願在地獄耶。非瘋狂。非醉夢。決無此念。願在天堂耶。天堂之路。無盡無窮。走路之時。卽在世之時。甚短甚促。既然願往。奈何以甚短之時。走無窮之路。猶任意閒

遊。不向前趨進。必致半途而廢。所願是天堂。所行仍地獄。可乎哉。爲今  
之計。只有汲汲皇皇。竭盡此心。仰承天主之聖佑。日新又新。一息不容  
少懈。果爾。雖程途遙遠。時候不多。惟具此無盡無窮之神勇。以赴之。未  
有不到者。但看汝至今。還不束裝就道。策蹇前行。甚爲不解。請問此時  
不走。尙待何時。

當務之求 爲生產者

祝文 救吾者天主。聽受吾禱。吾樂爾聖童女額弟達瞻禮。望以誠心。  
得受訓誨。爲爾子吾主耶穌基利斯督亞孟。

## 十六日聖女歐拂彌亞 致命

警言○懇祈爾曹。如旅異地。宜戒構戰靈魂之肉慾。聖經

聖傳○天主降生後三百餘年。西國溺於異端。查拿正教之人。惟圖一網打盡。始快其心。遂議定數日。爲瞻禮邪神之期。飭令人人到廟。不到者。卽係天主教。便於查拿。其時額肋西亞國加爾西多尼亞府。傳示甚嚴。定於某日。不論男婦老幼。一齊赴廟拜神。如有故意抗違者。嚴拿治罪。城中正教人。大半逃匿野山。亦有藏匿密房地窟者。聖女歐拂彌亞偕同四十九人。潛藏一處。素有一僧。明知聖女不拜廟神。指名出首。官卽差役訪拿。一齊鎖解到官。官以甜言誘其改教。眾皆堅執不從。回云。我們惟敬一生造萬有之天主。不認汝敬之神。我們不想世間富

貴。惟想升天享福。若以刑法嚇我。不獨不畏其苦。還恐此苦。不滿我心。曷請試之。官大怒。無刑不用。刑後收監候決。總王聞知。命留聖女。望改變其心。官亦借此可以逢君之惡。故多方引誘。百計圖謀。聖女回云。我本弱女。論人之能力。未有不樂從恐後者。因我倚靠耶穌。惟知受苦受刑。不敢畏刑避苦。所以世間好處。總不能動我之心。官云。汝敢不聽吾言。必置汝於烈燄中。屍骨俱成灰燼。聖女又回云。世間雖苦。憑他利害。頃刻卽完。此火忽燒忽滅。何足懼哉。所該懼者。地獄久常之火。有增而無減。有始而無終。專燒不遵正教。敬信邪神之人。官命備火燒之。聖女向火。畫一十字。二人正動手欲拿。忽見天神數位。怒目視之。二人束手不前。官即另差二役。強驅聖女入火。聖女安坐火中。髮膚衣履。毫不損傷。強驅之二役。反因火勢外撲。立時焚死。在前束手之二人。齊心信認。

天主。陳明於官。次日。法場斬決。聖女既火燒無害。疑爲邪術。命掘一坑。內藏機弩箭鎗等物。坑口仍覆以土。如陷穿然。併不令眾人知道。偕同聖女前行。必致驟然悞下。其時眾矢並發。雖有邪術在身。何能施展。豈知天主。命天神救護。平安無恙。眾兵役多有被陷而死者。官竟無計可施。命拋於獅棧。野獸一見聖女將臨。卽蹲伏在旁。如跪迎之狀。繼卽近身伺候。如奴僕事主之形。聖女感激旣深。愛情猶迫。惟望升天見主。仰求願告曰。吾主耶穌。諸王之皇。不棄我罪婢。用顯大主之全能。蠢彼迷人。怙惡不悛。主之仁慈已極。彼之梗化愈頑。我雖無德無功。求主五傷之恩。俯鑒愚誠。享我身心之祭獻。收我靈魂。常居天國。求畢。一熊張口近前。未及傷軀而歿。棧中眾獸。羣俯伏聖屍之側。恭敬之。至聖屍出棧而止。

宜行之德 輕世

聖思 一。愛居世上之人。竟不知此愛。從何而來。無人不苦。無地不苦。且無一時可以避苦。亦無一事可以免苦。請各人自忖自思。未有不如此者。如此之苦。還要貪生怕死。哀哉哀哉。愛世而遭世苦。貪生而不長生。癡孰甚焉。惟正教人。明知世無可愛。生不可貪。人人都信有天堂。人人都望升天堂。去世後。即可永遠得之。是故所愛者惟此。所貪者惟此。除此天堂之外。再無可愛可貪者。足見兩來之情願。大不相同。一在天堂。一在人事。相反極矣。無怪乎貪生愛世者。以死爲不幸。而以壽爲大福也。當知死後可能升得天堂。何不幸之有。更當知生前不能爲善立功。何大福之有。凡有信德者。必能具有正愛。今汝之所愛者何在耶。一。爲何常愛世間之歡樂。爲何常愛肉身之體面。你雖愛他。他不愛你。

豈惟不愛。還要害你。害有兩樣。汝不能隨世而謀歡樂。又不能隨身而爲體面。此時必輕你。賤你。受此輕賤之害。且不知不覺。尙心竊愛之。若此者。比比也。此一害也。世間歡樂。莫過於淫佚驕奢。肉身體面。莫過於富貴榮華。不獨身心之貽累無窮。且性命之死生難保。若此者。更比比也。此二害也。二害之中。多居其一。是名雖愛你。實係害你。獨不思害從懷恨而來。汝旣愛他。他不能以愛報汝之愛。而反恨汝。害汝。以報之。是汝之愛。適所以招彼之恨。惹彼之害也。奚以愛爲。一爲何不愛耶穌。汝本耶穌之仇。因愛汝而降來人世。因救汝而釘死於十字架。汝果能以愛還愛。豈獨前仇盡釋。且賞汝升天。賜汝永福。今汝不惟不愛。還時時傷害之。日日與邪魔爲朋黨。多方仇恨之。汝若以此言爲冤枉。爲何不遵守誠規。常常犯罪。爲何專心圖謀身世之計。不顧靈魂。

當務之求 爲負魔者

祝文 天主爾德能靈異之中。不棄弱女輩。賜致命者榮勝。懇祈吾主。我等慶爾聖歐弗彌亞致命童女誕日。因其遺表。躋爾臺前。爲爾子吾主耶穌基利斯督亞孟。

十七日 聖拂老楞爵 顯修

警言○宜常樂於主。再語復樂。 聖經

聖傳○聖拂老楞爵。同弟聖拂樂連諾。係熱爾瑪尼亞國人。俱受武職。不數年。禁革正教。四處差官拿究。一員名亞紀里諾。專查兵弁。拿

有四十餘人。二聖欲往救之。路逢差役。問其何事。回云。查拜天主之人。聖人云。我們就是。遂拿交亞紀里諾。因堅供不改。革職重笞。皮綻肉糜。血流滿地。笞後。押赴大河溺死。二聖樂滿於心。喜形於色。沿途講勸。倍勝尋常。路遙天熱。憩息樹蔭。兵俱席地而眠。天神忽現。向聖人云。汝今不死。留汝後來受苦。此天主命。速往拂耶濟亞國。言畢。鐵鎖自開。聖人明告其弟。弟見開鎖之奇。勸兄速去。去遠。眾兵方醒。不見聖人。將弟拳棍重毆。幾死。仍沒於河。聖人到拂耶濟亞國。落大諾河。與呂多農府相近。正遇主日。欲往與彌撒。河邊只一破舟。懼其難渡。求主垂憐。忽見一天神。先上破舟。聖人趨步入艙。天神把舵前行。至今傳有聖人廢艇渡河之畫像。至呂多農府。進城時。一負魔人。周身自纏鐵索。跳躍狂呼。聖人畫一十字。魔遁人安。復歷數千里。得一山洞。無數大蛇盤踞。聖人以

聖號逐之。在此苦修。作一公所。供聖伯多祿爲主保。越數年。先見之天神。復現曰。汝可往聖瑪爾定主教處。求授鐸德。仍還原洞。聖人遵命而行。路逢瞽婦。哀泣道旁。聖人問之。回云。我只一子。藉以養生。今溺死於河。求屍不得。聖人即跪求天主仁慈。主命天神明示。得屍後。又求主活之。併開婦之瞽。回洞後。惟苦身克己。默想誦祈。以終餘年。主日。必出洞訓人。或以靈蹟救人。在世一百三十歲。臨終。領受全禮而逝。時天主降生後三百九十年。

宜行之德 心中神樂

聖思 一。有時憂心如結。愁悶不開。問其來歷。或由失意。或受冤仇。或親朋聚散。或身體欠安。這些緣故。若就事論事。愈解愈憂。惟能信此來。有天主聖意。受之。必天主所喜。誰不樂從。况失意不過妻兒名利。冤仇

不過被害吃虧。因此而憂。平時之所學何在。今卽妻兒論之。生死全由主命。好歹出於習成。以名利論之。如韁似鎖。得非可喜。失更無虞。且虧人宜補。損己尤安。論世間朋友。誰如吾主耶。蘇否。不憂耶。蘇難學。反旁及他人。枉自苦耳。至身體欠安。當憂者罪也。死候也。審判也。此憂俱帶無形之樂。不比飲食起居。憂久卽成怨恨也。夫一心信主者。雖憂亦樂。故云神樂。一心聽命者。無憂無樂。故云心中神樂。汝曾得此樂境。消此憂愁否。一。解憂有二。先看別人。比我更苦。此憂可消大半。又想煉獄靈魂。受無比之苦。必消盡無餘。再想某某早死。保不定此時。現居何處。今天主大恩。容我世間補贖。賞我此憂。減我煉獄。樂莫大焉。何憂之有。此理旣明。不該因此小憂。謀求永福耶。有此神益。自有神樂。可知世上善憂者。不難永樂天堂。專心世樂者。不免永憂地獄。汝果無心世樂耶。

爲何所憂未善。汝果善處其憂耶。爲何心中尙無神樂。一。吾主耶穌。係萬世萬民之表。請看三十三年內。孰非憂苦之時。其最甚者。禱於山園。自云。吾靈憂悶至死。汝欲升天。爲何不學耶穌之舉動。况明明自己知有多罪。又明知罪有罪罰。巴不得多苦以圖末減。倘天主聖父。准我憂苦至終。豈特安心情願。猶感激無涯矣。果然如此。棄世後。可望升天。在世時。心有神樂。

當務之求 爲修道者

祝文 天主。以爾聖拂老楞爵。每年瞻禮。樂我等。懇祈爾。吾旣慶厥誕日。幸師厥功勤。爲爾子吾主耶穌基利斯督。亞孟。

十八日 聖多瑪斯 名 味辣諾瓦 主教

警言○凡受造之物。宜求造物之主。遇目所見之物。宜求目所不

能見之物。聖奧斯定

聖傳○聖多瑪斯係以西巴尼亞國人。家本素豐。父母德名素著。種糧不糶。留濟貧人。牧養雖蕃。亦留供窮乏。聖人幼承家教。習知敬主愛人之務。爲童子時。每日必與彌撒。凡洒掃聖堂。陳設祭臺等事。樂從恐後。嘗集諸童。講論所聞之道。七八歲。即能留食。食饑。解衣衣裸。一日。母與新衣服而外出。見一藍縷人。相換而歸。向母云。彼此有益。母甚嘉之。八歲後。貼肉有棘衣。苦工必流血。室內誦祈。每日二時。十二歲。延師課讀。不數年。貫通格物文章之學。及冠。爭先受業。天主開恩默喻。謝俗

潔修。入聖奧斯定會。苦尅倍深。越二年。授爲鐸德。乘此壯年。懇懃訓勉。嘗云。教中人。少不得四件。一誦禱。必誠心對越。二默想。不宜間斷。能收歛放心。補增神力。三效法耶穌博愛。全心爲主。勿夾入身世邪魔之念。四萬罪多由懶惰。須實時弗暇。藉此神訓。多人感化。歷久望隆。羣推瓦楞西亞主教。雖不合聖人謙德。因長命甚嚴。勉從之。然服食起居。不拘高位之例。愈謙光。愈仁愛。每日就餐者。五百餘人。司事云。內有能用力。趨錢者。恐其懶惰。聖人曰。游惰。事隸地方官。我本分惟有愛人。人或欺我。不必論也。我果有上體耶穌之真心。所願卽來。假令天主差天神如此。我當若何。聖人一年。應得銀一萬八千兩。竟不敷所用。難滿愛情。然乞憐者。不許人阻遏。人有頌言。諭云。汝謬矣。救人苦難。我居此位之急務也。一世家。人日用維艱。聖人每月給銀十五兩。尙有難處。增至二十

兩。又至四十兩。若此者不可數計。更小心救人靈魂。每日悲哀求主。聖堂講道。慰病人。行告解。送聖體。傅終油。常常不斷。一日行神工而回。臥病不起。知終期已近。三日前。將存庫銀五千兩。命散窮人。次日。聞尙剩一千三百兩。復嚴諭云。窮人我之中保。須遍處訪尋。將銀散完。後知散盡。歡欣謝主。向闈人云。如今手中無世俗之財。以此臥榻送汝。尙求借用至死。若不借我。卽臥地以終。遂自備盡心見主之工。總解一身之失。內求聖體。外受聖油。俱全美而逝。時天主降生後一千五百五十五年。年六十有七。

宜行之德 望主仁慈

聖思 一。天主至善。所以至仁至慈。四海雖遙。古今雖遠。無一人不在仁慈之內。隨此而行。係人性中應有之善也。此由天主之至善而來。自

該爲主仰承。若爲人而用。受人酬謝贊揚。還可望天主之仁慈麼。故兩人一同行善。而得失大不相同也。今無論天主之善。該還天主。卽就所得而言。與其得萬萬人之酬謝贊揚。終歸灰土。何如得一天主之歡心。常荷仁慈。今而後。切勿以主之真善。兌換人之虛名。一。天主仁慈。俱發顯於聖人。從無始時。預備其賞。斷無一人不可得者。但得與不得。只問自己。犯了重罪。能仰承改遷痛悔之恩否。改悔後。能行善立功。不負主仁慈否。肯即得之。不肯即失之。欲做聖人。只要一肯字。易如反掌。人可得。不比世間富貴。謀者千難萬難。到手者。萬萬人無一二也。一。天主之仁慈。係無窮無盡之仁慈也。養人百十年。流竄之肉身。而猶爲不足。復救人億萬年。永罰之靈魂。而無所不用其極。爲救此靈魂。從天入世。降孕爲人。自聖誕迄於聖終。自馬槽迄於十字架。此三十三年之

內。將古今前後。南北東西。人人應受之暫苦。永苦。盡歸於吾主之一身。而代爲補贖。不拘何等重罪。只要罪人之心。肯痛肯悔。罪人之口。肯告肯求。則天主之至仁至慈。必然肯解肯赦。嘗見能承聖佑之人。雖罪惡貫盈。而善心不泯。恍若有人。時刻在旁。催其動心。亟求悔告者。大哉天主之仁。至哉天主之慈。人爲其易。而主獨任其難。且讓其難之功於人。人爲其易。而反受其難之功於主。且人人讓之。不肯或遺其一。人人受之。不肯或虛其望。如此無窮之仁。無盡之慈。不誠大且至乎。倘汝負恩自暴。有一日。斷仁慈而施公義。其大且至也。亦如之。其不窮不盡也。亦如之。當是時。何地可逃。誰人可代。豈特天主之仁慈。與汝不相干涉。即從旁亦無憐惜之片言。慟哉。

當務之求 爲天下太平

祝文 天主以爾聖多瑪斯主教。荷真光之特寵。施仁愛於貧窮。伏祈  
吾主。賜我等呼名籲禱之人。咸蒙博愛寬仁之惠。爲我等主耶穌基利  
斯督。亞孟。

## 十九日 聖讓弩亞略 主教致命

警言 ○善者復活以享常生。惡者復活以受判。 聖經

聖傳 ○聖讓弩亞略。係意大里亞國之主教也。時邪惡橫行。聖人  
竭誠勸眾。增益堅心。聞彌塞納城中。被殘猶甚。前往顧之。有副祭名索  
削者。年甫三十。爲主賢勞。一日。彌撒內。誦聖經時。聖人見其首。發顯大

光。知其必致命。率眾預賀之。不數日。果同別副祭。及城內教中人。拿鎖到官。重笞入獄。未幾。交代新官。聖人被首拘拿。勒令反教。拜禮邪神。卽行釋放。不然。舉火焚之。時聖人心中之火。更熱於外來之火。語言猛於烈燄。官怒。命役聚火如窰。置聖人於內。聖人安坐火中。不焚一髮。官以爲邪術。如前重笞入獄。別副祭聞知。來監伺候。俱被鎖拿。聖人入監時。見先拿之副祭索削。卽撫其首。慰示曰。汝頂有聖神之火。當謝主大恩。轉身向眾曰。今與邪魔爭戰。我等倚靠吾主耶穌之功。必能勝之。世福世害。不可動心。次日。驅入獅棧。聖人畫聖號而入。獅熊諸獸。一見聖人等。皆擺尾搖頭。向前跪伏。如家犬養鷹。依戀主人之態。眾覩此奇。莫不感動於心。官懼旁人之變。命取出斬之。聖人欲顯示天主之全能。求主旨。此惡官之目。使知不認天主之故。卽時兩目失明。官始動心。向聖人

云。請求你天主愈之。聖人曰。你既知天主全能。豈無天主仁慈。轉身求主。曰。卽復明。因此聖蹟。棄邪領洗者。五千餘人。官懼總王之害。仍命斬於法場。路遇教中老叟。求賜片衣爲聖物。聖人曰。我只有汗巾在手。但此刻不能與汝。因斬首時。尙有用處。到致命後。必然送汝。雖死決不食言。及聖人斬訖。刑役將此汗巾。丟於血內。以足踐之。口言汝許此巾與人。我看汝送去。豈知聖人致命後。已將此巾。親付老叟。及刑役進城時。目覩此巾在老叟手中。時天主降生後三百五年。旁有教中賢婦。以玻璃瓶。敬收聖血。又有教友謹藏聖首而歸。至今瓶血猶存。聖首現供於祭臺。若將瓶血與聖首相近。血即在瓶融化而湧。同於新鮮之流血。離開聖首。仍凝結如飴。歷一千四百餘年之久。不少不乾。且有求必應。受恩之人。世世相承。未能殫述。

宜行之德 默存地獄之苦

聖思 一。地獄之中。萬苦畢集。想汝此言。早已知道。但萬苦二字。係人。人懇苦之常談。遇有艱難。不曰苦死。卽云難過。不曰現在地獄。卽云苦中增苦。當知世間之苦。憑他難過。憑他重疊增加。一死之外。再無他苦。所以現在並非地獄。然爲此說者。因現在之苦。習聞習見。無以動人。故拉扯地獄之名。望人憐憫。由此推之。足見地獄之苦。必大不同於世苦也。該想地獄之神火。最猛最兇。不光不熄。故名火海。入此海中者。內外煎燒。無休無盡。如此之苦。請聚世間之萬苦。可比其一二否。猶不僅火燒而已也。歷來致命聖人所受之苦。必全加於獄中各罪人之身。以一罪人而受無數聖人之苦。且自今日至於世終。無日不有聖人致命。卽無日不有劇刑增入。如此之苦。請聚萬萬人一身之苦。可比其片刻否。

又不獨加以聖人之苦也。世俗各罪人之刑罰。各病人之災害。各心中之煩悶憂愁。各地方之極穢極偏。大兇大毒。無不包藏於獄中。各罪人之身。時時殘賊之。如此之苦。請聚古今萬國之苦。可比其絲毫否。既知不可比方。爲何不想此苦從何而來。因大主之義怒而來。又爲何不想此怒從何而來。因我們之罪惡而來。既知此苦之來由。便知大主之怒多大。重罪之罪多大。一。汝倘能在地獄門邊空隙處。窺探獄中之形勢。耳聞獄內之苦聲。眼見罪人之苦狀。此時可問自己。還肯貪一些世樂。墮入此中麼。還肯不守聖規。胡行亂走麼。然肯與不肯。現在自操其權。難道定要耳聞眼見後。纔能死心不肯麼。不見不聞之信。方爲真信。所以領洗之人。都不肯隨着異端。走地獄之路。今我明告汝以獄中之苦。望汝不投此獄。汝反偏心不肯麼。一。在地獄之人。豈不知在世時。

由得我不來此處。直往天堂。只因不會痛悔。不會補贖。就到此不能解救之處。願求滅我於無而不得。願求緩我於世而不容。因罰罪之時。非悔罪之時。用刑之地。非贖刑之地。所以上不能通神聖轉求之功。何望於耶穌聖母。下不能通親友代求之功。何望於恩臺神赦。既然如此。汝還要挨到不能解救時。纔想痛悔麼。豈獨不該挨到那時候。併今日不該挨明日。早晨不該挨晚上。因未來之時。非汝該有之時日。誰能保得定明日。不是汝去世之日麼。誰能保得今日晚上。不是汝永罰之時麼。

當務之求 爲已亡諸信者

祝文 全能天主。垂盼吾劣。爲本行重任屈壓。賴爾聖讓弩亞略致命兼主教轉達。得厥護翼。爲爾子吾主耶穌基利斯督。亞孟。

二十日聖歐大覺 致命

警言○常與主偕焉。因此語。爾宜互慰。聖保祿

聖傳○聖歐大覺原名罷拉濟多。係羅瑪富豪。素有德名。武功最著。妻寶比氏。生二子。一名亞葩。一名德阿。俱未欽崇天主。歐大覺好田獵。獨追一鹿。將近。見角上聳立耶穌釘十字架之容。且呼名嚴飭云。何逼我以圖肆害耶。歐大覽惶懼良久。下馬伏叩曰。爾係何神。命我何事。耶穌諭云。吾乃爾主耶穌。向爲爾受難者。爾今回城。覓我司教。領訓洗滌。併引妻兒進教。再赴此間。示爾後命。語訖。連鹿俱無。歸告妻兒。訪求司教。闍家講明領洗。復詣山伏叩。耶穌顯容獎勉云。德成於苦。忠著於艱。爾惟恃我提佑。篤志守規。雖遭魔妬。百計爲仇。必能克勝成功。毋疑。

毋懼。聖人謝主回家。同妻子靜候艱難。不數月。婢僕俱亡於疫。牛羊盡死於瘟。富人忽變爲貧人。積德亦傳爲積惡。聖人神訓在心。操持更勇。密攜一妻二子。棄家夜遁。潛往厄日多國。爲息鄉鄰毀辱也。一入海舟。舟主見聖人之妻。頓起不良。蒙天主保全。其人未獲。遂計而殂。但聖人早已分離。止攜二子而行。及河。無舟可渡。先負一子。涉水過河。置之彼岸。回至河中。卽覩明此岸之子。被獅啣去。自忖救援無策。急速轉身。而過河之子。已爲大狼所攫。轉瞬之間。家破人亡。妻離子散。他人處此。未有不動情者。聖人惟伏地搥胸。叩謝天主大恩而已。從此子身流落。備力度生。歷十五年。潛德旣深。大勳將集。維時國家長治久安。忽遭外患。將帥乏人。素知聖人。精於武備。遣使訪求。偶然幸遇。亟命還朝。聖人輾轉尋思。必有天主聖意。隨使而回。王甚隆禮之。授以統軍破敵之任。未

及一月。敵敗事平。班師奏凱。行至小邨。念軍士困乏。令駐營三日以休息之。各人因而聚談消遣。內有一人。自言我父。原爲名將。閒居無事。挈眷外遊。不知何因。失去我母。尙有一弟。連我三人。行至河濱。父先負弟渡河。及轉來負我。眼見一狼。掠弟而去。我亦被獅擒入林中。幸遇數牧人。奪回留養。言未畢。一人應聲趨赴曰。汝係我兄。我係汝弟。被狼掠後。一農望見。奮力前追。狼卽棄我而奔。農遂收養於家。眾聞此異。哄傳甚速。母自離散後。流落此邨。同於婢役。忽聽此言。疑爲己子。往探之。情投事合。母子弟兄。恍如再世。但大軍將滿三日。而昆仲欲奉母同回。遂據實陳明。聖人一聞此訴。不用多言。感泣從前主訓。復思今日奇恩。必有非常大故。適舊君去世。嗣君新立。知聖人報捷回都。親迎優待。惟素信僞神。故歸功邪廟。聖人堅執不從。明言天主大恩。往返矜全。故能敵敗。

事平。民安兵息。在事眾軍。共知共見也。與此僞神何涉。奈王蔽錮難開。勃然大怒。忘其勳績。革職鎖拿。籍沒家財。監收妻子。投聖人於獅穿。獅皆伏地斂容。搖唇舐足。馴良如家犬。觀者皆手舞足蹈。羣稱聖人。獨王仇恨愈增。命制銅牛。入聖人夫妻二子於牛腹。烈火煨之。聖人神色怡然。求主大恩。准其得見天主。聞空中有聲相慰曰。主已允爾所求。毋庸驚慮。念爾夫妻二子。歷盡艱難。應錫之天福。聖人欣然率妻暨子。致命於銅牛腹內。時天主降生後一百二十年。越三日。開看各聖屍。毫髮不傷。容顏皮肉。並無焦灼之形。眾因愈出愈奇。感化者多。

宜行之德 神樂

聖思 一。請看聖歐大覺奉教後。不知富貴之樂。夫妻父子團聚時。不知團聚之樂。蓋一生惟求神樂。不圖形樂故也。形樂而樂不增。形不樂

而樂不減。豈惟不減。更覺平安容易。因所樂者善也。善在。樂卽在。不必問形之樂否。苟有形樂而善不在。必係邪樂也。邪樂莫甚於飲食男女。吾主耶穌爲我們邪樂。所以十字架上。口嘗苦膽。要我們常記此苦。神樂自生。今汝不信耶穌之表而求神樂。惟信飲食男女之形樂而陷於不善。是使吾主耶穌從新再嘗此苦矣。汝之樂易完。主之苦無窮。尙忍言哉。汝能像聖歐大覺無心形樂。隨遇而安。難道這善樂之中。免不得從前罪惡麼。一。請看聖歐大覺數月中。家敗人亡。頃刻妻離子散。閱十五年顛沛流離。而心境坦然。汝曾有此苦難。有此神樂否。世俗人。只說富貴難求。功名難得。誰知熱心教中人。惟恐苦難不及身。已及身者。惟恐離開。不怕苦中加苦。因苦境難求。天堂難得。若無天主聖意。必不能。有無因而至之苦。知此來歷。幸逢苦難。神樂必由中而發。萬萬倍於

富貴功名之樂也。或不信此言。必係本來。不願打從這下裏過。所以負恩者甚多。承恩如聖歐大覺者。不數數見也。汝若能知恩順受。肯打從這下裏過一過。一分苦難。必得十分神樂。光榮天主。利益自身。不苦亦樂。苦來更樂。一。汝念經時。或默想時。不覺有何神樂。該當賤己卑己。虛心不亂。雖無聖味。不斷神工。自然不平之念漸消。平安之心漸至。平即安。安即樂。時而念經。則心專志一。無往而非聖念。時而默想。則注意精誠。所向莫非聖想矣。蓋聖味。係神樂之苗。平安。係神樂之本。天主有時斷汝之聖味。安知非天主試汝耐心。堅汝正志耶。汝爲何只尋聖味。不尋天主之意。又安知非汝罪根。去之而未淨。善德爲之而不力耶。汝爲何只嫌少得。不嫌自身之多失。

當務之求 爲苦難者

祝文 天主爾賜我等。敬憶爾聖致命者聖歐大覺誕日。望爾彼居永福之域。使吾偕樂。爲爾子吾主耶穌基利斯督亞孟。

### 廿一日聖瑪竇 宗徒兼聖史

警言○維時一人。名瑪竇。坐征稅所。耶穌適過。目之。曰。從予。即起而從。聖經

聖傳○聖瑪竇係如德亞國加納府人。素居聚斂之地。人皆憎其惡。耶穌適過。目之。曰。從予。應聲趨赴。盡棄俗情。毫無留戀。且指示親鄰。同歸正道。耶穌升天後。周流如德亞厄日多等處。廣益教思。多顯靈跡。

八年中。歸化者。萬億之多。稍暇。恭紀耶穌言行。述其親見親聞者。垂之不朽。迄今感誦焉。後至厄弟阿比亞之納打伯郡。遇一教中內宦。同居協理。被化亦繁。城有二巫。倚魔惑眾。聖人望賴主恩。當眾攻擊其邪。巫召蝮蛇肆害。聖人向空畫十字。命之曠野。蛇卽聽命速行。眾皆悅服。棄邪歸正。國王厄日玻止生一子。患病而殂。二巫盡術無靈。王求聖人入宮驗視。氣絕屍寒已久。聖人念愚蒙難化。賜伊復活。教必易行。遂叩求甚切。頃之。死者轉身復活。強健倍常。君臣即日信從。領洗。士民莫不追隨。恐後。聖人晝夜勤勞。創業垂統。閱二十三年。王以衰老卽世。嗣君新立。逆叔異兒大各乘機廢篡。有先王親生女。意斐日尼亞早經受洗。矢志守貞。宮內及大臣諸女。效法貞修。以卒世者。約二百人。及是時。異兒大各希圖強配爲妻。知受聖人訓。欲聖人勸化成全。聖人於講道中。極

言貞潔美如天神。內心已樂天堂。意斐日尼亞在旁聞之。無任欣躍。異兒大各不遂其私。移怒於聖人。正值聖人舉行大禮時。逆黨突入殿中。挺鎗刺死。聖人歿後。異兒大各勒娶不從。命閉意斐日尼亞於室。聚火焚燒。方舉火。眾見聖人乘空撲滅。併罰異兒大各陡發穢瘡。滿臉遍身。痛苦倍於寸磔。遂自盡。顯此主威。人人驚畏。聖軀存於撒肋諾郡。常施神澤。迄今遐邇士民咸感戴之。

宜行之德 順命

聖思 一 聖瑪竇蒙耶穌一呼。卽離征稅所。惟命是從。今汝日蒙耶穌無數之呼。何置若罔聞。况今日呼汝。大不同當時之呼聖人。蓋當時惟驟聞聖聲而已。今則屢蒙聖佑也。聖人不敢辜負耶穌舉口之勞。汝竟身承聖佑而不知。可乎不可乎。况聖佑頻頻不斷。出自主恩。但呼汝多

年。還如前冷淡。如前謀利圖榮。則聖佑已經過去了。不隨聖佑之呼。必隨魔誘之呼矣。哀哉。一。聖瑪竇著述聖經。爲耶穌聖史。汝不能著述。難道不能遵信麼。汝不能爲聖史。難道不能爲聖史之傳人麼。汝果遵信聖經。爲何所行所言。常不合經旨。又不用心查對。汝果爲聖史之傳人。爲何親友還在異端。聖人當日。周流異國。歸化者成千累萬。汝在本國中。倒不能勸人。還不能勸己。可爲傳人麼。然聖人當日。何故易於廣揚。因分行敷教。係天主之命。聖人惟順命而行。治己亦能治人。汝不能效法聖人順命。無怪乎不能勸人。併不能勸己。一。聖瑪竇始因順主命而潔其身。終能順主命而致其命。可見致命之心。已早備於潔身之始。又可知棄家之後。莫非致命之時。不必到鎗刃及身。纔稱致命也。割斷所戀之私情。離別所圖之福樂。長辭所有之身家。棄捨所存之財物。

皆難而又難者。人能一生不畏其難。即係一生之致命。但該想一想。如此之難。可能對得過天堂之福麼。可能對得過地獄之苦麼。明知不能。而允命出於上主。何樂而不爲。况一時顯然之致命。遇者少。不遇者多。若一生暗中之致命。遇者人人。惟善處其遇。能收致命之功者。恐寥寥無幾。汝今何如。可能像聖人之一生致命否。

### 當務之求 爲聖教廣揚

祝文 伏望吾主。托聖瑪竇宗徒兼聖史之祈禱。幸蒙扶佑。凡本力弗克者。賴其轉達。亞孟。

## 廿二日聖貌理爵 致命

警言○重矣我罪之重。聖遊味

聖傳○天主降生後二百九十七年。西國總王。因邊境不寧。調兵征勦。大軍既集。總帥擇一平原曠地。離落大諾河不遠。令公同祭祀本國之神。如有一人不行此禮。必按軍法處斬。內有厄日多國調來之兵。共六千六百六十六人。皆從正教。聖貌理爵及厄穌伯落甘弟大等。係領兵弁首。聞祭神軍令。卽率兵離隊。總帥差員密諭。聖人回云。我等俱奉天主教。教中規矩。國王之物獻國王。天主之物獻天主。故我等出兵前進。捨生報國。分內該當。若要祭祀邪神。獲罪天主。萬萬不能。總帥據此陳明。王曰。不敬保佑國家之神。明明巖禮玩法。應加重罰。以示國威。

令每隊梟斬一兵。使眾懼而悔改。豈知眾兵堅逾金石。人人情願受死。以報耶穌。聖人向眾曰。我看汝等。信德剛強。人人勇敢。非人力所能。實係耶穌聖愛。充滿眾心。我是以謝主感恩。猛如烈火。倘汝等怕死惜生。何難片言叛主。但領洗時。永遠欽崇之願。誰肯或忘。天上無窮無盡之榮。誰能棄捨。今同友十人。已蒙天主大恩。有誰不肯追隨。該齊聲吆喝曰。情願爲主失命。一定不拜邪神。總帥又提各隊之一。共十人。殺之。厄蘇伯落向眾云。兵弁該爲國家出力。今號令大不合天主之光。何敢偷生。獲罪於天主。手中兵器。於今無用。亟該棄釋以示甘心。總帥知眾隊同心。挽回無策。一併殺之。殺畢。一別營老兵。名未多爾。驚訝問故。大喊曰。我多年不遇此造化。早來片時。必隨眾升天。刑役惡其言。亦殺之。

### 宜行之德 難開罪緣

聖思 一。歷來聖人。明知身同禽獸。且肖邪魔。故矢志守貞保潔。雖不能離去本身。必離開幫助之地。煽惑之人。縱性動情之事物。然後加以磨礪之工。庶免犯罪之緣。汝曾離開否。身或不能棄家遠俗。心亦不能趨潔避污麼。 一。有人輕笑辱罵。甚而謀害。雖理長力勝。不如讓他。避他。好像怕他。不敢回言。果爾。靈魂可免犯罪。本身現蒙利益。若說甚難忍耐。當知難忍而忍。纔成愛人忍德。耶穌當日。受人辱罵訕言。無所不至。皆嘿而不答。汝之難忍。能比耶穌之難忍否。汝不學耶穌之忍。又不肯避罪以離開。意欲何爲。將以辱罵報復耶。請問報復後。好處何在。論靈魂。諸德盡消。諸罪悉起。論肉身。前患不除。後患更難逆料。故除了離開。不能救汝凶惡。汝心不願趨潔避污。此身亦不願居安免害麼。 一。

欲攻破世俗之害。離不開信望愛三德之寶衣。欲攻破邪魔之害。離不開十字架聖號之神鎗。欲攻破肉身之害。更離不開我等主五傷之苦難。汝能透徹此生離不開之事。而犯罪之緣。纔容易離開。汝能透徹此生該急速離開之事。而攻破之具。纔寸步不肯離開。何以知之。凡信耶穌爲人受苦者。必能以苦報苦。斷不能棄苦就甘。望身後升天享福者。必能以世爲世。斷不肯視世如天。愛天主生存救贖者。必能以愛還愛。斷不肯變愛爲仇。具此三德。則十字聖號之神鎗。必操存勿失。苦難五傷之聖表。必願學未能。何有於邪魔。亦何有於肉身。是故有信德者。罪孽易離。有望德者。罪蔽易開。有愛德者。罪緣更易明。易避。諸事不覺其難。卽身在萬苦中。一經聖愛之調和。苦味盡爲飴味矣。汝於該離開者。果然離開否。汝於離不開者。果然不離開否。縱然不顧此身之居安免

害。難道亦不顧此心之聖表神鎗麼。

當務之求 爲受累者

祝文 天主爾賜我等敬憶爾聖致命者。聖貌理爵等誕日。望爾彼居永福之域。使吾偕樂。爲爾子吾主耶穌基利斯督亞孟。

## 廿三日 聖女德加辣 致命

警言○宜日戰兢小心。審自行以定心望主。聖額我略

聖傳○聖女德加辣。係齊里濟亞國人。幼而無父。才色兼優。母已許聘名門。值聖保祿宗徒傳教是區。聖女幸聞教旨。矢志貞修。無能勸阻。堵遂鳴之於官。望其畏刑必改。官知聖女修名素著。萬不能移。卽論

死。用火焚燒。聖女畫十字。安坐火中。向官云。我本劣女。賴主智能。蹈火如登衽席。爾係抗逆之徒。自恃己權。害人無忌。孰知世榮最短。不日就墮永殃。天正晴明。忽然重雲暴雨。火滅眾奔。聖女之縲綹自開。道路亦無禁阻。緩步而歸。居數月。聖女神業日增。魔黨嫉之。駕詞陷害。官復拘審。坐飼惡獸。虎豹俱跪迎。舐足羣皆呼頌。多歸向焉。官將歸向者。拿禁獄中。次日。又投獅熊圈內。各獸敬服如前。惟官不服。命推入毒蛇之阱。忽降火雲。盡殲其毒蛇。官猶不悟。命用二牯牛。將聖女分繫於牛角。火錐攢刺牛身。使牛畏痛前奔。則聖女必支裂而死。豈知二牛忍痛弗奔。眾皆觀感。崇正棄邪。不可數計。官懼士民生變。釋之。聖女脫身後。暫寓鄰家。鄰女亦傾心信服。未幾。往塞漏濟亞郡。聞者多蒸蒸向化。迨後年高功滿。無疾而終。聖益博羅削讚云。榮哉聖女。爲保童身。力辭婚配。持

其正志。不懼敵仇。雖置之非類中。猶安堵無虞也。榮哉貞女。具茲中保。主卽佑之。獸且必敬必恭。何靈人不如頑物耶。

宜行之德 敵靈仇

聖思 一。人有無形像之仇。邪魔是也。貨財佚樂等。可搖動人心者。時刻營謀陷害。非天主聖佑。護守尊神默導。恐受禍不止於反顏事仇之顯惡也。所以魔誘愈奇。愈加心中畏德。愈深謝主熱情。愈求護守尊神培植。今汝之魔誘。多耶少耶。苟無勝敵退仇之具。難免強仇勁敵之鋒。一。又有有形像之仇。親友是也。身外非親卽友。親友非善卽惡。然親少友多。善少惡多。因百善難消一惡。而一惡可消百善。所以親友中似是而非之愛。百倍於魔仇。惟全心事主者。容易分別。然一人之阻。必違忤多人。一事不行。必牽連別事。一時拂意。且懷恨終身。非大仇而何。今

汝之親友。恩耶仇耶。苟無獨行遺世之操。難免引敵招仇之害。一。更有不死不離之仇。本身是也。魔與人。尙有間斷。惟此身須與不離。時常攻擊。兇莫甚焉。然亦有可離之法。身之賴以生者。貨財佚樂耳。苦極。則云苦死。窮極。則云窮死。這不死之死。雖難受難行。爲解此離不開之仇。敢不就難而避易。今汝之肉軀。生耶死耶。苟無神貧克己之工。難免縱敵事仇之禍。

當務之求 爲守貞者

祝文 天主。爾德能靈異中。不棄弱女輩。賜致命者榮勝。懇祈我等。慶爾聖德。加辣致命童女誕日。因其遺表。躋爾臺前。爲爾子吾主耶穌。基利斯督。亞孟。

## 廿四日聖安多實 致命

警言○凡欣負十字者。能得真福。及真光之門路也。輕世金書

聖傳○聖若望宗徒兼聖史之門人。聖保里加爾伯。因奉差羅瑪。將鐸德聖安多實暨弟副祭爾瑟。攜獻教化皇亞尼斯多。教化皇即命聖人。同兩副祭。往拂耶濟亞國傳教。行近弟未約府。遇富家祿斯得喜舍旅人。遂就寓焉。不數日。閤家俱遵正教。同聖人赴省。抵一鎮市。商家斐理斯留居聽講。此處講明。又往彼處。進教者甚多。事聞。官命斐理斯將留住之人。交送衙門。不聽。捕役撞門擁入。將聖人等三人拿送。斐理斯曰。我亦同教。情願奉陪。官問聖人云。汝等爲何不敬眾人共敬之神。聖人先明萬物中。惟一真主。後明天主降生救世之恩。便便而言。聞者

莫不樂從。惟官不然。逢君之惡而已。次日。又云。能背天主。可免苦及其身。否。卽加刑重處。聖人笑云。汝以刑罰爲苦。我以刑罰爲樂。奚慮焉。官見其倔強不回。試以鞭撻。倔強如前。燃火燒之。聖人安坐火中。毫髮無傷。官大怒。將聖人等槌碎頭顱而死。時天主降生後一百六十九年。

宜行之德 望天福之光榮

聖思 一。世光世榮。惟動人之願。不能滿人之望。故愈多愈想。已有竟如未有。惟動人之喜。不能快人之樂。故愈久愈難。受榮竟如受罪。汝曾嘗過這滋味否。嘗過者。自己可証。未嘗者。他人可証。爲何抹煞此証。而眠思夢想。是誠何心。豈不知將來不盡之光榮。無願不滿。無喜不樂耶。一。世上榮名。由得人。由不得自己。論事。以重爲輕。以輕爲重者。甚多。論人。當尊不尊。當卑不卑者。不少。且前重而後輕。此尊而彼卑。反復無

常之事。人盡知之。一疵之微。變功爲罪。一人之憎。變善爲污。朝榮暮辱之人。又莫不見之。汝曾受過這毀譽否。卽小以知大。舉一以例百。爲何身歷其境。猶如醉如癡。專求此忽重忽輕之事。忽尊忽卑之口。是誠何心。曷不想歷來聖善之榮光。真實不虛。久常不變耶。一。世上極高之體面。極大之榮光。總不能跳過臨死之時。學問功名。貨財妻子。全全丟下。不能攜帶些須。定不得還有人誇讚你。但你此時。若在地獄中。這誇讚之言。可能救你麼。譬如患病時。旁人說些好話。可能醫汝之病麼。汝曾想過這時候否。現今別人輪着。汝竟放心大膽。當知轉眼就輪到汝身矣。汝爲何自悞自己。還要忙裏偷閑。專求此不能隨我之貨財妻子。不能救我之學問功名。是誠何心。難道竟忘記了真光出自耶穌。真榮備於天國耶。

當務之求 爲世俗人

祝文 伏祈全能天主。吾敬憶爾聖安多實致命者誕日。賴其轉達。加力於吾。愛慕爾名。爲爾子耶穌基利斯督亞孟。

## 廿五日 聖斐爾米諾 主教致命

警言 ○歸告若翰。以攸聞攸見。警者明。聾者聽。癱者行。癩者淨。死者活。貧者受教福音。 聖經

聖傳 ○耶穌升天後二百餘年。有斐爾莫。係邦波羅納府中巨室。未知正教。往拜僞神。路逢鐸德何勒斯多。與眾講道。邀請至家詳問。回云。我係天主教。奉多羅撒府主教撒都爾尼諾命。來此勸人。改邪歸正。

得永遠常生。斐爾莫欲求主教按臨。鐸德允其所求。請來講勸。晝夜靡寧。爲日無多。進教者約四萬餘。斐爾莫同福斯多福爾都納多三人。俱此方顯族。遂建堂以爲眾人瞻禮。規模已定。主教仍回本署。留鐸德管理教務。聖斐爾米諾。卽斐爾莫之子也。父命在堂幫助。虛心受業。聖人好學深思。博聞強記。凡敬愛神功。經書奧理。世俗文章。靡不貫通。年十八。卽代居講席。出語驚人。聽之感泣。眾咸推舉於主教之前。授爲鐸德。旋陞主教。居邦波羅納府。黽勉供職。事事精明。發顯熱心。時時勤慎。周流拂郎濟亞國等處。被化者甚多。官吏鎖拿復釋。不啻再三。後至卑加爾弟亞省城。三日前。以三位一體之聖名。行多聖跡。付洗三千人。被官拿禁。聖人剖別正邪。語如源泉。官欲飾非拒絕而不能。默然良久。放回禁止。聖人講勸如前。官復拿鎖入監。懼眾喧譁。次早斬決。時天主降生。

後三百三年。

宜行之德 化邪

聖思 一。聖斐爾米諾自幼勞心勤學。並不爲己。專爲救人。後來高卑尊賤。一視同仁。娓娓而談。惟知救人爲急務。雖惡官污吏。不避其鋒。彼亦不能妄加一喙。似此篤行之力。從何而來。總因認得天主狠真。故愛主之愛狠切。聖奧斯定曰。忍心不愛天主者。因不認天主故也。認之。必愛之。可見愛主之德。從認主而生。愛人之功。從愛主而發。汝果知道救人靈魂。不辭辛苦。是天主光榮。本身功德。爲何怠忽偷安。不學聖人之勸化。一。化人之法。由近而遠。由親而疎。汝欲化行通國。先化一家。一家先化下人。自己不能。轉托善教者。此非家主藝尊。實係光榮而多益。聖依納爵曰。不該以訓奴爲恥。靈魂無異同。將來或比汝更尊。一。汝

若不能化人。難道不能誦禱麼。因化人之力。俱由天主而來。故舌敝唇焦。無人信服。三言兩語。能救多人。非天主之聖佑恩光耶。凡人領洗後。就是耶穌門弟。就是聖神降臨之聖徒。若肯常常誦禱。求救他人。正合耶穌之所愛。自能成汝之功。感化振興。定不得還過於專司傳教之人。今汝所求者何事。所救者何人。可是耶穌之門弟否。

當務之求 爲傳教者

祝文 全能天主。垂盼吾劣。爲本行重任屈壓。賴爾聖斐爾米諾致命兼主教轉達。得厥護翼。爲爾子耶穌基利斯督。亞孟。

廿六日 聖西彼廉 聖女如斯弟納童身

同致命

警言○凡無罪愆之悔。則一切祈誦。悉非潔淨。聖伯爾納多

聖傳○爲人子女。止隨世俗所言之孝道。雖竭本性之力以事奉之。可謂能還其力。未足以云報也。惟依賴天主無限之仁。引以常生正道。庶可補本性之不足。而成真孝焉。聖女如斯弟納其最著者。父母僻好異端。聖女獨遵正教。目擊二親行事。往往椎心泣血。向主哀求。幾諫婉言。俱蒙聖洗。卽此盡誠盡孝。迥越尋常。再論克己律身。謹隨往聖之行。世福虛榮。毫無介意。晝夜苦工祈禱。旁人不顯不知。此自治之嚴。又

未易幾及也。一少年名亞熱拉依德。係富貴之家。偶見聖女。即恃勢求婚。計窮不遂。求大邪法人西彼廉。許其必得。魔以慾情煽熾。或現美男。蠱惑聖女。惟畫十字以退之。魔復云。此女不能引誘。因常畫十字聖號。係我們所最懼者。西彼廉自忖曰。十字之大能若是。爲何謀害敬十字之人。從此誠心訪道。燒燬邪書。主教知其素行。累求而後允。領洗後。每日謹隨主佑。講道勸人。不辭危險。惟悔恨從前之失。遷改之遲。感激聖女拒魔之德。聖女聞其棄邪歸正。愛主熱心。更倍於前。地方官聞知。將二聖拘拿。重笞無數。皮破肉飛。收監數日。預焚大火。如抗違不改。投入火中。聖人回云。情願拜我天主。受此世間一燒卽死之火。不願拜汝僞神。承受地獄常燒不死之火。二聖端坐火中。天主大恩。毫無損傷。一少年名亞大納爵。以二聖爲旁門。自誇奇術更靈。向眾跳入火中。頃刻肉

枯骨燬。二聖仍安妥無虞。官竟解送總王。陳明前事。立命斬決。

### 宜行之德 痛告

聖思 一。改過之心。須悔而又悔。不宜悔而復退。天主命曰。肯悔即赦。不會說退其悔心者。亦赦之。明明悔即赦。不悔即不赦也。若汝復退之時。非不悔之時耶。有不悔之時。必有不赦之罪。人的生命。定不得早晚遲速。安知這不悔之時。非汝生命殆終之頃。苦樂分途之關隘麼。 一。明知生命可長。亦不該退此悔心。因罪根牢錮。必致形神並弱。倘及今怠忽。不隨聖佑。恐弱者愈弱。牢者愈牢。生命雖長。與死何異。汝爲何惜此悔心。甘於自退耶。 一。若說退至臨終。悔之未晚。請看別人死候各殊。有猝不及防者。有神明昏亂者。汝能保定不如是耶。當平安無事之日。明知該悔該改。竟不肯隨此明光奮勉。反云臨終未晚。自己攔住自

已。直到噬臍無及。雖好友至親。聖師神父。只付之一嘆。如此可傷之事。汝為何不思患而預防之。

當務之求 為罪人改過

祝文 天主。爾賜我等。敬憶爾聖致命者。聖西彼廉及聖女如斯弟納。誕日。望爾彼居永福之域。使吾偕樂。為爾子耶穌基利斯督。亞孟。

廿七日 聖葛斯默 聖達彌盎 昆仲致命

警言 ○聞言宜行。弗自欺。詎止聞已哉。 聖經

聖傳 ○亞辣彼亞國。阨日亞府。有正教巨家昆仲五人。一名安弟。莫。一名良爵。一名歐伯肋拍。一即聖葛斯默。一即聖達彌盎。乃父早世。

母兼嚴父明師之職。教以文章格物之工。二聖兼通醫理。天主助以聖跡。跛行瞽視。癩淨病痊。因此感化。朝野聞名。致命之功。實由於此。今略言之。差員利西亞往阨日亞府。查拿正教。聞二聖名。拘訊曰。汝二人何族何名。敢借醫傳教。若不背耶穌。不遵國命。嚴刑處治。二聖答云。我們就是亞辣彼亞人。一名葛斯默。一名達彌盎。還有三兄。皆崇天主。官將三兄一併拿問。先以甜言誘改。繼將夾棍重懲。聖人笑云。爲何用此小刑。我們不覺其重。滿望多被艱難。以獻耶穌。官役見腿脛無傷。心竊異之。命網溺於海。天神開其繩索。送於涯畔。俱係活人。官視爲邪法。轉怒爲歡。求傳此術。聖人云。並無法術。惟倚靠天主耶穌保佑。汝肯真實信從。定不得亦蒙天主之恩。官曰。倚靠吾神保佑。我亦能顯靈奇。語未完。二魔將官亂打。皮破血流。愈喊愈答。旁人並無救法。聖人以耶穌聖名。

逐之。向官云。汝敬之神。不能去。答汝之魔。我以天主大能。禁其肆害。可見我敬之主。爲正爲真。還不信服麼。官竟嘿無一言。收監再議。次日。大火燒之。聖人等端坐火中。平安無恙。而在旁刑役。多爲飛火所傷。如此聖蹟。不能感動官心。命細縛十字架上。聽眾亂石打死。石反從空回打。傷死多人。改爲射箭。箭亦射回。死者更多。終以斬決致命。時天主降生。後二百八十五年。

宜行之德 奉事真主

聖思 一。人人俱想絕藝出名。故不論何事。必多年精習。希圖拔萃超羣。惟爲聖教出名。少有盡心者。不但不盡心。還在外教人之前。自羞自諱。在教友中。且草率支吾。愛財圖利。驕奢怨怒。本分不完。從旁奉教人。怕招憎惡。亦不肯勉行訓。愚責善之哀矜。獨不想俗藝出名。固然於身

有利。難道聖藝出名。竟於身無益耶。誠恐俗藝利身。未能一定。若聖藝果精。靈魂肉身。並蒙其益。一舉而兼兩善。反不願專心習學。自失求利之途。何利之有。一。正經事業。雖爲俗藝。既在我身。即我之本分。即天主之定命仁恩。就該日日盡心竭力。全完本分。以獻天主。論不得繁難辛苦。顧不得眼前有利無利。在一日。即將一日之所行所言。自慰曰。蒙主賞此本分。不敢於分內自缺其工。亦不敢於分外妄有所爲。惟仰承天主之意而已。果然一日如此慇懃到晚。這一日。必能免罪立功。果然日日如此黽勉至終。必能升天享福。此人人共有共能者。汝爲何將所備立功之具。反爲犯罪之端耶。此何異庸醫殺人。參苓變爲鳩毒也。又何藝之足云。一。論藝能之本分。不獨爲主而行。還該爲主光榮。或以力助人。或以心救人。或所行之事。所辦之物。倍勝於外教之公平。或貨

財之出入。言語之真誠。不同於俗人之虛假。使人人咸知此善。皆從遵守聖規而來。由此推之。可見不拘何藝。務俗者用之。便爲俗藝。學聖者用之。卽成聖藝。俗藝爲身。身死而藝之利。卽隨身而俱亡。聖藝爲主。身死而藝之利。俱隨吾靈魂而見主。所以死後。可能帶往天主臺前。以作費儀土物者。就是這在世爲主而行之事耳。汝曾備此費儀土物否。語云。空拳赤手。難見故鄉。今天堂既是本家。獨不想客居一世。徒然素手空歸。天堂上。可有此厚顏無恥之人麼。

當務之求 爲貧人

祝文 天主。爾賜我等。敬憶爾聖致命者。聖葛斯默。聖達彌盎。誕日。望爾彼居永福之域。使吾偕樂。爲爾子耶穌基利斯督。亞孟。

廿八日聖文思老 國王致命

警言○如冒食冒飲。即爲主體血之罪人。聖經

聖傳○聖文思老。係波赫彌亞國國王之子。父王與祖母路彌辣俱遵聖教。惟母后特辣阿密辣。僻好異端。祖母恐壞其孫。親自教養。選一才德兼優之保祿爲師。凡敬主愛人之道。治民克己之工。莫不引之導之。父王早世。生有二子。長即聖人。母以子幼。謬操國柄。即禁止聖教。不許聖教之師。教習聖人。朝中有奉教者。俱斥革之。祖母見此大變。痛切於心。力助聖人。歸回治國之權。聖教仍大行如舊。聖人律身惟謹。理政惟勤。愛人之事。不畏人譏笑。屢送貧民之殯。犯死罪者。一二日前。含悲泣下。無關國家大經大法。必釋之。恭敬耶穌聖體。更比眾不同。親自

耕田種麥。磨麪成餅。親手選擇葡萄。取汁成酒。以爲祭品。且親身服事鐸德。舉行彌撒。每日除國政外。惟以祈主訓人。不斷默想爲要務。鄰國國王辣弟斯老舉兵犯境。聖人慮其傷害眾人。不如國王親身對敵。以決勝負。彼卽飛騎突衝聖人。相離不遠。見二神護守聖人左右。明威赫耀。辣弟斯老慌張下馬。跪於聖人前。求寬冒犯動兵之罪。和好如初。惟是乃母乃弟。妬忿日深。聖婦路彌辣蒙主默示。告解領聖體。所有貲財。盡散給於貧人。專心領受致命之榮。果然神工甫畢。特辣阿密辣所差弑姑之人亦到。卽於聖堂中絞死。又借次兒生子之名。延請聖人赴席。以便乘機謀害。滿望此行如意。旣可以滅天主教。又可令次兒爲王。聖人明知母弟之惡。情願爲主致命。先行告解。領聖體。然後赴席。席畢。往主堂跪經。其母催令動手。弟卽拔劍進堂。親弑聖人兩劍。立時氣絕。時

天主降生後九百三十八年。

宜行之德 盡心預備領聖體

聖思 一。重大罪中。無可以比冒領聖體之罪者。別的大罪重罪。是反天主所定之法律。惟冒領之罪。是辱慢天主之本身。輕棄免死救災之寶命。阻塞愛人之路。斷絕施恩滿足之時。還有何罪。可比其大耶。有何大罪。可比其重耶。聖保祿云。冒領聖體者。爲吾主耶穌體血之大罪人。傾其血。踏其身。領自己之審判。一。既無別罪。可比冒領聖體之重大。就該知道亦無別罰。可比此罰之嚴。卽在世而論。現有二罰。一是罰其可見之身。一是罰其不可見之神。聖保祿云。人之久病。人之惡死。多從此罪所招。聖西彼利亞納暨金口聖人。僉曰。世災身患。大約因此而來。由歷聖之言觀之。則可見之罰。不亦彰明較著哉。若不可見之罰。更多。

更狠。今從冒領聖體後而略擬之。明悟必昏。善愛必滅。怙惡必堅。三者。現有惡徒如達斯可証。當時如達斯眼見耶穌聖蹟而不能明。身受耶穌聖愛。稱之爲友而不動。情願罪大惡極。負恩失望而不知悔。非冒領之神罰耶。汝之領聖體何如。世上神形二罰。卽身後永罰之端。汝雖未經永罰之凶。難道不怕世上之罰麼。世罰既來。永罰必難倖免。不該更怕麼。一。冒領聖體之罪。難動天主之仁慈。難沾天主之恩赦。聖保祿曰。耶穌身代犧牲。以息天主聖父在天之義怒。故普世之罪人。皆靠此獻以蒙罪赦。這冒領聖體之人。獲罪於所獻之犧牲。潑其血而毀其祭。竟使罪人失其所靠矣。無中無保。而望熄聖父在天之怒。望得本身罪赦之恩。難矣難矣。所以一人冒領聖體。必告此人於天主。免其攔阻也。關係若此之大。汝爲何甘心冒領。而學如達斯之失望。

當務之求 爲冒領聖體者

祝文 懇祈全能天主。吾敬憶爾聖文思老致命者誕日。賴其轉達。使我剛健於爾名之愛。爲爾子吾主耶穌基利斯督。亞孟。

廿九日 聖爾瑟亞諸侯 聖女德爾斐納童身

警言○財物。名利。平安。不因喜與否而有得失。若真美好。不喜。不能得。不喜。不能失。聖奧斯定

聖傳○聖爾瑟亞。係拂郎濟亞國中諸侯貴族。初生時。一家大慶。母向天主謝禱曰。蒙主賜我此子。還求主恩。使其日日服事天主。若後來必犯重罪。領洗後。求主即收其靈魂。年甫五歲。喜與貧賤之子同食。

手中所有者。即贈之。厚重端方。全無嬉戲。近有修院。院長。卽叔父也。嘗教以格致文章之學。聖人靜默聰明。純良受教。及見致命諸傳。心竊嚮往之。年十歲。父聘名門女。聖德爾斐納。長聖人二歲。德善性成。羣嘉美之。三年後。即行成婚之禮。是夕。聖女向聖人曰。我來爲遵父母之命。今應說明。我已立願守貞。聞汝素有善根。望汝定從我志。聖人明知父母望孫心切。未免躊躇。遂向天主臺前。祈主開其心志。閱十餘日。前往修院。求叔代祈。是年。卽守四十日之大齋。苦帶束腰。以尅慾情。每至皮破血流。聖母升天瞻禮日。領聖體後。天主開其心。頓生喜樂。定志守貞。天主顯示曰。汝自有生以來。未有得罪於我。嗣後尤當加意小心。順聽汝妻之訓。潔身事我。聖人曰。如此弱軀綿力。滿望收斂熱心。恭敬天主。空中有聲明諭曰。能與不能。總汝自爲。惟倚我全能。以守汝之貞潔。從此

以後。聖人雖生如死。不潔之根。全除盡滅。年至二十。爲避世榮。遠離城市。攜諸僕婢。同往郵莊。以救靈魂。自定訓規九則。一。每日老幼男女。必與彌撒。二。出言務須潔淨。若有亂談污語者。立時驅逐。罰其乞食度生。三。每主日。男女必行告解神工。四。家中婦女。每日早晨。必盡事主之功。飯後方許辦理俗務。五。不許隨口發誓。犯者罰守大齋。食惟一餅。飲惟清水。論輕重以定日期。六。不許受賄得錢。犯者重笞做責。七。爾我相交和愛。不許一言侮慢。犯者同人卽勸息之。八。早晚一齊通功。男在一處。女在一處。若不到者。罰行哀矜。九。每日講道時。衆必肅容環聽。此九條乃做戒下人之綱領也。公侯之府。勝於修院。且講道之言。鑽心如矢。發熱如火。聞者止稱其妙。不能形容其妙。近侍之人。尙可守貞者。不覺油然而感發。頓起潔修之願。或自悔己心之不淨。若論聖人克己之工。楮墨

不能盡其萬一。今舉其顯明易見者。每日誦鐸德工課經。默想逾時。通行大齋之外。每主日之瞻禮六。聖誕前四主日。各大瞻禮之前一日。皆守大齋。華服內。必着苦衣。常覺其寤寐在身。每主日。及童貞瞻禮。必領聖體。領後。心樂異常。時向聖女云。再無別樂。可如領聖體之樂也。心中總不離天主。有時通夜默想。如在主前。常獻全心於天主。不肯輕易犯一小過。從不漏洩聖味神工。此皆律身規則。謹守欽遵而不替也。每日養十二窮人。且不俟其求。重貲贈之。訪知甚艱者。更厚贈之。年二十三。父以病終。各莊戶乘機抗逆。聖人以忍耐善良。鎮服其心。不以家主自居。敬其老成。視如長輩。雖當面恣睢冒犯者。亦和容應之。聖女見此輩無禮之至。偶云。汝似沒有肚腸的。何不畧展本分之權。平此眾亂。聖人云。心中也覺難堪。轉想耶穌因救我。受過何等凌辱。我是誰耶。此時天

主開恩。愧心頓發。毒言兇手。正可借此仰報耶穌。怒氣全消。還真心愛之。求主佑之。莊戶中。竟有聞言悔改者。聖人守貞之志。未嘗發願。一日與聖女約。當三人前。同赴聖臺下。自陳曰。吾主耶穌。基利斯督。托賴救我之恩。倚主聖佑。在聖母臺前。諸聖人座前。發願守貞。萬死不違此願。從前曾往過拂郎濟亞國。立願一二年後。又束裝前往。所居郵莊。離拂郎濟亞之都城。約千里。既至。卽患病沉重。蒙主默示終期。遂每日告解。誦耶穌受苦聖經。感天主仁慈無限。片言不及於世俗。領聖體後。忽慌懼曰。毒哉邪魔之能。頃之。復云。吾主耶穌。靠汝苦難之功。壓倒地獄中之兇狼。居無何。怡然長逝。時天主降生後一千三百二十三年。年三十有九。未謝世一二刻前。向眾云。我本大罪人。天主仁慈。賞我升天。皆因我妻之功勩。我妻真真聖女。爲保童貞。勸我潔修。始有今日。及聖人絕

氣後。聖靈卽至本莊。顯容告知聖女曰。我蒙天主大恩。賞升天國矣。聖女心雖哀苦。不顯於容。惟仰求聖人。常在天堂。記我不忘。訃聞。聖女匍匐哭臨。率同僕婢。扶柩歸莊。周圍富家貴族。爭先趨赴。是日。復活死者五人。痊愈半身不遂者甚多。瘖啞能言者。亦有幾人。聖名大顯。嗣後。聖女更加工苦克。惟以救人窘難爲務。因此素封之家。漸成貧乏。計聖人升天後。越四十年。以衰老善終。晚歲。瞻養不周。嘗乞憐於鄰里。終後。眾人共聞空中。天神奏樂。顯蹟亦多。迄今二聖遺軀。長存不朽。顏色如生。人人咸瞻仰之。

宜行之德 盡心本分

聖思 一人肯靈魂肉身。俱有聖德。惟謹隨天主旨而奉行焉。謹守天主誠而不犯焉。肉身必聖於世。靈魂必聖於天。然當知這聖字。係人人

所共有。盡此所有之本分者。莫非聖人。比不得富貴功名。才能學問。此有彼無。非本分中所原有者。今汝之本分何如。奉行主旨否。不犯主誠否。誠恐本分者。不肯盡心。不本分者。不肯不盡心。豈汝情願做凡人。而平安於人。不願做聖人。而平安於天主麼。一人肯自己不昧良心。難道不該盡心本分麼。人雖不說汝之過。難道汝良心也不說麼。這一點良心。不可看得平常。是汝入聖超凡的種子。汝的靈魂肉身。都該聽信良心之勸示。使聖種發生。不該聽信不良心之引誘。而自戕其聖種。汝今何如。既不盡心以行主旨。必然犯誠以虧本分。傲惰貪淫。順情適性者。無不爲之。何良心之有。一爲做聖人。不獨該盡心於自己。還該盡心於別人。別人非他。若親戚。若友朋。若家人。非汝本分中。應該照看之人麼。若彼犯罪而下地獄。或因汝不勸不教。或因汝表樣不端。天主臺

前難免不盡心之罪。倘親友家人中。已經設法勸之。再三教之。而彼反挾仇懷恨。無足爲怪。多因惡人不合善行之故。正汝之榮也。今汝自問何如。可曾受過此榮否。如不曾受過。盡心何在。

當務之求 爲失和睦者

祝文 救吾者天主。聽受吾禱。吾樂爾聖爾瑟亞及童貞聖女德爾斐納。納瞻禮。望以誠心得受訓誨。爲爾子吾主耶穌基利斯督。亞孟。

三十日 聖熱羅尼莫 顯修聖師

警言○審判之念。吾靈之茨鍼也。令戰令懼。聖伯爾納多

聖傳○聖熱羅尼莫。係達而瑪濟亞地方之人。族稱通顯。父母俱以良善聞。生有二子。聖人其一也。幼年專攻文學。稍長。擇居羅瑪。勤求神業。領洗後。日夕不遑。瞻禮日。亦不肯隨眾息遊。如此數年。自知學業可以問世。周流意大里亞所屬之名郡。及拂郎濟亞國厄肋濟亞等處。往朝天主降生之地。密訪隱修。更加精進。魔妬日深。明鎗暗箭。百計攢攻。外像內情。穢淫煽誘。聖人囚身泣血。甚至以石槌胸。臥土滅殮。常想世終公判。四年於茲。魔網盡摧。主恩稠疊。專攻如德亞土音。以備註解天主聖經之用。時暗弟阿幾亞司教保里諾。留入郡城。舉爲鐸德。同朝

教宗。及保里諾事畢辭歸。教宗不准聖人同回。留居羅瑪。翻譯古經。註釋新經。增定大祭禮儀。傳述歷聖舊著之書。聖事神工。黽勉不遑。旣因教宗謝世。始獲辭歸。再往如德亞。潛赴厄日多山內。從游於隱修諸院。若初學然。久而不倦。後居白冷。復創修院。四方來朝聖地者。多就教焉。遠客初臨。必親爲濯足。授餐設榻。教其不知而輔其不及。形神並濟。有異端人。僞辭亂眾。聖人著書明辨。幾被兇殘。幸荷主恩。未遭其害。忽聞勁寇自東而來。鄰國已遭擄掠。聖土士民。皆欲他徙以避其鋒。聖人求主矜全。寇竟別途遠遁。年至八十餘。雖力衰氣弱。而神明凜凜。雖死猶生。歿葬於聖土之淨區。時天主降生後四百二十年。未幾。遷柩於羅瑪都城之聖殿。

宜行之德 新心於審判

聖思 一。聖熱羅尼莫論世俗中。乃大博學士也。惟是明知博學而不爲聖人。則所學皆虛。又明知因博學而爲聖人。則所學皆實。所以不獨全辭世務。抑且全辭世學。更不同者。人人奉爲宿學。而聖人自視。日日皆爲初學。今汝之所學何在。在聖學耶。在世學耶。汝之所學何似。似宿學耶。似初學耶。夫讀書而務肉身之榮。卽聖學亦爲世學。論肉身。雖稱宿學。論靈魂。必曰無學。若讀書而務靈魂之益。卽世學亦成聖學。暫時初學於世。永遠宿學於天。兩途具在。何去何從。惟汝自擇之。 一。聖熱羅尼莫爲再新自己之心。故遠離羅瑪之大名。而潛往白冷僻地。汝欲再新其心。爲何不離犯罪積污之處。而潛往平安淨地耶。昔日元祖亞當在地堂中。竟隨魔誘。後來再祖耶穌。在山持齋。直驅魔試。歷來無數

人。傲而行之。都成聖人。可見僻處。必能易除魔害。今汝舍此不圖。惟圖熱鬧場中。趨炎附勢。而不知貪淫傲怠之邪魔。羣隨於左右。步步不離也。罪污日積。無地再新。悲哉。一。聖熱羅尼莫。既遠離羅瑪。遜世精修。爲何常持卵石。擊胸悔罪。又爲何常想天神。大吹號器。喚人赴審。因聖人明知地淨而心不淨。雖有身外之淨。無能以救此中之不淨。所以痛悔。不遺餘力。未肯少留宿愆。以累我再新之心。公判常在眼前。不敢復招他過。以污我新心之淨。聖人尙然。汝不該如此麼。若汝此時。要赴主前審判。舊罪如山。前功安在。汝將何辭以對。汝能日日將此念頭。三迴九轉。不斷於心。則畏懼自生。改遷必勇。還肯苟且自安。貪圖世樂麼。

當務之求 爲無知幼童

祝文 天主於爾教會。解明諸經。聖熱羅尼莫大聖師。懇爾。賴厥德義。

法行則言。祈爾。賜恩扶佑。誠心克踐。爲我等主耶穌基利斯督亞孟。

聖年廣益  
九月三十日  
聖熱羅尼莫

一一〇三

# 聖年廣益

十月初一日 聖勒彌 主教

警言○行德之路。多茨難行。但有人先入。伐茨開路。聖額我略

聖傳○聖勒彌係拂耶濟亞國之宗聖。論世俗。則簪纓貴胄。論德行。則聖聖相傳。真天上人間之巨族也。聖人之母。聖婦西利亞。先生二子。俱爲主教。俱登聖品。自生二子後。多年不育。已齒暮力衰。一隱修人。奉天主命。明示曰。汝夫婦。天主還賞一子。後爲拂耶濟亞之光。消此國異端之暗。果然聖婦邁年而生聖人。親身乳哺。七八歲讀書起。積學十餘年。博聞廣見。在諸名士上。愛主愛人。大德大善。更覺超羣。故此方主

教謝世。眾心公舉。遂由成例歷陞。即位時。見聖人首上。有光如日。此預顯後來。明威普被之像也。盡心稱職。事事求極。其至形諸外者。於己則默想誦祈。苦身克復。平和良善。不顯怒容。於人則愚者訓之。苦者救之。往往忘己爲人。至於心謙處約。人弗能知者。無德不全。故天主錫以顯蹟之能。最著者。拂耶濟亞國王付洗之奇。真萬世萬方。未聞未有之聖事也。王名格樂類斯。年十五。卽位爲王。時天主降生後四百六十一年。雖在冲齡。用人理國。莫不服從。遇主教鐸德。皆隆禮之。爲精超性學。敬事聖人。更若父師。閱數年。擇配大婚。係波爾公弟亞國王之女。名格樂弟德。原從正教。不允求婚。王竟許其婚配。後卽領聖洗。乃五年未果。適熱爾瑪尼亞國。率兵直入。王迎敵。敗回。正退走之時。有教中大員進諫曰。前爲大婚。許遵聖教。計違此許。已五年矣。臣日夕隱憂。今遭此敗。莫

非天主警覺之恩。王若及今勇決。必蒙主佑。敗敵凱旋。王卽從所奏。如戰勝回朝。必真心信奉耶穌。誓不食言。遂轉兵交戰。敵軍大潰。熱爾瑪尼亞國王。殺於陣前。聖后格樂弟德。聞此捷音。卽差員往請聖人赴都。俟王振旅班師。陳明聖教事理。王以事關國家易俗移風之大政。遂會同在京大臣。辨論邪神之僞妄。惟一天主。爲正爲真。親向軍民勸諭。莫不中心信服。預備付洗之前一日。王率衆大臣。同詣聖伯多祿堂。聖人首明天上地下。惟有一體三位之真主。次明降生救贖。立教訓人。現操賞善罰惡之大權者。惟有聖子耶穌。此外盜名欺世之徒。盡屬邪神。正講道時。堂中陡發大光。從空發聲曰。汝等常愛真主。錫之平和。遍看各人臉上。皆光華如日。王卽伏跪於聖人足下。次早。王乃步行至堂。聖人迎入聖臺前。又明告曰。吾王自今而後。向來尊敬者。棄絕之。向來不

曾尊敬者。欽崇之。從此辨明。必矢心篤守等語。王卽連聲允諾。聖人遂  
聖付洗之水。忽覺臺前。並無聖油。因隨進臣民甚眾。堂不能容。墀下堦  
前。摩肩接踵。雖有備捧聖油之人。擁擠於後。無法前趨。聖人長跪默求。  
忽顯白鴿。口噙聖油。一玻璃瓶。送與聖人手中。聖人歡感無似。付王聖  
洗。卽用此聖油聖之。聖畢。鴿始冲霄而去。是日。王之二姐妹。亦受聖洗。  
公侯大臣領洗者。共三千人。兵民男婦。更不計其數。聖人復傳主恩於  
王曰。王欲國祚綿長。靡有困窮。惟期世世盡心敬主。守主誠規。必然主  
恩特寵。並同國祚而綿長。王若信我所言。現蒙天主加恩於王之手。王  
肯以手撫人瘰癧。其病立痊。併賜王之子孫。繼續爲王者。垂恩弗替。果  
然世世本國之王。一年中。專定一日。預備嚴齋痛告。恭領聖體。患瘰癧  
者。跪叩天主臺前。王以手按其瘡。祝云。天主救汝。國王撫汝。不論何人。

不拘多寡。鮮有弗效者。再天上送來之聖油。敬奉虔收。以聖國王。常用不少。歷久不乾。自當日至今一千二百二十餘年。瓶與油。如先一樣。一係永遠常行之神行。一係永遠常存之聖物。而欽承宣布。聖人獨際其隆。獨當其任。宜乎聖人未生前。隱修人。爲之預示也。王自領洗後。事無大小。皆取決於聖人。迨王謝世升天。聖人仍回本主教處。不久目盲。聖人用以補贖。惟默想誦經而已。天主預示終期。臨期數日前。盲目重明。至期不顯病容。恭詣聖臺。舉行彌撒。至降福後。氣絕而終。年九十有六。生前歿後。奇蹟最多。未能縷述。

宜行之德 真心願做聖人

聖思 一願做聖人。只用三個字。一曰斷。二曰攻。三曰行。何者該斷。罪過是也。罪莫甚於邪魔之誘。斷邪魔。纔可以得天主。罪又甚於五官之

樂斷暫樂。纔可以得永樂。罪更甚於世情之愛。斷世愛。纔可以得聖愛。有一日之真斷。即成一日之真聖。有無終之真斷。即享無終之聖福。汝若不能真斷。該默想天主耶穌在十字架上。甘罹萬苦。備受艱難。爲何緣故。如此救我贖我。不該動心麼。又該想地獄之設。爲何緣故。乃預備此區。凡安享世樂之人。用此酬答耳。今汝恩不知感。仇不肯離。豈向來未知天主從前之救贖。後來之酬答耶。一何者該攻。邪魔之毒害。世俗之牽連。肉身之引誘是也。所以世人。鮮有內外平安者。欲戰勝之。只隨天主意爲平安。忍受仇人。謹防僞友。時存恐懼。如此交鋒。庶幾百戰百勝。若欲管身世之平安。難免引賊入門。與賊爲徒。何攻之有。一何者該行。天主愛人之大事。聖教克己之善功。永遠常生之神業是也。今汝之親友。同信天主否。冷淡愚人。熱心明白否。患難貧人。推恩撫卹否。

無此事功而望常生。難哉。危哉。汝細思之。豈無一事可行耶。行一事。卽得一善。果能從一事一善之微。身體力行。不厭不倦。誰不可爲聖人。稍有進步。難者必易。危者必安。欲不做而不能矣。今汝進步少而退步多者。無他。梗頑之性。氣未消。德行之根基未實也。

當務之求 爲本堂神父

祝文 懇祈全能天主。爾聖勒彌精修主教。每年瞻禮。加吾心虔而體安。爲爾子吾主耶穌基利斯督亞孟。

初二日 聖巴翁 苦修

警言○人靈愈貴於人身。濟靈之功。愈於濟身。聖基所

聖傳○聖巴翁。係拂耶濟亞國侯府之家臣。幼時。父母延師教訓。加意懇勸。受室後。只生一女。敬主愛人。不煩學習。親友咸稱云。必係天神指示者。聖人中心感嘆。即欲避俗離塵。常齋苦克。不顧飢勞。悔罪默工。勝於修士。惟因家室之累。未全所願。及婦早死。明知主命。謹依聖佑。往陳夙願於主教亞蒙多。主教云。果懷此願。先該鬻產濟貧。聖人遵命。即行。行訖。遯入野山。遇一大樹。中空如洞。聖人即棲止焉。渴飲清泉。飢餐草根野菓。後忽被人窺見。驚傳枯樹有人。爭先趨覲。且奉之如聖若翰保弟斯大然。聖人慮有邪魔隱害。乘夜匿入深山。數年苦工。默契於

主。神樂如在天堂。腹不知飢。數枚野菓。可爲竟日之糧。倚賴聖母聖人轉達。惟求如此終身足矣。豈知潛德之光。久而必顯。剪荆棘以從遊者。殆無虛日。聖人見幾而作。遠遯別山小洞。其洞矮不能挺立。窄不獲安眠。甚合聖人之素志。除主教亞蒙多外。無一知者。聖人居此洞中。苦克倍加。靈魂常翕合天主。忘其困睡。寐少寤多。魔妬日深。每設計驚嚇。或震搖洞穴。或放火焚燒。或顯怪形惡獸。聖人賴主仁慈。毫無畏懼。一日寐中。來一天神。晤言遊玩。滿其樂心。嗣後常望升天見主。將近終期。請鐸德領受全禮而逝。時天主降生後六百三十一年。

宜行之德 慎救靈魂

聖思 一人肯生受平安之福。死爲天堂之聖。首該閉目。目閉。則惡念易驅。純心不雜。驕情難起。善德能藏。常覺己非。弗觀人過。明光不在世。

俗而在天堂。益處甚多。此其最著者。何苦自恃目光炯炯。以致生無一日之安。死失上天之路耶。以有限之明。受無窮之暗。何如暗於世而明於天。一。又該閉口。口閉則不談人惡。不出污言。不得罪於人。不誇張自己。益更無窮。此其操總者。何苦自逞口才便捷。以致招是惹非。聖福不及其身耶。講道理。言不怕多。應世情。言不怕少。多言而犯罪。毋寧捫舌如癡。一。還該塞耳。耳塞不聽無益之言。不聞害人之語。穢辭弗入。心淨而安。暴怒弗生。氣和而順。若必以博聞遠聽爲能。恐聞者多虛。聽者多罪。竟不如塞耳而受愚聾之誚。總因生世平安。非關聰慧。天堂永福。不論才能。若肯守口如瞽。守口如瘖。守耳如聾。雖居城市。無異山林。避罪不難。免災亦易。汝今如何。或開或閉。或塞或通。在汝之身。悉由自主。安危禍福。旁人不能強也。

當務之求 爲婦人女子

祝文 天主。以爾聖巴翁每年瞻禮。樂我等。懇祈爾。吾旣慶厥誕日。幸師厥功勳。爲爾子吾主耶穌基利斯督。亞孟。

初三日 聖安多尼各 聖婦亞大納濟亞

夫婦苦修

警言 ○勿獨視道路之苦也。 聖奧斯定

聖傳 ○亞肋尙德里亞府。有聖人安多尼各。聖婦亞大納濟亞。夫婦苦修成聖者。相傳聖人幼年。挾貲營運。及長。娶聖婦爲室。亦富商女。

專務濟貧。生一子一女。子名若望。女名瑪利亞。嗣後即分房守潔。越十二年。子女俱亡。一日。聖婦悲哀倍切。墓前過夜。有致命聖女儒里亞納顯容慰曰。汝子女俱在天堂。享天主之福。不該如此涕泣。只該痛泣已罪。蒙諭回家。求聖人許往修院補贖。向蓄此心。因子女無人願復。未曾言及也。聖人樂就曰。我亦欲從此願。但我二人先該往朝耶穌苦蹟。遂盡放僕人。寄產於岳父。言明我二人歿後。將此濟貧。卽赴協路撒稜。及歸。聖婦住居致命聖人默納斯墓上。聖人獨往厄日多。苦修聖達尼爾前。陳明夫婦潔修之志。併懇容留。聖達尼爾曰。此意有天主命。當行權以合經。我與字爲憑。攜婦同來。婦改男粧。分院苦修。如此十二年。守規克己。軼眾超羣。旣而兩人不約而同。再往協路撒稜。途間相遇。聖婦尙識聖人。聖人竟不識聖婦。因面容枯槁。只認爲同志苦修人而已。合伴

往回。各守修規。默無一語。將歸本府。聖婦致詞於聖人云。離境匪遙。可覓洞。爲吾二人藏修。聖人請命於聖達尼爾而行。二聖照規勉力。緘口不出一言。惟聖達尼爾常往聖默納斯墓上。路經二聖之居。勉其爭先積德。一日。從墓而回。見聖婦病重淚流。慰云。今係汝升天之時。爲何悲哭。回云。哭非爲我。惟爲我夫耳。今留字枕下。我死。求付我夫。言畢。請領聖體終油。謝世升天。聖達尼爾看明遺字。知聖人不識聖婦。又十二年。豈特從來不露於形色。猶慮偶然窺破。時時求主矜全。一時苦修人。咸感謝主恩。敬之慕之。聖婦葬訖。聖人亦成病體。數日。奄然長逝。

宜行之德 小心天路

聖思 一聖經明言天堂之路。窄小難行。汝不該恐懼修省麼。昔人又言。下地獄之人。多於雨點。汝不怕將來在雨點內麼。汝之小心。可比聖

安多尼各否。聖人知窄路可到天堂。往苦修處覓之。知肉情私愛。走地獄之大路寬途。畏之避之。汝若怕沾地獄。想到天堂。爲何不畏避。不苦修。聖達味云。畏主者得真福。蓋因畏必小心。小心而犯大罪者。未之有也。一。耶穌有言。人多喜行大路。不肯甘行窄路。今請汝自省。喜行者。非大路耶。明係不端之風俗。代爲支飾。以便順從。明係害人之財色。愛情難割。口是心非。汝肯克除。爲何不肯受苦。行人遇有窄路。必下馬捨車。側身俯首。加意小心。天路既知窄小。反敢放心大膽而行麼。一。強行窄路雖難。肯遵三語。卽變難爲易。一。該想汝祖汝師。乃耶穌也。爲登自己之天堂。尙走三十三年未有之窄路。今汝有罪無功。想望耶穌之天堂。而不肯走耶穌萬萬里中一步一跬之窄路。有是理乎。二。該想耶穌所收弟子。卽歷代升天之聖也。今諸聖行踪。彰彰可考。汝欲升天。而

不走在先弟子之路。有是事乎。三。該想走此窄路。不過一二十年。三四十年。不比地獄永遠之苦。將此轉眼就完之艱窘。兌換永遠天堂之福樂。還喫虧麼。聖奧斯定云。天主之命。不賞甚難。允賞甚重。如此利益。還嫌窄路難行麼。汝果願行難行之窄路。必然可得難得之天堂。過去現在未來之人。從無捨此窄路而可升天堂者。切弗自寬自悞。

當務之求 爲妄想天堂者

祝文 天主。以爾聖安多尼各。聖婦亞大納濟亞。每年瞻禮。樂我等懇祈爾。吾既慶厥誕日。幸師厥功勩。爲爾子吾主耶穌基利斯督。亞孟。

初四日聖方濟各五傷 苦修

警言○苦克之大禮。人獻。天主定受。聖額我略

聖傳○聖方濟各係意大利亞國人。母產甚危。聞門有乞人。命僕厚贈之。彼云。汝主母。產子甚難。須速出上房。徙居廐下。從之即產。此預顯其卑約也。父專貨殖。聖人小學未成。命熟習之。雖遵父命。實非本意。自幼樂施。可以濟急之物。從無吝惜。或事忙貽悞。必追補之。弗令失望也。其時未涉修途。若有頌美者。斥爲諛詔焉。旣因篤疾。方留心德業。一日。路逢裸者。分所服以衣之。是夜。耶穌親示以華屋中武備。令隨心自取。聖人悞爲世務。主復解明。令具神兵聖勇。克己除魔。庶將來可化民善俗。從此修志始堅。路見一麻瘋人。穢惡不堪。策馬遠颺。俄而悔甚。步

回手撫貼面沾唇。以昭親愛。甫別即無。論者謂主命天神托形試勉也。且耶穌曾顯苦像勉勵之。故聖人喜居卑約。不畏苦勞。陋食敗衣。惟求賤辱。常與乞人爲伍。適往舊堂。跪伏苦像前。忽有聲呼名諭曰。何不葺我堂宇。聖人聞命趨歸。私聚多金。運送本堂。長者不受。勉強存留。父知之。欲索金重責。聖人潛匿於郊。既而入市。破服槁容。人笑爲狂。父益怒甚。拿回鞭扑。復送官究逐。聖人初無一語。末云。父不以我爲子。我有天主爲父。官甚嘉之。希圖留養。聖人趨走山林。被強人盤詰。回云。吾奉上主之差。傳諭福音。眾賊視爲瘋人。擲之深坑而去。聖人就近往投修院。甘爲賤役。天主錫以大能。立除百病。道旁一人。患瘡求救。聖人洗其臭腐。吮其膿血。善言慰之。卽時痊愈。聖人既定精修之基。仍回本鄉行乞。常施明訓。人皆傾服。凡圯敗之堂。俱鼓舞整修。自居城外聖母堂。引同

志十二人。交相砥礪。用力既深。爲時亦久。乃擇地分行。兩人同往一處。聖人留守如故。閱數年。欲與諸友一晤。皆不約而遠歸。各述殊方被化之情形。聖人感恩深切。集定修規。親賚羅瑪。上主默喻教宗。知諸士德修超越。悉如所請而歸。仍同諸友。別尋陋室以居。恍如初學。爭先於苦難。一病篤危垂者。聖人將殿上燈油。和熟麪少許。遣二友送服。危病立痊。此人感甚。受業以終。來學者更多。所定修規。主命聖人。再加考訂。特同二友。入山靜候。蒙主默喻。出於聖人之口。入於二友之筆。錄完。共聞主聲。三呼聖名。諭云。維諸典訓。命由於予。匪汝之謀。成汝之績。咸宜篤奉。毋墮毋違。嗣後聖人。常舉此勸懲焉。其苦身之工。有難殫述者。非病不設美餚。酒席自陪凉水。平時菲食。猶以塵埃減味。食後。只飲清泉一勺。盛暑不增。寤多寐少。弗憊極。弗睡也。席地枕磚。並無被褥。或言難以

禦寒。回云。心熱可禦外寒。身煖恐爲魔穴。有以過苦傷生勸阻。回云。兩害不能並免。權其輕重。冒暫苦以獲永安。義也。亦智也。猶憶從前初學時。屢遭淫誘。往往裸身雪內。滅其炎威。甚至搏雪爲丸。搜其大者爲妻。抱其小者爲子。曰。可能畜養否。何不潔身事主。而多生穢念耶。如此嚴絕。故終身以對視女人爲戒。嘗云。盛德之男女。一如水清。一如土淨。本來皆美。相合必爲爛泥矣。論其謙德。自賤自卑。忍羞忍謗。俱極其至。然他聖多相似者。聖人獨覓能言舌辨之兩人。令揭其短。正容叱辱。日以爲常。聖人且感且謝。聞有譽言。深自省察。恐見棄於主。報以浮名。舉此大端。可知其謙。超越尋常也。相傳一友。主賜神目。見天堂一寶座。在羣神之上。聞有聲曰。設此以酬方濟各之謙。一友請聖人自忖。回云。吾乃眾罪人中之大罪人。友云。奸盜詐僞。毫無干犯。何以云然。回云。天主賜

我之恩。加諸盜賊。其悔遷必百倍於我。倘我不蒙主教護。其凶惡更甚於強徒。可知大謙之高座。莫能比肩也。論其愛貧。甚於人之愛名利。一見窮苦人。悔已弗如。常將緊用之物贈人。有友送美衣一襲。即轉賙貧乏。且不居其德。歸功於友焉。聞有遠國。久蔽於邪。聖人間關前往。國君雖加敬禮。道不能行。憮然而返。主鑒其德業日新。益加寵福。不獨通曉未來。知人隱密。且一命而魔患即除。一言而形神無恙。蟲鳥皆聽命如靈。今畧述之。路遇富翁。請歸就膳。聖人執手告云。翁之終期。即係今日。速宜悔解。以備善終。彼即奉行。甫完遂歿。一病人求救。聖人責其怙惡冒求。病人驚惶誓改。聖人手畫十字。口祈主赦。其病立痊。復諭云。舊惡不除。罰刑必至。後果死於火。一日。途中見羣鳥齊鳴。語友云。此鳥以聲謝主。宜取法焉。同入鳥羣。誦經伏叩。嫌其聒耳。叱止之。鳥皆靜伏。誦畢。

鳥仍和鳴。若慶賀然。又一日。樹上蟬鳴。聖人招之。即至。揮之。即去。又一日。在堂講道。樑燕齊鳴。聖人叱之。即止。聖人病日。醫欲炙之。聖人指火。囑云。毋恃炎威傷我。及炙。若不知者。聖人病中甚弱。此間覓酒最難。令人取水一瓶。置之臥側。盡完十字。即成美酒。只飲一盃。病愈身強。修規禁聞音樂。故聖人有懷。即退。是夕。主遣天神奏樂慰之。城內多人爭競。望見羣魔煽惑。差友往逐。魔散怒平。至於瞽聾癱啞之痊。不可勝紀。即服御之衣裳器皿。皆可祛魔免患。去世二年前。耶穌以五傷傳留於聖人之肋旁手足。通其苦痛。聖人忍痛異常。感恩無似。惟因克己甚嚴。形容日憊。迨終期已近。先告知眾友。及期。門徒羣集。聖人叮嚀勸戒。自解表衣。併除衾蓋。擲之於地。曰。毋以此累我。甘貧本願。仰天而逝。年四十五。時天主降生後一千二百二十六年。郡中掌教。閉戶在房。聖人往

別曰。我今謝世升天矣。遠方一徒。患病失音。忽大呼吾師俟我。旁人問之。回云。不見聖師升天麼。卽氣絕而終。聖人升天後。奉葬聖屍於城中聖殿。香花載道。閱四年。另建新堂供奉。越六十餘年。教宗仰慕親臨。乘夜進堂入墓。見聖屍昂首凝眸。端然竦立。形色如生。毫無塵朽損傷。親開其手足胸襟。五傷之痕。炳若日星。卽伏叩求恩。無任歡感。陪侍大臣五員。以幸遇爲慶。

宜行之德 克己

聖思 一。聖方濟各離棄家財世福。專事天主。故身內身外無時不尅。無物不尅。汝若肯事天主。舍此並無捷徑。倘欲一面事主。一面事世。萬不能兩全。該打算那一件可滿足汝心。就該下手。 一。聖人一生所願者。皆天主之願。故有願卽成。今汝不肯一日一時。隨主之願。反要天主

常常滿汝之願。有是理乎。天主至公。毫無偏向。果做到聖人的工夫。何求不得。一。聖人愛主特深。主亦愛之。變其身爲耶穌之像。榮以五傷。汝雖不敢望此大恩。若能苦身克己。常隨耶穌於十字架。汝之死肉身。死靈魂。必更生之。且永生之。與聖人五傷大同小異耳。如此光榮。爲何獨讓聖人。

當務之求 爲甘心受苦者

祝文 天主。因聖方濟各功勳。以新眾子。廣爾教會。祈俾吾師其行者。輕世物而獲天上之恩賜恒樂。爲爾子耶穌基利斯督。亞孟。

初五日聖罷爾齊篤 顯修致命

警言○若有人。乃稱狂誕。必負地獄刑罰。 聖經

聖傳○聖罷爾齊篤。係羅瑪巨家。甫七歲。父母送於聖本篤門下。年雖幼。其順命謙恭。守規忍苦。早顯後來聖德之美基。一日。河中取水。被溺。聖本篤在室默知。亟命聖貌祿往援。貌祿步行水面救回。聖人云。我竟不知。但覺頭面上。有吾師衣服覆護之狀。年未二十歲。聖本篤命往西細里亞島立院。遣多納多俄爾弟亞諾同行。途中顯蹟甚多。瘖啞能言者七人。內有一胎啞胎聾者。其開瞽起癱。立除痼疾。不可勝數。至島立院。奉聖若翰保弟斯大爲主保。守規者三十餘人。待人雖恕。處己甚嚴。常守大齋。飲惟清水。有時七日內。微食三餐而已。不離苦服。夜無

熟寐。坐臥不過片時。言無虛發。開口必因講勸。一生良善。從無暴慢怒容。見貧病人。必設法救濟之。所以人人傾慕也。一次衆將病人。聚齊一處。求救於聖人。聖人舉手畫一聖號。諸病俱痊。迨四年後。弟兄二人。一名歐弟覺。一名未多利訥。聞聖人大德之名。特偕老姐。同來晉謁。皆滿心悅服。時聖人默知主恩不遠。更喜諸人均在致命之列。未幾。海賊瑪弩加駕船百艘。赴島橫行。奉摩羅格邪祖爲神。聖人與衆修士。及新到之二昆仲。併其老姐。俱被拘拿。惟俄利亞諾子身潛遁。羣賊將多納多先斬示威。餘俱解送賊首瑪弩加。賊首命拜邪神。聖人等同云。萬死不背耶穌。遂囚入暗監再議。因風大難行。島內全遭搶劫。殺戮甚多。瑪弩加見聖人等。不肯拜彼所奉之神。縛足倒懸。重撻血流。至晚收監。次日。仍如前法。聖人勸衆甘心樂受。好升天堂。賊惡其言。落齒斷舌。使喉音

難發。豈知聖人仍娓娓而談。勸眾如初。賊見諸刑無益。立命斬之。年二十四歲。同拿諸人。一併斬於市。時天主降生後五百四十一年。

### 宜行之德 無妄證

聖思 一。妄證之罪。天主最怒者。經云。誑誕之人。必負地獄無窮之刑。罰。明訓昭昭。不小心畏懼麼。壞人名聲。片言威於利刃。當知人在世間。內榮莫如聖寵。外榮莫如名聲。苟富貴而招尤。寧賤貧而多譽。但易於毀敗。難於補贖。善乎聖熱羅尼莫之言。只該倍責自己之行。不該亂管他人之事。不可亂談與汝無涉之人。 一。妄證之害有五。揚彼惡於人前。無實據爲有據。滅人美善。加人過失。敗入之心德。五有其一。最難挽回。汝曾想過麼。別人如此待你。可喜歡否。若不喜歡。汝爲何常如此待人。 一。肯改此妄證之罪。惟有偶犯。卽時補贖。雖難猶易。稍遲必難而

又難。日久。定不得一人傳兩。兩人傳三。彼之受害無窮。汝之難者。變爲不能矣。請汝熟計之。生前既畏其難。死後之難。反不畏耶。生前可補不補。死後不可補而不能不補。汝將何法脫逃耶。與其難於死後。寧難於生前。與其死後脫逃無法。寧在世犯而速補也。設有人妄證汝。汝該安心忍耐。和氣消除。忍耐之法有二。或想耶穌當日。多人妄證。默不一言。我反不該忍受麼。或想我身罪惡。視彼妄證者。更大更多。彼惟造此輕小之事。證我。情罪又不真確。反不該忍耐麼。消除之法有三。聞人妄證。或自居督率之責。應直言明解其非。若此妄證人。不便直言者。或以別端妙論。委曲婉言。使自悟其非。倘二法俱不可行。惟有如噴如聾。付之不覩不聞而已。聖熱羅尼莫曰。沒人聽見。沒人妄證。旨哉聖人之言。無有出其右者。

當務之求 爲受妄證者

祝文 懇祈全能天主。吾敬憶爾聖罷爾齊篤致命者誕日。賴其轉達。使吾剛健於爾名之愛。爲爾子吾主耶穌基利斯督。亞孟。

初六日 聖布路諾 隱修

警言○天主靜默。甚美甚福。人但有淨意。即淨心也。天主許之。

聖伯爾納多

聖傳○聖布路諾。係熱爾瑪尼亞國郭羅尼亞府人。家世尊榮。二親盛德。聖人幼儀端重。即如成人。及長。課讀於拂郎濟亞之都城。數年。眾咸欽其鴻博。請居公學。講格物之理。又數年。定志精修。未能奮勇。有

友賴孟多素稱才德。歿後。將殮。眾皆誦祈。聖人亦與焉。念至審判時來。應之句。屍忽昂首云。如今魔鬼告我於天主臺前。眾皆停誦。次日。如前誦禱。念至此句。屍復大聲曰。如今天主審判我。眾共駭然。第三日。觀者更多。仍誦禱如前。念至此句。屍卽喊云。天主嚴刑公義。罰我於永苦矣。聖人目擊心驚。深懼僞容貽悞。變產濟貧。矢心聖業。約同六友。內二人。與額辣西亞諾波里府主教聖護我相識。遂一齊往謁。求山內苦修。七友未到之前夕。主教明見天主光榮中。立一大堂。在寬大深山內。七星前導。光明大於天上之星。尋思未解。闈人報七客遠臨。主教默知主命。晤後。聖人陳明來意。主教云。天主大恩。昨夜賜我預知汝等之行。仍曠野深山。從無人跡。又無出產。冬月苦寒。更難度日。聖人云。我等求者。正此極野極苦之區。主教遂定於天主降生後一千八十四年。聖若翰保

弟斯大瞻禮日。引入山中。聖人即立一敬主之處。旁編篷室數間。如古  
隱蹟山人。聖人在同侶中。若太陽之於眾星。以艱苦。以謙卑。以克己。以  
熱心。以仁愛。爲率領。奉主教聖護。我爲本神父。如此數年。艱難困苦。言  
語不能形容者。食只草蔬。寢無熟寐。即重病衰年。弗開此戒。晝夜俱苦  
服。終年不一言。一日之中。大半誦經默想。餘工稍養肉身計。教化皇第  
二位阿爾巴諾。少年。曾讀書聖人學內。傳赴羅瑪。派居議事崇班。勉承  
尊位。心甚不安。屢乞還山。不得已。准其就道。眾復公舉。授爲某處主教。  
固辭獲免。聞教化皇將巡拂郎濟亞。欲留爲扈從。聖人慮途中復授主  
教。乘命未宣。速招數友。遜入意大里亞之深山。更比前規嚴密。克己治  
身之苦。超越尋常。忘形樂性之工。如離世而居天國者。舊山六友。親來  
一人。求將修規。補增鑒定。工甫竣。友即辭回。未幾。聖人棄世升天。時天

主降生後一千一百一年。

宜行之德 愛居僻靜

聖思 一。世俗係靈魂之大仇。惟僻處。可免墮此仇。如聖布路諾山居最妥。汝在世俗。不能居山避靜。難道不能退仇避罪麼。閉戶卽深山。離人便僻靜。豈一日內。竟無閉戶離人之數刻麼。晝或不能。夜來睡覺時。還不做靜麼。倘乘此料理靈魂。何地非山。何人非聖。一。自己之身。更害自己。聖人爲除此害。不能離身忘己。竟能克己賤身。嚴齋寤禱挫磨之。茨帶棘衣警策之。不使一毫放縱。汝在世俗。犯罪甚多。不比山居之少牽累。俗務甚多。不比僻處之免煩囂。還不該苦中尋苦。用此賤身之法麼。所以善學聖人者。專師其意。不師其迹。一。魔鬼之仇。更好更惡。聖人爲退此仇。醒而少睡。默而不言。靜思俱是真功。轉念不離天主。享

者聖味。居者天堂。魔竟鑽營無隙。奸惡難施。旣然外寇不生。所以聖德神工。安而行之。不加勉強也。汝在世俗。熟寐致昏。多言招失。享毒鳩之味。居仇敵之區。不用魔奸。自投羅網。還不該效法聖人之靜思轉念麼。與其畏魔而受魔殃。何如畏主而蒙主愛。蓋畏主者。魔必畏之。非畏汝也。畏汝之誠心畏主。片刻不離也。有爲者亦若是。不應使聖人專美於前。

### 當務之求 爲苦修者

祝文 懇祈全能天主。因爾聖布路諾爲我等之主保。施垂恩佑。但我多能獲罪。無能立功。今惟賴聖人大勳。扶我佑我。俾得重罪之赦。可獲天堂之福。爲我等主基利斯督亞孟。

初七日 聖瑟爾阿 聖罷各 致命

警言○無急營營云。何食何衣。斯皆弗識天主人者之急營。聖經

聖傳○羅瑪總王之二臣。一聖瑟爾阿。一聖罷各。皆欽崇正教。因

總王往西里亞國。定祭邪神。嚴命各官齊赴。及祭。並無二聖。事完傳聞。回云。無靈土木。假借前人名姓。我等遵奉天主。不容拜此邪神。總王大怒。革職穿婦人衣。加鐵項圈。牽繩遊市。數日後。王以甜言勸諭。許以大官大俸。二聖不從。交付二聖之屬官審究。此官殘酷性成。先引誘之。計窮無益。將聖罷各重笞至死。是晚。聖罷各親至聖瑟爾阿之前。明告曰。我已升天享福。汝其堅志以終。次日。官以懼死貪生。人之常情。初用好言。繼施惡法。聖人恬然自得。官見其寧死不回。即命斬首立決。

宜行之德 輕財

聖思 一。吾主耶穌常言有財之人。難救靈魂。煌煌主訓。汝心有何疑惑。既然信而不疑。爲何現在之財。稍有損傷。勝於割本身之肉。未來之財。有縫可鑽。不顧生命以謀之。得了千錢。還想萬錢。豈汝之信主。口信而心不信耶。吾主自天降世。立表勸人。引走上升之路。不徒以空言設教也。所生之地。山野馬棚。所居之室。土堦茅茨。所選之門人。邨夫漁戶。其行如此。其言如此。今汝空空聞主之言。不肯盡心學主之行。可爲信主麼。一。爲何富於財者。難以爲聖。一因財貨引人犯罪。勝於硝硫引火。些須沾染。卽至烈燄烘天。勢難遏滅。一因人心只此分量。財貨已滿其心。無地可容德行。所以聖人有言。世俗之財。乃萬惡罪人之根。根愈茂。惡愈多。又爲萬德善人之病。病愈增。德愈減。旣知如此。汝爲何不肯

輕財。而留此罪根惡病。一若如此而論。難道那多財巨富之人。竟不能升天麼。回云。果然以財爲主者。必不以天主爲主。財主之福堂。不在天而在世。天主之福堂。不在世而在天。彼旣享用財主之福。有何顏面。得享天主之福。惟有一種以財爲僕。處富若貧者。雖然巨富。富於身而不富於心。雖說多財。財爲我用。我不爲財用。何以富我之心。天堂永遠之財是也。何故財爲我用。將此易朽之財。救窮救苦。立德立功。買我不朽之財。享福享榮。常生常樂是也。毒藥亦可活人。只看汝之用法何如耳。

當務之求 爲富於財者

祝文 天主爾賜我等。敬憶爾聖致命者。聖瑟爾阿聖罷各誕日。望爾彼居榮福之域。使吾偕樂。爲爾子耶穌基利斯督亞孟。

初八日聖婦彼里日大立會精修

警言○世苦真福之質當也。聖額我略

聖傳○聖婦彼里日大係思物濟亞國宗室之女。父名比里母名西禮俱有盛德。聖婦在孕時。急於渡海。船壞人危。其母幸而獲免。夜夢一冠服尊人。示曰。因汝孕大德之女。故脫汝於波濤。及產。近鄰修士於夜中空際。見一美女。身發異光。同於朗日。手持書卷。足繞綵雲。高聲揚頌曰。西禮所生之女。懿徽永顯於萬方。生後如暗。三年失語。出語驚人。母親早世。寄養於姑。年甫七齡。心志卓然。默想誦經。寡言輕世。儼若成人。相傳耶穌聖母。曾親戴花冠於首。攜之天上。十歲後。偶聞耶穌五傷來歷。感切於衷。是夕。耶穌現新受艱難之狀。示云。不感我恩。不認我名。

者。皆加我之傷也。從此熱心更甚。魔嘗惑以醜形。因苦像在前。不能爲害。魔云。若無此受苦者。誰能脫爾於我手。嗣後竟寂然。及笄。擇配於懿親。娶後。各守潔一年。始成夫婦。女紅家政之外。首務嚴修。誦經省察。克己訓人。晝夜有一定之時。並無虛度。扶危舍旅。療病濟窮等。必滿其期望。禮賢敬士。款待尤隆。惟自身衣食。菲惡不堪。每言厚味美衣。最難德盛道明也。連生子女。蒙聖母仁慈。免遭產難。夫病垂危。又代求獲愈。因此同感大恩。各願精修。其夫竟往修士院。聖婦將財產濟窮。入修女院。謝絕親朋。潛居密室。口不輕言。耳無妄聽。尅身苦體。正志斷情。耶穌受難。併各瞻禮六。溶蠟以淋肩臂。飲苦草之汁。使此身不忘吾主之救贖也。衣則麻索棧衫。惟求蔽體。臥則席壞枕石。寒暑單衾。主恩日甚。嘗蒙眷顧。明示未傳之始末。遍瞻羅瑪名聖之踪。復往如德亞朝拜耶穌聖

母諸宗徒之蹟。著書垂訓焉。回都病瘥一年。耶穌臨慰。知終期在邇。預備善終。欣然長逝。時天主降生後一千二百七十二年。殯殮未完。有求必應。警聾啞。篤病將危者立愈。復活已死者十餘人。本國爭奉聖屍而歸。西都存有聖婦裏衣一襲。能除產難。所著修規。列居名會之一。數百年來。會士多盛德之人。足見學師道統。不可以巾幗論也。

### 宜行之德 苦己

聖思 一。欲免重罪。必該苦己以斷罪根。欲得罪根。從所犯之罪究之。無有不得者。此命出自聖經。非平常人之言。經云。若眼與手。害汝犯罪。當斷手剜目。由此推之。不拘何等親愛者。既致汝於罪。不該斷絕麼。且內斷勝於外斷。心斷易於身斷。汝難斷有形之斷。亦不能斷無形之斷麼。 一。斷犯罪之事情。有罪之好惡。生罪之地方。引罪之人物。不過免

于重罪。若圖立德立功。還該斷可行之俗事。無害之喜歡。安閒之樂土。不損不益之人物。如此之斷。更得主恩。但於身最苦。然當知此苦。並非白受。可抵汝罪罰之苦。蓋些須世苦。能免身後許多煉苦。為主致命。一死。直升天堂。汝果時刻為主苦身。將來應罰之罪苦。必蒙末減。所以愛己者。常思苦己。今汝不能斷犯罪之根。何能斷無罪之樂。苦未到身。害必隨之。愛心何在。一肯隨耶穌苦己者。與耶穌相似。夫以至卑至賤之身。竟與至尊至貴之耶穌相似。愛己者。還不該苦己麼。縱汝不愛自己之卑賤。難道不愛耶穌之尊貴麼。今汝心何嘗不愛耶穌尊貴之光榮。然只知光榮可愛。不知苦難當隨。無論情理難容。假令天主恩光。賞爾榮福。有何面目。仰見耶穌。聖文多辣云。我見耶穌。不忍我身無苦。汝竟忍心耶。如其弗忍。此身現在。何不汲汲圖之。

當務之求 爲迷於世樂者

祝文 吾主天主。因聖子。默啟聖婦彼里日大天上之密事。我等賴其轉達。俾能明徹上天之榮福。可獲永遠之懽欣。爲我等主耶穌基利斯督亞孟。

初九日 聖弟阿尼恤 主教致命

警言 ○汝等雖智。宜甘忍不智者。或擄汝等。或吝。或取。或傲。或掌汝面。宜忍也。 聖經

聖傳 ○聖弟阿尼恤。係額肋濟亞國亞德納都城之世胄。本國素有文名。聖人尤精天象。年二十五。旅居厄日多國。值春分之望。仰見太

陽自午至申。全體失光。聖人驚異曰。非天地將終之變。卽造物大主受難之徵。越數年。倦遊還國。洊歷清華。聖保祿宗徒傳教至都。言及耶穌受難。地震天昏之慘。與前所見合符。聖人遂信從領洗。棄職同修。力學三年。德光大著。卽陞本都主教。時聖母瑪利亞尙居如德亞國。聖人挈伴往朝。親聆懿訓。出語人曰。我若不知天上有造世救世之主。必以聖母爲主矣。依戀情深。延至數月。勉強辭歸。及聖母升天。聖人與諸聖徒同聽遺言。同襄殯葬。竟不知此身何由而至也。歸後。聞羅瑪教宗格肋孟德盛名。舉補彼略。署理亞德納教務。親往晉謁。教宗留京輔政。後同厄留德略呂斯弟各前往拂郎濟亞國罷里斯傳教。三四年間。俗善風清。異端辭窮理屈。聚黨強拿。仰見聖容。異光遠射。束手鳴官。官將聖人併同行二友。公堂拘訊。聖人分割正邪。不應迷於外貌。若以天象之照

臨爲正主。是何異以莊嚴之寶座爲君王。官雖捫舌無言。而恨聲切齒。笞以毒杖。炙以鐵牀。容色怡然。投於野獸之牢。獸皆馴伏。聖人足下。置之烈火窖中。火失其威。毫無傷損。釘懸十字架。久困猶生。官法已窮。仍收於獄。獄中多友。交相勸慰。正祭時。耶穌顯容宣諭。以堅眾志。官想諸刑旣遍。惟有斬決而已。刑役將聖人等重撻。周身皮破血流。出城受斬。時聖人年一百十歲。斬訖。挺立如生。自復提首直趨。共聞空中音樂。前迎後送。行十餘里。遇一賢婦在門。以首與之。始倒臥於地。眾初驚遁。繼復蜂擁追隨。大半歸誠悔罪。聖首聖身合葬於僻壤。越數年。教化大行。遷奉新堂。未幾。以聖人首開茲土。歷受多艱。另建一堂。以藏聖墓。設官監視。新君即位。必先敬禮之。生平著述。深奧超羣。拂郎濟亞國王。得其原本。敬貯墓前。教宗德望道經聖墓。患疾將危。聖人顯容撫之。立愈。教

宗又擇地建堂。召聖人本國數修士。居於廡下。用昭頂感頌揚之意。規模宏遠。世傳弗替焉。

### 宜行之德 智德

聖思 一。聖雅各伯曰。世間用智。或身。或家。或魔。此三者而已。在魔。尊也。傲也。在家。貪也。吝也。在身。淫也。佚也。今汝智。用在何處。誠恐千百其途。無非圖貴顯。謀貨財。求佚樂。不出三者之外。然往往使盡機關。終不免身家盡入於魔。聰明反被聰明悞。何智之有。 一。天上之智不然。輕者富。重者貧。因我赤身入世。必赤身去世也。棄者貴。守者賤。因傀儡場中。沒有幾時體面也。惡者佚樂。愛者艱難。因吾主耶穌自生至死。都在苦中度日。不曾沾染一毫世樂也。汝若不肯枉費聰明。亟當效法耶穌。獨除世俗。謀求永遠之安富尊榮。纔可謂之真智。 一。汝肯常隨真智

否。以假賤而得真誠之貴。以暫貧而得無窮之富。以易受之艱難。而得永遠之樂。智耶。愚耶。明其爲智而以智求之。即因真智而得真福。明其爲智而不以智求之。必因真愚而得永禍。是故知而不行。智自智。德自德。與汝無干。且更甚於本來之愚。今請汝中夜自思。可曾有一兩件事。情或一兩日工夫。行過所知之智德否。已行不該中止。未行即應自新。不如此。還望升天麼。

當務之求 爲不智者

祝文 天主。以爾聖弟阿尼恤堅固之心。得邀致命之光。聖厄留德畧聖呂斯弟各作侶同行。共勸聖治。顯揚在天大父之尊榮。宜乎躬逢爲義之昌期。我等罪裔。倍深瞻仰。懇求賜我聖愛之火。輕棄今世之虛榮。不畏艱難之疊至。爲我等主基利斯督。亞孟。

初十日 聖方濟各玻爾日亞 精修

警言○不小心教訓兒女家屬靈魂。其罪與叛教之罪同。弗如在

外教者。聖保祿

聖傳○聖方濟各玻爾日亞乃以西巴尼亞國世襲封藩之君長。族名玻爾日亞。居康弟亞。父若望母若望納。係國王甥女。二親賢智絕倫。聖人在襁褓中。惟聞聖教常說之善言。五歲能誦經文。家傳每月各人奉一前聖為主保。聖人於主保瞻禮先一日。饜二貧人。表敬耶穌四肢。後聖人爲總統。通行主保單。迄今皆取法焉。七歲從師誦讀。另有教習禮儀者。但其志不向人國而向天國。父嘗嘉之。十歲母薨。哀慟苦工。人弗及也。時舅父爲大司教。父命遠遊就學。舅父久留教育。聖人嘆所

修惟外形耳。一日。讀熱羅尼莫書。至耶穌受難。世終公判。卽有遯世潔  
修之志。越數年。別去舅父。往祖母之母家。留居更切。奈大病半年。更遭  
地震。帳房野處。聖人勤領神糧。離塵愈切。年十七。父因儀容俊偉。才品  
端方。令進京入覲。蒙賜殊恩。授以宿衛。配以巨家淑女。另錫土田。地名  
隆排。封以貴爵。不專候世職。聞其善獵。命扈蹕行圍。聖人以縱情取樂  
爲嫌。獲禽之喜。垂首避之。年二十五。隨駕親征。智勇非常。凱旋後。病熱  
如火。聖人云。此令我毋忘煉獄也。以後代贖煉靈。獻儀必加倍焉。聖人  
索性不看閒書。教中經籍。亦少留神。病中令旁人誦書消遣。聞聖保祿  
宗徒經典。有感於懷。愈後。始撥冗閱書。以資神益。未幾。又奉命督兵。一  
帥受傷甚重。親往囑曰。死期已至。宜思身後久常。彼始悔悟。告解而終。  
聖人目擊心傷。愈思肥遯。及振旅還朝。又經營國后之喪。私念尊貴妙

年忽成異物。世間名位。何益於人。遂向主伏叩曰。主誠無始無終之天主也。嗣後不願從事於暫而不久之世主矣。已去之年。俱如死日。惟此一刻。吾再生之辰。即以親老乞歸。王不俟奏畢。諭云。噶達老尼亞地處衝繁。爾代予以治。另賜撒辣各思城賦稅。固辭不允。按臨數月。豪強斂跡。匪類潛消。築城禦敵。城稱聖人名。今尙屹然。往來兵馬。爲民害者。罪嚴專轄之員。聽訟隨時。不煩羈候。糴糧海外。預備賑荒。延醫葺院。以濟貧。修學選師。以訓士。人人俱感天主特賜之恩。而國家寵眷。有加靡已也。惟是再生之念。久暫之分。銘刻不忘。日誦玫瑰經十五端。默想八刻。大齋只用饅頭蔬水。平時亦止一餐。偶逢讌集。餽饌未曾入口。同座多弗知也。歷官三載。大覲屆期。禮畢。內廷顧問。面奏遜懷。回任後。神工日

服。後遇耶穌會。必輔助之。又四年。聞父訃音。致仕而歸。治喪事竣。整理家國之規。無用舊人。併異鄉流落者。概收存之。增城堡以靖海疆。增聖堂以便瞻禮。內君病劇。聖人苦求痊愈。忽空際發聲。汝欲留婦於世。有何好處。聖人惶懼叩陳曰。爾旨承行於地。如於天焉。不獨我婦。卽我與子孫。願全獻於主。惟命是從。未幾善終。聖人甫三十六歲。伉儷計十八年。然末後。實同兄妹也。子五。女三。德容兼美。與以西巴尼亞玻爾都噶爾諸國。世爲姻婭。惟季女卒守童身。聖人斷絃後。牽累已無。專心神業。仿聖依納爵法。多建學宮。廣施教化。但耶穌會士。現止六人。不能遍及。適聖依納爵十友之首伯多祿斐味由以西巴尼亞國。至康弟亞。聖人樂甚。將撒辣各思城賦稅。建堂立學。乘時樂助者亦多。未幾。各城悉同。

康弟亞規模。司鐸者。皆耶穌會。費繁弗顧也。教化既興。砥修愈切。斐味引以避靜之工。既而斐味調回羅瑪。竟以疾終。聖依納爵逆知聖人。必總統會務。慰眾曰。上主全知。已備人補缺矣。聖人聞斐味訃。纂成離俗精修之書。名曰聖鑑。求神父指歸何會。神父係聖方濟各會者。祈主三日。告以天主聖恩。命進耶穌會。聖人卽馳書羅瑪。求聖依納爵允從。回云。兒女事完。次第舉行。值儲君攝國。又逢大覲。欲留居左右。聖人善退之。復求進會。可免不虞。聖依納爵請命教宗。准立願四年。了完家務。始顯明修道。聖人樂甚。集數人向天主臺前。立守三願。從此悉屏外務。惟遵前命。女嫁男婚。以第宅付長子。自訓幼兒於學舍旁之小閣。聖依納爵知聖人苦工太過。致書云。天主賜人神形兼濟。不可過傷。聖人誠心領命。立願後。准日領神糧。慮事煩多缺。定時分理。寅初。誦經默想。閱三

小時告解。與彌撒。領聖體。繼習超性學。接見屬員。午餐甚菲。飯完。課子數刻。又習超性學。日昃。挨次見求恩之人。各如所願。日暮閉門。詳玩古今著作。不用晚飧。入夜。查察日間過失。默想審判嚴威。臥地痛懲。此皆常行弗變也。由家而國。務期一道同風。嘗云。管顧屬人。免其乖戾。上人之本分。故教訓子孫。神工學業俱嚴。將往羅瑪。諭諸子曰。我此去未必回來。土地人民。爾等用心管理。最緊要者。常存天主於心。趨善避惡。兄愛弟恭。是汝之體面光榮。世位愈尊。主判愈嚴。世財易朽。死時無異貧窮。再三囑切。請耶穌會神父。併攜次子若望等同行。途中誦經默想。講道勸人。不肯空閒。每日照前告解。領聖體。只用午膳。晚間些須點心而已。羅瑪之王公大人。郊迎留寓。教宗亦傳留內苑。俱力辭之。就寓於耶穌會堂。聖依納爵一見聖人。兩情相洽。次日入朝。教宗如略嘉其盛德。

非凡。留入內廷。時蒙顧問。數日後。辭謝再三。俯從回寓。聞欲授加弟納爾。急束裝就道。行至阿那特。去聖依納爵本處不遠。遂就居焉。已經具奏總王。接蒙回諭。獎勵允行。乃更耶穌會修道之衣。將次兒隨僕。分派回家。全離世務。領受神階。累陞鐸德。謙和謹密。外表動人。卿相公侯。樂從恐後。總王言於教宗。當居加弟納爾。聖依納爵辭以不合會規。雖許總王。請隨本人之意。因此安然辭退。越二年。總王再請。聖依納爵婉轉息之。時聖人遵規立願。終身不受主教等職。矢志既堅。德才日盛。聖依納爵命總理依西巴尼亞國耶穌會諸務。數年。耶穌會公立聖人爲總統。蒞任後。各國王公大人。莫不口碑載道。其盛德之光輝。經綸之才智。化導之神能。鮮有幾及者。教宗亦時時頌美之。聖人以普天率土。俱當顯揚天主光榮。故分遣本會鐸德。各國傳宣聖教。救濟人靈。跡其生平。

事事顯其大能。人人欽其至德。而聖人自視實爲罪人。毫無寸長。仰報主恩。似此謙悔之心。又無以尙之者。常來病院。服事病人。料理藥食。以善言安慰病者之心。不明要理者。雖至卑至賤之人。必盡心盡力。竭誠化導。以滿聖人謙愛。並不知己身之尊貴也。默想之工。每日原有定期。然往往至五六個時辰之久。因愈想愈精。愈思愈熱之故。一日內。伏拜主前百次。每日必舉行彌撒。此際熱心。倍於烈火。即與彌撒之人。無不動其熱愛。有數次。或彌撒時。或講道時。面發大光。眾皆目覩其奇。傾心聽受。迹其盛德神工。上契主心。下全仁愛。筆難罄述。教宗嘉其過化存神。特命同一大主教。至拂郎濟亞依西巴尼亞諸國王前。料理教中要務。事竣即回。行至中途。偶然不豫。急還羅瑪。病勢漸增。聖人自知終期在邇。即預備告解。領聖體。傅終油等物。不數日。棄世升天。年六十有二。

歲時天主降生後一千五百七十二年。聖女德肋撒見聖人德行。常稱之爲聖。尊之爲師。教宗第十位格肋孟德。詳考聖人所行靈蹟最多。列居聖品。

### 宜行之德 教訓兒女

聖思 一。父母不教訓兒女。大有關係者三。第一大關係。是兒女不得升天。因天主的道理。有幾件最緊要者。汝之兒女。都不能明白知道。不知不明。則所說所行。必不合正經道理。如何日後。可望升天。眼見多少。教中兒女。只知道畫十字聖號。念天主經。聖母經。信經。十誡。若問他天主有幾位。那一位降生。怎麼樣救贖。身後永遠之賞罰。靈魂肉身之始終。一概不知。更有甚者。連聖號。也不會畫。一句經。也不會念。徒知遊手好閒而已。是明明教訓他走地獄之路。聖玻爾日亞因此關係。故每日

每日到一定的時候。必誘掖獎勵以成全之。凡有父母之責者。可曾如此教訓否。一。又有大關係。是重傷天主光榮。因天主光榮。在人人明道理。救靈魂。汝果用心教訓兒女。令其能說能行。既可勸人。亦可勸己。一代如此。代代如此。自然根深葉茂。源遠流長矣。今眼見教中人家子孫。多有冷淡者。甚至流入異端。聽從邪說。連天主教三字。公然不認者。此等昏迷。皆因父母。自幼失於防閑。或被驕奢淫佚之親朋。往來指使。或遭似是而非之師長。強解脅從。反以同流合污爲至計。情願背叛天主。敗壞門風而不惜。嗚呼。噫嘻。天主生物以養人。生人以事主。故教中人本分。不怕舌敝唇焦。隨方講勸。使教外之人。俱歸教內。庶幾顯主光榮。今以教內子孫。背叛而爲外教。天主之光榮何在。一。這兩個大關係。不是父母之罪麼。聖教愛人如己。不愛人。就是不愛天主。今不獨不

愛人。併不愛自己的兒女。容他走地獄之路。看他滅天堂之福。外教留爲口實。教中傳爲話柄。凡重傷天主光榮之事。未有甚於此者。如此大罪。還想升天麼。汝到地獄中。必怨恨子孫連累。其實子孫。還痛恨父母縱容。然與其彼時抱怨。何不及此子孫尙在之時。用心改悔耶。聖玻爾日亞。惟恐缺少教訓子孫之本分。故時時查考。夫肖子賢孫。尙不敢放心大膽。汝之子孫。能如聖人之子孫否。明知不如。而爲父母者。又不學聖人時時查考。是誰之咎歟。

當務之求 爲不訓兒女者

祝文 天主耶穌基利斯督。真謙之德。以表以賞。懇求如聖方濟各玻爾日亞。以輕世隨爾。賞伊於天上光榮。我今求爾。俾我等。隨爾輕世。俱得天上之榮光。偕罷德肋。及斯彼利多。三多均生。均王世世。亞孟。

十一日 聖女儒斯弟納 致命

警言○世日不減。故勿癡。宜明天主旨。聖經

聖傳○天主降生後五十餘年。現任罷度窪府之有司。因聖伯落多西莫於聖伯多祿宗徒致命後。前往傳教。遂棄邪歸正。從前結褵數載。未經生育。聖女儒斯弟納係奉教後所生。爲意大里亞國第一位致命者。父母自生聖女後。退職閒居。專心教育。故從幼只知愛主。不務俗情。未及笄年。二親早世。誓守童貞。時總王首爲聖教之仇。差員四處查拿。不背教者。聽其施刑至死。查至罷度窪府。聖女自首赴監。路過石橋。跪於青石上。求主加恩。助其致命。及起。石上有雙膝痕。此橋迄今尙在。膝痕昭然不泯。人爭敬禮之。官見聖女儀容端雅。又係宦家。雖然拘鎖。

禮遇甚優。專用柔言。再三勸慰。許以大富大榮。豈知聖女守貞事主。堅勝於鋼。不入耳之言。徒然饒舌。官知無用。變喜爲嗔。百般辱罵。末云。汝不改心。我不改法。聖女回云。喜受酷刑。弗懼。官大怒。命用尖刀。亂刺胸膺而死。年十六歲。

宜行之德 順命

聖思 一。不論何來。皆有主命。既知順主之命。應該不論何故。惟有常存我之明哲。不許其害我靈魂。足矣。除此之外。或過。或不及。與汝無干。樂得一個順命之功。汝能透徹此中奧妙。自然喜而無怨。樂而無虞。一。汝能透徹此中。常隨主命。爲何有喜樂而無怨。因此順命之功。少有驟然而得者。必也冲懷之謙讓。出於自然。必也克己之操存。不加勉強。必也清廉之耿介。良善之性情。又皆有守有爲。然後應事接人。纔能

逆來順受。可見一順命而諸德俱全。一順命而罪根俱滅。真正是一條升天堂之捷路。一個救靈性之奇方。汝若果然在世順命以終。審判之時。可向主曰。我已全遵主命於世。求主賞酬我願於天。一。汝以順命爲難者。因汝惟知有己。而不知己之師表也。請看耶穌基利斯督之表。以一位萬物之大主。順聖父之命而爲人。且順聖母聖若瑟之命而爲子。更順權臣掌教之命而如罪犯。由白冷郡至加爾瓦畧山。不論何等艱難。皆惟命是從。吾師如此。願爲弟子者。反以爲難耶。

當務之求 爲在上位者

祝文 天主。爾德能靈異之中。不棄弱女輩。賜致命者榮勝。懇祈我等。慶爾聖儒斯弟納致命童女誕日。因其遺表。躋爾臺前。爲爾子吾主耶穌基利斯督亞孟。

## 十二日聖女本大 致命

警言○詎弗須基利斯督先受苦。後入其上國。 聖經

聖傳○聖女本大係羅瑪都中顯宦之女。奉教後。深感耶穌救贖之恩。盡忘世俗肉身之事。二親既歿。齊集族中諸女。敬主淑身。與修道人相似。側聞教中致命甚多。聖女情深愛主。會同一德一心之女十餘人。前往拂郎濟亞國。倚山作寓。結草爲篷。周歷郵莊。勸化婦人女子。多有棄邪歸正者。官聞之。差人拘捕。先用好言勸改。因堅執不從。掌嘴答身。處處皮崩肉裂。押解收監。天神現慰。勸令堅心篤志。迄於成功。頃刻剝傷全愈。痕跡俱無。從旁計五十人。目覩此奇。跪求入教。次日。官又嚴刑拷夾。復受重傷。收監後。天神再現。重傷全愈。獄鎖自開。聖女從容出

獄。旁人無法阻攔。聚觀之眾。約數百人。聖女此時。惟知救人爲務。瀝陳邪正之本原。講明天主耶穌降生救贖之大恩。言雖簡約。直入人心。且事出非常。動人觀感。凡在見知之列者。莫不信從。官欲禁此一人。以絕其根。反立時增數百人。以廣其傳。論此間官。應幡然悔悟。乃怒從心起。暴戾乖張。親持利斧。手斫聖女之頭。聖女延頸趨迎。死於斧下。時天主降生後三百六十二年。

宜行之德 不畏艱難

聖思 一。真奉教者。必能不畏邪魔之害。永爲仇敵。常持利劍神鎗。對陣交鋒。汝曾如此否。看來光景。不但不如此。還恐是邪魔好友。因見汝常求身樂。常想世榮。明係傲魔之意。汝竟隨其引誘。非友而何。 一。真奉教者。必能情願受他人未受之艱難。不怨不憂。且安且樂。因此身既

稱耶穌之徒。則此心應愛耶穌之苦。只求步步陟山受難。以完我弟子之職。不肯須臾錯走他途。以負吾恩師之訓。金口若望云。愛十字者。必常喜肩負以全其愛。汝今何如。兩肩所負者。果然是十字否。兩足所行者。果然是加爾瓦畧山否。一真奉教者。必能隨時隨事。刻薄自己之身。等不得外來之艱難。惟因如此。所以幸逢偶然苦患。可省自身之刻薄。樂莫大焉。俗語謂之討苦吃。原係難而又難者。故足以樂天主之心。而減應得之罰。汝今如何。既知尅己。可以樂心。又能樂主。爲何只圖肥己。而不圖尅己。夫尅己者。易立大功。常常利己。肥己者。易生大罪。常常害己。此中好歹。汝豈不能分別麼。己。汝之己也。或尅或肥。各人自做主張。

當務之求 爲婦女

祝文 天主。爾德能靈異之中。不棄弱女輩。賜致命者榮勝。懇祈我等。慶爾聖本大致命童女誕日。因其遺表。躋爾臺前。爲爾子吾主耶穌基利斯督亞孟。

十三日聖日老多 諸侯

警言 ○有人憤怒厥昆。被察。 聖經

聖傳 ○有聖邁東。紀載諸侯聖日老多之事實甚詳。今節錄之。首言聖人在母胎中。一天神顯示於母曰。汝胎產子。當名曰老多。後爲天主之光。產後。即依其名。付洗。二親加意玉成。以身率教。稍長。延師課讀。

兼攻武藝。嗣因火毒上升。面生瘡癩。將武藝中止。專攻經史。俗學與聖學俱精。二親謝世。襲居侯爵。遺產甚豐。聖人照規克己。默想誦經。原不肯養驕縱欲。一日被魔引誘。招一美婢入房。天主大恩。婢忽醜穢不堪。速行逐走。罪雖未成。自知重犯。求恩補贖。天主罰令二目失明。一年始復。卽定志守貞。一生不見婦女。每日丑時披衣而起。誦禱行工。候至味爽。赴堂與彌撒。瞻禮日。至午。回家用膳。復入堂誦禱。平時早與彌撒。卽回家先理民務。不論貴賤。接以謙和。人俱感服。齋日止於已末一餐。常覓窮人陪食。食時。旁人念聖人行實。或道理書。食罷。與數友畧談片刻。亦係身心性命之言。又理政務。或訓誨署中人。或濟貧顧病。雖非齋日。下晚。止殮菓品些須。閉戶興工默想。以上常規。寒暑不更也。大事難事。必預籌。求合天主意。就正高明而行。稍違公義。終身痛惡之。曾於羅瑪

售一廠衣。旁人喜其省價一半。聖人亟轉回。補足而後安。僕人犯法。重懲不貸。故少有瞻玩者。特建聖伯多祿宗徒殿。表其崇奉。又建修院。以安眾士。但聖人本欲退居院內。因本神父不允。嘗云。別人利於修道。侯獨不然。不修道立功光榮。天主比修道人更勝。是故潛守修規。不顯然入院也。天主錫以寵恩。啞瞽跛癱之輩。摸衣卽愈。得盥手水。亦能愈病。末後。七載失明。增其默存忍德。自知終期已屆。預領聖教善終諸禮。無病而薨。

宜行之德 含容不怒

聖思 一。人人都說平居。可見平爲居世之本分。怒則失其平矣。如醉如瘋。更如野獸。汝不見自己怒容。難道不見別人麼。傷顏面。損貨財。斷親友。多因一言半語而來。從前如此。如今還縱性不平麼。怒人必恨人。

汝既恨人。人不恨汝麼。汝肯不失本分之平。爲何不將忍德以禁之。  
一。怒有兩樣。一。怒從卽過。如電光石火。一亮卽無。一。怒來不去。如火埋  
灰內。長蓄於中。卽過者輕。不去者重。輕者尙恐其再萌。若重者多一日。  
靈魂必增一日之罪。卽肉身亦增一日之災。因忿怒之害。先害自己。纔  
及他人。汝縱不肯愛人。難道亦不愛自己麼。所以真正愛己者。不獨不  
肯怒人。且常常肯受人之怒。聖奧斯定曰。請看天主耶穌爲汝釘死於  
十字架。如此之仇。惟求寬宥而不知報。汝受他人之怒恨。不過一言半  
語。還圖報仇雪恨麼。一。汝果然肯改忿怒之心。該預備平和。刻不放  
鬆。偶逢動怒之時。定心忍耐。緘口嘿存。並不回言。憑人辱詈。雖肆無忌  
憚之小人。必廢然自退矣。倘汝躁性難當。強持不住。須想汝自己得罪  
天主之時。若天主陡然震怒。早已罰下地獄。何能容有今日。又該想汝

之忿怒。有何利益。惟有得罪天主。自己害自己。論別人。不過是難當難受而已。如此一想。自然暴戾全消。但此等心腸。平時不會預備。臨期必致疏虞。

### 當務之求 爲暴怒者

祝文 天主以爾聖日老多。每年瞻禮。樂我等。懇求爾。我既慶厥誕日。幸師厥功勳。爲爾子吾主耶穌基利斯督。亞孟。

## 十四日 聖婦俾辣日亞 悔表

警言 ○潔者。蓋十人。九安在。第斯一異方人歸恩。聖經

聖傳 ○天主降生後三百九十餘年。安弟約記亞府主教。傳集眾

主教會議聖教事務。公舉額德斯主教。聖農諾在堂講道。有妓名俾辣日亞。艷粧麗服而來。聖農諾見之大哭。向眾云。汝等該知道天主審判。必用此冶容爲證。請看此婦。爲買人歡喜。用多少巧法。全心全力。都在於此。我們明知天主恩威無限。果小心奉事。必得天主之賞。今用什麼心。出什麼力。以昭敬愛。含淚悲傷。跪求天主矜憐我罪。彼能修飾肉身。結合人心。我不能修飾靈魂。結合天主之心。至下主日。仍係聖農諾講道。俾辣日亞仍來聽講。聽至審判之嚴。罪罰之醜。定志改遷補贖。回家寫書。寄聖農諾曰。大罪人邪魔之奴。敬陳於耶穌基利斯督之弟。竊聞耶穌降生。非救聖人。爲救罪人。故常在罪人內。設訓施恩。今現爲降生天主之弟者。決不棄我。因未敢冒昧。肅此瀆陳。望容親謁等語。聖農諾回云。我爲全能天主之人。亦是罪人。汝果實心悔改。可來眾主教前面。

訴。諭到。卽赴堂。向眾主教跪下。泣求聖農諾曰。我爲罪海。求用耶穌良善。准付聖洗。聖農諾云。汝罪眾共知之。今願悔改。必換去外形。滅除舊態。公同再議。俾辣日亞痛哭曰。我罪無窮。倘不會受洗而死。天主臺前。必懇明主教害我。言出淚流。慘切情真。眾主教鑒其非常急迫。付洗以歸。越三日。將金銀珠寶。華服貨財。盡交聖農諾濟貧。僕皆釋放。子身密往協路撒稜。潛入野山洞內。洞深而暗。惟稍透日光而已。渴飲清泉。飢餐草糗。如此四年。有聖農諾之副祭訪見之。其苦身補贖。迴越尋常。舉動形容。幡然大變。副祭悅其勇於遷善。諄囑勵其終。別後。又由他處回。聖婦已棄世。傳知各修院。同來會葬。察明補贖之工。列居聖品。

### 宜行之德 報恩

聖思 一。天主於無中造汝。罪犯中救汝。生萬物養汝。錫智能活汝。一

刻若無主恩。斷不能過此一刻。但主恩無刻不來。汝之圖報何時。看來併不會有一點感謝真心。何報之有。一不感恩謝恩。卽忘恩背恩。忘前恩。難望後恩。背私恩。能斷公恩。哀哉。世間禍福。皆天主大恩。救靈良藥。汝反用此。敗壞靈魂。重傷主愛。以負爲謝。以罪爲報。斷絕主恩之來路。不如無生。一負恩有三。一棄恩不謝。一辜恩不報。一因恩爲罪。今汝常用天主所賜之身軀。財物。智能。反得罪天主。如此負恩。竟視爲平常。至哉。聖西比里亞諾云。今不肯直從天主之恩者。將來必肯曲從天主之罰。

當務之求 爲負恩者

祝文 救吾者天主。聽受吾禱。吾樂爾聖婦俾辣日亞瞻禮。望以誠心。受其訓誨。爲爾子吾主耶穌基利斯督亞孟。

十五日聖女德肋撒 童身

警言○天主諸恩無量之海也。聖伯爾納多

聖傳○聖女德肋撒係依西巴尼亞國中巨室之女。上有諸兄一姐。聖女居末。七歲。卽同次兄。喜聽致命聖人傳。畏地獄。望天堂。永遠之言不離口。密與次兄。同往回國致命。乃叔途遇攜回。諭云。此行尙早。可再圖之。聖女卽改志苦修。園中自搆二蓬。設像誦經。求饒永苦。偶因閱看閒書。熱心漸減。幸老母在前。未能任意。及母見背。年方十二。自知倚賴無人。跪求聖母爲母。保存貞潔以終。父見行年漸長。令暫居修院。聖女入院後。重悔前非。安心修道。閱十有八月。大病虛羸。姐甚憐愛之。延至家中調攝。遇苦修叔父勸之。感入心脾。未幾。病痊回院。年已十八。

歲。誓志貞修。獻主。苦刻加功。以償舊失。超越修規。通院奉爲首出之人。逾年又病。仍就養於姐家。先勸之叔。不期而遇。給以默想書二部。令勤習此工。聖女欣然稱謝。從此常行告解。克慾存誠。謹備純心。對越天主。多以默存爲樂。奈病勢日增。至聖母升天日。昏沉如死。生氣全無。四日後。豁然起曰。汝等爲何如此。我已見天堂大開其門。地獄大張其口。獄中現有罰我之處。蒙耶穌大恩救我。滿樂我心。今病已全愈。遂別姐回院。嘗云。若非主恩提拔。必冷而又冷矣。因有時惟喜閒談。少行默想。專圖俗務。缺守修規。耶穌顯容怒飭命看五傷。聖女始知背恩罪重。痛悔改遷。斷除閒話。少見旁人。甘受艱難。勤行默想。以期補贖。故有此言。但聖女默想時。耶穌常親臨教訓。增其明悟。故神樂非常。轉念無功無德。頻荷大恩。恐從魔誘而來。聞耶穌會聖玻爾日亞路過。竭誠往訴。諭云。

毋庸疑惑。凡從謙忍神工而得者。必出自天主。是時。專管之神父。亦耶穌會。所言不合而同。後有神父。疑非天主恩。飭令停止。聖女苦持三載。甚覺艱難。且有時仍見耶穌臨示。神父命避之。盡聖號退之。聖女如命而行。耶穌諭曰。汝聽神父命。極該如是。但念汝久受此難。未幾。我即開其明悟。果然不久。此神父。洞明聖女大恩。由於天主。深知聖女神工。如從大火中出來。能感發旁人之熱愛也。溯其平日。不論何等小過。狠哭狠悔。更喜離開別事。以受難受苦。爲享天主之樂。不難不苦。卽哀痛如死。所以常求天主。賜苦以終身。每云。人人事主。皆勝於我。我無一事如人。亦無些小之行爲舉動。可說一好字。並云。此非套言。亦非謙讓。乃真情實話。又苦求本神父。准在眾人前總告解。人有責詈者。喜而敬服之。所受天主大恩。皆隱而不發。惟向本神父備述而已。生平顯蹟最

奇。此盛德之徵。筆難備錄。年六十有八。天主默示終期。聖女愛情更熱。苦身繕靈。仰承撒格辣孟多之禮。神工甫畢。愛情之火。炎炎直上。聖靈棄世升天。時天主降生後一千五百八十二年。後之論者。謂人人之死。各各不同。常人多死於病。多死於災。聖人多死於德。多死於義。多死於艱難。獨此聖女之死。多死於愛也。

宜行之德 愛苦報主

聖思 一。聖女德肋撒愛主之心。無以尙之。時時刻刻。只想顯主光榮。感動罪人悔悟。每云。若爲救一靈魂。而受煉苦。直至世終。我亦情願。汝肯如此愛主否。况汝果然爲報主恩。救人靈魂。並無聖女所言之苦。不過筆墨之勞。語言之力。一趨一步之艱難。可救得無數靈魂。爲何慳吝不爲。聖奧斯定曰。愛主之命。出自天主。是吾主所賞者。順命而受主賞。

何難之有。一。聖女德肋撒常言不苦卽不樂。苦不至死。不可以言愛。此非矯情太過。因不苦不像耶穌。不樂不像耶穌。可以稱愛麼。聖女爲苦而暫生。汝反爲生而避苦。聖女以徒生爲苦。以受苦爲樂。汝反以徒生爲樂。以受苦爲憂。如何說得是愛主情真。一。聖女德肋撒畢生以苦度日。倘有時不苦。就想不如無生。不如死後。因眼前失脫所愛之事。則其心必自然而然。相結於所愛之處。汝曾有此心腸否。不獨無此心腸。提起一個死字。駭然害怕。論汝之害怕。無他。怕失世間之福。怕完世上之歡。怕苦難從此起頭。怕大主審判臺前。義怒難當。旣然如此。爲何聖女怕生不怕死。因聖女心中。並不曾有汝所怕之事。所以不但不怕。且情願受死。以享天主之賞。汝何故常常怕死。而不學聖女之怕生。

當務之求 爲冷淡者

祝文 救吾者天主。聽受吾禱。吾樂爾聖童女德肋撒瞻禮。望以誠心。得受訓誨。爲爾子耶穌基利斯督亞孟。

十六日 聖歐琅波 聖女歐蘭俾亞 致命

警言 ○人倚己力。若倚於空。若倚於氣。若倚於朽葦。 聖經

聖傳 ○時值多艱。尼各默弟亞府。有世家歐琅波。不忍聞致命人之苦。避入野山。熱心契主。勤行齋克。甫及一年。志切愛人。復來城市。見各處示禁甚嚴。心甚難安。向人辨論。捕役聞之。拿送於官。官曰。汝爲貴族之裔。不忍加害。今日神廟中。現行大祭。汝若往拜。可免汝死。聖人畫

一聖號曰。我恃此聖號。何能懼汝之害。我心情願受苦。以報天主教贖之恩。官怒。赤身笞撻。流血盈盆。棗棍夾敲。肉糜骨碎。聖人容色如常。並云。我能見我之血。心甚喜歡。官見其不畏夾打。命備鐵牀。燃火炙之。聖人安臥火牀。大聲講邪神之妄。末云。汝等既在我前。不得不勸此棄邪歸正之道。求官命人擡往你們廟內。官疑其或有改心。准命擡往。聖人向像叱云。我要眾人。知我所敬之主爲真主。汝爲無能土木。命汝下來。邪像即傾倒成灰。眾見此奇。皆稱所敬者。真爲天主。隨有聖人之妹名歐蘭俾亞。入廟向聖人云。豈有你獨沾恩。難道我不是敬天主的麼。官命離開改教。聖妹回云。不要想我少年弱女。不如我兄。天主耶穌。係我真樂之原。情願受苦以報之。我惟靠天主。憑你火焚獸食。官怒。命役打嘴。將油鍋煎滾。投之。聖人乘沸油翻滾中。挺身躍入。大聲歡呼。我妹速

來。二聖入鍋。變爲安樂之區。並不燬傷毫髮。顯此神奇。大動衆人之心。齊聲喧嚷曰。此二人所敬之主。實爲真主。官懼衆人鼓譟。速命斬首以解散之。時天主降生後二百九十年。

宜行之德 自振冷淡

聖思 一。何爲冷淡。係半溫不熱之謂。雖難言狀。總因怕下地獄。少犯重罪。而細微過失。全不留心檢點。非冷淡而何。汝今不在其內麼。當知溫氣易消。若不猛然自振。履霜必至堅冰矣。小罪云乎哉。 一。主云。胃存穢物者。必吐之。因小罪在心。更比積惡人還難。猶如白衣潔紙。偶染塵污。憎惡之情。必甚於他物。汝係天主之人。乃能善不爲。有恩不用。漫然得罪。非怪事耶。聖盎博羅削曰。無信德之熱心。何如從前不受信德之恩。 一。冷淡有二。或常常冷淡者。或從前熱心。後來冷淡者。若從前

熱心。則其時之享聖味。受平安。化凶爲吉。變苦爲飴。必與此冷淡之時不同。爲何不向好處營生。若常常冷淡者。爲何不向熱心之樂境。走一走。試一試。豈天主教願救汝。汝反不情願受天主之救耶。

當務之求 爲教中冷淡人

祝文 伏望吾主。使我兢兢不間。敬憶爾聖歐琅玻聖女歐蘭俾亞。致命得勝之榮。我力弗克以合。宜誠心崇敬。祈爾時時。將我恪恭微忱。爲爾子耶穌基利斯督。亞孟。

# 十七日 聖婦阨度未日 國后

警言○吾父能全。可免于飲斯爵。請諾。第請弗如予願。惟若爾意。

聖經

聖傳○聖婦阨度未日。係末辣未亞國王之女。波羅尼亞國王之后也。君與后。俱以敬主愛民爲務。連生六子。後同志潔修。三十餘年。竟如兄妹。初則建院以居修女。繼卽附院以棄宮闈。淡食麤衣。席壞枕木。椶皮貼內。繩索繫腰。不畏戕傷。不辭寒暑。夜中默想畢。或用皮條。或用鐵鍊。奮力自懲。必至皮破血流。後以力綿手軟。往往袒衣伏地。令婢女重重鞭笞。一如罪犯之受官刑。忘其卑辱。習以爲常。且厚酬此婢。視爲恩人。從出宮。至於去世。計四十年。不飲酒。不食肉。病中亦未少寬也。工

愈密。心愈謙。聞名師修女。必跪叩其步履之踪。致敬其服食之物。有時  
覓貧病人。親手濯其足。治其瘡。給以衣食銀錢。將膳。先覓數貧人。奉之  
如賓。自處如役。待飽餐別後。自食其餘。又拔選十三貧人。代耶穌宗徒  
之數。敬事之。凡流落他鄉。受刑被擄。負債難清者。必救之。贖之。代償之。  
是以士民頂感。勝於親生慈母。至於沉潛默道之時。往往忘其世事。忘  
其肉身。或發大光。或顯美容。或憑空高舉。或聲息全無。魔雖併力齊攻。  
毒毆惡詈。惟以忍力勝焉。一日。聖后進堂瞻禮。禱於苦像前。耶穌於十  
字架上。出右手對指曰。允汝之求矣。又將未來隱事。詳示之。錫以格外  
智能。洞鑒人私。多顯靈蹟。迨後國王禦敵親征。被擒傷重。事聞。聖后並  
無驚懼。惟求主佑。竟脫難回宮。未幾崩逝。嗣君即位。又歿於軍。聖后曰。  
我今幸承主命。得有此子。奚怨焉。一切損名失利之事。俱置弗問。遇毀

謗者。必以恩酬之。毀傷彌重。酬報彌深。祇因聖德日隆。遐齡並茂。蒙主預示終期。倍加熱愛。親見耶穌。率同眾聖人聖女。挈引升天。時天主降生後一千二百四十三年。奉遺命。生前既與先王。矢志相離。潔修獨善。歿後。不宜同墓。以負前盟。足見聖后之謹始善終。至死不移其所守也。訃聞。士民如喪考妣。沿途痛哭。晝夜悲聲不絕。爭先趨敬。得其遺物者。雖一絲一髮。莫不什襲珍藏。求賜救災治病之恩。三日後。舉行殯殮之禮。本來形容黃瘦。茲忽清美非常。芬芳佳氣。眾盡聞之。教宗詳察生平懿行。指一瞽女。祝曰。久聞國后盛名。若果名下無虛。賜此瞽女復明。以爲盛德之徵。祝甫畢。瞽已光明。勝於好眼。教宗不勝欽感之至。遂准列聖品。一年後。因遷葬啟棺。香美如前。手持聖母像。猶敬捧如初。

宜行之德 順主命

聖思 一。天主之命。汝心該平安順受。此爲頭等好法。倘汝心中不欲順受。而所命又不能不受。則此不順之心。有何用處。不獨無用。且徒失順命之功。多增不順之罪。何計之疎耶。汝今如何。果然所望者。惟能常順天主之命。不願常隨自己之心。其中有苦有難。定係靈魂受益。若是。有安有樂。常感天主仁慈。 一。天主無所不知。汝之受益處。或苦或樂。早蒙洞悉。爲何不順。汝心所想之好事。安知非害汝之事耶。世上不能如願。覺得難受難當。到了世後。方能明白此難。係天主之大恩。所以吾主耶穌會親口垂訓曰。如今不知。後必知之。 一。吾主天主。爲我等之父。非尋常可比也。係全能之父。係愛子之父。係時時保護之父。害我靈魂之事。不許到身。爲何不順。汝於患難中。能作如是想。憑他什麼苦難。

未有不視爲樂境者。

當務之求 爲人所急需者

祝文 救吾者天主。聽受吾禱。吾樂爾聖后阨度未日瞻禮。望以誠心。受其訓誨。爲爾子耶穌基利斯督亞孟。

## 十八日 聖路加 聖史

警言 ○予今豎表。爾視以師。 聖經

聖傳 ○聖路加原籍如德亞國。父母徙居安弟邊記亞府而生。幼能嗜學。凡經傳子史。勤於課讀。天文醫學。作畫寫真。種種格物窮理之業。皆樂於研求。聞耶穌降生大合古今傳習之道。深慰夙懷。及見聖保

祿歸正之後。即受業於門。從遊羅馬。京都。追隨助理。勸化多人。時有知識昏庸之輩。謬述耶穌行事。真偽混淆。天主簡用聖人。爲正教四史之一。隨聖神默喻。及聖保祿之言。改正此書。另定真實之聖經。傳爲教中典訓。又見聖瑪竇。聖瑪爾谷篇中。尙有闕遺之事。皆一一增定之。聞聖人當時。爲此纂修。細心採訪。相傳親詣聖母前問明。俾後之傳誦者。並無片言隻字之未詳也。再耶穌升天後。教中諸務。亦紀載於經。不遺餘力。至聖保祿在羅馬之第二年。聖人以傳教爲急務。子身別去。經利未亞州。往厄日多國。迤東地方。在在化人甚衆。聖額我畧聖保里諾皆云。聖人年至八十有四。致命升天。

宜行之德 隨善表

聖思 一。聖路加。爲天主耶穌之聖史。傳述聖經。留與後人誦法。可知

經內所傳。一言一行。莫非耶穌之表。耶穌之言行。皆是愛天主。輕世俗。謙遜自卑者。汝爲何能誦而不能法。經云。人雖盡得普天下之財物。而失去靈魂。其富何用。此等經言。所關匪淺。宜常常體貼而服習之。一。聖路加既歸聖教。即知聖保祿德行非凡。追隨數載。弗間弗離。今與汝同行同止之人。所言者是何道理。發顯者是何表樣。若幸逢此友。如聖保祿之行。汝之受益良多。不久便成聖品矣。但恐友多保祿。汝非路加。當前而失之者。不知凡幾。且汝不隨善人。必隨惡友。不以善表爲善而倣效之。必悞以惡表爲善而反師事之。若不蚤爲辨別。作速離開。其壞汝善根。易於反掌。一。聖路加乃首先善傳聖母之真容者。不獨筆墨傳其面容。且能言行傳其德容。汝今如何。不該學習聖人之表樣麼。聖人將聖母之至潔至謙。熱愛耶穌之心。莫不身體而力行之。此真聖母

所愛之像。故聖奧斯定云。天主所召者。能畫聖德之人。非畫聖像之人。  
當務之求 爲傳教者

祝文 伏祈天主。以爾聖路加聖史之主保。我等賴其轉達。效其克己  
之盛德。顯爾聖名之光榮。爲我等主基利斯督亞孟。

十九日聖伯多祿 古聖方濟各會 顯修

警言○天主恒用多法。以致世人互相親愛。 聖經

聖傳○依西巴尼亞國中。有聖伯多祿者。父以博學稱。聖人明悟  
方開。即知存誠默想。不事嬉遊。未及七齡。聰明超越。且謹慎善良。出於  
本性。凡遇興工默想。周圍動靜。概不聞知。迨讀書七八年後。矢志精修。

入聖方濟各會。苦己之規。本極嚴密。聖人全守之外。又自定常常閉目之工。惟遇看書時。微露光於書上。總不旁觀事物。如此至終。室中諸有。皆不與知。他人容貌。覲面同於隔膜。即院中修侶。以及好友至親。惟識其聲音而已。齋克終身。食惟餅水。雖病中不增別物。三日一餐。竟有遲至八日者。臥則或跪或坐。或曲肱隱几。皆以六刻爲度。每夜如此。從未倒眠熟寐也。門窻不閉。冬夜亦開。無分寒暑。貼肉必著苦衣。每日鞭笞二次。血流後止。如此苦尅。決無生理。豈知聖人愛苦之心。從默想耶穌苦難而來。情願以苦還苦。以愛還愛。仰酬關切之大恩。且勸引別人。同此情願。故荷主寵光。非筆舌所能喻者。惟是受恩愈重。自視愈謙。虛心卑下。只知無一如人。魔或投以污情。力退之。不獨苦工流血。當嚴寒時。投身冰內。以抑其邪。從此再無污念。自幼善於默想。契合主心。如焚如

結。有時愛火上炎。解卸露胸以洩之。或大聲呼主。發其熱衷。顯此聖表。感化最奇。不論何等罪人。經聖人懲勸。莫不改遷。至六十三歲。得一重病。知係終期。求領聖體聖油而逝。歿後。靈魂大光。見聖女德肋撒云。我因痛告之德。獲此大光。時天主降生後一千五百六十二年。

宜行之德 苦己愛人

聖思 一。聖伯多祿用本會之苦難。更加數倍。今汝既奉教規。以救靈魂。若心無穩着。該學聖人之增苦。不可想聖人之苦。是難學的。汝等初起。只肯斷無罪之樂。必不再犯有罪之歡。此入門妙訣。從此進步。雖苦不難。一。聖人之心。須與不離天主。此即成聖之由。汝爲何不如此。雖不能學聖人念茲在茲。難道一日之中。不該勤勤回想幾次麼。事無大小。暗中都係天主照管。論正經道理。必該常奉己心。常獻己苦。行之日

久。自然須與不離。並非難事。一。爲聖人者。從末有不救人改遷。能自成聖品也。但須先救自己。後救親朋。先立表樣。後用語言。昔人云。教中人。該以舉止行爲。語默動靜。令人倣效。又云。以言勸人。其路遠。以行勸人。其路近。汝爲其遠者耶。抑求其近者耶。

當務之求 爲迷於世俗者

祝文 奇哉聖伯多祿之德行。自懲自訟。痛告彌誠。至矣默識之神工。極精極奧。潔淨美純。我等載思遺績。倍切仰瞻。惟賴聖人之主保。俾能洗心滌慮。恪守芳規。至於死候。可獲永安。爲吾主耶穌基利斯督。亞孟。

二十日 聖日阿而日約 致命

警言○苦外克內。使靈永全。聖額我略

聖傳○巴利斯弟納地方。有苦修院。修士聖日阿而日約。奉院長差往以西巴尼亞國。時值回回侵佔。大害教中。聖人潛往奧肋畧及斐理斯家。俱見其變產以濟在監之教眾。預備致命熱心。奧肋畧之婦。一見聖人。卽向奧肋畧云。眼見天主大恩。差來幫助。他日此人。同我們一齊致命。聖人聞之。深感此來幸遇。不數日。兩家男婦。盡行拿解。因聖人並非本國。置之不問。聖人責其不公。復一併押送。官以好言勸改。聖人與兩家。俱合口不從。收監嚴禁。越五日。再審。堅執如前。卽命斬決。共計五人。時天主降生後八百五十二年。

宜行之德 享主聖味

聖思 一。致命者。痛告者。苦難中能享聖味。此天主仁恩。使聖人在世。先試一試天堂神樂。若誦經時。默想時。有此聖味。必明知此時之淚。比世俗之樂更樂。汝曾樂過否。 一。若從來不曾得此聖味。必然從來尙留心世樂故也。當知世樂神樂。如水炭然。望聖味者。請自擇之。世樂最多最久。不過一世一身之受享。主之神樂。在世消致命之苦。滅痛苦之難。世後靈魂肉身。俱享天主之福。最真最實。汝爲何不求此樂而謀他樂。 一。天主之聖味。係天主之特恩。非可數數得也。若汝盡心敬主之時。未得此恩。心中不當疑畏。或因此日念言之中。稍有微過。阻此特恩。或因此番敬愛。稍減從前之熱。均未可知。汝能因此日新。增功補贖。加意改遷。非天主教誨之恩麼。

當務之求 爲隨俗者

祝文 伏祈全能天主。吾敬憶聖日阿而日約致命者。誕日。賴其轉達。加力於我。愛慕爾名。爲爾子吾主耶穌基利斯督。亞孟。

## 廿一日 聖喜辣戀 隱修

警言 ○前思道勢。前思務勢也。聖伯爾納多

聖傳 ○聖喜辣戀。係古西里亞國人。幼因親命。往立山府。求攻文學。幸聞聖教。遂歸正棄邪。日擊高賢。更潛心精修。訪知聖安當踪跡。奉之爲師。時刻追隨。未踰百日。決志隱修。回里辭親。而雙親俱故。遺產半讓諸兄。半施貧乏。年方十五。自入野山幽處。粗麻布爲內衣。囊駝毛爲

外服。野菓數枚。清泉一勺。爲飲食。蓐地而眠。惟朝夕尋思。天主生存。救贖之恩而已。邪魔妬甚。首以淫念爲媒。聖人減寢食。增苦勞。多泣多求。蒙主佑庇。無隙可乘。魔以猛獸惡聲。四圍恐嚇之。又以駟馬飛車。勢欲覆壓之。聖人不懼不驚。念耶穌聖號。忽然地裂。陷其車馬。邪魔另生狡計。俟聖人寐息。卽顯美女之像。以鼓其淫。或陳鮮美之味。以誘其貪。或或作戰陣之形。以亂其神工。或假猙獰哮吼。蹂踐摧殘之狀。以擾其靜默。百計無靈。將嘯聚強徒。引其黃夜逞兇。而又不遇。次日。邂逅於途。賊曰。子身居此。不虞盜賊之傷性命耶。聖人回云。身無一物。死亦無虞。吾且甘心迎之。賊卽愧悔。直言前惡。誓改而去。十年苦累。神勇非常。先皆露宿。後雖結草爲廬。僅堪容膝。食物比前漸減。往往三四日一餐。乾豆浸漿。草根煮水。病則畧入油鹽之味。如此二十二年。天主顯其盛德。奇

行甚多。一婦以乏嗣哀求。聖人轉身弗顧。婦云。天主且降孕於女。卽聖人亦受生於女。何棄絕我之訴言。聖人俯憐所請。允許代祈。期年果生一子。一人名尼而被。生有二子。數日之間。俱重病垂危。求救於聖人。聖人不答。惟伏地叩求。誦耶穌聖號。病者卽痊。一婦失明。傾貲醫之而弗效。聖人曰。汝蚤以財物濟貧。天主自能開汝之目。隨取口液點之。目卽復明。一勇士爲魔所憑。毀物傷人。親友強拘求救。聖人近前。解其繩索。彼卽倒退如迷。留居七日。連求主佑而安。一富人羣魔共據。肆其殘虐。值聖人向眾講道時。蜂擁而至。將聖人舉於空際。聖人囚其髮。踐之於地。叱云。爾輩至此。當服重刑。眾聞羣魔。疾聲叫苦而逃。富人感甚。特備隆禮謝恩。聖人却之曰。天主所賜。何以利爲。若留以濟貧。貧人汝自識之。一郵女。惡徒無計可謀。用魔咒攝之。女念忽淫。邪情難遏。其親攜叩

聖人。聖人先逐魔而後切誨之。種種神奇。筆難盡述。而隱聖安堂。時揚其盛德。引人就近沾恩。是以門徒接踵。修院日增也。猶可異者。聖人之靈心神目。更能察言觀色。聞氣聽聲。以達其內情。識其隱隱。一日。有徒饋以鮮豆。聖人曰。似此吝氣。不可受也。令置牛槽。驗之。牛聞其氣。絕韁而奔。咸以爲異。後知此人存心不淨。故聖人深責之。凡弟子內。或務己私。或貪口腹。或急望未來之物者。必指飭其隱情。有時攜徒三千人。步行郊外。見兩處葡萄園。一園甚茂。奈主人拒而不納。一園稍歉。而主人開園請食。聽眾徒食足始行。聖人畫十字。祈主福佑。及收時。請食者。數倍之多。不納者。寥寥無幾。可見聖人片語之求。亦昭昭不爽也。又有時。三年大旱。聖人代求降雨。繼因雨後。蛇蟲肆虐。聖人施以聖油。被毒者。傅之立愈。大兒瑪濟亞地方。有異形毒龍。橫行肆虐。聖人入境。令

積薪如壘。遣龍入內。舉火焚之。人人感服。嗣因地震海溢。聖人隨眾至涯。畫十字於沙上。計三次。以手向海。若禁止然。水汎立平。居知白肋島。賊船忽至。聖人舉手叱曰。汝儕速退。賊俱如網如囚。驚懼而去。一婦欲往見聖安當。相隔千餘里。聖人曰。兩日前。聖師已升天國矣。道經一邑。邑民留宿甚殷。聖人固辭而去。並云。事急命危。應速避之。汝等明日。卽知吾言不謬。次日。果有惡徒。謀殺聖人者。似此明達未來。通徹隱衷。所至之地。奉之如神。問難決疑。竟無寧晷。聖人深懼此行。與隱修不合。冀圖遜世潛踪。門徒窺破所懷。傳集萬餘。伏地扳留。聖人弗允。水漿不入口者七日。眾知聖意。難以挽回。無庸再強。乃選擇四十餘人。同隱於聖安當之故處。未幾。只選二人。深入野山。又未幾。因往者尙繁。止帶一徒。附舟而去。舟中一負魔人。聖人叱退之。行至西濟里亞島。亟登岸入山。

避人耳目。豈知千餘里外。羅瑪都中一負魔人。入市大呼曰。某聖現居某島。將往拜之。既至。聖人逐去其魔。島內傳聞嘖嘖。求恩者與日俱增。復潛游別地。奔入深山。沿路負魔者。計二百餘人。呼名求救。聖人慈心難掩。俱畫十字驅之。幸逢僻境。可望藏修。入夜。羣魔怒詈不寧。聖人笑而叱焉。居無何。患病者。窘難者。又訪知前往。雖聖人謙退不居。而愛情難忍。仍盡心援引之。然以未能終隱爲憂。蒙主默示終期。不勝欣慰。遺命友人。速葬於僻處。毋緩毋留。將絕氣之前。覺有畏容。既而奮志自安。曰。吾畢生惟遵主命。死何足畏。遂泰然長逝。時天主降生後三百七十二年。年八十歲。友人如命葬之。數日後。眾徒聞訃趨來。公議開塋叩拜。顏色如生。馨香遠佈。遂遷葬於西里亞本國始修之原處。顯蹟甚多。

宜行之德 默存

聖思 一。汝爲何不熱心敬主。因少信德故也。少與無不同。無是游移不信。少是信而不思其意也。汝肯默存聖教之事理。免不得感化進修。免不得動心遷改。所以默想之工。卽爲熱愛之工。熱生於默。不行默想。卽爲少信之根。少信者。必致背恩反教。尙忍言哉。聖達味云。普天下教規大亂。皆起釁於不肯默存之人。 一。汝有要緊事。必先熟思忖度。如何可以得利。如何可以避害。然後下手。今汝爲救靈魂。要享永遠之福。不受永遠之苦。世間還有如此要緊之事麼。旣係第一等要緊之事。不該加意留神。熟思忖度麼。明知自身軟弱。自己不明。又多世俗之害。邪魔之毒。除了默存之工。誰能知道何者爲利。何者爲害。 一。邪魔明知默存爲靈魂之神益。所以千方百計。誘人貪想世情。忙忙碌碌。無暇再

謀神益。但該想世務雖忙。比得救靈魂之事麼。若說雜念分心。難於靜默。豈有一日之中。竟無幾刻空閒之時候麼。汝爲世務。能用心機。瞻前顧後。單單要爲靈魂。就不能如是。有是理乎。況所說默存之工。並無別的異樣。亦不必廢寢忘餐。夜以繼日。只要汝如默思世俗之事。每日略輪數刻。定志凝神。以求靈魂之益。久而弗輟。自然日盛月新。左右咸宜。效驗非常。汝爲何懈怠而不爲。

**當務之求 爲不肯默存者**

**祝文** 天主以爾聖喜辣戀每年瞻禮。樂我等。心祈爾。吾旣慶厥誕日。幸師厥功勳。爲爾子吾主耶穌基利斯督。亞

廿二日聖撒位你亞諾 聖保登西亞諾 致命

警言○求則受。爾樂自滿。 聖經

聖傳○耶穌升天後。有聖撒位你亞諾。聖保登西亞諾。聞聖徒四方傳教。卽沾恩受洗。隨聖伯多祿宗徒於羅瑪。未幾。聖伯多祿命二聖同往拂耶濟亞國。將近瑟那訥府。路過一邨。巨家未多里諾。欸留晤語。言及都城近狀。二聖云。目今新教大興。崇正去邪。化行俗美。民風丕變。邪廟滅除等語。未多里諾既觀善表。又聽善言。感發於中。卽求付洗。又引進二人。一名瑟樂定。一名額多娃。俱此方世族。三家老幼。同歸於正。二聖見三人篤信最真。才能兼勝。盡心傳習。授爲副祭。勸化近邨。數月之間。奉教者十室而九。邨中邪廟。改建聖堂。時瑟那訥府中嚮化之人

甚多。因往府城。構造小堂三所。以便眾人瞻禮。差未多里諾。往求聖伯多祿。多遣傳教人董率。允後馳歸。聖伯多祿卽致命升天。升天時。特現於二聖曰。盡心傳教於此邦。弗聚居一處。二聖遵卽將人分派各方。乃廣揚未久。被總王差員驅逐。仍聚首舊郵。本府地方官。將二聖等收監聽審。越數日。提問曰。爾等恭敬總王所敬之神否。回云。我等恭敬者。惟天地萬物之主。所說總王恭敬之神。不曾知道。爲此一言。將二聖與一少年。擬斬立決。其餘數人。拿入獸圈中。見諸獸斂威弗害。一併斬決。

宜行之德 覓主

聖思 一。該專心覓主。若覓世物。若覓自己。難得天主。今眼見覓世物者。不過覓財。覓自己者。不過覓樂。究問其覓法。並非容易。費許多心力。受無數苦憂。無論求之不得者。白白徒勞。卽或偶然到手。亦是虛財虛

樂。不久卽無。若專心肯覓天主者不然。從未有覓而不得者。耶穌有言。不覓我者。且能得我。可知肯覓者。得之更易也。况此覓主之心。其感動必從聖佑而來。旣因聖佑以覓之。尙有覓而不得之理麼。一。人之覓自己。覓世物者。其所得之富貴榮華。心能滿足麼。論其好處。虛也。僞也。險也。不獨不能平和。更添不能滿足。此心之大病。若專心肯覓天主者。又不然。得之卽樂。且爲眾樂之根。滿人無窮心願。所以大聖大賢。惟知天主。不知富貴榮華也。假如世上人。得了世間全福。而不得天主。還謂之窮寒。若得了天主。全無一毫世俗之樂者。纔可謂之眞福。一。要得天主。該隨耶穌之聖表。甘心訪學耶穌。肩負重大十字。走苦楚之路。登受難之山。無有不得者。蓋汝旣以虛樂失去天主。必以苦難覓之。昔人有言。凡同世俗而享其樂者。救之之法。惟與世俗而同其苦。

當務之求 爲反教者

祝文 天主。爾賜我等敬憶爾聖致命者。聖撒位你亞諾聖保登西亞。諾誕日。望爾彼居永福之域。使吾僭樂。爲爾子吾主耶穌基利斯督。亞孟。

廿三日聖伯多祿巴斯卦爾 主教致命

警言○死於主者。真福厥死哉。聖經

聖傳○依西巴尼亞國中。屢被回回侵害。天主特預備信德之教中人。以撓其鋒。即此聖伯多祿之祖先。累建大功。有五位爲主教致命者。今欲知此位聖人來歷。試畧言之。有聖伯多祿多諾斯各。爲贖教中被

擄之人。前往依西巴尼亞。寓居巴斯卦爾家。知聖人之父母。尙無子嗣。求主允其所望。故聖人生後。付洗名伯多祿。孩時即顯愛德。門有乞人。俱厚贈之。所學教理。樂語別孩。及長。受業於名進士。係聖人之父贖回者。不久即成博學。且熱心敬主。默想誦祈。併力兼行。又熟玩聖經。多人被化。本處主教授以神階。累陞鐸德。聖人求守贖擄會規。成會後。欲往回回地方。贖回教友。院長勉強准行。贖擄甚多。未贖者。勸令告解。許其再來。歸後。取貲卽往。適若恩主教缺人。公舉聖人補授。亦回回所管。蒞任後。各處周巡勸慰。因此被拿入獄。本地教中。攢貲請贖。聖人轉贖婦女幼童。自居監內。著述勸言。一破回教之邪。一堅正教人之弱。一醒背教人之迷。回回聞之。收入暗監。天神常發大光照之。聖人默想誦祈。專爲擄人。回回國君。聞聖人在監。天神不離左右。欲行釋放。彼之司教。公

請絕命以除其害。聖人預知致命之榮已近。見獄中寬廠。是早舉行彌撒。禮畢謝恩。刑役入監斬決。年七十有四。時天主降生後一千三百年。

### 宜行之德 預備臨終

**聖思** 一。人人都該怕死。因無一人不受天主審判者。無數聖人臨終尚有畏心。汝之克修。能勝數十年受苦痛告之聖人麼。不能而不畏。在世不過無忌憚之小人。去世便成魔鬼之奴矣。不及時修省。只有一生一死。錯過這一次。不變不更。不休不息。無法挽回。如此定案。汝竟放心不怕麼。 一。人能常想臨終之頃刻。必然肯救靈魂。看輕世福。因此頃刻所享之榮華。喜歡之愛欲。俱與身無涉。此時之干涉者。惟有一生不淨之罰。汝不及今遠慮。亟圖悔改。那頃刻一來。悔不能容。改又無日。汝之心內。雖亂而不寧。汝之究境。已定而不亂。奈何。奈何。 一。臨終時。或

善或惡。肉身俱歸於土。或吉或凶。靈魂必有永遠之處。貨財親友。頃刻間一齊旭下。且一去竟不回來。人人莫不如此。又不知這個頃刻。何時而來。他人未知我之頃刻。我並不能知自己之頃刻。過此頃刻。更不知怎麼樣的永遠。如此重大關係之事。還不該早爲預備麼。

當務之求 爲臨終者

祝文 全能天主。垂盼吾劣。爲本行重任屈壓。賴爾聖伯多祿巴斯卦爾致命兼主教轉達。得厥護翼。爲爾子耶穌基利斯督。亞孟。

## 廿四日 聖瑪肋哥 顯修被擄

警言○人生匪獨繫於飲食。惟繫於天主口。攸發諸命。聖經

聖傳○聖熱羅尼莫。叙述聖瑪肋哥始末。略云。聖人係西里亞國農家之子。願守童貞。潛往苦修院。居院數年。院長甚嘉其操守。聞父病終。欲回家安慰寡母。將家貲立院建堂。濟貧自贍。不致掣肘。院長阻之。疑爲魔誘。多引聖經開其迷。勿聽。但路最野僻。強徒嘯聚。行人必結隊而前。聖人此隊。約七十餘人。豈知強人乘駝挾矢。人勇勢兇。擄掠殆盡。聖人同一有夫之婦。竟被亞辣比亞。縛於駝背而去。抵家。命聖人牧牲。喜其勤敏。令隨身出入。未幾。將從前同擄之婦配之。聖人辭云。此係有夫之婦。我是天主教。不合聖規。亞辣比亞持刀強逼。薄暮入房。伏地哀

號。悔其出院。婦曰。汝哭奚爲。我原有夫。豈肯失身。得罪天主。聖人樂甚。誓爲兄妹。懼魔引誘。閉目獨眠。數年後。同婦密商。腊羊二隻。以爲餽糧。乘夜脫逃。越三日。見亞辣比亞帶一家人。騎駝追逐。聖人懼脫身無策。旁有一洞。潛入洞中。洞極寬深。疑有野獸。閃避於旁。亞辣比亞遣家人先入。被牡獅啣入洞底。喂其雛獅。伊主不見家人出洞。自下駱駝而入。又被牡獅攬噬。少頃。老獅與雛獅出洞遠颺。聖人與婦乘駝疾走。旬日之間。即抵羅瑪。送婦於修女院。本身老院長。雖經謝世。仍回舊院。補贖前非。直至升天。聖熱羅尼莫云。前段聖人自述之語。覲面晤言。升天後。一併叙明。俾後人知倚賴主恩。守規保潔。雖險亦平。時天主降生後三百七十八年。

### 宜行之德 克味

聖思 一。克味之德。與諸惡相反。與諸德相通。所以能保潔身之潔。能清明悟之明。更能備默工之想。昔賢有云。齋爲誦經之糧。汝曾修此德否。不修此德者。飲食必太過。豈惟過也。逞好惡。別精粗。妄議烹調。惱人遲速。直與諸惡相通。一。既與諸惡相通。即與諸德相反。故貪饕與克味。若冰炭之不同。昏人明悟。引人不潔。難行默想之工。因此波害。不論何等聖人。痛悔爲先。其次卽以齋克。斷諸惡種。聖熱羅尼莫曰。齋非德行。但爲萬德萬行之根。一。善於克味者。必明知壯健。不在多飲多食。語云。若要小兒安。受些飢與寒。小兒如是。壯年老叟。不該如是麼。況身之或病或安。猶爲末事。大關係者。與聖德相反。與諸惡相通。貽害匪淺也。汝肯升天。該想天上之耶穌。及諸聖人。其在世守齋之苦難。不該追

隨效法麼。金口聖人曰。用心養其蛆囊。不肯調理神魂。哀哉。

當務之求 爲貪饕無厭者

祝文 天主。以爾聖瑪肋哥。每年瞻禮。樂我等。懇祈爾。我既慶厥誕日。幸師厥功勳。爲爾子耶穌基利斯督。亞孟。

廿五日 聖基三多 聖婦達里亞 致命

警言○故宜時行善工於眾人。 聖經

聖傳○聖基三多。係厄日多國亞利桑得利亞府人。世爲顯宦。自幼淹貫羣書。因父博取功名。從遊羅瑪。聞正教經書。購求展閱。幸遇正教之鐸德。爲之講解。天主開其心。即求付洗。數月後。勤於講道勸人。父

甚惡之。誘其悔改。因堅執不從。幽囚重處。總不肯一言背主。復以恩情撫慰。華衣盛饌樂其身。美女貨財敗其志。聖人皆置之弗顧。惟伏叩主恩。數女抱慚而出。時有邪法之婦達里亞。兼具冶容。易爲所惑。父往求之。欣然即至。開口莫非讚美。聖人畫聖號。仗信根。答以保潔救靈。永賞永罰之言。既不能搖惑聖人。反被聖人變化。卽棄邪領洗。父無他法。置之弗問。從此聖人勸化男人。聖婦開明婦女。信從甚衆。旁有未信之男女。首告於官。官名格樂弟亞。命用酷刑殘虐。安然無恙。官曰。此邪術也。親提面責。鞭棍到身。竟如草莖紙片。官蒙主佑。深信教法果眞。並非邪術。閣家男婦老幼。併所管兵役。同歸聖教。上司大怒。將聖人拿禁暗監。聖婦解交淫院。忽有一獅。足踏淫童。伏於聖婦前。聖婦命獅回洞。教訓淫童。改惡遷善。卽領洗入教。官甚異之。命火焚以滅其跡。火燼而人不

傷。入告於王。王命掘坑埋之。聖人與聖婦同致命於土坑。

宜行之德 寶時

聖思 一。每日早晚。跪叩誦經。感謝天主。恭敬聖母。加以省察默存。看教中書一二刻。近堂早與彌撒。所行所言。俱爲天主。此奉教人本分。今汝每日之本分。並無缺欠麼。一日做的事。說的話。都是爲誰。若只爲世俗。爲自己。不會爲天主。該自怨自悔曰。做得聖人。就是今日。立功升天。亦是今日。何故白白丟此一日。明明是丟了聖人。丟了天堂。還不知痛恨麼。一。早上起來。該想今日。定不得是我棄世之期。若明知今日必死無移。汝行何事以俟之。奉教人。並無別事。總該時時刻刻。全心全力獻於天主。聖奧斯定曰。求主領受我所行之事。全獻我於天主臺前。汝能如此度日。既可以生。亦可以死。一。到晚省察痛悔時。該回想今日。

做的什麼神工。有那一件不妥。受的快樂。現在那裏。有的體面。何處去了。手中有什麼。若能爲天主受一點苦。立一些功。心中必定喜歡。汝今有此歡心否。再想條時。倚枕而眠。誰知明日。還是活人。縱然不死。終有一日。填溝壑。飽蛆蠅。每日能作此想。賴主大恩。自然少犯罪惡。多立神功。臨終可保平安。

當務之求 爲冷淡者

祝文 天主。爾賜我等。敬憶爾聖致命者。聖基三多。聖婦達里亞。誕日。望爾彼居永福之域。使吾偕樂。爲爾子耶穌基利斯督。亞孟。

廿六日 聖格肋斯賓 聖格肋斯比年

昆仲致命

警言○自上必被黜。自下必被陟。 聖經

聖傳○古今爲聖人者。莫不踐踏此榮於足底。此言乃耶穌所留之明訓。此路亦耶穌所指之明路。聖格肋斯賓。聖格肋斯比年。是善遵明訓。願行明路之難兄難弟也。二聖本羅瑪。大家離鄉遠俗。隨聖岡定於拂郎濟亞國。傳教勸人。時總王嚴令。不許與奉教人往來。二聖亟圖變法。以救人靈。學成皮匠。大鋪開張。式樣新奇。人工精巧。因而往來者甚眾。乘機講解。破土神邪妄之虛。明萬物生存之本。多人信服樂從。朝野風聞。命官拘訊。官將二人。解送於王。王親問其來歷。二聖回云。我係

羅瑪都中某某人家。因愛天主降生。信耶穌救世。去國遠遊。宣傳正道。甘受艱難。以報天主。不必望我們貪生畏死。隨口順從。王命刑官定罪。頸拴大石。溺死水中。豈知石浮如木。水不能湮。官以邪法目之。另設油鍋。火煎極沸。將二聖投入。油點灼於刑官之目。此目卽盲。二聖安然無害。官大怒。改燒大火焚之。二聖安居火內。言笑自如。官竟咆哮忿恨。狀類瘋狂。自跳火中而死。事聞。即將二聖擬斬立決。時天主降生後三年。

宜行之德 自謙

聖思 一世間富貴尊榮。何以謂之體面。因此尊榮。只在汝之體。汝之面。不能在汝之心。不能變化汝心。爲尊榮富貴之心。旣如此。則尊榮之體面。必能引人多惡。阻人多善。還該驕傲麼。人之聰明壯健。俱是天主

之恩。汝有何能何法。可得此智勇麼。既如此。該感謝主恩。不該驕傲。因臨終時。這體面智勇。必定尫下。不能隨汝而去。隨汝去者。非善即惡。一。汝之學問日增。才能日顯。更不該驕傲。假令天主。不賦汝明悟。汝從何處。得此學問才能。汝竟抹煞本來。目空一世。旁若無人。殊不知他人之學問才能。勝於汝者甚多。且不論何等人物。必有一二件。比汝之學問才能更勝。汝若不服此言。請看飛禽走獸中。還比你學問高深。才能遠大。今汝有此學問。而不爲自身之天福。有此才能。而不爲天主之光榮。是失利而招害也。有不如無矣。故金口聖人曰。謙爲大博學之根。一。謙之功用。豈獨博學之根。實係萬德之根。不問才學有無。都該虛心不傲。以成汝德。以荷主恩。若有傲無謙。非僅無謙德也。各德全無矣。故謙在。則諸德俱隨之而在。或問此謙何在。聖奧斯定曰。在認己。

當務之求 爲驕傲者

祝文 天主爾賜我等敬憶爾聖致命者。聖格肋斯賓聖格肋斯比年  
誕日。望爾彼居榮福之域。使我爲同侶欣樂。爲爾子耶穌基利斯督。亞  
孟。

廿七日聖文生爵 聖女撒俾納 聖女計理

斯德大 致命

警言○舌愛。偽愛也。行愛。真愛也。聖若望宗徒

聖傳○聖文生爵。值聖教艱阻時。在依西巴尼亞國。竭力匡扶。差  
員達先嚴查禁止。聞聖人名。拘至公堂。見偉貌英年。勸云。如此品格。將

釘死十字架人所立之教。害己害人。不畏國家禁令。若去汝偏心。奉時王之制。何求不得。聖人直陳天主真道以闢之。旁人齊聲悅服。官不能言。命往拜神廟。不從。眾共擊死之。聖人跣足步行石路。每步留腳踪於石上。如刊刻然。刑人感化。棄邪認主。將聖人處死之事。求寬三日。有聖人二妹。一名撒俾納。一名計理斯德。大勸兄潛匿。初意不從。嗣復同妹遠颺。限滿查知。差役飛追。獲卽殺之。兄妹三人。俱被拿拷究。劇刑重苦。終以棍條石塊。擊碎頭顱而死。時天主降生後二百二年。

### 官行之德 次序愛人

聖思 一。愛人須依次序。從人之本性。先親後疎。但人肯隨天主意而行。此次序說不得。是人之本性。係從天主意愛之。爲此該平心耐人錯悞。該出力救人靈魂。 一。本性之愛。旣知從天主意。則親友之外。莫非

天主之人。若奉教者。一教卽是一家。身不同而心同。父卽天主。兄卽耶穌。師卽耶穌之教。遇有不孝不悌。不守教規。重負耶穌大恩者。亟思善法。勸之救之。一奉教人。不獨愛眾。猶當愛仇。論人肉情。真難而又難。若肯想天主之恩。並無難處。耶穌在十字架上。爲仇求赦。非後人之表樣麼。故聖額我略頌美聖斯德望曰。爲主愛仇之功。更大於爲主致命之功。

當務之求 爲在教者

祝文 天主。爾賜我等。敬憶爾聖致命者。聖文生爵聖女撒俾納聖女。計理斯德大誕日。望爾彼居榮福之域。使我偕樂。爲爾子耶穌基利斯督。亞孟。

廿八日 聖西滿 聖達陡 一位宗徒

警言○世物猶梯。善用則上。惡用則下。聖奧斯定

聖傳○聖西滿聖達陡係如德亞國加納府人。乃同胞兄弟。聖母之至親也。少年即師事耶穌。並居宗徒之列。耶穌升天後。二聖分往一方傳教。未幾。聖西滿往厄日多國。聖達陡往默所波國。數年之中。被化者。不啻千萬。所至之地。俱授徒以掌教務。而後他往。故世澤常新。後來二聖。不約而同。相遇於伯爾西亞國。此地與印度爲鄰。僻好異端。邪像多能言語。二聖入境。諸像寂然。問而不應。眾皆詫異之。時有大帥出征。欲決此行勝敗。遍禱無靈。忽有一像言曰。汝毋用此煩瀆也。今有耶穌二徒在此。我輩故不能言。帥聞此語。即遍訪之。幸與二聖遇。帥即告以

前事。二聖同至邪像前。命魔直言出征之利鈍。魔曰。此舉大凶。彼此死亡甚眾。且數年雜亂不休。帥竟駭然。驚惶無措。二聖莞笑曰。邪言煽惑。何以懼爲。明日辰時。敵使必謝罪軍前。求和歸地。邪徒力阻曰。聽此不經之言。疑係敵人細作。帥將二聖與邪徒。一併留營。以驗其孰真孰僞。次日。將交辰正。果如二聖之言。敵使納款求和。事畢。重酬二聖。次斬邪徒。二聖力辭所贈。又爲邪徒求救。從此二聖隨帥入都。適遇從前聖瑪竇在印度驅逐之二巫。遞入此間。又逢二聖。啣恨非常。陰謀圖害。聞都城忽有蟒蛇肆毒。二聖知爲魔幻。倚賴天主。令蟒弗害他人。反害本巫。冀其悔悟。巫竟增怒而逃。國君因二聖奇行正言。首先悅服。領洗入教。臣民相率而歸於正。有宦家女。因私產子。勒招其人。女從魔誘。妄指二聖之門人。眾卽拘送於官。二聖隨之。令攜嬰到署。嬰至。聖人於眾人前。

問嬰曰。我托耶穌聖名。命汝明言。我之門徒。係汝親父否。嬰即朗言曰。此乃貞士。非我父也。有請其再言父者。聖人曰。救善人之屈。仁者應亟爲之。發人隱惡。我不爲也。且與我何干。聞者益敬服焉。二聖見都城教化大行。又得人掌理。遂往刷米爾郡。豈知所逐二巫。先匿郡中。此番仇恨。大甚於前。流言廣播曰。二人欺君惑眾。毀寺慢神。爲害無窮。惡徒懼有及身之禍。議宜速滅。聚集羣兇。擒拿二聖。打罵並施。強入廟中。令拜邪神。二聖向主默求。顯威示警。頃刻響聲動地。毀像成灰。像內一魔。醜形黑色。狂叫飛奔而去。惡徒始則戰慄驚惶。心即愈加仇恨。羣將二聖。共肆毒毆。遂絕命於拳石之下。是日。正值晴明天氣。忽來雷雹風雲。厲聲慘色。瞬息之間。魔廟邪神。受屋倒像傾之變。二巫羣惡。俱裂肢碎首而亡。朝野君民。深感天主。顯此明威。以昭懲勸。新建聖堂。奉葬二聖之

屍。後遷於羅瑪。

宜行之德 輕世

聖思 一。知汝心之所輕者何在。卽知汝心之所重者何在。若所輕者。果在人世。則所重者。必在天堂。係天主所最愛之人也。聖達陡聖西滿。三位宗徒。能奉耶穌之命。早離世俗。決志從遊。故耶穌最鍾愛之。然當知我人在世時。時享用此世。誰能輕而棄之。所以輕世之意。非從人力而來。出自天主特特之恩。又由聖母轉求保佑之恩。能得此恩者。世間之安富尊榮。盡如泥塗。何也。因安富尊榮。無有過於天主聖母者。今汝心之輕者。果何在耶。一世俗之人。爲何圖謀二聖。至於死而後已。無他。因聖人常破彼世俗之迷。彼遂老羞成怒。以怨報恩。該重之天堂。反輕視之。該輕之世俗。反重視之故也。今汝亦有傳教勸人之責。管不得

世人之輕重。汝能輕世。舉世未有不輕汝者。如二聖之受拘受辱。受罵受毆。以至於死。並非奇事。惟汝心中。若幸逢此苦。該想輕世之效驗已來。非天主喜歡之實據麼。效驗在身。喜歡在主。樂且不遑。何苦之有。一國法之威。兇惡之威。苦難之威。失命之威。俱不能阻撓二聖立功之心。必定願遭其害。汝今果能有二聖之心否。但汝願從爲主之意。主必佑之。不該畏避。聖保里諾有言。遇有不喜天主者。汝弗怒之。遇有不喜天主。因而遷怒於汝者。更該欣欣迎受以酬之。

當務之求 爲冷淡者

祝文 天主因爾西滿達陡二位聖徒。使我得識爾名。望爾念我等慶伊永福。使我前進於道德。爲爾子耶穌基利斯督。亞孟。

廿九日 聖法隆 主教

警言○愛天主萬有之上。 聖經

聖傳○聖法隆係拂耶濟亞國第一等貴顯之家。父母生有二子一女。俱成聖品。聖人稍長。即陪奉內廷。端方誠謹。忘己辦公。大過於同列。常居議政之班。君寵日加。惟聖人謙光自處。淡泊寡營。常以暫樂當辭。永榮當望之言。自治治人。所以每日多居僻處。祈禱默存。雖掌大權。人人可近。患難貧人。樂於賑濟。爲奉君親之命。受室成婚。越數年。蒙女弟聖法肋之勸。同妻矢志。各居修院以終。聖人旣辭世職。樂就神階。才品兼優。累陞鐸德。年來更加砥礪。善表動人。眾共推爲主教。所轄之地。遍歷勸懲。人心丕變。邪魔妬甚。以望妻一晤誘之。三次差人往請。其妻

知爲魔誘。身服苦衣。外披藍縷不堪之衫褂。聖人大發悔心。嘉其明潔。急速遣回。從此神工愈密。德化愈隆。天主賜以顯蹟之奇。畫一聖號。祭臺聖石。破而復完。畫一十字。瞽目卽明。一言而禁獄卽開。獄囚俱出。一求而水災卽免。溺者俱生。雖年力就衰。有求必應。迄於卒世。享主升天。

### 宜行之德 愛主

聖思 一。天主之智。大顯於萬物。眼見四時濟美。各類叢生。由地以成形。從無而妙有。智之功用。不從此中宣露麼。今我身亦居萬物之內。我之行事。可與萬物同其美妙否。物物雖多。俱能合天主之意。而成全其美妙。人爲萬物之尊。反不合天主之意。而自殘其美妙。豈不重傷天主之智麼。當知天主之美妙。長存於萬物者。無他。教人以順命之行。引入以愛主之心也。 一。天主之仁。不獨生我們當緊要用之物。還生許多

玩好之物。以動我們的歡樂。這是何等仁恩。不該圖報麼。汝嘗樂主之愛。主不能樂汝之愛。於心安乎。爲報此恩。雖小心不犯重罪。猶爲不足。還該不辭艱窘。爲主致身。卽不然。亦該盡力辛勤。服勞事主。果然如此。天主仁慈無限。必許汝百倍以償之。汝爲何遲疑瞻顧而不爲。一天主之於萬物。命有即成。命無即滅。可見天地之大。萬物之多。明明都在天主全能掌握之中。還該不愛天主而愛萬物麼。旣明此理。必該單單愛主。不宜兼愛萬物。縱不能斷絕愛物之心。亦必先愛天主。聖奧斯定曰。該學愛主萬物之內。以收萬物之益。汝若因此萬物。而失去萬物之主。是顯然遭萬物之害矣。此害在人。十居八九。當小心防備之。

當務之求 爲勸化外教人

祝文 懇祈全能天主。爾聖法隆精修主教。每年瞻禮。加我心虔而體

安。爲爾子耶穌基利斯督。亞孟。

### 三十日 聖瑪瑟祿同十二子 致命

警言○天主之子。引獻天主以抵殺之子。達味聖王

聖傳○聖瑪瑟祿係依西巴尼亞國人。累世以武功貴顯。生子十二。齊心出力。報効國家。因素聞主教德生瑟之名。往來講論。爲日無多。信根甚篤。閣家俱蒙洗滌神恩。適有新陞本省之大員。感激國恩。酬神於邪廟。禮隆物備。士民咸往觀之。聖人目擊心傷。大聲向眾曰。此舉糜費多金。置之無用之地。木偶土坯。有何靈佑。不若濟貧積德。同列聞之。問曰。汝是天主教麼。回云。是。天地萬物。惟有一主。生存掌管。眾以慢神。

拿送。官俟祭畢。公堂親訊曰。你會毀慢靈神否。聖人曰。我是天主教。此是邪神。我果直言其妄。大道爲公。何故不滅除邪妄而反敬之。官曰。汝爲武弁。不知國家禁令麼。聖人曰。我豈不知。滿望爲此緣由。失我生命。官見其銳氣難回。卽命拘拿家屬人等。一同斬決。時天主降生後二百九十八年。

宜行之德 盡心救人靈魂

聖思 一。自己莫哄自己。天堂非易到之區。升天非容易之事。不出力者。難得上升。耶穌以聖血開路。聖人以痛淚艱難致命。引人上路。汝不肯隨此而行。走一步。退兩步。只圖受用。萬無可到之時。若能出力前奔。完在生之本分。必然先難而後易。 一。汝若肯行此路。所受之艱難。比得地獄麼。比得耶穌所受之苦麼。以此須之暫苦。得永遠之光榮。以頃

刻之艱難。免無窮之禍害。孰得孰失。何去何從。汝當早決之。一。汝望世間虛名虛利。也要受無數艱難。受了艱難。還不能保其必得。即如當兵者。要望上司拔取。器械必要鮮明。弓馬必須操演。往往捨性命以圖之。經商貿易者。風餐露宿。戴月披星。歷受波濤賊寇之殃。而不之惜。若肯爲天主受此艱難。竟與世俗虛名虛利之苦。大相懸絕。現在樂而不憂。後來得而不失。所以說先難後易。比不得世間之苦。煩難到底也。汝於肉身最爲關切。於靈魂反不該關切麼。

當務之求 爲重罪者

祝文 懇祈全能天主。我敬憶爾聖瑪瑟祿等致命者。誕日。賴其轉達。使我剛健於爾名之愛。爲爾子耶穌基利斯督。亞孟。

### 卅一日 聖剛定 致命

警言 ○罪人欲司其鐵索。繫靈足。不許移步而向真主。 聖奧斯定

聖傳 ○聖剛定。係羅瑪都城之宦族。正值國禁森嚴之際。領洗入教。古人謂國法愈禁愈嚴。教法愈寬愈廣。被殘者愈眾。赴義者愈多。蓋此信人之膏血。皆聖門之嘉種美根。厚肥時雨故也。聖人自領洗後。充積於胸者。無非愛主之熱心。欲往他邦傳教。其時有聖格肋斯賓聖格肋斯比年聖未多利聖路斐諾等。與聖人相約。同詣教宗前。求往拂郎濟亞國。一蒙俞允。就道前趨。入境。卽分行各處。聖人以齋。以祈。以苦。預備熱心。仰承主佑。邪像常應聲而自毀。邪魔見畫聖號而遠颺。疾病災傷。有求必驗。所以感動眾心。棄邪歸正者。不可勝數。地方官懼于國禁。

差人拘捕。問係何人。所傳何教。聖人曰。我係某某。所傳者。乃天主聖教。因我自行正路。不忍他人陷溺於邪。眾共昏迷。何忍我身超然獨醒。官以好言勸慰。聖人回云。我心情願之樂。惟爲耶穌失命。不敬耶穌者。不能升天。必下地獄。勸慰之言。徒勞無益。官見固執不從。命用刑處治。隸始近前。綑縛倒地如癡。官曰。此邪術也。收監再審。天神忽現。將聖人鎖具盡開。出監入市。講道勸人。守監兵役。及從旁士庶。計六百餘人。俱翕然信服。官又差人鎖拿至署。以棍夾之。以火焚之。酷刑殘虐。聖人怡聲愉色。感激主恩。官斥云。汝再倔强不遵。必解交羅瑪。聖人曰。我敬之天主。無所不在。亦是羅瑪之主。處處賴其聖福。何懼之有。官因從者眾多。恐生鼓譟。潛移別地。處以重刑。終於斬決。

宜行之德 遠離偽善

聖思 一。奉教人。固有顯然不守本分者。然陽奉陰違。飾非文過。冒居守誠者更多。圖哄他人之眼。不求樂主之心。冠冕正其外容。惡臭養其內穢。哀哉。判世之權。操之天主。與人無干。欺人無益。天主無所不知。舉心動念。誰能欺瞞天主。此人人共知共信者。今汝內外不符。豈不知不信耶。一。偽善於人。好處何在。行偽並非容易。不免無數艱難。眼前斷聖味之恩。身後絕永榮之望。人雖獎譽。不能見重於天主。審判之時。生平內蓄之惡。明明顯露於天神聖人眾人之前。無地掩藏。爲何如今不想一想。一。外貌不可判人。似乎驕傲而心實謙恭。似乎忿怒而心實平和。皆常有之事。不獨偽善難憑也。能判人心真意者。惟一天主。汝惟判己。不可判人。判己之法。常想他人。比汝都好。常想自己。無一如人待

己必刻。審己必嚴。不容一些寬恕。纔可望去假偽而就真誠。後虛名而先實行。

當務之求 爲假善者

祝文 懇祈全能天主。我敬憶爾聖剛定致命者誕日。賴其轉達。使我剛健於爾名之愛。爲爾子吾主耶穌基利斯督。亞孟。

# 聖年廣益

十一月初一日 聖伯尼諾 致命

警言○受苦時。可喜悅。既迨天國。必承隆報。 聖經

聖傳○聖若望宗徒之門人。聖玻利加玻傳教時。得伯尼諾聖人爲徒。嘉其才品。洊歷神階。差往拂郎濟亞國。寓居顯宦福斯多家。福斯多樂從正教。率領一門。俱沾聖洗。其子且贊襄教務。從遊四境。勸化多人。聞弟未約。府邪廟盛行。聖人亟往救之。甫入廟。像即傾頽。內出一魔。呼號奔遁。旁人駭異之至。因而聽講者雲集。信奉者甚多。適總王路經此府。聞之大怒。拿鎖至官。官見聖人。懼心陡發。惟用善言勸慰。將國家恩寵誘之。聖人言語剛方。形容舒泰。不撓不畏。官復憤甚。苦以夾棍重

以鞭笞。血流滿地。聖人揮淚弗從。收監再審。次日。身傷全愈。強壯愈增。差人押赴廟中。強食祭過邪神之物。聖人畫一聖號。食物全無。金銀供器。土木邪神。同時碎壞。只存材質而已。官見金銀。俱成齋粉。勃然大怒。將重厚石板二塊。各鑿一孔。枷入聖人脚頸。鎔鉛灌之。收監斷食。主命天神。壞石痊傷。賚送天糧。濟其饑渴。六日後。差人驗視。知石枷早脫。諸患悉平。不敢親提再問。刑役曲從官意。以鐵條斷頸。利戟穿胸而死。時天主降生後一百七十年。

### 宜行之德 法聖人表樣

聖思 一。歷來聖人。俱比常人狠苦。問苦之來路有三。或係耶穌之仇。恨之害之。或係天主之命。堅固之。增益之。或因己之往失。樂從而補贖之。故往往全斷世俗之歡娛。刻薄此身。不容少懈。汝望升天。可如聖人

否。此爲真福之路。汝能同路隨行。未有不得者。聖盎博羅削曰。聖人之身。與我相同。惟心不同耳。既然同具聖人之身。爲何自異其心。而不同行聖人之真路。一。聖人雖苦。因有天主之聖味。全滅本身劇苦。故苦難時。愈苦愈歡。看聖伯尼諾於苦中。揮淚不從。明係喜歡之淚。大顯此時。感極涕零之實意真情。非矯情也。且火內談笑謳歌之聖更多。足見天主仁慈。世間先荷苦功之賞。不俟於世後也。一。苦中之樂尚如此。天堂之樂更何如。享天主之榮。受萬美之福。世苦全無。多少聖人。萬無一失。汝何樂而不行此路。昔人有言。不必妄想升天之路。還有別的捷徑。比這個又容易些。這是耶穌留下之路。就是眾聖人常走之路。汝欲不行此路。做不成聖人。天堂上可能容汝不聖之人麼。

當務之求 爲聖教廣場

祝文 懇祈全能天主。我敬憶爾聖伯尼諾致命者誕日。賴其轉達。使我剛健於爾名之愛。爲爾子吾主耶穌基利斯督亞孟。

初二日 聖厄嘿利 儲君

警言○爲已亡者祈禱。得解救於罪愆。聖哉。益哉。斯念。聖經

聖傳○聖厄嘿利。係紅阿利亞國王聖斯德望之胄子也。自幼卽顯美基。入夜。俟他人熟寐後。卽振衣而起。長跪誦經。每段先誦痛悔經一遍。以補晝之缺。父母聞此熱心。滿望將來丕承大位。政教並隆。一日偕往修院。命聖人先至。眾修士出迎。聖人執禮甚恭。內有貌祿更加禮

焉。父王隨後。目睹其情。與彌撒後。問之。聖人回云。因彼自幼童貞。他雖  
潔淨。皆弗如也。父王心竊嘉之。然欲察此言。係天主之恩否。越二日。又  
往院。同眾修士誦經。誦畢。王向眾行禮。眾皆回禮。惟貌祿心契天主。似  
不知者。遲至一二刻。俟默存畢。緩步而前。王以重言責之。貌祿神色如  
常。始信儲君密承主佑。果然識見不同。詳告於眾焉。行年漸長。篤志更  
堅。一日。伏跪聖臺前。默想天主大恩。如何報答。忽顯大光。自上而下。覆  
於聖人之身。有聲明示曰。天主最愛之德。莫如童貞。汝該慎守至終。聖  
人神樂非常。惟求加佑。以全主命。父王不知此意。聘女成婚。聖人心雖  
畏慮。恃有主恩。姑俯就之。豈知此女。夙有守貞之願。初夜。聞聖人嘆美  
潔修。即瀝陳素志。二人誦經謝主。各矢貞操。以卒世。惟聖人猶懼厚味  
養身。肉情必熾。加以齋克苦之。每日又爲煉靈增工。求主矜憐。雖罹劇

病。不肯惜身命而減其苦修。善終之日。容色怡然。時天主降生後一千三十二年。墓前靈蹟甚多。

宜行之德 補贖煉靈

聖思 一。煉獄靈魂之苦。從天主義怒中來。世間之苦。合萬苦爲一苦。不能比擬絲毫。可比者。惟永獄之苦。其分別處。煉獄有出頭之日耳。如此劇苦。現受罰者。或親友弟兄。或妻兒子女。汝竟置之弗問耶。定不得看汝表樣。被汝牽連所致。不該動心。代伊補贖麼。 一。煉獄靈魂。自己不能立功。熄主義怒。以減煉期。幸主仁慈無限。付汝代補代贖之責。可以安慰煉靈。挽回主怒。或念經。或施濟。或齋克苦工。或與彌撒。果然篤志力行。天主至公。必允汝之求。且嘉汝之愛。况彼因汝補贖。減罰升天。豈有不爲汝主保。求恩庇護耶。如此利人利己之事。爲何不奮力勉行。

一。煉獄之苦。汝該動心改過。蓋此日之煉靈。皆將來升天享福之聖。只因生前小過。受此大罰。可見天主至義至公。不肯一毫寬假。言念及此。不該害怕麼。與其身後。望人代補代贖。何如生前。自行補贖。此日淚流。可滅後來獄火。後來之淚。盡屬徒然。汝能如此動心。已往者。尙思補贖。未來者。反大膽放心。不知檢點麼。

當務之求 爲已亡諸信者

祝文 天主。以爾聖儲君厄嘿利。不貴世之所貴。保全己之真貴於無窮世。懇祈天主。使我等追隨聖表。惟務己之真貴。爲爾子耶穌基利斯督。亞孟。

初三日聖弗祿 主教

警言○予政遣予天神。先爾面。其來先爾。備理爾道。 聖經

聖傳○吾主耶穌在世時。聖弗祿卽棄俗追隨。耶穌升天後。偕聖伯多祿宗徒於羅瑪。聖伯多祿明知聖人有德有才。遣往拂郎濟亞國傳教。見國人皆敬邪魔。甫入境。卽於大樹下。向眾講明邪正之理。國人性情直率。從善如流。領洗者甚多。聖人爲防邪魔之妬害。常預計以俟之。良善待人。苦工責己。因其表樣。人人悅服信從。惟勸眾堅心固志。以受主恩。以輕世樂。雖聖教初興。而輿情允協。聖人仰承主命。攜友數人。直入深山。傳宣正道。時當盛暑。又值山徑崎嶇。並無水泉解渴。聖人以杖頭擊石。立時水出。石中涓涓不竭。迄今且爲治病之需。邇來又於山

前。建亭以彰其勝焉。惟亞爾物尼亞山。無房可寓。就洞以棲。聖人一年。必到山數次。或就近勸人。或誦祈避靜。如此至終。天主預示升天之期。傳集門徒。多方勸勉。自備教中諸禮而逝。葬後。相傳有多多靈跡顯於墓。

宜行之德 正心

聖思 一人孰無心。奈偏者多。而正者少。何以知之。因其樂從正心而出。有此真樂。不畏艱難。自無虛假。豈獨世間偽樂。不得而加之。設有世人之妄証。世務之阻撓。世情之患難。皆不得而加之。蓋堂堂浩浩之正心。從來不管這些不正之事。且明知其假。明知其無害。彼雖凶狠。斷斷不能與我之正心相敵。汝會有此剛強否。若自己信不過自己。難免偏多正少。一正心不能到有罪人之身。因彼之奸險凶惡。不與正心相

合也。所以正心須靠天主。亦惟天主之人。可得之。既得之。只管跟他前走。步步不離。隨時隨處。總不肯須與睽隔。因正心的本來面目。極端方。極古板。極堅固。極威嚴。不怕人情。不畏勢利。不避多人多口。倘稍有藏頭露尾之心。游移惶惑之心。便是罪人之偏心。並非本來之正心。所以不知改過者。不得正心。不能顯正心之真樂。一。不得正心之真樂者。必得不正心之真苦。在世上。你怕我。我怕你。人人如此。在地獄。你恨我。我恨你。永遠如此。欲除此苦。須及此在世時。緊隨正心之傳。傾聽正心之語。遂去偏心。永不許復入。此時在世。必卓然自立。不怕什麼。迄於死後。必永樂真榮。更不怕什麼。

當務之求 爲失去正心者

祝文 懇祈全能天主。爾聖弗祿精修主教。每年瞻禮。加我心虔而體

安。爲爾子吾主耶穌基利斯督。亞孟。

## 初四日 聖加祿 主教

警言 ○信望愛具存。茲三者。愛德爲大。 聖經

聖傳 ○聖嘉祿。係意大利亞國之世家。孩提時。卽樂志於聖道。父得其情。定願獻於天主。年方童幼。超越老成。外貌端方。內心純粹。妄作之事。不見於行。嬉戲之言。不出於口。人咸敬愛之。讀書數載。文章理學。及聖教超性之精微。靡不貫通。赴試成名進士。時舅父得教宗大位。聖人心竊喜之。惟慮世榮妨害。常領神糧。以堅心志。未幾。擢居七十二位。大主教之列。更簡爲座前相輔。聖人勉奉寵恩。赴都任事。適聖人尙未

入覲。而兄之訃音猝至。世爵鴻基。例應聖人接替。豈知聖人無意世榮。樂居聖秩。第一臺彌撒。預備慎終於始之心。默存八日。用耶穌會鐸德。歷俾辣。爲求示神工之奧旨。居無何。又授爲密耶府主教。因留相都中。不能赴任。簡一司鐸代理之。繼以事務劇繁。方辭親往。不意教宗病重。仍星夜回都。謝世於聖人之手。新教宗即位後。允歸本任。將管轄地方。若農夫之耨野草。去惡以淨之。其培植之法。先親而後疎。先本家而後外姓。舊僕概行釋放。衣服器皿。靡麗者毀之。貴重者售之。惟存樸陋平常之物。近侍諸人。分爲二等。已居神品者。百人。未居神品者。二百有餘。每日誦經默想。省察言談。俱有一定之規條。不容曠悞。居神品者。八日一次告解。領聖體。餘皆半月一次。孰怠孰勤。密查罔斃。神品者。一堂共食。輪讀經書。遇瞻禮六。通守大齋。求居此列者。必再四察明而後可。各

人室內。聖人不時親往。防其偶然玩愒。嘗講道以懲勸之。故此內不獨並無庸人。所出主教鐸德。賢能超越。襄助聖人。變冷淡而爲熱愛者甚多。見此非常神益。聖人欲擴而充之。於本郡城中。建大堂廣廈。延聘耶穌會諸司鐸。或道學。或文章。或格物。或專務神工。各館各師。聽人學習。一時風會之盛。卓然可觀。聖人之心。猶未已也。念城鄉一體。遐邇同情。周歷郵莊。不辭寒暑。往往渴而無飲。饑不能餐。舍騎徒行。跋山涉水。甚至懸崖峻嶺。匍匐偃僂。側足披荆。躋攀無路者。莫不奮然前往。餽糧代饌。凉水潤喉。而慰病啟蒙。堅振解罪。行彌撒。送聖體。日無寧晷。程途漸遠。明知盤費不敷。時時尅減。然當此囊空力乏之時。猶專以濟病憐貧爲急務。無銀可給。解衣脫履以贈之。或挪移借貸以應之。回署後。設立濟貧大院。不獨收養該管地方人。併留外來者。繼因鄰境凶荒。逃生求

濟者甚多。聖人目擊心傷。將本宅山莊。賣銀六萬兩。一日散完。又一次。得銀二萬兩。亦如前散訖。人皆傳爲勝舉。聖人之心。猶若歉然。在謝世一年前。忽聞蠻種。聚居萬重山內。敗行喪心。聖人毫無瞻顧疑難。即日梯山前往。路途之况瘁。非筆墨可言者。其人野性非常。惟圖謀害聖人。聖人以良言善表變化之。眾見聖人薄食充饑。羸衣敝體。大寒無火。草地就眠。既不希圖一絲一物。還將隨帶之貨財。幫助窮人。山蠻因而感動。由數人而至千百。漸漸革心向化。俱歸聖教。聖人知終期在邇。就道回城。照常僻居八日。避靜滿期。行總告解。必依僻處所繪耶穌苦蹟。默想三時。或云默想八時。神工甫畢。遍身壯熱如火。脗合天主預先之默示。欲加工自勵。本神父不允。即赴耶穌會聖堂。於諸聖瞻禮。舉行彌撒。次日。領聖體後。速歸本署。臥牀不起。越二日。領聖體聖油而終。年四十。

有六。時天主降生後一千五百八十四年。身爲主教二十四載。惟思己罪。自悔自懲。聞謗言。甘心樂受。聞榮譽。謙抑自卑。畢生喜受貧窮。一見病窮人。卽嘆曰。我弗如也。爲救一靈魂。雖遭萬苦。至於失命。亦所樂從。所以不懼艱難。不憂寒暑。不畏露居野宿。凡關係救人升天之事。此苦俱弗恤也。聖屍至今不朽。靈蹟浩繁。沾恩者源源不絕。

宜行之德 愛聖

聖思 一。嘉祿聖人。旣愛人靈魂。併愛人肉身。永苦暫苦。皆盡心竭力以救之。汝之愛德。可如是否。定不得只愛自己。不愛別人。還定不得只愛自己之肉身。並不愛自己之靈魂。如此之愛。是愛魔。非愛聖也。愛聖者。厚人而薄己。重德而輕財。若有財在手。惟想救人之暫苦以感化之。汝爲何不愛聖而愛魔。 一。相傳嘉祿聖人在世時。常有八個時辰之

默想。一日。行此默工時。有向前放一鳥鎗者。聖人屹然不動於心。仍禁侍人之轉害。汝之默想何如。既不能同此多久之工。還定不得連一二刻工夫。也沒有。卽或有之。不是內情忽起。就是外感猝來。亂心處甚多。假如默想時。突來殺汝之人。偶值傷身之物。汝心如何。可能若聖人之屹然不動麼。一嘉祿聖人。明知苦己。纔能愛人。所以逆境。不避不辭也。守齋。最難最險也。相傳常服棘衣。臨終未解。汝曾如此治身否。汝之犯罪。都從肉身而來。故本身是汝一生走不開的大仇強敵。汝不肯效學聖人之征討。到公審判時。仰見聖人勝仇破敵之苦功。汝復何言。

### 當務之求 爲仁愛會

祝文 全能天主。因聖嘉祿之功勞。懇賜主保爾聖教會。溯其生平。以愛以勸。是訓是程。恒以救人爲急務。生前之功德靡窮。歿後之榮光罔

極。我等罪人。懇切求主。因聖人建立之勳勞。賜我等熱心以愛主。爲爾子耶穌基利斯督亞孟。

初五日 聖加拉西榮 聖女額彼得瑪 夫妻

致命

警言○爾輩宜備。爾不意時。人子卽來。聖經

聖傳○聖加拉西榮係弗尼西亞國之宦族。父格利多豐母留西巴。皆出身貴顯。因多年不育。禱於邪神。終無靈應。遂致夫憎婦憂。時聖教不安。非被官捕殺。即避跡流離。一苦修人。名何努弗肋。欲乘此救人。顯主光榮。脫去修衣。扮爲乞丐。開明外教。併慰教中。一日。乞食於格利

多豐家。拒而不納。因呼籲情殷。留西巴命人給以食物。苦修人借感激以爲勸引。留西巴遂告以乏嗣不和。求神不驗等情。苦修人云。此非奇事。汝輩所求者。係死過之世人。生前尙不能保佑自己。死後焉能保佑別人。汝若肯棄此盜名欺世之邪神。誠心信認天主。這纔是造天地生萬物的主宰。全知全善。無所不能。敢保汝不久。賜生令子。天主聖恩。幾句常言。傾心悅服。後將要理講明。密付聖水。領洗後。即勸夫認主。夫亦樂從受洗。未幾。果懷孕而生聖人。亦苦修人付洗。聖人生二十四年。母歿。父命聖人聘女成婚。女名額彼德瑪。惟聖人守貞自矢。寢不同衾。女以何嫌責問。聖人回云。非不愛也。因汝未認天主故耳。女有天主開心情願棄邪歸正。其時不得神父。聖人自行付洗。洗畢。女向聖人云。我願以童身事主。不願復成夫婦。聖人喜甚。從此志同道合。時感時謝。及父

去世後。變產濟貧。各投修院。自立神工。聖人所居者。修士只十人。聖女所居者。亦無多女。皆小院也。在此三年。苦工齋克。同人俱推重之。此時禁例更嚴。查至院中。將聖人拿鎖送官。聖女蒙主默示。速辭院前趨。向聖人曰。爲何讓汝一人升天。如此大事。不該離開。捕役卽上鎖到官。先施鞭棍。見二聖堅執不從。繼以重刑。終於斬決。時天主降生後二百六十年。

宜行之德 緊隨聖佑

聖思 一。人人皆得救靈魂之聖佑。在教人更多。故進教爲萬恩之源。受恩之首。汝至今曾謝此大恩否。曾緊隨聖佑而行否。當知教內人。不隨聖佑。其罪更日增日重。 一。不聽心內聖佑之聲。或忽略不行。皆負恩之罪。但身在塵囂。難聞心內無聲之聖聲。旣不能感而遂通。如何得

蒙聖佑之賞。現在之視聽言動。都不隨聖佑之光。還望臨終。靈魂潔淨。非妄想升天麼。一緊隨聖佑者。所賞必今日多於昨日。後恩大於前恩。若偶然放手。必斷而不得。前功盡棄。還定不得因此疎忽。耽悞升天。故要救靈魂者。離不了時時加緊。只怕汝不會太緊。不怕汝過於自緊。總要緊中更緊。一步緊於一步。纔知恩上添恩。一日勝於一日。

當務之求 爲司教者

祝文 救吾者天主。聽受吾禱。吾樂爾聖加拉西榮。聖女額彼得瑪致命瞻禮。望以誠心。得受訓誨。爲爾子耶穌基利斯督。亞孟。

初六日 聖留納多 苦修

警言○子平留於爾。子平與於爾。世亦與平於人。惟厥平。子平。異

甚。聖經

聖傳○聖留納多。係拂耶濟亞國大將軍之子。此大將軍。爲聖王格樂類斯所最重者。故聖人生而領洗。王爲代父。又係主教勒彌聖人手中付洗。是以時加訓誨焉。稍長。修院讀書。喜其良善性成。常告以世情虛幻。生命不長。靈魂爲本。肉身爲末之言。聖人虛心受教。謙約端方。一行一言。令人感深肺腑。且往往以十字聖號。治人諸病。王聞其異。召見於內廷。探其志願。惟有全心事主而已。王語聖人云。汝肯在朝。隨我數年。後必舉汝爲主教。聖人對曰。感謝我王恩命。但我本心。若肯希圖

富貴。必早隨父母之光。因一生願求苦賤。以學耶穌之表。王甚嘉之。諭云。汝有何求。必皆允諾。聖人以出京居院請。遂子身前往修院。越一二年。修規熟諳。另覓僻處苦修。路過一方。乃未聞聖教者。聖人愛情甚切。不忍知而棄之。隨寓而安。周流勸化。爲時未久。付洗甚多。聖人見民風丕變。繼起有人。仍從前志。避入崇山峭壁間。離磨未雍府不遠。編篷爲室。篷之大。僅可棲身。落成之後。謝主寂居。就地而眠。寤多寐少。所需養膳。惟草根清水。此外勿嘗他味。多年做服。從不去身。晝夜誦經默想。歷二十餘年。無一知者。後忽遠邇傳聞。多有訪道觀光之衆。相晤時。形病。則求主痊愈之。神病。則法言變化之。莫不受益而歸。功高年邁。形體日衰。幾尺山篷。竟爲聖人謝世升天之勝境。時天主降生後五百五十九年。

宜行之德 輕世

聖思 一世味皆虛。信友良朋甚少。骨肉至親之熱愛。又多浮泛而不真。想大地圓球上。這不管害人。只圖利己之隱情。恐處處相同。俗人常說。知面不知心。又云。人心隔肚皮。此雖俚語。實係名言。只把眼前查看。誰可信誰。汝還明知故犯。常以世俗爲好。不隨天主真恩。是何主見。一世上沒有平和。處處都不能安靜。因人各一心。事隨人定。此非彼是。好惡不齊。必開爭競之端。罪難倖免。如何說得平和。倘有一二平和者。皆天主特恩。所以在世上之聖人。於未成聖德之先。必然離開世俗。常隨苦難之耶穌。若不如是。定遭世亂。難享平和。一世上從無正經之美好。不過是外面浮皮。樂內定生煩惱。貪者必受後災。多樂多貪。多貪多苦。萬萬無平和之日。汝爲何不棄之離之。而求正經之美好。又爲何

不輕之賤之。而學聖人之平和。

當務之求 爲迷於世俗者

祝文 天主。以爾聖留納多。每年瞻禮。樂我等。懇祈爾。我旣慶厥誕日。幸師厥功勳。爲爾子吾主耶穌基利斯督亞孟。

## 初七日聖瑪都林 鐸德

警言 ○良善者。乃真福。爲其將得安土也。 聖經

聖傳 ○聖瑪都林。係拂郎濟亞國中顯宦之子。父本好邪惡正。欲求總王。命除聖教。天主特賜聖人爲子。父雖導之以邪而不能。因聖人常與一主教往來。善講者。遇善聽者。相得益彰。領洗後。嚴齋苦克。徹夜

誦祈。以救轉二親爲急務。母見聖人良善日增。愛情更切。朝夕晤言。樂從之意。竟不知從何而至。父雖難與數數陳。夢見聖人。引人升天。甚衆。從此動心垂問。同歸於正。本地主教。知聖人才德不羣。授以神品。領神品時。顯著大權。能逐邪魔。故有時從主教命。傳教外方。亦有時留主教處。贊襄協理。越數年。羅瑪都中。一現居王位者。其女被魔盤踞。聖人奉命往驅。並救無數負魔人。留都三載。終於羅瑪。

宜行之德 良善

聖思 一。汝以怒性。能降不服之人。不知怒性一來。心亂志昏。纔令人難受。無論兩怒相衝。屈伸未定。就算汝強制服從。亦係他人一時忍耐。安知非後來破家亡命之根。況害身猶小。害靈甚大。從前汝竟不曾犯該下地獄的罪麼。犯罪必須補贖。還不受人一言半語。反暴怒壓人。又

添新罪。請看歷來聖人。皆悅色和顏。受人苦辱。誰像汝勢如爆火。狀若狂波。況事事必隨天主之意。獨此動怒時。倒付之不問麼。明係天主不許之事。任性橫行。還敢自稱聖教之人麼。一犯怒罪者。必有許多別罪。如罵人。恨人。妄証人。坑害人。皆從怒而生之支派。不怒。諸罪俱無。一怒。羣兇並集。汝於肉身小恙。必圖痊愈。今怒罪之害靈魂。並非小恙。反聽其支派蔓延。一呼百應。豈永遠之靈魂。不如暫世之肉身麼。爲除此罪。平時該常想耶穌表樣。教訓自己。臨事再加忍耐。怒性必消。又該想汝之得罪天主甚多。倘天主卽施怒罰。此時還有汝惱人之分麼。總而言之。汝果肯平此害。怒後必有不安之心。與其怒後不安。何如怒性一來。要行者不行。要說者不說。立刻廢然自反。到心靜氣和之時。再說不遲。一有人開罪於汝。汝卽忍之避之。雖係保全遠罪之法。猶爲不足。

必也橫逆驟來。心內平安如故。然後用汝之善良。顯汝之仁愛。解釋彼之所怒。縱然汝是彼非。亦該引咎求和。以盡先施之誼。纔不負吾主垂訓之言。所以聖奧斯定嘗云。汝有吃虧處。該寬恕之。可免兩邊犯罪。

當務之求 爲爭鬪者

祝文 天主。以爾聖瑪都林。每年瞻禮。樂我等懇祈爾。我既慶厥誕日。幸師厥功勳。爲爾子耶穌基利斯督。亞孟。

## 初八日 聖格樂德 五位致命

警言 ○汝齋時。弗師僞人。聖經

聖傳 ○聖格樂德等五人。皆羅瑪都中雕匠也。一名新彼利削。初

爲外教。見同侶做工時。畫一聖號。精巧過人。自揣力倍工深。勞人損器。而尙不及。向一位名新弗利亞諾者問之。新弗利亞諾仍先用聖號。破其迷。遂將全能大主。無始無終。一體三位。造世救世之本原。肉身雖死。靈魂不滅。永福永殃之賞罰。逐一講明。新彼利削卽棄邪領洗。後做工時。亦畫聖號。果與別人一同精巧。不久。總王命雕邪像。聖格樂德等五人同云。此係異端。不能從命。官復嚴催甚力。答曰。我們俱係天主教。此工萬萬不行。若欲強之。甘心一死。王大怒。命官刑訊。官以善言。勸其改悔。見不從。監候以俟之。再問再回。如前堅執。卽命棍鞭重撻。正在用刑之時。官被邪魔毒害。噬臍立斃。事聞。另委別員。化鉛爲匣。一人一匣。活裝於內。鎔其匣口。溺死於大水中。時天主降生後三百四年。至四十年。後。五鉛匣俱自浮於岸邊。教中人收葬之。

宜行之德 不可爲人而行

聖思 一。天主降生爲人。受難受苦。在十字架救人贖人。汝在天主救贖之中。不該盡心竭力。圖報涓埃麼。況汝之心力。皆從天主而來。以天主所賦之心力。不爲天主而爲別人。有是理乎。若汝之所行。果能盡心爲主。卽過於喜愛。樂於爭先。才能出眾。似乎驕傲。總不能損傷自己之神工。倘汝意中原爲人而行。雖云善事。而所喜所譽。已受過此行之賞矣。一得一失。間不容髮。慎之慎之。一。世俗不能喜汝之行。此係必真之事。亦係應有之事。因本意不同。趨嚮不同故也。所以事無大小。旣然爲主而行。就不該管人誇贊與否。人之誇贊不誇贊。與汝並無損益。又與汝之行事。亦不相干。奚庸計及。若說人言可畏。毀譽難當。倘逢邪說橫行之地。強汝不從。輕則詈言侮辱。重則絕命喪生。汝亦云。人言可畏。

耶。思之思之。一。浮言雜論。不該動汝之心。亦不該因此而亂自己之神工。當知邪魔本意。只想人人斷絕天主之恩。故嘗借人言搖惑。倘汝自無主見。將似是而非之言。過於聽信。不當止者止之。不當行者行之。分辨不明。必致直入邪魔之網而後已。今既提明說破。此類忽來。當以邪魔視之。一切假仁假義。俱置之不見不聞。聖額我略曾明示云。天主聖三。不斷妄証之舌。汝也做得來。戒之戒之。

當務之求 爲改過者

祝文 天主。爾賜我等。敬憶爾聖致命者。聖格樂德等五人。望爾彼居永福之域。使吾偕樂。爲爾子吾主耶穌基利斯督。亞孟。

# 初九日 聖特阿多羅 致命

警言○愛德不自滿。不貪高。不私。不觸怒。聖經

聖傳○聖特阿多羅。係厄肋西亞國內之營兵。差往壓瑪而亞府防守。其時查察教中甚嚴。聖人不肯晦藏。直言無隱。地方官拿交本官審治。聖人惟隨自己之明光。不欺己。不欺人。情現於辭。操存甚力。本官因其年壯英偉。惟詈罵放歸。聖人見致命不能遽得。乘此困厄之時。安慰教中。開明外教。爲主立功。可受此賞。適有邪廟被焚。甚樂聖人之願。向眾大言。此廟該燬。官聞之。怒甚。罪以慢神惑眾。鞭棍重刑。皮開肉裂。收監絕饑。是夜。耶穌臨慰。不令餓死。傷處皆痊。諭畢。天神羣集。同聖人讚揚天主。司獄守兵。見此神奇。飛報於官。官亦來監目覩。弗能感動。只

從寬日給麪餅一兩。水一盃。聖人力辭不用。官卽帶回。勸以慰言。末云。心中敬汝之主。外面微露隨和之意。豈不兩全。奚庸固執。聖人明知斷不可行。大聲曰。倚靠吾主天主。斷不敢犯降生耶穌之命。任憑苦我。並無畏心。亦無怨恨。官大怒。舉火燒之。聖人畫聖號。求主准其致命。遂終於火內。時天主降生後三百四年。

### 宜行之德

謙愛以克嫉妒

聖思 一。有嫉妒之心者。必無愛德。亦無謙德。因而自己不得平和。所以嫉妒者爲天主之仇。他人俱嫉妒者之仇。他人一些好處。嫉妒者受其大害。這就是不愛不謙之憑據。汝係嫉妒者耶。爲何不以謙愛受人之益。而惟以嫉妒自招其害。何計之疎也。 一。人有聰明。人逢吉慶。人居富貴。人得天主聖佑神恩。汝俱嫉妒之。宜乎不宜乎。世俗之才智尊榮。多有貽

害靈魂。並害肉身者。妒之何爲。若論天主之聖佑神恩。係人人可同得者。何必妒之。但汝之不得者。無他。惟被此妒心阻隔耳。一。欲除此罪。必刨掘其根。今再四搜求。離不了多驕盈而少辭讓。多殘忍而少仁慈。汝能去其多而補其少。妒罪自除。若不能盡絕。該想妒之爲害甚多。亂心第一。犯罪第二。傷身第三。損名第四。如此多害。必定遠離天主之神恩聖佑。又害之最大者。汝於別事。都知道小心避害。惟妒性一來。竟不顧害多害大。皆因平日未曾講明故耳。論正經道理。見人好處。就該照樣遵行。惟恐不及不如。何暇再生嫉妒。今汝既不能隨。又爲何不喜人爲善。該想這不喜之心。必從喜中變出。蓋喜善惡惡。人之同情。初先喜其善。而後纔不喜彼之爲善。汝果有心克己。此喜固爲入德之門。此不喜。亦可再變爲爭先上進之階。

當務之求 爲嫉妬者

祝文 懇祈全能天主。吾敬憶爾聖特阿多羅致命者誕日。賴其轉達。使吾剛健於爾名之愛。爲爾子耶穌基利斯督。亞孟。

初十日 聖德理豐 聖肋斯彼削 致命

警言○需並長以迄斂穫。乃命刈工。先刈莠稂。束縛烈焚。爰收厥麥於我廩。聖經

聖傳○聖德理豐。自幼蒙天主大恩。纔能言語。即善談教中奧妙。精微之旨。更有療病逐魔之神行。及長。見各處差員。屠滅教中。不勝其殘虐。深慮人心勇怯不齊。恐有畏受酷刑者。懇勸勉。不遺餘力。且明

目張膽而行。不怕人知覺。因而被捕到官。嚴刑拷打。自晨至暮。輪役鞭笞。身無完膚。血流滿地。聖人在此苦中。容色怡然。大顯其懽心樂意。時有助斯彼削。亦係職官。目擊聖人苦痛切膚。喜形於色。即猛然興起。深信所行。非人力可爲。定有巨能相助。想此人敬信之主。實係真主。大聲云。我亦信認天主之人。與彼一樣。情願同受死刑。官將二聖。縛至廟中。勒拜邪神。甫入廟。邪像俱倒地成灰。官怒。復行重撻。二聖同致命於杖下。時天主降生後二百五十六年。

宜行之德 想審判

聖思 一。世上係善惡混處之場。天主許惡人習善人之表。亦命善人。用愛人之德以勸惡人。且用忍耐而受惡人之害。又不肯輕賤惡人。因後來惡人改過升天。亦未可定。但明知惡人。與彼往來。不可被其沾染。

當審判自己之罪。比他更重。何敢再做效他人之惡。又何敢輕賤爲惡之人。一。美好苦難。二者人人兼有。眼見艱苦人。亦得偶然美好。受用人。必有幾番憂苦。或從天主來。或從自己來。或從親友外人來。未有不如此者。所以說世上並無真福。惟聖人能用天主所賜之恩。故苦難中。可得真福。因愛天主而順其命也。順命者。美好與苦難。莫非真福。汝何必遇美則樂。遇苦則憂。一。審判日。善惡必分其道。善居於右。爲上升之道。惡居於左。爲下墮之道。今中國呼異端爲左道。雖云不合而同。未必非默默中。爲承行主旨而有是言也。此時善惡顯明。真情畢露。肥遁之德。修掩藏之凶慝。人人無不知之。善與善合。都是天堂。惡與惡通。莫非地獄。這纔是天主彰善癉惡。永爲定案之舉。亦就是天地人物。收成歸結之秋。汝能脫逃此案麼。非右卽左。憑汝而今定奪。

當務之求 爲眾人改過

祝文 天主。爾賜我等。敬憶爾聖致命者。聖德理豐聖肋斯彼。削誕日。望爾彼居永福之域。使吾偕樂。爲爾子耶穌基利斯督。亞孟。

十一日 聖瑪爾定 主教

警言 ○寤禱。免陷於誘惑。爾心毅。爾軀綿。 聖經

聖傳 ○聖瑪爾定係巴諾尼亞人。其親以武功貴顯。聖人十齡就學。即能剖別是非。越數年。國家有征討之事。聖人年已及冠。竊念父親衰老。請命代行。只攜一僕。謹言敏行。愛眾恤兵。不肯自私。不徇惡習。時值苦寒。路遇乞人。單衣戰慄。聖人目擊心傷。奈手無他物。即將本身所着之戎衣。割半以與之。天主嘉其仁愛。入夜。室發大光。親見耶穌身被

所給乞人之半件戎衣。降臨於室。對眾天神曰。是衣。乃瑪爾定衣我者。蓋以証愛人。即係愛主也。事定軍還。聖人潛往聖意辣略。告以謝世貞修之志。意辣畧窺其懇切。留居數載。辭歸就道。強徒截劫之。問云。不怕死麼。聖人曰。我久事天主。天主全能全知。誰能逆命而行。奚畏焉。賊俱遠遁。行際。魔又粧人。迎問何往。聖人曰。我往天主所指之處。魔曰。任意而行。莫非逆境。大難即來。聖人毫無疑懼。將經言答云。上主佑我。何畏於人。語聲未絕。魔已寂然。抵家。詳告二親。年來所受主恩。勸其棄邪信主。至情感切。終於樂從。未幾。只偕一友。小島隱修。好學之士。嘗訪跡求師。一人從遊不久。未曾領洗而暴亡。值聖人他出。候久始歸。聞變默然。直赴棺前。退眾閉門。初則伏地以求。繼則全身覆合於屍。仰望主恩。頃之。死者復活。語眾曰。我死後。靈魂赴天主臺前聽審。罰墮地獄。忽有天

神入告曰。瑪爾定投地求恩。望主弗棄絕之。即令我魂轉世。容我遷改。眾咸感叩稱奇。拂郎濟亞國度樂諾郡主教病終。公舉聖人蒞任之後。創院立規。聚居修士八十餘。勤於慰勉。慕義遠來者。引之教之。從優迎送。求見之下民。隨時容納。患難貧人。必加賑恤。猶憶聖人詣堂。一貧人單寒特甚。命從者衣之。從者視爲常事。少緩須臾。貧人復行泣訴。聖人惻然。自匿殿隅。解內衣贈之。領後闕無其人。聖人遂赴臺舉行彌撒。正祭時。眾見異光。自天而降。圍繞聖顏。歷時甚久。如此盛德之徵。尙有誹言毀辱者。聖人惟憐愛之。求主恩宥之。一學者受業有年。被魔蠱惑。變志猖狂。不遵懲勸。聖人接以怡容。若無事焉。學者感悟自慚。安心卒業。魔甚妬之。俟聖人熟寐。房中火發。聖人躍然而起。烟熱難當。一求主佑。幻像寂然。偶至一鄉。其孩已死。伊母哀號求救。聖人允其代祈。少時卽

活。鄉民莫不服從。按臨屬邑。見一大樓中。供有精奇魔像。聖人欲命從人拆毀。並無器具。聖人求主明威。陡發大風。樓傾像廢。民始棄邪歸正。又往一城。適邪廟被焚。沿燒民屋。聖人向火畫十字。火患立平。再溯其造就人才。道隨境合。感而遂通。一日。僭徒於郊。其地穢潔不同。聖人示云。犬豕踐踏之區。即穢像也。牛羊畜牧之場。即婚娶像也。惟此花卉茂林。乃童身潔淨像也。生平神訓無方。率皆類是。後因要務赴都。王知來意拒之。聖人退求主示。歷七晝夜。主命天神降諭。次早。聖人直入內廷。見王高座。却步不前。忽來大火。繞王之座。王大驚。亟起恭迎。所請莫不允從。年邁力衰。天主默示終期。門徒一聞勉勵。依戀情深。聖人惟知順受主之定命。際此存亡呼吸之時。不肯安眠牀褥。下榻投地。苦服貼身。邪魔忽現。聖人叱曰。地獄犬狼。至此何爲。欲查究我行。我何間焉。語畢。

怡然長逝。年八十有六。時天主降生後三百九十七年。本係瘁容。歿後。反腴色光華。空中音樂。數千里外。聖色勿禮諾亦聞之。欣告同人曰。此聖瑪爾定升天之鼓吹也。門徒不期而會葬者。二千餘人。生平不坐於聖堂。行一事。必嚴齋求主。靈跡最多。如療病驅魔等事。筆難盡述。更有獨呼聖人名號。或將所服椶衣寸縷。或取墓前撮土。多能救災捍患。迄今罔替焉。

宜行之德 學聖人敬主求主

聖思 一。聖瑪爾定表敬主之誠。不敢坐於聖堂。因彌撒時耶穌親在聖臺。領汝求恩。我等罪人。幸詣臺前。應該或跪或立。望賜所求。雖主恩寬大。不及亂心亂身之人。汝今何如。時而亂言。時而亂步。名說求恩。實爲求罰。獨不想汝爲何而來。豈惟辜負主恩。併辜負自己。 一。聖瑪爾

定行事必先求主。求主必定嚴齋。嚴齋必增苦尅。故所求卽得。汝望准汝之求。亦該專專爲此。或齋克。或哀矜。動天主之垂憐。不該倚靠自己才能。一聖瑪爾定臨終時。苦衣臥地。求主矜全。魔尙顯形試誘。汝若平時不肯以苦以痛。習熟哀求補贖之工。可望臨終能退邪魔之害麼。  
**當務之求** 爲怙終不改者

**祝文** 仰惟無所不知者。全能天主。明知我等罪人。不能倚自己之微功。可獲天堂之永福。今因爾聖瑪爾定精修主教。護翼我等。俾能脫免在世之危險災禍。以得天堂之榮福永安。爲爾子耶穌基利斯督。亞孟。

## 十二日聖默納 致命

警言○持齋哭泣。全心歸。聖經

聖傳○聖默納係厄日多國之汎兵。一聞聖教。誠信遵依。大顯愛人之外表。故教外不生譏誚之言。嗣因禁諭下傳。即辭糧避害。潛住野山。以誦以求。以痛泣。以呼籲。惟望捨生致命。爲正教光。如此數年。忽回城市。進城不遠。遇一演戲之場。多人叢集。聖人躍入戲臺。大聲向眾曰。先知聖人意撒依亞有言。不信我者。得我。我也去。不問我者。我亦至其前。人人望而詫異。地方官拿究其情。聖人回云。我係天主教人。官命收監。俟戲完再究。次日。官以好語慰之。聖人云。屬在兵民。敢不凜遵君命。惟是正命無有不遵。似此背天主。奉邪神之亂命。寧死不從。國家以法

治人。天主教並無犯法之罪。國家之法。只治人之身。惟天主教。能治人之心。凡在天地大主之下。自君王以至士庶。人人棄邪歸正。聖教大行。未有不久安長治者。官命重刑答責。遍體血流。從旁一人相勸曰。受此劇苦。天主臺前。還算不得盡心竭力麼。天主全知全善。必能諒汝身弱心堅。大刑難受。勉隨外貌。拜謁邪神。未必就爲大罪。聖人怒容嚴叱曰。速速離開。萬死不能認魔爲主。我受之苦。豈惟不知其苦。更有非常神樂。官復苦以各刑。聖人氣象。若與身無涉者。講道勸人。不絕於口。官怒其梗頑。終於斬決。時天主降生後三百年。墓前靈蹟甚多。今舉一最奇最著者。亞肋桑得里亞府。有遠來商客。獲重利而歸。先往聖墓。求爲行路主保。甫及一程。投宿店中。主人頓起不良。入夜。將商殺死。斫碎其屍。刀猶在手。聖人猝然而至。如巡夜官。協同幾位天神。如隨身兵役。撞門

而入。卽問某商何在。店主驚惶無地。回云。並無客商投宿。聖人叱云。我明知在此。敢肆胡言。一面已被天神搜獲。店主見事情敗露。跪叩哀號。求官隱諱。免報上司。所劫之銀。情願加上百斤。送官求釋。聖人云。我向汝說一句正經的大道。若汝心中果然真真痛悔。我就有保汝身家之法。店主曰。果能饒恕是真。我必往默納聖人墓上。痛悔補贖。死而後已。聖人曰。既然如此。將客商已碎之屍。取來排好。店主如命排完。聖人呼之。即起。若寐中喚醒之狀。此時顯出聖人天神本像。大聲降福。勉勵後功。聲未絕而形已寂然。後來店主嘗趨聖墓悔罪。求恩補贖之工。迄於歿世。

宜行之德 離開罪惡

聖思 一。天主惡罪甚嚴。或在世前。或在世後。未有不加重罰者。世前

之罰。斷聖寵。絕聖佑。遠離聖神。天主視之如仇。不爲義子。不能升天。變作邪魔之奴。善功皆滅。究其由來。單單因一個重罪。至於此極。可見世間大害。還有過於重罪麼。一。世後之罰。犯重罪者。靈魂一出肉身。並無別途可望。亦無時刻遲延。直奔地獄。受苦受刑。到了天地終窮。靈魂再入肉身之時。作罪之世界已完。罰罪之永刑纔起。靈魂具有三司。無一司可逃其煨煉。肉身具有四肢。無一肢不受其炙燂。所以將來比邪魔之苦。更加一倍。因邪魔原係無形。人則兼有肉身也。世前世後之罰如此。其關係不重麼。其重罪可視爲尋常麼。一。邪魔係人之勁敵大仇。故時時引人犯罪。且喜人犯罪。天主耶穌聖母。暨諸天神聖人。俱與人最親最愛。故時時禁人犯罪。且惡人犯罪。今事情內。有害靈魂者。無非是罪。若果然自愛自己。不該以害爲愛。汝爲何得罪愛我之天主。常

隨害我之邪魔。

當務之求 爲罪人

祝文 懇祈全能天主。吾敬憶爾聖默納致命者誕日。賴其轉達。使吾剛健於爾名之愛。爲爾子耶穌基利斯督。亞孟。

### 十三日聖達尼老各斯加 耶穌會

警言○凡愛爾名。取榮於爾。蓋爾降福於義人。聖經

聖傳○聖達尼老姓各斯加。父若望。係波羅尼亞國世襲頭等大臣。母瑪而加理大亦係世襲大臣之女。昆仲數人。聖人最幼。明悟稍開。受業於文學名師若望畢林機門下。端嚴樸素。不事紛華。親友俱稱爲

小天神。無敢以戲言冒瀆者。偶聞淫語。立時面赤神昏。父恐座客不知其故。嘗明告之。時熱而瑪尼亞都城。創興公學。請耶穌會士統理。四方雲集。聖人之父。命偕兄保祿及其師。就學焉。聖人見學規謹飭。內德外才。無美不備。心甚樂之。自期發憤有成。每日息遊時。雖隨眾同行。終與密友。論道晰疑。不容荒廢也。未及一年。新君嗣立。令諸生各居學外。早入晚歸。因此賃房居住。師與兄喜其適意。遂與聖人不合。憎嫌侮辱。聖人付之不問。常服苦衣。減餐少寐。夜中誦祈鞭笞。瞻禮七。守大齋。主日領聖體。與彌撒兩臺。有數次誦經時。憑空離地。可知其熱愛非常。主特顯揚之。未幾。大病垂危。魔借犬形。於無人時。啣其喉。聖人毫無畏懼。畫十字退之。惟憂房主異端。難求聖體。相傳有病不得聖體。求聖女巴爾拔拉。必能如願。聖人明知求人無益。一心苦求聖女。忽一夜。不能熟

寐。仰見聖女拱立榻前。左右二天神。內一位。恭捧聖體於爵。聖人速令守夜人伏叩。自即起跪。誦領聖體前祝文。領訖。仰臥默思。以待主命。閱一日。忽見聖母。捧耶穌嬰體。送聖人手中。聖人樂甚。聖母云。汝尙未到。永見耶穌時候。須勉力建功。求進耶穌會。方蒙此寵。言畢不見。數日後病愈。進堂謝主。深悔從前原思進會。怠忽遲疑。實不忠之罪。隨向就正神工之神父。詳述前情。初疑夢幻。後知真實。准依聖命而行。聖人欣然快足。每云。平生樂境雖多。總不能勝於此樂。時衛伊納城之司教可准人進會。然非父命不行。求奉差之加特納爾勸之。仍執意弗從。聖人見無門可入。惟求主矜全。轉念去家須遠。可避其難。商之於友。亦耶穌會神父。答曰。汝行果決。我與汝奧斯波爾城司教書一封。可望有成。聖人明知難處甚多。奮然必往。前一日誦經半夜。次早。語家人云。有請我處。

不必候我喫飯。卽往發書之神父處。與彌撒。領聖體。取書就道。行至僻路。將表衣解送乞人。只留預備之布衣繩帶。手持短杖。腰繫念珠。狀似乞兒。飄然長往。寓中薄暮不歸。兄與師及家人房主。互論平日所言。遠去是真。次早。兄與師。協同房主。乘四馬車追之。已經追及。悞爲乞兒。不顧而奔。聖人改行小路。回車訪確。亦從小路奔馳。果在前甚近。馬忽住蹄不動。鞭之如木石。人皆驚懼。房主之僕。遠見聖人。及河無渡。水面步行。穩於陸地。不得已。作轉車勢。馬皆奪路回城。向來房主。不信教中聖蹟。遇此目擊之事。竟傳述不置口。同學一友。早知留書在房。亟告於眾。得書拆看內言。此行無他。惟遵天主命。求進耶穌會。滿我一生大願。父兄若有憐愛之情。必知事非得已。關係不輕。倘稟明而後舉動。吾父有言在先。禁入修會。何敢自投羅網。以違主命。爲免阻撓。惟有遠行異域。

可望成功。他日父兄親友。感主大恩者。恐正不少也。人爭傳錄原書封寄於父。不數日。至奧斯波爾城。司教已往弟令日城。歸期尚遠。聖人就途趨赴。路見主堂。適領聖體日。入叩仰觀。知非正教。求主矜憐。眾天神忽成隊而至。內一位。恭送聖體與聖人。領後健步捷行。次日入城進見。司教欲試之。命入學聽差。身當苦役。齋克非常。閱十八日。司教明告於眾。咸感嘆之。隨向聖人云。爲免汝家阻礙。不如親投羅瑪。時有初進會二人。羅瑪赴考者同行。聖人惟遵長命。不顧此來。已經二千里。此去尚踰四千里也。且一路神工不缺。兩月抵都。聖方濟各波爾日亞爲總統。看書後。卽云。汝來實天主命。必允所求。汝家生變。倚賴天主。不足慮也。聖人旣蒙此諭。卽日奉管理肄業之長命。興工避靜。引導之人。深服其工夫精細。期滿更衣。勝於脫鎖出監之喜。嘗云。外人獻主之工。一日無

幾刻。且多私意。我等在此遵命。與天神聖人。在天遵天主命相同。加功更易。自進會後。心安神樂。迴別他人。未幾。父書責其披叫街求食之衣。飄流各國。辱沒家聲。豈肯輕易干休。又寄加特納爾書。言耶穌會。騙去吾兒。我必設法。將本國在會人。永遠驅逐等語。聖人不疑不懼。惟痛父滿心世俗。回稱此行。隨耶穌十字架。甘取艱難。體面榮光。無以尙之。有何辱沒等語。父知威勢難行。欲徐圖別法。奈計策未成。聖人已棄世升天矣。聖人在會。不及十月。亦無非常行事。但溯其謙和聽命。苦己熱心。雖與人一樣。其實謹小慎微。他人弗能及也。偶來美譽。不發難受之容。惟面赤而已。言及家世。解曰。富貴不能攜於死後。何足重輕。惟效法耶穌。是真正鴻基大業。因此謙和。皆樂與言。幸獲叙談。慶爲厚福。見微善。卽效法之。見不善。含容勸化之。自視無能。嘗形已短。同人笑其不冤枉。

人。惟冤枉自己。每日有值役之四刻。適聖人身着敝衣。廚房值役。前在衛伊納城之加特納爾。枉顧聖人。不欲換衣。因長者有輕慢之言。始不爲也。奉差如承主命。不論艱難。不查緣故。不肯私心增減。即汲水運柴之末務。必遵管事人之定數。晝夜不留餘隙。苦鞭茨服。減食嚴齋。比未進會時更甚。然請命後行。弗自專也。默想誦經時。熱心最熾。形於身面。雖寒冬難受。出戶解衣以散之。人有憂悶。或遭誘惑。望見聖容。卽滅。似此神工。未能僕數。一日。同眾聽講。內言不問何人。俱能一死。各當預備。退向友云。所言係提醒眾人。獨我眼前。更當預備。隨遇一老年神父。言及聖母升天瞻禮。滿望及此慶辰。趨赴天堂。分外行苦工。於聖老楞佐致命日。求爲主保。是晚。覺有小病。管事人派送養病房。聖人向榻。畫十字云。從此倒臥不起。惟主之命。越五日早晨。向旁人云。今夜必死。回云。

如此小病。非聖母顯一聖蹟。候汝慶賀。何能至死。午後發昏。冷汗如洗。旁人方知危險。准其所請。下牀臥地。領聖體。傅終油。禮畢。向神父云。我心完備。重言以示意。手持聖母像。腕佩念珠。語人云。無力誦經。有心喜看。半夜後。指名請同學數人。謝入會恩。求眾寬恕往失。自誦悔罪經。頃云。好聖母。隨侍許多聖女。語訖而終。年十八歲。時天主降生後一千五百六十八年。聖母升天瞻禮日。寅初。顏色如生。跪叩者如市。墓前靈蹟最多。入聖品後。供像求恩者日盛。如死者活。瞽者明。病者愈。枯花鮮艷。危國安全。數年中。積至千餘件。乃兄保祿感發自新。歷四十年之痛悔。竟獲善終。

宜行之德 熱心

聖思 一。聖達尼老各斯加於世俗中。倚靠聖母。克己守身。告解領聖

體潔淨如天神。可知熱心人。必合天主意。汝欲成此熱心。惟有守貞克己。離世間之福。斷萬物之愛。纔能純而不雜。正而不偏。固結而不散。且時時涵養於神恩寵佑中。而不知其妙。一。聖達尼老各斯加修道時。如大罪人。痛告補贖。汝肯服事天主。必該效法聖人。不獨離世俗之愛。還要斷己身之樂。不使此心。一毫牽累。纔可望天主久長大愛。相連而不失。一。聖達尼老各斯加臨終時。無苦無憂。亦無畏懼。因他早離世福。世財。世樂故也。因他所走者。步步皆天堂之窄路故也。又因他一舉一動。一行一言。專爲吾主耶穌。深信耶穌所許之賞故也。若汝要望善終。必該學聖人安心爲主。常行窄路。倘因世俗路寬。依依不舍。誠恐眼光落地時。難免畏懼苦憂。

當務之求 爲教中幼年人

祝文 天主。以爾聖達尼老各斯加。每年瞻禮。樂我等。懇祈爾。我既慶厥誕日。幸師厥功勳。爲爾子耶穌基利斯督。亞孟。

十四日聖和莫朋 商人

警言 ○懇祈爾曹。如旅異地。宜戒構戰靈魂之肉慾。 聖經

聖傳 ○聖和莫朋。係意大里亞國商人之子。守其世業。交易最公。愛主憐貧。熱心無比。人皆敬慕之。爲遵父母命。娶妻成室。迨父去世後。愛德日加。嘗想世財易失。所獲公平之利。不俟貧人求乞。往往訪尋以贈。且慰以善言。勸其守分安貧。不明者。苦口叮嚀。偶遇頑民訕毀。甘心

樂受。此方之人。皆稱爲無告。貧民之慈父。婦因敗散家財。每進言諫阻。聖人回云。我爲耶穌散去之財。不但不少。還百倍以償之。適遭歉歲。聖人手攜麪餅一筐。見貧人簇擁。隨手散完。只餘一餅而回。及用饅時。筐滿如初。似此奇徵。不啻再三。所以哀矜之舉。視爲要務。力行靡倦也。貿易雖忙。神工不缺。每日夙興。誦經默想。到堂與彌撒。見窮人。必遂其所望。一生習以爲常。從無昂然弗顧之時。一日乃命終之期。在堂與彌撒畢。復伏地跪祈。天主卽於此刻。收其靈魂。旁人無一知者。咸以默想誦經視之。延至午時。人始近前呼喚。方知聖人早已謝世升天。貧病人聞知。求恩者無數。痼疾沉疴。立時全愈。隨後恩施。猶綿綿不絕。次年。卽列入聖品。時天主降生後一千一百九十八年。

宜行之德 忍耐世苦

聖思 一惡人必下地獄。故天主每以世福。酬其微善。身居世福者。不該害怕麼。當知天主如醫。不治死病。願食之物。許之勿禁也。又若犧牲。然。先加好食喂養。後始殺之。所以順境之來。必且感且懼。誠恐視我如死。待我如畜。可不畏哉。一善者不然。天主不許世財。害其靈魂。常以世苦保護之。又不肯身後罰其微罪。常以世苦代贖之。身罹窘難者。不該喜樂麼。所受之苦。即係天堂之價。不該忍耐麼。凡受苦而不能忍耐者。恐此苦之來歷。或知之未真。或信之未篤耳。聖額我畧有言。世苦強人升天。可不愛哉。一惡人先樂而後苦。樂僞而苦真。善人先苦而後樂。苦暫而樂恒。所以不論何人。無有不受苦者。惟世前世後之境界不同。真僞暫恒之時勢不同耳。兩途具在。差之毫釐。謬以永遠。可不慎哉。

當務之求 為苦難人

祝文 天主。以爾聖和莫朋。每年瞻禮。樂我等。懇祈爾。我既慶厥誕日。幸師厥功勩。為爾子吾主耶穌基利斯督亞孟。

十五日 聖沃畧 聖撒貌訥 致命

警言 ○弗結嘉實樹。必伐。必焚。然矣。 聖經

聖傳 ○聖沃畧聖撒貌訥二位。係厄肋西亞國人。見城市事繁。能亂人心。合志遯修。偕往山鄉。避其冗雜。置身世於不問。庶幾易立神工。二聖彼此觀摩。互相教學。往前用力。不肯片刻怠荒。所畏者。德行未修。所愛者。耶穌光寵。居無何。純誠清潔。若天神然。天主默命二聖。入城勸

化。被地方官拘拿。勒令背主。二聖曰。我現勸人認主。豈有自背之理。官云。汝若不改。刑法卽來。二聖曰。此言不過謂動刑必死。豈知從天主之命者。不但不死。且永遠常生。官命收監。事聞於王。王差近臣親審。辯論逾時。官因無益。褫衣重撻。拿禁暗監。絕糧三日後。又給些須糲食。越十餘日。官復提審。堅固如前。聖撒貌訥更比聖沃畧之言。剛毅難當。官吏之怒。故全歸於聖撒貌訥。先將聖沃畧死於杖下。後用各刑。施於聖撒貌訥。以洩其怒。聖人不但並無懼色。且贊揚天主特恩。官見各刑無用。斬決以終。時天主降生後二百九十九年。

### 宜行之德 防暇

聖思 一。聖人常言。暇爲萬惡之母。如此時。無可做之事。或認字讀書。或誦經祈禱。皆人人可做。處處能爲者。世後甚長。世前甚短。爲何將難

得之時。付於閒空之中。假如地獄之靈魂。能從新出來世上。不過分秒之時刻。可痛悔告解。可立功補贖。可滅地獄之火。可升榮福之天。還有什麼。能勝此片時之大寶麼。明知汝將來必有一日。求得從前閒空之片時。以救靈魂。竟不容到手。如今還現在汝之手中。爲何不肯。一。問汝此時做什麼。大概是閒空。又還未必空空閒着。或三五成羣。聚談無益之言。或眠思夢想。妄圖財利功名。或結伴嬉遊。或狂歌歡飲。不獨光陰浪擲。且貽害無窮。請將普世人查一查。大半如此。汝今不如此麼。一日之中。有幾刻爲天主。爲靈魂。有幾刻爲世俗奔忙。爲肉身快樂。孰少孰多。利耶害耶。爲何不算一算。一。汝肯每日打算。該將一日之工。限定若干時候爲靈魂。若干時候爲肉身。不該一總都爲世俗肉身使用。况所做世俗肉身之事。若俱爲天主而行。雖喫飯穿衣。行立坐臥。在天

主臺前。亦可算得爲汝靈魂。並非虛擲。亦非空閒。常常如此。可免邪魔之引誘。亦可滅世俗肉身之波害。

當務之求 爲懈怠於善者

祝文 天主。爾賜我等。敬憶爾聖沃畧。聖撒貌訥。致命者。誕日。望爾彼居榮福之域。使我爲同侶欣樂。爲爾子耶穌基利斯督。亞孟。

## 十六日聖亞彼伯 致命

警言○聞而不行。如人思己容於鏡。思己已去。頃忘其爲何若矣。

聖經

聖傳○聖亞彼伯於神職中。已登副祭之品。聞額得撒府。嚴禁聖

教。聖人明知空言萬難補救。甘心一死。以動其心。遂投官自認。官曰。汝既自認情真。須申達上司定奪。但汝父母在堂。該求誰照看。聖人曰。我不懼家中受害。自有天主保存。惟想我生。既幸逢致命之時。不敢輕輕錯過。若不肯據情轉達。我即親自呈明。因欽崇天主之人。多情願失此生命。以爲真教之光。死且不畏。他何慮焉。官見其決志不回。鎖解上司。知係自行投首。疑其來意。乃故爲羞辱之舉。即命重笞。笞後。投於烈燄中。被焚而死。時天主降生後三百三年。

宜行之德 正其內志

聖思 一。正教之德。全包藏於內心。德之舉動。全主張於靈魂。與肉身無干。故不能強爲惡事。汝能明知肉身。不能強勉靈魂之主張。即該用此主張以行其德。何必轉念事忙。又何必過疑不便。當知這轉念過疑。

就是肉身之阻擋。亦未必不是邪魔之詭詐。汝若果能識透此機。勇於德行。雖居萬惡之中。不難成聖成賢。一。既知德行之主張。全在靈魂。就該小心檢點。料理靈魂之事。每日須定準工夫若干。禁止肉身之阻礙。求增利益於靈魂。不然。正經之德行。從何做起。一。正經之德行。關係靈魂永遠。不似世俗肉身之德行。生只外榮體面。歿只人世虛名而已也。所以事事俱爲末務。惟此獨該首重。然而事事俱極煩難。惟此獨爲容易。請看世間安富尊榮。聰明博學。皆由不得自己。所以求者不易。得者甚難。若說天主聖佑。無時不有。無地不來。無人不得。全在汝自己肯隨不肯隨耳。從古至今。沒有一個人。敢說做聖人。由不得自己者。能隨聖佑。諸德可成。成德者。就是聖人。何難之有。今究其不能之故。無他。未能正其內志也。

當務之求 爲冷淡者

祝文 懇祈全能天主。吾敬憶爾聖亞彼伯致命者。誕日。賴其轉達。使吾剛健於爾名之愛。爲爾子耶穌基利斯督亞孟。

十七日 聖額我畧道瑪都 主教

警言 ○我儕夢覺。銳然蹶起。在斯時哉。 聖經

聖傳 ○聖額我畧係牛多國責撒肋亞郡人。親雖富貴。未務德修。聖人小學既成。聞立山府。設教修學。聲名遠著。往就業焉。先攻文學。後習格物窮理。漸悟天地大主之恩。立志改遷。求精奧理。奉阿里日擲爲師。五年卒業。始還鄉勸化近鄰。主教弗弟未聞之。欲舉以自代。聖人卽

晦跡藏名。久尋不獲。弗弟末求主允從。蒙主默喻而出。蒞任後。見所屬士民。不啻億千百萬。奉教者。只十七家。傷感靡寧。耶穌瑪利亞親臨慰勉。又命若望宗徒詳誨之。離城一廟。魔像能言。有求必答。聖人遠歸。就宿廟中。遂倚主聖名。勒令捫聲遠遁。次早。聖人別後。眾聞諸魔指名詈詈而出。邪徒追及聖人。肆行怒罵。聖人云。我賴天主大能。可驅可禁。安忍聽其欺誑。內亦有視爲異人者。乃云。爾能令我神復回。方信爾權果由天主。聖人默存片刻。卽寫字與之。邪徒持置於廟。魔即如初。咸以爲奇。追問叩求。有意改遷而未決。再望顯蹟以決之。旁有大石。請令自徙於他處。聖人允其所請。石竟應命自移。眾皆誠服。歸正棄邪。聞風嚮化者。接踵而至。公議建堂瞻禮。堂基爲大石所阻。聖人又命石自移。工甫竣。地忽大震。房屋盡傾。此堂毫無傷損。有昆仲二人。因湖中魚利。構訟

不休。勸之不服。聖人求主平之。驟然湖涸。水族盡消。二人驚悔無及。鄰河屢汎。大爲民害。眾請救之。聖人同至河干。將所扶之杖。植於河涯。命水毋踰此界。杖忽長成茂樹。狂波至樹而平。適瘟疫傷人。聖人晝夜巡行。顧慰。到即病除。勝於靈藥。奉教者甚多。立山隱士。居甌脫地方。炭窰爲業。聖人蒙主默佑。舉以接任。語曰。我待罪之初。奉教者。只十七家。今當離任時。未奉教者。亦止十七家。非上主之大恩耶。雖終期早已默喻。而懲已訓人。直至氣絕而後已。時天主降生後二百六十六年。殯於聖殿。卽聖人所建也。數年後。地復大震。城屋無不坍塌。獨此殿巍然無恙。

宜行之德 思想臨終

聖思 一人於熟睡時。即死之像也。夢中之害與利。變化靡常。喜與懼。危疑無比。醒後皆幻境。不獨喜樂全無。卽諸般困苦。異樣凶殘。肉身並

無傷害。今之富貴人。驕泰滿盈。貧賤人。勞苦憂愁。窘難人。怕懼驚惶。肉身視以爲真。實係一場大夢。靈魂之幻境也。夢中苦樂。不會干涉肉身。世上吉凶。又何曾沾染靈魂。此非天主聖佑之光喚醒之。必然軒睡至死。哀哉。一。睡熟之後。喜樂者。夢內榮華耳。驚怕者。夢中凶惡耳。現在之功名妻子。現有之財帛田園。俱弗愛也。倘有仇人。乘時殺害。或來盜賊。偷取金銀。俱弗怕也。究其故。都因閉目安眠。不見不聞所致。今普世罪人。不愛天主。不愛天堂。亦不怕罪惡。不怕地獄。不怕審判。併不怕死。候忽來。都因眼前不見之故耳。然一時小夢。聰明俱塞。無怪乎愛畏全無。若百年大夢。雖不獲見而知之。尙可聞而知之。汝爲何不尊聞行知。而衰如充耳。甘心熟睡也。一。大概罪人臨終時。必能知道一生該愛之天主不愛。單愛世福。而今盡屬虛無。一身該怕之罪惡不怕。單怕艱

難。而今必遭永罰。但此時遲了。雖知何益。頃刻之間。從何痛悔。從何補贖。既然如此。爲何如今不醒。達味聖人曰。世俗富豪。雖現在我身。猶如夢中握寶。一醒全無。似此做切名言。無非望汝及早翻身。轉回生氣。求一善終。

當務之求 爲臨終者

祝文 懇祈全能天主。爾聖額我峇道瑪都精修主教。每年瞻禮。加我心虔而體安。爲爾子耶穌基利斯督。亞孟。

十八日聖滿德國王

警言○全能天主。昔以紅炭。淨先知者。義撒意亞之唇。聖經

聖傳○聖滿德係依耶得國之儲君。昆仲十人。聖人最幼。甫七歲。讀書修院。六年於茲。熱心愛主。向父云。我一生情願服事天主。故自修院還朝。潛居僻室。惟日夕誦經默想而已。未幾。決志棄榮遺世。密往窮岩。苦修克己。豈知數年中。九兄盡歿。理應聖人嗣位。大臣訪求迎立。勉從之。卽位後。請舉行大婚。聖人素有守貞之願。不肯明言。惟求主佑。賜一醜病。庶不辭而自退。主允所求。陡發癩瘋。國戚大臣。不獨停止大婚。且有玷辱君臣之議。聖人喜不自勝。辭位遠行。甫登海船。癩疾全無。歡感更甚於前。隨往拂耶濟亞國僻地苦修。天主錫以神能。常行靈蹟。眾

皆嚮往之。大不合聖人養晦之心。亟遯於海島。此島原有毒蛇。忽自海中。並無遺類。島中舊存一塔。石山爲屏。聖人卽就居焉。清泉草菓。爲日用糧。有慕名求教者。以克己誦祈默想等規指引之。如此數年。終於此島。時天主降生後五百五十四年。

宜行之德 小心言語

聖思 一。不必說自己不好。此爲假謙。從傲而發。因此假謙。別人又增其誇美。正人君子所不爲也。聖教人。猶當諱之避之。經曰。讚美聽之他人。揚名不由自己。汝爲何故意假謙。換人真譽。 一。不該談他人之過失。只該說他人之美好。因世上的人。不論怎麼樣的兇惡。必有幾宗好處。汝若果有愛人之德。隱其兇惡。揚其美好。並非難事。今就汝自己而論。難道沒有些微不好處麼。這不好處。汝肯願人談論麼。汝既不願人

談汝之過。只願人說汝之好。就該推此本心。以待他人。一。常以好處獎人。不以惡處謗人。行之日久。心口必至自然。此正教人該行之正路也。但說話之中。保不定常隨此路。語云。口出萬言。豈無一錯。故與其多言而有錯。不如寡言以少過。與其言而後思。不如思而後言。經曰。人嘗預備靈魂。主必管其喉舌。因預備靈魂者。必荷主恩。束縛其舌。無暇閒談也。今汝終日羣居。談今論古。娓娓不休。請問此說話時。靈魂作何預備。

當務之求 爲言而無實者

祝文 天主。以爾聖王滿德。不貴世之所貴。保全己之真貴於無窮世。懇求天主。使我追隨聖表。弗顧世榮。惟務己之真貴。爲爾子耶穌基利斯督。亞孟。

# 十九日 聖婦依撒伯爾 國后

警言○有人向我。頻呼我名云。吾主吾主。若人弗輒克望升天。惟  
遵從在天我父旨。斯克升天。 聖經

聖傳○聖婦依撒伯爾。係弘嘉利亞國王之女。質美性良。未及五  
齡。日誦聖經甚多。見聖像。必起敬起畏。有財不蓄。必施貧婦人。謹言慎  
行。糲食麤衣。凡賞心樂意處。無分巨細。皆不與焉。本欲守貞卒世。嚴命  
難違。出嫁於鄰邦爲后。生有三子。教養維勤。常喜獨居。唸誦聖經賢傳。  
行有餘工。專內理政。孤寡病窮之人。每日待以資生者。不下千餘。偶遇  
凶荒。必選官廣賑。士民口碑載道。嘗云。如此愛民。允當國母之稱。有議  
其褻尊者。置若罔聞。越數年。國王親征外寇。病逝於途。喪葬事完。后即

避入齋宮。苦形煉性。宗室權臣。嫌后濟貧無度。會同節制之。宵小侍臣。遂日加訕慢。不安其居。遷於宮外。后遭此屈。甘心樂從。耶穌親臨安慰。隨後忽得黃金數千兩。除日用外。仍建大院一區。收養老病孤貧。親身執役如婢。或以卑陋諫阻。回云。尊崇莫如天主。且降世爲人。受辱受苦。我本卑陋微軀。今借事人之末務以事天主。雖再卑再陋。甚樂從之。一少年。奢侈無度。屢勸不從。聖后祈主開明。頃時。少年亟求停止。聖后祈禱愈加。少年呼號啼泣曰。身被火燒。難當難忍。乞勿再祈。旁人摩其身。果然炎炎如炙。聖后乘機教誨。卒成賢士。平日神工。志最專。心最靜。或被火傷。或被人擾。俱無知覺。所以多得天主之恩。有求必應。迨年老形衰。耶穌親臨撫慰。示以終期。病瘡將危。猶勉力痛悔。請聖體。領終油。囑付家臣。盡忠天主。哀矜貧病人。魔顯惡形突入。聖后曰。無命之徒。來此

何爲。魔發大聲潛遁。后泰然謝世。時天主降生後一千二百三十一年。是日。百鳥羣集於簷。和鳴不去。香逾冰麝。滿屋芬芳。面若童顏。閣城頌贊。計其時。病人拜墓即痊者。不可勝紀。死而復活者十六人。

宜行之德 求真福

聖思 一。真福有三。淨心第一。淨心者。不拘何等的苦難。莫解的悶懷。不平的憂慮。總不能亂其方寸。如此之人。纔可說得是滿其本分。能愛天主者。有此淨心。樂莫大焉。非真福麼。雖有體面喜歡愛欲之事。全具於心。若汝心不淨。斷無片刻之平和。過來人必能知道。汝係過來人否。而今心內何如。 一。第二。既能自淨其心。就該全賴天主。其全賴天主之法。須將自己全心全力全獻於天主。只願常滿天主之意。常順天主之命。凡自天主來者。不分甘苦。惟知感謝主恩。往往苦中生樂。不肯以

苦爲難。此非真福人。不能嘗此美味。汝曾嘗過否。當知此味何如。一。  
第三。既然全賴天主。就該默存主旨。因天主有天主之聖意。邪魔亦有  
邪魔之惡意。即如天主賞汝一病。不知者。視爲災害。其實天主之恩。要  
汝醒悟臨終之關係。要汝想望天堂之福樂。邪魔不然。正好借此。誘汝  
抱怨多愁。聖奧斯定曰。天主至仁至慈。若不爲好處。從苦而來。萬萬不  
許到汝之身。至哉斯言。汝欲舍此而求真福。難矣難矣。

當務之求 爲苦難者

祝文 仁慈天主。因爾聖光之明。照於信德者之心。伏祈爾。以爾聖婦  
依撒伯爾之功勞。賜我等。脫離世幻。常享天上永安之歡慶。亞孟。

## 二十日 聖雅各伯 致命

警言○昔天主多方屢啟先知者。轉語我祖。末時。斯日由厥子。

聖經

聖傳○聖雅各伯。係伯爾西亞國顯宦之家。父母熱心信主。故自幼勤於教育。率以義方。及長。擇娶教中淑女。奈庭闈之顧復。雖極周詳。而世俗之牽連。難辭隱害。因聖人素有長才。國王拔居左右。惟畏王禁止聖教。背主從邪。母與妻聞之。挽救無能。寄書斷絕曰。聞汝逢迎暫貴。暫生之人主。背叛無始無終之天主。不想人主雖尊。轉眼便成灰土。從其逆理之命。是以假失真也。汝母情願隻身焚燬。不願認不忠不孝之兒。汝婦情願誓同寡鵠。不願見不仁不義之夫。從今以後。斷其面晤。聽

汝自圖可也。聖人得書慟哭。悔恨前非。卽向各人前。明言自己實係天主教。國王聞之。面飭其非。重言辱罵。不即改悔。凌遲處死。聖人情願受刑。堅持不屈。遂傳刑役。解赴法場。從右手起。一指一指。鋼刀寸磔。自右而左。自手而足。莫不如是。聖人深喜此刑。稍可補贖從前之背叛。竟不覺其難。手足剛完。遍身皮肉。俱碎片如鱗。始斬首以終。時天主降生後四百二十年。

### 宜行之德 學習耶穌表樣

聖思 一。耶穌之事。聖若瑟謙恭而晦。順命而純。存其親愛之道。而若僻。如此之行。正我人所當首先學習者。汝曾習此三德否。只恐所習並非所學。大概心中。惟欲人人尊己於諸人之上。順從我意。到處顯榮。能似耶穌之養晦遵時。謙恭順命者是誰。 一。耶穌從此出來傳教。竭力

救人之靈魂。人反害之。以仇報恩。如此之行。又我人所當安心學習者。汝曾勸人救人否。在未經勸救之先。就該預備苦難及身。定不得要動所勸者之怒。要受所救者之害。因耶穌亦在所救者之手而死。若汝係情願學習之人。幸蒙苦難。就該學習。不該報怨。致命聖人依納爵有言。此時纔起。是耶穌之徒。一。耶穌之師座。就是加爾瓦略山上之十字架。耶穌之師訓。就是受苦受死。蓋以身以行爲訓。不似他人托之空言也。先師爲汝而死於十字架。汝學耶穌而反怕死。請看耶穌座下。可有怕死之門人麼。汝既欲同耶穌享福。不該先受耶穌之苦麼。天堂內。可有不曾受過艱難困苦之聖人麼。

當務之求 爲外教人棄邪歸正

祝文 懇祈全能天主。我敬憶爾聖雅各伯致命誕日。賴其轉達。使我

剛健於爾名之愛。爲爾子耶穌基利斯督。亞孟。

廿一日 聖歐西爵 顯修

警言 ○勿藏汝賄。勿窖諸地。在地縮敗。蠹齧賊奪。 聖經

聖傳 ○聖歐西爵。係拂郎濟亞國人。雖屬世家。無多豐產。父母熱心敬主。聖人篤信追隨。嗣值歲荒。支持無策。有關顏面。遠避異鄉。情願鬻身。救父母之饑寒。二親不忍。聖人心內更難。自投聖瑟物。令修院。陳明賣身本意。聖瑟物令知有天主命。留居役使。併許父母終身之養。從此感恩供職。神樂心安。一年後。聖瑟物令見聖人良善性成。順從謙忍。膺合修規。卽拔舉修道中辦事。先管庖廚。後管牧養。蒙主助佑。倍勝於

前。且數顯靈蹟。一護牲之犬。被人毒死。聖人命噬牲而來之狼。代犬護之一。餅窰失火。聖人入火取物。並無傷害。聖瑟物令目覩其奇。必係天主寵愛之人。命習神規。擢居神品。專司院庫。事縱冗繁。加工苦尅。默想諸工。晝缺夜補。常守嚴齋。不離苦服。繼因事多心散。求聖瑟物令准避塵囂。專精神業。既蒙允命。往大山中。架樹爲篷。作棲身之室。旁有蜜蜂數窩。爲日用糧。數年於茲。深思天主愛人之恩。身後之永賞永罰。有數次以聖號救人患難。遠邇傳聞。聖人恐生他患。仍回舊院。此係天主之默啟。因聖瑟物令不久升天。公舉聖人接位。屢辭不獲。勉強順從。謙上加謙。忍中加忍。善良之德。大服衆心。年已及暮。天主預示終期。全領教中諸禮而逝。時天主降生後五百四十二年。

宜行之德 幻世謹防

聖思 一。天主生育萬物。原爲引人常享天主之福。人能善用之。天上預備之福。必有常享之時。但因原罪之舊污。深入人心。又加以本罪之害。眼前萬物。不獨不能引人爲聖。且不肯許人爲聖。此不肯之權。不在物而在人。亦不在別人而專在用物之本人。今汝之用物何如。滿腔貪戀之心。竟不許一隙之地。轉瞬之時。上愛天主。怎麼說得能引汝心享天主之福。 一。當知萬物之內。有賞心樂意者。有誘行歧路者。亦有引歸正道者。賞心樂意之物。雖然美好。愛亦無罪。然未免流而不返。阻我愛主之情。必以離開爲上策。若誘行歧路者。尤該拒絕之。但此拒絕離開。談何容易。其難其苦。變態靡常。然能因苦因難。而引汝本心歸於正道。合天主之意者。必該隨之。雖有苦難。亦不覺也。 一。既知天主之恩

佑。可能挽回萬物之害。倚靠人力。斷乎不能。則聖佑神恩之關係。大莫大焉。汝之永福永安。必從此關係而得。還不該小心隨順麼。算汝自生至今。已虛度多年。只看後來。作何主意。

當務之求 爲外教者

祝文 懇祈全能天主。爾聖歐西爵精修主教。每年瞻禮。加吾心虔而體安。爲爾子耶穌基督。亞孟。

## 廿二日 聖女則濟里亞 致命

警言 ○吾主救世之寵。已顯於眾。訓吾儕。 聖經

聖傳 ○聖女則濟里亞。生於羅馬都城之貴族。儀容端雅。家學淵

源年甫成童。守貞自矢。父先早世。母未知其夙願。許字於名門。至期婚配。聖女無計脫身。乃語其夫哇肋里曰。我有要言。汝弗洩露。我誓志守貞。終身不嫁。蒙天主特賜一天神。左右護持。倘汝敢於褻瀆。恐遭大禍。若以兄妹潔情相待。汝亦得沾寵澤於無窮。哇肋里驚疑不定。回云。此言不能輕信。使我親見爾之天神方可。聖女曰。病眼安能瞻旭日之光。汝欲見之。須先信天主。領洗滌罪。否則無望也。哇肋里卽往復辯問。明悟漸開。亟求領洗。時國禁甚嚴。司教及諸修士。俱隱居郊野。聖女指明往晤。司教欣感無似。攜入後庭。忽見一人。狀貌偉然。衣白於雪。手授金書一冊。哇肋里惶懼倒地。白衣人寂然不見。蓋係天神借形以顯示者。司教扶而慰之。將金書捧讀。畧曰。天地惟一正主。修身惟一聖道。入道之門。惟一聖水而已。讀畢。豁然大悟。卽誠心求付聖水。司教詳陳精奧。

歷數晨夕而歸。入室適聖女正務神工。見天神借嬰兒像。手握二花冠。侍立。即悚然伏叩。天神以二冠分送曰。此非世間凡物。乃天上香花所成。久香不散。久艷不凋。目不淨者。不能見也。吾主耶穌爲表汝賢夫婦之潔。故錫此嘉美。又向哇肋里曰。因汝深信婦言。天主遣我顧慰。任汝所求。天主無不樂從。哇肋里不勝感激之至。回云。我無他願。惟有一弟。愛之甚切。若得棄邪歸正。吾願足矣。天神云。爾弟即來。不煩過慮。且喜爾昆仲。將爲主立功致命。言畢不見。弟名抵布。忽從外入。聞香甚奇。兄語云。此係天上降來奇花之香也。弟復叩其來歷。兄遂乘機講勸。此時抵布蒙主寵恩。傾心誠服。棄邪歸正。亦蒙天神臨慰。從此二昆仲。化衆施財。善名普著。事聞於官。拘拿審究。歷受艱難。不屈不移。竟以終刑致命。聖女聞之。幸甚。殮葬淨區。遺資盡散於窮人。官知家道素富。卽拘聖

女嚴追。聖女云。財已藏於窮人之手。安然無恙。堅固無虞。他人不能得矣。官大怒。勒令反教。否則大不利於汝身。聖女曰。棄真主而奉鬼魔。大不合忠孝之理。我若盡忠盡孝而死。何不利之有。官怒益增。命役牽至廟中。邪像前。如抗違不拜。卽斬之。途中刑役。惜其輕生。多方解勸。聖女告以正邪真僞之來由。示以輕重暫恒之苦樂。刑役及旁人。共四百餘。齊聲感服。聖女又詳言之。請司教付洗。官聞此變。忿怒非常。投聖女於蒸室。使鬱悶而死。豈知盡一晝夜。平安無恙。官令刑役。入室斬之。手持利劍。三斫其頸。畧無傷痕。役皆驚懼而退。因聖女求主賜寬三日之期。故也。此三日內。勸勉被化之人。勿以苦難爲凶。司教夜深入見。聖女叩謝曰。吾之求緩須臾者。欲將內外資產。盡施貧乏。欲將居室。作事主之小堂。今托付得人。何幸如之。司教俯躬允諾。既滿三日。氣絕而終。時天

主降生後二百三十二年。殮葬時。負魔患病者。赴墓求恩。無不立愈。

宜行之德 謹依聖佑

聖思 一。天主賜人聖佑。以救靈魂。人若小心承受。無不知之。前恩果能承受。後之恩佑更加。聖哇肋里雖係外教。許聖則濟里亞同守童貞。主即加恩。亦蒙領洗。亦蒙致命之榮。今該汝得的聖佑。不知多少。汝皆昧昧無知。輕輕放過。既無聖佑。必多魔誘。近魔誘者。必愈遠於聖佑。由是以觀。可知本來聖佑不少。就是汝少聖佑耳。一。能受天主之聖佑。必以無難爲難。必以無苦爲苦。從來聖人於萬苦之中。有莫大之樂者。皆由此而得也。所以苦難忽來。不獨不慮其苦。惟慮其苦之輕。苦之少耳。俗人不然。萬樂之中。不獨並無一樂。且先有萬難。後有萬苦。其相反如此。由是以觀。汝爲何不謹依聖佑。而樂聖人之樂。一。汝若不謹依

聖佑。關係匪輕。因天主預備之聖佑。不肯虛懸無着也。卽轉賜他人。與汝無干矣。請看如達斯失了聖佑。卽轉賜於聖瑪弟亞。今彼在地獄中。明知聖瑪弟亞所居天堂之位。係已應居之位。因不依聖佑而失。由是以觀。汝將來永遠之賞。永遠之罰。其或得或失。皆從肯依聖佑。與不依聖佑而來。這關係還輕麼。

### 當務之求 爲教中婦人女子

祝文 天主。爾德能靈異之中。不棄弱女輩。賜致命榮勝。懇祈我等。慶爾聖則濟里亞致命童女誕日。因其遺表。躋爾臺前。爲爾子吾主耶穌基利斯督。亞孟。

## 廿三日 聖格肋孟多 教宗致命

警言○呼左右繫厥手足。置之外冥。有哭。有切齒所。 聖經

聖傳○聖格肋孟多。係羅瑪都中之宗室。素有才德之稱。聖保祿宗徒傳教至都。聖人聞風欽服。既而聖伯多祿宗徒亦至。聖人歷奉几筵。多精神業。及二位聖宗致命。重任原悉托於聖人。因聖門尙有高年之理諾及隔肋篤二人。故辭讓不居。俟二人謝世。始任教化之任。家產盡濟窮人。隨方設教。國王迷於異端。不容正教之人。或流徙。或拘拿。往往加以重苦酷刑。聖人竭力救援。生前慰其憂。振其弱。資其日用。歿後葬其遺骸。傳其功德。行之既久。神化日興。魔徒妬恨。謀絕滅之。官知聖人乃宗室之尊親。未敢藐視。惟以好言勸改。聖人將真偽之原。反復辨

明官頗允服。奈朝議不容。照例遠流。官又勸之。聖人回云。爲義而遭窘難。是真福也。豈有賜我真福。我反背主忘恩。以取真禍哉。隨寓而安。何煩重慮。所可傷者。汝已略知真僞。不能勇於決擇。我甚惜之。官惟感泣。遞送出洋。友人門弟爭從。聖人惟攜數友。至半多地方。有先年安插之教中人。二千有餘。不期而遇。私相慶慰。聖人雖本來柔弱。樂與眾人同居賤役。以爲敬業樂羣之勸。是地無泉。汲水六十里外。聖人因眾人之請。率眾共祈。一羊舉足示之。聖人畫十字聖號。令人掘土。水湧如濤。源源不絕。眾皆驚異。教化大行。每日計付洗五百餘人。甫及期年。建堂七十有五。總王聞之。遣官輿費。前行禁止。初因不改。拿究多人。繼防民變。釋放寧家。獨請聖人相見。欲以僞理屈服聖人。聖人義正詞嚴。無能巧辨。請命於王。着用大鐵釘繫之。投於深海。永除其跡。士民有知者。莫不

哭隨。刑役將聖人投海訖。士民猶瞻望不歸。忽然海水倒退十五里有餘。直至聖身所沉之處。正如陸地。眾共欣欣趨視。見一小殿。係天神新建者。殿內供有石棺。殯殮聖軀於內。鐵釘繫繩等。置於棺旁。眾皆感叩主恩。愈增信德。人皆散盡。水始復原。時天主降生後一百二年。嗣後每年聖人致命日。水必退乾。顯明聖殿。定期八日。容人朝禮。數年後。有婦攜兒往拜。期滿水回。勢迫急奔。未攜其兒。自悔稽遲疎忽。覓屍無計。俟至次年聖日。俟水一退。爭先趨往。見兒安臥殿旁。亟抱入懷中。啼笑如常。問其一年何以度生。皆不知也。惟熟寐而已。似此靈奇。實聞所未聞者。至每年八日內。如瞽者明。聾者聽。跛者行。病者愈。不可勝紀。負魔人或手撫聖人之棺。或口吸殿中之水。魔卽遠遁。不朽神功。從未有盛於此者。

宜行之德 退懶惰

聖思 一。懶人。天主重罰者。人生極短。爲何以懶失之。不懶。邪魔不能誘惑。汝今隨自己愛閒之心而懶惰。不肯顧靈魂之關係而出力。請問世後事。將如之何。難道不願升天麼。若願升天。此時不發憤。欲待何時。一。人之懶惰。從何而來。必因靈魂之關係。無人強逼。又覺煩難。得一刻空。樂得快活一刻。此即養懶之根。再此根從何而來。必因眼前不想天主威嚴無似。公義難逃故也。倘聖業同於凡業。神工緊如俗工。汝敢懶惰麼。一。倒底必有一日。不能辦理聖業神工的時候。此時巴不得立功天主臺前。越多越好。爲何不將此心。預支於今日。每見世俗之事。預支者甚多。豈靈魂之事。獨不可預支乎。許多德行善言。俱置之不問。天主於世初所備汝之光榮福樂。俱棄之不顧。究其不問不顧之心無

他。惟因一懶惰而已。人因懶惰而受饑寒。不獨眾共辱之。自己亦覺赧顏。汝因懶惰而失真福。這無恥之恥。與永苦相連。何以懶爲。

當務之求 爲教中亡者

祝文 全能天主。垂盼吾劣。爲本行重任屈壓。賴爾聖格肋孟多致命兼教宗轉達。得厥護翼。爲爾子耶穌基利斯督亞孟。

廿四日聖吉所阿諾 致命

警言○予用大能舉揚爾。爾舉我懸十字架。 聖經

聖傳○聖吉所阿諾係羅瑪府人。聖教不平之初。卽拘拿監禁。歷二年之久。苦難言述。時有聖婦亞納斯大西亞常常照拂。但聖婦之夫。

篤信異端。聞有此行。愈增其苦。嚴禁飭之。聖婦寄書以訴其苦。聖人回云。天主無所不能。此苦不久自平。須暫時忍耐。望救於耶穌可也。聖婦得此回書。雖心安神樂。而夫之嚴厲日加。甚至斷其飲食。監入牢中。聖婦又以此情相達。求聖人轉祈。聖人回示云。天主以苦難淨汝之靈魂。故暫緩須臾。不令即死。併可望汝提救同在獄中之人。未幾。汝必爲主致命等語。聖人在監。不獨寄書慰此聖婦。往往於劇苦萬難之中。忘其艱窘。惟知講道勸人。堅固衆心而已。總王聞知。差員提問。若能引其背教。餘皆易耳。遂以富貴榮華。高官厚祿誘之。後知無濟。卽用重刑。終於斬決。時天主降生後三百三年。

宜行之德 痛悔宿愆

聖思 一。耶穌苦死於十字架。非如達斯。非蓋法。非比辣多。亦非如德

義就是我們罪過之故。天主耶穌基利斯督在十字架受苦至死。以補贖我之所犯。我還不肯痛恨我罪。又不肯願受艱難。且不肯感恩戴德。愛慕耶穌算得是人麼。一。還該知道釘耶穌於十字架。不單單只有一次。每日每日。以我罪過。苦之釘之。難道從前所受之苦。不滿汝心。汝因一朋友。一小樂。或些須之富貴。或偶然之體面。從新釘耶穌於十字架麼。汝若不肯承認此等惡心。爲何情願犯罪。聖保祿云。犯一重罪之人。即係復來釘死耶穌之人。汝竟放心樂意。不知悔改。算得是人麼。一。還該知道耶穌受再釘之苦。比前更重更惡。因先前只有一次。而今普世上。就一日而論。不知多少重罪。加耶穌之苦。且如德義當時原不知爲天主。今汝明知耶穌是主。信之。敬之。又敢如此釘之。將耶穌寶訓。勸汝不該犯罪。情願代汝受苦立功之大恩。俱付之不問。算得是人麼。

當務之求 爲有重罪者

祝文 懇祈全能天主。我敬憶爾聖吉所阿諾致命者誕日。賴其轉達。使我剛健於爾名之愛。爲爾子耶穌基利斯督亞孟。

### 廿五日 聖女加大利納 童身致命

警言 ○予將與爾。語言且智。凡爾仇敵。弗克抗。 聖經

聖傳 ○聖女加大利納。係厄日多國所屬立山郡內王族之女。才貌兼優。未蒙聖洗時。夢聖母手捧耶穌嬰體。聖女欲向前接抱。拒以舊污未淨。領洗後。如前再夢。耶穌欣然容其撫持。如受定心至寶。值國王命眾邀福於邪神。舉國若狂。聖女年方十八。挺身入見。直陳我王所崇

神像。係已死之人。生前爭篡欺淫。肆無忌憚。王何知之而反敬之。吾聖賢所尊無始無終之天主。顯造化以奠乾坤。展經權而施救贖。古典今文。羣奉一元真宰。奇能靈蹟。共徵再祖維皇。明人莫不信從。効死未能仰報。王何聞之而反疑之。朝中上下。捫舌無言。暫收聖女於內廷。查其來歷。訪其人才。本屬懿親。精通理學。聖女不以此爲榮。回云。世間富貴才華。時長時消。無關輕重。惟正教之積功累德。不變不窮。纔是正經體面。王因應對如流。特選名儒五十人。命其辨論。是夜。天神降勉。囑令仰仗主能。不獨五十人信服。次早官民羣集。五十人內。首推一老宿。有德有言。不料邪難勝正。聽聖女精微奧旨。惟唯唯順從而已。其餘四十九人。莫不真心悅服。俱稱臣等。非因才短。不敢再言。實因理正。不肯強辭奪理。王卽怒甚。將五十人舉火焚燒。聖女勉其悔罪定心。五十人跪聆

指示深痛。從前枉稱博學。幸聞淑女名言。方知人物之真原。情願以身証主。遂欣然入火。教中人深夜往收燬骨。五十人身體毫髮不傷。全美如生。敬收殮葬。歸化愈多。王復百計誘之。聖女云。志已早決。任憑刑戮。王怒愈增。命赤體重鞭。人見血流滿地。莫不痛心。聖女並無難色。鞭訖。禁錮牢中。斷其飲食。豈知法能禁人。不能禁物。每早白鴿啣糧入獄。且常有天神撫慰。如此危急存亡之際。大將頗而斐畧率兵二百名。保護后妃。乘夜進監。領洗入教。國后回宮。耶穌顯臨。勉勵至十二日。未曾餓死。又有頗而斐畧之行。王怒愈深。特造虐刑。中豎巨木。以綁聖女。旁用四輪。以施利刀。輪轉。則刀鋒交錯。鋒交。則骨肉盡糜。惡計雖兇。難當主佑。未曾動手。天神斷索散輪。飛刀旁中。左右被傷者甚多。眾觀其異。竟有不畏酷刑。歸化者。惟王執迷更甚。欲換刑洩忿。國后出宮直諫。不獨

不能挽回。着同頰而斐畧等二百人。併聖女。俱立斬。國后引頸樂從。聖女一聞命下。喜顏謝主。併求遺體。弗遭踐辱。遺名得爲主保。現在眾人。開其蒙蔽。求畢。受刑。頸痕無血。惟流清乳。時天主降生後三百七年。天神親捧聖屍。葬於錫乃山。墓上常流香液。可痊百病。後有如斯弟國王。造堂立院於墓前。

宜行之德 謙讓

聖思 一。聖女加大利納。自幼即獻童身於天主。爲保童身。寧受酷刑。雖誘以國后之尊。弗顧也。如此潔德。纔是負形之天神。可稱耶穌之真友。亦係聖母瑪利亞之親女。雖然在世。竟如聖人之在天。我等起敬起愛。不亦宜乎。一。聖女天堂之爵。豈特貞潔之榮華。亦得聖師之高位。因其講論。能使博學甘爲弟子。先聖女而升天。變化人心。鮮有若斯之

神速者。由此觀之。可知學問聰明。莫非天主所賜。請看聖女。雖晝夜攻書。爲日無多。而能以正道。屈服老成宿學之非。此豈本人之才智耶。皆由天主之聖光寵照而來。聖光之在人。若火藥之在炮。得一星之火。猝然震發。聖光之神速亦然。得汝一點發憤有爲之聖念。則寵照必從此來。又不僅五十人信服矣。凡居童貞之位者。始基於幼年。若居聖師之位者。皆可勉而至也。汝於別事。則娓娓而談。獨至講道勸人。反噤口結舌。隱忍不言。是誠何心。一。聖女之聖。童貞顯其德。聖師顯其才。致命顯其功。惟聖女之致命。不比尋常。本屬懿親。加以大君之愛慕。何難居人世極尊之位。享大邦全美之榮。專爲致命於耶穌。故全棄之。可知天上所授致命尊榮之位。必與平常致命聖人。大不同也。汝到其間。亦肯追隨否。縱或身際昌期。未有致命之望。若真心想得此恩。不必刀棍及

身。肝腦塗地也。惟退除世樂。輕視世財。苦辱自甘。不圖體面。有聖奧斯定之言。此係致命之一半。然則完全致命者。有得有不得。一半致命者。無人不得。無時不得也。汝今只爲一點便宜小利。就不怕得罪天主。還開口高談致命。難矣哉。

當務之求 爲教中婦女

祝文 全能天主。爾於錫乃山。授十誠於每瑟。今眾天神於錫乃山。捧聖加大利納致命童女之聖屍。亦營葬於此山。我等後人。遙望聖山而追隨恐後。惟依賴聖女之功勞。主保我等。俾能登耶穌崇高之聖山。獲享永遠之真福。亞孟。

廿六日聖伯多祿 主教致命

警言○予實門。人倚予入。必升天。 聖經

聖傳○聖伯多祿係亞肋桑得里亞府之鐸德。本地主教謝世。眾共舉之。即位後。正值總王禁止聖教之時。聖人爲救濟教中。無事不爲。無苦不受。亦欲借此預備本身之致命。教眾以失去主教爲憂。求聖人暫避其鋒。聖人初聞此請。執意不從。轉想此行。教中必多連累。遂晦跡潛居。二年有餘。常行各地。併密入獄中。慰其心。助其力。若旅次外方。必寄書訓誨本處之教眾。迨後遄歸。見本地背教人。勸其悔改。又傳齊鐸德。定此背教人補贖之罰。內有數人。聞知罰例甚嚴。頓起反心。鳴之於官。聖人又乘機遠遁。但心中難忘本地之教中人。居無何。仍回故里。竟

被差員拘拿入獄。獄中教友甚多。聖人慰之訓之。時外人多有求官速決者。城內教中人甚眾。來往監中。蓄心謀救。官恐眾人鼓譟。乘夜於牆孔中。將聖人取出。行至聖瑪爾谷爲主致命之地。斬決以終。時天主降生後三百十年。

宜行之德 倣效耶穌

聖思 一。耶穌所行之路。乃引人升天之要路。走此路。一直升天。此路是何。是卑。是賤。是苦。是難。最直捷爽快。最簡易明白。除此之外。並無別路可能升天。若不肯走此要路。妄想別路亦可升天。大錯升天之路。汝今如何。肯隨耶穌於山園否。肯負十字架於山上否。肯釘死自己於十字架否。汝肯如此。纔是一個肯升天的憑據。若至今未曾走此直路。是明明不肯升天。如何是好。 一。耶穌遺訓。至真至實。其言曰。神貧者乃

真福。涕泣者乃真福。苦難者乃真福。俗訓不然。皆與耶穌相反。孰是孰不是。孰錯孰不錯。憑汝信心定奪。今汝既信耶穌爲天主。難道天主之言。可有不是的麼。必定世俗錯了。然明知如此。還愛之隨之。可是正經善法麼。一。耶穌降生。爲養人之靈魂。養必有糧。爲此立聖體大禮。以爲靈魂之糧。今汝如何領受以養靈魂。曾知此聖味否。人人俱愛肉身暫時之生命。爲何不愛永遠常生之靈魂。汝果愛得常生。必該做法耶穌之行。不然。雖愛無益。

當務之求 爲仁愛聖所

祝文 全能天主。垂盼吾劣。爲本行重任屈壓。賴爾聖伯多祿致命兼主教轉達。得厥護翼。爲爾子耶穌基利斯督。亞孟。

## 廿七日 聖若撒法 國王苦修

警言○吾語爾。以惡瑪滿。積之朋。謝世時。彼引爾使入於永福。

聖經

聖傳○聖若翰達瑪瑟諾。親述聖國王若撒法事實。畧曰。聖若撒法。係東印度國國王之子。生後。父集精通排算生辰之術者。算之。皆云。儲君多福多壽。內有一人。天主使之說明後來實事。回云。儲君稍長。必奉天主教。且熱心最甚。此時國禁正嚴。教中多遭刑斃。驟聞此語。心甚不平。遂設法預防。育於深宮。不令外出。派心腹人。用技巧以樂其心。禁止旁人。不許在儲君前。說死。說苦。說貧。說天主耶穌。惟年漸長。知識已開。聰慧過人。自思境界甚寬。他人俱聽其出入。爲何我獨不然。問之於

師師即以術士之言告之。大動聖人之心。父子相見時。卽訴云。此間憂悶之至。毫無喜樂。求父許我出外。逍遙數次。庶幾心曠神怡。保全生命。此言雖與王不合。轉慮後來病發難痊。又無別子。強勉俯從。密諭從人。不許看苦難貧窮。老病死亡之類。與天主教人。從者凜遵防禦。不意行至中途。一麻瘋。一瞽目。一老人。扶杖而前。聖人卽向從人詳問。知人生在世。不出百年。疾病災傷。係常有之事。真僞了然於心。時有苦修聖人巴爾郎蒙天主默啟。命前往指明。聖巴爾郎更換苦衣。扮爲商賈。行至印度。趨赴宮門。覓師引進。向師云。我有一寶石。能治瞽。治聾。治啞。兼治百病。凡所願之事。無不得心應手。煩爲轉達。師卽據詞入告。聖人喜盈於色。速令進宮。旣至。聖巴爾郎曰。此係非凡重寶。人前難以輕視。聖人卽屏去左右。聖巴爾郎前席而言曰。我所言之寶。就是耶穌。從前至後。

細細講明。聖人蒙天主聖佑。大動熱心。留居數日。領洗入教。禮畢。示以進修之工。訓以輕世俗。報主恩而別。宮中有第一位師。名爾撒爾。且將儲君與客商密談數日。勸進天主教之事。上聞於王。王卽命近臣哈辣石。捕拿巴爾耶。遍搜無獲。請將各處苦修人盡殲之。王憂莫解。哈辣石轉生一策云。離此不遠。有一邪法人。那朔。貌類巴爾耶。此人雖行邪法。素明天主教之理。請王會齊明人。使那朔假做巴爾耶。與之辨論。儲君見巴爾耶無能強辨。自然容易挽回。王從之。奈教中人甚少。惟一人名巴辣加。挺然來會。儲君見假巴爾耶。果不能分晰。叱云。汝該記得勸我背棄邪神。引我欽崇天主。因而動我父王之怒。今此時更當緊要。汝能辨服眾心。於汝有光。於我可無阻礙。汝若理屈辭窮。不論孰真孰僞。我必親手剗汝心肝。喂犬。那朔心慌。卽定志用天主教正理。同眾異端人。

辨論。天主聖意。要用此假冒聖教之人。以明教理之真。所講天主造世救世之源流。左道邪魔之虛妄。雖異端羣集。並無片言回答。且棄邪歸正者。不啻過半。那朔自己亦痛悔前非。革心向化。王見所謀敗露。愈增憂鬱。又有邪術人頭達獻計云。聞彼教規。務期潔淨。今將儲君侍從之人。盡選美女代之。人之大欲。少有孑然無累者。果爾。其心不勸自回。王以爲然。揀選美女數十。又聘鄰近國君之女。華美非常。囑令入宮。若儲君樂意。即婚配爲妃。加以陪侍諸鬟。百般嬌媚。狂波險浪。難保瓦全。豈知數日之中。聖人惟默想誦經而已。垂首凝眸。捫舌無言。國君之女。見事勢難諧。正色檢容。求明聖教精微。此爲聖人最難之誘感。因救一靈魂。關係匪輕。彼旣有意求明。安可棄而不顧。又恐對面久談。慾情必起。變壞本心。只須頃刻。輾轉籌躇。伏地哀號。求主加恩憐憫。旣而神疲熟

寐。耶穌顯於夢中。命看預備所居之地獄。聖人倉皇驚寤。從此閉目齋居。女輩往來。絕無顧盼。惟將所見地獄之刑。存注於心。遂致積憂成病。王聞之。親來慰諭。聖人明告曰。父欲平安我心。許我離俗。往巴爾耶所居之處。王竟茫然無措。問計於頭達。頭達云。求王許臣往辨其非。及相晤時。聖人賴天主聖佑。大動頭達之心。回家將邪術之書。盡行燒毀。偕同那朔往苦修院。補贖前罪。王見此景像。無計可施。而愛子之心愈切。哈辣石曰。欲使儲君心散。全在事務冗繁。奉事天主之心。必因而疏遠。何不分國土人民之半。聽其治理。此時一日萬幾。無暇問及教規矣。王卽允從。分爲兩國。另建都城。在廷諸臣。願往者。准其扈蹕。聖人不樂爲王。借此可廣揚聖教。故俯順之。入都之始。首廢邪廟爲主堂。勸諭士民。速歸正道。一時進教者。不可數計。從前避難之主教鐸德及教中人。俱

慕義來歸。聖人親自賓迎。禮遇最隆。托以傳教救靈之重務。其最難得者。病人領洗後。無不立愈。其最難行者。聖人之刻身苦己。良善耐心。撫恤艱難。施恩貧乏。俱爲當務之急。有此二難。故廣揚甚易。且聖人統轄之地。年皆大有。人盡平安。道無凍餒之民。乃父國中。連歲凶荒瘟疫。地方爭鬪不和。自覺邪廟無靈。悔悟前非。傳諭聖人。問進教之始。該行何工。聖人欣然感泣。即謝主起程。親來膝下。陳明緊要之理。於眾臣庶前。供奉耶穌苦像。毀去邪廟僞神。然後領洗。名亞本訥。奉教四年而謝世。此四年中。無時不苦痛悲號也。聖人營葬時。七日未離棺槨。水漿滴點不沾。常哭常求。庫帑金銀。盡作哀矜之用。守孝四十日後。齊集羣臣。示云。我先立願離俗遁修。隨耶穌之苦難。而今正係當行之時。汝等另立一位爲王。眾皆跪叩哭求。萬不可行。聖人見輿情急切。慰諭而退。密語

巴辣加云。汝當接我王位。時巴辣加勝於劈雷震耳。悚懼固辭。聖人手書一諭。留與諸臣曰。爾等小心恭敬天主。事有經權。可立巴辣加爲王等語。遺於案上。子身潛去。居無何。臣民咸知其事。四路飛追。一見聖人。跪求再四。聖人曰。汝等欲我隨人之意。不肯許我隨天主之意麼。不得已。同衆回朝。齊集諸臣。手指巴辣加向衆云。汝等勸我無益。此係我所立汝等之王。語際。即冕服加身。強登寶座。諸臣朝賀如禮。聖人求主福佑。俾聖教日興。國家平順。又勉勵新君。勤行本分。語畢。徒步出都。臣民追送者。不可數計。俱隨路遣回。衆人離別後。遇一貧病人。解衣更換。不用行李。不用銀錢。所食者。惟野蔬清水而已。間關前進。望投巴爾耶之地。有時軟弱難行。專倚靠愛主之堅心。雖苦不難。二年始到。聖巴爾耶收爲門弟。但其行事。更苦於師。往往不食不眠。誦經默想。習以爲常。苦

中神樂。日盛月新。未幾。天主大恩。默啟聖巴爾郎。使知聖人終世之期。遂向聖人說明。聖巴爾郎即舉行彌撒。送聖體。至向眾畫聖號。聖人氣絕而終。葬後。聖巴爾郎微寐時。見聖人親來相告曰。天主賞我。先升天國。以迎我師。我師隨後。亦如此升天。按聖巴爾郎苦修六十載。居此三十五年。臨終。天主默啟一苦修人。前來殯葬。迨後國王巴辣加聞知。車駕親臨。迎歸二聖屍。葬於本國之聖堂。

### 宜行之德 輕世

聖思 一。聖巴爾郎離苦修之處。扮爲貿易。以救人靈魂。今汝爲救自己的體面。或救親友的身家。往往無法不用。爲愛天主。不是畏難。就是怕苦。必係愛德不真之故。聖熱羅尼莫曰。愛主者。沒有不苦之處。肯行者。必無難爲之處。 一。聖若撒法聽天主命。信聖巴爾郎之言。即領洗。

即默誦。卽守齋。卽着苦衣。所以邪魔世俗之害。俱不及其身。除此捷法。少有不獲罪於天主者。汝能效此而行否。爲望天堂真福。不可虛望。該少睡以多求。苦身以尅欲。減味以嚴齋。如此工夫。只恐不及而缺遺。斷不能太多而重疊。一聖若撒法見國中聖教。已經廣揚。卽辭榮去國。往求苦境。以仰邀天主之寵愛。蓋明知主寵。不及於有罪無功之人。若不預備。如何望得。今汝所做者何事。爲世俗。爲功名。爲身家安樂。爲學問優通。不知費了多少氣力。難道此等事情。可比得靈魂永遠之事麼。失去靈魂。並無救法。若不及早回頭。尙待何時。

當務之求 爲迷於世俗者

祝文 天主。以爾聖王若撒法。不貴世之所貴。保全己之真貴於無窮世。懇求天主。使我等追隨聖表。惟務己之真貴。爲爾子耶穌基利斯督。

亞孟。

廿八日 聖撒都寧 聖西細諾 致命

警言○晝夜默維主典。時結其實。 聖經

聖傳○聖教不平之日。聖撒都寧在羅瑪都中。周旋教友。因被捕拿。凡到官者。勒當苦役。聖人年老力衰。難滿所差之本分。時有一富足之教友。派人送食充饑。即聖西細諾。暨隨後亦皆致命之西利亞哥。及辣爾阿。及斯瑪辣多等。一經知覺。俱被獲當差。此數人。年富力強。本差之外。餘力可帮老幼。聖西細諾代聖撒都寧之力。雖汗流浹背。樂此不疲。監工者。每嘉獎之。懼王查察。據實上聞。王命聖西細諾至前。問以苦

中歌樂之故。回云。我係拜天主之人。故咏歌天主之光榮。王曰。汝當從我之命。拜我所敬之神。不然。我且苦死你。再問你是誰。聖西細諾欣然奉覆曰。此係我之大福。耶穌專爲救我。全身之血。盡流注地。今以我血報其恩。非我福乎。王無他語。只禁其勿言。交官究治。官卽監入獄中。越十七日。命司獄亞波羅年解官聽審。見大光圍繞聖身。空中有聲曰。從開闢預備之榮冠。今該戴於汝首。亞波羅年目覩耳聞。大動熱心。跪求領洗。聖西細諾卽准其付洗。赴主教聖瑪爾瑟里諾之前。堅振。午後。解送到官。亞波羅年卽訴明信主情由。官大怒。立將亞波羅年斬決。仍將聖西細諾收監。時聖撒都寧亦在監中。二聖神樂非常。講道勸人。亦有幾人付洗。官命二聖。向邪像燒香。聖撒都寧曰。求天主碎此哄人之像。祝畢。邪像香爐。自成齋粉。一兵名把必。一兵名貌祿。目見此奇。大聲曰。

此人所敬者。實爲眞主。官置若罔聞。將二聖赤體鞭笞。身無完膚。二兵直諫曰。爲何如此非刑。官遂重責二兵。一併收監。越數日。先將二兵打死。後卽斬聖撒都寧聖西細諾於法場。時天主降生後三百三年。

宜行之德 忍耐時苦

聖思 一。拜天主之人。若用沒奈何三字。強勉而行。就是立德立功之材料。卽如四時之苦。或冷或熱。雖與心不合。無法離開。何不受而無怨。忍耐自甘。此係現成功德。未嘗不可因其樂意順從。補贖前非。減少後來之煉獄。增加各種之神工。倘或一點熱。一點冷。俱不願忍受。請汝平心自問。從前所犯之大罪。非天主仁慈寬緩。此時不該在地獄麼。一。佔一毫世俗之便宜。圖一刻人前之體面。情願受苦不辭。買賣當差。農夫工匠。雖手胼足胝。露宿風餐。無不向往直前。若此者。惟望所求如願。

而已。亦有無數善人。甘受其苦。而所望不同。惟望耶穌之寵愛而已。彼豈出於人情之外乎。若猶是人也。爲何與眾不同。只因見之真。知之切耳。汝若不肯隨其表樣。是同苦而不同樂也。惜哉。一。耶穌在世時。世上之苦。沒有一件不會受過。馬槽之卑辱。厄日多國之逃亡。傳教訓徒之勞瘁。鞭撻茨冠之酷虐。三釘一戟。十字架上之慘傷。自生至死。無時不苦。無處不苦。此係救汝者。爲汝受苦。至於此極。汝不該動心。隨此表樣。以救自己麼。若漠然不肯動心。還算得是耶穌之門弟麼。

當務之求 爲苦難者

祝文 伏望吾主。使我兢兢不間。敬憶爾聖撒都寧聖西細諾致命得勝之榮。我力弗克以合。宜誠心崇敬。祈爾時時將我恪恭微忱。爲爾子耶穌基利斯督亞孟。

廿九日 聖瑟爾瑟諾 主教致命

警言 ○今世子。擬光明子。其智慧。甚越此否。 聖經

聖傳 ○聖瑟爾瑟諾奉聖格肋孟德之命。同弟阿尼削前往拂耶  
濟亞國傳教。行至亞肋辣德府。各路分行。聖人取道。往多羅撒府。中途  
閱歷之地。卽勸人不少。既至多羅撒。見民俗淳良。樂聞正道。遂建立主  
堂。每日在堂講勸。數年之中。被化者不可數計。聖人因聖教已經盛行。  
將鐸德聖巴布留守此堂。自往旁伯路諾府開教。亦建一堂。崇奉聖母。  
以勸。以表。以靈跡。歸化之人。更盛於多羅撒。有一日。領洗至四萬餘人。  
未幾。往依西巴尼亞國多肋多府傳教二年。忽聞多羅撒地方。異端作  
亂。所留之聖巴布被害無存。聖人恐教眾倉皇。前來安慰。此時之勞苦。

非筆舌所能狀其萬一也。一日街市徒行。經過邪神廟宇。其神時時靈異非常。忽然畏而不動。邪黨卽知此變。從聖人而來。定意害之。俟邪廟祭辰。惡輩牽一牯牛入廟。路遇聖人。拿至廟中。勒令叩拜。聖人叱云。汝輩不知汝神之力。我奉天地萬物主之差。此等邪神。莫不畏懼。眾聽此言。咆哮不服。亦詈亦撻。縛於牛尾。策令前奔。遂致頭崩腦裂而終。

宜行之德 智德

聖思 一。正教人之智德。須將自己之行。盡束之高閣。只從耶穌所教之言。昏者必明。愚者亦智。若不認昏愚。自誇明智者。其人必無信德。更甚於本來之昏愚。今就世福而酌量之。如仕。如醫。如商。如賈。如工。如農之類。愚人。則本業聖業。死守不移。智人。則不然。必弄巧以從權。處常而慮變。迨其後。聖業旣荒。本業亦失。智耶。愚耶。無他。因其行事不隨耶穌

之訓故爾。汝能隨耶穌之訓。由愚而智。是爲聖智。若不隨耶穌之訓。由智而愚。是爲賊智。一。爲何不隨耶穌之訓。因不曾默想。汝若一日之中。費一二刻工夫。只想汝臨終不遠。眼前人物。都管不得。素有信德人。必預備靈魂後事。若說在世。尙有幾時。問汝如何知道。旣不能知。何不把那時之智德。先用於此時。一。隨耶穌之訓者。所起一念之微。必然念念相隨。不獨言與行也。果爾。其效甚神。可除魔誘。可動悔心。亦可成就各項神工聖德。許多聖人如此。古聖方濟各常言。吾天主。爲我之萬物。聖女德肋撒常言。或苦或死。聖依納爵常言。天主光榮。若此之類。不一而足。汝若失去靈魂。雖盡得普天下之萬物。有何用處。此係吾主耶穌親口之言。舍此不知。而云聰明睿智者。未之有也。

當務之求 爲世俗人

祝文 全能天主。垂盼吾劣。爲本行重任屈壓。賴爾聖瑟爾瑟諾致命兼主教轉達。得厥護翼。爲爾子耶穌基利斯督亞孟。

三十日聖安德肋 宗徒

警言 ○予取榮。於我等主耶穌基利斯督十字架。聖經

聖傳 ○宗徒聖安德肋。係第一位宗徒聖伯多祿之親兄也。世爲漁父。而仁善性成。聞聖若翰保弟斯大名。時相過從。一日。隨侶偕行。適耶穌經過。聖若翰示其徒曰。此天主聖子。降生於世。救贖萬民者。聖人聞之。攜友往從。同耶穌至寓。快談終日。歸告其弟曰。經典所傳降生之

天主。我已幸遇。卽率同往見。從此昆仲二人。俱受業於聖門。然未離漁業。一日。耶穌於海畔招之。始棄網捨舟。追隨罔懈。四方遠近之人。仰慕耶穌。不能上達。常求聖人爲之先容。耶穌有舉行之事。聖人必居左右。雖言行未曾備傳。然由此以推。可知聖人之功業。非淺鮮也。耶穌升天後。宗徒公議分行天下。聖人由西弟亞國。周流得辣濟亞之鄰邦。又往厄肋齊亞等處。以信言實行。恩德靈奇。化人不啻千萬。猶憶各陵多郡內一叟。明告於聖人曰。我雖奉教。奈習於邪侈。七十餘年。未能遂改。身後之計。將若何。聖人憐之。嚴齋數日。祈主加恩。後令老叟守齋自儆。甫及半年。舊染漸除。神工日盛。竟獲善終。又於他處。遇一少年。泣訴曰。小人不幸。遭母無良。誣我大逆。致我死刑。但我情願受屈而死。聖人憐而慰之。代訴於官。官甚疑之。將子刑訊。刑役已經動手。聖人求主施恩。忽

然雷鳴地震。官座俱傾。眾亦倒昏若死。聖人謝主大恩。令倒者復甦。惟婦正伏誣告之誅。一死不再生矣。因此威靈教化愈興。行至罷大辣郡。新郡守厄日亞知士民大半皆從聖教。即嚴禁之。聖人入諫曰。爾因判民之權。自恃其威。不思天上還有判爾之大主耶。官曰。聞爾毀廟滅神。不遵國禁。而私傳異道。可乎。聖人先辨邪神之誕妄。次明天主造化之全能。降生之仁愛。甘受酷刑劇苦。釘死於十字架之大恩。免人永禍。登之天堂。即此十字架中。其德至廣。其味無窮。流俗人難知其深奧也。官以迂腐晒之。飭令改志。不然。請受所讚十字之刑。聖人回云。我願久矣。官無以應。囚拘獄中。士民欲強脫之。聖人苦諭而止。次日。官復提問曰。爾狂可去否。聖人曰。背正從邪。我不敢也。捨耶穌之教。而欲建真功。享永福。萬萬不能。所以雖死不悔。何去之有。官曰。愚民被汝蠱惑。罪難倖。

免。汝肯解散之。從寬發落。倘狂悖不遵。上刑必受。誰能救汝。聖人嚴飭曰。蓄此橫逆心腸。係早該受罰之人。今我多此辨論。望汝良心未泯。何反梗頑不服。欲陷我於惡。是誠何心。汝弗想我貪生懼死。當知性命出於天主。或早或遲。必歸還於主。今爲主而死於非刑。我功更大。汝罪更增矣。官聞之。勃然大怒。令壯役七名。輪班毒杖。肉爛血流。聖人談笑自如。惟知勸勉眾人而已。官見杖刑無益。命造大十字架。綁懸示眾。弗令即死。聖人聞之樂甚。旣行。士民遮道哭隨。聖人多言慰勸。奮勇前奔。望見十字架。俯身叩頌曰。好十字架。好十字架。向爲罪人之刑具。自吾主耶穌釘死後。今爲可敬之至尊。可愛之至寶也。我所願得者惟爾。故無處不尋爾。無時不想爾。茲何幸忽然遇爾。疾趨架前。自褫其衣。刑役肆意殘虐。網綁於架。豎立高懸。惡黨譏諷之。同教士民。感戢慘傷之。惟聖

人獨喜其福。雖連日高懸。非仰謝主恩。卽俯慰衆心。口未絕聲。聽者愈久愈多。信者愈堅。怒服。官恐變起不虞。仍欲囚之。刑役舉手解縛。手卽痿廢。聖人恐離此架。呼顛耶穌曰。我雖不才。仰仗吾主吾師聖德。幸收我於架上。忽見異光。從天照臨。環繞架前。頃之。聖靈從光內上升於天。賢婦瑪詩米辣向受聖人之教。欲表其敬。厚殮聖屍。葬於新墓。官欲罪之。因士民鼓譟而止。鬼魔乘勢。入官之腹。繞腸割痛。晝夜不寧。狂叫而亡。人皆感懼。聖化日隆。每年致命日。聖墓必流香液。可痊百病。液之多寡。可定年歲豐荒。閱數百年。有國王感念遺恩。遷葬於京都。羣魔惶懼。喧譁。空際大聲慘戚。似乎不願有此舉者。嗣後居民。蒙恩庇佑。靈蹟甚多。又數百年。遷於意大里亞國。至今謹藏於亞瑪兒非郡。仍如當日墓中常流香液。以濟病人。

宜行之德 聖十字之愛

聖思 一。聖安德肋久已預備願負自己之十字。幸而得之。遂成聖人。汝爲何不如此預備其心。求天主賞十字架萬分之一。若能如此。苦難來時。必然不苦而樂。可學聖人。向十字架大聲曰。我愛在茲。惟求十字架救我之主。以十字架收我之神。歸還吾主。倘時際昌期。苦難不來。亦得苦難之功勞。 一。聖安德肋一見十字。心中甚喜。故不必受釘受鎗。亦能死於耶穌苦難中。汝爲何見了十字。不發喜愛之心。汝受之苦。不論何苦。皆係耶穌在先受過之苦。論理不敢不愛。亦不該不愛。但平安無事之時。人人口中。好像聖人一樣。都說我愛我愛。恐到了其間。還是不然不然。天主至仁至慈。要人預先學習。往往以些微艱苦。極小的十字。試探汝心。就不覺手忙脚亂。慌張無措矣。何愛之有。 一。請看當

時。並非聖安德肋負十字架而死。乃十字架負聖安德肋而升天也。今汝之愛十字架。亦如聖安德肋之愛。則十字架之負汝。亦如當日之負聖人。不苦不難。送入天堂而止。若無情願之愛。雖然強勉擔承。徒自苦耳。無益也。嗟嗟。舉世不論何人。無有不苦者。亦無一人不在十字架者。惟善用之。可借此以成永遠之功。善與不善之分。無他。在愛與不愛之間耳。

當務之求 爲世俗苦難

祝文 巍巍天主。我等伏乞爾聖安德肋宗徒。旣爲爾教會。維師維主。幸爲我等。在爾臺前。時時轉達。爲爾子耶穌基利斯督。亞孟。

# 聖年廣益

十二月初一日 聖額里日約 主教

警言○爾宜謹慎。兢兢諸事。用聖史。供爾職。聖經

聖傳○聖額里日約。係拂郎濟亞國里莫日府人。世傳正教。學爲銀匠。精巧出羣。遵守聖規。不敢低潮銀色。遂藉以成名。都中顯宦。名波朋者。付銀爲器。工皆細緻。式更時新。波朋甚嘉獎之。適遇國王。欲爲金椅。嵌鑲珍寶。都內匠人。見其圖式。無一承辦者。波朋卽舉聖人任其事。王將金寶若干。限以一椅之數。聖人用此金寶。造成二椅。奇妙驚人。分毫不少。因此德才俱顯。王竟用爲心腹。不以匠役視之矣。聖人體格魁梧。面容華美。語言敏捷。動人。行事不忙而速。經手之務。必然妥穩。從未

顯其繁難也。惟聖人心內。恐世事紛紜。有妨神業。因而總告解。領聖體。克己守齋。誦祈默想。預防危險之凶。嘆世情虛幻。懼審判威嚴。地牢永遠。常悲號哭泣。求主加恩。人每竊聞之。王見聖人誠於敬主。更寵愛有加。若命講天主事理。聖人必直陳何事宜行。何事宜改。自處最謙。無傲慢。無疾言。無怒色。惟有小心謹慎而已。凡製造銀器。必先誦聖經數句。以斂其心志。一生專以濟貧爲務。凡欲造廬相訪之人。遙望其門。多乞丐者。定係聖人之居。出門嘗袋多銀。路遇貧人。卽散給之。往往叢集如蜂。倘囊內已空。又值乞憐之人。卽解衣以贈。不虛所望也。爲行哀矜。自身常斷日用之需。食無兼味。菲薄自甘。衣不奢華。惟從樸素。國王嘉其善行。解所衣之袍帶賜之。聖人不肯久留。以貪君惠。變銀施濟。待己最嚴。待人最恕。夜睡不多。長行默想。苦衣棘服。不離於身。總王有外國之

事。欲得能員往理。可免戰爭。朝野甚難其人。王以聖人入告。總王即增其榮寵。隨以重賞。便宜行事。聖人奉此大差。盡如所命而回。財物俱付之窮人。似此才能。皆從熱心恭敬天主而來。眾議僉同。舉爲主教。遂歷階而陞。接任之後。神業愈勤。德光四佈。管轄之幅幘雖廣。作新之政教靡遺。聞有一處。未蒙聖化者。必親自按臨懲勸。初難馴服。惟以謙忍感動之。不期然而人心丕變。如大尼亞薛西亞等處。邪廟改爲聖堂。化行俗美。救人不可數計。卽退居本署。其善言善行。兩者兼優。故取效甚神。終主教之任。每日必留十二貧人。在坐同餐。且親身服役。不假手於人。蓋其憐貧愛苦之心。至老不衰也。天主默示終期。預備神工。誦經時。瞑目而逝。年七十歲。時天主降生後六百六十五年。

宜行之德 小心本分

聖思 一。元祖得罪後。天主命之農田。由此以推。可知人人都該出力。以完本分。聖經曰。耶穌自幼。即居出力之中。我等罪裔。反不該如此麼。所以先聖有言。出力之人。最怕閒魔毒害。汝當閒空時。就該防各樣惡魔。因閒。爲萬惡之根故也。 一。聖額里日約動手。先誦聖經數語。收斂己心。獻工於天主。汝能如此而行。即因俗工而爲聖工。立功於天堂。並非徒然出力。立功於世俗也。完工後。還該省察所行。或犯或悔。以仰合天主之聖意。這纔是步步皆走天堂之路。 一。工不在多。多則其心必致散亂。從前之熱心自滅。決不定心爲主。此時就該記得最緊要。大關係之事。惟有救靈魂而已。又該記得我曾爲名爲利。出力圖謀。終於無益。爲何而今。還不肯及早回頭來尋天主。天主無所不在。尋之即得。得了天主。無物不得。聖人可鑒。聖傳具存。小心本分者。宜熟視之。

當務之求 爲百工技藝之人

祝文 懇祈全能天主。爾聖額里日約精修主教。每年瞻禮。加我心虔而體安。爲爾子耶穌基利斯督。亞孟。

### 初二日 聖女彼彼亞納 致命

警言○主。予已望爾仁慈。予心欣躍於爾救贖者。 聖經

聖傳○聖女彼彼亞納。係羅馬府頭等大臣之女。一家父母姐妹。俱爲主致命。蓋因父母致命後。爲籍沒家產之故。將姐妹二人。收監斷食。已越多時。尙保存無恙。官名亞波羅年。面諭云。汝隨國王。全還家產。不然。受苦無疑。二姐妹曰。盡世間之福。合萬國之財。亦不肯背我天主。

官怒其言。正欲動刑。聖姐德默德里亞先倒地而終。官拿聖女彼彼亞納。交與最惡之汚婦。此婦使盡惡謀。不能肆害。官大怒。命縛於木柱。撻之至死。時天主降生後三百六十三年。離父母致命時一年。

宜行之德 輕世

聖思 一。世俗愛人。實係害人。如蜜貯金甌。內藏鳩毒。耶穌之訓不然。先苦後甜。樂即隨之。聖熱羅尼莫有言。正教之人。在世如在天堂。因其心超越世俗之上。與流俗不同。汝爲何自己不知自己。埋沒於世俗之下。一。輕世必然心平。心平不怕世害。怕世害者。心必亂。故世俗爲耶穌之仇。不論如何。總未能滿汝之意。汝能一概俱以糞土目之。聽他隨便待汝。自然諸害都不能侵。何必自生畏懼。當知該畏者。天主之審判。因世人不能審判世人。審判亦不在世俗。在於耶穌留下之聖經。一。

該想耶穌所許之福。該看世人所受之害。則眼前美好。未有不輕之賤之者。無論美好不能稱心。且諸害皆從美好而來。隨耶穌者。有若是耶。聖奧斯定曰。人之真苦。在隨世俗。人之受用。在隨耶穌。

當務之求 爲世俗人

祝文 天主。爾德能靈異中。不棄弱女輩。賜致命者榮勝。懇祈我等。慶爾聖彼彼亞納致命童女誕日。因其遺表。躋爾臺前。爲爾子吾主耶穌基利斯督。亞孟。

# 初三日 聖方濟各沙勿畧 耶穌會

警言○予眞實。予仁慈。借伊。因子名。厥勇將興起。 聖經

聖傳○聖方濟各沙勿畧。係極西納哇辣國人。世爲望族。稱沙勿略。即本族之姓。以別前聖也。父若望。母瑪利亞。子女數人。聖人居幼。游學巴里斯。獲交聖依納爵。雖聖人尙志切功名。而聖依納爵預識其可與入道也。有隱修貞女。乃聖人之姐。蒙主默示。知幼弟將成大德奇勳。敷教於遐方。聞之於父。心竊異之。未幾。聖人定志嚴修。不被人言搖惑。先在僻區。潛藏數日。省察生平過犯。悔恨痛懲。將細繩緊縛於股。以自罰。數月後。挈伴同往意大利大里亞。途中股繩深入於肉。痛極難行。友始知之。延醫醫治。竟愕然驚走。諸友見人不能治。伏求天主。蠅忽自斷。傷跡

全無。眾皆歡感。謝主前趨。行至物搨濟郡。往晤聖依納爵。因神職在身。分理各務。聖人樂居病院。苦役自甘。實心勸勉。遇臭穢毒瘡。往往口吮其膿。以滅除厭憎之心。惟過於勞苦。病瘡甚危。前聖熱羅尼莫忽現慰曰。汝弗重虞此病。將來某日。患難及身。須毅然迎受。汝與同友。將分傳聖教於各方。語完不見。瘡病頓除。所言莫不昭合。一日向友云。夢我背負印度國黑人。其重如山。未知何意。嗣蒙天主示以異日。爲我必遭重苦多艱。聖人踴躍歡欣。惟望分定之苦。再增數倍。未幾。聖依納爵因隨波爾都亞爾國王之意。遣二友前往印度。聖人適逢其選。即日請教宗命。束裝就道。途中跋涉甚難。同友險患憑陵。幸獲聖人救免。匍匐六旬。抵波爾都亞爾國。適會友久病不痊。一晤聖人。脫然無恙。王以印度諸國傳教之任重托之。航海而東。同舟計千有餘人。多染病而死者。聖人

慰救如醫。服勞如僕。人皆以慈母頌之。在途一年有餘。既至印度。先入  
臥亞諸國。正當風俗人心大壞之時。聖人晝夜巡行。勸懲勉勵。加以靈  
奇之實驗。格外之殊恩。鼓舞作新。不覺羣然感化。都邑既已改觀。鄰封  
豈能坐視。間關周歷。拮据靡寧。濱海而南。所遺靈跡。如愈病驅魔。救災  
免患之事。不能僕數。垂危大病。一見聖容即起。倘相離甚遠。或無暇惠  
臨。卽命奚童。捧所執之杖。或所用之物。置於病者之身。誦經祈禱。莫不  
應命而痊。有貴家夫婦。只生一子。患病身亡。合族負屍求救。聖人持其  
手。語曰。我賴耶穌聖名。命汝復活。死者應聲即起。道遇孤兒。井中溺死。  
聖人命攜屍聖臺前。誦經祈主。頃刻復生。因此遠迎聽教。從化甚多。相  
傳是時。行聖洗聖油之禮。夜以繼日。不食不眠。至喉啞手疲。猶樂行不  
倦。值此神化廣行之際。蠻種萬餘。前來侵擄。境中民力。拒敵無能。聖人

明知魔計。不懼不驚。隻身迎敵。以大義責之。皆駭服奔逃。地主士民。倍加欽服。此國尙存聖多默宗徒之殿。聖人慕名往叩。跪伏殿中。連七晝夜。水漿不入口。又有切務神工時。邪魔妒恨。乘夜苦撻良久。聖人畧無疑畏。惟默求主佑。更加力化人。渡海至滿刺加城。一童負魔瘡癩。聖人求主佑之。邪魔遠遁。言動如常。但此方民眾多縱於邪。聖人預言將來兵荒疫癘之災。使其罰無言不驗。聞往南數千里。有摩路各島。出丁香等物。民皆殷實。習俗雖蠻。易於感化。遂附舟前往。開創之艱難。人心之變幻。言語未可形容。乃後來之家喻而戶曉者。亦不能屈指以盡其多。內有富而吝者。聖人知彼終期已近。令速散其財於貧乏。幸彼遵即奉行。甫訖而終。值聖人遠適。向左右云。某方去世。當爲彼通功。可知神目之明。無遠弗屆也。一日乘舟泛海。已經抵岸。有同行一舟未到。眾咸

觀望之。聖人曰。此舟已覆。毋庸觀望矣。惟求主垂憐可也。又一次。渡海被風。舟雖壞。人盡生存。惟聖人失去耶穌苦像。心甚難安。忽見大蚌。負像赴涯。聖人驚喜交集。伏地敬收。兩年後。聖人復回滿刺加。不意鄰邦犯境。兵廣船多。勢難迎戰。惟閉門堅壁以待之。敵亦解圍而去。此地官民無敢追逐。聖人勸曰。當用小舟數隻。精兵數百攻之。仰賴主恩大捷。斷其後患。卽如命而行。數日後。聖人正在堂講道。忽嘿不言。惟聞呼喝聲。少頃。歡容向眾云。適兩軍交戰。我軍大勝。只傷四人。某日卽至。眾當謝主大恩。併爲四人祈求。至期。果然全軍而還。所擒兵將。所獲器械。戰船。眾共出城迎獻。同謝天主。羣頌聖人之先知。一女最貧。將受失身之辱。聖人憐之。往勸富人。助以嫁資。富人正與友對奕。以鑰付聖人。請自取之。聖人取三百金錢。而還其鑰。告以所取之數。富人曰。我櫃中有

金錢三萬。師卽取半。亦不爲多。此費有餘。何妨留爲別用。如此之少。實非我之本意。聖人明知所言。出自真心。並非套語。答云。發此有德之言。天主保爾至終不貲。又使爾預知死日。可獲善終。後果實踐其言。一客商。係大東洋人。因幼犯邪淫。悔恨不安。聞聖人名。不遠萬里。奔投滿刺加。乞恩拯救。見聖人開誠指引。遂歷數東洋情勢。願請同行。聖人樂甚。將印度托於同友。挈伴而東。旣至。排斥異端。闡明正教。以身立表。以恩御眾。以靈跡。感發人心。歸誠領洗者。殆無虛日。時有大賈。止生一女而殤。悲痛跪求。聖人偕友。默禱於聖臺前。旣而慰諭云。汝女已復活矣。及父歸家。女亟告曰。我魂已落黑魔之手。將投永獄中。受苦受殃。突來二道德人。奪我而回。父攜其女。往謝聖人。女告於父曰。此卽救我之人。不獨父與女。咸歸於正。聞風感化者甚多。所遇王侯。有覓以金銀財物者。

悉却之。有辨以強辭巧語者。片言卽解釋之。一年之中。勸化三千餘人。鄰邦慕義賓迎。君臣士庶莫不服從。聖人見此方教化大行。又得人繼述。遂亟回臥亞。開船不遠。陡發暴風。附帶小舟。載有數人。先被狂波衝脫。本船之覆沒。只在呼吸間。眾盡悲啼昏亂。聖人大聲撫慰。求主施恩。頃刻風恬浪靜。惟小舟飄去無踪。眾欲棄之而去。聖人令小待片時。上桅四顧者。遠見小舟洶洶。自向大船而來。所載數人。首向聖人叩謝。次語眾云。危險中。聖人親來保護。平定後。又親手引歸。從此德名大著。行至小西洋。便道入城。一友患病將危。聖人口中誦祝。手卽抱之。病遂愈。繼因臥亞地方。事俱妥協。又攜數友。附船而東。時小西洋。將有差往中國之使臣。聖人欲乘此機會。傳教中華。爲滿刺加所阻。未能如願。然猶附搭商船。行至廣東所屬三洲島。抵岸暫居。再圖內入。天主預示終期。

不數日。力衰氣憊。諸病漸增。自備潔神。以承主寵。至期。在小山頂上。繩樞篷室中。舉心仰日。謝主一生恩佑。次復重聲嘆泣。求賜中華。廣揚聖教。連呼耶穌瑪利亞聖名而逝。年五十有五。時天主降生後一千五百五十二年。船內眾商聞之。哀號如喪考妣。趨山敬殮。華顏美於生時。堅木爲棺。葬於山下。相隔月餘。商船將歸。欲檢領聖骸。及發土啟棺。整容全體。猶神威凜凜。氣味芬芳。眾皆伏地誦揚。恭捧於舟。相傳各舟。早已滿載。無隙可容。惟剩一朽壞裂縫之船。棄而不用者。即舉聖屍。停於中艙。尙有別船已滿。不能附搭之貨。爭先裝入。後聞別船。俱欠平安。此船穩妥無虞。直抵滿刺加。士民奉安於大殿。重病人。以手撫柩者。立愈。土人啟視聖容。華美如初。附體之衣。完好若新。乃另求美料巧工。製棺以貯聖屍。殮用帛絲。衾皆錦繡。適此地瘟疫盛行。幸接聖屍。疫退民安。數

月後。又奉柩入船。至臥亞國。文武眾大臣。放炮鳴金。香花鼓樂。迎數十里外。士民載道。林谷震聲。一婦久病不起。擡至柩前。籲眾代求。安步以歸。一女病勢已危。不能趨赴。於臥榻中。求聖人憐救。病亦釋然。聖柩入城。奉安於耶穌會聖殿中。不獨入殿拊棺。有求必應。自列居聖品後。東西萬國之人。奉像於臺。專心誠敬者。莫不蒙其庇佑。迄今有親叩聖屍之修士。常語人曰。潤色瑩容。難以言傳。遍身俱可動搖。刺之必流鮮血。往往有藏其血。奉爲至寶者。今一手現分於羅瑪。救災禦患。都城重賴之。

宜行之德 真愛

聖思 一。聖沙勿畧。得聖依納爵避靜默想之法。全得天主之大恩真愛。常得天主之光榮。汝爲何心中。不覺有此真愛。究其故。係不肯默存

天主之大恩。又不肯默存天主愛人之至意。加以世樂滿心。天主之真愛。何能復入。惟有此心甚空者。可滿天主之真愛。求此空心。從何而得。要非默想不爲功。一。聖沙勿畧。因愛人至極。故自西至東。周流列國。承行主命。汝有此愛人之心麼。離汝不遠。就有多多不認天主者。且同在一家。尙有此是彼非者。亦有已經信認。復行背叛者。又有未背叛。而冷淡荒疎。不行敬愛者。汝果有愛人之心。不必像聖人之間關跋涉。慘淡經營。即此眼前惠而不費之事。爲何箝口結舌。坐視而不爲。一。聖沙勿畧。因愛受艱難。情願舍生致命。所以全斷受樂之情。惟求劇苦。更求苦中加苦。爲減自身之罪罰。亦代贖他人之過犯。汝能如此麼。偶遇一些苦難。就以爲多。就自愛無力承擔。就要求天主開恩寬免。如此心腸。可說得愛受艱難麼。

當務之求 爲耶穌會

祝文 全能天主。因聖方濟各沙勿畧。廣揚聖教之能。靈異之蹟。使印  
度東洋諸國人民。合羣於諸信者之棧。懇祈主。賜我等。凡敬崇聖人之  
大勳者。效其諸德之表。爲聖子耶穌基利斯督我等主。偕爾偕斯彼利  
多三多。乃生乃王世世。亞孟。

初四日 聖女巴爾拔辣 致命

警言○天主全爲目。無所不見。全爲手。無所不造。全爲足。無所不  
在。 聖經

聖傳○聖女巴爾拔辣。係西南國內尼各府人。父名弟阿峨家。雖

富顯。溺於異端。聖女生於其家。自幼不蒙慈愛。待之甚嚴。稍長。因其守正不阿。父更惡之。拘禁於深院高樓之上。聖女早聞聖教。已領洗信從。喜此幽囚。正與鍵戶精修之法。名異而實同。遂朝夕加工。非省過自懲。卽感恩圖報。暫生永賞。透徹於默存之中。矢志守貞。杜絕其世情之害。維年漸長。父方擇壻議婚。聖女不從。父甚忿甚憂。姑往他方。以消鬱悶。或可冀聖女之改圖。但未行之先。造一湯泉之室。彩畫俱完。而始去。去後。聖女稍爲更易。內開三牖。以表天主一體三位。中立一柱。圖畫十字。聖號。以表耶穌苦難。病人就浴。無不立痊。數月後。父歸。問其所改之故。聖女援古證今。以明所學。力言父敬之神。荒唐無理。父大怒。拔刀追斫。聖女前奔。以避其鋒。旁有大石。忽自裂一洞。聖女卽匿入洞中。父復追尋拿獲。先行重杖。後訟於官。官以好言誘勸。聖女付之一笑。官怒。又杖

之。傷處擦以椶毛。聖女聲色自如。薄暮收監。耶穌降慰。傷皆全愈。無痕。次日。官甚異之。歸功於僞神。聖女不從。官令刑役。以鐵爬戕其肉。火炬烙其傷。銅鎚擊其首。利刀割其乳。聖女當此虐刑。不哀不屈。惟以心目。求主保全。割乳後。着盡剝其衣。赤體遊街示眾。聖女請刑樂受。至剝衣時。求主曰。主之全能。蔽天以雲。蔽地以夜。豈無一物。蔽我微軀。免赤身之辱。立見明光。繞護如衣。人皆不見其身。遊街後。官見多刑不改。法當處斬。聖女之父。請自充劊子。親斫以洩恨。聖女知終期即到。伏叩主恩。日後有托名代求主佑者。准其所請。空際大聲曰。汝既盡忠於主。應享大功之報。嗣後托汝名以求者。無不允從。乃父掉臂前趨。聖女以頸迎之。刀舉首落。父正歡呼大笑。暴雷猝發。同官擊死。餘黨悉奔。此間修士。謹葬聖屍於新墓。同人多有受其恩佑者。一人每念聖女勳勞。熱心崇

奉。適被火災。已燒臥榻。始從夢寐中。倉皇而起。並無脫身之路。惟想未曾悔罪而死。求救於聖女。轉瞬之間。見聖女向火張衣。火勢即消。隨提出其人。語曰。因汝生平敬我。天主准汝之求。暫寬汝命於旦。宜善用以清罪惡。其人悔訟前非。領聖體。受終油。及旦。安然而死。後人凡遭雷火之患。及臨終不獲領聖體者。果能誠心頌禱於平時。急切哀呼。無求不應。大難大災。常蒙拯救。

### 宜行之德 大孝

聖思 一。聽父母之命爲孝。若所命相反於天主之命。聽之爲大不孝。聖女巴爾拔辣深明大義。不肯聽從逆命。因得大孝之報。汝自有生以來。不看人情面麼。恐因爲人情面。忤天主正命。失自身聖佑。不止一次矣。難哉危哉。 一。聖女巴爾拔辣被頑父親手殺之。天主義怒至公。即

以暴雷擊死之。爲人父母親友。不從天主命。反阻人事主者。當以此爲鑒。汝之子孫親友。不引其爲善立功。顯揚大孝。而聽其犯罪。不更難乎。不更危乎。一聖女巴爾拔辣升天之先。天主准其所求。故聖教中。爲避雷滅火。爲臨終聖事。常呼聖名以求之。蓋用此聖女之恩。可以變難爲易。轉危爲安也。但欲得此恩。徒求未穩。必做其大孝之德。願受艱難。纔可望萬無一失。聖額弗冷曰。每日俱是臨終。每日都能預備。無有不得善終者。預備維何。一如聖傳之言而已。苟如是。何難之有。何危之有。

當務之求 爲臨終者

祝文 天主。爾德能靈異中。不棄弱女輩。賜致命者榮勝。懇祈我等。慶爾聖巴爾拔辣致命童女誕日。因其遺表。躋爾臺前。爲爾子吾主耶穌。基利斯督亞孟。

初五日聖女亞瑟辣 童身

警言○存我義冕。公判我。主將償予於彼日焉。非獨償予。並將償予。凡愛其降臨者也。 聖經

聖傳○聖熱羅尼莫有讚頌聖女亞瑟辣之言。畧曰。聖女係羅瑪都中之大族。甫十歲。卽全心獻於天主。越數年。不俟父母之命。將首飾金珠。變賣以濟貧。只著平常衣履。盡去其華者。搆一小室自居。父母明知聖女之心。凡事俯就之。不肯阻其聖佑。自入小室。足跡少踰戶外。亦不與人晤言。雖至親姐妹。不交一語。惟以誦祈默想。練性苦形。爲勵修實行。每日神工之餘力。從事於女工。然其心。仍契合天主而不離。常守險齋。只用麪頭鹽水。四十日大齋。更嚴更謹。往往五六日不飲不餐。歷

四十年之久。嚴謹猶如一日。棘衣貼肉。深夜默工。常兼行鞭策。至皮破血流而未已。如此苦形克己。從無疾病。亦不致力弱氣衰。槁容瘁色。蓋小室。似乎天堂也。年五十餘。自知離世之期。預備善終。時天主降生後四百一十年。

宜行之德 望德

聖思 一。論人之卑。論人之罪。單單該有地獄。並無他望。今勸汝不可失望者。非爲自己有何好處。總因吾主耶穌之功勞。無窮無盡。吾主耶穌之十字。能救汝永苦莫救之靈魂而享天福。還不該專心指望麼。聖奧斯定曰。世俗邪魔。肉身。隨便害我。我不失望。因我之望。不在於我。在於吾主。請問人之倚靠。還有勝於耶穌否。恃此倚靠。所望自然不虛。如之何而弗望。 一。天主之恩有二。該望者。靈魂之恩。不該望者。肉身之

恩如聰明才幹。榮顯貨財。壽考子孫。美名歡樂。係於肉身者。莫不從天主而來。然不能專救靈魂。且用之不善。更易加靈魂之害。所以不該妄想。不必謀求。惟聽天主命而已。其該想該求者。天主之聖寵聖佑。聖愛聖慈。雖本身現在世間。得此便同永福。倘爲此而盡失世間之福。還該情願不得。不該情願不失。如之何不該望者。切切望之。該望者。悠悠而弗望。一望天主者。又該當畏天主。望而不畏者。卽爲惰縱。畏而不望者。卽爲負恩。汝旣知天主至仁至愛。肯救肯寬。難道不知天主至義至公。能嚴能罰麼。如之何望而弗畏。又如之何畏而弗望。

**當務之求** 爲婦女之在教中者

**祝文** 救吾者天主。聽受吾禱。吾樂爾聖女亞瑟辣。瞻禮。望以誠心得受訓誨。爲爾子耶穌基利斯督。亞孟。

# 初六日 聖尼各老 主教

警言○弗變而爲若孩。天國靡入。 聖經

聖傳○聖尼各老。係利濟亞國人。父母皆有顯名。久無生育。求主而得聖人。孩提即昭聖行。每瞻禮四。瞻禮六。薄暮而後乳食。成童就學。明悟出羣。擇友以交。待人以敬。目不視婦女。慎事而謹言。里黨咸稱之。文學甫成。舅父正居司教。授以神品。累陞至鐸德。向眾云。此如明星。光麗萬邦。非因親故而私之。然聖人不敢自信。心愈下。工愈深。居無何。二親相繼而終。喪葬事完。罄其遺貲。廣施窮乏。一人先富後貧。三女不能嫁送。聖人以金一封。乘夜擲於牖內而去。其人藉此嫁其長女。嗣又如前與之。嫁其次女。彼想此恩。至再。必然至三。當伺其人。以圖報効。果然

聖人念伊季女。尙未完婚。復依前法而行。其人追及之。跪叩謝恩。聖人若抱慚受屈之難。只求其秘而不露。勝於圖報矣。舅父增立修院。以聖人爲院長。數年於茲。急公利眾。不肯自安。如僕役然。懲己勸人。以身率教。如罪犯然。院友咸切感之。聖人避譽自潛。附舟他往。神目中忽見巨魔揮刀直入。告知掌船人。防有大患。旣而晴天驟起烏雲。颶風狂浪。洶湧非常。呼吸之間。必遭覆溺。眾以聖人旣能預知。何難禱免。號泣哀求。聖人慈心不忍。跪禱主恩。霎時雲散風恬。水平浪靜。頃之。一人墮檣而死。聖人跪求卽活。至如德亞國。亟登岸避人。潛朝耶穌所履之區。意欲入山隱跡。因天主不准。向彌辣國前行。時國中司教同聚於都。議舉一人爲統領。而未決。內有一人蒙主默示。知聖人明晨入堂瞻禮。語眾司教云。某於次早。不期而至。何不在門迎候。舉爲統領。眾皆悅服恭迎。聖

人步履及門。卽擁戴之。苦辭不獲。回憶天主不准山居之聖意。勉強順從。每念新位在身。必建新功以自慰。遂菲食儉衣。勞神減寐。寡言敏行。忘己爲人。時而徹夜靡寧。時而舉賢敷治。憂者慰之。訟者息之。貧困者拯濟之。富於資者。勸令施捨之。適時君溺於異端。臣庶遂多迷惑。聖人勤於防備。竟遭斥逐。流落數年。舊君死於非命。新君嗣立。聖人仍回本職。政教復興。冷落者。莫不勉勵改觀。野有魔寺。人誤從之。聖人巡行至此。欲醒眾迷。令拆房毀像。魔竟空際號呼。怨聲詈罵。眾耳共聞。始回心悔改。是歲大饑。聖人求主賑施。明知空乏。仍隨手取給。人人滿望而去。羅瑪都中。三人被冤論死。無計挽回。素聞聖人神行。遙望默求。是夕。王與刑官同夢聖人面言其屈。及旦。遂釋之。併命三人。束裝渡海。面謝聖人。似此彰明較著之事。生前不一而足。年壽已高。艱辛備歷。醫者視爲

小恙。獨聖人知係終期。謹備神工。坦然謝世。時天主降生後三百五十九年。葬於聖殿。墓旁常流香液。可痊百病。歿後多年。有利未亞人。奉聖人畫像於寢室。旦夕敬之。一日緣事急行。恭向聖像求恩保護。及歸。盡遭偷竊。忿恨不平。欲燬其像。聖人顯現於賊前。賊懼。還其物。痛悔前非。閤族同歸於正。又有因乏嗣而求聖人者。天主賜以一男。夫婦感恩至極。每年聖人瞻禮日。必厚備禮儀拜墓。及長。遭兵被擄。救法已窮。仍望聖人。幸賜新恩。以終舊惠。夫婦虔禱年餘。至聖人瞻禮日。兒憶每年拜墓謝恩之事。嘆泣不休。主人大怒。從重責懲。聖人忽現。提兒之髮。乘空直上。瞬息抵家。父母方跪叩聖人像前。驟見其兒。驚喜交集。似此呼吸相通之事。歿後又難僕數。姑舉一二。足見聖人之澤。百世不衰也。

宜行之德 畏主保潔

聖思 一幼年肯爲聖人者。該隨聖尼各老之幼時。謹慎五官。不使有害。離開婦女。不使動心。加以誦經默想。克己嚴齋。庶可保其潔淨。汝會如此麼。果然要救汝身於潔淨。不必他求。惟問汝身如何可在天主臺前。再問汝自己如何安頓自己。一讀書之時。容易離開世福。所以師命。當視爲耶穌之命。窗友不正者。疏遠之。善者。親近之。如此之事。難道也說得不能麼。倘置汝身於官場內。怎麼也能恭敬上司。聽從其命。也能經營庶務。保守清廉。可知並非不能。還是不肯。一做聖人的勤慎讀書。並無他圖。惟圖後來。爲主賢勞。引人信愛。所以父師命汝誦習。就該遵命而行。以承行天主之意。滿天主賦汝之恩。聖伯爾納多曰。幼年人。該慎行三件。一畏天主。一孝父母。一守潔德。汝會做此三件否。

當務之求 爲幼年人

祝文 吾主天主。爾賜無數聖跡。與聖尼各老。以表揚其至德。伏祈天主。我等依賴聖人之大勳。俾能脫免地獄之永苦。爲爾子耶穌基利斯督。亞孟。

初七日 聖盎博羅削 主教聖師

警言 ○蓄聖慈於良。至善心。且以含忍結實。 聖經

聖傳 ○聖盎博羅削係羅瑪世家。其父宦遊早世。聖人在襁褓中。母熟寐時。蜜蜂聚於口。人以爲文明之象。從師數載。格物窮理之能。道德文章之業。莫不超羣出眾。本豪華子弟。而往來陋俗中。守正持規。踐

形養性。雖老成修士。無以尙之。名譽日隆。人皆樂與之交。時國主東行。權朝之波祿博。舉聖人爲遠方都院。命曰。往哉。汝可以司教心撫之。毋以刑政治之。聖人受命而行。巡至米耶。值聖教諸品級。暨眾士民大會於聖堂。議立主教。未得其人。時聖人亦往。有一孩童。忽大呼曰。盎博羅削。俾斯玻。頃刻眾口齊呼。聲振殿際。識者明知主恩默感。毋庸再議。惟聖人是時。勝於怒濤霹靂。無地逃生。奔入署中。計圖解散眾心。遂取獄囚拷問。酷虐非常。眾仍固請。不遂其謀。無已。乘夜潛逃。趨走至晨。自擬離城必有百里。乃瞪目視之。仍在本城。始悟上主之恩。不容遠遁也。惟此輿情。尙俟教宗命下。因退避於友人郵舍。及蒙俞命。此友率眾往迎。勢不可辭。累階七等。授爲鐸德。遂陞主教。聖人將朝事還之於君。家務托之於兄。財物散於貧人。厚產歸於聖殿。專心教化。樂受善言。自責如

犯人日只一餐。晚惟薄食。每瞻禮日。必陞座講經。勸懲不倦。人人莫不悅從。遇有名賢。必就正之。賓客必優禮之。貧者濟之。憂患者慰之。爭訟者和之。異端人交好而化導之。所以聖人之門。往來如市。雖設而常開也。惟濟貧尤切。卽殿中金器。亦變價以救人。聖人自幼寡欲清心。守貞保潔。以身勸眾。從者甚多。立修女院。擇有德有才之孀婦爲院長。修規嚴肅。供應得中。咸欽慕之。一日他往。有叟迎於途。聖人就憩於家。叟云。我家產業甚豐。子孫亦眾。老身年邁不衰。無災無病。內有家庭之樂。外多良友之歡。總計平生經歷之事。莫不稱心遂意。聖人默憶經言。罪人嬉嬉。猝沉永獄。語從者曰。大患卽來。速行毋緩。相離不及百步之遙。地開大裂。盡陷其家。迄今此裂猶存。一日就寓於巨家。其子被魔擾亂。聖人誦經一句。魔卽驚逃。後又病亡。母以前恩求救。聖人捧兒跪禱。蒙主

准其復活。時國王陡篤恤西征叛逆。幸遇聖人。大慰夙懷。往來請益。禮遇甚隆。從此聖化日興。適聞東都一郡。變亂殺人。弁員被害。遣將勦屠。聖人已經勸息。復被讒臣。唆使速行。不及挽回。至瞻禮日。國王詣殿及堦。聖人出迎。責其往失。拒而不納。王憂悶回宮。更衣減食。悔慟自懲。歷八月之久。聖人始依規准釋。同入聖堂。王感激愈深。每以神聖稱之。年邁力衰。明告於友曰。某日我之終期。奈著述未成。何以裨益後來。遂口授旁人代寫。時聖人額上。驟顯大光。直注口中。面如白雲。踰時始還本像。嗣因病臥垂危。士民求主緩留。聖人諭云。我平生仗主庇佑。無愧於生前。何畏於死後。此外不及他言。惟默行神工而已。至期。連呼速送聖體。領後。狀同熟寐而逝。離頂有光。懸空如星月。年六十有四。時天主降生後三百九十七年。翌日。殮葬於聖堂。負魔數人。疾呼哀泣曰。聖人燒

我以地獄之火。苦痛難當。患病人。撫柩即痊。

宜行之德 良善

聖思 一。聖盎博羅削。先爲意大里亞之大員。位居總憲。竭力賢勞。兼志神工。未妨本分。凡人料理世務。都該學此智德。庶兼顧而無難。受益良多。若不如此。徒令俗緣滿腹。兩敗俱傷。 一。聖盎博羅削。原不敢受主教之大權。自己要辭。又不敢辭。天主之聖意。安心領受。因本來不存體面光榮之見。惟順承主命而行。故不難棄官離俗。而難於謏劣無能。全賴主恩庇佑耳。汝能隨此表樣否。或者天主用汝光榮。亦不該過於辭避。當盡心竭力。以承主之委付。今汝不然。聖人走了一夜。不能離城。即知主命難違。汝於俗務。屢屢不獲稱心。總未知悔悟。聖人一聞童子之呼。驚懼卽由畏德而生。勤勇卽由畏德而起。汝於神工。怠荒無似。天

主慈恩。常頻頻大聲呼汝。汝竟置若罔聞。毫無驚懼。既然畏德不生。尚望汝勇於順命。勤力救人。不亦難乎。一。聖盎博羅削臨終時。向眾云。我不怕在世。亦不怕去世。汝如今敢說這樣的話否。在世時親戚友朋。不談汝之是非。不論汝之善惡麼。去世後。至公至義之主。不審汝之罪過。不判汝之罪刑麼。汝弗自欺。請平心查察之。

當務之求 爲現在聖教者

祝文 天主。使聖盎博羅削爲民永福之司。懇祈爾。伊在世既爲我教師。在天幸爲我主保。爲爾子吾主耶穌基利斯督。亞孟。

初八日聖女法肋 童身

警言○爾得我寵。卽足矣。蓋德成於苦。 聖經

聖傳○聖女法肋。係聖法隆之姐。孩時卽蒙主寵。常見耶穌。時司教聖葛龍龐寓居聖女家。識其稟賦不凡。加意玉成之。一日。聖女向葛龍龐跪告曰。我願獻身心於天主。永遠事之。望神父憐我愚幼。求主加恩。滿我此時之意。旁人以孩童視之。惟聖葛龍龐明知從天主來。後常離眾誦祈。父母甚愛之。年十四。聞父有納聘之舉。晝夜悲啼。目矇形悴。二親不知其由。醫治三年未愈。聖歐大爵道經其家。洞悉病緣。勸父終止議婚。父從之。聖女之目疾虛癆。莫不平復。未幾。父志又萌。受聘定婚。聖女赴堂。泣訴於聖伯多祿云。耶穌大宗徒大聖人。我形神早獻於主。

懇賜轉求。不許人壞我獻主之物。父聞之。拿回怒責。禁錮將半年。聖歐大爵又至。以天主賞罰。嚴飭其父。父卽悔改。建立修院。爲聖女之居。有守貞諸女。准隨院同居。至期。聖歐大爵率領入院。頒定修規。諭衆曰。此係法肋平素奉行之規。本身端肅謙和。善良忍耐。現爲汝等活規。應將法肋爲汝等之長。聖女固辭不獲。勉依所命。其通用訓言。心口行爲。務期潔淨。小心領受聖神寵佑。常怕自己。全賴主恩。凡愛主之事功。莫不慎重。往往誦祈默想。望主不離其心。年至八旬。偶沾微疾。預識終期。神工甫畢。畫聖號而逝。時天主降生後六百五十五年。

宜行之德 慎隨聖佑

聖思 一。天主聖佑。爲人心明光。能消罪之黑暗。因聖佑之光。從天主光中來。猶如世上之光。能消夜暗然。故聖光與罪暗相反。無此光者。必

然幽暗。難免於罪。但此光如電。一晃不能存留。惟小心隨之。受益良多。汝至今將無數聖光。白白的在眼前晃過。漫不經心。如以爲不然。請問汝之犯罪。從何而來。這就是不用聖佑之光。常招輕忽叛離的憑據。一。此聖佑之光。有時從好表樣來。有時從一句兩句聖經聖傳來。亦有時從苦難來。今引汝之好表樣。不知多少。艱苦煩難。不可屈指而盡。眼見耳聞的聖言。淵淵滿腹。豈知照汝者。如許之光。奈所應者。反不止如許之罪。還說得不是輕忽麼。不是叛離麼。一。此聖佑之光。汝能慎隨之。可顯汝德行之真誠。滿汝甘心之艱苦。亦能滅世俗之歡娛。露罪形之醜穢。明罪罰之凶嚴。併可知天主尊威無對。我人卑賤難堪。世福幻而虛。天福永而實。勸汝盡心盡力。引汝善始善終。所以慎隨聖佑之人。不能立德立功。以救靈魂者。未之有也。

當務之求 爲冷淡者

祝文 救吾者天主。聽受吾禱。吾樂爾聖童女法肋瞻禮。望以誠心得受訓誨。爲爾子耶穌基利斯督。亞孟。

初九日 聖女留加弟亞 致命

警言 ○師天主。如厥至愛者之子。而行愛德。如基利斯督愛我等。

聖經

聖傳 ○天主降生後三百三年。有差員達先遵西總王命。往依西巴尼亞地方。禁止聖教。聖女留加弟亞係宦家閨秀。熱心敬主。里黨共知。達先到境。指名首告。達先拘訊曰。汝爲顯宦之女。爲何故違國禁。順

從十字架上死人之教。聖女云。聽此所問之言。明明不知正教之尊。不知耶穌乃萬民之主。不知十字架上死。爲救贖萬民之靈魂。我旣眞知灼見。何能背正歸邪。官命重笞。刑同奴隸。笞後收監。途中同教。慟哭隨行。聖女云。我之進監。如進天堂。喜不自勝。汝等爲何悲泣。此苦難非我之光榮麼。不想我常常獲罪於主。蒙主不棄。反賜我如此大恩大福。甫入監。達先轉遷別地。所換新官。更嚴更酷。正欲差人提審。命預備虐刑聽用。聖女在監。誦經求主曰。非我不願受刑受苦。實我心中不忍見此窮兇劇惡之人。求畢。舉手畫完聖號。主卽允其所求。聖靈上升於天。悉如途中喻眾之言。進監如進天堂也。

宜行之德 愛耶穌

聖思 一。耶穌聖誕之期不遠。不該預備好心。領此大恩麼。上等好心。

無他。惟仰體耶穌愛人之心爲心。斯爲真好。亦係無比之好。聖伯爾納多望人全備好心。發明耶穌之愛。包含三美。一曰親。一曰恒。一曰智。親者。近也。天主因人犯罪。不獲升天。降世以近人。祁寒子夜。臥於馬槽。汝曾感此親愛否。汝以親愛報之否。一恒者。常也。耶穌受盡無數之苦。以死愛人。此情常留於世。而無人不得。此恩常留於各人。而無時不全。惟不該以苦還苦。以愛還愛麼。教中人沒有苦難時。好像都是愛耶穌之人。故往往不能喫齋。不能施捨。未有不能愛主者。豈知些須苦難。猝然到身。平時之愛。竟不知何在。這就是不曾預備恒心的憑據。然苦難中能愛耶穌。似覺甚難。其實並非難事。只想耶穌以恒心愛我。我不該以恒心報答麼。因此不必博學。不必聰明。有此恒心即足矣。旣然如此。汝爲何不愛耶穌。一智者。知也。以無所不知之耶穌。愛人升天。因而

賞人之苦。引人愛走升天之路。若不信耶穌以苦愛汝。是明明不信耶穌無所不知矣。如果信而不疑。爲何不愛自己。愛己者。必全除世樂。不愛己者。必專愛世情。今汝愛貨財。愛親友。還說得愛自己麼。還說得信耶穌麼。

當務之求 爲朋友

祝文 天主。爾德能靈異中。不棄弱女輩。賜致命者榮勝。懇祈我等。慶爾聖留加弟亞致命童女誕日。因其遺表。躋爾臺前。爲爾子吾主耶穌基利斯督。亞孟。

## 初十日 聖女歐辣利亞 致命

警言○欲辱害我者。莫若以忍耐受其害也。金口聖人

聖傳○聖女歐辣利亞係伯爾都亞國名宦之女。父母俱在教中。因聖女素求致命之恩。父每慮其自首。於差員達先未到時。命往鄉邨居住。與一女儒利亞爲伴。不久。聞達先入城。聖女即同儒利亞旋歸。直訴於官曰。爲何來此。豈不知一城俱恭敬天主之人。無故而欲害之。於心安乎。達先曰。幼小女孩。如斯大膽。聖女曰。我今十三歲。可稱幼女。然年雖幼小。因恭敬的。是極大無窮之天主。所以我心亦極大。而無窮。受苦而不畏。官以孩言視之。置之弗論。惟將好語誘之。不聽。鞭策收監。次日再訊。聖女曰。憑你何刑苦我。靈魂有益無傷。官大怒。沸油烈火。夾棍

杖鞭。酷刑遍及。聖女毫無懼容。末後。在大火中。向官諄囑曰。請開眼認明我之容貌。切記於心。迨審判時。爾我都到大主之前。我爲此賞無盡之大榮。爾爲此罰無窮之大苦。此言從火中出來。聲靈赫濯。更倍於火箭射心。旁人大爲感動。羣稱所敬者。實爲真主。此外都是邪神。並無疑惑。後皆歸正棄邪。官見眾口喧呼。心慌膽怯。速命刑人。多加火炭。埋聖女於內。蒙主遂其素志。准於火內升天。時天主教降生後三百三年。

### 宜行之德 忍耐

聖思 一。不論自己力量。隨耶穌受苦。不怕酷刑毒害。隨惡人殘虐。不顧肉身賤行。踏世福於脚下。似此致命之光榮。在天堂之聖人視之。真真大樂。快哉。我爲天主。而聖人俱助我之樂。爲何不如此受之。縱致命不成。亦該喜受世苦。汝今如何。 一。致命聖人。常多攜外教人。同來致

命。不必語言勸之。惟用致命之苦勸之。請看聖女歐辣利亞萬苦之中。喜形於色。如不曾受苦然。因此感動人心。救人不少。今汝不曾到此地步。何妨小試之。卽如世苦之難。人人不免。且時時不免。獨汝不抱怨。不推辭。又不拉扯別人。喜歡樂受。識者必頌美之。暴戾者亦感化之。非致命動人之明驗耶。汝今如何。一。眾見聖女歐辣利亞。只十三歲之孩童。能受如此酷刑。能生如此歡樂。能發如此義勇之言。故不能不動人之心。以愛天主。汝以老成強壯之身。不肯爲主受些微之苦。以動人。徒以言語勸人。恐真心愛主者。決不如是。愛主之人。不怕苦難。怕苦之人。未必愛主。汝今如何。

當務之求 爲婦女

祝文 天主。爾德能靈異中。不棄弱女輩。賜致命者榮勝。懇祈我等。慶

爾聖歐辣利亞致命童女誕日。因其遺表。躋爾臺前。爲爾子吾主耶穌  
基利斯督亞孟。

## 十一日聖達瑪瑣 教宗

警言○懇祈爾曹。如旅異地。宜戒構戰靈魂之肉慾。 聖經

聖傳○聖達瑪瑣係依西巴尼亞國人。移居羅瑪。受業於名師。數  
年即成博學。因愛人心切。克己工深。洊歷神階。參知政府。越數年。前往  
都城料理教事。及歸。教宗謝世。公舉聖人。勉從嗣位。德行彌高。才猷愈  
顯。羣小難以自安。讒謗因而迭起。聖人因妄證之事。關係匪輕。傳齊主  
教四十餘人。以剖晰之。使人人共知所言皆妄。從此奸謀頓熄。教化日

興。安居大位十有七年。正風波底定之初。身當百度維新之盛。大顯聖人之克慎克勤。盡心盡力。迥出尋常萬萬也。終聖人之世。簡選擇德三十餘人。擢陞主教六十有奇。歿後。聖蹟甚多。時天主降生後三百八十四年。

宜行之德 離開不好之念

聖思 一。功罪之分。必始於一念之微。若不謹慎去留。爲害無窮。今撮其最不好之念有三。誦經時。雜念往來。此第一宗不好之念也。既不許汝得誦經之功。尙能使汝成各樣之罪。爲斷此雜念。該常常動汝之信心。想我跪叩聖臺前。天主必然親臨眷顧。聽我誦經。看我所求。倘不能小心斷此雜念。罪罰難逃。存此畏心。未有不兢兢業業。必敬必誠者。一。邪淫之念。又一宗大不好之念也。容易令人喜歡。容易誘人存留。且

容易引動肉身之情欲。如影隨形以成其罪。所以此念一來。要十分加意以退之。其法不論自外而入。由內而起。總於將萌未發之初。卽猛然速尋別事。解散而拒絕焉。如急不及尋。該想臨終審判等。或想平日所聞之道理。或每日所誦之經書。心有專向。使彼無隙可乘。自然風恬浪息。然與其拒絕於既來之後。不如加謹於未來之先。五官手足。是邪念之門。內慾多因外誘。果能時刻隄防。並無一毫沾染。未有不外清而內寧者。一。反背信德之念。又一宗更不好之念也。此念從邪魔而成。臨終之候。愈將此念害之。欲破其害。當以謙遜爲首務。自己不可靠自主之能。惟賴天主之語。因聖信。原係天主特恩。若天主不賞此恩。就汝人性中。斷難深信不疑。既知如此。從前蒙恩賞晰。今復求之。必不能半途而廢也。倘求之甚切。而反念未消。更當盡力以求。尋思天主默啟之言。

迴想親朋懲勸之語。轉憶從前傾信之由。未有不冰消瓦解者。

當務之求 爲臨終者

祝文 懇祈全能天主。爾聖達瑪瑣精修教宗。每年瞻禮。加我心虔而體安。爲爾子耶穌基利斯督。亞孟。

## 十二日聖郭郎定 主教

警言○是時爾心忻喜。爾心之樂。無人能奪於爾。 聖經

聖傳○天主降生後三百七十五年。乃聖教廣揚之時。聖人郭郎定。係拂郎濟亞國貴顯之家。自幼熱心敬主。矢志精修。勤學數年。德才並著。累登神品。盡職賢勞。恒以菲薄自慚。惟願守身克己。遂離城市。深

入野山。剪棘披荆。構成小室。居無何。因水遠不能應用。跪求天主。拍手於石崖之上。水泉卽發於石中。涓涓不竭。從此聖名大顯。晉謁者甚多。每以聖號治不治之病。因而願附同修者。不一而足。勢弗能辭。卽於此地。建院廣收。未幾。輿論允孚。公推主教。聖瑪爾定見羣情踴躍。照例擢陞。聖人雖居尊位。不改苦修。祈誦默存。夜以代日。嚴齋如舊。克己更深。巡查所屬之區。不避風寒暑雨。處處俱留鐸德。以資分理。地方有虛妄異端。潛滋暗長者。必盡滅之。黽勉懇懃。迄於終老。時天主降生後四百年。

### 宜行之德

默想天堂之樂

聖思 一世福不滿人心。各人自己。個個可作此言之干証。有誰曾見那謀利貪財。圖榮好樂之人。自云。我心已足麼。且自查享樂之時。可覺

其果眞果實麼。無論過後追思。明知不眞不實。即現在當場。必該早知其虛僞。若欲人前自誇眞實。識者必笑之曰。未必未必。若肯反求諸己。自心亦必慚然曰。未必未必。既然如此。未必。不論何等世福。定皆不足。今欲舍此不足。而求滿足汝心之道。無他。止有天主聖寵。可能滿汝之樂。可能足汝之心。爲何不求。一。天堂之福。全滿無缺。永遠無窮。故可充足人心之願欲。凡在天堂者。俱在天主光榮之中。不能另生別想。不怕得而復失。所愛者。只一天主。所樂者。日盛月新。且由中而發。操之在我。不比世福。從外而來。又並無間斷。弗變弗遷。不比世福。或長或消。如此之眞。如此之實。爲何不愛。一。愛此眞福者。該先愛耶穌釘死之十字架。亦如耶穌親負上山。該常想耶穌所受之苦難。以效其聖德神工。該常用耶穌所留聖事之蹟。以沾其聖佑神恩。更該用自心所生之痛。

淚。以洗其罪過。所以聖奧斯定有言。買天國者。其價非他。卽是汝心。肯將汝心獻之。無有不得者。爲何不獻。

當務之求 爲行旅者

祝文 懇祈全能天主。爾聖郭郎定精修主教。每年瞻禮。加我心虔而體安。爲爾子耶穌基利斯督。亞孟。

### 十三日 聖女路濟亞 致命

警言○孰可登吾主之峻山。孰可居吾主之聖所。曰。手潔與心淨者得之。 聖經

聖傳○聖女路濟亞。係西濟利亞國。雜拉峨郡內。名族之淑媛。自

幼因知天主賞罰之公。早志貞修。父先棄世。求婚者。雖未受聘。母已允從。聖女不肯明言以拂逆。微露所懷。冀其自悟。未幾。母病不痊。相傳鄰近之地。聖女亞加大墓上。有求必應。聖女奉母往求。二人正俯禱於聖墓。聖女定心若寐。忽見聖女亞加大自天而降。光衣奪目。擁護多神。謂云。路濟亞爾爲上主所庇佑者。今推恩救爾母之病等語。聖女急告於母曰。病愈矣。母亦自知諸患悉除。叩謝而歸。聖女乘機稟懇曰。我志在守貞。今又蒙上主療母之疾。理當償此夙願。以圖報效。母卽許之。又請將嫁資給與。以濟貧窮。母欲待於歿後。聖女諫曰。歿後出於不得已。大不如生前之功。譬如夜行以燭。必舉光前導。照徹險途。未肯遺於背後。今哀矜之光。可照世間之險。豈容遺於身後。母遂准其所請。從前求婚之人。風聞此舉。深恨人財並失。控告於官。官拘聖女訊之。懲勸並行。聖

女曰。爾事地下之主。必遵其旨。我事天上之主。不該奉其命乎。下既不  
能與上相合。則理當欽從上命。倘爾不肯論理。任爾之勢處之。官大怒。  
厲叱曰。汝已敗壞家風。反巧言妄辯麼。聖女曰。論我產業。已藏於天庫。  
若色慾淫污。從幼至今。所深惡而痛絕者。何敗壞之有。凡背叛正教。不  
信天主。而偏向異端者。皆喪心病狂。懷私挾詐之徒。真係姦邪。不獨敗  
壞一家。且敗壞一國。欺君害眾。可恨可惡者。莫甚於此輩矣。官欲加刑  
以禁其言。聖女曰。凡蒙天主斯彼利多三多降臨者。其語如有源之泉。  
取之不竭。禁之不能。官命驅入淫院以污之。聖女曰。志辭穢樂而身遭  
強橫者。豈特不以爲污。且更增其功也。羣役驅之。屹然不動。套以繩索。  
數牛拉之。招集師巫。念咒遣之。俱若爲弗知者。官見力盡術窮。異常忿  
怒。聖女曰。何必自殘自暴。即此便知天主大能。官仍執迷不悟。令聚木

柴。加入松脂桐油硫磺等物。四面圍燒。毫無傷損。聖女曰。我已懇求天主。姑延此苦。使奉教者。增其篤信。外教者。引其悅服。官益怒。命役斬之。聖女歡然語眾曰。世間之權勢榮華。如日之晝明而夜晦也。如花之朝茂而夕枯也。無足畏也。暴君污吏。係天主容之以煉聖賢。倘肆惡不遷。主必絕其生命。不准伊恣虐善民。聖教從此廣揚。言訖。引頸受刑。氣猶未絕。眾怒官之酷虐。猝然變起。將官押解於市。窘困於監。受非凡之慘辱而亡。聖女刺頸未終。恭領耶穌聖體。泰然長逝。時天主降生後三百餘年。教中收葬於淨區。迨聖教大興後。屢經建殿遷移。今奉安於意大里亞國物搦撒郡中。迄今病目失明者。誠切求之。多蒙恩佑。

宜行之德 潔淨

聖思 一。既知天主。爲人而生天地萬物。人不尊貴麼。仰觀日月星辰。

光明無比。俯看飛潛動植。奇妙無窮。人之尊貴。還可限量麼。天主事事爲人。人不該事事爲主麼。由今以觀。萬物反爲人之主。人反爲萬物之奴。如此背恩逆理。從何而來。大概都從不潔其身。不淨其心之故。哀哉。一人在世間。天主是其本向。若只愛天主。事天主。享天主。還有比此再尊貴麼。汝自沾恩奉教後。必定真知灼見。能默會天主之聖恩。能受用全能之萬美。不肯在世享世俗之福。爲何口是而心非。心是而身非。常遠離天主萬美之源。常近趨萬物虛無之樂。惜哉。惜哉。一。天主爲愛人至極。命聖子降生。受苦至死。以救我人。蓋因我人敗壞自己之尊貴。特來至尊無對。至貴無加之天主。以轉回人之尊貴。此係何等之恩。可公然白受麼。不可白受。而今還了什麼。一毫苦難。亂及身心。也。管不得從前之潔淨。也。願不得後來之罪罰。如此報恩。可望天主預備。

之聖福麼。請自己想一想。毋喪爾之潔身。毋亡爾之淨心。勗哉。勗哉。

當務之求 爲婦女

祝文 天主。爾德能靈異中。不棄弱女輩。賜致命者榮勝。懇祈我等。慶爾聖路濟亞致命童女誕日。因其遺表。躋爾臺前。爲爾子耶穌基利斯督。亞孟。

十四日 聖孚先 聖味多離 聖在先 致命

警言 ○望吾主天主俯察予顛。俯聽予禱之聲。予將祈禱於爾。

聖經

聖傳 ○聖剛定由羅瑪都城。往拂郎濟亞傳教。一年後。有聖孚先

聖味多離遠來協理。未遇聖剛定。先借宿於聖在先家。聖在先原係木地之正人君子。數日前。一家領洗。地方官不知其奉教。因留宿外人。差弁員往捕。聖在先回云。我家留宿二人。雖屬外方。不犯王法。拿之無理。弁云。聞得是天主教。不得不拿。若不送出。即差兵搜緝。聖在先曰。我不能送出。若要強拿天主教。我就是教中人。情願一同爲主失命。弁即揮刀。斫死聖在先。隨入內拘拿二聖。解送於官。官以劇刑治之。受苦不可言狀。終以斬首致命。時天主教降生後三百三年。

宜行之德 小心誦經

聖恩 一。天主喜人誦經。吾主耶穌親命宗徒祈誦。故自造天主經授之。後世教中人。或私居默禱。或公所通功。均蒙大益。今汝日日誦經。該有一定之規定。准就該常行。蓋恭獻事主之恒心。不可忽行忽不行。以

滋輕慢之罪。一。聖經有言。動唇敬主。其心離主甚遠者。主必怒之。汝今如何。若口在經而念不在經者。天主獨不怒汝麼。聖奧斯定聽教友通功。自己喜歡感泣。可知通功時。若要得所求之恩。不該忘天主之聖佑。或喜歡。或感泣。心口如一。不可有在。有不在。以滋遠離之怒。一。誦經過多者。身或始勤而終倦。心或先一而後分。有何益處。故不如少誦爲穩。一遍天主經。果能將經中奧旨。逐句默思。從容唸誦。天主臺前。實有大益。不論何經。必該如此。凡誦經時。當想天主至尊。我身至賤。何幸得置身於天主之前。弗拘何時何地。皆容善頌善求。非大造化麼。非大體面麼。常存此想。則雜念自消。不可視爲具文故套。以負優容之恩。

當務之求 爲少年人

祝文 天主。爾賜我等。敬憶爾聖致命者。聖孛先聖味多離聖在先誕

日。望爾彼居永福之域。使吾借樂。爲爾子耶穌基利斯督亞孟。

### 十五日 聖婦基利斯弟亞納 虜婢

警言○我儕宜更衣。着灰衣。椶衣。持齋。哭主臺前。蓋吾主滿仁慈

以救我罪。 聖經

聖傳○吾主耶穌特簡漁人爲徒。傳教於天下。後遇聖教不平之時。充發無數教中人。賣爲奴婢。天主欲人明知聖教之真而正。公而能。即用虜婢以廣揚之也。聖婦基利斯弟亞納被擄離鄉。轉賣於意俾里亞國中。以忍耐。以良善。事其本主。金銀財物。皆淡然視之。每日惟辦完主人之差役。即潛身僻地。感激天主大恩。祈求良久。夜常默想。多守嚴

齋。如此修心蓄德。同侶莫不尊敬之。既羨其潔淨。又慮其苦尅。一日。數女問故。聖婦回云。我敬之主。乃至潔至淨之主。天主聖子。爲救人升天。降生受苦。我行如此。可望身後享無窮無盡之天福。伊等雖未能明白。而頌美愈增。此方婦女。凡遇孩童有病。卽攜赴聖婦前求治。聖婦常云。我有何能。惟天主基利斯督能治之。所以來求治病者。必恭候片時。俟聖婦代求畢。將小孩置於自己苦衣上。口誦聖經。諸病立痊。行之日久。遠近轟傳。國后困於夙疾。聞聖婦名。請帶苦衣入宮。聖婦先辭弗往。後思不遵國后命。恐獲罪於天主。使臣復至。隨使進宮。后甚悅之。卽臥於苦衣之上。求聖婦誦經而愈。國王大賚多金。聖婦固辭不受。惟勸王信認天主。驅滅邪神。救同時之靈魂。共升天國。弗聽。數日後。國王出獵。二野獸逞勢上奔。倉皇無措。猛然想起聖婦之勸言。立願信從。獸竟斂威。

自避。王於回宮後。召入聖婦。詳明教旨。領洗欽崇。遂建堂講學。傳諭臣民。咸歸於正。國后化行婦女。勸誨懇懃。王見聖教廣揚。民風丕變。於是差員詣公斯。當定總王前。請賜主教鐸德。前來董理。嗣後聖賢接踵。迄今猶號善邦。溯厥本源。皆從聖婦之真謙忍苦而來。天主既用以救此國之君民。故保全其熱愛善終。列居聖品。

宜行之德 改舊從新

聖思 一人在孩提時。即熱心敬主者。將諸善行。變爲本性。後來救拔靈魂。必然容易。所以少年人。果能謹慎小心。有過卽改。早獻真誠於天主。偶然十字在肩。不覺其難。不覺其重。倘少年已悞。老壽難期。天主開恩於今日。又棄而不用。非背叛天主之大恩。敗壞靈魂之永業麼。一人或童幼熱心。迨後習俗移人。希圖世樂。熱心漸冷。幸而閱歷既多。明

知世樂皆虛。仰承聖佑神恩。從新敬主。如此者常多。汝非其人。宜日日預防之。汝係過來人。宜時時痛悔之。統計希圖世樂之年數。從此定心定改。倍增熱愛事功。以爲補贖。雖一息尙存。猶未晚也。但不可悞此難得之時。誰知何時而死。若至今未曾下手。不肯起頭。一朝失望。亡無日矣。聖奧斯定有言。天主許救人痛悔之罪。不許容人緩緩回心。一冷淡之人心。不肯急速回頭。從新熱愛者。無他。因先前熱愛時。所得天主無比無窮之聖味。皆忽焉不察。故易變其心。全隨世樂。今肯用自己之良心。將前後兩途。論其孰苦孰樂。孰暫孰恒。孰吉孰凶。孰真孰僞。則聖味之平安。世情之危險。判若天淵。必能鼓舞作新。整理欽崇之事業。蓋未有如此而不動心者。如此而不動心。升天之望何在。

當務之求 爲婦女

祝文 救吾者天主。聽受吾禱。吾樂爾聖婦基利斯弟亞納瞻禮。望以誠心。受其訓誨。爲爾子耶穌基利斯督亞孟。

十六日 聖亞佟 主教

警言○主以榮福冕旒。已加於伊首。且置伊於爾手諸工之上。

聖經

聖傳○聖亞佟自幼在拂耶濟亞國修院中讀書。生而穎異。且勤且敏。不數年。學業有成。允稱鴻博。兼奉修規。德才並美。仰慕耶穌真蹟。長存往遊羅瑪與協路撒稜之心。爲查致命諸聖。在羅瑪四年。攷明諸

聖致命之事功。歸後。一年之內。纂錄成書。因志之所在。不惜心力以圖之。旋往呂低農府。此方主教。優禮款留。數載於茲。盡心助理。委豔納府主教謝世。卽以聖人陞補。任事後。建一大堂。以資觀感。內有祭臺。奉聖婦瑪達肋納聖伯多祿背主。及右盜之像。患病人。恭詣臺前。痛告於三聖。常荷再生之恩。歸卽病痊。聖人素喜救貧。不許閹人阻抑。晝則盡瘁以愛人。夜則盡心於默想。行有餘力。從事於纂修。故迄今聖教中。所得聖人親筆錄存之手澤。不可勝數。正在手不停書之際。天主賜其靈魂。上升而享聖福。年六十六歲。時天主降生後八百七十五年。

宜行之德 謹隨聖表

聖思 一。不隨聖人之行事者。不能升天。不明聖人之行實者。卽不能隨之。欲求明白。必先熟看。所以每日。須閱聖傳數章。斷不該懈惰廢弛。

說閒話。看閒書。幹無益之行。助別人奸巧。雖一日半日。並不怕貽誤正經事務。單單爲學聖人之行。就說不空不閒。難道是真情實話麼。汝若果然想望升天。必能忙裏偷閒。誰肯推三阻四。一。汝之姓名。雖然正教。汝之行爲。尙隨自己。在世可說有餘。升天大爲不足。因升天之人。必要隨正教耶穌之訓誨。必要對正教聖人之行事。所以看聖傳者。非徒然熟玩於心目而已也。博聞之後。須強記其德行。然後以默想爲神交。以克己爲數學。以愛人爲肄業。自古迄今。從未有二人少此三者。而能成聖升天也。一。有名無實。斷不能升天。決然該定幾位聖人爲主保。詳明聖人之德行而遵之行之。如本名聖人。每月主保聖人。反求諸己。可與此諸聖之行相合否。既奉聖人之名爲本名。既望聖人之功爲主保。而不隨聖人所走之路。豈獨難望升天。恐怕着實要仔細。因褻瀆聖

人之罪罰。定不得何時發覺。聖熱羅尼莫云。汝能平日。或學某聖之謙。或學某聖之忍。或學某聖之善良。或學某聖之愛主。或學某聖之廣揚教化。或學某聖之施濟貧窮。果然如此。可預定靈魂之安好。仰求於苦難中。必呼吸相通也。

當務之求 爲聖母會

祝文 懇祈全能天主。爾聖亞佟精修主教。每年瞻禮。加我心虔而體安。爲爾子吾主耶穌基利斯督亞孟。

十七日 聖辣匝祿 致命

警言○弗遺爾曹爲孤子。予往。又復來顧爾。爾心將悅。 聖經

聖傳○聖辣匝祿係聖女瑪爾大聖婦瑪達肋納之兄。聖經稱爲耶穌之友。因聖人抱病而終。二妹奔告於耶穌。曰。主所愛者。今已病死。耶穌向門徒曰。我友辣匝祿睡熟矣。隨往墓前。耶穌先痛哭之。旣而呼其名。聖人應聲而出。復活於眾人之前。如德義人亦云。因此而知其爲耶穌所愛之人也。聖若望宗徒曰。吾主耶穌最愛此兄妹三人。聖人常迎宿耶穌於家。常破匪人之謗言。常助旅途之供用。迨耶穌升天後。已閱十年。如德義人。猶懷恨從前敬事耶穌之故。將聖人一家兄妹三人。及聖婦瑪瑟辣聖瑪是敏等。俱遭拿獲。置之破舟中。上無桅帆。下無篙。

舵。任其沉沒海洋。天主神恩庇佑。浪靜風恬。送至拂郎濟亞國。所屬瑪瑟利亞府之海涯。聖人就居此地。傳教勸人。未幾。本地異端。見有除滅邪神之意。強令聖人拜於邪廟。聖人不從。眾共撻之。又燒於火牀。終以斬首致命。

宜行之德 托賴天主

聖思 一。聖辣匝祿之二妹。爲兄求耶穌。先曰。主愛者。此爲求主之妙法。欲得所求之願。該效此而行。耶穌愛人。且肯救人。雖覺事情無望。亦不必失望。今汝於苦難中。先用世上可求之法。用之不效。然後求主。此係世間通病。人人未有不然者。爲何不肯先求天主保佑。豈天主保佑之行。不比汝之妥當麼。 一。耶穌既至墓前。必先哭泣以謝天主聖父。後呼辣匝祿起來。此爲求天主之正法。欲求願得之恩。必先謝所領之

恩。耶穌愛汝靈魂。如聖辣匝祿一般。所以該說吾主所愛者。望主不棄不辭。憐我救我。一聖辣匝祿聞耶穌聲。即從墓而出。復生於世。今汝久居罪墓之中。天主常常呼汝。爲何置若罔聞。不肯出來。無數好言。呼汝於身外。許多好念。呼汝於心中。及今弗聽。再待何時。聖奧斯定曰。吾主耶穌。係我性命之性命。生而能死。死於自己。死而能生。生於耶穌。汝惟求死而不求生。反嫌呼應不靈。豈知天主之呼汝。不啻當時之呼辣匝祿。而汝之應主。竟不如辣匝祿之聞聲而出。汝實自爲之。亦自主之。謂之何哉。

當務之求 爲疾病人

祝文 懇祈全能天主。我敬憶爾聖辣匝祿致命者誕日。賴其轉達。使我剛健於爾名之愛。爲爾子吾主耶穌基利斯督。亞孟。

# 十八日 聖斐辣味 鐸德苦修

警言○人獨有一。宜勤修弗失。 聖基所

聖傳○天主耶穌降生後五百六十八年。有北鄙強徒。擄掠意大里亞國多人而去。聖斐辣味在此擄中。隨賣於拂耶濟亞國。主名蒙定。係本國世家。見聖人青年才幹。辦事殷勤。且虛心謙約。情性平和。蒙走甚愛之。聖人之視主人。若奉事耶穌然。因此舉動俱是神工。不能間斷。邪魔妬甚。壞主婦之心。以誘聖人。其婦先藏污念。久而益熾。一日呼聖人於室內。露其私願。聖人聞之。惶懼勸其不可自害自己。勢難醒悟。乘間脫身。婦因懷羞變怒。向夫直言強我。蒙定信以爲真。革其差事。發往屯莊。收放牛羊。聖人忍受無言。小心牧養。更喜誦祈不悞。惟是愛人心

切。雖處困窮。將應得之日用糧。減半以爲哀矜。且親往野山。斫柴以贈。蒙定見牛羊蕃盛。欲穩聖人之心。給一少女。聖人本願守貞。不得已。勉強允留。默求主佑。勸以潔身事主之言。女本有志守貞。聞之踴躍樂從。二人雖同居一室。外若夫妻。內同兄妹。爲此神功。彼此保全。常守嚴齋。誦經默想。勸人改悔。安慰苦貧。無力哀矜。墾荒種麥以濟之。乃有多人嫉妬。向蒙定云。不管牛羊。種麥給人。以邀美譽。蒙定聞之。怒形於色。親往牧場。意欲查明嚴責。及至場中。見牛羊肥大蕃多。向聖人云。汝蒙天主庇佑大恩。悔我錯信他人之語。嗣後聽汝用之。聖人謝其所許。取一綿羊。變價濟貧。數月後。蒙定之婦。前恨愈深。捏辭毀謗。蒙定被其偏處。飛騎到邨。一見聖人。即持長棍撻之。棍方撻及聖人。而蒙定墜馬被傷。聖人扶入室中。小心調治。婦聞之。親來省視。天氣炎熱。命新汲甘泉解。

渴。因離水甚遙。聖人持棍築地。水源陡發。甘美非常。婦見此聖蹟。痛悔前非。向夫褒美。不可視爲奴僕。將產業平分一股。資其養贍。聖人向守貞之妻曰。我欲苦修。汝意若何。回云。汝意甚合我心。遂謝辭蒙定曰。開恩釋放。已感激難名。承許之物。轉獻爲謝禮。子然長往。詣聖留主教前。陳明歷來蒙天主大恩。保全二人貞潔。特來求教。欲得僻地苦修。聖留一聞所言。謝主仁慈。將女送女修院。舉聖人爲鐸德。定其傳教之區。與先牧性處不遠。聖人立一小堂敬主。旁爲草舍棲身。居則自盡苦規。出則各郵講勸。奇跡甚多。今錄其最著者。國君一子。身患麻瘋。穢爛不堪。攜至聖人前。聖人命赴從前築地所出之泉。洗之。適遇毒蛇咬死。侍人擡回聖人處。聖人跪求天主。頃卽復生。癩俱全愈。又擡回時。侍人心懷忿怒。兇猛扣門。此人身殭如死。及見儲君復活。方求聖人。聖人嚴飭之。

既而其病亦痊。未幾。天主默示終期。預行聖事而終。時天主降生後六百二十年。

### 宜行之德 修靈魂

聖思 一。人之靈魂。如田地然。望收美穀。先必墾耨。汝望靈魂結果於天堂。先當受苦。因天堂之路。如玫瑰之莢。天堂之福。如玫瑰之花。身爲基利斯當。不可畏難畏苦。一。美種須藏土內。若露於地面。烏雀必啄之。汝有善德。或蒙天主特恩。須藏於內心。稍露於外。邪魔必奪之。傲心必滅之。惟受知於天主。能邀天主之賞。纔是真賞鑒。苦人的賞鑒。不論何等人。能因鑒而壞。不能因鑒而賞。一。荆棘野草。必雜美穀而生。善惡之人亦然。公審判日。方截然分開。爲今之計。早該認明錯處。不隨其惡。當想天主收汝行事於倉廩中。或缺而不足。或荆棘雜投。到判臺聽

審時。如何是好。汝若不乘此尙能自主之時。定心爲善立功。誰敢包管。後來。不成荆棘麼。不是大火焚燒之物麼。

當務之求 爲挾仇者

祝文 懇求天主。爾聖斐辣味。每年瞻禮。聖教賴其轉達。我今求主。俾伊主保。聖教得獲平安。爲爾子耶穌基利斯督。亞孟。

### 十九日 聖納默瑟 致命

警言○人行善。而不忍人惡。不忍世難。其善輕虛。聖額我畧

聖傳○當正教被害之初。捕役到厄日多國亞肋桑得利亞府。鎖拿聖納默瑟到官。與盜賊數人同審。盜即誣爲同夥。聖人求官問其見

證。盜言此人犯事不在一處。故眼前現無見證。但人人都知其產業甚豐。常哀矜貧病。以博美名。此即偷盜之證。若非偷盜。並無生財之事。從何而來。官聞此語。明係憑空拔害。卽行釋放。閱數日。在查拿天主教案中。又將聖人拿送於官。官見聖人。卽係數日前釋放者。問明拜天主是實。官遂定以酷刑。命同前盜。烈火焚之。

宜行之德 忍耐

聖思 一。汝於天主臺前。獲罪甚多。今爲息主怒。不肯受苦。有是理乎。論先犯之罪。早該罰於地獄。天主特恩。將一世之苦。減汝永遠之罰。汝反畏難弗受。若現在地獄人。肯容他再來世上。並他何苦。未有不情願樂從者。因世苦雖凶。比不得地獄之苦故也。汝旣不肯受苦。難道世苦可以倖免。地獄亦能漏網麼。 一。世苦來時。能與天主所賞之聖味同

來。算不得是苦。請看致命聖人。爲何不覺其苦。因爲天主之愛。而受此苦。故天主此時。即以聖味滅其苦。又苦修聖人。有時感泣淚零。此爲樂淚。因難過者。並非苦難。在苦難中之神樂。稠疊難當。有加無已故也。聖沙勿略常云。天主我等主。足矣。足矣。可見他人救苦不遑。悲號哀痛者。聖人視苦如飴。謝恩無地。竟非勉強忍耐者可比。汝今如何。恐忍耐尙不能勉強承擔。勉強亦不能毅然忍耐。何有於聖味之樂。一若將世苦。與天主之光榮相比。更不啻天淵之相別。其最著者。頃刻之艱難。如何比得永常之福樂。且世苦雖兇雖大。斷不能萬苦全聚於一時。亦不能時時俱苦而不休。一身必有不苦之處。一日必有寬鬆之時。若天堂之樂不然。不雜而純。不虛而滿。不息而恒。如此大樂。現在我手中。欲得即得。還怕受小苦麼。

當務之求 爲苦難者

祝文 懇祈全能天主。我敬憶爾聖納默瑟致命誕日。賴其轉達。使我剛健於爾名之愛。爲爾子耶穌基利斯督。亞孟。

## 二十日聖女未多利亞 童貞致命

警言○以謹慎。欲絕身之睡。從初。初。新不在我。補做則在我也。

聖盎博羅削

聖傳○聖女未多利亞。係意大利亞國人。父母俱教中。國之望族。生女二。長卽聖女。次名亞納多利亞。及笄。先將聖女。許聘於歐熱尼約。隨將亞納多利亞。又欲許聘於奧肋略。此二人俱係異教。亞納多利亞。

早有守貞私願。萬萬不從。奧肋略密訪一婦。求聖女轉勸其妹。聖女允其所求。向妹云。婚配無妨於理。我不是恭敬天主之人麼。我爲汝姐。豈有害汝之言。如此事情。該從父母之命。况所許之人才貌身家。汝已知之甚悉。雖然外教。仍許我們恭敬天主。將來愛情勸引。未必不爲天主之人。亞納多利亞回云。我姐明智過人。豈不知童貞之妙麼。數日前。我將粧奩轉售之時。夢見一天神。向我云。惟光明之童貞。語未終而醒。我心悶極。跪於耶穌像前。求賜天神說明後來之語。天神忽現示云。童貞在萬德之上。爲無價之寶。乃天主親愛之品。邪魔不能劫奪之人。汝當淨心守之。盡力圖之。聖女聽此數言。卽云。不必再言。我亦效汝而行。隨取首飾粧奩。變價濟貧。立願守貞不嫁。歐熱尼約奧肋略心懷毒怒。無法可施。以天主教首告。妹先被殺。數月後。歐熱尼約私遣一人。刺聖女

心胸而死。時天主降生後二百五十三年。

宜行之德 離開罪過

聖思 一。德爲德行之賞。罪爲罪過之罰。是以平安爲靈魂之寶。靈魂有罪。卽無平安。有誰犯罪後。還能心境坦然。一無荊懣麼。旣知如此。爲何不遠遠離開。 一。犯罪不止亂心。人前必有慚色。所以醜行。俱怕人知覺。怕傷顏面。怕壞名聲。未經舉動。先爲避地避人之計。密密行之。因惡人雖惡。亦敬善人。亦恨惡人。蓋良心難昧。本來之好惡俱真。旣知如此。爲何不早早離開。 一。罪過能壞靈魂。亦壞肉身。天主臺前之罰。必先及之。蓋自元祖釀成之後。常用四時寒暑之災。瘟疫貧窮之苦。以罰其身。但習見習聞。人皆視爲尋常。惟世後之罰。雖明知無盡無窮。因不見不聞。又皆苟且偷安。到沒世之時。纔豁然知道。汝欲俟此時候麼。旣

知此時無用。爲何眼前罪惡。還戀戀情深。不肯速速離開。

當務之求 爲重罪者

祝文 天主。爾德能靈異中。不棄弱女輩。賜致命者榮勝。懇祈我曹慶爾聖未多利亞致命童女誕日。因其遺表。躋爾臺前。爲爾子耶穌基利斯督亞孟。

### 廿一日 聖多默 宗徒

警言 ○多默以見我。信我。乃有不見而信。斯果眞福人。 聖經

聖傳 ○聖多默。係如德亞國人。自以微業。孝養其親。聞耶穌名。卽往從之。因其勤慎無欺。簡列宗徒。三載。事事出於忠直。至耶穌受難前

數日。諸徒多憂多懼。惟聖人卓犖不羣。勸眾隨師受死。此志此言。同門俱欽服之。耶穌復活後。顯現於眾徒。適聖人他出。及歸。眾以所見告之。聖人曰。非我目。親見其兩手之釘傷。非我手。親探其肋胸之鎗孔。必不信也。越八日。耶穌復如前顯現。諸徒咸集。耶穌獨向聖人曰。來。以爾目視我手。以爾手探我胸。毋懷疑貳於心。聖人疾趨探視。即大呼曰。吾真主。吾恩主。耶穌喻云。汝之見我而信。何如不見而信者。斯真福人。蓋借一人之疑。以解釋後來之疑。以一人之探視。傳徵驗於無窮耳。耶穌升天後。聖徒分方傳教。聖人所往者。南北印度諸國。及黑人之地。由小西洋。沿海而東。居瑪里布爾郡。講道闢邪。旦夕不休。驅魔救患。靈異非常。從化者。不啻千萬人。聖人因教中人眾。創立大堂。以爲瞻禮之區。人皆盡力爭先。有一巨木。可爲棟樑者。多人無力可移。加以大象。猶屹然不

動。聖人命其自移。木即應命前奔。至其地而止。又堂中有十字架。係珉石所爲。刊云。日後海水至石。即有白面人遠來。重新傳我所傳之道等語。至千有餘年。水與人俱驗。大堂告竣後。教化日隆。及門修士亦多。分遣各方。流行宣佈。或言聖人曾偕數門弟。泛海東來。及於諸夏。復從陸路西歸。今查漢晉之間。傳有十字教之名。而遺文古蹟。往往雜見於他書。則此言不爲無因。且曰擊聖教禮儀。多因後學失傳。佛老異端之徒。改頭換面。久假不歸。所幸主恩無限。聖化必新。亦如瑪里布爾郡中。石上所刊之言。重來傳道。溯厥淵源。何莫非聖人從前開創之美基。主保轉求之神力也。瑪里布爾郡。旣開聖教。本國王撒加末賓迎於京邸。奉令承教。遵規領洗。臣民無不樂從。乃左道驟然失利。合謀毒害。適聖人城外靜修。惡黨探知。蜂湧密圍。擲石如雨。挺棍亂加。聖人恬然樂受。仰

天正色而終。時天主降生後七十五年。門人聞變奔趨。殯葬於所建之聖堂中。生前手攜之杖。臨死被傷之槌。及傷處所流之血。以囊收存。以悅包口。同瘞於墓。此方教眾。歷一千五六百年之久。國雖變亂。而教理猶存。二百年前。遠西傳教之士。復至其國。始知聖人之澤。久而彌著也。此地即以聖名爲地名。故蒙恩特甚。每年聖人瞻禮前三日。墓前石十字。必屢變其色。由白而黃。而黑。而青。仍還於白。間有赤血。涓涓下流。直注所包血囊之悅而止。倘是年。無此變色血流。必有災難。又此地寒月。尚多蠅蚋。常斷甘泉。惟聖人瞻禮日。蠅蟲盡滅。甘水充盈。年年如是。相傳當日。燃燈於墓。並未添油。久而不熄。其惡黨子孫。雖強引之。終不能步入聖堂。俯身墓下。足見天主禪惡之嚴。沒世未容姑縱也。

宜行之德 自修

聖思 一。聖多默不會親眼看見耶穌。不肯信耶穌復活。汝今信否。若果然真信耶穌受苦受難。死於十字架。爲贖我罪。果然真信世人死後。有天堂之永賞。有地獄之永罰。不爲真福之聖人麼。今看汝行事。去聖人遠甚。心中所有之真信。恐大不值天主之真福。難道要等下過地獄。纔肯果然真信麼。若到此時。信亦無用。 一。聖多默一見耶穌。卽起信德。亦如死而復活一般。今汝之信德何如。該常常效法聖人。到天主耶穌五傷臺下。默想此五傷之苦。明知因我而受。此時之望德。忍德。愛德。自然由中而發。且極其堅固。極其真誠。極其悠久。汝今如何。旣知耶穌所愛者。只有世間之苦難。爲何仍然專愛世榮世樂。卽此一看。便知汝之信德。不會像聖人死而復活。 一。聖多默之信。不獨發於心。出於口。

且顯於行事。不獨矢志於一時。取徵於同學。且操守及於終身。應證垂於世世。所以後來爲傳正教之信德。不畏長途險阻。不怕凶惡艱難。遇暴不驚。臨危坦若。請汝自度所行。可能相合否。汝因信德。情願失命麼。自己不可哄自己。這虛而不實之信。係汝之信。非聖人之信。所以貪愛世福。失去天堂。如此之信。大不合於正理。何德之有。

當務之求 爲聖教廣揚於中國

祝文 祈望天主。使我取榮於爾宗徒聖多默之瞻禮。賴其護佑。時時舉拔。以敬心之宜。隨從信德。爲爾子耶穌基利斯督亞孟。

## 廿二日 聖拂辣戀 致命

警言○攸命乎汝。惟相愛耳。 聖經

聖傳○聖拂辣戀。世爲貴族。因遭義難。夫婦二人。同所生二女。俱死於義。又爲天堂貴族。真耶穌所稱嘉樹也。聖人才能出眾。總王授以大權。統理羅瑪。值聖教不寧之日。聖人從中調劑。撫慰維勤。常勸人甘心。忍受諸艱。諸苦。寧可爲主失命。不可半途背棄。凡遇致命之屍。藏匿宅中。希圖埋葬。總王聞之。怒甚。不念勲勞。才畧。革職鎖拿。交付新官審擬。彼旣逢君之惡。審訊甚嚴。聖人云。捨命以爲天主。我之情願。不必多言。聽汝施刑。官以治奴之火印。烙於聖人額上。聖人欣然。語眾曰。正教之人。常該有此罪跡。擬於極苦之地。發配充軍。聖人臨行。家屬跪交於

天主既至其地。不怨不尤。小心敬主。誦祈默想。受苦數年。功全德備。而終。因歿於配所。故居致命聖人之列。時天主降生後三百六十二年。

宜行之德 愛人

聖思 一。有人說汝之過。該報以喜歡感激之心。感彼之愛我。喜我之知過。倘彼明知我失。而隱忍不言。反以美辭尊奉之。豈非我之仇敵耶。但說汝過失之人。恐常常不免。不必論他來意怎麼樣。勸我固好。責我更好。只問汝心中喜不喜。惱不惱。改不改。一。有人說汝之過。汝該自己查察自己。果有此過否。若原係惡人謗汝者。更當尊之。敬之。稱謝之。果然有此歡心。當知天主必以無限之大喜歡。結合汝方寸之歡。卽謗汝之惡人。亦不難轉怒爲歡。則一舉而人已並蒙其利。有何妨害。只怕汝死後。這是別人不來說汝之時。亦不用天主說汝。而妨害不可勝言。

如此真關係。竟置之膜外。一。汝若說人之過。該自己痛恨之。該設法補償之。或遇旁人傳說。又該當場解釋之。凡與本分無干涉者。總不必多言。亦不宜向別人談論。併不可說含糊假借之詞。啟人疑惑。聖伯爾納多云。肯小心自查己過者。只管痛哭自己。不肯管別人的不是。

當務之求 爲國家太平

祝文 懇祈全能天主。我敬憶爾聖拂辣戀致命者。誕日。賴其轉達。使我剛健於爾名之愛。爲爾子耶穌基利斯督亞孟。

廿三日 聖瑟而武祿 貧病

警言○予舉予靈。向吾主賴爾無愧。 聖經

聖傳○聖額我畧教宗。叙述聖瑟而武祿之苦行而誦美之。畧曰。爲時不久。親見聖人在聖格肋孟德之天主堂對門棲憩。係羅瑪都中。至卑極苦。多病最窮之人。生於貧家。自幼無衣無食。延至中年。得半身不遂之病。食不能舉手。臥不能轉身。惟賴母兄服事。多友哀矜。以度日而已。然如此艱難困苦。倘遇哀矜之物。日用有餘。必求母兄。轉濟他人。決不肯於常餐之外。多費些須。以恣口腹也。不曾習熟之經。求人在旁誦念。聖人臥而聽之。未及年餘。皆強記不忘。常舉經言。專心默想。夜以繼日。無間無離。故所收神益。他人難以幾及也。一日見聖人病重。多人

念經求主。誦聲甫止。聖人大聲曰。爾輩不聞賡歌迭奏之妙音乎。語終而氣亦絕。時天主降生後五百七十年。歿後異香襲室。人人共聞。直至送葬後。其香始退。嗚呼。由此以觀。我輩如何。有得財之具。有用財之手。爲何不向善而行。到審判臺前。不惟無言以對天主。又何顏見此聖人。如此窮。如此病。得了天堂永福。何必德配宗徒。何必身遭致命。今不能以言語傳教勸人。不能以毅勇成仁取義。豈不能學此無手無足。長病長窮之聖人耶。特表而出之。恐有手有足。而不立德立功者。難逃天主之罰。勉之勉之。

宜行之德 忍耐

聖思 一。聖瑟而武祿成聖之處。就是忍耐。想他困苦中。豈惟不怨不尤。還望多艱多苦。請汝將自己堅忍之心。與聖人比一比。將自己耐繁

之德。與聖人平一平。可能鬚鬚一二否。良心難昧。必然無地抱慚。公道在人。必竟受懲不怨。聖基利瑣羅曰。看耶穌之窮苦謙撝。我輩應該愧煞。一。聖瑟而武祿。因忍耐而成聖。並不像他人勉強支持之忍耐也。樂此不疲。喜容滿面。終身如一日。心中愛慕者惟天主。口中讚美者惟天主。汝能到此地步否。汝肯如此而行。想天主所許之賞。感天主所加之恩。不論何苦。俱變爲快樂。連忍耐二字。都用他不着。蓋心中本無苦况。何忍之有。今汝不會到此地步。少有些須逆境。憂悶便來。竟有強勉不能忍住之勢。無他。此係汝之忍耐。非聖人之忍耐也。一。聖瑟而武祿。臨終時。明知苦難已完。天堂已近。故並無一毫怕懼。惟將一生受苦之快樂。滿載而歸。變爲永樂。如此表樣在前。爲何不尤而效之。世上最多者。苦難耳。祖父爲愛兒孫。必留下趁錢之基業。耶穌爲愛我人。故留

下。升天之苦難。且取之不窮。用之不竭。汝能身在苦中。不肯憂懼慌忙。惟專心爲主而受。憑他什麼苦。一死即完。苦盡甜來。萬福從茲而起。惟有現享世樂之人。自以爲揚揚得意。比眾不同。豈知一死之後。快樂快完。萬禍從茲而始。亦比眾不同。怕極。慘極。

當務之求 爲貧病人

祝文 天主。以爾聖瑟而武祿。每年瞻禮。樂我等。懇祈爾。我旣慶厥誕日。幸師厥功勩。爲爾子吾主耶穌基利斯督。亞孟。

廿四日聖女大西辣 童身

警言○開治主道。正直路徑。 聖經

聖傳○聖女大西辣。係聖額我略教宗之親姑。傳有表揚聖女之文。其辭曰。我父之姐妹有三。一卽聖女。一名哥弟亞納。一名厄彌里亞納。我祖見其一樣熱心事主。不愛世俗之虛。俱獻主守貞。定在本家修道。初皆勇往直前。加功精進。不數年。聖女與厄彌里亞納愈嚴愈細。嘗與聖愛相連。身雖居地。而神魂密邇於天。惟哥弟亞納熱心漸冷。修業亦疎。世俗之愛日濃。聖女目擊心傷。大聲向厄彌里亞納曰。妹竟若此。我們須防微杜漸。以挽回之。二人左提右挈。冀其悔悟。而語多心厭。反與外婦閒談。勸者匪朝伊夕。聽者置若罔聞。竟付之無可如何而已。聖

女之苦工克己。默想誦祈。迴越尋常。臨終前一日。忽向予而言曰。蒙主大恩。賜我得見聖斐理斯主教。命看一美味。諭云。汝來此處。此味係汝之味。次日。遍身壯熱如火。親友知其將終。前來甚眾。聖女大聲曰。汝等爲何離開吾主耶穌。都來我處。語聲甫畢。氣絕而終。時天主降生後五百六十年。耶穌聖誕日子正之先。過瞻禮後。聖女親來向厄彌里亞納曰。我親愛之妹。爲過聖誕瞻禮。故同在一處。今雖暫離數日。還與我一同在天。敬守三王來朝之瞻禮。厄彌里亞納云。若如此。哥弟亞納將若之何。聖女曰。彼係世俗人。說完不見。厄彌里亞納即患病不起。果於三王來朝之先。棄世升天。哥弟亞納全忘從前守貞事主之心。後來情願嫁與自己家中一管事人爲妻。可見背恩隨俗者。雖妹賢姐聖。萃聚一門。而命耳提。不遺餘力。徒勞唇舌。迄無成功。不亦悲乎。

宜行之德 熱心迎主

聖恩 一。聖母到白稜郡。遍覓棲身房屋。無一收留之人。汝今何如。明知天主許久要安居汝心。向汝心門。叩而又叩。總不會聞得。爲什麼如此。因有罪在心故也。若果有迎接耶穌之心。今日定該細心省察。完全告解。以上等神工。逐去其罪。心中有與耶穌相反之事。或驕傲。或冷淡。或貪世福。必該斷絕。纔可望耶穌進汝之心。一。迎接耶穌之人。保不定如黑落得一般。今就汝而論。明日領受耶穌之事。尊之耶。抑害之耶。在汝心中。不與汝所犯之罪。同居一處麼。領後數日。不從新犯罪。驅而逐之麼。若果如此。汝非第二位黑落得。卽係再來之如達斯也。一。與彌撒時。該如明日之牧童。以信以謙。敬之愛之。因當時臥在馬槽之耶穌。卽係每日每日。降來祭臺上之聖體。牧童欽信天神所告之福音。汝

不能欽信神父所誦之福音麼。當時聖母聖若瑟。謙恭敬拜之禮儀。親愛感恩之誠切。汝不該效法萬中之一麼。領受之時。必該取汝之心。奉獻後來之事。不可說聖母聖若瑟之行。非罪人可能也。難道牧童之信愛歡呼。趨迎跪敬。亦是效法不來的麼。

當務之求 爲婦人

祝文 救吾者天主。聽受吾禱。吾樂爾聖童女大西辣。瞻禮。望以誠心。得受訓誨。爲爾子耶穌基利斯督亞孟。

廿五日 聖婦亞納大西亞 致命

警言 ○耶穌基利斯督在世爲我等立苦難之表。明開我等所該  
行之路。 聖伯爾納多

聖傳 ○聖婦亞納大西亞。係羅瑪都中貴族之女。母係教中。有聖  
基利瑣峨諾訓明正理。愛主最誠。及長。父係外教。母不能作主。嫁與外  
教人爲妻。夫名布比畧。不喜正教。但正教適逢多難之時。聖婦熱心救  
濟。買通司獄。常進獄中。凡爲義而遭窘難者。慰其苦。治其傷。送食更衣。  
周旋勸勉。布比畧聞知大怒。禁止出門。同於牢獄。聖婦樂從者。惟此神  
工。驟然斷絕。憂悶難堪。寄書於聖基利瑣峨諾求主開恩。仍許如前出  
入。布比畧奉差伯爾西亞國。將聖婦交與管家嚴禁。不料中途暴死。從

此聖婦。得以出入自由。即將家產。專救教中被難之人。此際風波愈猛。填滿獄中。莫非教友。致命者。殆無虛日。聖基利瑣峨諾亦乘此升天。聖婦養生葬死。盡力以圖。一日被禁之教中。盡付法場斬決。獄內爲之一空。聖婦不知其事。到獄見無一人。放聲大哭。人問之。回云。同我敬主之人。而今何在。司獄知係教中。拿送於官。問其來歷。乃從前奉差某人。之婦。再三勸誘。堅執不從事。聞王以家貲巨富。先追究之。聖婦云。我若有財在手。必如從前密行週給。救我敬主之人。旁人亦微沾其利。豈肯舍利而拿我於官。今家財已盡。只剩我身。財既喜歡爲主而用。身更喜歡爲主而死。不必他言。王命婦女多人。百般盤詰。無已。仍交官審訊。官見一時難轉其心。寬限三日。聖婦曰。我恨汝所敬之邪神。故情願失命。以敬我天主耶穌。卽再寬百日。不過如此。這三日之限。有何用處。官將外

教婦人。變法誘之。此三日內。聖婦不食不眠。惟誦祈天主而已。官信旁人之言。以聖婦雖無現物。尙有田地若干。密向聖婦云。將汝田地。送我一牛。我竟將汝私行釋放。聖婦回云。此產早獻於天主。爲救貧窮無告之苦人。若汝家果然窮苦。我亦情願看顧汝家。亦如看顧別人。官聞此言。拂然不悅。收監禁錮。斷其飲食。至一月之久。見聖婦強健如前。疑係司獄通私。換官巡視。晝夜稽查。又及一月。仍然狀貌如初。乃置之破船內。同一教友。併有罪之外教一百二十人。乘風放於大海。聽其沉覆而死。豈知船甫出洋。忽顯聖女投多辣親來船上。管送至涯。外教一百二十人。目擊此奇。明知今日之生。出於格外。情願棄邪歸正。報主大恩。三日後。盡致命而終。又將聖婦同七十女人。二百男人。拿拘海島。聖婦被縛於木。積薪放火。焚燒致命。其他刑法不同。同歸於死。時天主降生後。

三百三年。

宜行之德 效法耶穌

聖思 一。耶穌降生。原爲引人天路。故贖人罪罰。若不走此路者。決不能升天。欲走此路而不隨耶穌之表。是不信耶穌所引之路。何能救得靈魂。耶穌係諸聖之首。諸聖皆耶穌之肢體。既然首升天國。肢體必隨之而升。今汝常想世俗。不喜耶穌之行。不願耶穌爲首。耶穌亦不願收汝爲肢體。這就斷絕升天之路了。該怕不該怕。一。天主聖父。極愛聖子。因全全係本性本體之內像。一而二。二而一者也。天主聖父。又推其愛而愛聖人。因聖人效法聖子。雖內像不能與外像相同。而立德立功之像。無不同也。是故同處多者。其施愛亦多。同處少者。其施愛亦少。若全異而無同者。初且隱忍其怒而不發。直到怙惡不遷。甘心立異。竟無

一事相同。然後始惡而罰之。蓋聖父造成天地。許聖子降生。聖神降臨。賞功罰罪。一總都爲聖子之像。一總要通聖子之像於眾人。今汝想沾聖父之大恩。而自成一像。不肯像耶穌之像。使得使不得。一。我信經書所載天主聖父之言。只有三次。一在耶穌受洗於若爾當河。一在大博山光榮之內。一在協路撒稜耶穌受難之前。皆是表揚耶穌勸化之能。故耶穌所求於聖父者。惟望人能效其表樣。亦如自己爲天主聖父之像。卽聖父亦望人都像耶穌。升天享福。今汝要先知道身後升天不升天。並非難事。只把你自已立身處世。與耶穌比一比。可有相同之像否。若自己果然信得自己。並無偏情。亦無錯悞。自然必定升天。倘事事不能相同。死期已至。尙無一毫髣髴耶穌之意。必定不得升天。旣知如此。該像不該像。

當務之求 爲煉處靈魂

祝文 天主爾德能靈異之中。不棄弱女輩。賜致命者榮勝。懇祈我等。慶爾聖婦亞納大西亞致命誕日。因其遺表。躋爾臺前。爲爾子耶穌基利督亞孟。

廿六日 聖德斯望 首先致命

警言○吾主耶穌收子靈。跪大聲曰。主勿記彼罪。 聖經

聖傳○如德亞國之古教人。旣釘死天主耶穌於十字架。又謀害聖門弟子。以圖斷絕其傳。豈知愈阻而愈彰。歸化之人。近悅遠來。輸財博濟者。殆無虛日。諸宗徒俱以傳教爲務。不便分心管理。公議數人。專

司出入。聖斯德望係宗徒門弟。尚在幼年。而仁智性成。才能出眾。羣首推之。聖人秉公節用。竭力濟貧。慎行謹言。凜修規於冗腔。推恩顯蹟。敢愚懦以靈奇。日路撒稜大學中之名士。多誠服焉。古教人痛嫉之。協力聚攻。屢遭屈抑。仇恨日深。初則誣之以罪。拘赴公庭。聖人乘勢講明天主降生救世之神恩。言汝輩既信聖每瑟之經文。經中所傳爲救萬民。從我國族。取體爲人等事。顯然明白。今因定期已至。人文並驗。反行弑逆。有是理乎。惡怒益增。聖人忽仰見異光中。耶穌正立於天主聖父之右。卽大聲向眾云。我適見天門大開。全能天主之右。耶穌正立而俯視我言。惡俱掩耳喧譁。詈爲重犯。公擁出城。亂石擊之。聖人中立不移。石如雨下。未曾動色。變心頃之。跪求耶穌。慈憐此眾。弗因其悞而罰之。求訖。仆地而終。年三十有五。時天主耶穌升天後。僅數月耳。甘死於義。求

主恕仇。聖人獨開其先。葬後三百七十餘年。久已失迷。蒙主默示一賢。率民尋獲。獲時。地忽震驚。奇香嗅鼻。萬眾趨觀。患病負魔人。沾恩立愈者。一百有餘。聖教大行後。奉安城中之宗殿。閱數百年。遠方一國。旱荒告急。求得聖屍骨灰少許。甫入境。大雨平傾。年成豐熟。又利未亞地方。幸得聖骸一小節。民皆出郭遠迎。有瞽婦。欲親聖骨以求明。而擁塞不前。旁人取骨上所蓋之鮮花。致之於目。瞽即復明。又近城司教路濟樂。股傷痛甚。醫惟有速斷之法。可無他患。幸遇聖骸入境。力疾趨迎。強負其龕以表敬。途間卽釋然無恙。今意大里亞國納波肋府城。現存聖血。平時凝若枯乾。至舉行彌撒時。奉安於聖臺上。則器中滾滾。竟如新鮮流出之血。世間不朽之業。誰其似之。

宜行之德 愛仇

聖思 一。耶穌爲勸人愛仇。用自己之表樣。用自己之忍耐。引人反愛自己之仇。汝不該悚惶無地。勉強順承麼。每日無一個人不得罪天主。主之恨罪至深。義當重罰。且欲罰卽罰。無比之容易。况忍耐一時。更增一時之罪。雖然如此。還俟之。容之。保存之。提醒之。不以爲仇。而引人愛之。若肯悔改。還赦之。宥之。助其神力而矜全之。曲成之。如此表樣。如此忍耐。若不能動汝之心。是汝之仇。更大於天主之仇矣。有是哉。一天主耶穌在十字架。上。於萬苦之中。不獨寬害己之仇。還獻其性命以救之。不該動汝之心麼。聖巴爾納伯曰。若不失命以救汝。在汝得罪時。其恩已斷。何能還有今日。汝今不肯愛仇。不想此身。若非耶穌十字架。上。無窮之忍耐。無限之仁慈。姑容緩待。何汝之有。汝且不保。何汝仇人之

有。聖斯德望能隨耶穌之表樣。求主恕仇。難道聖人之五官四體。不與汝一樣麼。難道汝之筋骨皮毛。不與聖人一樣麼。彼亦人也。汝亦人也。彼能愛仇。汝不能愛仇。有是哉。一。耶穌在十字架上。求聖父所赦之仇。不是爲別人。單單爲汝而求。如今問汝。可曾恕自己之仇否。汝仇於主。而主求救之。人仇於汝。而汝不赦之。是明明不隨耶穌之表樣矣。不隨其表而欲享其功。有是哉。

當務之求 爲仇害汝者

祝文 祈望天主。俾我輩攸敬之斯德望。首先致命聖人。即我輩效法之師。庶幾克愛我仇。因斯慶日展敬之誠。爲仇求主。爲我等主耶穌基利斯督。亞孟。

廿七日聖若望 宗徒兼聖史

警言○人處世。能順耶穌之言與行。必一生爲如主命。乃大功也。

聖奧斯定

聖傳○聖若望宗徒。係如德亞國人。族顯而貧。同兄雅各伯漁業爲生。耶穌偶過海濱。見聖人修網。招之。聖人卽棄業從遊。受訓觀摩。精修大進。耶穌豫表其勵俗驚人。闡揚聖道之功。每呼爲雷子。寵愛過於他徒。所施神訓。聖人皆傾耳熟聞。所顯靈奇。聖人皆賞心目覩。其母恃愛。乞恩於耶穌曰。主卽本國位。賜予二子。置之左右。耶穌問聖昆仲云。爾等能飲予將飲之爵乎。猶言能受將來耶穌所受之苦否。聖人對曰。能。耶穌云。他日固飲。惟天國之座。已定於予父。不可改也。耶穌受難前。

發露惡徒之謀害。眾徒惶懼難安。獨聖人私請之。耶穌密行指示。不令外洩。恐招眾怒也。耶穌被釘十字架。聖母與聖人同侍架旁。耶穌謂聖母曰。彼爲爾子。又謂聖人曰。彼爲爾母。故自後聖人之孝事聖母。不啻親生之母。從未肯少有疎虞。重負耶穌之厚愛也。耶穌殮葬後。聖人懸望甚懇。一聞復活之音。奔趨墓上。只見所遺殮布。飛報眾徒。羣集俟之。一日。眾徒出海捕魚。一人於海畔。示以下網之處。得大魚百五十有四。惟聖人悟爲吾主。爭先登岸。眾始接踵趨迎。耶穌坐。授要旨於聖伯多祿。聖伯多祿指聖人以問。耶穌飭云。尙欲留彼於世。待予復來。於汝何與。因此一言。多有傳言聖人未死。於世終時。爲新教之證。再來致命。然恭繹耶穌明諭。非一定之辭。惟觀其後來棄世之奇。似與常例不同。爾耶穌升天後。聖人同聖伯多祿進堂瞻禮。一跛者求憐。聖人呼耶穌名。

救之。卽行立如常人。聖教大能之名。闕傳遐邇。司古教者妬恨之。禁呼聖號。聖人不從。囚禁鞭笞。聖人以受辱爲幸。卓然不屈。灑瑪里亞府聞之。悅服者多。需人經理。聖人與聖伯多祿同往。事定。順途傳教而歸。內事聖母。外務勸人。未幾。各徒分行天下。聖人獨居厄弗所郡數年。屬邑多蒙神化。惟郡城錮蔽於邪。惡黨橫行。謗言誣控。官將聖人。拿交羅瑪。正值都城嚴查新教。國王親提審訊。聖人賞奇晰疑。邪正瞭然。奈素迷左道。性更凶殘。命烹沸油於鼎鑊。將聖人赤身投入。以俟肉化骨枯。豈知安坐無虞。兩旁刑役。反被油烟熱燄而死。君民心竊異之。充發巴得末遠島。島人野性。惟知劫殺。聖人率之以道。改惡爲良。乘此餘工。天主開其神智。顯示將來世變。紀錄於書。迄今千七百年。註者多。解者少。國王因民叛而殂。從前被逐者。悉返之。聖人慰諭島民。自歸厄弗所。仍勤

故業。郡民歡感。勝於父母復生。側聞邪說橫行。著述天主降生救世之深旨。耶穌在世所行之事跡。非僅砥柱一時。乃炳若日星。昭垂萬古。大有關於世教人心也。一教中人。先富後貧。負債甚多。以死求巫。巫食以毒。安然不死。再服亦然。究其故。因教中舉食先畫十字。此人雖從魔誘。未忘畫十字之規。巫以十字神能。如此之大。棄邪術而投聖門。聖人問知其故。招服毒人前來。勸以善言。命採野草一束。送至聖人前。聖人畫一十字。草盡化爲黃金。囑云。償債之餘。留以自贈。近地一少年。才智出羣。聖人周流至此。加意成全。臨行。托付本方之司教。不料陷於匪類。數年後。聖人再至其地。聞之。馳馬追尋。適同數賊並驅。望見聖人。疾趨遠去。聖人策馬大呼。其人聞而感泣。下馬跪迎。聖人痛哭引之。並馬入城。從容訓諭。卒成善士。聖人德壽並隆。預傳棄世之期於門弟。至期。勸諭

訖。同赴山中。命掘大坑。欣然辭眾而入。異光驟來圍繞。無從再覩聖身。年九十有三。時天主降生後一百一年。謹按宗徒之內。壽至期頤。身無微疾。山坑辭世。不殮不棺者。惟聖人一人而已。

### 宜行之德 學耶穌

聖思 一。你是天主教麼。果然能守教中之本分。能像耶穌之致命否。你有領洗之印記。其行事。與此印記相同否。難道聖水到身。就是正經天主教之人麼。領洗爲入門緊要之務。以入教而言。則足矣。以奉教而言。則不足。因奉教之要務。全是學耶穌。入其門而不奉其學。可乎。你會學過否。所行所言。曾從之否。若真心奉教者。雖才能不及。亦必勉強樂從。以補足之。一。何在而爲天主教。在用耶穌之表。在守耶穌言行之規矩。在變自己之身心。與此表一樣。纔是天主教之人。你如此否。若不

如此。外面帶着天主教之名。其中實係外教。如戲場子弟一般。君臣父子。夫婦弟兄。都是外皮。富貴功名。才能孝友。只憑口說而已。一。同在教中。如何見得你有名無實。耶穌最謙遜。你則不謙而傲。耶穌惡體面。你則棄賤求榮。耶穌一生窮苦。你惟謀利偷安。耶穌順命至死。你且背義逃生。事事俱與耶穌相反。還不是有名無實麼。倘臨終時。目擊耶穌苦像。轉思自己平日之行。都與此像不同。則耶穌所受之苦。明明與你無干。那時天主教之名盡去。外教之實永存。惟常受不同之罰而已。

當務之求 爲冷淡者

祝文 望主慈普爾會。因受光於聖若望宗徒兼聖史之訓。迄於永遠恩錫。爲爾子耶穌基利斯督。偕爾偕聖神。世生世王。亞孟。

廿八日聖女葛隆巴 致命

警言○天主雖許爾罪之赦。然未許何時之赦。聖額我畧

聖傳○聖女葛隆巴。係拂郎濟亞國人。本貴顯之族。自幼守貞事主。正值教人顛沛之時。拿解總王。因其才貌。又屬世家。面諭云。汝肯不拜天主。即舉爲太子正妃。時聖女年方十六。回云。我早矢志童身。敬事天主。萬不能背主而嫁人。總王大怒。命人強牽於污室。交與有名好淫之巴祿加。聽其使用。聖女見巴祿加近前。即叱云。汝須仔細。不然。吾主耶穌定行重罰。巴祿加聞言。正緩步躊躇。一母熊猝至。屈其一足。倒之地中。張口不噬。仰俟聖女之命。聖女命熊不可肆害。熊即放之。然蹲伏於門。未肯遠離。聖女向巴祿加云。汝觀此獸。爲何從我之言。汝還不該

信天主麼。能救汝之性命者。就是耶穌。若要想以後性命永安。除了信天主。並無別路。語際。天主之寵恩已及其身。出外大呼曰。葛隆巴所敬者。纔是真正神人萬物之主。舍此盡皆邪教偽神。地方官一聞此言。嚴拿斬決。總王命拿聖女審究。刑役回云。有母熊看門。不能進去。王命舉火燒房。聖女命熊回洞。雖周圍火發。大雨滅之。聖女安居無恙。總王視爲邪術。擬斬立決。

宜行之德 定改前非

聖思 一歲云暮矣。數來只有四日。已盡一年。若此一年內。未曾爲主立功。不是妄費天主一年好時候麼。豈惟妄費而已。還背叛許多聖佑。耽悞無數神工。不該算一算麼。豈惟背悞而已。還犯了若干罪過。傷耗若大精神。不該悔一悔麼。趁此四日中。果能盡心料理靈魂。庶不致全

全虛度一年。一。明知轉眼就是新年。然安知年是新年。人不作故人麼。安知別人是新年。獨汝竟爲末年麼。比汝年少者若而人。比汝壯健者若而人。俱與新年無分。豈他人能死。汝獨不死耶。若天主明白示知。新年是汝去世之年。難道還不肯丟開世俗。料理靈魂麼。今雖無此明示之言。然髮白齒搖示於身。此亡彼歿示於目。都不是天主之訓誥麼。盡心離罪。隨天主之聖恩。本分完全。補從前之缺失。此革故鼎新之正義。因一日之新。而日日常新。因一事之新。而事事俱新。纔是善於過年者。一。世俗過年。必料理肉身。聖教過年。不該料理靈魂麼。肉身世俗。皆我之仇。亦地獄之媒。不該怕麼。爲救靈魂。須怕三仇。爲怕三仇。須愛天主。此事關係永遠。未有大於此者。比不得世俗之新年。無關輕重也。

當務之求 爲罪人改過

祝文 天主。爾德能靈異中。不棄弱女輩。賜致命者榮勝。懇祈我等慶爾聖葛隆巴致命童女誕日。因其遺表。躋爾臺前。爲爾子吾主耶穌基利斯督。亞孟。

廿九日 聖撒平 主教致命

警言○愛子必守子令。子父亦愛之。又子等偕來居其內。聖經

聖傳○當西總王禁止聖教時。異端乘機仇恨。以殺天主教。大呼於城市間。聖撒平恐教眾被其惑亂。周流安慰。駐劄大里亞國之員。名未奴思天。差人拘捕。同主教之副祭聖瑪爾瑟祿聖厄蘇伯蘭嚴禁

於監。越數日。出監聽審。官手捧珊瑚邪像。命行叩拜禮。聖人出其不意。撇手奪之。擲之於地。壞處甚多。官大怒。斫斷聖人手腕。收監再議。將二副祭死於杖下。聖人在監時。有女教友常來照看。適女教友之侄。病目而盲。求於聖人。聖人求主愈之。此時官亦病目。至三十餘日。聞聖人愈目之事。親自赴監求救。聖人曰。此事不難。須信耶穌爲天主。一家全受聖洗。必得所求之恩。官即允從。將珊瑚碎像。投入火中。學習教中要理。閤家俱受洗入教。日病全瘳。未幾。天主大恩。一家先聖人而致命。新官查閱舊案。立拿聖人。鞭笞至死。時天主降生後三百一年。

宜行之德 愛天主

聖思 一人之大孝。在愛天主萬有之上。此係天主生人本意。亦係人在世之本分。除此之外。憑他什麼大事。都算不得。亦比不得。如今這

一年。曾爲天主出了何力。可將汝所思所言所行。通盤省察。一省察。一年共若干日。爲世俗者多少。爲天主者幾何。若是爲世俗之時。十有八九。爲天主之時。十無二三。汝之愛情何在。一。汝旣少愛天主。則此少愛之時。卽係多罪之時。今這一年。幾次犯天主之規誡。幾次背天主之神恩。不斷不離之聖佑。汝常斷之離之。毋慢毋違之聖跡。汝皆慢之違之。果然自己一一問明。便如達味聖人言。狠有罪於天主臺前者。外面都好。但與內心不合。騙人讚美。騙不得天主。旨哉斯言。汝心可與好年相對否。少愛如少錢。多罪如多債。好從何來。一。爲補此少者。這幾日。不該發憤爭先。如孳孳求利然。滿此缺陷麼。爲去此多者。這幾日。不該徹底澄清。如交盤算賬然。償其欠負麼。當知缺陷雖深。肯理性上用功。卽有吾主耶穌之寶血。代汝滿之。欠負雖多。肯實心痛解。肯立志改遷。

卽有吾主耶穌之血價。代汝償之。如此便捷。如此容易。爲何不整備此心。過一個好年。

當務之求 爲怙終不改者

祝文 全能天主。垂盼我劣。爲本行重任屈壓。賴爾聖撒平致命兼主教轉達。得厥護翼。爲爾子耶穌基利斯督亞孟。

### 三十日聖女歐福祿西訥 童身隱修

警言○最大最先。愛天主。是。厥次並列。愛邇己猶己者。是。聖經

聖傳○凡倚賴天主聖佑者。所望俱能如願。雖險亦安。雖難亦易。雖柔懦無才。而三仇之害。克勝而有餘。試觀聖女歐福祿西訥所行可

證也。聖女二親。係厄日多國人。族尊家富。同心敬主。因久婚未育。母許所生獻主。父更求各修院代祈。有一院長大德盛名。代祈最切。主允其求。孕生聖女。名歐福祿西訥。譯言喜樂之意。自幼熟習聖規。年十二。母親見背。年十八。父允求婚之聘。聖女素懷難展。求父同往修院。仍向大德盛名之院長。祈主保佑我後來之事。所言都是輕世俗棄虛榮之意。最喜修院規條。自云。隨此以爲吾主。可得真福。說此再三。院長洞知聖女本心。遂祈主降福。准其所願。歸後。更比前不同。全絕世情。嚴齋苦服。簪環釵鈿。變價濟貧。一日之中。惟有念書默想。悔過誦經。指明事主愛人之道。並無閒話妨工。父雖目擊。毫不動心。惟預備完姻之事。聖女明知難以挽回。定志離家。遷居女院。轉想父必追尋。求主賜一善全之路。陡生一計。扮作男人。投入男院隱修。可保無虞。父適外遊。乘夜離家。往

投前日所到之院。求老院長收留。自言我名赫默耶。安心修道。素聞盛德。匍匐奔投。老院長因語言肫切。允其所求。擇修士亞加伯教之。聖女發憤樂從。爲時未久。卓然品行不羣。父回。不見聖女。即通知納聘之家。多人訪覓。無計可施。仍往求老院長轉祈。院長命闔院修道人。大齋求主。使知此女之行踪。惟聖女默求。不許人知。主獨允其所求。單單默啟老院長。向父說知。汝可放心。汝女在平安之處。他將死之前。汝必能見面。父心少慰。但魔害甚凶。不許聖女心安意樂。念父爲我苦傷。望我承受之。富豪竟無着落。自己年輕力弱。後來如何了局。許多親戚。或念我而憂。或訾我而怪。諸念攻心。聖女猛然知係魔誘。挺志克除。魔計不能施於聖女。轉誘同人。以妙年不便容留。挑唆驅逐。幸諸修士。知係魔誘。向老院長說明。院長欲絕陷害之端。命居最後之深室。不許人來往。交

言者。惟師亞加伯而已。此行可防洩漏。正有益於聖女。從此苦工默想。獨善其身。學問德修。院中推爲第一。乃父慕名求見。院長允其相晤。命亞加伯爲導引。聖女見係父親。淚從心下。所幸苦尅之容。父竟不能認識。只因良善謙和之態。嘖嘖頌美之。聖女在院三十八年。絕無知者。天主鑒其功圓行滿。默示以升天之期。適父在院。求留此三日弗回。因第三日。有緊要之語奉聞。父疑有我女好音。候至第三日。請父到房。聖女明言我於某時。蒙天主允我到此修院。加恩庇護。直至於死。今日該我說明。我就是你的女兒。我穿此衣。爲要世俗人。不知我在此院之故。天主聖恩。保全到底。我父常常往來。從未斷我一些本分之工。今係天主之意。要我父在此親見我身之死。語完氣絕。父方聽聖女之言。眼見立時斷氣。老年人遇此急變。倒地昏沉。亞加伯求主施恩。久迷始醒。拍手

大聲曰。我女爲何如此。常在眼前。反處處尋覓。常常同說話。爲父的。一毫不認識。算是什麼人。你如今在天主臺前。享天主的福。我亦不該痛哭。如今我不回去了。要在你住之處。修道以終。亞加伯。方知赫默郎。卽係歐福祿西訥。闔院眾修士。通來敬禮。此時天主特顯聖女之德。有二聖蹟。一。聖女棄世後。面發大光。一。修士內有原損一目者。向前求之。還晴復亮。時天主降生後四百五十年。

### 宜行之德 愛人

聖思 一。爲滿愛人之誠。必該盡心救人靈魂。盡力救人肉身。今這一年。汝果不缺此善功麼。所費何心。所出何力。所救何人。天主全知。不可自欺。若未曾救過一兩個人。不獨不愛人。併不愛天主。妄費天主一年時日。還增許多罪愆。何慶賀之有。 一。要有慶賀。不坑害人。不談人之

短。看別人比我都好。所行不錯。替人辦事。都爲天主。這一年。汝能事事如此麼。若有幾次不遵長命。有幾句害人之言。有幾個未曾和睦之仇。說不得可慶可賀。一。要人慶賀你。尊敬你。讚美你。又要不記你的錯處。但不知你待人。亦如此麼。天主換一個新年。原該慶賀。然不可只在口中恭賀。一年已去。一年又來。果能好待別人。天主至公。必引別人好待你。且天主待汝之好。更勝於汝待別人之好。到此地步。纔說得不負新年之慶賀。亦能知道長負去年之時日。

當務之求 爲仁愛會

祝文 救吾者天主。聽受吾禱。吾樂爾聖童女隱修歐福祿西訥瞻禮。望以誠心。得受訓誨。爲爾子耶穌基利斯督亞孟。

卅一日 聖西爾物斯德肋 教宗

警言○予已善戰。馳趨已畢。而守信德矣。餘惟存我義冕公判。吾主將償予於彼日焉。聖經

聖傳○聖西爾物斯德肋係羅瑪世家。幼遇鐸德。名西林。教以正道。聖人本性純良。熱心勤學。都中少有幾及者。收葬致命之屍。有外方教友。即居之。食之。餽送之。聖低莫投。素有富名。常舍於聖人家。官疑貲財必貯於此。即拿聖人於獄。次日。官被魚骨刺喉而死。釋放歸家。年甫三旬。累陞鐸德。未幾。教宗謝世。輿情公舉。即位後。聖教大不太平。避居別地。去都計七千里。時總王公斯當定。遍身癩癩。諸法不瘳。一醫入告曰。取孩童熱血浴之。癩可淨也。總王嚴飭云。有此無理之方耶。寧死我

一命。不肯爲我而害多人。夜夢聖伯多祿聖保祿二宗徒。慰云。天主樂爾愛人之心。命予語爾。某地某人。係聖教教宗。可差員往請。求其善法。愈爾靈魂肉身之癩。次日。卽照所夢行。聖人入見。王以前夢告之。聖人曰。我之善法。惟有信天主而已。卽將教中真理。逐一陳明。數日之間。王竟篤信無疑。遵規領洗。身淨癩除。王更感激之至。一舉一動。必倚靠天主。請命於聖人。乘此昌期。首平多艱。斥邪崇正。革面革心。各地方開創廣揚。化行俗美。在位二十二年。經營况瘁。樂此不疲。善政仁風。迄今猶世守之。時天主降生後三百三十五年。

宜行之德 預想臨終

聖思 一。旣知今夕。爲一年之終。不想死候。爲一生之終麼。爲肉身者。結算一年財利之盛衰。汝爲靈魂。不該結算一年功罪之重輕麼。汝可

說如聖保祿滿了本分麼。天主賞此一年。命汝奉事天主。爲何空過之日甚多。犯罪之時更不少。若年年如此。可望升天麼。未必。未必。這一年的快樂光榮。而今何在。惟有立功天主臺前。一次必有一次之樂。肯爲天主受些艱苦。苦皆過去。後來之大指望。常存於心。倘無此樂。必有得罪之憂。此憂何以解之。過去之年。不能回來改汝之罪。後來之年。還敢放心大膽麼。戒之。戒之。一年終之夕。人人皆知定日。身終之候。無一人能定此期。若當重罪時。猝然離世。必係永苦的起頭。今天主無限仁慈。留汝補贖。還不該及時修省麼。在世只這一年。亦未可定。一悞豈容再悞。爲何不預備神工。將一年罪愆。告解乾淨。以免死候之難。若天主容汝還有明年。更當日日如同今夕。不該說一年只此一夕。至囑。至囑。

聖年廣益… 十二月卅一日 聖西爾物斯德肋

一五九四

當務之求 爲臨終者

祝文 懇祈全能天主。爾聖西爾物斯德肋精修教宗。每年瞻禮。加我心虔而體安。爲爾子耶穌基利斯督。亞孟。

29

311221

(3)